

34



1767
94


de.

Plant at 8 fms. S. of fort
in Roman. Hoop

34

6

Supports 45





**PARADISVS
ANIMÆ**

CHRISTIANÆ,
Lectissimis omnigenæ
Pietatis delitiis
amænus

Studio et operâ
Jacobi Merlo Horstii
Ecclie B. Mariæ Virg.
in Pasculo Pastoris.



Col. Agrippinæ.
Sumpt. Balth. ab Egmond
et Sociorum. A. 1683.



VI. Ponam inimicitias inter te
et semen mulieris.

VII. Duce Matres;
Mortis et Vitæ.

Libr. Egmond. ed.

Sumpt. Balth. ab Egmond
et Sociorum.

EXPLICATIO TITULI,

& Argumentum PARADISI.

Septem Cellula Tituli respondent totidem Sectionibus

PARADISI.

- I. **DEUS OPT. MAX.** principem locum obtinet, qui Hortum voluptatis seu Paradisum, imo cælum & terram, & omnia quæ in eis sunt, condidit ab initio, idque solius hominis causa. Vide, quam humili, pia, & grata mente nobis Auctor tam Potens, Sapiens, & Bonus colendus est?
- II. Status innocentie primorum Parentum, in Paradiso typus erat ejus felicitatis & gloriæ, qua BEATI nunc fruuntur in cælo, quo vitæ innocentia pervenerunt. Nos ergo terrestri Paradiso exules, ad cælestem Sanctorum exemplo & Patrocinio aspiremus.
- III. Adam post admissum crimen fugiens latebras quærit. Sed quo fugies miser, ut effugias oculos Dei, qui videt omnia? Ejus vox est: Adam ubi es? quæ agnitionem culpæ, POENITENTIAM & resipiscenciam Adamo suadet? Quid ni & nobis? sed absint verba malitiæ ad excusandas excusationes in peccatis; Mulier quam dedisti mihi, &c.
- IV. Vestes Adamo & Evæ à DEO factæ VIRTUTES indicant: ut illis corpus, sic his ornatur animus. Vestibus calor Naturæ, Virtutibus calor Animæ fovetur. Ne & nos nudi simus & fædi in oculis DEI, ornemur virtutibus. Ne tepidi fiamus & frigidi, Caritate & Justitia indui studeamus.
- V. Lignum Vitæ est in medio Paradisi, cujus esu restauranda erat vita Hominis, & immortalitas paranda. Nobis in medio Ecclesiæ exponitur PANIS VIVUS & cælestis, ex quo, Qui manducat, non morietur in æternum.
- VI. Serpens astu suo seduxit hominem in mortem. Christus, in quo dolus non est, Passus & mortuus in Cruce vitam nobis reddidit. O magnum Pietatis opus, pia semper & grata mente recolendum!
- VII. Die septima requievit DEUS ab opere suo. Et homo per MORTEM requiescit à laboribus suis. Quod vero MORS sit homini pœnalis & acerba, per EVAM est: Quod vero sit janua Salutis & Vitæ beatæ, per MARIAM est. Illa cum Serpente; Hæc cum Angelo Gabriele loquitur. O dispar colloquium! Inde Mors, hinc Vita profluxit. Colamus MARIAM; & non cademus in Mortem, nisi quæ ducat ad Vitam.

Perillustri ac Reverendissimo

DOMINO

D^o. MICHAELI ANTONIO
H A C H I,
Abbati Colbacensi,

Coadjutori Olivenfi S. Ord. Cestorvientiſis,

PROTONOTARIO APOSTOLICO, SS. TH. DOCT.

Sacræ ac Serenissimæ Poloniarum Majestatis

SECRETARIO, ET ELEEMOSYNARIO.

V I R O

Scientiarum Gloriâ,
Linguarum Peritiâ,
Humanitatis Laude;
Religionis Famâ,

Conspicuo.

Paradisum Animæ Christianæ,

repetitis curis typo recusum

in devoti animi tesseram cum voto humanæ æquæ ac
Divinæ prosperitatis

D. D. C.

JANSSONIO WAESBERGII

THE
D. MICHAEL J. TONNO
H. A. C. H. P.
ALF. COLLEGE
CONFIRMATION OF COVENANTS
FOR THE
SACRAMENT OF THE Eucharist

V. I. R. O.
Baptism (Cath.)
Confirmation (Cath.)
First Communion (Cath.)
Confirmation (Angl.)
Confirmation (Luth.)
Confirmation (Presb.)
Confirmation (Meth.)
Confirmation (Evangel.)
Confirmation (Other)
P. A. T. R. O. N. I. S.
in the name of the Father and of the Son and of the Holy Spirit
A. M. E. N.
J. A. S. S. O. N. T. O. W. A. S. S. E. T. I. S.

Serenissimo & Reverendissimo
P R I N C I P I
F E R D I N A N D O
A R C H I E P I S C O P O
C O L O N I E N S I ,
B A V A R I Æ D U C I , &c.
S E P T E M V I R O R U M
P R Æ S U L U M , P R I N C I P U M
S Y D E R I ;
I M P E R I I G E R M A N I Æ ,
P A T R I Æ D E L I C I O .

Serenissime Princeps, Clementissime Domine,

PARADISUM plantavi, conquiritis undique plantis lectissimis, non ad Voluptatem, sed ad Pietatem, (quanquam delicias jungere pietati, quid vetat, cum sola mens pia conscia sit liquidæ & sinceræ voluptatis?) Tutor itaque seu Custos querendus mihi fuit: (an Cherubin, aut Angelus quispiam?) qui prophanum vulgus arceat, aditumque custodiat, ne temeratio cujusquam incursum violenter. Deo quidem haud difficile fuit, plantatum à se Paradisum valido munire præsidio; utpote, cui ad nutum parent Administratorii illi Spiritus: Sed cum ego tuo, Clementiss. Princeps, subsum imperio, qua fronte Te Paradiso meo custodem statuam? Verumtamen solícite quærenti Tu solus voto meo par occurristi; utpote, qui tanquam alter Cherubin ad urbis hujus tutelam positus hostes incursum prohibes, & indigenas ab omni clade feliciter tuearis. Neque huc gladio flammeo atque versatili opus habes: suaviter enim disponis omnia, & subditorum

rum quieti ac tranquillitati, Prudentia, Benignitate, & quacunque potius ratione quam violenta manu consulis. Atque ut propius & convenientius instituto meo loquar; Moyſis potius, quam Joſue arma capeſſis, imo & ita hunc contra Amalecitas, id eſt Imperii ac Religionis hoſtes præliantem, dignis Sacro Præſule ſuppetiis adjuvas.

Teſtis inclyta COLONIA tua, in qua hæcenus inter ipſos quaſi bellorum furores & incendia, PAC E fruimur: & circumſtrepentibus undique armis, nec non frementibus Hoſtibus, tanquam ſecuri vivimus, non ſine peculiari Numinis ope, quam utique nobis rara tanti PRINCIPIS PIETAS, & ORANDI aſſiduitas, jūſſu tuo, & piſſimo inſtituto, jam hic è multis annis hucusque per omnes Eccleſias ſine intermiſſione continuata conciliant. Tantum valet apud DEUM deprecatio juſti aſſidua. Nempe vana ſine DEO eſt omnis vis & poteſtas; UNA UTILIS EST AD OMNIA PIETAS. Huic ego pro modulo meo adminiculum quoddam hoc labore conferre ſtudi. Si conatum pro inſita Clementia Celſitudo Tua probaverit, ſat hoc beneficii erit. Cætera PROVIDEBIT DEUS; qui Te nobis (hoc unum eſt ſubditorum omnium votum) ſoſpitet ſerveſque diu, & ſit tandem tua, & Gregis tui merces magna nimis. Colonia, in loco Paſcuæ,

Sereniſſimæ & Reverendiſſimæ C. S.

humilis Sacellanus

JACOBUS MERLO HORSTIUS,

B. Mariæ in Paſculo Paſtor.

P I O

P I O L E C T O R I .

EN habes, pie LECTOR, Paradisum non minore nunc denuo cura & labore renovatum, quam initio plantatum. Nam quod industriis hortorum cultoribus solemne est, ut novis semper rarisque floribus, plantis, herbis colligendis studeant; quin & veteres exstirpent, ubi pulchrior & natæ fuerint; idem & mihi accidit. Quamvis enim priorem Editionem, benignior ac propior spe mea, favor exceperit; secundis tamen curis, id est, sapientioribus, locum relictum expertus sum; ita quidem, ut quem nunc vides Paradisum, pæne alterum, novumque tibi spondere amsim: Sed an proinde gratum prorsus apiumque palatis omnium? Vereor sane (nam quid unum unquam placuit omnibus?) Forte, qui Scripturæ & rerum spirituum exiguum, vel nullum gustum habent, nec in Paradiso delicias inveniunt. Forte & prolixitas alicubi fastidio erit.

Sed habeant sua illi Officiola, suas preculas vulgares, aliaque similia, suæ devotioni congrua; utantur illis & fruantur. PARADISUM interim permittant minus occupatis, aut magis exercitatis. Sunt quibus lacte opus est; quando alii solido cibo felicius aluntur. Spero tamen utrisque non defuturum, quo se reficiant; modo palatum fastidii expers attulerint.

Ex aliorum Hortis & Viridariis, veluti S. Augustini, & Thomæ de Kempis, &c. non pauca in Paradisum transplantari poterant (uti factum prima Edit.) sed uterque teritur manibus omnium. Posterior quidem à nobis etiam novis nuper curis editus, & Notis illustratus; insuper & novis Ejusdem Auth. longè pulcherrimis auctus Opusculis sub tit. VIATORIS Christiani.

Simile quid in Asceticis S. AUGUSTINI, S. BERNARDI, Aliorumque Opusculis novo schemate propediem cultius auctiusque edendis molimur. Unde non videbatur operæ pretium, quidquam excerpere.

Denique, si quid in hoc PARADISO vel per me, vel per operas erratum; humanum id esse memento. Ecce nec ille Dei Paradisus expertus erroris fuit: Immo primus & gravissimus ibi commissus est. Sed errorem correxit Deus; non exiit errantes. Sic & tu, mi LECTOR, vel errorem benigne corrige; vel nos mone, per nos corrigere, ubicunque deprehendemur errasse. Irrepisse nonnulla video menda, sed & alia quædam quæ nollim, per nostram à prelo absentiam, tertiis demum curis emaculanda. Interim sic utere hoc Paradiso, ut ad illum Supernum tibi viam sternas; & si dignum censes, vel unico ad Deum suspirio, bene preceris Auctori.

OFEICIUM B. Virg. VII. Psalmi, *Licentia* magis usitata; & *Alia* quedam separatim nunc eduntur, ut cuiusvis arbitrio vel addi vel demi possint.

Quæ præterea scire tua refert, vide sis præfat. seq. & introductione in Parad. post Calendarium.

CHRI.

C H R I S T I A N O L E C T O R I ,

De Scopo, Methodo, & Ordine

P A R A D I S I .

Varios hæc Ætas, (ut est scriptorum ferax) libros protulit Christianæ Pietati utiles. Alii Spiritualis vitæ Documenta & monita tradunt. Alii sacras meditationes, & piorum Adfectuum argumenta suggerunt. Alii denique Orationes, Officia, Litanias & formata pietatis Exercitia continent. Vix est, ut queramus deesse, unde pietatem hauriamus; Varietate & mole tantum non obruimur.

Itaque Operæ pretium facturus videbar, si singulorum lustrarem Hortos & Viridaria: Plantas, flores, fruticesque melioris notæ seligerem, & novum quendam PARADISUM voluptatis, seu potius Pietatis plantarem; adeoque succum, & medullam eorum omnium, quæ Pietatis cultum spectant, unico Libello, ad usum quotidianum commodo, complecterer. Hæc mens & intentio mea, quam ex libri methodo plenius cognosces, quam subijcio.

I. Cum Oratio sit desiderium alicujus boni, & Hominis sit agere propter finem; quis oranti finis propositus? Deus utique, qui est supremus Finis, & summum hominis bonum. Itaque principio & prima Sect ut par est, colenda proponitur sanctissima Trinitas, seu DEUS Trinus & Unus, in cujus clara visione & fruitione consistit finis hominis, DEUS enim cultus sui ipse merces est.

II. Arduus hic finis & impossibilis nobis videri posset; nisi videremus jam alios attigisse. Ne ergo segnius ad illum tendamus; oportet nos eorum exemplo excitari. Curenim desperemus nos posse, quod alios novimus potuisse? Potuerunt sane Beati jam cum DEO regnantes in cælis; & ut nos quoque possimus, patrocinio suo nos adjuvant. Itaque de eorum cultu & Veneratione agetur *Sectio 2.*

III. Porro Sanctos imitari non possumus, nec Patronos habere, nisi à vitiis resipiscentes, ipsorum exemplo Pœnitentiam agamus, & veterem hominem exuentes, novum induamus; hinc ergo de Pœnitentia & peccatorum confessione rite instituenda agetur *Sectio 3.*

IV. Verum *declinare à malo* non sufficit, nisi & *bonum faciamus*, & officiis Justitiæ Christianæ ex æquo studeamus. Hinc de vita Spiritualis & Religiosa, Virtutibus quoque & mediis ad eam idoneis tractabit *Sectio 4.*

V. Ne vero hæc vita debilitetur & deficiat, sed magis magisque roboretur & crescat, alimento indiget; at quonam illo? *Panis confirmat cor hominis*, is utique *qui de Cælo descendit*, & *dat vitam mundo*, Caro enim Christi vere est *cibus*, & *Sanguis ejus vere est potus*. Hic vires animæ reparat ac roborat, ne deficiamus in via. Itaque de sacra Communione, ac sacrificio Mixæ agetur *Sectio 5.*

VI. Cæterum, quia tentationibus & miseriis multis semper obnoxia est hominis vita, nihil est, quod nos ad præsentis vitæ labores, & dura quævis fortiter perferenda, potentius excitet, aut etiam in adversis soleatur, quam Exemplum, seu Vita, Mors, & Passio Salvatoris: *Christo enim passio*

passo in Carne, & nos eadem cogitatione armemur; hac spe freti, quia, si com-
patimur, & conregnabimus. Hinc de Vita & Passione Christi meditando;
imitanda, aget Sect. 5.

VII. Dum ergo his Exercitiis & piis studiis continuo dediti vivimus,
identidem ad Vitæ metam properamus. Sed tanto securius, si vivamus
mortis ubique memores, & Matrem Vitæ ac Mortis Dominam, id est
Virginem Deiparam, semper, & in mortem usque sedulo colamus. Ita-
que cole eam, ut fidelis cliens in vita; & ipsa monstrabit se esse Matrem
in morte. Ad hoc cultus Virginis Matris, & cura Mortis septima Sectione
proponitur: Ut quemadmodum *DEUS* requievit die septimo ab omni opere
quod pararat; sic & homo per illam, in *cujus tabernaculo requievit Dominus*,
tandem feliciter requiescat a laboribus suis, & *DEO*, qui ipse laborantium
merces, æternum fruatur.

Hoc modo, & hac methodo videor percommode complexus omnia,
quæcumque ad usum & Exercitium Christianæ Pietatis desiderari pos-
sunt. Hoc enim singulariter mihi propositum, ut medullam & sum-
mam totius Pietatis, tum quoad theoriam, tum quoad Praxin brevi &
commodo libello colligerem, & hoc labore omnibus tam Laicis, quam
Ecclesiasticis servirem. Velim autem Meditationes seu Exercitia initio
cujusque Sectionis posita attentius legi, & expendi, in quibus præcipua
Spiritualis Vitæ documenta, Verbis & Sententiis ut plurimum sacris ex-
pressi; idque forma Colloquii inter Christum & Hominem, quia com-
pertumque habeo, tanto acrius & vehementius stimulari hominis Ani-
mum, quo major est docentis & moventis auctoritas; Sic altius, inquam,
verba penetrant cor, quia non tam ab homine, quam à *DEO* profecta
creduntur.

Vivus est enim sermo *DEI*, & efficax, & penetrabilior omni gladio
ancipiti, &c. Heb. 4.

A P P R O B A T I O

Censoris.

*Paradisum hunc anime Christianæ, à Jacobo Merlo Harstio SS. Theologie Licentiate
plantatum, & raris omnigena Pietatis delitiis amatum, ut multorum devotioni ser-
viri, luce & typis dignum censeo, Colonia, 14 Aprilis, MDC XLIV.*

Henrichs Francken Sierstorpius, SS. Theol.
D. Eccl. Metrop. Colon. Presb Can. Gy-
mnasii Laurent. Regens, Libror. censor.

TABULA TEMPORARIA

Anni Dni.	Litt. Dom.	Aur. num.	Epa- cta.	Septua- gesima.	Dies Ci- nerum.	Pascha.
1670	e	18	viiij	2 Febr	19 Febr.	6 April.
1671	d	19	xix	25 Jan.	18 Febr.	29 Mart.
1672	cb	1	j	14 Febr.	2 Mart.	17 April.
1673	A	2	xij	29 Jan.	15 Febr.	2 April.
1674	g	3	xxiiij	21 Jan.	7 Febr.	25 Mart.
1675	f	4	iiiiij	10 Febr.	27 Febr.	14 April.
1676	ed	5	xv	2 Febr.	19 Febr.	5 April.
1677	e	6	xxvj	14 Febr.	3 Mart.	18 April.
1678	b	7	vij	6 Febr.	23 Febr.	10 April.
1679	A	8	xviiij	29 Jan.	15 Febr.	2 April.
1680	gf	9	xxix	18 Febr.	6 Mart.	21 April.
1681	e	10	x	2 Febr.	19 Febr.	6 April.
1682	d	11	xxj	25 Jan.	11 Febr.	29 Mart.
1683	c	12	ij	14 Febr.	3 Mart.	18 April.
1684	b A	13	xiiij	30 Jan.	16 Febr.	2 April.
1685	g	14	xxiiij	18 Febr.	7 Mart.	22 April.
1686	f	15	v	10 Febr.	27 Febr.	14 April.
1687	e	16	xvj	26 Jan.	12 Febr.	30 Mart.
1688	dc	17	xxviij	15 Febr.	3 Mart.	18 April.
1689	b	18	viiij	6 Febr.	23 Febr.	10 April.
1690	A	19	xix	22 Jan.	8 Febr.	26 Mart.
1691	g	1	j	11 Febr.	28 Febr.	15 April.
1692	fe	2	xij	3 Febr.	20 Febr.	6 April.
1693	d	3	xxiiij	18 Jan.	4 Febr.	22 Mart.
1694	c	4	iiiiij	7 Febr.	24 Febr.	11 April.
1695	b	5	xv	30 Jan.	16 Febr.	3 April.
1696	Ag	6	xxvj	19 Febr.	7 Mart.	22 April.
1697	f	7	vij	3 Febr.	20 Febr.	7 April.
1698	e	8	xviiij	26 Jan.	11 Febr.	30 Mart.
1699	d	9	xxix	15 Febr.	4 Mart.	9 April.

MARTIUS

Habet dies xxxj.

1	d	
2	e	
3	f	
4	g	Lucii Papæ & martyris.
5	A	
6	b	
7	c	Thomæ de Aquino Confessoris.
8	d	
9	e	Franciscæ Romanæ.
10	f	Quadraginta martyr.
11	g	
12	A	Gregor. Papæ & Conf. & Eccles. Doct.
13	b	
14	c	
15	d	
16	e	
17	f	
18	g	
19	A	Joseph. Confessoris.
20	b	Joachimi Confessoris.
21	c	Benedicti Abbatis.
22	d	
23	e	
24	f	
25	g	Annuntiat. B. Mariæ.
26	A	
27	b	
28	c	
29	d	
30	e	
31	f	

APRILIS

Habet dies xxx.

1	g	
2	A	Francisci de Paula Confess.
3	b	
4	c	
5	d	
6	e	
7	f	
8	g	
9	A	
10	b	
11	c	Leonis Papæ & Confessoris.
12	d	
13	e	
14	f	Tiburtii, Valer. & Maximi martyr.
15	g	
16	A	
17	b	Aniceti Papæ & martyris.
18	c	
19	d	
20	e	
21	f	
22	g	Soteris & Caji Pontificum & martyrum.
23	A	Georgii martyris.
24	b	
25	c	Marci Evangelistæ.
26	d	Cleti & Marcel. Pontificum & martyrum.
27	e	
28	f	Vitalis martyris.
29	g	Petri martyris.
30	A	

M A I U S

M A I U S

Habet dies xxxj.

1	b	<i>Philippi & Jacobi Apostolorum.</i>
2	c	Athanasii Episcopi & Confessoris.
3	d	Inventio S. Crucis.
4	e	Monica vidua.
5	f	
6	g	<i>Joannis ante portam Latinam.</i>
7	A	Stanislai episc. martyr.
8	b	<i>Apparitio S. Michaelis.</i>
9	c	S. Gregorii Nazianzeni Episcopi.
10	d	Gordiani & Epimachi martyrum.
11	e	
12	f	Nerei, Achillei, Domitilla Virginis, & Pancratii martyrum.
13	g	
14	A	Bonifacii martyris.
15	b	
16	c	Ubaldi episcopi & confessoris.
17	d	
18	e	Pudentianæ virginis.
19	f	Bernardini confess.
20	g	
21	A	
22	b	
23	c	
24	d	
25	e	Urbani Papæ & martyris.
26	f	Philippi confessoris cum commemoratione S. Eleuth. Papæ & martyris.
27	g	Joann. Papæ & martyr.
28	A	
29	b	
30	c	Felicitis Papæ & martyris.
31	d	Petronilla virginis.

J U N I U S

Habet dies xxx.

1	e	
2	f	Marcelli, Petri, atque Erasmi martyrum.
3	g	
4	A	
5	b	
6	c	
7	d	
8	e	
9	f	Primi & Feliciani martt.
10	g	
11	A	<i>Barnaba Apostoli</i>
12	b	Basil. Cyril. Nab. & Nazarae marty.
13	c	Antonii de Padua Confessoris.
14	d	Basilii episc. & conf.
15	e	Viri, Modesti, & Crescentiz marty.
16	f	
17	g	
18	A	Marci & Marcel. martyr.
19	b	Gervasii & Protasii martyrum.
20	c	Silverii Papæ & mart.
21	d	
22	e	Paulini episc. & conf.
23	f	Vigilia.
24	g	<i>Natiuitas S. Joannis Baptista.</i>
25	A	
26	b	Joannis & Pauli martyr.
27	c	
28	d	Leonis Papæ & confessoris & Vigilia:
29	e	<i>Petri & Pauli Apostol.</i>
30	f	<i>Commemoratio S. Pauli Apostoli.</i>

JULIUS

Habet dies xxxj.

1	g	
2	A	<i>Visitatio S. Mariæ.</i>
3	b	
4	c	
5	d	
6	e	
7	f	
8	g	
9	A	
10	b	Septem frat. & SS. Ruf. ac Secun.
11	c	Pii Papæ & mart.
12	d	Naboris & Fel. mart.
13	e	Anacleti Papæ & martyris,
14	f	Bonaventuræ Episcop. & con- fessoris.
15	g	
16	A	Alexii Confessoris.
17	b	Symphorosa cum septem fi- liis martt.
18	c	
19	d	Margaritæ virginis & marty- ris.
20	e	
21	f	Praxedis virginis.
22	g	<i>Mariæ Magdalene.</i>
23	A	Apollinaris episc. & mart.
24	b	Vigilia.
25	c	<i>Jacobi Apostoli.</i>
26	d	Annæ Matris B. Mariæ.
27	e	Pantaleonis martyris.
28	f	Nazarii, Celsi, & Vi&.
29	g	Marthæ Virginis.
30	A	Abdon & Sennen marty- rum.
31	b	Ignatii confessoris.

AUGUSTUS

Habet dies xxxj.

1	A	<i>Petri ad Vincula.</i>
2	d	Stephani Papæ & martyris.
3	e	Inventio S. Stephani.
4	f	<i>Dominici confessoris.</i>
5	g	<i>Dedicatio S. Mariæ ad Nives.</i>
6	A	<i>Transfiguratio Domini.</i>
7	b	Donati episcopi & martyris.
8	c	Cyriaci, Largi & Smaragdi.
9	d	Vigilia.
10	e	<i>Laurentii martyris.</i>
11	f	SS. Tiburtii & Sufan.
12	g	Glariæ virginis.
13	A	SS. Hippol. & Cass. marty- rum.
14	b	Vigilia.
15	c	<i>Assumptio B. Mariæ.</i>
16	d	
17	e	
18	f	Agapiti martyris.
19	g	
20	A	Bernardi Abbatis.
21	b	
22	c	SS. Timoth. & soc. marty- rum.
23	d	Vigilia.
24	e	<i>Bartholomæi Apost.</i>
25	f	Ludovici confess.
26	g	Zephyrini Papæ & mart.
27	A	<i>August. episc. confess. & Eccl. Doctor.</i>
28	b	
29	c	<i>Decollatio S. Joannis Baptist.</i>
30	d	Felicitis & Adæm martyrum.
31	e	

SEPTEMBER

Habet dies xxx.

1	f	Ægidii Abbatis.
2	e	
3	A	
4	b	
5	c	
6	d	
7	e	
8	f	<i>Nativitas B. Marie.</i>
9	g	Gorgonii martyris.
10	A	Nicolai Tolent. Confess.
11	b	SS. Proti & Hyacinthi martyrum.
12	c	
13	d	
14	e	<i>Exaltatio S. Crucis.</i>
15	f	Nicomedis martyris.
16	g	Cornelii & Cyprian. Pontif. martyrum.
17	A	Thomæ Episc. & conf.
18	b	Januarii episcopi & sociorum martyrum.
19	c	
20	d	Vigilia.
21	e	<i>Matthæi Apost. & Evangel.</i>
22	f	Mauritii & soc. martt.
23	g	Lini Papæ & martt.
24	A	
25	b	
26	c	Cypr. & Just. martyrum.
27	d	Cosinæ & Damiani martt.
28	e	
29	f	<i>Dedic. S. Mich. Archan.</i>
30	g	<i>Hieron. Presbyt. Conf.</i>

OCTOBER

Habet dies xxxj.

1	A	Remigii Episc. & confess.
2	b	
3	c	
4	d	<i>Francisci Confessoris.</i>
5	e	Placidi & soc. martt.
6	f	
7	g	Marci Papæ & confess.
8	A	
9	b	Dionysii, Rustici, & Eleuth. martt.
10	c	
11	d	
12	e	
13	f	
14	g	Callisti Papæ & martt.
15	A	
16	b	
17	c	
18	d	<i>Luce Evangelista.</i>
19	e	
20	f	
21	g	Hilarionis Abbatis.
22	A	
23	b	
24	c	
25	d	Chrysanthi & Dariz martyrum.
26	e	Euaresti Papæ & martyris.
27	f	Vigilia.
28	g	<i>Simonis & Judæ Apost.</i>
29	A	
30	b	
31	c	Vigilia.

NOVEMBER

Habet dies xxx.

1	d	<i>Festum omnium Sanctorum.</i>
2	e	<i>Commemoratio omnium fidelium defunctorum.</i>
3	f	
4	g	<i>Caroli Episcopi & Confess. cum commemoratione oct. omnium Sanctorum & Vital, & Agric. martt.</i>
5	A	
6	b	
7	c	
8	d	<i>Quatuor Coronatorum martyrum.</i>
9	e	<i>Dedicatio Basilicæ Salvatoris.</i>
10	f	
11	g	<i>Martini Episc. & conf.</i>
12	A	<i>Martini Papæ & mart.</i>
13	b	
14	c	
15	d	
16	e	
17	f	<i>Gregorii Thaum. Episc.</i>
18	g	<i>Dedicatio Basilicarum Petri & Pauli.</i>
19	A	
20	b	<i>Pontiani Papæ & mart.</i>
21	c	<i>Præsentatio B. Maria.</i>
22	d	<i>Cæcilie virginis & mart.</i>
23	e	<i>Clementis Papæ & mart.</i>
24	f	<i>Chrysogoni martyris.</i>
25	g	<i>Catharine virginis & mart.</i>
26	A	<i>Petri Alexandrini Episcopi & martyris.</i>
27	b	
28	c	
29	d	
30	e	<i>Andree Apostoli.</i>

Vigilia.

DECEMBER

Habet dies xxxj.

1	f	
2	g	<i>Bibiane virginis & mart.</i>
3	A	<i>Francisci Xaverii Confessoris.</i>
4	b	<i>Barbaræ virginis & mart.</i>
5	c	<i>Sabbæ Abbatis</i>
6	d	<i>Nicolai Episcopi & confess.</i>
7	e	<i>Ambrosii Episcopi & confess.</i>
8	f	<i>Conceptio B. Maria.</i>
9	g	
10	A	<i>Melchiadis Papæ & mart.</i>
11	b	<i>Damasi Papæ & confess.</i>
12	c	
13	d	<i>Lucie virginis & mart.</i>
14	e	
15	f	<i>Eusebii Vercell. Episcopi & martyris.</i>
16	g	
17	A	
18	b	
19	c	
20	d	
21	e	<i>Thome Apostoli.</i>
22	f	
23	g	
24	A	
25	b	<i>Nativitas Domini.</i>
26	c	<i>Stephani Protomartyris.</i>
27	d	<i>Joan. Apost. & Euang.</i>
28	e	<i>Ss. Innocentium martt.</i>
29	f	<i>Thomæ Cantuar. Episcopi & martyris.</i>
30	g	
31	A	<i>Silvestri Papæ & confess.</i>

Vigilia.

Vigilia.

Hæc Epact. 19. nunquam est in usu, nisi quando eodem anno concurrit cum auro numero 19.

INTRODUCTIO

IN PARADISUM.

PARADISUM vides, pie LECTOR, apertum omnibus: nolim tamen quenquam temerè huc pedem inferre. Quin paucis in aditu te præmonitum volo.

Vulgaris admodum error est; devotionem in libris ponere, vel habere: quæ magis in anima quærenda est. Multi se devotos putant, aut tales putantur, si benè multas, ac prolixas quotidie ex piis libellis, Preces, velut pensum quotidianum, certa quadam ac stabili lege persolvant.

Esto, habeat hoc aliquam pietatis speciem: Nec id ego quidem prorsus damnaverim: At si tales interim non mutant & emendent mores, nec internæ pietatis, aut solidæ virtutis rationem habeant, sed identidem in suis preculis hæreant & acquiescant; cui non merito suspecta sit huiusmodi Devotio? caret quippe radice ac succo, unde pendet omnis sinceræ pietatis vigor.

Nam hoc potissimum nomine commendatur orandi studium, quod profectus, ac sanctioris vitæ præsidia comparet. *Benè novit vivere*, ait Augustinus, *qui rectè novit orare*. Ita est; Mutua sunt bonæ Vitæ, & bonæ Orationis auxilia: nec alterum sine altero consistere potest. Orationem bona vita commendat; Oratio bonam vitam conservat ac promovet.

Quis ergo censendus *Devotus*, quæris? Is utique, qui erga res divinas, Orationem, & pietatis officia prompto affectu ducitur: Sed & vitam quoque divino dignam obsequio ducere nititur. Vis ergo, mi Christiane, pius esse, aut certè fieri? Hoc non fit verbis quantumvis piis sanctisque, sed factis. Dum itaque legis pias, sanctas; devotasque preces, parem junge pietatis affectum, & serium ad pios sensus in te met exprimendos studium adhibe. Nam pia legere, faciliè quivis, etiam impius, potest. Sed pia legere (curare, scilicet, ut sanctis verbis respondeant mores) hoc non nisi piorum est. Paucis, quod ore versas, hoc facin corde sentias; ne audias & tu: *Hic populus labiis me honorat, cor autem eorum longe est à me*: aut illud: *Quare tu enarras iustitias meas?* &c.

Quid

INTRODUCT. IN PARADIS.

Quid enim est ORATIO, nisi mentis in Deum elevatio? Quomodo autem mens erit in coelo, si mores in cœno jaceant?

Porro solet ORATIO in *Mentalem* & *Vocalem* dividi; quod cave sic accipias, quasi *Vocalis* solius vocis aut oris officio constet: Nam & in ea mentem requirimus, si non actu, saltem habitu & virtute præsentem.

Quid enim Oratio sine mente, nisi palea sine grano, cortex sine medulla, lampas sine oleo, flores sine fructu, corpus sine anima? Falluntur prorsus qui Deum speciosis, ex cultis, vel etiam sanctis verbis flecti putant. Spiritus est Deus, & in spiritu adorandus est.

Quorsum ergo verba, ritus, ceremoniæ? dicat aliquis: Nempe ad solum hominis animum excitandum: Is unus est, quem respicit, & quo movetur Deus. Ecce Cain & Abel fratres; utrumque quidem offerentem Deus vidit: sed dispar offerentium animus utriusque apud Deum munera & merita discrevit, ut solius Abelis sacrificium respexisse dicatur.

De triplici Attentione Orationis vocalis, nempe ad Deum; ad verba; & ad sensum verborum; nota res est; nec est præsentis instituti, Doctrinam orandi prolixius tradere. Peculiarem id Tractatum requirit; Quæ verò magis necessaria visa sunt, in *Colloquio I Sect.* pius LECTOR inveniet. Sed quia vocalis Oratio malè nimium apud plerisque audit, pauca non abs re ante Paradisi ingressum prænotanda duximus.

Duplex itaque est *Vocalis ORATIO*; *Publica* & *Privata*: ad *illam* Psalmodia Ecclesiastica, seu Horæ Canon. pertinent: ad *hanc* Preces arbitrariæ, quas quisque vel sibi ipsi format, vel ab aliis formatas assumit. De *posteriore* nunc agimus, & ut benè fructuoseque fiat, *REGULAS* quasdam huc necessarias paulo post trademus; quæ tamen *priori* quoque non minus convenient.

Duo autem sunt *MODI* cæteris perfectiores, quibus institui potest *Oratio vocalis*.

I. Cum orans attente & perfecte recitat singula: ut etiam intelligat, quæ legit, sed progreditur continuo; ita ut nusquam mens inhæreat, & lecta ruminet.

I N T R O D U C T I O

Est quidem hic vulgaris Modus orandi: sed sic vix aliquo pio gustu pascitur animus orantis. Nam si quem forte pium sensum vel affectum verbum vel sententia quæpiam suggerat, is in progressu ad alia protinus elabitur & evanescit.

Unde similis est hic modus pluviae, seu imbri, cum impetu, & copiose cadenti, qui superficiem terræ tantum lambit, non perfundit, aut irrigat. Nam priusquam imbi possit, defluit. Sic, inquam illa *Vocalis oratio* festina sensibilibiter tantum afficit orantem; sed nullo solido affectu mentem imbuat; dum nullibi pes figitur, & continuo ad alia pergitur.

II. Instituitur *Vocalis Oratio*, quando oras non modo cum intellectu verborum, sed & in singulis quasi verbis, aut saltem sententiis, pium aliquem sensum conficientibus, mens paulisper insistit, eas expendit ac ruminat; seseque, quasi gratum nacta pabulum reficit.

Sic verbi gratia recitando *Orationem Dominicam*, aut *Psalms*, in vocibus, aut sententiis non nihil immorari licet, & expendere quid cœlestis illic mellis, quid spiritualis gustus, solatii, & doctrinæ lateat, ad congruos ex singulis affectus, verbi gratia fidei, spei, amoris, &c. eliciendos.

Hoc genus orationis est instar, continuatæ Pluviae, minutis quidem, sed densis guttis decidentis; quæ proinde terram subit, & ad interiora penetrat, eamque copiosius irrigat ac fecundat. Talis quippe Oratio, certum habet scopum & finem; adeoque certos post se affectus menti impressos relinquit, unde deinceps reficitur, pascitur, irrigatur uberius.

Hujus orationis modum & praxin nos passim per singulas Paradisi Sect. in *Orationem Dominicam* sat luculenter ostendimus.

Ita solitum orare illustrem sanctimonia & doctrina Virum *P. Leonardum Lessium*, refert Auctor Vitæ cap. 10. Exemplum sit, inquit, Dominica precatio (idem iudicium esto de aliis) quam non cursim, ut multi malè solent, percurrebat; sed singulos versiculos bis, ter, vel sepius repetebat: nec ad sequentem transibat prius, quam prioris singula verba morosè excussisset, & lapido cordis affe-

IN PARADISUM.

affectu pariter degustasset. Satiùs siquidem, ajebát, esse, semel duntaxat *Orationem Dominicam* sic repetitis & degustatis versiculis recitare, quam centies exigua attentione eam cursim percurrere. Sed age, pauca in hanc rem tradam.

MONITA

in omni ORATIONE perutilia.

I. Præparandus est animus. *Ante orationem præpara animam tuam, & noli esse quasi homo tentans Deum.* Nempè cogita seriò, quid facturus sis, Nam loquêris & ages cum Deo, Creatore tuo; Cœli Terræque Domino; laudes illi dices; tuas illi necessitates & infirmitates expones; opem ejus & beneficia posces: At quam attentè, reverenter, religiose, piè, humiliter in tantæ Majestatis conspectu hæc fieri necesse est!

II. Præmitte actum *Contritionis*. Nam *Deus peccatores non audit*, imò odit; nempè quatales; seu, quos peccasse non pœnitet. Et quomodo audet reus impœnitens ingerere se conspectui offensi Judicis?

III. Præfige tibi bonam *Intentionem*; imò non unam, sed plures. Nimirum, quod orationem ad solius Dei gloriam, tuam, & proximi salutem instituas, hac vel illâ virtute, donari; hoc vel illo vitio liberari desideres, &c.

IV. *Pete gratiam* ad piè, attentè, & utiliter orandum. Interim tu ipse firmiter propone, nullas alienas ab oratione cogitationes, quantumvis importunè, quacunque specie, aut utilitatis prætextu se ingerentes, scienter admittere; Ideoque sensibus, præsertim oculis, & auribus diligentem custodiam adhibe. Quam facile per has portas intrat, quod pacem animi turbat? Locus devotioni magis idoneus, distractioni minus obnoxius eligatur. Compositio corporis ea sit, quæ pietati serviat.

V. In ipso decursu Orationis sæpius *recollige mentem*. Memoriam divinæ præsentiae frequentius renova. Adspargenda subinde Oratio (nempè vocalis, præsertim ab alio formata) & quasi condienda propria aliqua mentis allocutione, ut & ipsa ex se Deum compellet, ac per se, quasi sine ad-

I N T R O D U C T I O

miniculo alterius cum Deo agat; quod fiet eliciendo congruentes verbis aut sententiis lectis affectus nempe *Fidei Spei, Charitatis, Contritionis, Gratitude, Humilitatis, &c.*

VI. Denique ab Oratione reverenter discedere memento. Admissus a Principe ad Colloquium negotii causa, si eo exposito, confestim obverso dorso discederes; non exhibito ullo reverentiæ, aut gratæ mentis indicio; quam id esset indecorum ac rusticum!

Itaque Orationis tuæ successum paucis examina; Dole de commissis defectibus; ac veniam pete, obsequium licet imperfectum Deo supplex offer & commenda, ut per merita Filii I. C. B. Mar. Virg. & omn. S. S. gratum habeat; idque ad intentionem seu finem initio præfixum. Hæc omnia breviter ac facile fieri possunt. Formulas infra dabimus.

Hic est modus rectè & utiliter orandi, seu formulis Precum in *Paradiso* alibive præscriptis utendi: quem si non observes, bone LECTOR; libens & ego fatebor, vocalem Orationem aridam esse, omnis succi, & spiritualis gustus fructusque expertem: fieri, quod Propheta queritur; ut *comedas & non satieris; bibas & non inebrieris; semines mutum, & inferas parum, &c.*

Habent sanè, non inficior, hoc incommodi orationes, quæ recitantur ex libris, (sed quid mirum, ubi deficit illa, quam diximus, orandi industria?) quod sæpe affectibus propriis, aut necessitatibus ejus qui recitat, minus respondeant: ita scilicet, ut verba sæpè sonent compunctionem, amorem Dei, & proximi; studium divinæ Legis, detestationem cupiditatis, &c. (verbi gratia cum dicit; *Domine non est exaltatum cor meum; neque elati sunt oculi mei. Idem, quomodo dilexi legem tuam Domine, tota die meditatio mea est. Propterea dilexi mandata tua super aurum & topazium, &c. Inclina cor meum in testimonia tua, & non in avaritiam, &c.*) Cum tamen recitans nihil eorum gustet in animo, imò affectus his virtutibus contrarios sentiat; nec reflectat sese, ut vel semel de iis extirpandis cogitet. Adeo non convertitur Oratio ejus in finem ejus. Nimirum dum alienos cibos, quasi præmanfos, & ad alterius palatum gustumque præparatos, sine multiplicatione confestim ingerit, fraudatur

I N P A R A D I S U M.

jucundo sapore; nec eos sat probè in suum succum & sanguinem convertit.

Quid hic porrò remedii, nisi ut pios illos conceptus in libris precariis expressos, quasi apud se natos ex intimo animo animi sui sensu pronuntiet; iisque inter legendum affectum suum conformet; & quos in sese deprehendit contrarios naturæ rebellis affectus; coram Deo abneget; ejusque gratia vincere & corrigere studeat.

Securissima autem in hoc genere est **ORATIO DOMINICA**, quæ cuivis hominum generi, statui, & necessitatibus omnium accommodata, nemini non convenientem & necessariam orandi materiam suggerit: Ut non mireris, pie Lector, si in Paradiso hoc novoper singulas Sectiones tot, & tam varia in *Orationem Dominicam* Exercitia videas. Quin potius mecum mirare, quod tam sit fecunda piorum sensuum, & tam varium ac multiplicem orandi usum una, atque adeò brevis Oratio præbeat.

Sed quid mirum, quando ipse Magnus in suprema Curia *Libellorum supplicum* Magister, eam nobis concinnavit & dictavit? Elogia ejusdem plura & pulchra sane petat **LECTOR** ex S. Cypriano, S. Augustino, &c. nobis id per has angustias non licuit.

Complures, & novas quidem hîc **LITANIAS** damus; sed ne quenquam offendat novitas: ex meris Scripturæ verbis & sententiis constant. Et præcipua, tum divinæ naturæ, tum & Personarum in SS. Trinitate attributa, perfectiones, officia, beneficia, laudes & elogia repræsentant: Et reipsa quid sunt, nisi Aspirationes devotæ, quales ex verbis Scripturæ sano sensu acceptis firmare cuivis liceat;

In his ceterisque pius **LECTOR**, ni fallor, sat uberem habebit piorum affectuum, & sanctarum meditationum materiam. Si cui forte prolixitas alicubi pariat nauseam, is studeat eam vincere, vel condire Amore Dei: Sin minus; prolixiora in partes dividi nihil vetat. Alioqui, sicut in lauta mensa, sic & in *Paradiso* varia vides apponi fercula; ut quisque seligat, quod magis ad gustum. Præstat enim & hic multum potius, quam multa. Sed verbis S. Augustini claudamus Introductionem:

INTRODUCT. IN PARADIS.

Neque enim, inquit, ut nonnulli putant, hoc est orare in multiloquio, si diutius oretur. Aliud est sermo multus, aliud est diuturnus affectus. Nam & de ipso Domino scriptum est, quod pernoctaverit in orando, & quod prolixius oraverit: ubi quid aliud, quam nobis præbebat exemplum, in tempore precator opportunus, cum Patre exauditor eternus? Absit enim ab oratione multa locutio, sed non desit multa precatio, si fervens perseverat intentio. Nam multum loqui est in orando rem necessariam superfluis agere verbis. Multum autem precari, est ad eum, quem precamur, diuturna, & pia cordis excitatione pulsare. Nam plerumque hoc negotium plus gemitibus, quam sermonibus agitur; plus fletu, quam affatu, Ep. 121.

ORATIO PRÆPARATORIA,

Ante quamlibet Orationem utiliter præmittenda.

Omnipotens æterne Deus, ego peccator indignus, attamen opus manuum tuarum, venio coram te, ut laudem te, quia tu es Deus, Dominus, Creator, Salvator ac Conservator meus! quem solum mihi, proximisque dona ad salutem utilia præstare posse scio, quia summe potens es; & velle non dubito, quia summe bonus es. Quem omnes creaturæ in cælo & in terra laudare debent, & nunquam pro merito laudare sufficiunt.

Verum miser ego ad orandum Te, heu, quam indignus, & imparatus venio ob innumera peccata mea! Deleo ex intimo corde meo, quod unquam offenderim Te Deum meum, summe bonum, quem laudare & amare super omnia debueram.

Sed tu me fac dignum per misericordiam tuam: & munda me pretioso Sanguine Jesu Christi Filii tui Salvatoris mei, ab omnibus iniquitatibus meis. Quin & ab omnibus vanis, noxiis, & alienis cogitationibus libera cor meum, ut in spiritu, & veritate Te adorare & laudare valeam; & quæ supplex ab immensa bonitate tua petiturus sum, obtineam; idque secundum beneplacitum clementissimæ voluntatis tuæ, cui per omnia me libens, subjicio. At quomodo servus inutilis inveniet gratiam in conspectu tuo? Respice ô Pater in faciem Christi tui, in quo tibi bene complacuit: in cuius Nomine supplex rogo, ut clementer exaudias me.

Ecce ardentissimæ ejus orationes, pios affectus; & sancta desideria, sanctissimæ ejus cogitationes, verba & opera; omniaque Vitæ, Passionis ac Mortis illius merita offero Tibi, ut ex illorum perfectione, & unione suppleantur omnes defectus mei, & per Illum velut Mediatorem & advocatum nostrum, placeat Tibi, ô Pater æterne, obsequium hoc servitutis meæ.

Et utinam affectu, zelo & fervore beatissimæ Matris & Virginis Mariæ, sanctorum Angelorum, & omnium Beatorum, præsertim Patronorum meorum, N. & N. Te colere, amare & laudare valeam.

Idque eo fine, ut auferas à me, quidquid Tibi displicet in me; imprimis N. & N. Imperfectum meum vident oculi tui, ô Scrutator cordium. Gratiam quoque, & virtutes mihi magis necessarias, ut in vocatione mea dignius serviam Tibi, velut has N. & N. benigne largiaris. omnia *Ad majorem nominis tui gloriam*. meam & proximorum salutem, & defunctorum solatium, maxime quibus singulariter obligatus sum.

Hoc unum Domine vehementer desiderat anima mea, nimirum, servire, placere, & adhærere Tibi; nunc & æternum. Tu enim es Deus meus & omnia. Amen.

Oratio ante Horas.

Aperi Domine os meum ad benedicendum sanctum nomen tuum: cupio enim tibi attente & fideliter psallere, teque pure laudare, in unione illius perfectissimæ attentionis, qua tu Patrem rogasti & laudasti in terris; & præsertim, qua cum ardore cordis tui & in sudore sanguineo vultus tui orabas ad montem Oliveti.

Adjuva

Adjuva me gratia tua, sine qua nihil possum. & vis immensæ charitatis tuæ suppleat omnem defectum meum, ut placeat tibi obsequium servitutis meæ, quod offero ad gloriam nominis tui, & meam, proximique salutem. Amen.

Alia.

Actiones nostras, quæsumus Domine, aspirando præveni, & adjuvando prosequere, ut cuncta nostra oratio & operatio à Te semper incipiat, & per Te capta finiatur. Per Dominum nostrum.

Alia.

Deus cui omne cor patet, & omnis voluntas loquitur, & quem nullum latet secretum; purifica per infusionem sancti Spiritus cogitationes cordis nostri, ut te perfecte diligere & digne laudare mereamur. Per Dominum nostrum.

O R A T I O

Officium, aut Orationem claudens.

Dirigatur oratio mea sicut incensum in conspectu tuo, o Rex Regum, optime, potentissime & sapientissime. Defectus & errores ejusdem ignoscat quæso; paterna clementia tua, & suscipe eam in unione omnium orationum Dilecti Filii tui Jesu Christi, & Electorum tuorum in cælo & in terra; ex omni affectu Triumphantis & Militantis Ecclesiæ.

Ad gloriam tuam, & laudem B. Virginis, & Sanctorum omnium; eorum præcipue, quos hodie, vel ex decreto Ecclesiæ, vel tamquam Patronos sponte mea colendos suscepi:

Ad memoriam Passionis Jesu Christi Salvatoris mei; in gratiarum actionem pro omnibus beneficiis tuis: Ad salutem omnium, qui se mihi commendarunt: in satisfactionem pro peccatis meis, & gratia tua impetranda, & hac virtute N. & concede, ut benedicam Te in omni tempore; & sicut laus tua semper est in ore meo, sic etiam corde & opere Te prædicem, ut sobrietate, modestia, zelo, devotione, puritate, obedientia, mansuetudine, & patientia tibi placeam: ut omnes Te ament, & glorificent, qui es benedictus in sæcula Amen.

Alia.

Clementissime Deus, qui me peccatorem ex infinita bonitate tua non dedignatus es stare in conspectu tuo, ut laudarem te; ignosce mihi precor, omnes errores meos, quos vel ex ariditate vel negligentia, vel infirmitate naturæ, inter orandum admisi; ne oratio mea fiat mihi in peccatum; & gloriatur adversum me inimicus meus quod iis ipse vulneret armis, quibus ille ferendus erat.

Vide Domine humilitatem meam, & laborem meum, & dimitte uni-

universa delicta mea, per Unigenitum Filium tuum, in quo Tibi bene complacuit. Placeat Tibi oratio, & operatio mea, quæ heu, in multis deficit. Sed non despicies, sancte Pater, si respexeris in faciem Christi tui: illum enim cumulaſti omnibus bonis & gratiarum theſauris, ut illius abundantia nos divites eſſemus.

Confirma hoc Deus, quod operatus es in me, juravi enim & ſtatu custodire judicia juſtitiae tuæ. Fac ut diligam mandata tua ſuper aurum & topazion, amer à Te, amem Te in æternum. Amen.

Alia breviter.

S Uſcipe, clementiſſime Deus, intervenientibus meritis unigeniti tui Chriſti Jeſu, precibus quoque beatiffimæ Mariæ Virginis; & omnium Sanctorum tuorum, officium ſervitutis meæ.

Et ſi quid egi laude dignum, propitius reſpice: & quod negligenter actum eſt, clementer ignoſce. Qui in Trinitate perfectæ vivis & regnas Deus per omnia ſæcula ſæculorum. Amen.

Æ T E R.



Æ T E R N O
TOTIUS UNIVERSITATIS
AUCTORI, RECTORI,
J U D I C I,

DEO TRINO, & UNI,

Potenti, Sapienti, Bonoque,

JUSTITIÆ, & PROVIDENTIÆ
A B Y S S O:

MISERICORDIÆ PARENTI,

TER OPT. MAXIMO.

Qui Cœlum GLORIA;
Mare POTENTIA,
Terras SAPIENTIA;

Omnia BONITATE, imo TEIPSO reple.

Altissimo super omnem terram.

Cujus oculi lucidiores super solem, circumspicientes
omnes vias hominum.

RE.

R E G I M A G N O

super omnes D E O S.

Qui solus habes immortalitatem, & lucem inhabitas inaccessibilem.

Qui omnia in mensura, & numero, & pondere disposuisti.

In quo Vivimus, Movemur, & Sumus.

Qui aperis manum tuam; & imples omne animal benedictione.

Qui es P R I N C I P I U M & F I N I S,

Et S U M M U M Rationalis Creaturæ B O N U M.

Tuus sum ego: Tua sunt O M N I A.

E X Q U O, P E R Q U E M, & I N Q U O sunt omnia.

Quid enim mihi est in cælo?

Et à T E quid volui super terram?

O D E U S M E U S O M N I A.

R

P A R A D I S I
ANIMÆ CHRISTIANÆ
S E C T I O I.

P R O D O M I N I C A.

Complectitur hæc Sectio Litanias, Orationes, Gratiarum actiones, varias Meditationes, & expositiones Orationis Dominicæ, aliaque exercitia pietatis ad SS. TRINITATEM. Præmissò tamen ante omnia Colloquio inter Christum & Hominem; quo modus diligenter, piè & utiliter orandi traditur; & mens pius in Deum affectibus excitatur.

C A P. I.

Colloquium Christi & Hominis de modo recte
& utiliter orandi.

§. I. *Orandi necessitas & utilitas.*

C H R I S T U S.

HOMO natus de muliere, brevi vivens tempore, repletur multis miseriis: sed tanto miserior, si positus inter ipsas misérias nescit, quia miser est, & pauper, & nudus, & debilis; ad eoque nec curet remedia, quibus poterat consulere sibi, & non ponat Deum adiutorem suum. Si ignoras, ô homo, veni, secede paulisper mecum extra turbas, & ducam te in solitudinem; & ibi loquar tibi ad cor, si forte sic agnoscas miseriam & nuditatem tuam.

Memento itaque, mi homo, quia ego feci te, & tu non ipse te. & quidem creavi te ad imaginem meam cum non esles: cum vero perditus esses, ego ipse redemi te, non

C

corru-

2 P A R A D I S I S E C T. I.

corruptibilibus auro vel argento, aut gemmis pretiosis, sed sanguine meo pro te effuso. At quo fine, nisi ut laudes nomen meum, & servias mihi in hac vita, & postea mecum regnes in omni æternitate?

Tu vero vide jam, quantis periculis & malis obnoxius sis in via hac, qua ambulas, priusquam ad metam illam pervenias. Nonne in tenebris, & in umbra mortis sedes? nonne in medio laqueorum perambulas? Quocunque vertis te, sive ad dexteram, sive ad sinistram, ubique hostes, & insidiæ: foris pugnae, intus timores. Diabolus, tanquam leo rugiens, circuit quærens quem devoret. Mundus totus in maligno positus, allicit ut decipiat; caro, hostis tuus domesticus, & inter omnes periculosior, blanditur, ut inficiat. Creaturæ, quæ tibi scalæ esse debebant ad Creatorem, in muscipulam fiunt pedibus insipientium. Ipsi sensus tui portæ sunt, & fenestræ, per quas ingreditur mors in animam tuam.

HOMO. Verum esse quod dicis, ô Domine, ego nimis frequenter experior; ut nihil mirum si exclamem & ego, Infelix ego homo, quis me liberabit de corpore mortis hujus? Aut quo me vertam in tot periculis? quid faciam, ut dirigantur pedes mei in viam pacis, & salutis? ut non peream, sed securus ad metam, id est, ad te, Deus meus, & summum bonum, salvus perveniam; Angustiae mihi sunt undique; cum vero ignorem quid agere debeam, hoc solum habeo residui; ut levem oculos meos ad te in cælum, unde veniat auxilium mihi.

CHRISTVS. Hoc est, quod persuasum tibi ante omnia cupio, nimirum ut intelligas, quam necessaria tibi sit seria & frequens ORATIO. Invoca me ergo in die tribulationis; eruam te, & honorificabis me. Frustra enim jacitur rete ante oculos pennatorum; eorum scilicet, qui ponunt in cælis nidum suum; qui relicta terra sæpius mente in cælum evolant. Nam qui habitant in adiutorio Altissimi, illi demum secure in protectione Dei cæli commorantur. An securum te putas, dum inniteris prudentiæ tuæ, & ponis carnem brachium tuum? at cogitationes mortalium timidæ, & incertæ omnes providentiæ ve-

litræ.

DE CVLTV & ADOR. SS. TRIN. 3

stræ. Sine me nihil potestis facere; quia ego do velle, posse, & perficere.

Qui sine oratione præsumpserunt ardua; aut aggressi sunt perficere consilia & cogitationes cordis sui, ad nihil redacti sunt & confusi; telas aranæ texuerunt: fuerunt velut hortus absque aqua, & omnis fortitudo eorum, ut favilla stuppæ. At vide hominem orationi deditum: hic erit, tanquam lignum plantatum secus decursus aquarum: & omnia quæcunque faciet, prosperabuntur. Scrutare scripturas, quia ipsæ perhibent testimonium de his, quæ virtute orationis ab omni sæculo patrata sunt mira & supra omnes naturæ vires majora; nempe, invocato nomine Domini, qui facit mirabili magna solus.

HOMO. Miserere mei Domine, quoniam inops & pauper sum ego; & sicut puer parvulus, ignorans egressum & introitum suum, qui manus quidem & pedes habet, sed nusquam progredi potest, nisi adjutus ope matris aut nutricis suæ. Frustra ego conor, & laboro in sudore vultus mei, si quidquam grande vel parvum moliar sine te, in quo nos omnes vivimus, movemur, & sumus; nec sumus sufficientes cogitare aliquid ex nobis, tanquam ex nobis, sed omnis nostra sufficientia ex Deo est.

CHRISTVS. Itaque fili, si indiges sapientia, aut scientia, postula à me, & dabitur tibi. In me sunt omnes thesauri sapientiæ & scientiæ absconditi. Falleris, si orationem negligis, & solo studio aut industria humana illam comparari putas. An non audisti multos servorum meorum ingenue confessos, quod plus oratione, quam multo studio & lectione profecerint? Si honores & opes desideras, meus est orbis terræ, & plenitudo ejus, meum est consilium, mea est prudentia, mea est fortitudo. Per me Reges regnant; mecum sunt divitiæ & gloria, opes, & justitia. Ego Dominus, suscitans de pulvere egenum. Facile mihi est subito honestare pauperem, & collocare humilem cum principibus populi sui. Vires, valetudinem, aut vitam optas? Scito quod in terra nihil sine causa fit, & de humo non egreditur dolor. Ego mari, & ventis, & omnibus elementis impero; & confestim obediunt mihi. Ego occi-

dam & ego vivere faciam: percutiam & ego sanabo. In manu mea sunt omnes fines terræ, & in ditione mea cuncta sunt posita. Bona & mala, vita & mors: & omnia quæ desiderari possunt. Frustra hæc quæris alibi, si me primum non requisieris.

§.2. *Præparatio ad Orationem per affectus humilitatis & Pœnitentiæ seu contritionis.*

HOMO. Vere omne datum optimum, & omne donum perfectum de sursum est; à te, inquam, ô Pater optime, qui das omnibus affluenter, adeo etiam ad dandum facilis & pronus, ut ames rogari, imo jubeas.

Paratum cor meum Deus, paratum cor meum, sæpius loqui tecum, & effundere in conspectu tuo orationem meam.

Sed quid est homo, quod ita magnificas eum, & tam amanter invitas ad orationem, seu ad colloquium tuum? Ergone comparebo coram te, & loquar ad Dominum meum, cum sim pulvis & cinis? imo, quod gravius est, indignus & ingratus peccator, qui toties læsi & offendi majestatem tuam? Heu me, si justus in principio sermonis accusator est sui, nec audeat appropinquare tibi, ego impius & peccator ubi parebo? Quid mirum, si anxietur in me spiritus meus, & turbatur cor meum? si angustia mihi sint undique, dum hinc orationis necessitatem attendo, hinc indignitatem meam recogito. Sed quo ibo à spiritu tuo, & quo à facie tua fugiam? Servus tuus sum ego, da mihi intellectum, & doce me facere voluntatem tuam.

CHRISTVS. Ego sum qui ad orandum, & loquendum mihi exhortor, & invito te. Veni ergo & noli timere. Sed vide tamen, ne imparatus venias. En Moysen respice. Hic venturus ad colloquium meum, jubetur calceamenta deponere de pedibus suis. Tu quoque fac similiter. Exue primum actus & affectus ex pulvere terræ maculatos. Multi enim, quasi nullum minus, quam me præsentem credant, aut neminem viliozem, minusque honore dignum judicent, sic temere & irreverenter irruunt ad colloquium meum.

meum. Sicne reus coram Iudice, cliens apud patronum, servus apud Dominum, subditus coram Principe, mendicus coram divite causam suam agit? Imo sicne homo unus alteri sibi æquali loquitur? Tu vero si vis placere mihi, aut effugere iram indignationis meæ, fac diligentius te ad orandum compares. Maledictus enim qui facit opus Dei negligenter.

Itaque ante orationem præpara animam tuam, & noli esse quasi homo, qui tentat Deum. Facit hoc autem, qui mediis non ordinariis, aut non recte ordinatis dona mea postulat: qui orationis fructum à me expectare audet, quam ut cœpit sine cura ac diligentia, sic sine gustu & affectu; arida mente peragit. Nempe hi sunt qui labiis me honorant, cor autem eorum longe est à me. Sed ecce quid hæc præparatio requirat à te.

In primis dole ex intimo corde, quod me peccando toties offenderis? quia non est speciosa laus in ore peccatoris. Quomodo enim tu enarrabis justitias meas, & assumes testamentum meum per os tuum; tu, qui odisti disciplinam meam, & sermones meos projecisti retrorsum? Ad quem vero promptius & benignius ego respiciam, quam super humilem spiritum, contritum corde, & trementem sermones meos? Voluntatem timentium me faciam, & deprecationem eorum exaudiam. O quoties vocavi ego te, & renuisti, & despexisti omne consilium meum! quid mirum, si & ego te tubinde tardius audiam, aut prorsus audire renuam? O quoties obturasti aures tuas ad clamorem pauperis; & miraris, si clames ipse, & non exaudiaris?

Homo. Vere scio Domine, quod ita sit; & quod non iustificetur homo compositus Deo. Si voluero contendere tecum, non potero tibi respondere unum pro mille. Si iustificare me voluero, os meum condemnabit me. Peccavi in cælum, & coram te, & jam non sum dignus levare ad te oculos meos. O si cor meum non reprehenderet me, fiduciam utique magnam haberem ad Deum. Iniquitatem si adspexi in corde meo, non exaudiet Dominus. Sed quis poterit dicere, mundum est cor meum? Certe vir pollutus corde & labiis ego sum. Ego sum qui peccavi,

& malum coram te feci. Quis vero mundum faciet de immundo conceptum semine, nisi tu Domine, qui lavisti nos in sanguine tuo? Munda itaque cor meum & labia mea. Amplius lava me ab iniquitate mea, & à peccato meo munda me. Doleo ex intimo corde, ob amorem tui, quod offenderim te, Deum, Salvatorem, & summum bonum meum. Iuravi & statui deinceps, per gratiam tuam, custodire iudicia iustitiæ tuæ, præsertim in his N. & N. Cor contritum & humiliatum Deus ne despicias, neque irascaris super orationem servi tui.

§. 3. *Præparatio ad Orationem per directionem Intentionis & finis.*

CHRISTVS. Quia agnoscis peccata tua, ego libens ignosco. Nam quod cæcus ille dicebat, *Deus peccatores non audit*; id sano sensu verum est; nempe de impenitentibus acceptum: nam qui avertit aurem suam ne audiat legem, oratio ejus erit execrabilis. Itaque peccata tua non te pusillanimum faciant, sed humilem. Sacrificium mihi gratissimum est spiritus contribulatus, seu cor contritum & humiliatum.

Hoc præmissis, diligenter expende, quo fine ad orationem venias. Nam ad principem nemo supplex venit, nisi certum finem sibi propositum habeat. Ita tu quoque memor infirmitatis & egestatis tuæ, attende serio, cur mecum loqui, quid à me petere velis? ubi ope & gratia mea magis egeas: quem potissimum hostem armis orationis impetere & ferire debeas, id est, ad quod vitium expugnandum, ad quam virtutem obtinendam cælesti auxilio præcipue opus habeas. Cerrum, inquam, scqum tibi præfige, & huc orans mentem & desideria dirige. Novi ego quidem, qui novi omnia abscondita cordis, quid desit tibi. Sed hoc te ipsum quoque nosse volo, ut cognitio propriæ necessitatis & indigentiae, sit tibi quasi stimulus & calcar, quo ferventius ac studiosius te inter orandum geras. Alias orans eris, quasi aërem verberans, & in vacuum, nullo præfixo scopo, jacula mittens. Idem meminisse te par est

in aliis orationibus, quæ vel spectant ad laudandum me, vel ad gratias pro beneficiis agendum, &c.

HO MO. Quam dulcia faucibus meis eloquia tua Domine, super me ori meo, quibuscum dignanter & suaviter ad orandum me instruis! Sed heu confitebor adversum me insipientiam meam Domino, & tribulationem meam ante ipsum pronuntiabo. Nam infelix ego homo cur dissimulem miseriam meam coram te, cui patent interiora cordis mei, & delicta mea à te non sunt abscondita? Hoc est autem quod gemo, quia tam raro invenit servus tuus cor suum, ut puram & sinceram orationem effundat in conspectu tuo, adeo illud abripiunt curæ & sollicitudines hujus sæculi. Heu, quoties sine spiritu & intellectu, ad orationem venio, & quid orem nescio. Lingua orat & mens mea sine fructu est, mera & arida consuetudine fere ad orandum venio, vix raro memor finis, id est, gloriæ tuæ, vel salutis propriæ. Parum quoque sollicitus, quomodo orationem pro certis vitiis meis vincendis, aut virtutibus magis necessariis obtinendis, rite & decenter instituam. Parce mihi Domine, qui solus nosti, uti verus Pontifex, compati infirmitatibus nostris. Tu enim cognovisti figmentum postrum.

Vides sicut olim, ita & nunc, pro dolor, quia sensus & cogitatio humani cordis in malum prona sunt, ab adolescentia sua. Corpus enim, quod corrumpitur, aggravat animam, & terrena inhabitatio deprimit sensum, sola, quæ sursum sunt cogitare, quærere & sapere volentem. Et quod magis mirandum, vel potius miserandum, infelix ego tunc fere magis experior miseriam istam, quando malis & miseriis meis apud te remedium quærere debeo; id est, tempore orationis: tunc enim mille curæ, quasi impetum faciunt in me, & cogitationes meæ dissipatæ sunt, torquentes cor meum. O quid intus patior, dum mente cælestia tracto, & mox carnalium turba occurrit oranti! opto inhærere cælestibus, sed deprimunt res temporaneæ, & passionibus immortificatæ. Sic jactor inter fluctus in hoc mari magno, & factus sum mihi metipsum gravis, dum spiritus tendit sursum, & caro gaudet esse deorsum. DEVS meus

ne elongeris à me, neque declines in ira à servo tuo. Impera ventis & mari, ut fiat tranquillitas magna in corde meo. Domine, ante omne desiderium meum, & gemitus meus à te non est absconditus.

§. 4. *Attentio & Reverentia sub oratione. Remedium adversus Distractiones.*

CHRISTVS. Quod homo invitus patitur, id illi ad peccatum non imputabitur. Tu saltem conare, quantum potes, abigere muscas illas importunas, orationis victimam descendentes. Si nequis vincere, patienter sustine. Oratio tua nihil meriti decedet; imo accedet etiam, si viriliter agas. Delector enim ego hoc orantis agone, & exercitio; & tu mihi fere propior sum, cum longius abesse videor. Tu vero id unum cura, ut semper firmum habeas propositum attente & pie orandi; idque sub orationis initium serio fecisse permagni interest. Vnde licet contingat, pro humana infirmitate, mentem orantis inter orandum distrahi, vis tamen illius propositi initio facti per omnem orationem sese diffundit; eamque conservat in valore suo, quamdiu non intervenit voluntas contraria, propositum illud abruptens. Quid enim volo, fili, nisi cor tuum; hoc si bonum, omnia bona.

Vt autem cor tuum efficacius in oratione stabilias, hoc unum semper memento, quo cum agas, dum oras. Quis enim vestrum serio cogitans, stare se in conspectu meo, Iudicis sui, Domini ac Creatoris sui, summi regis; &c. non stet attonitus, & attentus, plenus reverentiæ & timoris? Quis non horreat, obvertere mihi dorsum, & mentem ad alias, & inanes cogitationes; nedum oculos ad vana, aut os ad fabulas & nugas convertere? Ecce quid animi fuerit, quidve sollicitudinis ac formidinis dilectis meis Abrahamo, Moyfi, Davidi, Ioanni Præcuratori meo, Petro, publicano, aliisque multis cum versarentur in conspectu meo. Nonne ego supremus Monarcha cæli & terræ, cui Cherubim & Seraphim, & omnes angelicæ potestates tremantes, assistunt? Accedentem ad Deum oportet

credere, quia est, ajebat Apostolus meus. Ita video prorsus, incredulitas vestra, & cæcitas, aut languida fides, quæ me præsentem creditis, irreverentes vos facit coram me, coram quo tremunt, qui portant orbem.

HOMO. Erubescō Domine, cogitans, quis sis tu, & quis sim ego. Nempe audet vilis terræ vermiculus, & putris ranuncula è palude sua prorepere ad thronum gloriæ summi Dei; & curiam intrare cælestem, illam utique curiam, ubi Rex Regum stellato sedet folio, circumdatus innumerabili spirituum beatorum exercitu. Siccine ingrediar ego in locum tabernaculi admirabilis usque ad domum Dei? Egone in conspectu Angelorum psallam tibi; adorabo ad templum sanctum tuum, & confitebor nomini tuo? Hoc est, quod serio & viva fide pensabant viri sancti & dilecti tui: hinc tam religiosè & reverenter coram te, in oratione versati sunt. Sed, heu, zelus eorum longe est à me, & hinc ego elongor à te, ita ut sæpe nusquam minus sim, quam ubi esse videor, cum in oratione versor. Sic dum orando causam meam agere volo, deteriorem facio & dum placare te cupio, magis offendo.

§. 5. *Frequentia & assiduitas orandi.*

CHRISTVS. Quid mirum, ubi est thesaurus tuus, ibi est & cor tuum, ubi affectus figitur, inde intellectus difficulter avellitur. De terra es, nec satis curas, ut conversatio tua sit in cælis, sed terrena nimium versas ac diligis; hinc tibi subnascuntur illæ spinæ, quæ tam valide lacerant cor tuum, & suffocant bonum semen, ne fructum ferre possit. Iam vero tu imple cogita quam vehementer displiceat mihi, quod videam filios hominum circa negotia carnis ac seculi, & bona hujus vitæ totos occupari tam serio: & orationis, à qua dependet æterna ipsorum salus, & gloria nominis mei, tam modicam esse curam. Aspice filios hujus seculi, edunt, bibunt, ludunt, ducunt in bonis dies suos, nec in his prolixè morari cuiquam eorum grave est. Circa villas, & juga boum occupantur, variis se immergunt curis & negotiis, infinitis se miscent quæstionibus, nunquam

otiosi, & male tamen semper occupati, quia nunquam vacant, ut videant, quoniam ego sum Deus. Aut si quando orare libet, vel id in ultimam horam, & tempus minus idoneum rejiciunt, vel obiter & perfunctorie faciunt. Siccine ferret princeps aliquis terrenus se tunc primum admitti à te ad colloquium, cum vulgus & fœx populi præcessit?

Non sic vir ille secundum cor meum, David electus meus. Rex erat, & regni amplissimi negotiis implicatus; sed tamen prævenerunt oculi ejus ad me diluculo, ad meditando eloquia mea; & septies in die laudem mihi dixit; imo & media nocte surrexit ad laudandum me.

Non ficalii plurimi amici mei, qui mihi student magis placere, quam hominibus; quibus anima plus est, quam effusa, aut potus, aut vestimentum; quin omnia detrimentum faciunt, & arbitrantur ut stercore, ut me lucrifaciant. Libenter se subducunt occupationibus, ubi possunt; aut sic occupationes disponere curant, ut inter externa negotia, tempus quoque non desit uni negotio animæ, quod ceteris omnibus præponderat. Unde statim horis intrant in cubiculum suum, & clauso ostio orant me in abscondito, effundentes coram me corda tua; quin & diluculo vigilant ad me, ut melior diei pars, quam mens liberior ac purior est, nobiliori operi, id est, orationi detur. Et hi sunt, qui recipiunt à me plenius lumen intelligentiæ, quo dirigantur in viis suis: hi sunt qui uberius gustant, quam suavis sit Dominus; & quam non habeat tædium conversatio illius.

Sic tu quoque, fili, vide quid profit tibi, si universum mundum lucreis, & unum Necessarium, id est curam animæ tuæ negligas. Prudentiæ ergo tuæ pone modum; nec in multis sint actus tui: nam qui minoratur actu, sapientiam inveniet. Quære primum regnum Dei, & justitiam ejus, confidens, quia & cetera adjicientur tibi. Quid sollicitus es, & turbaris erga plurima? quid stulto labore consumeris? miserere animæ tuæ, placens Deo. cui bonus eris, sit tibi nequam fueris?

Quorsum tam anxie cogitas de successu negotiorum, quæ moliris, cum damno orationis? hoc habe pro certo, quod ad felicem rerum tuarum eventum plus bona oratio, quam

quam omnis humana ratio conferet. Iacta super me curam tuam, quoniam mihi est cura de te, tanto quidem major, quo majori fiducia inniteris mihi, & providentiæ meæ cōtus tuos committis. Certe nisi ego ædificem domum, in vanum laborant omnes, qui ædificant eam. Credisne hoc? Beatus qui intelligit. Multi enim non capiunt verbum hoc: nempe qui confidunt in virtute sua, & variis se torquent curis & laboribus, sed infelices meditantur ut araneæ, dum se frustra exhauriunt & eviscerant; quia non recurrunt cum Moyse ad tabernaculum, ut consulant Dominum. Vanum est vobis, ô filii hominum, ante lucem surgere. Tunc demum tempestive surgetis ad laborem, cum sol iustitiæ per orationem invocatus illuxerit vobis.

* H O M O. Utinam, mi Domine, quæ prolixè & salubriter ingeris auribus meis, efficaciter & cordi imprimas. intellexi, quid horteris & jubeas; doce me quoque facere voluntatem tuam, ut non impediar orare semper; & benedicam Dominum in omni tempore, semper laus ejus sit in ore meo. utinam in lege tua sit voluntas mea, ut meditari in ea die ac nocte sint deliciæ meæ. Nullum sane temporis momentum est, quo non fruamur beneficiis tuis, nullum proinde esse par erat, quod à tua laude vacaret. unde & Apostolus sine intermissione nos orare monet: & tu ipsa æterna Veritas dixisti, *oportet semper orare & nunquam deficere.*

§ 6. *Fiducia & resignatio orantis.*

CHRISTVS. Hæc nosti ô homo, beatus eris, si sic feceris. Ne sis servus sciens voluntatem Domini, & non faciens. Recole quot ego stimulis, monitis, exemplis & parabolis usus sim, ut vobis assiduitatem, frequentiam, fiduciam, & perseverantiam orandi persuaderem. Utique paratus est dare, qui tantopere excitat ad rogandum. Memento Cananæ tam constanter orantis; & post plures repulsas tandem exauditæ; item, illius qui noctu fores amici pulsabat; nec destitit, donec obtineret quod voluit. Item Iudicis, neque Deum, neque hominem timentis, qui tamē viduæ importune sollicitantis causam suscepit.

Nunc

Nunc vero si rarius præstantur vobis dona & beneficia mea, id vobis ipsis imputate. Non est abbreviata manus Domini facere vobiscum misericordiam suam sed vos non facitis vos dignos & capaces, dum non rogatis, quemadmodum in re tanta dignum est. Nam et si adeatis me aliquando; id tamen ita facitis languide, quasi non desideretis accipere: neque ea fide, qua congruit, deprecamini; & nisi confestim concedam quod petitis, animam abjicitis, orationem deseritis, male loquimini, aut suspicamini de me; & de bonitate mea perversæ cogitationes adscendunt in corda vestra, quasi supra cardines cæli perambulem, & vestra non considerem. Quin oculi mei semper aperti sunt super fideles meos, & aures meæ in preces eorum; nec deero ipsis in tempore opportuno.

Si moram subinde facio, id quoque utilitatis vestræ causa fit; ut desideria dilata crescant; & sic capacior fiat homo donorum meorum. Nam diu desiderata dulcius obtinentur; cito autem data vilescunt. Itaque si quid roges à me, & non statim dederò, tu nihilominus persevera pulsans, & clamans: quia tandem aperiatur tibi. aut si etiam noli dare, tu tamen gratias æque referes danti & neganti, sciens, quia id nego, quod novi non profuturum. Nescit enim homo sæpe quid petat, (uti & filii Zebedæi,) aut quid conducatur sibi in vita sua, numero dierum peregrinationis suæ, & tempore quod velut umbra præterit: Ego vero novi optime, quid unicuique expediat: attamen, ob hominum insipientiam aliquando do iratus, quæ nego propitius. Hoc unum scito, quia si non ad voluntatem, certe exaudieris ad salutem. Ita exauditus est Apostolus meus, à stimulo carnis liberari petens; imo sic exauditus sum ego ipse à Patre meo, rogans calicem passionis transferri à me. An servus major aut melior erit Domino suo? Optima erit oratio tua, si conformis fuerit meæ, quam fudi in horto inter summas angustias cordis, subjiciens me totum voluntati Patris mei. hinc & illa orandi formula, qua Discipulos meos, & vos omnes sic docui orare; *Fiat voluntas tua &c.*

§. 7. *Petitio divini auxilii.*

HOMO. O immensa charitas ! ô inexhausta pietas ! secundum divitias bonitatis tuæ Domine, tam multis instruis me, & hortaris ad colloquium tuum, qui bonorum meorum non eges. Quid est, quod delitias reputas agere cum filiis hominum ? Vtinam desideret anima mea inops & arida ad te, sicut cervus desiderat ad fontes aquarum. Vtinam repleatur os meum laude. Vtinam tam ego paratus sim accipere, quam tu paratus es dare. Oleum misericordiæ tuæ stillat, imo fluit ubertim; modo vasa vacua non desint. Ecce vas cordis mei; sed plenum sordibus & pravis desideriis, tu quæso evacua, & expurga; quin & dilata cor meum, ut impleas illud. Igne charitatis tuæ accende me frigidum, ut dirigatur oratio mea sicut incensum in conspectu tuo. Non serpat humi, carnis aut peccati mole depressa, sed adscendat ad te velociter, & descendat super me misericordia tua.

C A P. II.

Variæ Expositiones & Exercitia in Orationem Dominicam.

Orationum omnium summa, exemplar & norma est Oratio Dominica; tanto utique majori in pretio habenda, quo pluribus ceteras omnes prerogativis antecellit:

Auctoritate inprimis, & dignitate; quia ab ipso Christo formata, à sacro illius ore profecta.

Brevitate quoque ac facilitate commendatur; attamen pregnans sensibus atque mysteriis mirabili ordine perfectissime complectitur, quidquid recte à Deo peti potest.

Quin & singulari pollet efficacia, ut facile Deum permoveat, orantique conciliet: quomodo enim celestis Pater non exaudiat: quos filii sui dilecti, Advocati & Mediatoris nostri preceptis verbisque instructos supplices venire videt?

Denique omnes bonæ Orationis partes, leges & conditiones breviter, sed luculenter exprimit: adeoque sedulo & attente recitata devotionis spiritum vehementer excitat, ac promovet.

Vnde

Unde cum hæc Oratio Christi ore Apostolis tradita, singulariter Christianis commendata esse debeat; & Ecclesiasticis in Officio divino perquam familiaris & frequens sit, Puncta quadam pro illius Expositione paucis ex S. Thoma aliisque annotare visum fuit: ad quæ si orans subinde mentem reflecteret; fortasse affectu fructuque majore illi tam frequens unius ejusdemque orationis repetitio constaret.

Iam vero gustum illius, ut & aliarum rerum spiritualium, ideo rarius percipimus, quia fere circa corticem heremus, nunquam, aut raro ad medullam ipsam penetramus.

Pater noster qui es in cœlis.

Hæc est præfatio Orationis Dominica: Dei benevolentiam captans, & oraturo optimos orandi affectus, id est Amorem & Timorem commendans.

Nam si Pater est, an non dignus Amore? Sed vide, quali. Nam modus bonitatis, est mensura dilectionis.

Sed quanta est bonitas patris æterni? Deus est, in seipso summe beatus, cœli terræque conditor, Rex ac Dominus: attamen Pater noster esse, & haberi cupit, & nos vicissim, viles terræ vermiculos, imo peccatores, indignos qui servi vocemur, filios suos esse & vocari gaudet. O qualem charitatem dedit nobis Pater, ut filii Dei nominemur & simus. O immensa Patris bonitas! sed ubi par filiorum Amor?

Porro quis eidem illi Patri Timor debetur? qui in cœlo velut solio majestatis suæ residet, & tamen ubique præiens arcana quæque perspicit, imo cœlestia simul ac terrena gubernat? Verè magnus est Dominus & laudabilis nimis, cujus potentia & magnitudinis non est finis, cui Cherubim & Seraphim tremantes adstant.

Ecce qua charitate & fiducia, qua etiam humilitate & reverentia oraturus animam componere debeas.

Sequuntur nunc septem Petitiones, quibus partim Bona petimus, partim Mala deprecamur: Nam cum Oratio sit interpres desiderii nostri, ea petimus in Oratione Dominica, quæ licite desideramus. Iam vero quod primò sub desiderium cadit, est Summum Bonum,

num,

num, seu ultimus FINIS. Deinde, quæ huic obtinendo idonea sunt, Media. Denique, ut removeantur quæ consecutionem impediunt, obstacula.

Porro Summum Bonum & Finis noster, Deus est, cujus quidem GLORIAM imprimis in seipso ex mero & puro Amoris affectu desideramus, dicentes:

Sanctificetur nomen tuum.

Id est, Nomen tuum in se summe sanctum & admirabile, tale etiam habeatur ab omnibus; agnoscatur per veram Fidem, laudetur per firmam Spem, colatur per sinceram Charitatem. Non eget quidem opera nostra, ut sanctum sit nomen tuum; sed quia sanctum & gloriosum est, adeoque fons & forma totius sanctitatis, id per nos sanctis moribus declaretur; ita formentur mores & omnes actus nostri, ut qui vident conversationem nostram, & opera quæ facimus, glorificent te Patrem nostrum in cælis.

Hoc nobis sit fixum in corde, frequens in ore, placens in opere: SANCTIFICETVR NOMEN TVVM.

Ecce praxin facillimam puræ Intentionis, crebro per diem exercendæ.

Hoc prævio, proximum est desiderium gloriæ Dei intuitu nostri, ut nos ea fruamur velut summo Bono, & hic affectus nascitur ex dilectione Dei, qua nos ipsos in Deo diligimus, hinc petimus;

Adveniat regnum tuum.

Rogamus, inquam, ô Domine, quia hic sumus exules & peregrini à Patria, & à dulcissima chari Patris facie seclusi, gravi jugo principis mundi hujus premimur; fac ut toto corde anhelemus ad Te in Cælum. Non finas nos diligere mundum, aut ea quæ in mundo sunt: sed quærere & scire quæ sursum sunt. Cum verò peregrinationis nostræ finis advenerit, fac nos æquo ac læto animo hoc regnum mundi, & omnem pompam seculi contemnere: & illud regnum quærere cum desiderio; & invenire cum gaudio, quod nobis præparatum est ab origine mundi, ubi dabis nobis æterna tecum gloria & Te ipso frui.

Sed

Sed jam ut potiamur Summo Bono, aliis quibusdam bonis, velut mediis & adminiculis opus habemus. Præcipuum est Obedientia mandatorum Dei. Nec enim aptus est regno Dei qui non facit voluntatem ejus; neque meretur ad vitam ingredi, qui mandata non servat. Sed qui servabimus, nisi Is qui jubet, etiam juvet? unde merito rogamus,

Fiat voluntas tua.

Tu enim, nosti ô Domine, quia etsi promptus sit spiritus noster, facere voluntatem tuam; tamen perficere non invenit, quia caro infirma est; imo prona ad malum est; & pugnat adversus spiritum. Nam corpus quod corrumpitur, aggravat animam. Vnde ad mala fere pronius feruntur quam ad bona sensus hominis ab adolescentia sua. Et hinc sæpius etiam, quid & quomodo oremus, aut quid nobis expediat, nescimus: Tu vero id nosti optime, qui nosti omnia. Fac ergo sciamus, quid nos velis facere; sed & gratia tua efficaci sic dirige voluntates nostras juxta beneplacitum voluntatis tuæ, ut quod vis, nos quoque velimus; quod præcipis, id alacriter faciamus. **DA QUOD IVBES, ET IVBE QUOD VIS.**

Verum, ut homo Dei jussa alacrius peragat, etiam necesse est, præsentis vite bonis & subsidiis non omnino destitui. Variis enim necessitatibus & defectibus obnoxii sumus, quamdiu hoc mortale corpus gerimus. Itaque petimus,

Panem nostrum quotidianum da nobis hodie.

Tu inquam, qui aperis manum tuam, & implet omne animal benedictione; pullos quoque corvorum, & volucres cœli non negligis; sed benigne curas ac pascis, & hominem quem creasti ad imaginem tuam, & quem pretioso sanguine cœli hæredem fecisti, cura tua destituet? Non petimus quod luxui & voluptati serviat; sed quod victui, & necessitati iufficiat: ne forte nos à servitio tuo sæculi curæ & sollicitudines abstrahant. Ut vero mente pariter ac corpore fortes serviamus tibi, animas quoque nostras pascere cibo verbi

DE CVLTV & ADOR. SS. TRIN. 17

verbi tui; quin & P A N E illo cœlesti & Angelico confortata nos in hoc mundi deserto, ne deficiamus in via, qua tendimus ad Te, donec epulemur tecum in regno tuo.

Ecce, quo ordine, à quo, & quo fine bona temporalia petenda sint.

Sequentibus petitionibus petimus à nobis removeri Mala, seu obstacula, quæ consecutionem FINIS impediunt. Sunt vero tria potissimum.

Primum est peccatum commissum, (in multis enim offendimus omnes.) hinc oportet ut humiliter & frequenter petamus, dimitte nobis debita nostra. Frustra vero petit misericordiam à Domino, qui non vult, cum potest, misereri proximo. Cujus rei memores, hac merito utimur orandi formula:

Dimitte nobis debita nostra, sicut & nos dimittimus debitoribus nostris.

In multis (heu miseri!) indies offendimus omnes. perimus Domine, nisi serves nos secundum magnam misericordiam tuam, Domine. Sed & scimus, quod si homo homini reservet iram, frustra à Te quærat medelam; dimitto itaque ex animo omnibus inimicis meis, & amore tui benefacere paratus sum his, qui oderunt, vel unquam læserunt me. Doleo ex intimo corde, quia offendi Te; parce peccatis meis, Domine.

Ecce praxin utilissimam & facillimam Contritionis frequenter exercendæ.

Alterum obstaculum est Tentatio, quæ nos sollicitat ad peccata, & ab observantia divinæ voluntatis impedit. Vnde liberatus à peccatis, præteritis, timeat futura, & fugiat. Sine Deo autem quis effugiet? Consci itaque hujus infirmitatis nostræ, & potentie tot hostium, quibus obnoxia semper est vita nostra, rogamus;

Et ne nos inducas in tentationem.

Agnoscamus ô Domine, quia sine te nihil possumus, à te vero est omnis sufficientia nostra, ne itaque deferat nos gratia tua; nec permittas ut pulsati forsan aliqua tentatione Mundi, Carnis, aut Dæmonis, mox succumbamus. Vides, quæ sit fragilitas nostra, & quantis insidiis viribusq; tente-

D

tur

tur creatura tua tam care redempta. non dubitamus, pio providentiæ tuæ consilio geri omnia; nec tentari malum esse, sed vinci. Non itaque permittas nos tentari supra id quod possumus, ne tentati forte deficiamus; sed adjuva ut vincamus, facilis erit victoria, si tua nobis adspiret gratia.

Liberati à malo Culpa, in aliud etiam obstaculum, id est, mala Poena frequenter impingimus. Tot, inquam vitæ præsentis adversa, velut fames, bella, morbi, damna rerum, fama, vite, etiam pias quandoque mentes graviter concutiunt. Itaque merito tandem moramur,

Sed libera nos à malo.

Quod nos quidem pro affectu nostro malum censemus, vere tamen, & in se malum non est, nisi vitio nostro fiat. A Te Domine, Vita & mors, honestas, paupertas & omnia; & quomodo mala erunt, cum sint à SUMMO BONO? fiunt tamen ista non raro mala, culpa, id est, impatientia, pusillanimitate, & diffidentia nostra. Tu vero nos conforta gratia & solatio tuo, & fac, ut diligentibus Te omnia cooperentur in bonum. Hic ure, & seca, uti medicus ægrum, cui ab his licet duris remediis spes vitæ reliqua est. Hic corripe & castiga, uti Pater filium, cui servatur hæreditas. Imo proba, tenta, & purga me, uti aurifex aurum, quod igne probatur. Excoque & consolida, uti figulus vas destinatum non in interitum, sed in honorem, uti vas gloriæ in vitam æternam.

His & similibus Meditationibus subinde condienda est Oratio Dominica; Alias, quid mirum, si multis tam sit frequens in ore, sed raro sapiat in corde?

MEDITATIO in Orationem Dominicam
ex Epistolis S. Pauli collecta.

Pater noster qui es in cælis.

Benedictus Deus, & Pater Domini nostri IESU Christi, Pater misericordiarum, & Deus totius consolationis a. qui prædestinasti nos in adoptionem filiorum, per Iesum Chri-

Christum *a*: solus habens immortalitatem, & lucem habens inaccessibilem *b*: cum gaudio gratias agimus tibi, qui dignos nos fecisti in partem fortis sanctorum in lumine *c*: Non enim accepimus spiritum servitutis iterum in timore; sed accepimus Spiritum adoptionis filiorum; in quo clamamus Abba, Pater. Ipse enim Spiritus testimonium reddit spiritui nostro, quod sumus filii Dei. si autem filii; & heredes: heredes quidem Dei; coheredes autem Christi *d*.

a Ephes. 1. *b* 1 Timoth. 6. *c* Coloss. 1. *d* Rom. 8.

1. Sanctificetur nomen tuum.

Da ut imitatores tui simus, sicut filii charissimi *a*: & ut filii lucis ambulemus, in omni bonitate, & iustitia, & veritate: probantes, quid sit beneplacitum tibi: nec communicemus operibus infructuosis tenebrarum *b*, ne nomen tuum per nos blasphemetur inter Gentes *c*. Digne Evangelio Christi conversemur *d*, ut sumus sine querela, & simplices filii tui, sine reprehensione, in medio nationis pravæ & perversæ, tanquam luminaria in mundo, verbum vitæ continentes, ad gloriam tuam in die Christi *e*, ut ambulemus digne Deo per omnia placentes; in omni opere bono fructificantes, & crescentes in scientia Dei *f*. da, ut sive manducamus, sive bibimus, sive aliud quid facimus, omnia in gloriam tuam faciamus *g*.

a Ephes. 5. *b* Ephes. 5. *c* Rom. 2. *d* Philip. 1. *e* Philip. 2. *f* Col. 1. *g* 1 Cor. 10.

2. Adveniat regnum tuum.

Quia caro & sanguis regnum Dei possidere non possunt *a*; hinc flectimus genua nostra ad te Patrem Domini nostri Iesu Christi: ut des nobis secundum divitias gloriæ tuæ, virtute corroborari per spiritum tuum in interiori homine: Christum habitare per fidem in cordibus nostris *b*, ut non regnet peccatum in nostro mortali corpore. Tu enim eripuisti nos de potestate tenebrarum, & transfulisti in regnum Filii dilectionis tuæ *c*. Scimus autem, quoniam si terrestris domus nostra huius habitationis dissolvatur, quod ædificationem ex Deo habemus

D 2

mus

a 1 Corinth. 15. *b* Ephes. 3. *c* Coloss. 1.

mus, domum non manufactam, æternam in cælis : Dum autem sumus in corpore, peregrinamur à Domino *a*, ideo desiderium habemus, dissolvi, & esse cum Christo *b*.

Propter quod non deficimus. Sed licet is, qui foris est homo noster corrumpatur; tamen is, qui intus est, renovatur de die in diem. id enim quod in præsentis est momentaneum & leve tribulationis nostræ, supra modum in sublimitate æternum gloriæ pondus operatur in nobis, non contemplantibus nobis, quæ videntur, sed quæ non videntur. Quæ enim videntur, temporalia sunt; quæ autem non videntur, æterna *c*.

a 2 Cor. 5. *b* Phil. 1. *c* 2 Corinth. 4.

3. *Fiat voluntas tua.*

Tu enim es Domine, qui operaris in nobis velle & perficere pro bona voluntate tua *d*. Itaque fac ut impleamur agnitione voluntatis tuæ, in omni sapientia & intellectu spirituali: ut ambulemus digne, tibi per omnia placentes *e*; hæc est enim voluntas tua, sanctificatio nostra *f*.

Nolimus conformari huic sæculo; sed reformemur in novitate sensus nostri, ut probemus, quæ sit voluntas Dei bona, beneplacens, & perfecta *g*: nam nostra ad bonum per se nimis infirma est: non enim sufficientes sumus cogitare aliquid à nobis, quasi ex nobis, sed sufficientia nostra ex Deo est *h*. Da gratiam tuam, ut perficiamus eandem ex animo, sicut administratorii spiritus tui in ministerium missi propter eos qui hereditatem capient salutis *i*.

d Philip. 2. *e* Coloss. 1. *f* 1 Thess. 4. *g* Rom. 12. *h* 2 Cor. 3. *i* Hebr. 1.

4. *Panem nostrum quotidianum.*

Est magnus quæstus pietas cum sufficientia. Nihil enim intulimus in hunc mundum, haud dubium, quod nec auferre quid possimus. Habentes autem alimenta, & quibus regamur, his contenti sumus *k*.

Sint ergo mores nostri sine avaritia: contenti præsentibus. Tu enim dixisti: non te deseram neque derelinquam: ita ut confidenter dicamus: Dominus mihi adjutor *l*. Pro-

k 1 Timoth. 4. *l* Hebr. 13.

pe es Domine. Nihil solliciti sumus *a*, sed ubique & in omnibus instituti, sciamus satiari & esurire, abundare & penuriam pati *b*. Ante omnia vero exerceamus nos ad pietatem, quæ ad omnia utilis est, promissionem habens vitæ, quæ nunc est, & futuræ *c*.

Da nobis non sperare in incerto divitiarum, sed in te Deo vivo, qui præstas nobis omnia abunde ad fruendum, bene agere, divites fieri in bonis operibus: facile tribuere, libenter communicare, thesaurizantes nobis fundamentum bonum in futurum, ut apprehendamus vitam æternam *d*.

Potens es autem, ô Deus, omnem gratiam abundare facere in nobis, ut in omnibus omnem sufficientiam habentes abundemus in omne opus bonum. Qui aurem administras semen seminanti: & panem ad manducandum præstabis *e*.

a Philip. 4. *b* Philip. 4. *c* 1 Tim. 4. *d* 1 Tim. 6. *e* 2 Cor. 9.

5. *Et dimitte nobis debita nostra.*

Quoniam non habitat in carne nostra bonum, ut non quod volumus bonum, hoc faciamus, sed quod nolumus malum, hoc agamus *f*: & regnante peccato in nostro mortali corpore, obediimus concupiscentiis ejus *g*: heu quam sæpe exhibuimus membra nostra arma iniquitatis peccato *h*! & divitias bonitatis, patientiæ & longanimitatis tuæ contempsimus! non curantes, quoniam benignitas tua ad poenitentiam nos adducit; secundum autem duritiam nostram, & impoenitens cor thesaurizavimus nobis iram in die iræ, & revelationis justi judicii tui, qui reddes unicuique secundum opera sua *i*.

Sed veniat, Pater benignissime, super nos misericordia tua: & ostendens divitias gloriæ tuæ, fac nos vasa misericordiæ tuæ; præparata in gloriam tuam *k*; & ubi abundavit delictum, superabundet & gratia *l*.

Ecce remittimus & aliis minas, ut te Dominum nostrum in cælis propitium habeamus *m*. Tu nos quoque indue sicut electos tuos, viscera misericordiæ, benignitatem, humilitatem, modestiam, patientiam: ut simus invicem

D 3

benigni,

f Rom. 7. *g* Rom. 6. *h* ibid. *i* Rom. 2. *k* Rom. 9. *l* Rom. 5. *m* Eph. 1. 6.

benigni, misericordes, donantes invicem, sicut & tu in Christo donasti nobis *a*; nulli malum pro malo reddentes; sed si fieri potest, quod in nobis est, cum omnibus hominibus pacem habentes; nec defendentes nosmetipsos, sed demus locum iræ, tibi relinquentes vindictam. Nec sinamus nos vinci à malo, sed vincamus in bono malum *b*. Quæ pæcis sunt, fac, sectemur; & quæ ædificationis sunt, invicem custodiamus *c*.

a Eph. 4. *b* Rom. 11. *c* Rom. 14.

6. *Et ne nos inducas.*

Memores fragilitatis nostræ; rogamus te, Pater pietissime, ut tentatio nos non apprehendat, nisi humana *d*: ne sicut serpens Evam seduxit astutia sua, ita corrumpantur sensus nostri, & excidant à simplicitate, quæ est in Christo Iesu *e*. Fidelis es Deus, non patieris nos tentari supra id, quod possumus, sed etiam facies cum tentatione proventum, ut possimus sustinere *f*.

d 1 Corins. 10. *e* 2 Cor. 11. *f* 1 Cor. 10.

7. *Sed libera nos à malo.*

Confirma nos denique & custodi à malo *g*. contere Satanam sub pedibus nostris velociter *h*, ut non circumveniamur ab eo: non enim ignoramus cogitationes ejus *i*. Da ut induamus nos armaturam tuam, ut possimus stare adversus insidias Diaboli; & resistere in die malo, & in omnibus perfecti stare: induite lorica m fidei & charitatis, & galeam spem salutis *k*. Non simus fidentes in nobis; sed in te Deus *l*. Ideoque confidimus hoc ipsum, quia qui cœpisti in nobis opus bonum, perficies usque in diem I E S U Christi *m*. Fidelem credimus esse te, qui repromisisti: quotquot enim promissiones tuæ sunt *n*; sunt, Est & Amen.

g 2 Thessal. 3. *h* Rom. 16. *i* 2 Cor. 2. *k* Ephes. 6. *l* 1 Thess. 5. *m* 2 Corinth. 1. *n* Hebr. 11.

ORA-

ORATIO DOMINICA

Variis piis conceptibus ad meditandum
idoneis instructa.

Ex Lud. de Ponte, Lessio, & aliis.

Pater noster.

Multiplici jure & nomine Pater ; 1. Titulo *Creationis* qua nos ad imaginem suam fecit.

2. *Adoptionis*, per gratiam, qua nos fecit heredes suos, & coheredes unigeniti sui. O quam merito Pater, qui toties paratus est peccantes recipere in eandem gratiam ; ut tandem quoque admittat in gloriam, quæ est hereditas filiorum Dei. Et hæc quidem Paternitas magno stetit Filio Dei, qui morte crucis, & pretio sanguinis eam nobis comparavit.

3. Patrem se *Providentiâ* præstat, sustentando corpus, tot creaturis in cibum & remedium datis ; & animæ tot gratiæ & salutis auxiliis tam amanter consulendo : ut vel hinc tantum solus verè Pater dici mereatur. Vnde ait: *Nolite vocare vobis Patrem super terram, unus est enim Pater vester, qui in cœlis est.* Et merito, nam, *Pater meus & mater mea dereliquerunt me,* (quid enim opes præstare possunt animæ, vel etiam corpori absque Deo?) *Dominus autem assumpsit me:* numquam deserit, nisi derelictus.

4. *Disciplinâ* & correptione. Nam Pater filium, quem amat, arguit & castigat.

5. Pater *Indulgentiâ* & amore. Quomodo miseretur Pater filiorum, ita misertus est Dominus timentibus se. Itaque si ille Pater, utique Filius ego. O quanta hæc dignitas! omnino par est, ut præstem ingenui filii partes amore, ob-servantiâ, obedientiâ. Qui illuc ex servo ut vili mancipio provectus sum, quam indignum, si degenerem, & patrem tam bonum offendam?

Porro precationem ab hac compellatione nos ordiri voluit ad excitandum in nobis fiduciam adeundi Deum,

utpote Patrem, & obtinendi petita; & quia gloriatur in hoc nomine, quod Pater sit, gaudet se ita compellari. Itaque filiali affectu ad ipsum accedamus, conemur ei placere per omnia, eaque petamus, quæ talem Patrem deceant.

Noster.

Noster, inquam, non meus, 1. quia cum unicum habet filium naturalem, voluit quam plurimos habere adoptivos, tum Angelos, tum homines, idque ita, ut bono filiationis unusquisque gaudeat, ac si nullum haberet consortem. Nam bona Dei non minuuntur communicatione in plures.

2. Cum ita sit generaliter omnium, ut tamen singulariter sit Pater singulorum, vult nihilominus dici *noster*, ut moneat nos fraternæ charitatis, nulla exceptione gradus, dignitatis, ætatis, atque ut fratres invicem diligendos, proque omnibus communiter orandum, nullo spreto, unde Malachias; *Numquid non Pater unus omnium nostrum? numquid non unus Deus creavit nos? quare ergo despicit unusquisque fratrem suum?* Nihil tamen vetat privatim, pro affectu aliquando, sic Deum alloqui, quod ita pleno jure filius sim adoptivus, ac si forem unicus.

Qui es in cælis.

Cum in omni loco sit, *Cælum* exprimimus, 1. ut reverentiam in nobis excitemus illius Majestatis in cœlo velut throno residentis.

2. Ut mentes nostras ad cœlos erigamus, ubi est filiorum Dei patria & hereditas.

3. Ut intelligamus, nos hic esse exules & peregrinos, debere autem ita vivere quasi in cœlis sit conversatio nostra.

4. Ut monear, illuc oculos animumque levare, unde solum veniet auxilium mihi.

Cælum quoque & propria Dei sedes sunt animæ sanctæ à terris elevatæ, in quibus habitat Deus per gratiam, & eas lumine cognitionis suæ peculiariter illustrat.

Hactenus proœmium; sequuntur petitiones.

I. *Sanctificetur nomen tuum.*

Habearis, qualis es, purus, sanctus, justus, verus, rectus. Nihil ita Deus æstimat quam ut sanctus habeatur & prædicetur. Vnde toties ait, *Sancti estote, quia ego sanctus sum.* Hinc iratus est contra Moysen & Aaron, quod non sanctificassent eum ad aquas Contradictionis coram filiis Israël. Porro id unicum est Beatorum carmen : *Sanctus, Sanctus, Sanctus.*

2. Non ait, Potentia, aut Majestas tua ; sed *nomen tuum*, ut simul includat quicquid Dei apud nos nominatur, totum videlicet sanctum esse, & pro eo celebrandum. Nominatur autem Omnipotens, Sapiens, Creator, &c.

3. *Tuum*, inquit, quia solum *tuum* est sanctum per seipsum; unde justii stillam participant. Ergo, *Tuum*, non nostrum; Regi sæculorum immortalis & invisibili, soli Deo honor & gloria in sæcula sæculorum; nobis autem confusio faciei. Cur ergo tam studiose gloriam nostram, & grande nomen quærimus, qui nesciri & contemni potius optare debuimus.

4. Absolute ait, *Sanctificetur*, non restringens ad certas personas; quia optandum, ut id fiat ab omni creatura cælestium, terrestrium, & infernorum: nec ad certum tempus; quia par est, ut laudetur nomen Domini in omni tempore.

5. Porro sanctificatur Dei nomen, si homines credant, quæ revelat; sperent, quæ promittit; faciant, quæ jubet: colant Deum, ut ipse præcepit; ament eum ex toto corde, idque attestantibus operibus; ut qui vident opera nostra bona, glorificent Patrem, qui in cælis est. Digna filii ingenui & bonæ indolis oratio, nihil prius aut potius desiderare, quam gloriam Patris; honori ejus omnia postponere. Non nobis Domine, non nobis, sed nomini tuo da gloriam, sit nomen Domini benedictum ex hoc, &c.

II. *Adveniat regnum tuum.*

At regnat in cælo, & in terra, in mari, & ubique; & velint nolint, omnia serviunt ipsi, & in ditione ejus cuncta sunt posita. Itaque petimus,

1. Regnum, quo nunc, regnat in iustis per gratiam, qui per omnia ipsi subjiciuntur.

2. Quo regnat in Beatis, per gloriam; istud autem adveniet nobis, si in primo permanferimus.

Quare ait, *Adveniat*: quasi sponrè secuturum. Et quidem illud omnes optant, at primum non ita, quia cum labore conjunctum est: iustitia enim paratur & conservatur mortificatione carnis, & concupiscentiæ, quæ regnat in membris nostris, repressio.

3. *Regnum* illud consummatum atque perfectum, cum Deus erit omnia in omnibus, in Resurrectione mortuorum, quod expectant animæ beatæ.

4. *Tuum*, non mundi Regnum, quod ambiunt filii hujus sæculi, quod non nisi caducis bonis, infinitis curis, & mille periculis constat; multoque minus peccati regnum, quod funditus eversum cupio. Filiorum est, continuo suspirare ad patriam, & hæreditatem paternam, cæteris posthabitis, appetere. *Heu mihi quia incolatus meus prolongatus est. Cupio dissolvi, & esse cum Christo. Quemadmodum desiderat cervus ad fontes aquarum, &c.*

III. *Fiat voluntas tua, sicut in cælo, & in terra.*

1. Voluntas tua, sola semper bona, recta, & perfecta in omnibus: quam nobis insinuat præceptis, consiliis, ac inspirationibus; nec non jussis eorum, qui Dei nomine præsumunt. Ad hæc exequenda sufficit, quod Deus ita velit & jubeat: adeo quidem, ut si ei paream, & mandata ejus servem, vitam promerear; sin minus, mortem.

2. *Tua*, non *mea*, quæ perversa est: nec *carnis*, quæ contraria spiritui; nec *mundi*, quæ vana: nec *Diaboli*, quæ maligna: sed *Tua*, quæ est regula rectitudinis: nam quæ est voluntas tua, nisi sanctificatio nostra? Non enim exigitur a nobis, nisi quod profit nobis, non tibi, qui bonorum nostrorum non eges.

3. Modus faciendi, *Sicut in cælo* ab Angelis, ubi nulla est rebellio voluntatis iniquæ; ita integre, prompte, velociter, fortiter, amanter, alacriter fiat in terris; ubi resistere voluntati tuæ, est nolle duci suaviter, funiculis charitatis, quod

est hominis, sed velle cogi, jumentum instar, viribus potentia tuæ; vel trahi vinculis institutæ tuæ. *Doce me, Domine, facere voluntatem tuam, quia Deus meus es tu. Ecce Domine, servus tuus sum ego, Domine, quid me vis facere? Loquere Domine, quia audit servus tuus.*

IV. *Panem nostrum quotidianum da nobis hodie.*

1. *Panem gratia & verbi Dei.* Non enim in solo pane vivit homo: sed & animæ subsidiis opus habet. Nam ut duplex est vita hominis, ita duplici quoque cibo seu pane nutritur.

2. Præcipue *Panem vivum*, qui de cælo descendit; Panem super substantialiæ Eucharisticum; qui confirmat cor hominis, & spiritum roborat.

3. *Panem corporalem*, vitæ sustentandæ necessarium; pro quo tamen adeo non vult nos esse sollicitos, aut nimis anxios, ut à benedictione divina eum expectari jubeat.

4. *Nostrum*: non meum, utpote communem, & inter fratres partiendum, qui eundem Deum Patrem agnoscimus omnium, qui dona sua non uni, vel paucis, sed necessitati omnium servire voluit.

5. *Quotidianum*, Si de spiritali, non illum qui est paucorum singulariter dilectorum, quo indignum me reputo, sed communem, quasi portionem necessariam, sine qua non vivitur: Ita etiam si de corporali accipiatur non abundantem ad luxum, & genium, nec in plures annos reponendum, sed ad usum & necessitatem quotidianam.

6. *Da nobis*, pro omnibus tanquam fratribus petendum, etiam si alioqui odientibus. *orate pro persequentibus & calumniantibus vos*, & si videris inimicum esurientem, ciba illum.

7. *Hodie*, quia vult nos quotidie petere, semperque ab ejus pendere providentia. Avocat etiam à superflua cura de crastino, ad exemplum dati olim Mannæ in singulos dies. *Oculi omnium in te sperant Domine, Tu da illis escam in tempore opportuno; aperi manum tuam & imple omne animal benedictione.*

V. *Dimitte nobis debita nostra ; sicut & nos dimittimus debitoribus nostris.*

1. Multis enim debitis Deo sumus obnoxii ; in multis offendimus omnes , tum ob mala commissã ; tum ob bona omiſſa , quæ facere debuimus. Nisi Deus ex misericordia dimittat, quis sustinebit? si pro rigore justitiæ agere voluerit, quis poterit unum respondere pro mille? Itaque ad solam misericordiam restat refugium.

2. Sed frustra, si nos proximis non condonemus offensas, quæ tamen exiguæ, si conferantur cum debitis, quibus nos Deo tenemur; nempe decem millibus talentorum. Et nihilominus, quæ Dei bonitas est, paratus est dimittere decem millia ; si nos mille dimittimus.

3. Sed vide & cave. Dimittet, sicut dimittis. & hanc conditionem & clausulam apponis orationi tuæ. Si ægre tarde, minus sincere, & imperfecte dimittis, idem time & expecta à Deo. Omnino contra se profert sententiam qui rogat sibi dimitti debita, non dimittens debitoribus suis, idque ex animo. *Si iniquitates observaveris Domine, Domine quis sustinebit? &c.*

VI. *Et ne nos inducas in tentationem.*

Non petimus, ut non tentemur, quia id sæpe expedit, & à Deo sapienter permittitur ; sed, ne tentationi succumbamus : aut etiam, ne tentari sinat, quando prævidet, nos succubituros. Tentatio sæpe est occasio & materia excrucientiæ virtutis : Sed Dei est ita moderari tentationem, & opitulari imbecillitati nostræ, ut non tentemur supra id quod possumus, sed illæsi vadamus. *Proba me Domine & tenta me, ure renes meos, & cor meum, & vide si via iniquitatis in me est, &c.*

VII. *Sed libera nos à malo.*

Ab omni genere malorum. Sicut orat Ecclesia in Missa. *Libera nos quæsumus Domine ab omnibus malis præteritis, presentibus, & futuris, nempe, æternis, & temporalibus; animæ & corporis.*

DE CVLTV & ADOR. SS. TRIN. 29

Deinde à malo, hoc est, à maligno Dæmone, ne potestatem habeat exercendi in nos malitiam & invidiam suam.

Mala hic censentur, non tantum, quæ animam tangunt, sed quæ corpus etiam, famam & fortunam ita afficiunt, ut animæ malum & nocumentum inde timeri possit. *Si ambulavero in medio umbrae mortis, non timebo mala, quoniam tu mecum es. Illumina oculos meos, ne unquam obdormiam in morte, ne quando dicat inimicus meus, Prevalui adversus eum.*

Amen.

Fiat, fiat. Magno desiderio pronuntiabitur: nam desiderium pauperum exaudivit Dominus. Magna etiam fiducia ut qui ea petamus, quæ petenda præscripsit, sicut ait Ioannes: *Hæc est fiducia, quam habemus ad Deum, quia quodcumque petierimus secundum voluntatem ejus, audiet nos, scimus, quoniam habemus petitiones, quas postulamus ab eo.*

C A P. III.

in quo

LITANIÆ VARIÆ, AD SS. TRINITATEM & singulas Personas.

NOTA, pie Lector, has, & sequentes LITANIAS ex sacra Scriptura potissimum collectas, Nomina, Titulos, Attributa, & Elogia divina tum Naturæ, tum Personis singulis appropriata complecti. Et poterant hujusmodi plura colligi; sed opusculi angustia non permisit. Addendum illud quoque: Si quis forte (sciolus magis, quam pius) putet hæc Epitheta Vocandi potius casu efferenda, quam Nominandi; in locis suis suppleat, vel subintelligat has particulas: Qui es. Interim meminerit, sic quoque orare Ecclesiam, Agnus Dei, &c. miserere nobis. Item Sanctus DEVS, Sanctus fortis, Sanctus & immortalis, miserere nobis.

LITANIÆ
AD SS. TRINITATEM.

KYRIE ELEISON, Christe eleison.
Kyrie eleison.

Parce de cœlis Deus,
Fili Redemptor mundi Deus,
Spiritus sancte Deus,
S. Trinitas unus Deus,
Deus ex quo, per quem, & in quo sunt omnia,
Qui solus es Deus,
Qui Moyfi nomen Tuum EGO SUM QUI-
SUM, patefecisti,
Deus Deorum Dominus,
Deus in quo vivimus, movemur, & sumus,
Dominus Deus, fortis, zelotes, visitans iniquitatem Patrum in filios,
Cui soli debetur omnis honor & gloria,
Cujus majestate repleta est terra,
Qui facis mirabilia magna solus,
Dominus Altissimus super omnem terram,
Qui solus es bonus,
Deus cujus iræ nemo resistere potest,
Qui es, qui eras, & qui venturus es,
Deus Abraham, Deus Isaac, & Deus Iacob,
Rex Regum, & Dominus Dominantium,
Qui baltheum Regum dissolvis & præcingis renes eorum,
Qui solus habes immortalitatem, & lucem inhabitas inaccessiblelem,
Dominus Exercituum Deus Israel,
Fortissimus Deus Spirituum universæ carnis,
Qui fecisti cœlum & terram, mare, & omnia quæ in eis sunt.
Qui facis judicium injuriis patientibus,
& das escam esurientibus,

Rom. 11
Psal. 85
Exod. 3
Psal. 49
Act. 17
Exod. 20
1 Tim. 1
Psal. 71
Psal. 135
Psal. 96
Luce 18
Iob. 9
Apoc. 1
Exod. 3
1 Tim. 6
Iob. 12
1 Tim. 6
Isaia 37
Num. 16
Psal. 14
ibid.
Deu

DE CVLTV & ADOR. SS. TRIN. 31

Deus misericors, patiens, & multæ misericordiæ, & verax,
 Deus iudex iustus, fortis, & patiens,
 In cuius manu anima omnis viventis, & spiritus universæ carnis,
 Deus noster Ignis consumens,
 Deus fidelis, & absque ulla iniquitate, iustus & rectus,
 Deus cuius iræ nemo resistere potest,
 Dominus scrutans cor, & probans renes.
 Qui aperis manum tuam, & imples omne animal benedictione,
 Magnus consilio, & incomprehensibilis cogitatu,
 Qui facis magna, & inscrutabilia, & mirabilia quorum non est numerus,
 Pater orphanorum & Iudex viduarum,
 Qui solvis compeditos, & illuminas cæcos,
 Magnus Dominus noster, cuius sapientiæ non est numerus,
 Susciciens mansuetos Dominus, & humilians peccatores usque ad terram,
 Cujus oculi aperti sunt : super omnes vias filiorum Adam,
 Vnus legislator, & Iudex, qui potes perdere, & liberare,
 Qui sanas contritos corde, & alligas omnes contritiones eorum,
 Dominus mortificans & vivificans, deducens ad inferos, & reducens,
 Deus non volens iniquitatem,
 Qui habes potestatem corpus & animam mittere in gehennam,
 Dominus formans lucem, & creans tenebras; faciens pacem, & creans malum,
 Qui multiplicas gentes, & perdis eas, & subversas in integrum restituis,
 Cujus oculi lucidiores sunt super solem,]

Num. 14.

Psal. 85.

Psal. 7.

Iob 12.

Hebr. 12.

Deut. 32.

Iob 9.

Ierem. 17.

Psal. 144.

Ierem. 32.

Iob 5. & 9.

Psal. 67.

Psal. 145.

Psal. 146.

Miserere nobis. ibid.

Ierem. 32.

Ierem. 4.

Psal. 146.

1 Reg. 2.

Psal. 5.

Luce 12.

Isaia 45.

Iob 12.

cir-

circumspicientes omnes vias hominum,
 Qui revelas profunda de tenebris, & pro-
 ducis in lucem umbram mortis,
 Deus apud quem non est personarum ac-
 ceptio.
 Qui apprehendis sapientes in astutia sua, &
 consilium pravorum dissipas,
 Qui vivificas mortuos, & vocas ea, quæ
 non sunt, tanquam ea quæ sunt,
 Deus universæ carnis, cui non est difficile
 omne verbum,
 Qui fecisti terram in fortitudine tua, &
 præparasti orbem in sapientia tua,
 Qui das pluviam super faciem terræ, & ir-
 rigas aquis universa,
 Qui das escam omni carni,
 Qui omnia propter temetipsum operatus
 es,
 Vivens in sæcula sæculorum,
 Qui omnia in mentura, & numero, & pon-
 dere disposuisti,
 Quem cælum, & cœli cœlorum capere non
 possunt,
 Terribilis in consiliis super filios hominum,
 Apud quem tanquam momentum stateræ
 est orbis terrarum,
 Qui operaris omnia secundum consilium
 voluntatis tuæ,
 Qui mensus es pugillo aquas, & cœlos pal-
 mo ponderasti,
 Qui dominaris potestati maris, & motum
 fluctuum ejus mitigas,
 Qui appendis tribus digitis molem terræ,
 & libras in pondere montes,
 Deus magnus Dominus, & Rex magnus
 super omnes Deos,
 Rex seculorum, immortalis, invisibilis, so-
 lus sapiens,

Miserere nobis.

Eccl. 23.

Iob 12.

Rom. 2.

Iob 5.

Rom. 4.

Ierem. 32.

Ierem. 51.

Iob 5.

Psal. 136.

Prov. 16.

Apoc. 10.

Sap. 11.

3 Reg. 8.

Psal. 65.

Sap. 11.

Ephes. 1.

Isaie 40.

Psal. 86.

Isaie 40.

Psal. 94.

1 Tim. 1.

San-

DE CVLTV & ADOR. SS. TRIN. 33

Sanctus, Sanctus, Sanctus,	} Misericordias nobis.	<i>Iesae 6.</i>
Deus protector noster, & merces nostra magna nimis,		<i>Gen. 15.</i>
Vnus Deus, & Pater omnium, qui es super omnes, & per omnia, & in omnibus nobis,		<i>Ephes. 4.</i>

Propitius esto, Parce nobis ô S. Trinitas.
 Propitius esto, Exaudi nos ô S. Trinitas.
 Ab omni malo, Libera nos ô S. Trinitas.
 Ab omni superbia, & elatione animi,
 A gula, crapula, & omni Ventris ingluvie,
 Ab ira, invidia, & omni mala Voluntate,
 Ab omni luxuria, & immunditia,
 Ab omni acedia, & inordinata tristitia,
 Per immensitatem potentiae tuæ,
 Per infinitatem Sapientiae tuæ,
 Per abundantiam bonitatis tuæ,
 Per aeternitatem gloriae, & maiestatis tuæ,
 Per altitudinem scientiae & providentiae tuæ,
 Per ineffabilem magnitudinem charitatis & misericordiae tuæ,

Libera nos ô S. Trinitas.

Per abyssum iustitiae & iudiciorum tuorum,
 In die Iudicii,
 Peccatores, Te rogamus audi nos.
 Vt tibi serviamus in sanctitate & iustitia omnibus diebus nostris,
 Vt te Dominum Deum nostrum adoremus, & tibi soli serviamus,
 Vt nomen sanctum tuum in vanum nunquam assumamus,
 Vt festos & sacros Ecclesiae dies religiosos & piis operibus sanctificemus,
 Vt parentes, Praelatos, superiores, & qui parentum loco nobis sunt, debito honore, reverentia, & obedientia prosequamur,
 Vt nullius vitae, famae, honori, ex ira, odio, vel invidia unquam noceamus,
 Vt neminem damno, furto, vel quacunque injuria, seu dolo, seu vi laedamus,

Te rogamus audi nos.

E

Vt

Vt ab illicitis carnis desideriis, & impuris affectibus
cor nostrum custodiamus,

Vt nunquam adversus proximum falsum testimo-
nium, aut mendacium loquamur.

Vt bona proximi non concupiscamus,

Vt te Deum nostrum ex toto corde, & ex tota anima,
& totis viribus diligamus,

Vt te super omnia, & proximum propter te, sicut nos
ipso amemus,

Vt quod nobis fieri nolumus, alteri non faciamus.

Vt omnem gratiam in nobis abundare facias,

Vt divitias bonitatis, patientiæ, & longanimitatis
tuæ non contemnamus,

Vt exhibeamus corpora nostra hostiam viventem,
sanctam, Deo placentem,

Vt ad regnum, quod parasti nobis ab origine mundi,
nos perducere digneris,

Agnus Dei, qui tollis peccata mundi, Placa nobis Patrem.

Agnus Dei, qui tollis peccata mundi, Propitius esto nobis
peccatoribus.

Agnus Dei, qui tollis peccata mundi, Dona nobis Spiritum
sanctum.

O beata Trinitas, Audi nos.

O adoranda Trinitas. Exaudi nos.

Kyrie eleison. Christe eleison. Kyrie eleison.

Pater noster. Ave Maria.

Ÿ. Benedictus es Domine Deus Patrum nostrorum.
℞. Et laudabilis & gloriosus in sæcula.

Ÿ. Benedictus es Domine in firmamento cæli. ℞. Et lau-
dabilis, & gloriosus, & superexaltatus in sæcula.

Ÿ. Benedicant te omnes Angeli, & Sancti tui. ℞. Et lau-
dent te & glorificent in sæcula.

Ÿ. Benedicant te cœli, terra, mare, & omnia, quæ in eis
sunt. ℞. Et laudent te, & glorificent in sæcula.

Ÿ. Benedicamus Patrem, & Filium, cum S. Spiritu.
℞. Laudemus, & superexaltemus eum in sæcula.

Ÿ. Domine exaudi orationem meam. ℞. Et clamor meus
ad te veniat.

Oremus.

Oremus.

Omnipotens sempiterne Deus, qui dedisti famulis tuis in confessione veræ fidei, æternæ Trinitatis gloriam agnoscere; & in potentia majestatis adorare unitatem: quæsumus, ut ejusdem fidei firmitate ab omnibus semper muniamur adversis.

Deus, qui omnipotentiam tuam parcendo maxime & miserando manifestas: multiplica super nos misericordiam tuam, ut ad tua promissa currentes cœlestium bonorum facias consortes.

Omnipotens sempiterne Deus, qui abundantia pietatis tuæ & merita supplicum excedis & vota; effunde super nos misericordiam tuam; ut dimittas, quæ conscientia metuit; & adjicias quod oratio non præsumit. Per Dominum.

L I T A N I Æ

AD DEVM PATREM.

Ex sacra Scriptura collectæ.

KYRIE ELEISON. *Christe eleison.*
Kyrie eleison.

Pater sancte, audi nos. Pater iuste, exaudi nos.

Pater de cœlis Deus,

Fili redemptor mundi Deus,

Spiritus sancte Deus,

S. Trinitas unus Deus,

Pater noster, qui es in Cœlis,

Benedictus Deus & Pater Domini nostri

Iesu Christi,

Pater misericordiarum, & Deus totius consolationis,

Qui consolaris nos in omni tribulatione nostra,

Pater Deus benedictus in secula,

Pater quærens adoratores in Spiritu & veritate,

Pater ex quo omnia,

Pater gloriæ & Dominus cœli & terræ,

E 2

*Matth. 6.**Miserere nobis.*
*1 Petr. 1.**2 Cor. 1.**ibid.**Rom. 9.**Ioan. 4.**1 Cor. 8.**Ephes. 1.**Qui*

Qui misisti Filium tuum unigenitum in
 mundum, ut vivamus per eum,
 Pater Christi, qui usque modo operaris,
 Pater D. N. I. C. ex quo omnis paternitas
 in cœlo & in terra nominatur,
 Qui elegisti nos in Filio ante mundi consti-
 tutionem,
 Qui prædestinasti nos in adoptionem filio-
 rum per Iesum Christum,
 Qui myſteria abscondis à prudentibus; &
 revelas ea parvulis,
 Qui benedixisti nos omni benedictione spi-
 rituali in cœlestibus,
 Qui dimittis nobis peccata nostra,
 Qui elegisti nos, ut essemus sancti & imma-
 culati in conspectu tuo,
 Qui das spiritum bonum petentibus te,
 Pater luminum, à quo omne datum opti-
 mum, & omne donum perfectum de-
 scendit,
 Pater vivificans, & mortuos suscitans,
 Pater videns in abscondito,
 Pater habens vitam in temetipſo,
 Agricola usque modo operans,
 Qui solem tuum oriri facis super bonos &
 malos,
 Qui pluis super justos & injustos,
 Qui numerasti omnes capillos capitis nostri,
 Qui proprio Filio non pepercisti, sed pro
 nobis omnibus tradidisti illum,
 Qui vocasti nos in societatem Filii tui,
 Qui gratificasti nos in dilecto Filio tuo,
 Cujus Filius servi formam accepit, ut ser-
 vos redimeret,
 Qui tranſtulisti nos in Regnum Filii dile-
 ctionis tuæ,
 Qui dignos nos fecisti in partem sortis san-
 ctorum,

Miserere nobis.

1 Ioan. 4.

Ioan. 5.

Ephes. 3.

Ephes. 1.

Ibid.

Matt. 11.

Ephes. 1.

Matt. 6.

Ephes. 1.

Luce 11.

Iacob. 1.

Ioan. 5.

Matt. 6.

Ioan. 5.

Ioan. 15.

Matt. 5.

Ibid.

Matt. 10.

Rom. 8.

1 Cor. 1.

Ephes. 1.

Phil. 2.

Colos. 1.

Colos. 1.

Qui

DE CVLTV & ADOR. SS. TRIN. 37

Qui ad nuptias Filii tui nos vocasti,	
Qui dilexisti nos, & dedisti consolationem æternam,	<i>Matt. 22.</i>
Qui sic dilexisti mundum, ut Filium tuum unigenitum dares,	<i>2 Thes. 2.</i>
Qui voce de cœlo delapsa, à magnifica gloria, clarificasti Filium tuum,	<i>Ioan. 3.</i>
Qui tibi in filio tuo bene complacuisti,	<i>2 Petr. 1.</i>
Cui complacuit dare nobis regnum,	<i>Ibid.</i>
Cujus faciem semper vident Angeli in coelis	<i>Luca 12.</i>
Qui talem charitatem dedisti nobis ut filii tui nominemur, & simus,	<i>Luca 18.</i>
Qui voluisti nos conformes fieri imaginis Filii tui,	<i>1 Ioh. 3.</i>
Qui regnum electis tuis à mundi constitutione paraſti,	<i>Rom. 8.</i>
Qui sine acceptione personarum judicas secundum opus uniuscujusque,	<i>Matt. 25.</i>
In cujus domo mansiones multæ sunt,	
Pater cui omnia sunt possibilia,	<i>1 Petr. 1.</i>
Pater qui diligis Filium, & omnia dedisti in manu ejus,	<i>Ioan. 14.</i>
Sine quo nemo venit ad Filium, nisi tu, Pater, traxeris eum,	<i>Ioan. 3.</i>
Propitius esto; parce nobis Domine.	<i>Ioan. 6.</i>
Propitius esto; Exaudi nos Domine.	
Propitius esto,	
Ab omni malo,	
A potestate satanæ,	
Ab ira, odio, & omni mala voluntate,	
Ab imminentibus peccatorum periculis,	
A morte perpetua,	
Per altissimam, qua intueris abyſſos, scientiam tuam,	
Per immensam, qua omnia ex nihilo creasti, potentiam tuam,	
Per suavem, qua cuncta gubernas, providentiam tuam,	
Per æternam, quâ mundum dilexisti, charitatem tuam	

Miserere nobis.

Libera nos Domine.

Per

Per infinitam, qua omnia imples, bonitatem tuam, libera nos Domine.

In die Iudicii, libera nos Domine.

Peccatores, Te rogamus audi nos,

Vt nomen tuum semper & ubique sanctificetur,

Vt regnum tuum nobis advenire concedas,

Vt voluntas tua semper in nobis fiat sicut in coelo & in terra,

Vt panem nostrum quotidianum nobis dare degneris,

Vt debita nostra nobis clementer dimittere digneris,

Vt nos sub umbra alarum tuarum protegere, & ex omni tentatione eripere digneris,

Vt nos ab omni malo liberare digneris,

Vt spiritum bonum petentibus te dare digneris,

Vt quod fideliter petimus, efficaciter consequamur,

Pater in nomine Filii tui,

Agnus Dei, qui tollis peccata mundi, &c,

Vt des nobis secundum divitias gloriæ tuæ, virtute corroborari per spiritum tuum in interiorum hominem,

Ephes. 3.

Ÿ. Protector noster adspice nos Deus.

℞. Et respice in faciem Christi tui.

Ÿ. Memento nostri Domine in beneplacito tuo.

℞. Visita nos in salutari tuo.

Ÿ. Ostende nobis Domine misericordiam tuam.

℞. Et salutare tuum da nobis.

Ÿ. Domine Deus virtutum converte nos.

℞. Ostende faciem tuam & salvi erimus.

Ÿ. Domine exaudi orationem meam.

℞. Et clamor meus ad te veniat.

Oremus.

Omnipotens sempiterne Deus, dirige actus nostros in beneplacito tuo, ut in nomine dilecti Filii tui mereamur bonis operibus abundare.

Deus celsitudo humilium, & fortitudo rectorum, qui per unigenitum Filium tuum, ita mundum erudire dignatus es, ut omnis illius actio, nostra fieret instructio; ex-
cita

Te rogamus audi nos.

DE CVLTV & ADOR. SS. TRIN. 39

cita in nobis Spiritus tui fervorem, ut quod ille verbo & exemplo salubriter docuit, nos efficaciter imitari valeamus.

Deus à quo bona cuncta procedunt, largire supplicibus tuis, ut cogitemus te inspirante quæ recta sunt, & te gubernante eadem faciamus. Per Dominum nostrum.

L I T A N I Æ

Præcipua nomina, Titulos, Elogia & Officia VERBI
Incarnati, IESV Christi Salvatoris nostri
complectens.

Ex Scripturis utriusque Testamenti.

KYrie eleison. Christe eleison.

KYrie eleison.

Pater de coelis Deus,
Fili Redemptor mundi Deus,
Spiritus Sancte Deus,
S. Trinitas unus Deus,
Verbum caro factum,
Verbum plenum gratiæ & veritatis,
Verbum Domini,
Deus per quem omnia facta sunt,
Benedictus dominus Deus Israël,
Unigenitus filius Dei,
Filius Dei dilectus,
Salvator Christus Dominus,
Magnus & filius Altissimi,
Filius Dei vivi,
Emmanuel, id est, nobiscum Deus,
Unigenitus Filius, qui es in sinu Patris,
Filius Dei dilectus, in quo sibi Pater com-
placuit.
Omnipotens sermo Domini,
Sapientia ab æterno ordinata,
Benedictus qui venit in nomine Domini,
Brachium Domini,
Salutare Dei nostri,

Ioan. 1.
Ioan. 1.
Psal. 32.
Ioan. 1.
Lucæ 1.
Ioan. 3.
Lucæ 3.
Lucæ 2.
Lucæ 1.
Math. 16.
Math. 1.
Ioan. 1.

Math. 3.
Sap. 18.
Prov. 8.
Lucæ 19.
Isaia 53.
Isaia 52.
Imago

Imago Dei invisibilis,
 Cui donatum est nomen, quod est super omne nomen,
 Portans omnia verbo virtutis tuæ,
 Principium creaturæ Dei,
 Primogenitus omnis creaturæ,
 Primogenitus in multis fratribus,
 Heres universorum,
 Flos campi & lilium convallium,
 Germen justum Domini,
 Expectatio Gentium,
 Admirabilis, Consiliarius, Deus, Fortis,
 Angelus Domini,
 Angelus Testamenti,
 Deus noster in terris visus, & cum hominibus conversatus,
 Semen Abrahæ,
 Stella ex Iacob orta,
 Leo de tribu Iuda,
 Radix Iesse,
 Filius David,
 Filius Hominis,
 Iesus Nazareus,
 Vir à foemina circumdatus,
 Sanctum ex beata Virgine natum,
 Filius Mariæ primogenitus,
 Fructus ventris Mariæ,
 I E S U S filius Ioseph à Nazareth,
 Veritas de terra orta,
 In cuius nomine omne genu flectitur, celestium, terrestrium, & infernorum,
 In quo sunt omnes thesauri sapientiæ, & scientiæ absconditi,
 Per quem omnia facta sunt, & sine quo factum est nihil,
 In quo habitat omnis plenitudo divinitatis corporaliter,

Coloss. 1.

Phil. 2.

Hebr. 1.

Apos. 3.

Coloss. 1.

Rom. 8.

Hebr. 1.

Cant. 2.

Isaie 4.

Genes. 49.

Isaie 9.

Psal. 33.

Malac. 3.

Baruch. 3.

Galat. 3.

Num. 14.

Apos. 5.

Isaie 11.

Matth. 1.

Mat. 8. &c.

Io. 19. &c.

Jerem. 31.

Luca 1.

Matth. 1.

Luca 1.

Ioan. 1.

Psal. 84.

Philip. 2.

Coloss. 2.

Ioan. 1.

Coloss. 2.

Miserere nobis.

Sacer-

Sacerdos in æternum secundum ordinem
 Melchisedech,
 Pontifex futurorum bonorum,
 Pontifex sanctus, innocens, impollutus, se-
 gregatus à peccatoribus, & excelsior
 cœlis factus,
 Pontifex magnus, qui penetraſti cœlum,
 Mitis, & humillis corde,
 Sponsus dilectus, candidus, & rubicundus,
 electus ex millibus,
 Caput corporis Ecclesiæ.
 Caput omnis principatus & potestatis,
 Pastor bonus, animam tuam dans pro ovi-
 bus tuis,
 Pastor & Episcopus animarum noſtrarum,
 Sanctus Sanctorum,
 Princeps Pastorum,
 Testis fidelis & verus,
 Propheta magnus
 Vir Propheta, potens in opere & sermone,
 coram Deo & omni populo,
 Vere Propheta, qui venturus est in mun-
 dum,
 Meſſias, Deſideratus cunctis Gentibus,
 Qui miſſus es euangelizare pauperibus, ſa-
 nare contritos corde, & prædicare capti-
 vis remiſſionem,
 Vinctus à Domino Spiritu S. & virtute,
 Vinctus à Deo oleo lætitiæ præ conſortibus
 tuis,
 Specioſus forma præ filiis hominum,
 Rex magnus ſuper omnem terram,
 Rex Iudæorum,
 Rex Iſraël,
 Exeſus præ Regibus terræ,
 Dominus Legiſer noſter,
 Lapis vivus à Deo electus & honorifica-
 tus,

Pſal. 109.*Hebr.* 9.*ibid.**Hebr.* 4.*Matt.* 11.*Cantic.* 5.*Coloſſ.* 1.*Coloſſ.* 2.*Ioan.* 10.*1 Petr.* 3.*Dan.* 9.*1 Petr.* 5.*Apoc.* 3.*Luca* 7.*Luca* 24.*Ioan.* 6.*Ioan.* 4. &*Agg.* 2.*Iſai.* 61. &*Luca* 4.*Actor.* 13.*Pſal.* 44.*ibid.**Pſal.* 46.*Mat.* 2. &c.*Ioan.* 1.*Pſal.* 88.*Iſaiæ* 53.*1 Petr.* 1.

Lapis

Miserere nobis.

Lapis reprobatus ab ædificantibus, & factus in caput anguli,
 Lapis abscissus de monte sine manibus,
 Lapis positus in Sion, summus, angularis, electus, pretiosus,
 Positus in ruinam & resurrectionem multorum in Israël,
 Lux mundi,
 Lux vera, quæ illuminat omnem hominem venientem in hunc mundum,
 Stella splendida & matutina,
 Sol Iustitiæ,
 Via, Veritas, & Vita,
 Vitis vera, cujus nos palmites,
 Clavis David,
 Ostium Ovium,
 Arca testamenti Dei,
 Manna absconditum,
 Panis vivus & verus de cælo descendens,
 Panis vitæ & intellectus,
 Panis Dei dans vitam mundo,
 Panis noster supersubstantialis,
 Panis cor hominis confirmans,
 Pinguis panis præbens delicias regibus,
 Rabbi, qui à Deo venisti, Magister,
 Princeps regum terræ,
 Deus & Princeps pacis,
 Pax nostra qui fecisti utraque unum,
 Magister & Dominus,
 Dominus Dominorum & Rex Regum,
 Vir dolorum, & sciens infirmitatem,
 Qui languores nostros vere tulisti,
 Cujus livore sanati sumus,
 Qui dilexisti nos, & lavisti nos à peccatis nostris in sanguine tuo,
 In quo posuit Deus iniquitatem omnium nostrum,
 Tanquam ovis ad occisionem ductus,

*Psal. 117.**Dan. 2.**Ephe. 2. 20.**1 Petr. 2.**Luca 2.**Ioan. 8.**Ioan. 1.**Apoc. 12.**Malac. 4.**Ioan. 14.**Ioan. 15.**Apoc. 3.**Ioan. 20.**Apoc. 11.**Apoc. 2.**Ioan. 6.**Eccl. 15.**Ioan. 6.**Matth. 6.**Psal. 103.**Genes. 49.**Ioan. 4.**Apoc. 1.**1 Thes. 5.**Ephe. 2.**Ioan. 13.**Apoc. 17.**Isai. 53.**Isai. 53.**Isai. 53.**Apoc. 1.**Isai. 53.**Act. 8.**Qua-*

DE CVLTV & ADOR. SS. TRIN. 43

Quasi Agnus coram tondente se obmutescens:	<i>Isaie 53.</i>
Agnus absque macula,	<i>Exod. 11.</i>
Agnus occisus ab origine mundi,	<i>Apoc. 5.</i>
Qui vulneratus es propter iniquitates nostras, & attritus propter scelera nostra,	<i>Isaie 53.</i>
Qui saluum fecisti populum tuum à peccatis eorum,	<i>Matt. 11.</i>
Princeps & Salvator noster,	<i>Actor. 2.</i>
Salutare Dei gentibus missum,	<i>Act. 28.</i>
Propitiatio pro peccatis nostris,	<i>1 Ioan. 2.</i>
Qui factus es nobis sapientia à Deo & iustitia, & sanctificatio, & redemptio,	<i>1 Cor. 1.</i>
Apostolus & Pontifex confessionis nostræ,	<i>Hebr. 3.</i>
Qui non venisti vocare iustos, sed peccatores,	<i>Matt. 9.</i>
Qui venisti quærere & saluum facere quod perierat,	<i>Miserere nobis Luca 19.</i>
Qui temetipsum exinanisti formam servi accipiens,	<i>Philip. 2.</i>
Qui pro nobis animam tuam posuisti,	<i>1 Ioan. 3.</i>
Qui acquisivisti Ecclesiam sanguine tuo,	<i>Actor. 20.</i>
Qui non venisti ministrari sed ministrare,	<i>Matt. 20.</i>
Qui factus es obediens Deo Patri usque ad mortem Crucis,	<i>Philipp. 2.</i>
Vnus Mediator Dei & hominum, homo	<i>1 Tim. 2.</i>
IESVS Christus,	<i>Hebr. 8.</i>
Novi testamenti Mediator,	<i>Hebr. 12.</i>
Auctor fidei & consummator,	<i>1 Thess. 1.</i>
Qui eripuisti nos ab ira ventura,	<i>Ioan. 20.</i>
Dominus meus & Deus meus,	<i>Psal. 23.</i>
Dominus fortis & potens in prælio,	<i>Zach. 2.</i>
Dominus exercituum,	<i>Apoc. 1.</i>
Primogenitus mortuorum,	<i>Ioan. 11.</i>
Resurrectio & vita,	<i>Apoc. 2.</i>
Qui fuisti mortuus, & vivis,	
Qui traditus es propter delicta nostra; & resurrexisti propter justificationem nostram	<i>Rom. 4.</i>
	Qui

Qui fecisti nos regnum & sacerdotes Deo
& Patri,

Qui oblatus es, quia ipse voluisti,
Pascha nostrum,

Habens claves mortis & inferni,

Cui data est omnis potestas in cœlo & in
terra,

Qui adscendisti super omnes cœlos,

Qui sedes ad dexteram maiestatis in excel-
sis,

Advocatus noster apud Patrem,

Per quem habemus accessum ad Patrem,

Qui es, qui eras, & qui venturus es,

In omnibus principatum tenens,

Vivens in sæcula sæculorum,

Pater futuri seculi,

Templum & lucerna civitatis sanctæ,

Christus pax nostra, qui fecisti utraq; unum,

Spes nostra,

Rex gloriæ,

Candor lucis æternæ,

Splendor gloriæ, & figura substantiæ Dei,

Speculum sine macula maiestatis Dei,

Lignum vitæ,

Lumen vitæ,

Fons vitæ,

Auctor vitæ

Alpha & O mega,

Principium & finis,

Primus & novissimus,

Qui constitutus es à Deo Iudex vivorum
& mortuorum,

Qui es super omnia Deus benedictus in se-
cula,

Propitius esto, Parce nobis Domine.

Ab omni malo,

Per æternam ex Patre generationem tuam,

Per temporalem ex matre nativitatem tuam,

Apoc. 1.

Isaia 53.

1 Cor. 5.

Apoc. 1.

Matt. 28.

Ephes. 4.

Hebr. 1.

1 Ioan. 2.

Ephes. 2.

Apoc. 1.

Coloss. 1.

Apoc. 1.

Isaia 9.

Apoc. 21.

Ephes. 2.

1 Tim. 1.

Psal. 23.

Sap. 7.

Hebr. 1.

Sap. 7.

Apoc. 2.

Ioan. 8.

Psal. 35.

Act. 3.

Apoc. 1.

Apoc. 18.

Apoc. 22.

Act. 10.

2 Tim. 4.

Rom. 9.

Miserere nobis.

} Libera nos
Domine.

Per

DE CVLTV & ADOR. SS. TRIN. 45

Per sanctissimam vitam & conversationem tuam,
 Per acerbissimam passionem & mortem tuam,
 Per gloriosam resurrectionem & ascensionem tuam,
 Per adventum tuum ad iudicium,
 Per coaeternam Deo Patri gloriam tuam,

} Libera nos Domine.

Peccatores;

Vt ante omnia quæramus regnum Dei, &
 justitiam ejus,

Matth. 6.

Vt discamus à te, quia mitis es & humilis
 corde,

Matth. II.

Vt diligamus inimicos nostros; & benefaci-
 amus his qui oderunt nos,

Matth. 5.

Vt abnegemus nosmetipsos, & tollentes
 crucem nostram te sequamur,

Matth. 16.

Vt simus prudentes sicut serpentes: & sim-
 plices sicut columbæ,

Matth. 10.

Vt sic luceant opera nostra coram homini-
 bus, ut glorificent Patrem nostrum qui
 in cœlis est,

Te rogamus audi nos.

Vt perdamus animas nostras in hoc mun-
 do; & in vitam æternam eas custodiamus,

Ioan. 12.

Vt non timeamus eos qui occidunt corpus,
 sed illum qui potest & animam & corpus
 perdere in gehennam,

Matth. 10.

Vt non thesaurizemus nobis thesauros in
 terra, sed in cœlo,

Matth. 7.

Vt proximum temere nunquam judicemus

Vt in nomine tuo Patrem rogantes, juxta
 promissum tuum, exaudiri mereamur,

Ioan. 16.

Vt omnia, quæ nobis fieri volumus ab ho-
 minibus, & nos illis faciamus,

ibid.

Vt caveamus, ne corda nostra graventur in
 crapula, ebrietate, & curis hujus vitæ,

Luce 21.

Vt relicta via spatiosa quæ ducit ad perditionem;
 per angustam portam quæ ducit
 ad vitam, intrare contendamus,

Matth. 7.

Vt jugum tuum suave, & onus leve liben-
 ter & cupide suscipiamus.

Matth. 12.

Vt

Vt talenta à te accepta , sedulo ad usuram
collocemus,

Vt Verbum tuum corde bono & optimo
fufcipientes, multum fructum afferamus
in patientia,

Vt te hora mortis nostræ , & adventus tui
incerti, femp̃er vigiles & parati effe ftu-
deamus,

Vt ad rationem villicationis nostræ reddendā
ferio nos comparemus,

Vt per gratiam tuam ufque in finem perfe-
verantes falvi fiamus,

Agnus Dei qui tollis peccata mundi, miferere nobis,

Agnus Dei qui tollis peccata mundi, exaudi nos Domine.

Agnus Dei qui tollis peccata mundi, dona nobis pacem.

Pater nofter. Ave Maria.

Oremus.

Deus qui per coæternam tibi fapientiam, hominem, cum
non efflet, condidifti, perditumque mifericorditer refor-
mafti, præfta quæfumus, ut eadem corda noftra infpiran-
te, te tota mente diligamus, & ad te toto corde curramus.
Per eundem Dominum noftrum.

L I T A N I Æ DE S. SPIRITV,

Ex facra Scriptura.

Kyrie eleïfon. Chriſte eleïfon.

Kyrie eleïfon.

Pater de cœlis Deus,

Fili Redemptor Mundi Deus,

Spiritus fancte Deus,

S. Trinitas unus Deus,

Spiritus à Patre Filioque procedens.

Spiritus de Chriſto teſtimonium perhibens,

Spiritus veritatis ſuggerens nobis omnia,

Spiritus docens nos omnem veritatem,

Matth. 25.

Luce 8.

Matth. 25.

&c.

Luce 16.

Matth. 10.

Miferere nobis,

Ioan. 25.

Ioan. 15.

Ioan. 14.

Ioan. 16.

Spi-

DE CVLTV & ADOR. SS. TRIN. 47

Spiritus in Mariam superveniens,
 Spiritus cujus virtute mirabili incarnatio
 Domini in utero virginis peracta est,
 Spiritus Domini replens orbem terrarum,
 Spiritus Dei habitans in nobis,
 Spiritus sapientiæ & intellectus,
 Spiritus consilii & fortitudinis,
 Spiritus scientiæ & pietatis,
 Spiritus timoris Domini,
 Spiritus gratiæ & misericordiæ,
 Spiritus sanctificationis,
 Spiritus virtutis, dilectionis & sobrietatis,
 Spiritus gratiæ & precum,
 Spiritus fidei, pacis, & amoris,
 Spiritus Humilitatis & Castitatis,
 Spiritus charitatis, benignitatis, & mansue-
 tudinis,
 Spiritus patientiæ, modestiæ, ac continen-
 tiæ,
 Spiritus compunctionis,
 Spiritus multiformis gratiæ,
 Spiritus Domini qui initio creationis aquis
 incubans, eas fovisti & fecundasti.
 Spiritus quo inspirante loquuti sunt sancti
 Dei homines,
 Spiritus cujus unctio nos docet de omni-
 bus,
 Spiritus qui scrutaris omnia, etiam profun-
 da Dei,
 Spiritus postulans pro nobis gemitibus in-
 narrabilibus,
 Spiritus qui super Christum baptizatum in
 specie columbæ descendisti,
 Spiritus in quo renascimur,
 Spiritus omnia scrutans, etiam profunda
 Dei,
 Spiritus per quem diffusa est charitas Dei in
 cordibus nostris,

Luce 2.

Ibid.

Sap. 1.

2 Tim. 1.

Isaia 11.

Ibid.

Ibid.

Ibid.

Hebr. 10.

Rom. 1.

2 Tim. 1.

Zach. 12.

Rom. 8.

Gal. 5.

Miserere nobis. Ibid.

Ibid.

Rom. 11.

1 Petr. 4.

Gen. 1.

2 Petr. 1.

1 Ioan. 2.

1 Cor. 2.

Rom. 8.

Matth. 3.

Ioan. 3.

1 Cor. 2.

Rom. 5.

Spi-

Spiritus Domini super Christum requie-
scens,

Spiritus adoptionis filiorum Dei,

Spiritus adjuvans infirmitatem nostram,

Spiritus suavis, benigne, super mel dulcis,

Spiritus principalis confirmans nos,

Spiritus qui in die Pentecostes super Disci-
pulos Domini in linguis igneis sedens ap-
paruisti,

Spiritus quo repleti Apostoli intrepide
Christum confessi sunt,

Spiritus arguens mundum de peccato, & de
iustitia, & iudicio,

Spiritus fide purificans corda nostra,

Spiritus nos vivificans,

Spiritus gratias & dona tua varie distri-
buens,

Spiritus dividens singulis prout vis,

Spiritus discretor cogitationum & inten-
tionum cordis,

Spiritus Paracletus manens nobiscum in
æternum,

Spiritus disciplinæ effugiens fictum, nec
habitans in corpore subdito peccatis,

Propitius esto ; Parce nobis S. Spiritus.

Propitius esto ; Exaudi nos S. Spiritus.

Ab omni malo,

Ab omni peccato,

A tentationibus & insidiis Diaboli,

Ab omni præsumptione & desperatione,

Ab impugnatione veritatis agnitæ,

Ab invidentiâ fraternæ charitatis,

Ab omni obstinatione & impœnitentia,

Ab omni immunditia mentis & corporis,

A spiritu iræ, rixæ & dissensionis,

A spiritu fornicationis,

Ab omni spiritu malo,

Per æternam ex Patre & Filio processionem tuam,

Isai. 11.

Rom. 8.

Rom. 8.

Eccl. 24.

Psal. 50.

Actor. 2.

Actor. 4.

Ioan. 16.

Act. 15.

Ioan. 6.

1 Cor. 12.

1 Cor. 12.

Hebr. 4.

Ioan. 14.

Sap. 1.

Miserere nobis.

Libera nos S. Spiritus.

Per

DE CVLTV & ADOR. SS. TRIN. 49

Per miraculosam conceptionem Filii Dei te coope-
 rante factam,
 Per descensionem tuam super Christum baptizatum,
 Per apparitionem in transfiguratione Domini,
 Per adventum tuum super Discipulos Christi,
 In die iudicii,
 Peccatores,
 Vt nobis parcas,
 Vt sicut spiritu vivimus, ita & spiritu am-
 bulemus,
 Vt spiritu facta carnis mortificemus,
 Vt non contristemus Spiritum S. Dei,
 Vt Spiritui gratiæ contumeliam non facia-
 mus,
 Vt solliciti simus servare unitatem Spiritus
 in vinculo pacis,
 Vt spiritu ambulantes desideria carnis non
 perficiamus,
 Vt non omni spiritui credamus, sed probe-
 mus spiritus, si ex Deo sunt,
 Vt memotes nos esse templum Spiritus san-
 cti, illud violare caveamus,
 Vt errantes instruamus in spiritu lenitatis &
 mansuetudinis,
 Vt feminemus in spiritu, & de spiritu meta-
 mus vitam æternam,
 Vt paupertatem spiritus in nobis excitare
 & fovere digneris,
 Vt nos mites & mansuetos reddere digne-
 ris,
 Vt gratiam pii luctus & sanctarum lacry-
 marum nobis dare digneris,
 Vt veræ iustitiæ esuriem sitimque in nobis
 accendere digneris,
 Vt sinceros misericordiæ & charitatis affe-
 ctus nobis infundere digneris,
 Vt spiritum rectum innovare, & cor mun-
 dum in nobis creare digneris,

Libera nos S. Spiritus.

Galat. 5.

Rom. 8.

Ephes. 4.

Hebr. 10.

Ephes. 4.

Ephes. 5.

1 Ioan. 4.

1 Cor. 6.

Galat. 6.

Ibid.

Matth. 5.

Ibid.

Ibid.

Ibid.

Ibid.

Ibid.

Vt

F

50 PARADISI SECT. I.

Vt finis pacifici, & digni vocari filii Dei,
Vt perlecutiones propter iustitiam fortiter
& constanter perferamus,

Vt nos à blasphemia Spiritus, cui remissio
in hoc & futuro seculo negatur, custo-
dias,

Vt non contristemus Spiritum sanctum
Dei, in quo signati sumus,

Vt nos in finem usque in fide, spe, & chari-
tate perseverare concedas,

Agnus Dei qui tollis peccata mundi, effunde in nos Spiri-
tum sanctum.

Agnus Dei qui tollis peccata mundi, emitte promissum in
nos Patris Spiritum.

Agnus Dei qui tollis peccata mundi, da nobis Spiritum
pacis.

*Psal. 4.
Ibid.
Ibid.*

Matt. 12.

Ephes. 4.

Terogamus audi nos.

Pater noster. Ave Maria.

Ÿ. Cor mundum crea in me Deus.

℞. Et spiritum rectum innova in visceribus meis.

Ÿ. Ne projicias me à facie tua.

℞. Et Spiritum sanctum ne auferas à me.

Ÿ. Redde mihi lætitiā salutaris tui.

℞. Et Spiritu principali confirma me.

Ÿ. Spiritus sancti gratia.

℞. Illuminet sensus & corda nostra.

Ÿ. Domine exaudi orationem meam.

℞. Et clamor meus ad te veniat.

Oremus.

Deus cui omne cor patet & omnis voluntas loquitur,
& quem nullum latet secretum, purifica per infusionem
S. Spiritus cogitationes cordis nostri, ut te perfecte dili-
gere, & digne laudare mereamur.

Adsit nobis quæsumus Domine virtus Spiritus sancti,
quæ & corda nostra clementer expurget, & ab omnibus
tueatur adversis.

Omni-

DE CVLTV & ADO R. SS. TRIN. 51

Omnipotens sempiterne Deus, cujus Spiritu totum corpus Ecclesiæ sanctificatur & regitur, exaudi nos pro universis ordinibus supplicantes, ut gratiæ tuæ munere ab omnibus tibi gradibus fideliter serviatur. Per Dominum nostrum.

C A P. V.

ROSARIVM, OBLATIONES, & EXERCITIA
quotidiana ad SS. TRINITATEM.

ROSARIVM SS. TRINITATIS,
*à præclaris Theologis usitatum & com-
mendatum.*

Ejus recitandi modus erit iste.

Premisso Symbolo Apost. Credo, &c. dic:

Pater de cœlis Deus, miserere nobis.

Fili Redemptor mundi Deus, miserere nobis,

Spiritus sancte Deus, miserere nobis.

S. Trinitas unus Deus, miserere nobis.

Deinde Rosarium per tres Decades hoc modo decurres. Initio cujusque Decadis, seu ad tres majores globulos Ros. leges Orat. Domin. adjecto Hymno illo Angelico ex Apoc. 7. Benedictio & claritas, & sapientia, & gratiarum actio, honor & virtus, & fortitudo Deo nostro in secula seculorum. Ad singulos vero minores globulos legas verba Trihagii Seraphici Isai. 6. & Doxologie Ecclesiasticæ, Sanctus, Sanctus; Sanctus, Dominus Deus Sabaoth; plena est omnis terra gloria ejus. Gloria Patri, & Filio, & Spiritui sancto. Sicut erat in principio, & nunc & semper, & in secula seculorum. Amen.

Testatur Cornel. à Lapide in c. 6. Isai. hujusmodi Exercitium multis doctis & piis viris magno fructu usitatum esse. Est enim hoc brevis Doxologia, inquit,

1. Professio fidei SS. Trinitatis contra hæreticos & infideles.
2. Est exercitium religionis, spei, charitatis, gratitudinis, aliarumque virtutum.

3. Est excitamentum devotionis, & lætitiæ spiritualis, qua fortiter feras adversa & tentationes: ardua ac difficilia omni ge-

nerose superes, & quasi exemplo regii Prophetæ, Benedicas Dominum in omni tempore.

4. *Vitam ac officium Angelicum pro modulo nostro emulamur, dum hac utimur, & ordimur assiduo laudare Deum, quod Angeli in cœlo sine intermissione faciunt: & nos una cum illis ibidem faciemus. Hæc enim vere vita & functio angelica est, laudare Deum, imo ita incipimus esse beati, & conversationem in cœlis habere: quia terrena transcendimus, & circa Deum ejusque laudem occupamur. Ita fere Cornelius.*

Adde, sic monemur, praxis & exercitio rectæ intentionis assuescere; ut omnia ad majorem Dei gloriam referamus.

Sic pariter noxium, illum, & homini quasi à natura insitum pravum affectum, quo propriæ gloriæ in omnibus fere studet, paulatim exuimus & abolemus. E contra profitemur omnem gloriam soli Deo, utpote supremo fonti omnis boni, jure reddi, nobis non nisi confusionem deberi.

Ad hos ac similes pios affectus excitandos alendosque, diversis viris eximie doctis & piis curæ fuit, variis devotis conceptibus & meditationibus dictam Doxologiam, Gloria Patri, &c. illustrare. Videri potest Card. Tolet. Sermon. 14. & 15. in Psalm. 31. Julius Mazarinus totis triginta concionibus. Cornel à Lap. in c. 11. ad Rom. Mauburn. in Roset. Exercit. p. 1. dist. 1. tit. 6. c. 7. Mihi inter cetera, brevis iste modus placet: Gloria Patri, qui me cum non essem, ad imaginem suam potentia sua creavit; & Filio, qui me, cum perditus essem, sua sapientia & sanguine restauravit; & Spiritui sancto, qui me filium iræ, tum in baptismo, tum alias sæpe post lapsum, sua gratia & bonitate justificavit.

Tanta, inquam, ac talis pro his omnibus & singulis sit Gloria sicut erat in principio, ante omnem creaturam, eadem & major etiam sit nunc in præsentis vitæ nostræ decursu, & semper, usque ad consummationem sæculi, & in secula seculorum, Amen; in omnem æternitatem, sine ullo termino, ab omnibus Beatis, in Patria, ubi nulla erit satietas, quies, aut cessatio à laude divina. Talem inquam ac tantam laudem ac gloriam nunc, id est, hoc ipso tempore, dum recito istam doxologiam, opto ac nitor deferre Deo ac reipsa si mul exhibere. Vide quam prægnans sit Piis sensibus brevis isthæc formula.

Vnde

Vnde censet Corn. dicto l. nihil sanctius, nihil Deo dignius aut gratius, nihil homini utilius orari, aut fieri posse. *ibid.* testatur Rosarium hoc à B. Nicolao Serario Societ. IESV Theol. editum. De eo quidem in ejus vita, operibus præfixa leguntur ista:

Incredibile dictu est, quanto pietatis sensu, illam divinæ laudationis formulam, qua Psalmos omnes Ecclesia concludit, usurpare solitus sit. Hæc (Doxologia) illi privatim publiceque operum omnium principium & finis. Hanc nunquam sine præcipuo quodam ardore, qui in vultu quoque emicaret, pronunciabat. Hanc sibi à symphoniacis cani audiret ornatus, gestire scilicet gaudio ac triumphare videbatur. Quam vero uberes illi ex ea, cœlestesque sententiae de summa illa divinitate affluerent, quamque ea volvenda inflammatum in dies divinæ gloriæ studium in pectore glisceret, non modo frequentibus, ubi se occasio dabat, sermonibus; sed publicis etiam monumentis prodere olim studuit, &c.

Porro ad hanc corollam majore cum fructu & affectu recitandam, Nota ex Thoma Saillio in Thes. Precum.

1. Doxologia ista tria potissimum nos agere posse. 1. Laudare SS. Trinitatem. 2. Eidem gratias agere. 3. Ab ea aliquid petere. Cogita ergo antequam corollam incipias, quid horum velis, an omnia simul, an per distinctas decades, an unum per omnes.

2. Propone tibi causam, vel communem, vel singularem, ob quam Deum sic laudare velis. V. G. Volo gratias agere, aut laudare Deum ob Iesu Christi sacrosanctam Nativitatem, Passionem, &c. ob vocationem meam; ob beneficium tale N. privatum, vel publicum, &c. Similiter expende, quid petere velis, an virtutem aliquam, & gratiam, an liberationem à tentatione aliqua, an opem & auxilium in hac vel illa re. Quidquid enim petis, (siquidem recte) haud dubie, non nisi majorem Dei gloriam quæris.

Exercitium quotidianum

AD SS. TRINITATEM,

Blasii Palmæ Clerici Regul. S. Pauli.

Clementissime Domine Deus meus, Pater & Fili, & Spiritus sancte, qui me propter temetipsum creasti, & cui ob plurimas gravissimas causas mei totius tributum debeo; ob id ego nunc, quanta vi maxima possum dirigo

& offero divinæ Majestati tuæ omnes cogitationes, verba & opera totius vitæ meæ; præcipue verò hujus diei, conjungens ea meritis & operibus I E S U Christi, dulcissimi Redemptoris mei, & Beatissimæ Virg. Mariæ, suavissimæ Matris & Patronæ meæ, & omnium Beatorum Angelorum, SS. & justorum, qui unquam fuerunt, sunt, aut erunt.

O si præter angustum hoc cor meum, infinita alia ex divina potentia, cui nihil impossibile est, possiderem, quorum omnium id unicum esset votum, officium, & continuum studium, assidue respicere, agnoscere, cogitare, amare & laudare te Deum ac Dominum meum.

Proindeque protestor nunc coram te, & tota cœlesti curia, hanc esse mentem meam, hoc meum votum & desiderium, in omnibus cogitationibus, verbis, & operibus meis, imo & in omnibus suspiriis, motibus, & respirationibus meis, hoc me singulariter velle & intendere, ut cum illis jungam atque in eundem cumulum congeram, omnem illam vim, & multitudinem actuum ac cordium divinæ Majestati tuæ placentium, ut illa mecum nunquam intermittant exercitum illud ad quod ipsa jure creationis, & conservationis obligantur, nimirum ut semper te cognoscant, colant ac diligant.

Quod officium nunc quidem ego præsto, & præstari à me volo, quanta maxima perfectione, ac sinceritate fieri possibile est; idque nulla habita ratione, vel præmii, vel supplicii alicujus; sed solum propter Te summum meum Bonum; cum hæc tibi debeam multis ex titulis, At præcipue ex his Quatuor;

1. Ut profitear tuam supremum majestatem, gloriam, & excellentiam, ideoque tibi cor meum intime jungam.
2. Ut gratias tibi agam ob innumera beneficia, tum generatim, tum speciatim mihi præstita.
3. Ut tibi aliquatenus pro peccatis meis satisfaciam, & te mihi nunc & in hora mortis propitium inveniam.
4. Ut à te impetrem auxilium gratiæ, & illud omne, quod mihi opus esse nosti ad finalem perseverantiam, & æternam tui fruitionem consequendam.

Te itaque suavissime Domine mi, per viscera misericordiæ

DE CVLTV & ADOR. SS. TRIN. 55

diæ tuæ supplex oro; digneris admittere has omnes oblationes; & me præservare ab omni peccato, eamque mihi præstare gratiam, ut nullam cordis mei partem, cum quacunque re creata & transitoria commutem, sed totus, quantus quantus sum, Vni tibi Creatori Deo, Domino, ac summo Bono meo jugiter adhæream.

O B L A T I O

sui ipsius pulcherrima;

Qua homo spectatis Dei titulis quatenus est auctor naturæ, ei se totum secundum universum statum naturalem offeret, percurrendo partes aut facultates singulas, in hunc ferme modum:

*Ex Francisco Bourgoineo Congreg. Orat.
Presbyt. in Ligno vitæ.*

Offero Tibi, ô summa, æterna, & adoranda Trinitas Unus Deus, animam meam quam è nihilo creasti: offero corpus meum quod de limo formasti; do Tibi intellectum meum, memoriam meam, cor & voluntatem meam; & omnem illarum facultatum vim & capacitatem, omnes actus, aut affectus, aut cogitationes, desideria &c. qua ab illis in æternum procedent, aut procedere possunt, offero, & dedico.

Suscipe, ô Domine Deus, omnes sensus meos, & illorum vim, functiones & usum, oculos meos, & omnes appetitus, & omnes illorum operationes: omnes denique arterias, venas, membra & ossa corporis mei, omnes illorum facultates, & motus aut actus, &c.

Hæc omnia in sempiternum Tibi offero, dedico, consecro & devoveo. Dignare hoc servitutis meæ Sacrificium in odorem suavitatis suscipere.

ALIA OBLATIO AD DEVM.

Qua homo spectatis Dei titulis ad statum & ordinem gratiæ spectantibus, ei se totum quoad statum vitæ spiritualis per gratiam offert ac dedicat.

Ex eodem Bourgoineo.

O Summe, potens, & misericors Deus, adoranda & incomprehensa Trinitas, offero tibi, dedo, & consecro animam meam, omnes vires, & potentias illius, omnem capacitatem voluntatis, ad te amandum, intellectus ad Te cognoscendum, ad me humiliandum, & ad Te glorificandum :

Do & offero omnem obedientialem animæ meæ potentiam ad cooperandum *divinæ gratiæ tuæ, ad implendas omnes voluntates tuas.* Domine, ante te omne desiderium meum, & gemitus meus à Te non est absconditus, suscipe omnia possibilia voluntatis meæ desideria ad Te laudandum, tibi placendum & serviendum :

Actandem offero & do Tibi omnes affectus, cogitationes, verba, & opera, facta & facienda, vitam meam, tempus meum, æternitatem meam, totum esse meum in natura & gratia, me denique tanquam vilissimum & indignissimum mancipium Tuæ omnipotentiae, & bonitatis, & à misericordia tua totaliter dependens : atque ex vi hujus *meæ donationis nunquam per tuam gratiam revocandæ* omnia mea in perpetuum Tua esse intendo & desidero.

EXERCITIUM QVOTIDIANVM

longe utilissimum.

Quo non sine magno gratiæ & pietatis incremento, homo seipsum & omnia opera sua offert Deo, in unione actionum & meritorum Domini nostri Iesu Christi.

Mirum dictu, quantum profectui vera pietatis & gratiæ serviat praxis & usus recte INTENTIONIS, qua ad Dei solius gloriam omnia nostra referimus.

Sed longe utilis erit hoc exercitium, si Christi actionibus nostras

jun-

jungamus, & sic eas aeterno Patri offeramus. Hortatur ad hoc Paulus, five manducatis, inquit, five bibitis, five aliud quid facitis, omnia in gloriam Dei facite. 1 Cor. 10. Et iterum: Omne quodcumque facitis in verbo, aut in opere, omnia in nomine D. N. Iesu Christi, Colof. 3.

Sic actiuncula nostra alias vilissima, sic afflictiones, dolores & miseriae, imo sic omnes etiam gressus, respirationes & suspiria Christi actionibus, meritisque unita summi pretii & dignitatis honorem induent, nec poterunt Deo Patri non esse gratissima.

Hoc tantundem est ac si plumbum, liquato auro immissum, auri decore & valore donetur. Hoc perinde est ac si vas aquae, praestantis vini dolio infusum, totum mutetur in vinum. Hoc est, calefieri de velleribus Agni, qui tollit peccata mundi. Nos enim miseri & inopes, qui meritum & justitiae nostrae fiduciam non habemus, quomodo Patri placere possimus nisi per Filium, in quo sibi bene complacuit? Ille enim est caput nostrum, cujus influxu membra vegetantur, de cujus plenitudine nos omnes accepimus. Et qui poterit nos pius Pater despicere, si in faciem Christi sui respexerit? sed ecce Praxin.

A D D E V M P A T R E M O B L A T I O.

O Clementissime Pater misericordiarum, & Deus totius consolationis, ego creatura tua licet indigna, & vile mancipium tibi Domino & Creatori meo benignissimo humiliter me sisto; & ad te non quidem meis, sed dilectissimi Filii tui Domini nostri Iesu Christi meritis confisus, supplex accedo, gratiae ac benignitatis tuae particeps fieri cupiens, qua adjuvante in singulis meis cogitationibus, locutionibus, & operationibus, ita me ad voluntatis ac beneplaciti tui regulam dirigere valeam, quatenus tibi Domino meo gratum & acceptum debitae servitutis obsequium exhibeam.

Tibi itaque, ô benignissime Pater, me totum ac omnia mea, qui es omnium dator & conservator, offero ad promptissimum servitium & obsequium tuum: idque in unione oblationis dilectissimi filii tui Domini Iesu Christi, qua ille adhuc infans tibi sese in templo; deinde orans in horto; tandem moriens in ara crucis obtulit & commendavit.

Esto ô clementissime Deus propitius mihi miserrimo peccatori; & ne despicias me opus manum tuarum; sed respice in faciem Christi tui, quem nobis dedisti advocatum & mediatorem.

Ipsius dignitas vilitatem meam compenset, ut quod meis non possum, ipsius meritis obtineam.

Dignare itaque pro infinita tua bonitate, & clementia, meum hoc licet vile obsequium ad maiorem tui Nominis gloriam, & animæ meæ salutem propitius acceptare.

O B L A T I O

Somni & Vigilia.

O Dulcissime Deus, offero Tibi somnum & vigiliam meam in unione omnis somni & vigiliæ; itemque Resurrectionis filii tui Salvatoris mei, qui ipse post triduum à morte velut somno excitatus, vi propria vitam resumfit. Præsta quæso, ita me necessaria corporis quiete uti, sic vigiliis impendere, ut omnia cedant ad maiorem tuam gloriam & animæ meæ salutem.

O B L A T I O

Cogitationum, locutionum, actionum, &c.

O Amantissime Deus, offero Tibi omnes meas cogitationes, locutiones, & actiones, omnes labores omniaque negotia; hoc die, vel unquam à me suscipienda, una cum omnibus laboribus, actionibus, & molestiis, quas unigenitus tuus Salvator noster ad nos miseros peccatores redimendos aliquando suscepit.

Offero Tibi hæc omnia in agnitionem debiti illius, qui tibi, utpote supremo Domino meo obstrictus sum; & in gratiarum actionem, pro immensis tuis beneficiis, quæ mihi à vitæ exordio ad hanc usque horam contulisti.

Respice me quæso propitius, & per omnia ita me dirige secundum divinam tuam voluntatem, ut te donante tibi placita cupiam, & tota virtute perficiam, ad maiorem tuam gloriam, & animæ meæ salutem.

O B L A .

O B L A T I O

Refectionis & curæ corporis.

O Benignissime Deus, offero Tibi necessariam corporis mei refectionem & curam, in unione cœnæ, & refectionis illius, quam dulcissimus Filius tuus Salvator meus instituit cum charissimis Discipulis suis instante Passionis hora.

Præsta mihi gratiam tuam, qua adjutus ita curam, refectionem corporis moderari valeam, ut illud ipsum sustentem, & conservem, sed ad tuum servitium & honorem tanto magis idoneum, citra quoque damnum aut incommodum animæ meæ.

O B L A T I O

Orationis & exercitiorum piorum.

O Misericordissime Deus, offero tibi meas hujus diei orationes seu preces, omniaque bona opera, & pietatis exercitia, te adspirante & adjuvante suscipienda.

Placeat tibi, ô æterne Deus, ea suscipere in unione omnium meritorum, & orationum Iesu Christi Filii tui, quas ille pro nobis in monte Oliveti, alibive perfudit.

Præsta quæso per amorem dilectissimi Filii tui, mihi semper salutarem petitionum, & orationum mearum effectum, quatenus tibi ad majorem tuum honorem, meamque salutem proficere videbitur.

O B L A T I O

Adversorum, &c.

O Mitissime Deus, offero Tibi tribulationes, angustias, dolores, omnesque afflictiones meas, quas hucusque tinui, aut posthac me sustinere vis: in unione acerbissimæ Passionis unigeniti Filii tui Salvatoris mei, & in unione omnium dolorum, cruciatuum, & afflictionum, quas ille pro me perduto peccatore redimendo sustinere non recusavit.

Præsta

Præsta, ô benignissime Deus, mihi gratiam & opem tuam, ut nec ego afflictiones à te suscipere, nec propter te sustinere refugiam, sed in iis æquo & libenti animo toleratis nomen tuum laudem ac glorificem, & salutem animæ meæ ex iisdem quæram, ac percipiam. Amen.

A D D E U M F I L I U M. O B L A T I O.

O Benignissime & dulcissime Domine Iesu Christe, Salvator mundi, ego licet peccator indignus, tuo tamen pretioso sanguine redemptus, ad te Deum & Salvatorem meum humili mente, & intimo cordis affectu confugio.

Et quia tu te totum pro me misero peccatore redimendo, in ara crucis Deo Patri in redemptionis pretium obtulisti; ego quoque, ô amantissime, offero Tibi me ipsum totum, quicquid sum, quicquid ero, cum omnibus quæ habeo, & habiturus sum.

Suscipe quæso Domine in manus ineffabilis misericordiæ tuæ animam pariter & corpus meum, sensus, sermones, & actiones meas: & per omnia ita me dirigere ac gubernare dignare, ut omnes peccandi occasiones semper effugiam, ne unquam in laqueum maligni spiritus incidam; sed tibi Deo ac redemptori meo tuisque mandatis indefinenter inhæream, adeo ut me à te nec vita, nec mors, nec ulla fortunæ fors separet.

Rogo te, ô amantissime Iesu, per illum amorem, qui te nostræ salutis causâ è sinu summi Patris in Virginis uterum traxit, supple imperfectionem actionum mearum, quæ ex parte mea exigui sunt valoris & meriti, nisi de tua plenitudine supplementum defectus acceperint.

Conjunge obsecro indignissimum obsequium meum cum omnibus quæ egisti & passus es ex perfectissima illa & ineffabili charitate, & obedientia; & cum divitiis satisfactionum & meritorum dilectionis tuæ Patri æterno illud offerre digneris, ut de tua abundantia mea ditetur inopia, & quam ex me ipse nullatenus mereor, te mediante gratiam obtineam.

Obse-

DE CVLTV & ADOR. SS. TRIN. 61

Obsecro etiam te, ô dulcissime Iesu per sanctam Incarnationem, Passionem & mortem tuam, & per omnia quæ nostræ salutis causâ egisti, miserere parentum, fratrum, fororum, amicorum, benefactorumque meorum vivorum & defunctorum: communica iis meritum pretiosi Sanguinis tui, & Passionis tuæ, ut ope gratiæ tuæ adjuti sic vitam præsentem instituant, ut tandem in cœlis æternæ vitæ præmia recipiant.

AD SPIRITVM SANCTVM
O B L A T I O.

O Sancte Spiritus, cum Patre & Filio unus, & verus Deus, sine cujus numine nihil est in homine. Regenerati enim ex aqua & Spiritu sancto, membra sumus Christi Iesu, & filii Ecclesiæ ejus, quam Tu quoque continuo influxu gratiæ & bonitatis tuæ regis, protegis, fœcundas, atque sanctificas.

Tibi itaque cor meum, meque ipsum totum offero, omnes res & actiones meas supplex tibi devoveo ac consecro.

Tu, quæso, purifica per infusionem donorum & charismatum tuorum sensus, & cor meum, ut tibi semper casto corpore servire, & mundo corde placere valeam.

Et quia sine Te nihil boni à nobis cogitari potest, nedum perfici; tua me quæso gratia semper præveniat, & sequatur, ac bonis operibus jugiter præstet esse intentum: eaque cum ex seipsis indigna sint, quæ placeant tibi, accipe clementer in unione sanctissimorum operum & meritorum Christi Iesu, ut sicut ille per Virginem purissimam, Te obumbrante, conceptus, factus est nobis Salvator, sic ex illius gratia, charitate, & meritis infinitis, nostræ infirmitatis, & inopiæ subsidium sentiamus.

Accende lumen sensibus, infunde amorem cordibus, infirma nostri corporis virtute firmans perpeti. Amen.

CAP. V.

MODVS ASPIRANDI
ad intimam cum DEO unionem,
per ACTVS virtutum internos :

ſeu

EXERCITIA ad genuinum DEI cultum & amorem,
& ad Christiani hominis perfectionem
obtinendam aptiſſima.

*Ex Blaſio Palma, Clerico Regulari S. Pauli, Italice
magna omnium approbatione ſæpius edita.*

PRÆFATIO.

HOMO Christianus, ſi modo, vocationi & nomini ſuo reſpon-
dere velit, continuo adniti debet ad conjunctionem cum ulti-
mo ſuo Fine, qui eſt DEVS; ut ei, quoad fieri poteſt, uniat ani-
mam ſuam. Ad hoc verò cenſet S. Dionyſ. Areopag. compen-
diariam viam, & facillimum modum eſſe, ſi Anima fidelis conti-
nuo, per inflammatas adſpirationes, & frequentes amoris actus, af-
fectus ac deſideria aſſurgat in Deum; interno affectu ad ipſum
adſpirando, cum ipſo colloquendo, tractando; & ei denique corde
puro, & inflammato deſideret inherere.

Hæc, eodem Doctore, eſt admirabilis illa, & occulta Sapientiæ
unitiva, quæ ſine prævia meditatione, & investigatione omni, tra-
hit affectum amantis ſurſum in Deum: creſcitque extensione affe-
ctus in illum: ſeſe exercens, brevi, crebra, & ardente oratione,
actaque virtutum: ita ut dicere poſſimus, fundamentum perfectio-
nis, præſertim internæ, contineri certis quibuſdam actibus & mo-
tibus animi, erga Deum & proximum: quos hic per modum ora-
tionum proponimus.

Vbi tamen cavendum eſt, ne, qui illas uſurpat, nullum votum
aut promiſſionem facere intendat, quæ vim habeat obligandi ſub
novo præcepto, ſed tantum per modum liberæ oblationis, & devoti-
onis eos actus exerceat; certus, quo ſæpius & ſtudioſius id eſt factu-
rus,

rus, tanto se majus lucrum inde capturum : cum spe non vana, brevi expediendi se omni amore terreno, & unienai se totum ei, qui solus est summum, & verum bonum, id est, Deo.

Quod ut rectius fiat, quia finis operi pretium ac laudem tribuit, proponemus ante omnia solemnem Protestationis formulam, qua anima, coram Deo, concipiat rectam intentionem, & Voluntatem ad rectissimam amussim componat, ut spretis omnibus aliis, solius Dei gloriam, & obsequium querat.

I.

P V R A I N T E N T I O,

Seu protestatio, operandi purè pro Deo, sine omni commodo amoris, aut obsequii.

Omne, quodcunque facitis in verbo, aut in opere, omnia in Nomine Domini Nostri Iesu Christi facite. Coloss. 3.

I. **O** Sanctissima, & Individua Trinitas, Pater, Filius, & Spiritus S. ego, misera & indigna creatura tua, firmo & constanti proposito me totum hodie in sanctissimam, & justissimam voluntatem tuam projicio; & abnegando meipsum ex toto corde pronuntio, ac protestor quod totus velim esse tuus; & nec habeam quidquam, nec habere velim unquam aliud, quam te solum : te solum volo quærere, te solum amare, idque sincere, simpliciter, ac pure, sine meo commmodo.

Et firmiter nunc propono, deinceps Tuæ Majestati supremæ servire, & eandem amare, non tam ut effugiam poenas, carcerem, aut infernum evitem : neque ut mihi des consolationes, aut beatitudinem in altera, aut aliud quidquam desiderabile in vita præsentis; sed præcipue, ut quæram te solum, velim te solum, amem te solum : Et certe solus mihi sufficis, qui es verum, unicumque complementum omnium.

Quare uni tibi me do, & dedico in æternum, idque tam firmo & inviolabili proposito, tam sincero cordis affectu, ut tota anima mea te amare, tibi que servire supradicta intentione velim, etiam si viverem seculis infinitis. Hoc, inquam, est consilium, hoc decretum, hæc enixa voluntas mea.

2. Si dare vis mihi dulcedines & consolationes, sis benedictus; facies enim tanquam benignus & amabilis Deus, qualis fuisti semper, es, & eris: & ego vicissim ago gratias infinitas: sicut etiam, si illas mihi dare non velis. Imo, si immittere vis mihi poenas, ærumnas, & vexationes, æque benedico tibi, & infinitas gratias ago.

3. In hujus propositi confirmationem, nunc testem appello Beatissimam Virginem Mariam, Reginam cœlorum, cum omnibus Angelis & Sanctis in cœlo degentibus: quos omnes rogo, ut intercedant pro me, apud tuam divinam Majestatem: quo meum hoc propositum te solum pure in omnibus, & nihil aliud quærendi, crescat, & impleatur.

Quare, ô mi dulcissime Domine, ad te iterum me converto, & obsecro, ut digneris acceptare meum istud propositum, & dare vires, quibus illud implere valeam: quia sine te prorsus nihil possum. Et quia me talem agnosco, ideo ad te recurro, tibi me commendo; totumque committo, & in visceribus Misericordiæ tuæ abscondo. Suscipe me igitur, Deus meus: amplectere me, spes mea: immuta, & transforma me in te, per omnia, ô dulcissime Pater.

4. Hac ipsa intentione, & fine, statuo me exercere in infra scriptis exercitiis, & actibus virtuosis: quos si interdum ore, & opere explicare satis non potero, nihilominus intendo, & nunc propono, corde implere, omni momento temporis, & semper; maxime in hora mortis, conatu affectuque maximo; & modo excellentissimo; quo per me, vel aliam quamcunque creaturam fiunt, ac tu ipse nosti fieri posse. Et ecce nunc illos omnes tibi offero, perinde ac si eos ipse elicerem: simulque toto corde te rogo, per infinitam tuam bonitatem, & misericordiam, ut eos acceptare digneris. Amen.

II.

A C T V S F I D E I.

Sine Fide impossibile est placere Deo. Hebr. 11.

I. *Fides, tanquam fundamentum reliquarum virtutum, primum inter Virtutes Theologicas locum obtinet: & est habitus intellectus*

Etus à Deo infusus, quo Fidelis illustratus assentitur, atque adhaeret iis, quæ ab ipso Deo, per Ecclesiam, revelata, & proposita sunt.

EGo itaque, ô fidelissime, & verissime Deus, firmissima & prima Veritas, toto animo amplector fundamentum hoc fidei: ideóque humillime in terram prostratus adoro, & veneror te, in cœlo & in terra: & optimo excellentissimoque modo, quo possum, firmissime profiteor: & ex nunc, & in perpetuum, corde credo, & ore confiteor omnia, quæ dixisti, revelasti, & proposuisti credenda: mediante sancta Ecclesia: præsertim ea, quæ continentur in Symbolo Apostolico; affirmans omnia certissima esse, ut nihil omnino de ipsis possit in dubium revocari.

2. Ideo coram tua Divina majestate, & tota curia cœlesti, confiteor, & firmissime protestor, velle me in hujus veritatis confessione vivere, & mori. Ah quam præterea cuperem, ut universus Mundus firmissima fide te cognosceret, & confiteretur: & summopere doleo, quod te non credat, adoret, veneretur, sicut oportet.

3. Quare obsecro te per pretiosum sanguinem, vitam, & mortem Domini mei, Iesû Christi: per merita sanctissimæ Matris ejus, & intercessionem sanctorum Apostolorum, Discipulorum, Martyrum, Confessorum, Virginum, omniumque Sanctorum & Electorum tuorum, ut velis in me, & omnibus hominibus sanctum istud lumen Fidei augere, & in Infidelibus illud accendere: ut eo magis omnes te agnoscant, confiteantur, adorent, juxta desiderium sancti Prophetæ tui, cum quo exclamo: *Confiteantur tibi populi, Deus, confiteantur tibi populi omnes: omnis terra adoret te, & psallat tibi. Laudate Dominum omnes Gentes, &c.*

4. Sed & lubens offero tibi, si opus fuerit, vitam & sanguinem meum pro hac Fidei Veritate, & confessione tuenda. Atque utinam, ô sanctissima Trinitas, Pater, Fili, & Spiritus sancte, tibi placeret dare mihi gratiam Martyrii, pro eadem obeundi: ego me non modo promptissime, cum gratia tua, offerrem ad omnia dura & aspera: sed etiam pro maximo beneficio reputarem, si multa crudelia, pro tuæ Veritatis amore daretur perpeti. Exaudi me dulcissime Deus.

III,

ACTVS SPEI & CONFIDENTIÆ
IN DEVM.

*Nolite amittere confidentiam vestram, quæ magnam
habet remunerationem. Hebr. 10.*

- I. *Spes est Virtus menti nostra à Deo infusa, qua certo beatitudi-
nem, per merita Iesu Christi, Redemptoris nostri, simulque ex
operibus nostris gratia Dei præventis expectare debemus.*

EGO itaque, Deus meus omnipotens, totus inclinatus, &
prostratus, te adoro & veneror: cui nihil impossibile, &
difficile est, juxta verissimum illud effatum; *Apud Deum
non est impossibile omne verbum.* Et quia per eandem omni-
potentiam tuam promissisti mihi cœlestem gloriam: ideoque
etiam me vocasti, ut essem tui consors & similis, ô Bonitas
infinita, per auxilium tuum, & bona opera, quæ cum gra-
tia tua speciali statuo facere, *Spero*, & à te solo consequi de-
sidero, vitam æternam.

2. O Vere omnipotens Deus, ecce ego apertissime co-
gnosco, tantum bonum mihi promissum, me possidere non
posse, nisi te mediante: teque desiderare, & velle illud mihi
dare: ideo enim Filium tuum pro me in mortem dedisti.

3. Gratulor mihi, & exulto, mi suavissime Iesu, boni-
tas infinita, quod per te solum possim beatus fieri: neque
aliud nomen sub cœlo datum sit nobis, per quod salvi fia-
mus. Vnde nec placeret mihi beatitudo, nisi per te illam
haberem, quandoquidem omnis spes mea, & fiducia in te
posita est: eamque in te solo, fixam ratamque volo, beni-
gnissime & dulcissime Iesu, summum & ultimum Bonum
cordis mei.

Et hinc tanto jubilo, tanta consolatione afficior: tan-
tamque sentio fiduciam, ut videar mihi jam tenere ac pos-
sidere bonum, quod desidero: quandoquidem scio, quod
Filius tuus unigenitus, per quem tantum bonum mihi
dare vis, sit Redemptor meus, & in negotio tam arduo
fidus advocatus.

2. Quare,

4. Quare, Pater omnipotens, toto corde firmissime spero, posse me à te, cum sis liberalissimus, consequi & obtinere omnia, quæcunque mihi ad salutem necessaria fuerint.

Ac primo quidem veniam omnium meorum peccatorum, quantumvis multorum, & enormium : tum etiam vires ad superandas omnes difficultates, in hac vita occurrentes. Ac tandem gratiam perveniendi, ad fruendum perpetuo felicissimo tuo aspectu.

Et quanquam cælum, terra, & omnes creaturæ contra me conjurarent, & ipse jam in portis inferorum consistere, nihilominus benevolentissime Pater, semper in te sperare vellem, & confidere, dicendo cum Propheta, *In te, Domine, speravi; non confundar in aeternum. In Domino sperans non infirmabor. Amen.*

IV.

A C T V S A M O R I S E R G A
D E V M, & proximum.

Diliges Dominum Deum tuum ex toto corde tuo.

LUC. IO.

- I. *Amor Dei, tante est nobilitatis & excellentia, ut omnes Beati, & omnes res create, quæque creari possunt, præstantius nihil unquam possint agere, quam ut Deum diligant. Actus autem amoris est, bene velle rei amate, & gaudere de bono, quod habet; eique optare, quod non habet.*

EG O itaque desiderans exercere hunc excellentissimum Actum, amabilissime Deus, ac suavissime Domine, summe gaudeo, mihi complaceo, tibi que congratulor, de tuis infinitis perfectionibus, & attributis: quod solus tu sis qui es, & summum infinitum Bonum: sisque Deus inscrutabilis, & immensus, qui comprehendi non possis, neque satis ab ulla creatura cognosci.

2. Gratulor tibi tantam tuam super nos, & super omnia, potestatem, gloriam, dominationem, imperium: & quod hæc habeas à teipso. Profecto, Domine, si per impossibile, aliquid ego possiderem, quo tu careres, illud omne tibi li-

bentissime cederem , & tribuerem : imo si possem esse Deus , nollem tantum ideo , ut tu solus esses , nec parem haberes.

3. Opto quoque , & ex intimo cordis mei affectu desidero , ut omnes creaturæ , quæ sunt in cœlo , terra , & mari , & quidquid uspiam est , aut esse & reperiri potest : omne suum esse tibi acceptum referant , honorem tibi exhibeant , & obsequia : te laudent , magnificent , ament omnes , induti sola tua infinita bonitate , & excellentia tuæ Majestatis : quia tu solus es omni amore dignissimus.

Sed & maximo gaudio me afficit , quod quidquid creaturæ præstare conantur tui amore , id omne tuæ dignitati , & magnitudini longe sit impar.

4. Et quia tu ex te ipso summe es amabilis , toto pectore desidero te amare , illa perfectione , qua te amarunt , amant , & in æternum amaturi sunt omnes Beati. Et hac eadem affectione cordis , offero tibi illum fervorem , floremq; charitatis , qua tu te ipsum amas , amasti , & in æternum amaturus es.

5. Superabundo gaudio , infinitas tibi gratias ago , quod tu ipsemet meum , & omnium creaturarum , officium suppleas , in amando teipso. Et hunc ipsum amorem tui ipsius , offero tibi , in gratiarum actionem , pro omni gloria , honore , beatitudine qua frueris ; una cum omni illa gloria , honore , laude , quam unanimi consensu omnes beati Spiritus , & omnes iusti hujus mundi tibi deferunt. Et in summa , tuum esse , tuam gloriam , & omne tuum bonum in teipso cupio , & propter teipsum.

6. Et hoc tibi de me certum esse velim , ô dulcis Amor meus , quod tam firma , tamque constanti voluntate statuerim te diligere , ut , etiamsi mihi nihil unquam , neque in hac , neque in altera vita , boni velles conferre : imo si in hac vita omnibus ærumnis afficerer , & in altera suppliciis addicerer æternis , nihilominus tamen amare te velim , & ex intimis medullis cordis mei tibi servire : ne ad momentum quidem (tua me gratia adjuvante) ab amore tuo desistens , aut quidquam remittens. Quod ut clementissime confirmare , & acceptare digneris , humillime peto.

DE CVLTV & ADOR. SS. TRIN. 69

7. Quando vero, piissime Domine, præcipis mihi, ut amem etiam proximum meum, pro tam dulci præcepto tibi gratias ago: & ideo, quantum possum, impello voluntatem meam, ad ipsum amandum.

Cupio ipsum amare, precorque ipsi à te omne bonum, quo felicior, tibi que gravior fiat: maxime N. N. à quibus rebellis mea voluntas nonnihil abhorret.

Rogo dimitte illis omnia sua peccata: & concede, ut arripiant remedia necessaria ad vitam æternam consequendam: quod si noveris expedire, ut ego caream aliquo dono tuo, quod ipsis attribuas: ecce Domine Deus meus, nihil detrecto. Magna me voluptate perfundit amor, quo illos prosequeris; & perfectio, qua illos exornas: pro qua gratias tibi maximas habeo.

8. Quod si, te permittente, contingit me ab aliquo offendi, & vexari, nihilominus jam nunc te obsecro, priusquam illud eveniat, ut velis ipsi dare veniam & vitam æternam: & hoc, quia tu ipsum amas, egoque desidero tibi in omnibus conformari, ut nihil unquam velim ego, nisi quod vis tu ipse, Dominus & Deus meus, Amen.

V.

ACTVS ADORATIONIS AD SS. Trinitatem.

Dominum Deum tuum adorabis. Lucæ 4.

I. *Cultus patriæ. qui soli Deo debetur, est actus internus, simul ac externus, quo rationalis creatura Deum colit, humiliando se animo eum adorandi, & profitendi Deum. O Deus immensæ majestatis & magnitudinis, Pater, Fili, & Spiritus sancte.*

ECce ego omni illa, qua possum, submissione, & humilitate, positus coram tua divina Majestate, Deus meus, agnosco me creaturam, & opus manuum tuarum, à te per omnia dependens: te universorum absolutum Dominum: dignissimum, qui pro tali ab omnibus habearis & honoreris, infima cordiali submissione humi prostratus, & ex profunda abyssu mei nihili te adoro, adoratione patriæ:

& tantæ Majestati in infinitum me submitto, omnemque reverentiam, & honorem, quem possum, exhibeo.

2. Contentus etiam sum, imo contentissimus, me nihil esse, nihilque posse, nisi à te proveniret, imo nollem esse, nec aliquid posse, nisi dependenter à te.

3. Ideoque invito, & invoco Sanctissimam Virginem, beatos Spiritus, & totam Curiam coelestem; imo creaturas universas, ut mecum adorent, venerentur, & agnoscant tantam Majestatem; & jam nunc, una cum illis te adoro, & agnosco; imo isto meo actu omnes alias adorationes, alios cultus, quibus hactenus affectus es, & quibus affici te conveniebat; omnes, inquam, eos cultus uno fasciculo comprehensos, & colligatos, tibi offero, & dedico.

4. Tandem, ô Deus meus, consecro tibi omnia, qui es absolutus Dominus universorum: singulariter autem omnes meas cogitationes, verba, opera tam interna, quam externa tibi offero, & devoveo; illud unum supplicans, ut in me perfectissime impleatur amabilis tua voluntas, qua me creasti, & vocasti, ad tibi serviendum, Amen.

VI.

A C T V S L A V D I S

& gratulationis.

Laudate Dominum omnes Gentes. Psal. II 6.

I. *Laus qua Deo tribuitur, prout è sacris literis discimus, consistit in omni actu virtutis, sive corde, sive ore, sive opere & externo quoque signo, ad manifestandam excellentiam divinæ Virtutis, fiat. Et congratulatio est actus gaudii, quo afficimur de bono alterius, quod jam consecutus est, ac possidet.*

Ego itaque, ô Domine, volo nunc, adspirante gratia tua, elicere hos actus, & cor meum excitare, dicendo affectu intimo animæ meæ: Laudabilissime Deus, & Dominus meus, cum jubilo cordis mei pronuncio, proclamo, deprædico, totique mundo patefacio, quantum scio & possum, inæstimabilem magnitudinem, excellentiam, & magnificentiam tuam; quod sis Infinitus, & Immensus: Immutabilis, & æternus; Potentissimus, Sapientissimus, Optimus,

DE CVLTV & ADOR. SS. TRIN. 71

mus, Sanctissimus, & infinitæ perfectionis, Creator coeli & terræ, primum Principium, & ultimus finis omnium rerum: qui omnia summa providentia regis & gubernas. Horum omnium causa gaudeo, & gratulor tibi.

2. Et ideo nunc ego magno applausu & toto pectore te laudo, exalto, magnifico, veneror: atque utinam hoc possim absque cessatione præstare, semper & in omni loco terrarum tantum, quantum te exaltant, magnificant, honorant, honorabunt, honorarunt, & honorare potuerunt simul omnes creaturæ, & omnes qui fuerunt, sunt & futuri sunt.

3. Imo cupio simul reddere tibi omnes illas laudes, quas potuissent, possunt, poteruntve deferre Beata Virgo; sanctissima Humanitas Christi: & tantum, quantum possunt adferre innumeri Mundi, & infinitæ creaturæ, tam visibiles, quam invisibiles, quas omnipotens manus tua creare potest. Et tantas laudes, tantos honores desidero tibi exhibere, quantos nosti exhiberi posse, & quantos mereris.

Quia vero me facultas istud præstandi deficit, opto saltem, tribuere tibi omnes illos honores, & laudes, quas tuo adjutus auxilio offerre possum, & quantis tu te ipsum amoris viribus amas: quibus nunc istum, qualemcunque meum affectum laudis, velut exilem appendicem, adjungo.

4. Congratulor autem tibi, condelector, & lætor, quod tu Deus meus, tam sis magnus, tamque laudabilis, ut neque vires omnis creaturæ, vel in terra, vel in coelo, sufficiant ad te digne laudandum, & magnificandum: sed interim gaudeo, te ipsum, laudabilissime Domine, id, in supplementum illarum omnium, abunde præstare.

VII.

GRATIARVM ACTIO.

In omnibus gratias agite. 1 Thess. 5.

I. *Gratiarum actio est manifesta confessio accepti beneficii, tendens in benefactorem, in signum compensationis.*

EGo nunc, liberalissime Deus meus, agnosco te omnipotentissimum, misericordissimum, à quo omne bonum procedit: & confiteor à te mihi provenisse innumera beneficia,

neficia, & singularissima dona, ab instanti conceptionis meæ, usque ad præsentem diem: qualia sunt Creatio, Redemptio, Vocatio, donatio S. Spiritus, Conservatio, & infinita alia ab istis profluentia, & in iisdem contenta: licet eis fuerim indignissimus: maximo vero beneficio N. N. pro quo nunc, & pro omnibus aliis, tota contentione cordis mei, totisque viribus, infinitas tibi gratias ago, sicut infinitus est amor tuus, & bonitas tua, qua illa mihi largitus es.

2. Agnoscens itaque me tibi obligatissimum, ô Bonitas infinita, & nesciens, neque valens referre tibi gratias, quantas deberem, & cuperem, invoco I E S U M Christum, Beatam Virginem, & omnes creaturas, tam visibiles, quam invisibiles, ad agendas tibi pro me gratias: & illas, quas ipsæ, quocunque gratitudinis genere modoque tibi reddiderunt, reddunt, & in æternum reddituræ sunt, ego illas, pro me nunc omnes tibi offero: & una cum illis, eodem affectu, recognitione, & gratiarum actione, tibi gratias ago.

3. Neque hoc eo facio, quasi mea sint ista bona, sed quia tua sunt. Ego enim promptus, & paratus sum illis privari, quotiescunque illa repetere tibi placuerit: & oro ut idipsum facias reipsa, quotiescunq; ad maiorem tuam gloriam proficere judicaveris.

4. Ago etiam gratias divinæ Majestati tuæ, quod sis, qui es: & pro omnibus bonis, quæ possides. Præterea in gratiarum actionem, & gratitudinem pro omnibus donis, & beneficiis concessis, & concedendis mihi, & aliis omnibus creaturis, quæ sunt, fuerunt, vel erunt; specialiter pro his, quæ copiosissime largitus es hucusque sanctis Angelis, & hominibus, Beatissimæ Virgini, Sacrosanctæ Humanitati Filii tui, Domini nostri, eo, quo maxime delectaris, ritu modoque offero tibi, Deus, Deus, teipsum: qui es complementum, & perfectio omnium.

5. Neque his contentus, in signum gratitudinis, ex isto momento meipsum tibi dedico, dono, trado: cum desiderio & voluntate tibi fideliter serviendi, & cordialiter æternum te amandi: humillime rogans, ut hoc, quale quale munusculum, unde quaque tua Majestate indignum, etiam antea mille nominibus tuum, acceptare digneris, Amen.

ACTVS OBLATIONIS.

Sacrificium Sanctificationis offeres Domino. Eccl. 7.

1. **O** Dignissime Domine, Deus meus, Pater, Fili, & Spiritus sancte, agnosco me per omnia tuum: tum quia me creasti, tum quia me redemisti: ut omittam innumera alia beneficia mihi præstita: pro quibus si millies me tibi singulis horis impenderem, nihilominus infinite tibi obstrictus manerem, ac debitor. Quare ego jam talis, qualis sum, libere, & maxima, qua possum, efficacia, me tibi consecro, offero, & per omnia dono, in plenissimum holocaustum, animæ, & corporis mei: & omnium quæ habeo, vel unquam possum acquirere.

Hoc autem facere cupio, eo modo, quo tu desideras, & quo maxime decet, ut me tibi offeram & consecrem. Ac proinde libentissime, & liberalissime submitto me sanctissimis tuis præceptis, & nutibus in perpetuum.

Et quia ego jam totus tuus sum, rogo ita me possideas, ut unquam ipse mihi amplius restituar, aut mei juris efficiar; sed ut omne meum velle, facere, dicere, non sit aliud, quam quod voluntas tua sanctissima, & rectissima vult me velle, facere, dicere: & meum non velle, non facere, non dicere, sit itidem tuum non velle, tuum non facere, tuum non dicere: fiatque pure solum quando, quomodo, quantum tibi, dignissime Domine, placet à me fieri, non aliter.

2. Præterea offero tibi omnes divitias, & bona spiritualia rerum omnium, tum creatarum, tum earum, quas habes in thesauris omnipotentiae tuæ: ita ut si omnes meæ essent, libentissime vellem tibi illas cedere: vel saltem ad solum tuum honorem, & amorem expendere.

3. Offero tibi omnia bona spiritualia, cogitationes, verba, & opera bona, quæ fecerunt, faciunt, facturi sunt omnes homines, qui fuerunt, sunt, futurive sunt unquam in hoc mundo: imo omnes istas cogitationes, verba, & opera bona, quæ possent habere infiniti homines, quotque creari possunt à tua omnipotentia: ita ut, si possem, ex amore tuo

eadem facere vellem illa efficacia, qua tu scis maxima fieri posse: & illo modo, qui esset Majestati tuæ gratissimus.

4. Offero quoque tibi omnes poenas, dolores, martyria, & omnia mala poenosa animæ & corporis, quæ passi sunt, patiuntur, & passuri sunt omnes homines, sive in mundo, sive in purgatorio, sive in inferno, in satisfactionem justitiæ tuæ, & augmentum gloriæ tuæ; & omnia, quæ scis ab omnibus & singulis tolerari posse, non solum in hoc orbe, sed etiam in centum millibus, & infinitis Mundis, Purgatoriis, & flammis infernalibus: ita ut si tibi placeret, cum gratia tua omnia talia libenter propter amorem tuum, salutem meam, & proximi, vellem perpeti.

6. Præcipue tamen offero tibi preciosum sanguinem, & infinita merita Domini mei IESU Christi; cum meritis Beatæ Virginis, & omnium Sanctorum, & una cum illis omnia supradicta: sicuti etiam omnes meas cogitationes, verba, opera, studia, occupationes, actus hodiernæ diei, & totius vitæ meæ.

Denique desidero facere hanc oblationem, illo cordis affectu, quo tu nosti fieri posse flagrantissimo; & toties, quoties spiritum duco, ut totus in æternum sim tuus, tibi que addictus. Amen.

IX.

A C T V S R E S I G N A T I O N I S
E R G A D E V M.

*Omnem sollicitudinem vestram projicientes
in eum. 1 Petr. 5.*

1. **M**I piissime Domine, omni affectu cordis mei abnegato per omnia, tibi me totum resigno; & maximo quo tu scis fieri posse, desiderio: & quantum per me fieri potest, desidero perfectissime voluntatem meam in tuum divinum beneplacitum transfundere: in quo solo cupio mihi complacere, quiescere, & in nulla re alia.

Quare te rogo, velis de me, meisque rebus omnibus disponere, quo modo, & quantum tibi placet, & videtur conducere ad majorem tuam gloriam.

Sic

Sic igitur totus in te resignatus, offero me paratum ad acceptandum à potentissima tua manu, quidquid mihi acciderit in hac vita, sive illud prosperum, sive adversum fuerit.

2. Quare si vis me vivere vitam, gratanter accipio : si vis me mori, non recuso : si vis me sanum, accepto sanitatem : si infirmum, infirmitatem : si locupletem, divitias : si pauperem, volo paupertatem : si honorabilem, placet honor : si inhonoratum, non abhorreo ab ignominia : vis ut habeam consolationem, & illam volo : si desolationem, non absterreor : si me vis esse in gratia apud homines, volo & ego : si vis me esse odio; pro inimicis orabo, & in persecutionibus te laudabo.

3. Et ideo nolo habere oculos, nisi ad te videndum, neque aures, nisi ad te audiendum : neque linguam, nisi ad loquendum de te : neque cor, nisi ad te amandum : neque memoriam, nisi ad recordationem tuæ dulcedinis ; neque intellectum, nisi ad agnitionem tuæ Majestatis : neque manus, nisi ad tuum famulatum : neque pedes, nisi ad tuum obsequium : neque corpus, nisi tibi ad victimam : neque vitam, nisi tibi in sacrificium.

4. In summa, ita sine omni exceptione tuus esse volo, ut, me ipso exspoliato, & omni mea proprietate exuto, Sanctissimæ tuæ voluntati (quandoquidem meam jam tibi donavi, & irrevocabiliter dono nunc, & in perpetuum) omnes meas cogitationes, verba, & opera, tam interna, quam externa, & omne meum esse, & posse, quæ gratia tua dignatus es mihi, largiri, permittam, resignem, transcribam.

Neque volo quidquam velle, aut non velle, nisi quomodo, quando, & quantum tu vis, & non vis : ita ut tuum Beneplacitum sit meum summum, & ultimum desiderium, jucunditas, consolatio, omni tempore & in re qualibet. Quare piissime Domine, assiste mihi tua sanctissima gratia, (sine qua scio me nihil posse) ut omnia cedant in honorem & gloriam tuam, & perfectissime adimpleatur sanctissima tua voluntas. Amen.

X.

DELECTATIO DE DEO.

Delectare in Domino, & dabit tibi petitiones cordis tui, Psal. 36.

Verum gaudium est delectatio, ex illis rebus profecta, quæ Dei sunt, quia vera materia omnis gaudii est in Deo, & in excellentia ejus.

1. **O** Quantas ergo jucundissime Domine, causas habeo, jubilandi & exultandi ! quandoquidem tu es Deus ille, qui est, nimirum infinitæ Potentiæ, Sapientiæ, Bonitatis, Pulchritudinis, Misericordiæ, Iustitiæ, Fidelitatis, & innumerabilium aliorum Attributorum, tanquam principium & finis omnis boni : cumque tantus ac talis es, dignatus es eousque extollere naturam humanam, illamque tibi unire, ut vere dicatur ; Deum esse hominem, & hominem esse Deum : Deum quidem naturâ, hominem vero dignatione & gratiâ. Quinimo, præterea promissisti mihi etiam æternam felicitatem, & Beatitudinem : idque innumerabilibus testimoniis ac signis tam in antiquo, quam in novo testamento confirmasti. O dignatus ! O Bonitas infinita Dei, ac Domini nostri !

2. Itaque avide, Domine mi, desidero, & volo in posterum, adjuvante gratia tua, omnem animi mei delectationem, esse in te, ac de te solo, deque rebus, quæ tuæ sunt, meque ad te pelliciunt : sicut de te bene dixit, qui dixit : *Deus meus, & omnia.* Tu solus es bonitas, Thesaurus, Paradisus creaturæ rationalis, in hoc, & in altero Mundo.

3. Contra vero fastidio, prorsusque averfor hunc Mundum & omnia, quæ illius sint. Neque minus mihi molestum est ea videre, audire & cogitare, quam sordidissimam cloacam : cadaver putrescens, ac sterquilinium. Omnia enim, præ te, Domine, arbitror, ut stercora ; abominor, ut rem contagiosam.

4. Et cupio tuæ solius dulcedinis gustu affici, tantumque tuis è rebus gaudium & voluptatem capere, omnes vero res mundanas & quæcunque cor meum à te avertunt, respuere, abhorrere, detestari. Ad hoc præstandum adjuva
me

DE CVLTV & ADOR. SS. TRIN. 77

me, Domine, tua pietate, ut serviendo tibi, cum gaudio, & perfectione, in hac vita, possim te cum Beatis videre, & frui æternum in altera, Amen.

XI.

ZELVS HONORIS DEI,
ET SALVTIS ANIMARVM.

Zelus domus tuæ comedit me, & opprobria exprobrantium tibi, ceciderunt super me. Psal. 68.

1. **Z**elositissime Deus meus, qui gloriam tuam alteri non das, & omnes animas solus creasti; ideoque inter alia tua nomina, etiam *Dominus Zelotes, & Deus amulator*, vocari voluisti; doleo, & summè crucior nomine omnium illorum hominum, qui in suis actionibus, relinquentes verum & rectum finem, qui solus es tu, summum & unicum Bonum; magis res temporales, & caducas hujus Mundi, quærunt, & amant, quam te: & continuo peccantes, tradunt se in potestatem crudelissimi sui hostis, Diaboli: id quod sine magno mœrore, & pœna, cogitare, & loqui non possum.

2. **Q**uare, Deus meus, ego vilissimus peccator, nullius pretii apud te, offero pro gloria Nominis tui, ac pro salute totius mundi, merita omnium Electorum, qui fuerunt, sunt, & futuri sunt usque ad finem Mundi. Et si ego solus, ob amorem & honorem tuum, sustinere possem omnes pœnas, omnia tormenta, quæ omnes servi tui passi sunt, modo per ejusmodi perpeffionem efficere possem, ut nullus unquam te amplius offenderet, toto corde rogarem, ac supplicarem tibi pro hac gratia.

Quin potius, amore tui integre (si ita tibi placet) abdicō me omnibus, si quæ forte extant apud te, meritis meis & bonis operibus: (si tamen unquam aliqua tibi vere grata præstiti) & offero illa tibi æterno Patri, unita cum meritis Filii tui, pro conversione totius Mundi; ut sic ab omnibus honoreris in terra, sicut in cœlo.

Et si possent omnia flagella, quæ aliis debentur, propter sua peccata, meo tergo infligi, ut ipsis parceretur & meritum hujus mei supplicii, in bonum ipsorum cederet, etiam
pro

pro his te rogarem; & si ita expedit, jam humiliter te rogo; ut pro hoc, qualicumque meo obsequio, des omnibus gratiam perfectissime tibi serviendi; itaque te amandi, ut nullus amplius te offendat: sed perpetuo omnes te laudent, ac benedicant non minus, quam faciunt omnes Angeli, & Sancti in coelo.

3. Præterea tanti facio honorem, & gloriam tuam, ut eligam potius manere æternum in inferno, & pati omnia tormenta, quam ut tu, vel unico momento, priveris tuo honore: cum tibi omnes honores debeantur, mihi autem omnes poenæ, auxietates, & dedecora: & ne defrauderis tuo debito honore: veniant obsecro, super me omnia opprobria, auxietates, & miseriæ.

Et si hoc non sufficiat ad te honorandum, veniant super me omnia mala animæ & corporis, absque peccato: eaque talia, & tanta, qualia & quanta, tu scis posse inveniri, sive in inferno, sive in terreno hoc mundo, sive in purgatorio; & si qua fieri possunt, iis adhuc majora, gravioraque. Sed tu interim, ô Amor meus, ne obliviscaris mei, sed des mihi gratiam, & fortitudinem ad sustinendum illa, sicuti ego libenter, pro amore, & honore tuo, paratus sum illa acceptare.

XII.

ACTVS TIMORIS DEI.

Beati omnes, qui timent Dominum. Psal. 127.

Iustus timor est anxietas quedam cordis, quæ retrahit hominem ab illicito usu membrorum, & sensuum exteriorum, interiorumque affectuum: ne anima, vel omnino, vel ex parte, à Deo separetur; aut querat delectationem in aliqua creatura, atque ita refrigescat ardor spiritus.

1. **E**Go itaque, timende ac tremende Domine, nunc considerans infinitam Majestatem, & magnitudinem tuam, in cujus conspectu tremunt omnes spiritus coelestes, terrestres & infernales, totus confusus ob meam monstruosam indignitatem, descendo in abyssum nihili mei; magnopere timens, ne te offendam, & separer à divina tua gratia: sicut aliis multis evenit, eo quod in conspectu tuo recte non ambularent.

2. Ita-

2. Itaque dum cogito solum, quod possim te offendere peccatis venialibus, ac mortalibus, horreo; & totis artibus meis contremisco; maxime quod agnoscam me omnino debilem & imbecillem, & nihil posse, sine gratia tua singulari.

3. Agnosco tamen etiam Domine, hunc timorem esse mihi valde necessarium, & utilem; & ideo instanter illum à te peto; ipsumque ut in me augere, & animæ meæ imprimere velis, rogo, dicendo cum Psalmista: *Confige timore tuo carnes meas, à judiciis enim tuis timeo.*

P I E L E C T O R,

Similes aliarum virtutum Actus quere infra Sect. IV, ubi propriam sedem habent.

C A P. V.

Contemplatio piissima.

A T T R I B V T O R V M D E I,

*ad affectus & Actus Virtuosos eliciendos
relata:*

EX BLASIO PALMA, Clerico Regulari S. Pauli.

P R Æ F A T I O.

Licet omnes excellentiae, & perfectiones divinae absolutae, prout in Deo sunt, neque inter sese, neque à divina essentia, sint re ipsa distinctae: sed sint summum, absolutissimum, & simplicissimum Ens, nihilominus quia noster intellectus est nimis hebes ad illas, ut in se sunt, intelligendas, ideo utitur variis, & diversis conceptibus, atque distinctionibus, & conatur delibare aliquid illarum perfectionum: quas deinde solemus vocare Attributa divina, quae nos tanquam excellentias distinctas (licet unitissimas inter se) attribuimus Deo.

Quarum cognitio, quamvis tam alta sit ac sublimis, ut major in mundo inveniri non possit: nihilominus tamen illis qui practice illam possident, erit excellentissima Regula ad acquirendas omnes Virtutes, & bona spiritualia: quia cognitio Dei, & imitatio virtu-
tum

tum ejus, est nostra perfectio : sicuti è contra ignoratio Dei, est fons omnis peccati & miseriarum. Nosse enim te, consummata justitia est : & scire justitiam & virtutem tuam, radix est immortalitatis, Sap. cap. 15.

Quare ad normam & similitudinem actuum virtuosorum, jam præmissorum, etiam paucos quosdam, ex attributis divinis colligere visum est, ut devotus Christianus prævia hac face possit pervenire ad dictam notitiam & perfectionem vite; cum spe tandem consequendi completam, & consummatam justitiam, quæ est fruitio ipsius Dei in vita æterna.

I

ESSENTIA DEI.

Hæc est vita æterna, ut cognoscant te solum Deum verum, & quem misisti, Iesum Christum. Ioan. 17.

1. **D**omine mi, tu es simplicissima Essentia, & ideo in omni genere perfectionum absolute infinitus : ne quicquam tibi potest addi, vel deesse. Incomprehensibilis es respectu omnium locorum, omnium temporum, omnium voluntatum, & omnium intelligentiarum. Quia tu excedis omnia loca, comprehendis omnes differentias temporum, transcendis omnes mentes, absorbes omnia corda hominum & Angelorum, quo fit ut tu solus te ipsum digne comprehendere, metiri, intelligere, & amare valeas.

2. Immensus es implendo, penetrando, eminendo super omnes res creatas & creandas : immobilis, indeterminatus, incircumscriptus : quia tua infinitate omnes terminos, & spatia imaginaria infinite transcendis. Et ideo natura, operatione, cogitatione, affectibus es immutabilis, quia non cadit in te umbra vicissitudinis, mutabilitatis, sed in eodem esse, & velle, semper es firmissimus.

4. Æternus es absque principio, & fine : amplecteris unico puncto, indivisibilis æternitatis, omnem durationem & differentiam temporum : neque obis aliud tempus, quam perfectissimum Nunc illud, quod tempori semper ex æquo respondet : tibi ipsi es adæquata & perfectissima mensura æternitatis.

4. Quia igitur, ut firmissime credo, tam grandis est, Domine mi, tua excellentia : nunc toto meo corde, summa cum humillitate & reverentia, te adoro & veneror, & una cum spiritibus Beatis & iustis, te confiteor esse, qui es : & coram te humi prostratus reverenter me inclino, & profundissima humilitate submitto : & quia dignus es omni amore, te in æternum amabo, integro & sincero amore.

Et præterea pro gloria tua desidero, ut omnes creaturæ in æternum te ament, agnoscant, reveantur, honorent & laudent : ideoque offero tibi meam vitam, vires, facultes, & quidquid habeo, vel possum habere.

5. Insuper gaudeo & delector, quoties cogito, te Dominum esse tam magnum, infinitum, incomprehensibilem, immensum, immutabilem, æternum, & in te inveniri omnes perfectiones prædictas.

6. Congratulor tibi intimo affectu cordis, tuam tantam Majestatem, gloriam & beatitudinem, quam possides, & æternum possessurus es : ideo convoco omnes creaturas, ut mihi congratulentur, dicendo : *Benedicite omnia opera Domini Domino, laudate & superexaltate eum in sæcula, &c.*

7. Duplici superabundo consolatione, & júbilo, cum spero & confidero illud ipsum tuum bonum, futurum aliquando meum : quia illud mihi promissisti, promeruisti, præparasti, largitus es, per Christum, Filium tuum Unigenitum & Redemptorem meum : quo itidem tecum in æternum fruamur, modo fidelis in amore tuo permaneam. *Atque tum satiabor, cum apparueris gloria tua.*

II.

P O T E N T I A.

Apud Deum omnia possibilia sunt. Matth. 19.

1. **O** Deus meus omnipotens, tu es illa Potentia, quæ omnia, quæcunque vult, potest & quæ nullam omnino infirmitatem admittit, neque unquam fatigatur, operando : omnia ex nihilo producit, eadem facilitate ad nihilum itidem omnia reducit, si velit : nec quidquam illi resistere potest, sed omnia ipsi obediunt.

H

O ado-

O adoranda, tremenda, & religioso silentio veneranda Omnipotentia! Tu rex seculorum, per teipsum omnia potes: à te instituta est, & dependet omnis potentia, omnis vis, fortitudo, industria, & energia omnium rerum. Tu, inquam, omnia ex nihilo creasti, & sustentaculo tui influxus eadem conservas, & Omnipotentia tuæ manu, quasi suspensa tenes, ne in Nihilum suum, unde prodire, recidant. Tu Domine, per te ipsum potes dare, & agere non solum omne illud, quod omnes homines, una cum SS. Angelis animo concipere possunt, sed etiam omne illud, quod infinita tua Sapientia cogitare potest: cum Omnipotentia tua sit æqualis sapientia tuæ, & æqualiter se extendat, & diffundat: quia hæc sola est regula & mensura illius. Quam enim aliam habeat mensuram immensa Potentia, nisi ipsam Immensitatem.

2. Complacere mihi, & gaudeo, Domine; de tanta tua Majestate & Potentia; ex cujus consideratione, rogo te, ut profundissimam reverentiam, & submissionem erga divinam tuam Majestatem animo meo imprimere velis. Placet etiam ut disponas & statuas de me, & omnibus creaturis, secundum tuum beneplacitum: quia nemo potest tibi dicere, *Cursu facis?* Omnia tua sunt, & opera manuum tuarum.

3. Fac, Domine, ut semper præ oculis habeam hanc certissimam veritatem, nempe, te mihi assidue præsentem esse: & manu tuæ Omnipotentia mihi minitari fulmen æternæ damnationis, si mandatis tuis non obtemperem: & ita te nunquam offendam.

Da insuper fiduciam, & securitatem cordi meo ergate, ne ullum præter te timeam, & ne creatura ulla possit me separare ab amore tuo: nam quid sunt omnes aliæ creaturæ si tecum conferantur, quam Nihil? vel quid mihi mali, sine tua permissione, possunt inferre? quod si tamen ab aliqua permittas me affligi, hoc ipsum, Domine mi, cedit in meam salutem, & mihi cooperatur ad acquirendam vitam æternam. Et ideo omnem meam fiduciam pono, & repositam volo in te, Potentissime Deus, ac Domine, Amen.

III.

S A P I E N T I A.

A Deo profecta est sapientia. Eccl. 15.

1. **O** Sapientissime Deus, tu es illa sapientia, quæ comprehendit omne, quod potest excogitari: ignorantia in te nullum habet locum: omnes res scis, nec falli potes vel errare; quia perfectissime, & distinctissime omnia cognoscis: omnes res præsentēs, præteritæ, futuræ, omnes possibiles, imaginabiles: omnia quæ sunt, & quæ non sunt, tibi, Deus meus, sunt præsentia, & in sancto tuo conspecto posita.

2. Tu es prototypum, & primarium signaculum omnium rerum: tu puritate, & subtilitate tua penetras omnia, intimeque omnibus inexistens, apte cuncta disponis. Et licet attingas, & penetres à fine usque ad finem, & à summo usque ad imum, omnibusque te penitissime insinues, nihilominus minime te cum ulla re confundis aut permisces, nec labe vel minima contaminaris, sed semper in tua pulchritudine, candore, & sinceritate permanes.

3. Tu es auctor, & artifex: tu exemplar, idea, mensura, & finis omnium rerum: neque solum architectus illarum, quæ sunt, & acceperunt suum Esse, & speciem à te ipsis impressam, seu visibiles, seu invisibiles: sed etiam illarum, quæ non sunt, & per omnipotentiam tuam fieri possunt, utique in infinitum longe plures iis, quæ factæ sunt.

4. O Sapientia admirabilis! hæc totam simul ambit æternitatem, & intra se totam Immenstatem capit, totam ad se trahit Infinitatem, omnia in ipsa quoddam habent æternum Esse, & æternum vitam: Denique caret principio & fine, & per omnia est immutabilis.

5. Placet mihi Domine, gaudeo, & congratulor tibi istam tuam profundissimam sapientiam, quâ scrutator es cordium. Si ego vel parum hanc tuam sapientiam imminuere, vel obscurare possem, ne agnosceres malitiam meam, & scelera mea, non facerem: imo potius vellem ipse destrui & annihilari, quam ut vel unico puncto tua

sapientia minuerunt. O sapientissime Domine, ex isto tuæ lucis inexhausto fonte radium aliquem diffunde, precor, in mentem meam, ut perfecte cognoscere possim pulchritudinem virtutis, & turpitudinem peccati: ut hoc fugiam, illam autem prosequar, & magis magisque diligam; id quod ad gloriam, & honorem tuum cedat sempiternum. Amen.

IV.

B O N I T A S.

Bonus es tu, Domine, & in bonitate tua doce me justificationes tuas. Psal. 118.

I. **D**omine & creator omnis boni, tu bonus es, non hoc vel illo modo, non in hoc vel illo genere bonitatis, sed absolute, sine principio, & sine; sine limitatione, sine modo, nisi eo, quo sine mensura præoccupas, & amplecteris omne bonum.

Tu es ipsa plenitudo & universitas boni, cui omnes res, à suprema substantia creatæ, usque ad materiam nudam ac primam, omne suum bonum acceptum referre debent.

Tu simplicissimâ essentia tua, omnem excellentiam, omnem perfectionem, omnem beatitudinem; & omne bonum possides; nec Bonitas tua, & perfectio ullum habet limitem aut terminum: eo quod prima ac primaria, sit neque ab ullo dependeat.

2. A te omnia dulcia trahunt suam dulcedinem, omnia pulchra suam pulchritudinem, omnia lucida suum splendorem: omnia, quæ vivunt, suam vitam: omnia, quæ sentiunt, suam sensationem: omnia, quæ moventur, suum vigorem: omnia intelligentia suam notitiam, omnia perfecta suam perfectionem: omnia demum qualicunque modo bona hauriunt suam bonitatem.

3. Tu magnus es sine quantitate, bonus sine qualitate, infinitus sine numero, formosus sine figura, æternus sine tempore, immensus sine loco, diffusus sine extensione, perfectus sine multiplicitate, altissimus sine situ.

4. Tu centrum Vniversi, ad quod naturali pondereres omnes feruntur, in quo omnia conquiescunt: à quo omnia susten-

sustentantur : in te sunt illecebræ omnis amoris , consummatio omnis desiderii , terminus omnis motionis , satietas omnis appetitus.

Quanta est hæc vis tuæ illius summæ Bonitatis, ad cuius parvi radii splendorem tanto impetu currit omnis creatura! dum unaquæque illarum appetit particulare suum Bonum, & ad illud totis viribus connititur : quod bonum nihil aliud est, quum leve vestigium, & signum tuæ Bonitatis. Hoc omnem creaturam tam potenter trahit : hoc in mundo tantos motus excitat. Quidquid enim in rebus creatis se movet, agitatur, operatur, boni intuitu movetur & agitur. Si lenis umbra boni tanto impetu trahit, quanto magis trahet ipsa veritas? illa, inquam, pulchritudo & bonitas infinita ; clare visa, id est, tu ipse, Domine, dulcissimum & summum Bonum?

5. Trahe mentem meam ad te, ô immensa pulchritudo, eamque ad te, super omnes res creatas, vinculo indissolubili, & ligamento æterni amoris adstringe. Quid quæram & desiderabo extra te, qui es plenitudo omnis boni : fons, finis, suavitas, vis & medulla omnis boni? Valeant ergo aliæ res omnes, te semper cogitem, amem ; ad te contendam ; tibi uni adhæream : in te commorer : te laudem, benedicam, & omnibus viribus animæ meæ, & tota vita mea uni tibi serviam. Omnes res transitoria, vel viles, vel charæ mihi sint ; quatenus tuæ bonitati congruunt : nulla alia ratione illas contemnā, vel æstimem. Perfice me, secundum altissimum tuum beneplacitum, in cogitatione & amore tuo: commuta me totum in te ipsum, ut unus tecum spiritus efficiar ; ut jam non mihi, sed tibi vivam. Amen.

V.

S A N C T I T A S.

Non est sanctus, ut est Dominus. 1 Reg. 2.

1. **D**omine, Deus meus, Tu diceris sanctus multis modis. 1. quia tua Essentia est prima radix, & origo omnis sanctitatis, & puritatis. 2. quia est objectum, &

mensura omnis sanctitatis : uno verbo, tu es principium efficiens, forma, exemplar, & finis omnis splendoris sanctitatis, qui in creaturis reperitur. Et per te ipsum sanctus es : per essentiam tuam : nimirum sanctitate fundamentalis, obiectiva & formali. Tam perfecta est sanctitas tua, ut nihil quidquam ei possit addi, vel demi ; quia est sanctitas essentialis, & universalis.

2. Gaudeo & complaceo mihi de ista tua sanctitate, fonte essentiali omnis pulchritudinis & puritatis : à qua omnes creaturæ intellectuales sanctitatem, & puritatem suam accipiunt. Hanc sanctitatem proposuisti nobis imitandam : non vero Potestatem, non Sapientiam, non altitudinem Majestatis tuæ ; cum dixisti : *Sancti estote, quoniam ego sanctus sum.* (Levit 11.) Non postulas tamen à nobis tantam, quantam eminentia sanctitatis tuæ requirit, sed ejus saltem imaginem quandam qualem scilicet cum gratia tua infirmitas nostræ naturæ capere potest.

3. Hanc tuam Sanctitatem, & puritatem veneror, honoro, amo, & admiror. Ut pote cui omnis reverentia, honor & amor debetur. Hæc Præsentia sua sanctificavit, & sanctificat totum mundum : unde quocumque me verto, præsentem te conspicio, & ubique existentem te veneror, laudo, honoro, & benedico : tanquam in sacro templo gloriæ tuæ. Singulari tamen modo animam meam, quæ multo capacior & augustior est mundo corporeo, ad similitudinem Templi, cultui tuo sanctificasti, tibi que in habitationem consecrasti. & ideo intra me, in penetrabilibus animæ meæ te habitantem adspicere valco : hic in sancto silentio tecum ipso conversari, hic tecum delitieri possum : ibi te placare obsequiis : ibi te adorare : ibi à te istam sanctitatem & puritatem petere : idque jam, Domine mi, toto corde, & omnibus animi mei viribus cupio facere, & impetrare.

4. Conabor etiam, Domine, & nunc propono, totis viribus fugere omnes impuros, & inordinatos affectus, & omnes maculas animæ, quibus templum tibi sanctum violari, & profanari posset : quia, Domine, sine dubio, sicut necessario plurimum diligis tuam sanctitatem, ita necessa-

rio magnopere odisti peccatum, & omnem immunditiam detestaris.

5. Denique tibi, tanquam auctori, fini, regulæ & exemplari omnis sanctitatis, à qua, ad quam & secundum quam sanctificantur omnes res in cœlo & in terra, sit gloria, benedictio, gratiarum actio, ab omnibus creaturis in cœlo & in terra. Amen.

VI.

B E N I G N I T A S.

Ipse Dominus benignus est. Luc. 6.

1. **T**V, mi Domine, Bonus diceris ratione perfectionis naturalis : ratione sanctitatis, & ratione beneficentiæ : quæ nominari potest Benignitas : & hæc nihil aliud est, quam quædam naturalis tua propensio, tua bona communicandi cum rebus inferioribus & creatis, pro capacitate cujusque.

O quam vere benignum te demonstras, Domine, quia cum nullius indigeres, tibi que ipsi sufficientissimus esses, nihilominus ex nihilo res omnes creasti, & ex suæ nullitatis abyssu eduxisti, dando eis essentiam, formam, pulchritudinem, appetitum boni, fugam mali, vires, functiones, impetum, motum, situm, modum, ordinem, perfectionem, & terminum : prout cuique illarum commodum est, & amabile : & hoc non ob tuam aliquam commoditatem, vel utilitatem : sed ut ipsis bene esse, & pro sua quæque capacitate participarent de tuis bonis, gustarentque fructum tuæ benignitatis. Et ideo omnes res te laudant, tacitisque vocibus tuam benignitatem celebrant. *Cœli enarrant gloriam Dei, & opera manuum ejus annuntiant firmamentum, &c. Psal. 18.*

2. Sed in genere nostro humano facile omnium excellentissime resplendet tua Benignitas. Tu ad imaginem, & similitudinem tuam nos creasti, & caractere vultus tui nos signasti : intellectum, memoriam, & voluntatem nobis dedisti, ut mereremur, & consequeremur, tam præstantia bona. Angelos etiam nobis custodes, & rectores

assignasti: tandem totum mundum creasti, & plurimis bonis instructum pro habitatione & solatio nobis donasti. Quid majus his beneficiis? quid ista benignitate mirabilius fingi & excogitari potest? maxime cum hæc omnia feceris, ut hac ratione nos perduceres ad sedes cœlestes, participesque nos tuæ beatitudinis faceres.

3. Ergo quantus sum, & quantum possum, gratias tibi ago, & innumerabiles gratiarum actiones refero tibi, Domine, pro tam insigni benignitate, & omnes creaturas invito ad te laudandum, & benedicendum: *Benedicite omnia opera Domini Domino: laudate, & superexaltate eum in sæcula, &c.*

4. Gaudeo Domine, quod tam benignus sis, & des tibi metipsum; & quasi abjicias ad res viles & infimas, quod infirma curare, abjecta erigere, humillima extollere gaudeas. Et ubi gravior necessitas, paupertas, mileria instat, ibi liberalius opes tuas effundere & opem propensius adferre soleas: id quod proprium est veræ Benignitatis.

5. Doleo & pœnitet me, non imitatum fuisse istam tuam Benignitatem: quia fui sævus, asper, impius erga proximum meum, nec bona fortunæ, vel animi in auxilium proximi converti: sed sæpius contrarium feci. Ideo nunc toto corde humillime à te veniam peto, & propono, te adjuvante istud inhumanitatis vitium emendare, & esse benignus, suavis, & amabilis erga omnes, idque studio imitandæ divinæ tuæ benignitatis.

Quia ab ista tua benignitate proxime & immediate provenit amor tuus, & diffunditur in omnes creaturas, quo vis bona tua cum illis esse communia. Quare obsecro, velis igne isto accendere cor meum, ut fiam benignus, & charitate plenus. Amen.

VII.

P R O V I D E N T I A.

*Ecce Domine, tu cognovisti omnia novissima,
& antiqua. Psal. 138.*

1. **P**ROvidentia tua, Domine, gubernat omnia, à summo cœlo usque ad infimas partes terræ: à supremo spiritu

ritu usque ad abjectissimum vermiculum. Hæc ab æterno omnes res cogitavit, concepit, distinxit, apteque disposuit. Sine lege istius nihil prorsus oritur, nihil moritur, nihil operatur, movetur, quiescit.

Hinc omnia, quæ carent ratione, tanta cum ratione operantur, & tam ordinate tendunt ad suum finem : homine excepto, quia dotatus libero arbitrio, ipfomet abutens, longissime sæpe recedit ab ordine divinæ, & patricularis tuæ Providentiæ, proponendo sibi alios fines, contrarios illis, quos illa ipsi constituit.

Neque ideo tamen ab universali tua Providentia se subducere potest: cum incidat in justas pœnas, peccato, & peccatoribus decretas : quo fit, ut etiam in improbis ordo divinæ tuæ Providentiæ mire respondeat.

2. Væ mihi, qui toties quæsi subducere me à paterna tua Providentia, & vivere volui secundum imprudens meum judicium: & ideo dum volui subterfugere divinæ tuæ Providentiæ manum, quæ me ducebat ad vitam, in mille pericula, errores, & peccata, impegi: simulque incurri justissimas pœnas, consilio Providentiæ tuæ miseris peccatoribus constitutas, ad gloriam infinitæ tuæ Iustitiæ : quam, dum stolide me proripiebam à Benignitate, & Misericordia tua vel invitus incurrebam : & , ô me miserum ! thesaurizabam mihi pœnas Iustitiæ: & dum subtrahere me volebam suavi jugo divinorum tuorum præceptorum, submittebam me durissimæ servituti dæmoniorum : & dum spernebam æterna præmia, promerebar æterna supplicia.

O stultitia, sanguineis lacrymis deploranda ! pœnitet : ah toto corde me pœnitet : humillimque à te veniam peto.

3. Obsecro te, Domine, per omnia mirabilia dulcissimæ Providentiæ tuæ, aufer à me hanc stultitiam; & da grā-tiam, qua semper ante oculos geram tuam illam Providentiam: ut quidquid prosperi vel adversi acciderit mihi, ab ipsa mihi provenire intelligam, idque de manu tua pro magno beneficio accipiam. Hæc mea sit in adversis prima consolatio. Hæc in terroribus ingeneret mihi fiduciam, in periculis securitatem, in arduis fortitudinem ; in rebus

adversis patientiam, in perturbationibus tranquillitatem: animi in futurorum expectatione quietem. Hæc auferat à me omnem sollicitudinem, ut à sola benignitate Providentiæ tuæ securus dependeam. Hæc dirigat omnes res meas, illasque gubernet usque in finem, prout novit expedire ad gloriam tuam, & meam salutem. Quibuscunque mediis uti voluerit, prosperis, an adversis: honore an ignominia, infamia an bona fama: abundantia, an penuria: infirmitate, an sanitate: vita, an morte: nihil recusato, nihil repudio: quidquid elegerit ipsa, id rectissimum & consulti-
ssimum judico, & ut gratissimum exosculor.

Hoc unicum enixum meum desiderium & votum est, voloque, ut semper sit, facere, dicere, cogitare, mi Domine, sicuti tu judicas utilius esse ad gloriam tuam, & meam salutem, ut in omni æternitate te contempler, admirer, amem, honorem, laudem, benedicam, in omnibus rebus, & super omnia. Amen.

VIII.

M I S E R I C O R D I A.

Misericordia Domini plena est terra. Psal 32.

I. **M**isericordissime Domine, tu illa immensa Misericordia es, quæ excedit infinite omnem miseriam, & malitiam nostram. Primum enim, tu eduxisti me ex Nihili tenebris & dedisti mihi vitam, & nobilem naturam, factam ad imaginem tuam, & cum ea maxima oramenta, intelligentiam, judicium, rationem, memoriam, voluntatem, contulisti. Deinde ab humilli statu naturæ elevasti me ad sublimem statum gratiæ, adoptando me in filium tuum. Præterea primis duobus statibus alium nobilissimum adjunxisti, nimirum statum gloriæ: nam multo perfectiora, & excellentiora sunt dona gloriæ, quam gratiæ. Ad hunc gradum immensa tua bonitas, & misericordia me destinavit.

Quare, ô anima mea, si obtinuisti secundum gradum, satage, ut evadas etiam ad hunc tertium: præsertim quia habes tot præsidia & adminicula ad consequendam tantam
feli-

felicitatem : ut sanctissima Sacramenta , relicta & acquisita nobis à Christo Iesu , Domino nostro : qui etiam , pro complemento & cumulo omnium beneficiorum sanctissimum Sacramentum pretiosi corporis , & Sanguinis sui nobis reliquit.

2. Ah Domine illumina cor meum , ut possim cognoscere immensam milericordiam tuam , cognitamque magni faciam , & habeam semper ante oculos , uti ducem & regulam ; donec miseræ hujus vitæ vinculis expediar , & anima mea obstricta tantæ benevolentia nexibus & tam exquisitis beneficiis , correspondeat , toto corde te amando , totam se dedicando , sanctoque tuo servitio & honori se mancipando.

O serviam tibi , Deus meus , tota vita mea : nihil aliud cogitare , quam facere , quod sit ad gloriam tuam , & ad eandem tanquam ad scopum optassimum omnes meæ actiones , vires , dotes tum naturæ tum gratiæ dirigantur. Aliud vires meæ tum corporis , tum animi non intendant , spectent , quærant , quam facere sanctissimam voluntatem tuam. Et ô utinam aliqua saltem ex parte correspondeam infinito tuo amori , quo me semper prosecutus fuisti , ut tam magno benefactori non sim omnino ingratus.

3. *Benedic anima mea Domino , & omnia , quæ intra me sunt , nomini sancto ejus.*

Benedic anima mea Domino , & noli oblivisci omnes retributiones ejus.

Qui propitiatur omnibus iniquitatibus tuis : Qui sanat omnes Infirmittates tuas.

Qui redimit de interitu vitam tuam : Qui coronat te in misericordia & miserationibus.

Qui replet in bonis desiderium tuum , & sic renovabitur , ut aquilæ juventus tua.

Benedicite similiter mecum Domino omnes Angeli , & Archangeli : & vos omnes Principatus , & Potestates , omnes Virtutes & Dominationes , omnes Throni , Cherubim & Seraphim : Benedicite , inquam , & laudate , & iterum sine fine laudate communem Dominum nostrum : quia fecit nobiscum non secundum iniquitates nostras , sed secundum

secundum magnam & Paternam misericordiam suam. Laudate illum Coeli, Terra, Mare, & omnia, quæ in eis sunt, laudent & superexaltent eum in sæcula. Detur ergo Deo gloria ab omni creatura: benedicat & gratias agat Domino, omnis creatura in omni loco Dominationis ejus: & hoc fiat in sæcula sæculorum. Amen.

IX.

I V S T I T I A.

Iustitia plena est dextra tua. Psal. 47. Quis novit potestatem iræ tuæ, aut præ timore tuo iram tuam dinumerare? Psal. 89.

1. **N**illus Domine, digne potest exprimere magnitudinem, & multitudinem suppliciorum, quæ peccatoribus præparasti; & assignasti olim perferenda, per omnipotentiam tuam. Sicut misericordia tua est infinita, ita infinita est iustitia tua; quæ infinitis modis non solum in futuro sæculo, sed etiam in isto, quod proprium est misericordiæ, contra peccatores manifestabitur: ut omnes discant te timere, & quia benignitate suavissimi Patris non moventur, saltem severitate iustissimi Iudicis terreantur, qui non finet malum ullum impunitum, neque bonum ullum irremuneratum abire: quia apud te non est acceptio personarum, cum sis iustissimus iudex.

2. Delectat me, Domine, placetque mihi hæc tua iustitia, qua si vel tantillum possem te privare, ne posses punire peccata mea, non facerem: imo protestor, si malitia mea, duritia, & obstinatione nollem converti ad poenitentiam: atque adeo si induratus, impoenitens, desperatus mori vellem (quod grande malum ô Deus meus, procul averte) Si tamen eo usque desiperem, ex hoc hora protestor, & volo, ut iustitia tua locum habeat, mittatque me ad æterna supplicia: ut quia voluntaria, & salutifera poenitentia nolui glorificare misericordiam tuam, saltem in tormentis glorificem iustitiam tuam.

3. Sed, ô mi dulcissime Domine, dum ago hanc vitam, possum per gratiam tuam provocare à tribunali Iustitiæ tuæ:

tuæ : ad tribunal Misericordiæ tuæ : & ideo hac hora, pro semper, magna fiducia, Domine, toto corde, tota anima, totis viribus misericordiam tuam appello, teque obsecro per Iesum Christum Filium tuum, ut ignoscas mihi peccata mea; ne horrendo Iustitiæ tuæ tribunali reus sistar. Sancte promitto, me in posterum, cum divino auxilio tuo, emendare velle vitam meam, & vivere, ut decet servum bonum: tu per veram pœnitentiam; suavius & dulcius tua misericordia glorificetur. Amem.

X.

FINIS VLTIMVS.

Ego sum α, & α, principium, & finis, dicit Dominus Deus. Apoc. i.

1. **Q**uemadmodum tu, Domine mi, es prima, & suprema causa efficiens rerum omnium, ita pariter es ultimus finis earundem: ac præcipue creaturæ rationalis. Vnde oportet me longe à creaturis animo recedere, nullamque in eis spem collocare; quia permultum me impediunt, quo minus ad felicem illum, & ultimum meum finem perveniam, propter quem tu me creasti: qui es verum unicum, & summum Bonum meum.

2. Vnde nihil mihi magis curæ accordi esse debet. quam ut jungar tibi visione, amore, gaudio; in qua unione consistit & meum summum Bonum, & summa tui gloria. Quare omnes delectationes, & illecebras hujus vitæ, in comparatione hujus maximi Boni non nisi ut meras sordes & stercorea arbitror. Et ex hoc momento temporis dirigo omnes meas cogitationes, opera, & desideria ad hunc finem; neque fatigabor, aut desistam, donec ad eundem perveniam.

3. Verum quia ex me ipso non sum idoneus ad tam magnum Bonum; ad te, ô misericordissime Deus, recurro; ut per immensam bonitatem, qua creasti mundum, & factus es homo, propter homines sponte te morti subdidisti, perque alia infinita beneficia mihi præstita; & per æternum beneplacitum tuum, quo me gratis ad tam
sub-

sublime fastigium gloriæ prædestinasti ; noli occludere mihi fontem tam profusæ beneficentiæ : quamvis ego sim ingratiſſimus, & negligentissimus, dum tempus habeo operandi bonum: sed hoc ipsum potius tuam benignitatem incitet, ut tanto magis me adjuves, ac protegas, quanto ego sum infirmior. Recordare, obsecro, finis, ad quem ab æterno me destinasti, ne irritum sit in me sanctissimum consilium, ac desiderium tuum.

4. Illumina mentem meam lumine sancti Spiritus tui, quo directore, possim perfecte cognoscere vanitatem hujus mundi, & pericula, quæ in ipso latent, deprehendam. Ex altera vero parte intelligam quoque magnitudinem, excellentiam, suavitatem immensorum bonorum, quæ mihi in te ipso præparasti : pro quibus toto corde tibi gratias ago, & omni vanitati lubens renuncio.

5. Fac, mi Domine, ut mens mea aliud non cogitet, nec quicquam intellectui meo firmiter imprimatur, quam hic Ultimus Finis : ut spretis per omnia omnibus caducis, & temporalibus, me protinus elevem ad amandas res æternas, & hunc felicem & ultimum meum finem desiderandum.

Nunquam deficient mea bona desideria, nec cessent suspiria, vel gemitus pro illa felici Patria; neque ego unquam cessem pugnare contra meipsum, quemadmodum etiam nunc propono facere, donec perveniam ad stadii hujus metam, quando omnes Sancti requiescent in te summo Bono & ultimo Fine per visionem & amorem, & ineffabilem consolationem : cum pervenerint ad consummationem suæ intentionis, ac impletionem desiderii tam optati & expectati; nimirum ultimi finis, & summi Boni: pro quo tam heroice decertaverunt, usque ad gloriosissimam victoriam. Amen.

C O N C L U S I O

Amorosi Pacti cum Deo.

TAndem, dulcissime mi Domine, quia cognosco te esse unicum meum Bonum, summam meam felicitatem, & beatitudinem, nullo pacto committere debeo ut separer à te : sed magis curandum mihi omni studio, ut tibi semper arctissime conjunctus permaneam. Quare desidero, & operam dabo, ne momentum ullum temporis prætereat, quo non confirmem ea, quæ hæcenus annotavi, & constitui. Et ut hoc assequi possim, cupio nunc, qua possum reverentia & humilitate, cum tua divina majestate inire pactum, perpetuo foedere sancire, ut quemadmodum, quoad vixero, nunquam cessabo respirare: ita nunquam cessem in te Credere, te amare, te Laudare, Gratias tibi agere, me Offerre; me tibi Resignare, in te Sperare, Gaudere; & abhorrere à mundo, velut à peste; habere Zelum honoris tui, & salutis animarum: Te timere, me Humiliare, pœnitentiam agere, sancta proponere, & Amare proximum meum. Castitatem, Pauperatem, Obedientiam colere, & petere à te, quæ supra petivi. Præterea te cognoscere, adorare, Teque deum Infinitum, Immensum, Immutabilem, Æternum, Omnipotentem, Sapientem, Bonum, Sanctum, Benignum, Providum, Misericordem, Iustum, & ultimum nostrum Finem, confiteri. Atque hanc prorsus esse nunc mentem meam, summa cum animi demissione coram D. T. Majestate, & tota cœlesti curia protestor, quod cupiam toto corde, tota illa virtute, puritate intentionis, & efficacia, qua maxima possum, omnia ista observare, quæ supra notavi, & dixi. Idque toties quoties respiravero: & quoties ad aliquem hujusmodi actum tibi placentem ac gratum mentem convertero. Accipe Domine illum nunc: & pro illo, & pro omni tempore. Atque hoc animi mei desiderium ratum confirmatumque sit, gratiosissimo beneplacito tuo in æternum. Amen.

CAP. VII.

HYMNI RHYTHMICI

de Sanctissima TRINITATE.

Profitentes Vnitatem
 Veneremur Trinitatem
 Pari reverentia.
 Tres personas asserentes,
 Personali differentes
 A se differentia.
 Hæc dicuntur relative,
 Cum sint unum substantive;
 Non tria principia.
 Sive dicas tres, vel tria;
 Simplex tamen est usia,
 Non triplex essentia,
 Simplex esse, simplex posse:
 Simplex velle, simplex nosse;
 Cuncta sunt simplicia.
 Non unius quam duarum,
 Sive trium personarum
 Minor efficacia.
 Pater, Verbum, Sacrum
 Flamen,
 Deus unus; sed hi tamen
 Habent quædam propria.
 Vna virtus, unum Numen;
 Vnus splendor, unum lu-
 men,
 Cuncta sunt hic paria.
 Patri Natus est æqualis,
 Nec hoc tollit personalis
 Amborum distinctio.
 Patri Compar, Filioque;

Spiritualis ab utroque
 Procedit connexio.
 Non humana ratione
 Capi possunt. hæc personæ;
 Nec harum discretio.
 Non hic ordo temporalis,
 Non hic situs aut localis
 Rerum circumscriptio.
 Nil in Deo præter Deum,
 Nulla causa præter eum,
 Qui causat causalia.
 Digne loqui de personis,
 Vim transcendit rationis;
 Superat ingenia.
 Quid sit gigni, quid proces-
 sus,
 Nescit homo, licet gressus
 Tentet per sublimia.
 Quisquis credit non festinet;
 Et à via non declinet,
 Abiens per devia.
 Servet fidem, formet mores,
 Nec deflectat ad errores,
 Credat quod Ecclesia.
 Vt in una jam moramur,
 Sic in una moriamur
 Fidei constantia.
 Trinæ sit laus Vnitati,
 Sit & simplæ Trinitati,
 Coæterna gloria. Amen.

HYMNVS RHYTHMICVS
DE SANCTO SPIRITV.

Q Vi procedis ab utro-
que

Genitore, Genitoque

SPIRITVS paraclite:
Redde linguas eloquentes;
Sed accende primum men-
tes

Charitatis fomite.

Tu procedens à duobus,

Coæqualis es ambobus,

In nullo disparitas.

Par majestas personarum;

Par potestas singularum;

Et communis Deitas.

Amor Patris, Filiique,

Par amborum, & utrique

Gloria confimilis.

Cœlos, imples, terras foves,

Mare domas, cuncta moves

Permanens immobilis.

Tu commutas Elementa,

Per te suam Sacramenta

Præstant efficaciam.

Tu malignam vim repellis;

Tu subvertis & refellis

Hostium nequitiam.

Te docente nil obscurum;

Te præfente nil impurum;

Cuncta sunt splendentia;

Gloriatur mens jucunda;

Per te sana; per te munda

Gaudet conscientia.

Quando venis, corda lenis;

Quando subis, atræ nubis

Effugit obscuritas.

Sacer ignis, pectus uris,
Non comburis, sed à curis

Eruis, dum visitas.

Mentes prius imperitas,

Et sopitas, & oblitas

Erudis & excitas.

Cor ad fidem facit pronum;

Ori muto reddit sonum

Manans à te claritas.

O quam felix, quam festiva

Dies, in qua primitiva

Conditur Ecclesia!

Vivæ sunt primitiæ,

Nascentis Ecclesiæ

Tria plebis millia.

Panes legis primitivi

Vna fiunt adoptivi

Fide duo Populi.

Nempe duos unum fecit,

Cum duobus se præfecit

Lapis caput anguli.

Tu perversos corde vitas,

Sed sinceros mente ditas,

Dona sapientiæ.

Veritatem notam facis;

Et ostendis viam pacis:

Semitas justitiæ.

Dat liquorem Helisæus,

Largum fundit rorem Deus,

Vbi vasa vacua.

Vtres novi non vetusti;

Sunt capaces novi musti;

Tu fac corda congrua.

Non hoc musto vel liquo-

re,

I . .

Non


Non hoc fimus digni rore
 Si discordes moribus.
 In obscuris vel divisis
 Sancta nequit paraclisis
 Habitare cordibus.
 Consolator alme veni:
 Linguas tege, corda leni.
 Nihil fellis vel veneni
 Tui fert præsentia.
 Nil jucundum, nil amœ-
 num,
 Nil salubre, nil serenum,
 Nihil dulce, nihil plenum
 Sine tua gratia.
 Tu cæleste condimentum,
 Medicamen & unguentum,
 Aquæ ditans elementum
 Virtute mysterii.
 Nova facta creatura,
 Te laudamus mente pura;
 Iræ prius ex natura,

Gratia nunc filii.
 O qui dator es & donum,
 Tu qui condis omne bo-
 num,
 Mentis dona gaudium.
 Tange corda, terge sordes,
 Vinclo pacis, fac concordēs,
 Adsis ad præsidium.
 Sicut post ascensum Christi
 Rudes linguis imbuisti
 Variis Discipulos;
 Sic nos vise; sic dignare
 Dissidentes congregare
 Vna fide populos.
 Demum mortis ab hac val-
 le,
 Duc ad vitam recto calle
 Lætos de victoria.
 Vbi Patris, ubi Tui,
 Et æterni Verbi frui
 Mereamur gloria, Amen.

F I N I S S E C T. I.







ELECTIS & DILECTIS
 TRIUMPHANTIS
 ECCLESIAE CIVIBVS,
 DEI DOMESTICIS.

Qui Reduces ab Exilio mundi, jam PATRIA
 fruimini.

Qui STUDIO VIRTUTIS strenuè decurso,
 jam BRAVIUM accepistis.

Qui REGNUM COELORVM violenti
 rapuistis,

Et jam lætamini, sicut victores capta præda.

Qui amicti stolis albis, AGNUM sequimini quo-
 cunque ierit.

TRANSIISTIS PER IGNEM
 & AQUAM;

Iam introducti estis in refrigerium.

FLENTES OLIM MISISTIS SEMINA
 VESTRA;

Nunc cum exultatione portatis manipulos vestros.

ESURIISTIS & SITIVISTIS
 IUSTITIAM;

Nunc satiamini ab ubertate Domus Dei.

PAUPERES SPIRITV RELIQVI-
STIS OMNIA;

Iam grandi usura centuplum accepistis;
FIDELES OLIM SERVI & OECO-
NOMI;

Nunc constituti super omnia Bona Domini,
in terra viventium.

OLIM PARVI IN OCVLIS VESTRIS;
ET VILES SECVLO;

Nunc honorati nimis; & confortatus est
principatus vester.

EMENSI ESTIS HOC TEMPESTVO.
SVM SECVLI MARE;

Iam portum felices tenetis.

De vobis SECVRI; de nobis SOLLICITI.

Ita sperare jubet *Amoris nexus*, Qui in Christo
connectit

Militantis & Triumphantis Ecclesiæ cives.

TV O IESV REX, & CORONA
SANCTORVM ANNVE.

Beati qui habitant in Domo tua, Domine!

In secula seculorum laudabunt te.

S E C T I O II.

De cultu & veneratione Sanctorum cum
Christo regnantium in cœlis.

P R O F E R I A S E C V N D A,

C A P. I.

*Colloquium inter Christum & hominem, quo traditur
modus & Praxis colendi Sanctos.*

H O M O.

Quam dilecta tabernacula tua Domine virtutum!
concupiscit & deficit anima mea in atriis tua.
Dum enim contempler felicitatem Electorum
tuorum, qui nunc tecum epulantur in regno tuo,
& inebriantur ab ubertate domus tuæ, & torrente volu-
ptatis tuæ potantur; sitit etiam anima mea ad te Deum fon-
tem vivum, quando veniam & apparebo ante faciem Dei?
Tædet animam meam vitæ meæ tot miseriis & doloribus
plenæ. Quis dabit mihi pennas, sicut columbæ, & vola-
bo, & requiescam? Melior enim est dies una in atriis tuis
super millia. Heu mihi, quia incolatus meus prolongatus
est. Infelix ego homo, quis me liberabit de corpore mortis
hujus? Cupio dissolvi & esse tecum, mi Christe Iesu. O
quam beati, qui habitant in domo tua Domine! in sæcula
seculorum laudabunt te.

CHRISTUS. Sustine adhuc modicum, mi homo; &
ut securius istuc pervenias, prius viam disce, qua ad glo-
riam pervenerunt Sancti & Amici mei, observa eorum
vestigia, si vis ad eandem metam pervenire. Quorum
præmia delectant te, vide ne labores & certamina recuses.
Nemo coronabitur, nisi qui legitime certaverit. Nonne
oportuit illos, imo & me ipsum laborare & pati; & sic in-
trare in gloriam? Et ecce Electis meis quoque inter istas
carnis misérias vita in patientia, mors in desiderio fuit, sed
verbis & exemplo meo probe didicerant, quod regnum
cœlorum vim pateretur, & violenti raperent illud. Magna

utique bona sunt, quæ præparavi diligentibus me, & mirum alicui videri poterit, si non nisi Amicis meis strenue laborantibus & bonum certamen certantibus illa donem?

Nec tu privaberis hisce bonis, si ambules, sicut illi in innocentia, & adscensiones disponas in corde tuo, in valle ista lacrymarum, in loco, quem posuit tibi primi parentis, & tua ipsius iniquitas. Sed noli timere, Ego tecum sum, protector tuus; ego ante te ibo, & gloriosos terræ humiliabo. Qui sanctis adfui, tibi non deero: & dabo tibi benedictionem, ut eas de virtute in virtutem, donec cum Electis meis videas Deum Deorum in Sion, & inebrieris ab ubertate domus meæ.

HOMO. Beatus homo, quem tu erudieris Domine, & de lege tua docueris eum. Doce me, quæso, facere voluntatem tuam; particeps enim & ego esse cupio omnium ti-
mentium te, & custodientium mandata tua.

CHRISTVS. Hæc est voluntas mea, sanctificatio tua; sanctus esto, quoniam ego sanctus sum, à quo omnes Sancti hauserunt, quid in ipsis sanctitatis fuit. Possem ego quidem me unum, uti absolutum omnis virtutis & perfectio-
nis exemplar, tibi proponere; ego enim sum Via, Veritas, & Vita. Ego sum ostium, per me si quis intraverit, salva-
bitur. Sed perutile tibi fuerit, electos meos, fratres tuos, carnis infirmitate tui similes, qui tamen per gratiam meam mundum, carnem, Satanamque strenue vicerunt, intueri; cum forte non videatur adeo mirum si in operibus meis in-
veniatur eximia & singularis perfectio; & rara omnis gratiæ ac virtutis excellentia; cum plenitudo divinitatis habitet in me corporaliter. Id vero non poteris non mirari, si Sanctos videas in fragili carne non secundum carnem vixisse, sed perdidisse, salutari odio sui, animas suas in hoc mundo, ut in vitam æternam custodirent eas.

I. *Laudatio Sanctorum.*

In primis ergo frequenter audi, lege, meditare, & admirare Sanctorum gesta, lauda ipsorum virtutes, id est, Constantiam, Patientiam, Fortitudinem; extolle Castitatem, &
Absti-

Abſtinentiam; prædica Obedientiam, Paupertatem, mundique contemptum: quot in eis virtutum inſignia, tot potentiae & bonitatis meae miracula prædicas.

Si igitur vis honorare Amicos meos in gloria mecum regnantes, aut quemlibet è Sanctis Patronum tibi magis dilectum colere; ſi gratum illis deſideras obſequium præſtare; lauda Deum, agens illi gratias, quod Sanctum N. ab æterno ſibi elegit amicum; quod illum prædeſtinavit, vocavit, juſtificavit, & demum glorificavit; quod gratiam, & virtutes infudit, quod tot bene agendi occaſiones obtulit, quod inter tot tentationes, inſidias, laqueos & pericula præſentis vitæ protexit; quod perſeverare dedit in finem; & nunc eum in cœlis tanta gloria & honore coronet. Denique quod eorum exemplo nos commoneat, & excitet, ut ad ſimile præmium, & bravium, fortiter pugnando contendatis.

Et hinc non eſt cur timeas, ne fortè per Sanctorum laudes quidquam derogetur laudi & gloriæ meae. Quia non potes eorum laudare virtutes, quin me laudes, auctorem omnis virtutis & gratiæ; ſine me enim nihil potuerunt facere; ego dedi velle & perficere. Omnis ergo Sanctorum laus ad me velut fontem redit, ego vitis, ipſi palmites erant, nullum fructum à ſemetiſſis ferre potuiſſent, niſi in vite manſiſſent. Vnde dum illis mercedem dono, non tam ipſorum opera bona, quam mea dona corono.

Verum hoc ipſi ſemper agnoverunt ingenue; nihil ſe habere, quod non acceperint, & quamvis facerent omnia, faſſi tamen ſunt ſervos ſe inutiles eſſe; unde nec vane gloriati ſunt, ſed nomini meo ſemper dabant gloriam. hoc tu adverte, & imitare; ſic vere laudabis Sanctos, & Deum in Sanctis ſuis.

HOMO. Mihi autem nimis honorificati ſunt Amici tui Deus, nimis confortatus eſt principatus eorum. Quis enim digne valeat laudare Sanctos tuos? perſtringit eorum majeſtas & gloria oculos meos, qui fulgent coram te, quaſi ſplendor firmamenti, & quot cœlum ſtellis, tot virtutibus lucent. Vere mirabilis es, Domine, in Sanctis tuis. Lau- do, & glorifico te pro immenſa pietate tua, quia tam large

prævenisti eos in benedictionibus dulcedinis, posuisti in capite eorum coronam de lapide pretioso, gloria & honore coronasti eos Domine.

II. *Invocatio Sanctorum.*

CHRISTVS. Ad Sanctorum quoque laudem, & gloriam spectat, ut invocentur in auxilium, & in necessitate vos protegant. Est quidem tantummodo ex me auxilium tuum; nec est in alio aliquo salus, quam in Nomine meo: sed hoc gratuito concessi Electis meis, ut, cum mihi fideliter, & toto corde servierint, facilius & promptior sim ad opem & gratiam præstandam his, quorum causam apud me Sancti, id est, intimi amici mei velut Intercessores & Patroni susceperint. Iungitur enim Ecclesia Triumphans Militanti in vinculo charitatis; & articulus de communione Sanctorum, quam vos indies in Symbolo profiteri solitis, admonet vos, quam utiliter Sanctos imploretis & honoretis, quos ego tantopere honoravi. Quoties ego retraxi flagella mea de populo; quoties regnis, Provinciis, Civitatibus peperci propter servos & electos meos, qui steterunt clamantes ad me, ut averterent iram meam. Et si tantum valuit deprecatio Iustorum, cum degerent in carne tot miseriis & defectibus obnoxii, quid non poterit, cum extra omnem naturæ corruptionem positi, velut familiares & Aulici mei degunt mecum felices in regno meo? tanto utique ad commiserendum proniores, quo propiores facti sunt ipsi fonti misericordiæ: & quo verius agnoscunt vestras misérias. Neque enim beata illa Patria charitatem eorum abstulit, sed auxit. Sunt illi quidem jam in portu, at vos in mari fluctuantes & naufragantes vident: implorati autem à vobis, protinus recurrunt ad me, ut ego succurrerem, nec æquum est ut confundam faciem eorum, aut quidquam denegem eis.

HOMO. Dulcia sunt hæc eloquia tua Domine, ego enim indignus peccator, sed opis indigus, sæpè nescio quo fugiam, dum peccatis multis sordidus non audeo comparere in conspectu tuo. Sed nunc veniam confidentius, sub
umbra

umbra Dilectorum tuorum, ut quod meis non possum, placentium tibi meritis, precibusque consequar. O utinam particeps ego sim omnium timentium te, & custodientium mandata tua.

III. *Imitatio Sanctorum.*

CHRISTVS. Verum icito, mi homo, quia frustra laudat & invocat Sanctos, qui imitari non curat. Sanctorum enim vita tibi cæterisque Fidelibus meis norma vivendi est. Ad eandem enim metam tenditis, & cur non eandem quoque viam tenetis? An forte vitam petitis, & via pergitis, cujus novissima ducunt ad mortem? O quam multi sunt inter eos, qui gerunt nomen & insignia mea, quibus solemne est cum Divite illo vestiri purpura & bysso, epulari quotidie splendide, omnem vitam in deliciis agere, & nihilominus Lazari mortem fortemque audacter sibi promittere? qui cum impio Balaam nequiter vivunt, & nihilominus stultissimo voto novissima optant Sanctorum similia. Quid dementius? Quomodo exigere audent, quod meruerunt? quomodo metere volunt, quod non seminarunt? quid? an cum operariis meis, qui in vinea mea portarunt pondus diei & æstum, mercedem petunt illi, qui stertendo, ludendo, edendo, ducunt in bonis dies suos? Serviunt mundo & carni, & à me mercedem repetunt? quid magis præposterum? mihi quidem dispensatio à Patre meo credita est, sed ut solis operariis mercedum tribuam. nam quæ seminaverit homo hæc & metet; qui seminat in carne sua, de carne metet & corruptionem; & qui seminat in spiritu, de spiritu metet vitam æternam.

Tu vero, ô homo, intuere fideles operarios meos, in quibus vera perfectio & religio refulsit. Illi servierunt mihi in fame & siti, in frigore & nuditate, in labore & fatigatione, in vigiliis & jejuniis; in orationibus & meditationibus sanctis; in persecutionibus & opprobriis multis. Quam frequentes, & ferventes erant illi in exercitiis piis: quia invictum ab oratione spiritum nunquam relaxabant. Quam rigida abstinencia domabant corpora sua! quam
sol-

solicita custodia adversus omnem concupiscentiæ impetum sese munire studebant! hæc considera mi homo, & vide, quam modicum sit & pene nihil quod tu agis; quid est vita tua, si illis fuerit comparata, cum quibus coronari desideras?

H O M O. Operuit confusio faciem meam, Domine Deus meus, quia tam dissimilis factus sum fratribus meis, & peregrinus filiis Matris meæ Ecclesiæ. Heu quomodo apparebo in conspectu tuo, in consilio Iustorum, tanta charitate ardentium? Illi cum timore & tremore operabantur salutem suam. Alius verebatur omnia opera sua, sciens quod parceres delinquenti. Alius castigabat corpus suum & in servitutem redigebat, ne cum aliis prædicaret, ipse reprobus fieret. Alius, etsi sanctus ab utero matris suæ, secessit in solitudinem, ut facilius servaret innocentiam. Non vestiebatur mollibus, sed de pilis camelorum tegebat lumbos suos, & non nisi mel sylvestre cum locustis fumebat in cibum. Alii in jejuniis & oratione Deo serviebant omnibus diebus vitæ suæ. In lege Domini omnis eorum voluntas & volupras erat, hoc illis præcipuum in omni vita, aut cum Deo, aut de Deo loqui. O quantus Sanctorum fervor! O zelus serviendi Deo! O quam mirabilis fuisti in Sanctis tuis, Domine!

C H R I S T V S. Non immerito tu quidem, mi homo, miraris magnalia virtutis meæ, & Sanctorum gloriosa certamina prædicas; sed jam gloria eorum non sine confusione tua. Ecce enim Sancti homines erant similes tui, passibiles, mortales, fragiles, nec fortitudo lapidum fortitudo eorum: nec caro eorum ænea erat. Sed ex eodem luto formati, eadem infirmitate carnis circumdati erant, sicut & tu. Senferunt & illi legem in membris suis repugnantem legi mentis suæ. Mundus illos quoque graviter persecutus est. Nec mitior illis Satanas, quam tibi, imo multo infensior fuit. Et tamen vide, quam fortiter steterint in bello. Quomodo urgebat eos charitas mea! requiem non indulgebant corpori suo, & fugiebat somnus ab oculis eorum: cum timore & tremore operabantur salutem suam: solliciti ambulabant coram me, ut uni mihi placerent. Ita ibant de virtute

in virtutem : crescebatque eorum semita , quasi lux splendens usque ad perfectam diem. Ecce hi sunt qui venerunt ex magna tribulatione. Hi ludibria & verbera experti, insuper & vincula & carceres , lapidati sunt, secti sunt , tentati sunt , in occisione gladii mortui sunt ; circuierunt in meloris, in pellibus caprinis, egentes, angustiiati, &c. & his omnibus æterna gloria digna illis visa est , ad quam per tot labores & certamina contenderent, pro qua tibi subinde oratio paulo longior , brevis inedia , aut levis mortificatio dura nimis & molesta videtur.

Sed quære nunc ex Apostolo meo Paulo , an illum pigeat laborum, quos pro me pertulit: quod castigaverit carnem suam , & in servitutem redegerit , quod toties virgis, tot plagis cæsus sit ; quod tot pericula, tot ærumnas, terra marique passus sit ; quod plus omnibus laboraverit , quod angelum Satanæ , id est , stimulum carnis , (me ita disponente ad salutem ejus) permolestum senserit ? quin gloriabatur etiam tunc in infirmitatibus suis, & spe futuri leniebat molestiam præsentium malorum : sciebat enim non esse condignas passionem hujus temporis ad futuram gloriam: nam momentaneum & leve tribulationis hujus æternum gloriæ pondus operatur in vobis. Vnde nec fames, nec nuditas, nec mors, nec ulla creatura poterant illum separare à charitate mea, quin bonum certamen certaret , fidem servaret , cursum consummaret , & sic repositam sibi coronam justitiæ expectaret.

Quære etiam , si lubet , ex Martyre meo Laurentio , an illum poeniteat modico temporis spatio corpus subjecisse tormentis & igni torrendum dedisse. Ecce jam mille & plures anni lapsi sunt, quod unius tantum diei & noctis laboribus cum inæstimabili gloria fruitur. & quot adhuc annorum millia, quot millium myriades supersunt, quibus eadem perfruatur ? Similiter converte te ad omnes Sanctos, & videbis , quia nemo sine certamine coronatus est, nemo se non certasse vellet. seminarunt omnes in lacrymis, & ideo jam in exultatione metunt. laborarunt modicum, & invenerunt sibi multam requiem. transierunt per ignem & aquam, & sic educti sunt in refrigerium. Absterfi
ego

ego omnem lacrymam ab oculis eorum, & jam non erit amplius neque luctus, neque clamor, nec ullus dolor, quoniam priora transierunt. Si ergo illi sic glorificaverunt Deum in corpore suo, & calicem salutaris acceperunt, quid tu retribues Domino, pro omnibus quæ retribuit tibi? Eadem certe te insignivi imagine; eodem sanguine te redemi, & vocavi in eandem hæreditatem incorruptibilem, & æternam, conservatam in cœlis. Vt quid ergo non potes cum his sanctis bibere calicem meum? Et tamen cum illis vis esse confors regni mei, vis cum his coronari & dividere spolia, quibuscum pugnare non vis?

HOMO. Miser ego positus à longe anhelò & suspiro. Excitant me, fateor, Sanctorum prælia: delectant & præmia: Trahunt exempla ad imitandum. Velle quidem adjacet mihi, perficere autem non invenio: memorare quæso, Domine, quæ mea substantia: nonne ventus est vita mea? Quid potero miser ego, nisi tu operi manuum tuarum dexteram porrexeris? Tu es virtus & corona Sanctorum omnium. Te cooperante tam miranda gesserunt Amici tui. Tu quoque præveni me gratia tua, & adjuvando prosequere. Omnia possum in te, qui me confortas. Deduc me Domine in semitam mandatorum tuorum, quam ipsi Sancti tam alacriter cucurrerunt, quia tu dilatabas cor eorum, ut per illorum vestigia veniam ad te, & una cum Sanctis tuis laudem te, & adhæream tibi in omni æternitate.

CHRISTUS. Confide, mi homo: Ego Sanctis meis certamen forte dedi, ut vincerent, & discerent, quoniam omnium fortior est patientia. Tecum vero nunc mitius agitur. Nec enim est cur putes ad hoc requiri tempus persecutionis. Pie vivere volenti non facile deerit persecutio. Tu saltem in parvis proba conflictibus, quam viriliter stare possis in majori certamine.

Ecce Apostoli mei reliquerunt omnia, & secuti sunt me; tu saltem affectum relinque, & si bona hujus vitæ affluent, noli cor apponere. Martyres sanguinem suum fundere, & mori pro nomine meo non dubitabant: tibi vero non dico, Morere, pone vitam, vince Tyrannos, aut sanguinem pro me funde: sed mortifica membra tua quæ sunt super

DE CVLTV & VENER. SANCT. III

terram. Carnis desideria reprime. Abnega temetipsum. Esto patiens, humilis, mansuetus. Ne reddas malum pro malo. Ori tuo pone custodiam, sepi aures tuas spinis. Averte oculos tuos, ne videant vanitatem. Reconciliare fratri tuo. Frange esurienti panem tuum. An hæc & similia gravia tibi erunt? Non potes ferre mortem? Fer saltem patienter contumeliam, aut levem injuriam. Nondum usque ad sanguinem restitisti, uti tot Martyrum meorum millia. Ecce ipsæ juvenulæ & tenellæ Virgines sexum & ætatem superant, & conculcato mundo, carne, ac dæmone, devictis quoque Tyrannis, illibata mente, ac corpore ad vexillum crucis evolant; & tu non poteris castigare corpus tuum, & in servitutem redigere? Sed suaviter vivendo, & delicate nutriendo servum, id est, corpus tuum, speras tam molli, ac lata via, te recta ire in cœlum. Age, non est hæc via Sanctorum. Surge qui dormis & ego illuminabo te. Non est abbreviata manus mea. Ego qui Sanctis adfui, tibi non deero: si tu ipe non desis tibi. Itaque ferventer Sanctos lauda, frequenter invoca; diligenter imitare. Ego, ut illorum, sic & ero merces tua magnanimis.

C A P. II.

DE CVLTV ET VENERATIONE

SS. Angelorum, & præcipue ANGELI Custodis, Admonitio.

PRæcipuo devotionis cultu sanctos Angelos venerari par est. Id à nobis tum excellens naturæ Angelicæ dignitas; tum singularis eorum in nos amor & beneficia postulant. Sunt enim creatura nobilissima, spirituales substantiæ: Antici Dei, & semper vident faciem Patris qui in cœlis est. Neque hoc tamen, ait S. Bern. ministerium evacuat pietatis: qui cœlos incolunt, terras non despiciunt. Omnes enim administratorii Spiritus sunt, missi in ministerium propter eos qui hæreditatem capiunt salutis. *Serm. 2. de S. Victor.*

Dili-

Diligunt nempe concives suos, *inquit S. August.* per quos suæ ruinæ scissuras restaurari expectant. ideoque magna cura & vigilantia studio adfunt nobis; omnibus horis & locis succurrentes, & providentes necessitatibus nostris. Ambulant enim nobiscum in omnibus viis nostris; intrant, & exeunt nobiscum, attente considerantes, quam pie, quam honeste, in medio pravæ nationis conversetur.

Adjuvant laborantes, protegent quiescentes, hortantur pugnantes, coronant vincentes, congaudent gaudentibus, & compatiuntur patientibus. Quoties bene agimus, gaudent Angeli, & tristantur Dæmones. Quoties à bono deviamus, Diabolum lætificamus, & Angelos suo gaudio defraudamus, &c. *S. August. in Soliloq. cap. 27.*

Singulari vero reverentia Angelos nostros Tutelares, quibus mandavit Deus de nobis, ut custodiant nos in omnibus viis nostris, colere & observare debemus: & sæpius in illis Dei laudare clementiam, qui tam fideli fortique præside unumquemque adversus maligni hostis insidias, & tam varia præsentis vite pericula communit.

Ceterum gratissimus Angelis & nobis & utilissimus cultus erit; Præsentiam illorum semper, & ubique revereri. Præclare Bernardus: In quovis angulo, Angelo tuo reverentiam habe. Tune audeas illo præsentem, quod me vidente non auderes? in Ps. Qui habitat. Serm. 3.

Porro visum est sapientibus, nihil efficacius malis obistere conatibus quam si quis viri gravis intuitum, sola etiam mente sibi proponeret. Sed quem pudet hominis Ethnicus verbis Christianum compellare, hunc pudeat isto minus pium videri. Accipe, inquit, utilem & salutarem clausulam, quam te affigere animo volo. Aliquis VIR BONUS (Talis utique Angelus custos) nobis eligendus est, ac semper ante oculos habendus, ut sic tanquam illo spectante vivamus; & omnia tanquam illo vidente faciamus. Magna pars peccatorum tollitur, si peccaturis testis adsistat. Aliquem habeat animus, quem vereatur, cujus auctoritate etiam secretum suum sanctius faciat. O felicem illum, qui non actus tantum, sed & cogitatus emendat.

Itaque hujus moniti memor, Tutelaris tui ductum diligentur obser-

DE CVLTV & VENER. .SANCT. 113

observa, & prompte sequere. Sapius per diem; in periculis & tentationibus semper illum invoca, ut protegat te fideli custodia, omnes gressus tuos dirigat, actus prosperet, occasiones malas, & pericula submoveat: hostium fraudes & insidias avertat.

Ita piis viris in more positum fuisse legimus, qui ad omne negotium angelico se presidio munire studebant, non proprios tantum custodes Angelos invocare soliti, sed eos quoque, quibuscum causa salutis, pacis, aut divinae gloriae tractandum erat. Vnde & Angelos Regnorum, Provinciarum, Civitatum, Locorum, & praesides solícite implorabant. Exempla habes, (ut alios omittam) in S. Francisco Xaverio. Turbell. lib. 6. vit. c. 5. in S. Aloysio; Cepar. lib. 2. vit. c. 3. in Petro Fabro, Orland. Hist. Soc. lib. 3. n. 29. S. Franciscus quam fuerit devotus erga S. Michaëlem, vide Bonav. in vit. cap. 9. Hos imitare, & deprehendes arcanum hoc esse, sed efficax ad res feliciter agendas; ad multa pericula declinanda presidium.

LITANIÆ DE SANCTIS ANGELIS.

Ex Sacra Scriptura collectæ.

KYRIE ELEISON. Christe eleison.

Kyrie eleison.

Christe audi nos.

Pater de coelis DEVS, miserere nobis.

Fili Redemptor mundi Deus, miserere nobis.

Spiritus S. Deus miserere nobis.

S. Trinitas unus Deus, miserere nobis.

S. Michaël princeps cœlestis exercitus,

Qui prælium magnum in cœlo cum Dracone commisisti,

Qui Draconem cum Angelis apostatis de cœlo projecisti,

Qui cum Diabolo disputans, de corpore Moysei altercatus es.

S. Gabriel, qui Danieli divinam visionem patefecisti,

Qui cum Azaria & sociis ejus in fornacem descendens, flammam ignis excussisti,

K

• Dan. 10.

Apoc. 12.

Ibid.

Ind. Epist.

Dent. ult.

Daniel. 9.

Daniel 3.

Qui

Orapro nobis.

Qui Zachariæ Ioannis ortum & ministe-
 rium prænunciasti,
 Qui missus à Deo ad Mariam in Nazareth,
 Incarnationis Verbi Dei nuncius extitisti,
 S. Raphaël unus è septem spiritibus qui
 adfistunt ante Dominum,
 Qui Tobiam Iuniorem fidus viæ comes
 saluum duxisti,
 Qui dæmonium à Sara depulisti,
 Qui Tobiae seniori visum restituisti.
 S. Seraphine, qui ignito carbone os Isaïæ
 purgasti;
 S. Cherubine, qui ad custodiendam viam
 ligni vitæ constitutus fuisti,
 Qui super solium Dei excelsum & eleva-
 tum stas,
 Qui jugiter Deo, Sanctus, Sanctus, San-
 ctus, concinitis,
 Qui ab Abraham habitu peregrinorum
 hospitio suscepti estis,
 Qui Sodomitas cæcitate percussistis,
 Qui Loth cum suis, de medio impiorum
 eduxistis,
 Qui Abraham cognita ejus obedientia, ab
 immolatione unici Filii revocasti,
 Qui per scalam Iacob adscendistis & de-
 scendistis,
 Qui cum Iacob luctatus, eum in femore
 percussisti,
 Qui Iacob de cunctis malis eruisti,
 Qui Domos Israëlitarum pertransiens, pri-
 mogenita Ægyptiorum percussisti,
 Qui Israëlitas ex Ægypto per mare rubrum,
 & desertum in terram promissionis de-
 duxisti.
 Qui Moysi legem Dei tradidistis,
 Qui Balaam cum asina ad maledicendum
 Israëlitis pergenti restitisti.

Luca 1.

Ibid.

Tob. 12.

Tob. 5.

Tob. 8.

Tob. 12.

Isaia 6.

Genes. 3.

Isaia. 6.

Ibid.

Genes. 18.

Genes. 19.

Ibid.

Genes. 22.

Genes. 28.

Genes. 32.

Genes. 48.

Exod. 12.

Exod. 14.

&c.

Actor. 7.

Num. 22.

Prin-

Princeps exercitus Domini, qui in auxilium
Iosue missus fuisti,

Ios. 5.

Qui ob peccatum Davidis septuaginta mil-
lia virorum de populo pestilentia percus-
sisti,

2 Reg. 24.

Qui Danieli in lacum Leonum cibum pro-
curasti,

Dan. 14.

Qui una nocte in castris Assyriorum cen-
tum octoginta quinque hominum mil-
lia peremisti,

4 Reg. 19.

Que Heliodorum thesauros templi rapere
volentem acriter castigasti,

2 Mach. 3:

Qui Ioseph trepidum ad conjugium Ma-
riæ Virginis animasti,

Matth. 1.

Qui Christi Nativitatem Pastoribus an-
nunciasti,

Luce 1.

Qui nato Salvatore gloriam Deo, & pa-
cem hominibus gratulando decantasti,

Ibid.

Qui Ioseph de fuga cum puero IESV &
Matre ejus in Ægyptum monuisti,

Matth. 2.

Qui Christo in deserto, post depulsum ten-
torem, ministraisti,

Matth. 4.

Qui Christum in agonia positum confor-
tasti,

Luce 22.

Qui lapidem à sepulcro Christi revolvisti,

Matth. 28.

Qui juxta sepulcrum Christi in albis seden-
tes, Christum redivivum mulieribus
prædicasti,

Ioan. 20.

Qui Christo in cœlos adscendente ejus Di-
scipulis apparuisti,

Actor. 1.

Qui Apostolos è carcere eductos palam in
templo statuisti,

Actor. 5.

Qui Petrum è vinculis & manu Herodis
mirabiliter liberaisti,

Actor. 12.

Qui Herodem divinos honores usurpantem
percussisti,

Ibid.

Qui Lazarum in sinum Abrahæ deporta-
stis,

Luce 16.

Qui hominum curam & custodiam à Deo
mandatam accepistis,

Qui semper faciem Patris, qui in coelis est,
videtis,

Qui semper uno peccatore poenitentiam a-
gente gaudetis,

Administratorii spiritus qui capientibus
hæreditatem salutis in ministèrium missi
estis,

Ministri Dei, qui facitis voluntatem ejus,

Qui Cornelio Centurioni per Petrum sa-
lutis monita procurasti,

Qui orantium preces ad Deum defertis,

Qui cum Christo in maiestate sua ad judi-
cium procedente venturi estis,

Qui ad supremum tribunal totum mun-
dum tuba citabitis,

Qui Electos in fine seculi congregaturi
estis,

Qui de Christi regno omnia scandala colli-
getis,

Qui malos de medio iustorum separabitis,

Omnes sancti beatorum spirituum Ordines,

A cunctis periculis per SS. Angelos tuos, libera nos Do-
mine.

Ab insidiis Diaboli per SS. Angelos tuos, libera nos Do-
mine.

A peste, fame, & bello per SS. Angelos, libera nos Do-
mine.

A subitanea & improvisa morte per SS. Angelos, libera nos
Domine.

Peccatores, te rogamus, audi nos.

Per SS. Angelos tuos, te rogamus audi nos.

Vt nobis parcas, te rogamus audi nos.

Vt Ecclesiam tuam regere & conservare digneris, te roga-
mus audi nos.

Vt Reipub. Christianæ pacem & unitatem largiri digne-
ris, te rogamus audi nos,

Psal. 90.

Matt. 18.

Luca 15.

Hebr. 1.

Psal. 102.

Act. 10.

Tob. 14.

Act. 10.

Matt. 25.

1 Thess. 4.

Matt. 24.

Ibidem.

Matt. 13.

Ora pro nobis.

Vt,

Ora pro nobis.

Vt

DE CVLTV & VENER. SANCT. 117

Vt omnibus fidelibus defunctis requiem æternam donare digneris, te rogamus audi nos.

Agnus Dei; &c. Pater Noster.

Psalmus ex variis Psalmis.

Laudate Dominum de coelis : laudate eum in excelsis.
Laudate eum omnes S. Angeli ejus : laudate eum omnes virtutes ejus.

Benedicite Dominum omnes Angeli ejus : potentes virtute, facientes verbum illius, ad audiendam vocem sermonum ejus.

Benedicite Domino omnes virtutes ejus : ministri ejus, qui facitis voluntatem ejus.

Benedicite anima mea Domino : & noli oblivisci omnes retributiones ejus.

Qui redemit de interitu vitam tuam : qui coronat te in misericordia & miserationibus.

Quoniam Angelis suis mandavit de te : ut custodiant te in omnibus viis tuis.

In manibus portabunt te : ne forte offendas ad lapidem pedem tuum.

Super aspidem & basiliscum ambulabis : & conculcabis leonem & draconem.

Immittit Angelus Domini in circuitu timentium eum; & eripiet eos. Gloria Patri.

ψ. In conspectu Angelorum psallam tibi Deus meus.

℞. Adorabo ad templum sanctum tuum; & confitebor nomini tuo Domine.

ψ. Domine exaudi orationem meam, ℞. Et clamor meus ad te veniat.

Oremus.

Deus, qui miro ordine Angelorum ministeria hominumque dispensas : concede propitius, ut à quibus tibi ministrantibus in coelo semper assistitur, ab his in terra vita nostra muniatur. Per Dominum nostrum.

Oratio ad S. Michaëlem Archangelum.

O Sancte Michaël Archangele, cœlestis militiæ Princeps, qui semper stas in adiutorium populo Dei, & præliatus es cum magno Dracone, Serpente antiquo, eumque projecisti de cœlo, & ecclesiam Dei fortiter propugnas, ut portæ inferi non possint prævalere adversus eam; Oro te ex intimo corde, ut & mihi adsis in hoc difficili & ancipiti prælio, quod mihi fragili & inermi creaturæ cum eodem hoste gerendum est.

Tu esto mecum, ô Princeps fortissime, ut superbo Draconi, quem tu virtute divina gloriose vicisti, quemque Christus supremus Rex noster, in assumpta nostra natura prostravit, fortiter resistere, eique feliciter prævalere possim; & ita de hoste triumphans una tecum, & cum sanctis Angelis jugiter laudem Dei clementiam, qui quidem Angelis malis post peccati ruinam, iusto iudicio negavit misericordiam; nobis tamen hominibus post lapsum, tam misericorditer resurgere dedit ad gratiam.

Oratio ad S. Angelum Custodem.

O Besecro te Angelice spiritus, Custos ac Tutor meus fidelis, ut me custodiæ ac potestioni tuæ ex divina bonitate commissum, in via pacis, prosperitatis & salutis, hodie semperque dirigas; atque ab omni spiritu malo, gravi-que tentatione defendas.

Nosti enim dulcissime Custos, quia conditus sum ad Dei ipsius nostri Creatoris imaginem; redemptus quoque pretio tam magno, id est, Christi sanguine, de potestate Sathanæ: Tibi vero Dei providentia in curam & tutelam traditus. Et quorsum hæc omnia? nisi, ut non perderet hostis invidia, quem tanta circumdata Dei bonitas & clementia.

Adsisse tu ergo mihi fideli custodia, ne frustrentur in me tanta divinæ bonitatis insignia. Rogo te charissime Angele, per amorem clementissimi Dei quo, cæteris Angelis reprobis de fastigio felicitatis suæ per superbiam corrue-

DE CVLTV & VENER. SANCT. 119

cor, inquam, ut & ego te favente & juvante sentiam efficax Dei auxilium, quo server à lapsu & periculis, in gratia vero, bonisque operibus, & Dei creatoris mei cultu & amore constans permaneam; donec ad visionem ejus in cœlesti patria perveniam, cumque una tecum & Sanctis omnibus laudem per omnia secula. Amen.

Alia brevis, ad S. Angelum Custodem.

O Angele Dei, qui custos es mei, me tibi commissum pietate superna, hac die, vel nocte, hora, illumina, custodi, rege & gubernas.

Ÿ. Angelis suis Deus mandavit de te. R. Vt custodiant te in omnibus viis tuis.

Omnipotens æterne Deus, qui me licet indignum ad imaginem tuam creasti, & Angelum tuum sanctum ad mei custodiam deputasti, da mihi servo tuo, illius ductu & custodia malorum omnium tam animæ quam corporis pericula feliciter pertransire, & post hujus vitæ curriculum, cum illo ad æternâ gaudia pervenire. Per Dominum.

C A P. III.

*De Patronis è numero Sanctorum eligendis,
& indies peculiari devotione colendis.*

Patronus è Sanctorum numero certum unum pluresve elige, dilige, & imitari stude, per horum manus, omnia tua opera Deo indies offer. Eorum Patrocinio te mane & vesperi, & sæpius interdum, præsertim in rebus arduis & adversis, in periculis & tentationibus commenda. Hos velut arbitros & testes actionum tuarum habe; sed & directores habere satage. Valet enim hic quoque monitum Philosophi, quod supra de Angelis allatum est.

Porro cujus festoseorum dies Ecclesia celebrat, tunc quoque in pio ac devote cliens Patronos tuos peculiari aliquo pietatis Exercitio honorare memento: videlicet pridiano jejunio; eleëmofyna aliqua spiritali vel corporali; oratione solito diligentiore; carnis castigatione, &c. Sic honorati & conciliati SS. Patroni non deerunt suis clientibus, in necessitatibus & angustiis.

EXERCITIUM

quotidianum,

*Seu Commendatio sui ad Deum, & sanctos
Patronos*

Pater de coelis Deus, miserere nobis.

Fili Redemptor mundi Deus, miserere nobis.

Spiritus sancte Deus, miserere nobis.

Sancta Trinitas unus Deus, miserere nobis.

Sancta Maria, ora pro nobis.

Sancte Michaël Archangele, ora pro nobis.

Sancte Angele custos, ora pro me, & tuere.

*Similiter recense, & invoca ceteros Patronos tuos. Deinde ora
hoc, vel simili modo:*

OBLATIO SVI AD DEVM.

O Dulcissime Domine Iesu Christe; in unione charita-
tis qua te æterno Patri tuo commendasti & obtulisti,
pro salute nostra in cruce moriens, & ad exemplum trium
Magorum, Tibi recens nato tria mystica munera ardenti
cordis affectu offerentium, & in virtute charitatis, qua un-
quam placuerunt, & servierunt tibi omnes Sancti & electi
tui, ego indignus peccator offero tibi Deo creatori meo
tria munuscula, exigua illa quidem, atramen Vni Tibi
summo jure debita; Offero, inquam, Intellectum, Volun-
tatem, & memoriam meam:

Offero corpus, Animam, & Statum vitæ, ad quem me
vocare dignatus es.

Omnes Cogitationes, Locutiones, & Actiones meas,
AD MAJOREM NOMINIS TVI GLORIAM, ad
meam salutem, & proximorum ædificationem pure & ple-
ne refero.

Rogo te clementissime Iesu, ex intimo corde, per visce-
ra æternæ bonitatis tuæ, & per virtutem charitatis, qua
clamans ad Patrem tuum, exauditus es pro reventia tua, &
dulcedinem amoris quo tres Magos, & eorum munera tam
benevole & clementer suscepisti. Rogo te per omnem
mise-

DE CVLTV & VENER. SANCT. 121

miseri cordiam, & bonitatem, quam ab initio mundi in hanc usque horam erga miseros & peccatores ostendisti, ut & me respicias oculis misericordiæ tuæ: & gratiam habeas istam licet indignam oblationem meam; & sic deinceps me regas efficaci gratia tua, ut ad tuam G L O R I A M, meam, & Proximorum salutem, omnia quæ in me, aut circa me sunt; dirigantur & disponantur. Tibi enim placere, tibi adhærere desiderat anima mea, nunc & in æternum.

O B L A T I O S V I

ad beatam Virginem.

Sancta Maria, Mater Dei, & virgo, ego licet indignus, qui serviam tibi, attamen de materni cordis tui clementia confusus, eligo te hodie coram Angelo meo custode, & tota cœlesti curia, in meam matrem & peculiarem Dominam, Patronam, & Advocatam. Firmiterque propono me deinceps Tibi & Filio tuo servire velle fideliter, & adhærere perenniter.

Obsecro te Mater sacratissima, per amorem quo Filius tuus jam motiturus in cruce semetipsum Patri suo, Te vero Discipulo suo & hunc vicissim tibi commendavit, ut me suscipias in curam & tutelam tuam; & adsis mihi in omnibus periculis & angustiis totius vitæ meæ; sed præcipue adsistas in hora mortis meæ. Amen.

C O M M E N D A T I O

ad SS. Patronos.

O Sancti Patroni mei, mihi singulariter electi & dilecti: Commendo me vobis ex toto corde per amorem Domini nostri I E S U Christi, & rogo vos per singularem illam & ineffabilem Dei omnipotentis bonitatem & misericordiam; qua vos ab æterno sibi elegit amicos, & gloriæ ac regni sui prædestinavit hæredes.

Obsecro vos quoque per copiosam illam & efficacem Dei gratiam: qua vos in via, velut vasa misericordiæ præmunivit & præparavit ad gloriam.

K 5

Vos

Vos enim et si in hac valle miseriæ, & fragili carne constituti, attamen induti virtute de cœlo adversus omnes hostes vestros stetistis immobiles: nec ullis Mundi infidiis aut carnis illecebris, aut Dæmonis artibus à charitate Christi Iesu potuistis separari; sed illi in finem & mortem usque constanter adhæsisistis, ideoque velut invicti pugiles, nunc cum Christo duce vestro regnatis & triumphatis in gloria.

Congraudeo, & congratulor ex animo gloriæ & felicitativestræ, Deumque laudo, qui vos ita dilexit, & evexit, ô sancti Patroni mei, sed interim suspirat & anhelat, ad Vos gemens ac tremens anima mea, inter tot hostes, & salutis discrimina, rogans vos per divinæ misericordiæ viscera, & suprema illa, quibus nunc in cœlis fruimur, gaudia; ut mei clientis vestri memores apud Altissimum tanquam Patroni fideles, obtineatis mihi efficacem Dei gratiam, qua & ego sequar vestigia vestra, & fortiter hostibus meis, Mundo, Carni, ac Dæmoni resistam: nec ullis unquam ipsorum infidiis viribusque succumbam; sed Christo Salvatori meo in mortem usque exemplo vestro constanter adhæream, & sic vitam hanc mortalem instituam, ut nunc vobis in gratia, & tunc jungar in gloria, & Deum una vobiscum laudem per omnia sæcula. Amen.

COM M E N D A T I O E T O B L A T I O

*Ad sanctos tres Magos & Reges, quorum sacra
Corpora religiose asservat & colit*

A G R I P P I N A C O L O N I A.

O Sancti Magi, Reges inclyti, Gentium primitiæ, Patroni magnifici, Rogo vos per amorem Domini nostri Iesu Christi, quo vos Reges ita dilexit, & allexit Rex Regum, ut desertis sedibus vestris & spretis longinquæ viæ periculis & incommodis, veniretis ad visitandum, & adorandum cœli terræque Regem in Bethlehem natum.

Rogo vos per virtutem gratiæ supernæ, qua vos misericorditer præventi recens natum mundo salvatorem tam arden-

DE CVLTV & VENER. SANCT. 123

ardenter & studioſe quæſiviftis; & inventum tam religioſe & reverenter adorafiſtis; & eluſis Herodis impii Regis infidiis feliciter in regionem veſtram rediſtiſtis.

Rogo vos per eximias illas virtutes, Fidem, Religionem, & Charitatem veſtram, quæ tunc in vobis, non ſtella tantum, oculos, ſed magis ipſo Juſtitiaſole recens orto, mentes veſtras illuminante, mirabiliter effuſerunt. Vos enim, quamvis parvulum infantem, ſine ullo apparatu regio, in humili tugurio, in vili præſepio, inter jumenta jacentem & vagientem videretis, attamen ut Dominum ſupremæ majeſtatis forti & indubia fide agnoviſtiſtis, & ut Regem Coeli & terræ myſticis veſtris muneribus magnifice honorafiſtis, & ut Deum, ac Creatorem veſtrum intima devotione, in terram procidentes, humiliter adorafiſtis.

Rogo, inquam, vos per has virtutes veſtras, & per amorem; & humanitatem, qua vos, & munera veſtra ſuſcepit Salvator, dum parvulus natus eſt nobis; ut & me ſuſcipiatiſtis in tutelam veſtram, & obtineatiſtis mihi Tria à Chriſto munera pretioſa, & mihi nimis utilia; Fidem vivam, Spem firmam, Charitatem fervidam.

Obtinete mihi quoque Tres virtutes ſumme neceſſarias, virtutem puræ Caſtitaſtis, ſinceræ Humilitatiſ, & veræ Pietatiſ; ut hiſ velut donis, à Chriſto liberaliter ego præventus, viciffim tanto promptius, & gratus offeram illi quantulacunque bona & dona mea; id eſt, Thus devotæ Orationiſ; Myrrham Mortificationiſ; & Aurum Charitatiſ, ſeu bonæ operationiſ. Ad majorem ejus gloriam, qui eſt Rex ſæculorum immortalis. Amen.

ORATIONES

ad Sanctos.

Ex P. Caniſio, S. I.

Precatio de quovis beato Apoſtolo.

Benedictus ſis Domine, perennis fons bonorum omnium, qui ſanctos Apoſtolos Filii tui primogenitos, ac primos Euangelii præcones, Eccleſiæque Chriſtianæ colu-

columnas ac fundamenta præ Sanctis omnibus delegisti, ut eorum salutaribus doctriuis & admirandis operibus fides Catholica apud Iudæos & Gentes, totoque terrarum orbe plurimum illustraretur.

Tuam igitur maiestatem humillime rogo, ut sicut super Apostolicæ confessionis petram à te fundati, & per eosdem religionis nostræ princeps ad fidei unitaratem vocati, atque in Ecclesiæ domo congregati manemus: ita non solum Apostolicam illorum doctrinam & traditionem firmis gratisque animis retineamus, verum etiam sanctam eorum conversationem irreprehensibiliter vivendo sectemur.

Et cum Christiana professione ardentem inprimis charitatem, jugemque patientiam jungamus. Per Iesum Christum Dominum nostrum.

Intercede pro nobis beate N. Christi Apostole, prædicator veritatis atque Martyr, tuisque precibus obtine, ut Catholicæ fidei sinceritas, variis & peregrinis doctrinis extinctis, in orbe reflorescat, & ego terminis Apostolicæ prædicationis atque traditionis innitens, ea quæ vocationi meæ congruunt, sollicitè præstem, nihil autem Christi amore & Ecclesiæ unitate in omni vita antiquius ducam. Per eundem Iesum Christum Dominum nostrum Amen.

Precatio de quolibet sancto Christi Martyre.

Benedicam Dominum, tam gloriosum, potentem ac mirabilem in sancto suo N. qui tam præclare in utraque, tum militante tum triumphante, fulget Ecclesia.

Pretiosa ejus in terris vita, pretiosior mors, pretiosissima ejusdem in coelis gloria, qua Rex æternus coronavit militem suum pro fide atque justitia ad mortem usque certantem, quia fundatus erat supra firmam petram, & tanquam aurum in fornace probatum resplenduit.

O invictum Christi athletam, quem non hujus vitæ blandimenta, non hostium insidiæ, non suppliciorum vis aut tortorum immanitas; non vita, neque mors, aut ulla creatura à charitate, quæ est in Christo Iesu superare potuerunt. O Sancte M. ora pro nobis, ut adversa omnia tum

nos ipsos, & mortem quoque Dei amore vincamus, utque Christi calicem exemplo tuo intrepide bibamus, qui tecum à communi Domino in cœlis coronari desideramus.

Precatio ad quemvis S. Confessorem.

Domine Iesu Christe Rex gloriæ, & splendor Sanctorum, gratias ingentes agimus tibi, qui tot præclara lumina, & ardentes quasi faces in Ecclesia, collocasti, ut qui in domo tua vivunt, & aliena luce indigent, Sanctorum tuorum vocibus, monitis, virtutibus, exemplis & scriptis passim illuminentur.

Inter alios vero Confessores sanctum N. eximie sublimasti, multis ut esset exemplo & patrocinio: cuius & precibus apud te cupimus adjuvari, ut cum tuis Confessoribus fidem Catholicam non solum corde & ore, sed etiam vita & opere perfecte confiteamur.

Vtque scientes & facientes Domini voluntatem, in domo tua, tamquam accensa luminaria, undique splendere, & nomen tuum semper glorificare possimus. Qui vivis & regnas, per omnia sæcula sæculornm. Amen.

Ad quamlibet sanctam Fæminam, præsertim Virginem.

Laudemus Deum nostrum, qui inter cætera potentia suæ miracula etiam in sexu fragili multa & miranda patravit; alias quidem aliis præcellentibus virtutum & gratiarum dotibus ornans; sed præcipue generosum & plusquam virilem animum teneris & infirmis vasculis, præsertim virginibus, inferens, ut tyranni minas, mortem & tormenta contemnerent, & ad agonem non aliter quam ad delicias & epulas pergerent.

Hæc Dei magnalia in te hodie præcipuè veneror, ô dilectissima Christi sponsa, N. & simul per tantam tibi à Christo concessam gratiam supplex precor, ut & mihi maiorem gratiam Deo placendi, meamque vocationem complendi impetres: Et maxime quidem, ut in vera fide, charitate & patientia indies proficiam; mundi illecebras & carnis voluptates sanctæ continentia, & abstinentia studio vincam,

cam, nihilque Christi iugo suavius, & amore charius sentiam, quoad tecum beata immortalitate potitus, Deum laudem in sæcula.

Precatio ad quemlibet Sanctum, cujuscumque ordinis.

GRatulor tibi ex animo sancte Dei N. quem Rex æternus gloria & honore cœlesti mirificè coronavit, & supremæ curiæ principibus in regno suo sublimiter aggregavit.

Et quoniam non est, cur de teipso sollicitus esse velis aut debeas, nostri & fratrum curam, quæso, geras & in charitate illa quæ non excidit, amanter procures quæ nobis ad bene beateque vivendum in primis necessaria esse nosti.

Succurre intercessione tua in his tantis vitæ periculis, & inter hostes medios constitutis, ut à maculis expurgati, ad vos communemque patriam secure proficiscamur per Iesum Christum Dominum nostrum.

*Precatio ad Sanctos omnes Ecclesiæ triumphantis
vetus ac generalis.*

OMnes Sancti tui, quæsumus, Domine, nos ubique adjuvent, & intercessione sua lætificent, ut dum eorum merita recolimus, patrocinia sentiamus. Et pacem tuam nostris concede temporibus, & ab Ecclesia tua cunctam repelle nequitiam. Iter, actus, & voluntates nostras, & omnium famulorum tuorum, in salutis tuæ prosperitate dispone. Benefactoribus nostris sempiterna bona retribue, & omnibus fidelibus defunctis requiem æternam concede. Per Dominum nostrum Iesum Christum Filium tuum.

DE FESTIVITATIBVS

Sanctorum rite peragendis, utilis admonitio ex
S. Bernardo.

TRia sunt quæ in festiuitatibus Sanctorum vigilanter considerare debemus; Auxilium Sancti; Exemplum ejus; Confusio-

fusionem nostram. Auxilium ejus, quia qui potens in terra, potentior est in cœlis, ante faciem Domini Dei sui. Si enim, dum hic viveret misertus est peccatoribus & oravit pro eis, nunc tanto amplius, quanto verius agnoscit misérias nostras, orat pro nobis Patrem, quia beata illa Patria Charitatem ejus non imminuit, sed augmentavit. Neque enim, quia impassibilis omnino, ideo & incompassibilis factus est, sed nunc potius induit sibi viscera misericordie, cum ante fontem misericordie existit.

Debemus etiam attendere Exemplum ejus, quia quamdiu in terris visus est, & cum hominibus conversatus est, non declinavit neque ad dexteram, neque ad sinistram, sed viam regiam tenuit, donec veniret ad illum, qui dicit, Ego sum Via, Veritas, & Vita. Intuemini humilis atem operum ejus, auctoritatem verborum ejus, & tunc videbitis, quomodo tam verbo, quam exemplo luxerit inter homines, qualia nobis vestigia dereliquerit, ut ambulemus per ea, & non erremus in eis.

Sed & diligentiori intuitu confusionem nostram inspiciamus; quia homo ille similis nobis fuit, passibilis, ex eodem luto formatus, ex quo & nos. Quid ergo est, quod non solum difficile, sed & possibile credimus, ut faciamus opera quæ fecit, ut sequamur vestigia ejus? Confundamur fratres, & contremiscamus ad vocem istam, si forte hæc confusio adducat nobis gloriam, si forte gratiam generet nobis timor iste.

Homines isti fuerunt, qui præcesserunt nos, qui tam mirabiliter processerunt per vias vite, ut vix eos homines fuisse credamus. Sic ergo in Sanctorum festivitatis & gaudere & confundi debemus: gaudere, quia Patronos præmissimus: confundi, quia eos imitari non possumus. Serm. in vigil. SS. Petri & Pauli.

C A P. IV.

M O D V S

Recitandi Orationem Dominicam:

Vna cum memoria & veneratione SANCTORVM.

Pater noster, qui es in cœlis.

O PATER Æterne, in cujus domo mansiones multæ sunt, ubi locum Electis filiis tuis paravit Vnigenitus tuus;

tuus; ad quem possidendum, jam plurimi ipso duce feliciter pervenerunt, & nunc revelata facie vident Te suavissimum Patrem suum. Ecce nos exules Filii Evæ de exilio ad Patriam, imo ad Te Patrem nostrum, intimis votis, & suspiriis anhelamus: idque tanto ardentius & confidentius, quia fratres nostros olim carnis & naturæ conditione nobis similes, illuc jam nos præcessisse novimus; unde & nostra gratia per eorum vestigia, & patrocinia eo perventuros speramus. Nam qui tam abundanter replet in bonis desiderium eorum, num & nobis, utpote filiis suis unam benedictionem non reservaverit? Meritorum quidem & justitiæ nostræ fiduciam non habemus: Sed quia copiosa Filii tui Redemptio non relinquit nos meritis inopes, hæc tibi pie Pater inprimis obtendimus. O Pater, respice in faciem Christi tui, in quo tibi bene complacuit.

Et ecce supplices quoque pro nobis ad thronum gloriæ tuæ veniunt ipsi Electi tui, fratres nostri (unum enim eundemque Patrem habemus in Coelis) jam quidem de salute sua securi, sed de nostra solliciti. Nam & nos sibi cohæres habere desiderant; & orationibus meritisque suis nos ad portum felicitatis provehere satagunt.

Horum quoque intuitu nos ô clemens exaudi, qui propter Dilectos tuos, Abraham, Isaac, Jacob, Davidem, &c. non semel propitium & beneficum in alio te fore promissisti. Itaque ante omnia petimus, ut

I. *Sanctificetur nomen tuum.*

Adoramus te sanctissime Deus, quia tibi soli debetur omnis honor & gloria; unde & honorem ac amorem sancti nominis tui per nos semper & ubique diffundi ac promoveri rogamus. Omne quod agimus, dicimus, cogitamus, ad solius nominis tui gloriam dirigi volumus & optamus.

Ad hoc sicut excitamur exemplo, utinam sic & adjuvemur auxilio sanctissimæ Virginis MARIÆ, quæ electa in Matrem Fili Dei, magnificabat non seipsam, sed Dominum, eo quod respexisset humilitatem ancillæ suæ; & fecisset illi magna, qui potens est, & sanctum Nomen ejus.

Idem

DE CVLTV & VENER. SANCT. 129

Itidem nos monent SS. ANGELI, quorum unicum officium & studium est, sanctificare & laudare nomen Domini. Vnde & indefinenter tibi canunt, *Sanctus, Sanctus, Sanctus*. Nato autem Salvatore, mox gloriam Deo in excelsis concinunt; sed neque nunc desinunt laudare Deum; quin & nos ad Deum per sancta opera sanctificandum identidem monitis & instinctibus suis exstimulant. Sic ergo luceat lux nostra, sic opera pateant, ut qui vident, Deum inde glorificent.

2. *Adveniat regnum tuum.*

Adoramus te Domine, quia Rex es summæ majestatis & potentiæ; & per Filium fecisti nos hæredes Regni tui. Vnde & per preces, lacrymas, gemitus & suspiria SS. PATRIARCHARVM & PROPHETARVM rogamus, ut quemadmodum illi regnum novi & Æterni Regis; Messiaë, inquam, Filii tui Adventum in carne tot suspiriis, & ardentissimis Votis desiderarunt, ut nimirum veniret tandem Rex ille mansuetus, pacificus, Rex gloriæ, potens in prælio, desideratus tam diu cunctis Gentibus sessurus in sede David Patris sui, & redempturus Israël (neque enim licebat illis ingredi in regnum Dei, nisi prius introiret Rex gloriæ, adiutumque patefaceret:) sic & nos patefacto jam regni cœlestis introitu, desideremus ab incolatu-hujus sæculi ad regnum majestatis tuæ citius perducì; ubi melior est dies una super millia, in tabernaculis peccatorum. O beati qui habitant in domo tua Domine! O regnum tuum, regnum omnium sæculorum! O quando perveniet in nos regnum Dei!

3. *Fiat voluntas tua, sicut in cœlo, & in terra.*

Adoramus te, pater suavissime, qui non vis, nec potes velle, nisi quod justum, sanctum, ac salutare est; unde & supplices oramus per merita & intercessionem SS. APOSTOLORVM & DISCIPULORVM tuorum, ut sicut illi vocati à te, promptissime voluntati tuæ paruerunt, dum ad unius jussionis vocem, mox relictis omnibus, te

L.B. sequu-

sequuti sunt; & demum jussi ire in mundum universum, ad prædicandum Euangelium, nullis difficultatibus aut remoris absteriti, susceperunt opus impositum; & hoc unum deinceps egerunt, ut homines docerent facere Voluntatem Dei, & servare mandata ejus, quorum observantia unica est homini ad salutem via; ita, inquam, fac, ut & nos studeamus cognoscere, quæ sit voluntas Dei bona, beneplacens, & perfecta; cognitam vero perficere serio curemus; ne simus ex iis, qui scientes Dei voluntatem, nec facientes, plagis multis fiunt obnoxii. Da quod jubes Domine, & jube quod vis.

4. *Panem nostrum quotidianum da nobis hodie.*

Adoramus te, benignissime Pater, quia pascis nos à juventute nostra, & tam corpori, quam animæ paterno affectu necessaria provides. Vnde & precamur te per merita ac patrocinia SS. MARTYRUM tuorum, ut sicut illos in hoc sæculo inter tot pressuras, pœnas, & certamina, cibasti pane lacrymarum in mensura; sed & sæpe aluisti eos in fame; vel certe (quia non in solo pane terreno vivit homo) pane filiorum, id est, patientiæ, spei, verbi tui, & consolationis, pane vitæ & intellectus confirmasti cor eorum, nunc vero vincentibus das edere de ligno vitæ quod est in medio Paradisi tui. Sic & nobis in tot vitæ hujus angustis & necessitatibus dare digneris escam corporis & animæ, in tempore opportuno; ne deficiamus in via, qua sustinemus & sequimur te. Vtinam assequamur, & satiemur cum ipsis nos quoque ab ubertate domus Dei.

5. *Et dimitte nobis debita nostra.*

Adoramus te, Pater misericordissime, quia multus es ad ignoscendum, & præstabilis super malitia. Vnde & supplices rogamus te per merita & intercessionem SS. CONFESSORUM tuorum, ut sicut illi viscera charitatis & misericordiæ erga proximos unquam clausa gesserunt; quin omnes offensas & injurias libenter & ultrò dimiserunt inimicis suis; orarunt pro persequentibus se, & benefecerunt
his,

his, qui oderunt eos; sic & nos parati simus ad dimittendum proximis propter te; ut tu vicissim facilior sis ad ignoscendum nobis, & propitius fias peccatis nostris; neque secundum iniquitates nostras retribuas nobis.

6. *Et ne nos inducas in tentationem.*

Adoramus te, Pater amantissime, qui neminem tentas, sed intentator malorum es. Vnde & humillimè supplicamus per merita & orationes SS. VIRGINVM, ut sicut illæ, licet ætate, sexu, ac viribus debiles, attamen virili animo per gratiam tuam omnes tentationes, id est, Mundi illecebras, Carnis spurcitas, Dæmonis insidias, fortiter & feliciter vicerunt, ita & nobis tua gratia & ipsarum intercessione detur, nullis unquam tentationibus cedere; sed amore tui, viriliter resistere omnibus, quæ nos possent separare abs te, cui soli adhærere nobis bonum est; nunc & in æternum. Interim nihilominus tu Domine proba & tenta nos, utrum sincere diligamus te. Sed ne patere nos tentari supra id, quod possumus; sed fac cum tentatione proveniunt & exitum: nam si gratiam tuam addas: & fidem nobis adaugeas, omnia poterimus in eo, qui nos confortat.

7. *Sed libera nos à malo.*

Adoramus te, Pater mitissime, quia solus es bonus, & summum hominis bonum. Vnde & rogamus per merita, preces, & patrocinia Omnium SANCTORUM, & Electorum tuorum, tecum jam in cœlo regnantium, ut sicut illos ex hac corruptione *carnis*, in qua fomes omnis *malitia* est, & ex hoc *mundo*, qui totus in *maligno* positus est; & à *Satana* qui incentor *malorum* est, liberaſti, eoque perduxisti, ubi liberati ab omni malo, jam felices fruuntur omni bono, quod Tu ipse es; sic & nos ab omnibus malis & miseriis erepti, Electis tuis tandem aggregemur, ubi pariter te Summum & omne bonum obtinere, & una cum sanctis in æternum laudare possimus. Amen.

*Subjunge in fine orationem Ecclesie, qua claudit
Precationem Dominicam: nam hoc loco
apprime congruit.*

Libera nos, quæsumus Domine, ab omnibus malis præ-
teritis, præsentibus, & futuris: & intercedente beata &
gloriosa semper Virgine Dei genitrice Maria, cum beatis
Apostolis tuis Petro & Paulo, atque Andrea, & omnibus
Sanctis, da propitius pacem in diebus nostris: ut ope mise-
ricordiæ tuæ adjuti, & à peccato simus semper liberi, & ab
omni perturbatione securi. Per eundem Dominum no-
strum, &c.

C A P. V.

LITANIÆ SANCTORVM
Rhythmicae, &

*Varii Hymni Rhythmici ad diversos SS. Eorum
simul Elogia paucis complectentes.*

S VMME PATER, sancte	Mentes, precor, nostras
DEVS,	munda
Sator mundi, factor meus,	Et superni nos fecunda
Potens & propitius,	Roris abundantia.
Salva, precor, creaturam,	DEVS Trinus in personis,
Pro qua carnis hanc natu- ram	Individuus in donis,
Tuus sumpsit Filius.	Vnus in substantia,
IESV nostram suscepisti	Nostram fac infirmitatem
Carnem, Crucemque subisti	Per spem, Fidem, Charita- tem
Coeli missus culmine.	Tua firmet gratia.
Quidquid carnis per reatum	OMARIA fulges Polo;
Cor contraxit inquinatum,	Sed post Deum præes Solo;
Tuo lava sanguine.	Nec non Salo Domina,
Sancte SPIRITVS beni- gnè	En nos Tibi mancipamus;
Charitatis urens igne.	Tu fac clemens quod roga- mus,
Renes & præcordia:	Fortes ad certamina.

Alma

DE CVLTV & VENER. SANCT. 133

Alma DEI Creatoris,
Sed & Rei peccatoris
Mater clementissima,
O sis reis Advocata;
Hinc es, Mater; & hinc nata
PROLE ex te maxima:
Virgo potens & præclara,
Super omnes Virgo rara?
Partu Virgo clarior,
Corde simus fac purgato,
Quo sit Tibi, quin & Nato
Cultus noster carior.
Michaël Dux Angelorum.
Qui Draconem de Cœlo-
rum
Profligasti sedibus,
Ne superbi deprimamur,
Fac demissos, ut jungamur
Per te Cœli civibus,
Gabriel qui nunciasti,
Cum Mariam salutasti,
Grandia mysteria,
Fac ut toto redamemus.
Corde Deum, & laudemus
Tanta pro clementia.
O *Raphael* qui *Tobiæ*
Ducem te præbebas viæ,
Cæco lucis copiam,
En errantem, fer tutelam,
En me cæcum, fer mede-
lam:
Eia, fac ut videam.
Age *Custos* gloriose,
Serve Dei generose,
Creatura nobilis,
Mei, precor, curam gere,
Dux fidelis & tuere
Præsens in periculis.

Sancti *Seraphim* ardentes
Per amorem, nostras men-
tes
Inflammate fortiter;
Vt ardentem redamemus,
Et vobiscum collaudemus
Deum nunc & jugiter.
Sancti *Cherubim* lucentes,
Nostras illustrate mentes
Numinis notitia:
Dei nosse majestatem;
Sed & nostram vilitatem,
Per vos præstet gratia.
Commendate nos ô *Throni*,
Christi plagis, passioni,
Sanguinisque pretio.
Donis Iesu sic fruamur,
Vt in throno tunc sistamur
Iudici propitio.
O vos *Dominationes*
Vestrae nos Orationes
Muniant Dominio.
Cedat Satan, Caro, Mun-
dus
His, quæ Christus Rex,
spes, pondus,
Pars, fors & possessio.
Precor vos, ô *Principatus*,
Vt qui Princeps nobis na-
tus,
Datus & in pretium;
Solutus in nos dominetur,
(Mundi Princeps exturbe-
tur)
Cordis fervans atrium,
Potestates opem ferre;
En quot hostes nos aperte,
Quot occultè vulnerant!
L 3 Chri-

Christi sudor, & flagella,
Cruor, clavi, crux, mors,
bella.

Persequentum conterant.
O *Virtutes* vos cœlorum,
Mirâ terris vi gestorum,
Et signorum præsidēs;
Per vos nostra sustentetur,
Nam se nixa collabetur
Fluida maceries.

Archangeli summo Deo
Assistentes, mihi reo
Ferte patrocinium.

Dum tentati suspiremus,
O si per vos sentiamus
Cœlitus auxilium,

Ave Cœtus *Angelorum*
Summo Regi Beatorum
Præfens ad obsequia.

Restauranda pro ruina
Malignorum, nos divina
Per vos servet gratia.

Patriarchæ & Prophætæ
Zelum nobis obtinete,
Vestra per præsidia.

Vt vobiscum regustemus,
Quæ nunc sola spe tenemus,
Bona cœli gaudia.

Sancti *Reges*, qui jam nato
Regi Regum corde grato
Tria fertis munera,

Mentem *Thus* det elevatam;
Myrrha carnem castigatam,
Aurum formet opera.

O *Præcursor* Christi, magnus
Pastor à te dictus *Agnus*,
Mundi tollit crimina.
Hoc Pastore fac regamur,

Donec hîc peregrinamur,
Exules à Patria.

Ave *Ioseph* sponse digne
Matris Virginis benignæ,
Custosque castissime.

Lunæ splendor atque Solis,
Amor Sponsæ nos & Prolis
Fac accendat intimè.

Petre Claviger Cœlorum,
Et Patrone peccatorum
Christi clarus gratia,

Fac nos verè pœnitentes;
Vt quod nostras scædat men-
tes

Lavet pœnitentia.

Paule Vas electionis,
Quantis te replevit donis
Mira Dei pietas!

Ora Christi per amorem,
Ne nos mortis in errorem
Mundi trahat vanitas.

Fac *Andrea* qui subisti,
Vt fidelis servus Christi,
Crucem cupidissimè,

Nobis absit gloriari,
Nisi Cruce salutari,
In qua salus animæ.

O *Ioannes* Christi care,
Cui mater sine pare
Datur in custodiam,

Mortis, precor, in agone
Te cum Matre mecum pone
Hostis contra furiam.

O *Iacobe* qui bibisti,
Velut consors Regni Christi,
Passionis calicem:

Fac ut experts mentis vanæ,
Toto corde Christianæ

DE CVLTV & VENER. SANCT. 135

Sequar vitæ tramitem.
 Coetus vos *Apostolorum*,
 Terræ Duces, & Cœlorum
 Chara luminaria,
 Christum, precor, exorât;
 Vt nos pari charitate
 Trahat ad cœlestia.
 Euge *Stephane* beate,
 Martyr Christo consecrate;
 Primus rubens sanguine,
 Fac amore nos ferventes,
 Et adversis non cedentes,
 Promptos hosti parcere.
 Fortis pugil ô *Laurenti*,
 Quem nil movit vis tor-
 menti,
 Nec Tyranni feritas;
 Quæ te fecit sic invictum,
 Vt nos armet ad conflictum
 Fortis, ut mors, charitas.
 O *Vincenti* qui vicisti,
 Et invictus jam cepisti
 Præmia vincentium,
 Des invictum robur menti:
 Soli Christus nam vincenti
 Marina dat absconditum:
 O cruore purpurata,
 Et jam Christo sociata,
 Salve cohors *Martyrum*,
 Quantam regno vim Cœlo-
 rum
 Intulistis, nec malorum
 Vis effregit animum!
 Nec nunc desunt persequen-
 tes,
 Quin in nostras sævit men-
 tes
 Mundus, Caro, Satanas,

Nec tam dira sunt tormenta,
 Quam nociva blandimenta,
 O nos servet charitas.
 Sancte Pater *Augustine*,
 Bonitatis qui divinæ
 Clarus es indiciis,
 Fac nos solvat peccatorum
 Vinculis *Dens*, & malorum
 Liberet suppliciis.
 Salve Pater *Benedicte*,
 Legislator, Dux invicte,
 Potens patrociniis,
 Vitæ nobis dux & mortis
 Sis, ut bonæ tecum sortis
 Perfruamur gaudio.
 O *Bernarde*, sine felle
 Tibi mens, sed omni melle
 Dulcius eloquium:
 Nostra quoque mens mite-
 scat,
Iesus illi fac dulcescat
 Omne super gaudium.
 Euge turba *Confessorum*
 Fide viva, zelo morum,
 Christi flagrans munere,
 Ope vestra dum fovemur,
 Et nos Christum profitemur
 Ore, Corde & Opere.
 Ave Virgo *Catharina*
 Doctos vincens, & divina
 Prævalens scientia.
 Contra Sophos infrunitos
 Pia fac nos eruditos
 Niti Sapientia:
Virginum salvete chori,
 Quibus datum mundo mo-
 ri,
 Carnisque deliciis,
 L 4 Vester

Vester castas nobis mentes
Sponsus amans continentes
Vestris donet meritis.

Ave dulcis *Magdalena*,
Charitate Dei plena,
Peccatorum gloria:
Toto fac pœniteamus
Corde, tecum diligamus
Iesum super omnia.

Anna salve labe carens,
Sancta Dei *Matris* parens,
Magnis fulgens meritis:
Mater præsto sis cum Nata;
Sed & Proles nos beata

Vitæ donet præmiis:
Ave Cohors Electorum,
Angelorum & Sanctorum
Cœtus omnis inclyte:
Vestra semper nos tutela
Christi ducet in sequela,

Et salutis tramite.
Omnes *Sancti* triumphantes
Et in Cœlis jubilantes
Perenni lætitia,
Nostra Deo præsentate
Vota, simul nos servate
Stabiles in gratia.
Omnes *Sancti*, qui regnatis
Christo juncti, quem lauda-
tis

Cunctis procul hostibus:
Per vos nostra mancipetur,
(Vt vobiscum coronetur)
Vita Dei laudibus.

O quos nunc viator orat,
Quantum *Deus* vos honorat!
Quanta beat gloria!
Honor Illi, lausque pura
Sit ab omni Creatura,
Qui dat unus omnia.

HYMNVS RHYTHMICVS

ad SS. Angelos.

LAus erumpat ex affectu,
Dum psallentes in con-
spectu,

Cœli stamus Civium.
Vox jucunda, laus decora,
Quando voci concanora
Puritas est cordium.

Angelorum choros laudet,
Quisquis ad eorum gaudet
Provehi consortia.

O laus digna, qua Sancto-
rum

Reccensetur Angelorum
Celebris victoria!

Draco victus profligatur,
Et adhærens effugatur
Inimica legio.

Exturbatus est turbator,
Præceps ruit occupator
De sublimi solio.

Sub tutela Michaëlis
Pax in terris, pax in cœlis,
Laus & jubilatio.

O quam potens hic virtute
Pro communi stans salute
Triumphat in prælio!

Hinc incenitor pravitatis,
Throno pulsus claritatis

Hunc

DE CVLTV & VENER. SANCT. 137

Hunc oberrat aëra
 Dolos struit, virus fundit:
 Angelorum sed retundit
 Æmulum custodia.
 Tres distinctæ Ierarchiæ
 Trinitatis Theoriæ,
 Vacant & mysterio.
 Sed nec desunt contemplan-
 tes
 In conspectu Throni stan-
 tes,
 Nostri ministerio.
 O quam miræ charitatis
 Est supernæ Civitatis
 Trina distributio!
 Quæ nos amat & tuetur,
 Vt ex nobis restauretur
 Ejus diminutio.
 Sicut inter sunt mortales
 Status plures; nec æquales
 Gradus dantur gratiæ.
 Sic contingit & Beatis,
 Vt sit summæ Deitatis
 Dispar gradus gloriæ.
 Sicut lunæ nunc & solis,

Et stellarum magnæ molis
 Impar fulget claritas;
 Sic in illa regione,
 Iusta datur portione
 Gloriæ disparitas.
 Vetus homo novitati,
 Se terrenus puritati
 Conformet cœlestium.
 Coæqualis his futurus,
 Et si nondum planè purus,
 Spe præsumat præmium.
 Hos devote veneremur
 (Vt ab ipsis adjuvemur)
 Alacres obsequio,
 Deo jungat nos amore,
 Angelorum cum fervore,
 Æmula devotio.
 De secretis reticentes
 Interim cœlestibus,
 Drigamus fursum mentes
 Supplices cum manibus;
 Vt cœlestis tueatur
 Cohæredes Curia:
 Et utrimque concinatur
 Iugis Deo gloria. Amen.

HYMNVS RHYTHMICVS

de Vita & Elogiis *S. Ioannis Baptistæ.*

PRæcurforem summi Re-
 gis,
 Et Præconem novæ legis
 Ornat cœli gloria.
 Sed & ortus gratiosa,
 Nec non mortis pretiosa
 Terris est memoria.
 Pater senex novum Natum

Dandum stupet; dum Le-
 gatum
 Audit missum cœlitus,
 Nam ætatem & naturam
 Spectans, ægrè rem futu-
 ram
 Credere decrepitus.
 Pater hærens hoc infirmat,
 Quod

Quod attestans mox confir-
mat

Linguae destitutio.

Dum non paret verbo Pa-
rens,

In sublato fit apparens

Sermone punitio.

Præcurfore nondum nato;

Nec dum partu referato

Dona clarent cœlica.

Nostro sole tunc exclusus,

Verioris est perfusus

Luce solis mystica.

Prius novit diem verum,

Quam nostrorum sit dierum

Vfus beneficio.

Ille notus nondum natus,

Nondum nascens est renatus

Messiae commercio.

Alvo Deum Virgo claudit,

Clauso clausus hic applaudit

Ventris è custodia.

Linguae gestus obsequun-
tur.

Dum pro lingua sic loquun-
tur

Infantum prodigia.

Mater parit; Pater credit:

Redeunte fide, redit

Linguae beneficium.

Eia felix partus Matris,

Quo soluta lingua Patris

Celebrat mysterium.

Thori fructus Matri dantur,

Et jam Matris expiantur

Sterilis opprobria.

Ortu tanti Præcursoris

Multi timent, sed timoris

Comes est lætitia.

Se de mundo servans mun-
dum,

Mundè vivit intra mundum,

In ætate tenera,

Sed è mundi mox convictu

Cedens, loco, veste, victu

O quam præfert aspera!

Lege vitæ sub angusta,

Mel sylvestre cum locusta,

Cibum non abhorruit.

Camelorum tectus pilis,

Per desertum, mundo vilis;

Cœlo magnus claruit.

Quem dum replet lux su-
perna,

Veræ lucis fit lucerna;

Veri *Solis* Lucifer.

Novus præco novæ legis;

Imò novus novi Regis

Pugnaturi signifer.

Singulari Prophetia

Prophetarum monarchia

Sublimatur omnium.

Hi venturum, Hic præsen-
tem,

Hi promissum, Hic viven-
tem

Monstrat orbis Dominum.

Ardens vita, verbo lucens:

Et ad veram lucem ducens,

Multa docet millia.

O præclarus mos docendi,

Vbi formam dant vivendi

Doctoris vestigia!

Non lux quidem fuit iste,

Sed ut daret tibi, Christe,

Lucis testimonium.

Non

Non lux erat, sed lucerna;
Verum Christus lux æterna;
Lucem creans omnium.

Dum baptizat Christum for-
ris,

Christus reddit dignioris
Aquæ beneficium.

En ut ambos curat Numen,

Isti Flamen, illi flumen.

Addidit præconium.

Qui baptizat, elevatur,

Baptizatus non lavatur,

In quo nulla macula.

Aquæ lavant, quin lavantur,

Queis lavandi vires dantur,

Vi mundantis omnia.

Contemplemur omnes i-
stum,

Quem putabat turba Chri-
stum,

Stupens ad prodigia.

Qui cervicem non erexit,

Sed indignum se despexit

Domini corrigia.

Attestante palam Christo,

Non surrexit major isto

Natus de muliere.

Sese Christus sic excepit,

Qui de carne carnem cepit

Sine carnis opere.

O columna veritatis,

Nusquam palrans crimina

Scribas pungit & Doctores,

Vocans legis transgressores,

Viperæ genimina.

Arguebat & Herodem,

Vnde victus ab eodem,

Sed haud victus carcere.

Fert injustè justus pœnam,

Rem detestans, vah, obscoe-
nam

Regis & adulteræ.

Inde sævit vis Tyranni,

Sed hinc crevit laus Ioanni,

Tyranno supplicium.

Stultus servit sapienti,

Quia justus in præsentì

Probatur per impium.

In natalis sui cœna,

Capitali plecti pœna

Rex Ioannem jussèrat.

Spiculator saltatrici,

Læna defert Genitrici

Caput, quod petierat.

Cruz designat sublimari

Christum, sed hunc minorari

Capitis abscissio.

Mors est justì pretiosa,

Quam præcessit gloriosa

Vitæ conversatio.

Nos ad laudem tuì, Christe,

Præcursoris & Baptistæ,

Reddimus encomia.

Tu nos ab hac mortis valle

Duc ad vitam recto calle,

Per ejus vestigia, Amen.

HYMNVS RHYTHMICVS

de S. PETRO Apostolo,

Vitam & Elogia ejus breviter complectens.

Petri laudes exequamur:
Ad quas *Petra* provocamur

Basis & memoriâ.

Laus Auctori cedat mundi;

Primus Pastor in Secundi

Celebretur gloria.

Petrus sancti fax Amoris,

Lux doctrinæ, dux fervoris,

Norma sapientiæ.

Sed exemplar & Timoris,

Factus lapsus post erroris,

Forma pœnitentiæ.

Hunc piscantem Piscatoris

Ad capturæ dignioris

Opus traxit gratia.

Nam qui jubet sic piscari,

Pisces vitæ vult servari,

Quosprehendunt retia.

Petrus Christi se vocantis,

Nulla tamen tunc patrantis

Signa vel prodigia:

Voci cedit, verbo credit,

Sequi jussus mox obedit,

Insequens vestigia.

Vanis præfert veritatem,

Liquit rete, liquit ratem,

Quin relinquit omnia.

O beate Bar-Iona

Cui Christus cœli bona

Spondet, & subsellia!

Pede calcat fluctus maris,

Sed nutantem salutaris

Regit illum dextera.

Fidem quatit si tempestas,

Tua, Christe, mox potestas

Fac tranquillet æquora.

Mota Christi quæstione,

Brevi claudit sub sermone

Fide necessariam.

Hunc personam dicit unam:

Sed nec tacet opportunam

Naturæ distantiam.

Carni scire quod negatum,

Hoc cœlesti revelatum

Pandit magisterio.

Spiritalis hinc structura

Architecti surgens curâ,

Petri stat imperio.

Potestate nam miranda,

Ligas hic, quæ sunt liganda;

Rata sunt quæ solveris.

Claves tibi Christus dedit,

Quibus cœli porta cedit,

Et tremendas Inferis.

Transformantis se Messæ,

Moy sis, nec non Helix

Frueris colloquio.

Hic manere si fors datum,

Tali sorte te beatum,

Censes & consortio.

Sed quid erit majestatem,

Et perenni Deitatem

Contemplari gloria?

Iunctis ubi tot Beatis,

Dies una claritatis

Melior

DE CVLTV & VENER. SANCT. 141

Melior quam millia?

Petrus Christo salvatori

Fidus comes, optat mori

Pariter cum Domino.

Zelus calcar est Amoris,

Sed & casus sit Timoris

Iugis admonitio.

Christus casum mox futu-
rum

Sciens pandit, ne securum

Sterneret præsumptio.

Sed prostratum Patientis,

Anxiumque Resurgentis

Restauravit visio.

Quod negando ter peccavit,

Simplex Amor expiavit,

Trinaque confessio.

Qui sequuti delinquentem,

Quis det sequi pœnitentem

Simili cordolio?

Christus carum Petro gre-
gem

Commisurus, prius legem

Charitatis ponderat.

Amat *Petrus*, & amatur;

Sed rogatus tremens fatur:

Cautum casus fecerat.

Auro carens & argento

Coruscat miraculis:

A nervorum sub momento

Claudum solvit vinculis.

Paralyti dissolutus

Æneas erigitur:

Petrus præsens Dei virtus

Ad votum prosequitur.

Accersitus ad Tabitæ

Funus, prece fusâ, vitæ

Reparat officia.

Vmbrâ sanat hic languen-
tes,

Morbos pellit non cedentes

Medici peritiâ.

Sacri gregis curam gerit,

Defraudantes gravi ferit

Conjuges supplicio.

Fraudes odit & fallaces:

Hinc tam gravis in menda-
ces

Dei sævit ultio.

Vinctum tenet hunc Hero-

des;

Sed frustratur; dum custo-

des

Adhibet præsidio.

Vinclis ruptis relaxatur,

Et securus spatiatur

Angeli subsidio.

Petrus Simon magus odit;

Magum Simon *Petrus* pro-
dit,

Præidentem mox explo-
dit,

Satanæ negotio.

Dum volare Magus quærit,

Gravi ruens lapsu perit;

Sic divina justè ferit

Obstinatos ultio.

Nero fremit furibundus;

Malus luget impium;

Nero cujus Vrbs ac Mun-
dus

Horruit imperium.

Inde *Petro* crux paratur

A ministris scelerum.

Crucifigi se testatur

Velle *Christus* iterum.

Cru-

Crucem videns præparari,
Suo gaudet conformari,
Magistro discipulus,
Sed eodem situ lignum
Haud subiri census dignum,
Cælum spectat pedibus.
Ergo Christum sequens,
Cruce
Scandis Cælum; quo te Duce

Nobis detur aditus.
Eja portas Gregi pande,
Memor istud Tibi grande
Munus datum cœlitus.
Pastoris nostri meritis,
Ac prece salutiferâ,
Nos à peccati debitis
Æterne Pastor libera.
Amen.

H Y M N V S

In laudem S. LAURENTII Martyris.

LAureato per agonem
Laudis gestit mens ser-
monem
Promere *Laurentio.*
O si puras ex amore
Corde laudes dem & ore
Martyrum delitio!
Accusatus non negavit,
Et ardores non expavit
Ardens Christi charitas.
Sic nec igne depravata,
Sed fornace comprobata
Fulget auri puritas.
Sicut chorda musicorum
Tensa sonum dat canorum
Plectri ministerio;
Sic in cheli tormentorum
Melos Christi confessorum
Dedit hujus tensio.
Tortor vide, quali fide
Stat invictus inter ictus,
Minas & incendia.
Spes interna, vis superna
Consolantur, & hortantur
Virum de constantia.

Nam thesauros dum requi-
ris,
Per tormenta non acquiris,
Tibi; sed *Laurentio.*
Hos in Christo coacervat,
Cujus pugnam Christus ser-
vat
Triumphantis præmio.
Nescit Sancti nox obscu-
rum,
Vt in pœnis quid impurum
Fide tractet dubia.
Neque cæcis lumen daret;
Si non ei radiaret
Numinis præsentia,
Fidei confessio
Lucet in *Laurentio.*
Non ponit sub modio,
Statuens in medio
Lumen coram omnibus.
Iuvat Dei famulum
Crucis suæ bajulum,
Assum quasi ferculum,
Fieri spectaculum
Angelis, Hominibus.

Non

Non abhorret prunis volvi,
 Qui de carne cupit solvi,
 Et cum Christo vivere.
 Neque timet occidentes
 Corpus, sed non prævalen-
 tes

Animam perimere.
 Sicut vasa figulorum
 Probat fornax, & eorum
 Solidat substantiam,
 Sic & ignis hunc affatum,
 Testem coelis comprobatum
 Reddit per constantiam.
 Nam cum vetus corrumpa-
 tur,

Alter homo solidatur
 Veteris exitio.
 Vnde nimis confortatus
 Est Athletæ principatus
 In Dei servitio.
 Hunc ardorem factum foris
 Rorem putat vis amoris,
 Et zelus justitiæ.
 Ignis urens, non comburens

Vincit prunas, quas adunas
 O minister impie!
 Parum sapis vim sinapis,
 Si non tangis, vel non frangis.
 Sed & fragrat; quando fla-
 grat

Thus injectum ignibus.
 Sic arctatus, & affatus,
 Sub ardore, sub labore,
 Dat odorem pleniorum
 Martyr de virtutibus.
 O Laurenti laute nimis,
 Rege victo Rex sublimis;
 Christi potens gratia:
 Regis Regum fortis miles,
 Qui duxisti pœnas viles,
 Certans pro justitia:
 Qui tot mala devicisti,
 Contemplando bona Chri-
 sti,

Et æterna præmia,
 Fac nos malis eluctantes,
 Demum cœlo jubilantes
 Tecum frui gloria.

HYMNVS COMMVNIS

In festo cujuscunque SANCTI.

LVx illuxit triumphalis,
 In qua vitæ temporalis
 Iam decurso stadio,
 Stola primâ decoratur;
 Et secundam præstolatur
Sanctus N. cum gaudio.
 Hujus fidem, gesta, mores,
 Et pro Christo tot labores
 Digne decet recoli.
 Ut qui vita, ver bis, signis,
 Castus, pius, & insignis,
 Factus est lux seculi.
 Præsens illi vita vilis,
 Ad superna mens sublimis;
 Zelat pro justitia.
 Blandimentis, aut tormen-
 tis
 Non evertit statum mentis
 Dolus aut sævitia.
 Hic contempsit mundi flo-
 res;
 Pompas, opes, & honores
 Arbitrans ut stercora.
 Mundi calcans hoc deser-
 tum,
 Non cucurrit in incertum,
 Viâ pergens regia
 Non loricam, ensẽ, scu-
 tum :
 Verum fide cor imbutum
 In conflictum protulit.
 Rarus sermo, durus victus,
 Parcus somnus; his invictus

. Armis hostem domuit.
 O festiva dies ista,
 Qua te felix Agonista.
 Coronavit Dominus!
 Finis fuit in agone,
 Sed honoris & coronæ
 Nullus erit terminus.
 Mole carnis liberatis,
 Et à Christo decoratis
 Regni diademate.
 Nunc adeptus quod quære-
 bas,
 Clarè vides, quod videbas
 Prius in ænigmate.
 Luctus, labor & certamen,
 Transierunt; sed solamen,
 Requies & præmia,
 Quæ tunc à te Iesu Chri-
 ste,
 Tuo dantur Agonistæ,
 Finis erunt nescia.
 Sors mutata jam doloris;
 Vrbs æterni nam decoris
 Nil admittit asperum.
 Nunc illuxit, ô germane
 Dei cultor, illud mane
 Quod non habet vespe-
 rum.
 Invenisti fidum ducem,
 Qui te duxit ad hanc lucem,
 Dei Patris Vnicum,
 Hunc dum sequi gestis pu-
 rè,

Non

DE CVLTV & VENER. SANCT. 145

Non aberras, sed securè
Iter carpis cœlicum.
In hac valle lacrymarum,
Sicut cervus ad aquarum
Fontes, anhelaveras:
Nunc torrente voluptatis,
Domo fruens ubertatis,
Affatim te satias.
Adventanti gratulatur,
Cum concive gloriatur
Angelorum Curia.
Gaude felix N. & exulta,
Quia merces tua multa,
Et immensa gloria.
Inter cœli Senatores

Iam locatus, fac exores
Christum mundi Iudi-
cem:
Vt quam fontes, heu, time-
mus
Te Patrono declinemus
Iram Dei vindicem.
Culpas lava, carnem frena:
Fac exortes omni poena,
Precum efficacia.
Vt in Christo vera Vite
Radicati, veræ vitæ
Capiamus præmia.
Amen.

FINIS SECT. II.





ILLVSTRISSIMIS
GRATIÆ PRÆCONIBVS,
VIVIS POENITENTIÆ
SPECVLIS,

PECCATORVM PATRONIS:
DAVIDI REGI & PROPHETÆ,
Viro secundum cor Dei;

Sed tamen Homini; qui cecidit, ut casu suo
nos cautos redderet.

Cujus (ô magna DEI pietas!) unica vox, sed
ab imo profecta corde, meruit
indulgentiam.

APOSTOLICI quoque COETVS VERTICI
PETRO BAR-IONÆ,

COELI CLAVIGERO, ECCLESIAE BASI,
OVIVM PASTORI:

Sed qui & ipse permissus est labi, ut lapsus
disceret compati:

Qui immemor sui; & desertor Domini, sed mox
resipiscens, flevit amarè.

Tam constans EJVVS, quem negavit, AMOR fuit,
tantum unus Christi respectus valuit.

TIBI quoque MARIÆ PECCATRICI
Quondam famosæ,

Sed nunc AMICÆ, imo SPONSÆ formosæ:
cui dimissa sunt peccata multa,

QVIA DILEXISTI MVLTVM.

O efficax OCVLORVM imber!

PEDES rigat SALVATORIS,
Et sordes abluit criminis.

NEC TV HIS SEJVNGENDVS ES
BEATE LATRO,

Cui CRVX Compendium, Scala PARADISI
fuit. O ter felix LATRO, qui
REGEM agnoscis,

Quem Crucis & ignominiae consortem vides,
REGNUM,

Et ecce, mox eodem die voti compos regni, &
Gloriae confors factus es.

O POENITENTIVM EXEMPLA!
O PECCATORVM SOLATIA!

Qui sequuti sumus PECCANTES,
Sequamur POENITENTES,

Et sequemur æternum cum Christo
REGNANTES.

S E C T I O III.

De Pœnitentia seu conversione Peccatoris,
& Exercitiis huc spectantibus.

P R O F E R I A T E R T I A.

C A P. I.

*Colloquium Christi & Hominis de modo agenda
Pœnitentiæ.*

§. I. *Deploratio status & miseriæ hominis
peccatoris.*

H O M O.

INfelix ego homo, quis me liberabit de corpore mortis hujus? ut quid vivo diutius, ut quid etiam terram occupo; ego lignum aridum & infrugiferum; ego semper ingratus, & injurius in Deum meum; dum non nisi peccata peccatis accumulo, & sic thesaurizo mihi iram in die iræ, & justii judicii Dei? Heu scio & nimis experior, quia non habitat in carne mea bonum; & corpus quod corrumpitur, aggravat animam. Facio igitur malum, & pecco quotidie; & quod gravius est, raro aut nunquam recogito, quam grave sit, quod delinquo, nec studeo condignis lacrymis & gemitibus placare mihi faciem Dei creatoris mei, quem toties ad iram provoco.

Heu quam multa habeo quæ defleam, cum nihil sit, unde merito redeam! Tenebræ cordis, & lubrica conscientia, casus in vitia, & gratiæ jactura, tot laquei & peccandi pericula, quid nisi flere & gemere movent? Quis dabit capiti meo aquam, & oculis meis fontem lacrymarum? Et plorabo die ac nocte, damna temporis præteriti, & pericula futuri; & mala animæ meæ, quæ multiplicata sunt super numerum. Ah Domine Deus meus; quid unquam fiet de me, cum deficiam quotidie, & non desinam offendere te? Quando

convalescam de infirmitate mea? Quando resurgam, qui dejectus sum in limo profundi! putas adhuc spes esse poterit resurgendi? putasne mortuus homo rursus vivet?

En de profundis clamo ad te Domine; O exaudi vocem meam: Non est mihi spes de me; Et utinam firmior sit in te. Desperatio enim mihi ingeritur valida, quia infirmitas mea indies crescit ex culpa. Et si dixero, nunc incipiam; tempus est jam de somno surgere; tempus enim nunc acceptabile est, & dies salutis; statim adest peccatum præforibus quasi jugum grave, & sicut talentum plumbi deprensens collum meum: & erigitur adversum me inimicus meus, & consuetudo mali quasi victum, & vinctum trahit me compedibus suis.

Vide Domine afflictionem meam, erue me à circumdantibus me, quia confortatus est timor eorum super me. Perii enim consilium à me, & fortitudo mea defecit. ConfRACTUM est brachium meum, & gladius meus salvare me non poterit. Tu solus es qui mihi ad refugium relictus es; sed quem ego, heu, nimis sæpè reliqui; unde & meritò timeo relinquere, imò jam vereor, ne projectus sim à facie oculorum tuorum. Nam vultus tuus super facientes mala, ut perdas de tetra memoriam eorum. Domine ante te omne desiderium meum, & gemitus meus à te non est absconditus.

§. 2. *Redargutio & confusio Peccatoris.*

CHRISTVS. Audivi gemitus tuos, ô homo, & clamor cordis tui pervenit ad aures meas: nam juxta sum, his qui tribulato sunt corde, & humiles spiritu salvare paratus sum. Verum & tu paulisper audi justas querelas meas. Ego quidem calamum quassatum non contero, nec linum fumigans extinguo: meum enim non est perdere quemquam ex his quos dedit mihi Pater meus. Sed tu ipse vide quam merito contra te exardesceret sicut ignis ira mea. Ego condidi te ad imaginem & similitudinem meam, & sanguine meo redemi te, prius mancipium Satanæ, ut servires mihi. Verumtamen tu servire me fecisti in peccatis tuis, præbuiisti mihi labo-

laborem in iniquitatibus tuis. Reduc in memoriam; & iudicemur simul. Narra, si quid habes, ut iustificeris.

Nonne ego sum pater tuus, qui possedi te, & feci, & creavi te? Tu vero Patrem qui te genuit dereliquisti, & oblitus es Dei creatoris tui. Si Pater ego sum, ubi est honor meus? Et si Dominus ego sum, ubi est timor meus? Ecce Filium te mihi enutrivisti & exaltavi, tu autem spreveristi me. Cur, qui in domo Patris tui poteras enutriris croceis, & vestiri duplicibus, maluisti abire in regionem longinquam, adhærere alienigenis, amplexari stercore, & nudus fame ac frigore tabescere? quid feci tibi, aut quid molestus fui, ut derederes me? Quare me dereliquisti fontem aquæ vivæ, & fodisti tibi cisternas dissipatas, quæ continere non valent aquas?

Animam tuam mihi in carissimam sponsam elegeram; tu autem maluisti post alios amatores ire. Ego viam rectam & planam monstrabam tibi; nam sum ipsa via, veritas, & vita. Ut quid ergo lassatus es in via iniquitatis, & ambulasti vias difficiles, in quibus non nisi contritio & infelicitas, & viam pacis noluisti cognoscere?

Ego legem vitæ & disciplinæ dederam tibi, ut servando mandata mea, ostenderes quod diligeres me, & vitam haberes; Tu vero odisti disciplinam meam, & sermones meos projecisti retrorsum. O quoties vocavi ego, & renuisti! quoties extendi manum meam, & non aspexisti; & spreveristi omne consilium meum! Nonne jugum meum suave, & onus meum leve? ut tu potius ires emere tibi quinque juga boum, & abires post concupiscentias cordis tui, quæ mergunt in interitum & perditionem? Fili hominis usquequò gravi eorde? ut quid diligis vanitatem & quæris mendacium?

HOMO. Vere scio quod ita sit, & quod non iustificetur homo compositus Deo. Si iustificare me voluero, veritas condemnabit me; Si innocentem asseruero, pravum me comprobabis. Si voluero contendere tecum, non potero tibi unum respondere pro mille. Peccavi. Quid faciam tibi ô custos hominum? Ecce iniquitatem meam ego cognosco, & factus sum mihi metipsi gravis. Cur non tollis peccatum meum? nam sicut onus grave gravatæ sunt su-

per me iniquitates meæ. Fateor, iram merui, non indulgentiam. Vnde si ejicis me à facie tua, julte facis. Sed si miserum & indignum vel inter mercenarios recipis, misericorditer facis. O si superexaltet misericordia judicium, quia ipsa est super omnia opera tua.

Ecce miser ego, peregrinus & exul à cœlesti Ierusalem descendens incidi in latrones, & exspoliatus tunica immortalitatis, & multis plagis acceptis, semivivus relictus sum; & jam putruerunt cicatricee meæ à facie insipientiæ meæ, & non est sanitas in carne mea. Si tu, me neglecto, præterieris, quis miserebitur mei, aut quis alligabit vulnera mea? Si tu non infuderis vinum consolationis, & misericordiæ oleum; quis idoneam medicinam conficiet? si denique denarium, id est, salutis pretium tu non persolveris; quis ad hoc sufficiet?

§. 3. *Pœnitentiæ necessitas, & Excitatio Peccatoris.*

CHRISTVS. Animæquior esto, ô homo, & noli timere. Perditio tua ex te tantummodo, ex me auxilium tuum. Ego sum Samaritanus, verus ille Medicus, qui ad hoc in mundum veni, ut mederer contritis corde. Ego qui languores tuos ipse portavi; imò qui vulneribus tuis ex sanguine meo remedium præparavi. Nolo enim mortem peccatoris, sed ut convertatur & vivat: ideoque veni quærere, & salvum facere quod perierat. Non veni vocare justos, sed peccatores. Neque enim opus est benè habentibus medico, sed male habentibus. Memento vocis meæ, qua invitavi ad me omnes peccatores terræ, dicens; Venite ad me omnes qui laboratis, & onerati estis, & ego reficiam vos.

Veni ergo & tu, & revertere per aliam viam in regionem cœlestem, quam monstravi peccatoribus, ut ambularent in ea. Via autem hæc est, Pœnitentia. Si ergo vis vitam; Diverte à *malo* & fac *bonum*, memor esto unde excideris, & pœnitentiam agens prima opera fac. Redi prævaricator ad cor, & vide quia amarum est reliquisse Dominum Deum Creatorem tuum. Depone omnem malitiam; abjice opera tenebrarum; fac fructus dignos pœnitentiæ; abnega impietatem & secularia desideria. Atque deinceps
sobriè,

fobriè, justè & piè vive in hoc seculo. Hæc est via, quæ ducit ad vitam, & alia non erit præter eam.

Homo. O quam dulcia faucibus meis hæc eloquia tua Domine! super mel & favum ori meo. Iam utique secundum multitudinem dolorum meorum in corde meo, consolationes tuæ lætificaverunt animam meam. O fidelis sermo & omni acceptione dignus! quia Christus venit in hunc mundum peccatores salvos facere, quorum primus ego sum. Iam ergo memor esto verbi tui, in quo mihi spem dedisti: Recipe filium prodigum, & profugum à facie tua; & nunc revertentem ad dulcissimum Patrem suum, brachiis dilectionis amplectere; ne projicias me à facie tua, & dimitte omne malum servo tuo, & ne deleas de libro viventium nomen meum.

§.4. *Incitatio peccatoris ad maturandam
pœnitentiam.*

CHRISTVS. Ego sum, ego ipse sum, qui deleo iniquitates tuas, propter me; & peccatorum tuorum non recordabor. Ego qui justifico impium, dimittens ei omnia delicta, propter nomen meum: nam & misereri potius eligo, quam irasci, & parcere malo, quam punire. Quid ergo times? quid trepidas ad sinum tantæ pietatis accedere? paratior sum ad indulgendum, quam tu ad pœnitendum.

Sed vide, ne tardes converti ad Dominum, & ne differas de die in diem. Multa hic sunt moræ & dilationis incommoda. Nonne dum æger es, non differs curam valetudinis, sed mox accersis medicum, & principiis obviandum censes, ne fortè frustra paretur medicina, postquam morbus per longiorem moram invaluit.

Prudenter; sed cur idem non facis, cum animus tuus æger est! tunc certè multo periculosius laboras, quam si corpus tuum, & intima viscera pestis, aut veneni vis pervasisset. Quid ergo stertis, quid moraris? surge, propera, & convertere ad Deum salvatorum tuum: ne quando ut leo rapiat animam tuam, & non sit qui redimat, neque qui salvum faciat. Memento creatoris tui in diebus juventutis tuæ: & cave ne assuescas cuicunque peccato. Nihil enim fortius hominem ligat, quam mala consuetudo. Vt difficile est,

naturam expellere, sic malam consuetudinem, quæ est quasi altera natura. An verò mundo & carni florem, at fecem debes mihi, qui tibi dedi omnia; nec vilia, sed optima: & tui causa fui in laboribus à juventute mea?

H O M O. Durus est multis hic sermo Domine: nec possunt eum capere. Vnde istæ eorum voces: Venite & fruamur bonis, quæ sunt, & utamur creatura tanquam in juventute celeriter. Non prætereant nos flos temporis. Coronemus nos rosis, antequam marcescant. Nec desunt inter illos, qui longitudinem dierum sibi promittunt; & interim ducunt in bonis dies suos, quasi in fine sat tempestivum sit, recogitare annos præteritos in amaritudine animæ suæ; & tunc demum rogare te, ut delicta juventutis & ignorantias eorum non memineris. Quasi justum hoc sit, ubi abundavit delictum, superabundet & gratia. Et hæc quidem dicunt insipientes in corde suo; cujus rei vita & ipsa opera testimonium perhibent.

§.5. *Pœnitentia non differenda spe longioris vitæ.*

C H R I S T V S. Scio, quia stultorum infinitus est numerus; sed tu, noli æmulari in malignantibus; & si te lactaverint peccatores, ne acquiescas eis. Ne ambules cum eis, prohibe pedem à semitis eorum. Nam cum irruerit repentina calamitas, & interitus quasi tempestas ingruerit: quando super eos venerit tribulatio & angustia, tunc invocabunt me, & non exaudiam; eò quod despexerint omne consilium meum; & increpationes meas neglexerint. Audi quisquis spe longioris vitæ differt meliorem: Stulte, quid si hac nocte, quid si hac hora, repetam à te animam tuam, quo putas, infelix ibit? ô quot millia hominum delusit ista spes, aut magis stulta præsumptio! at nunc in inferno positi sunt, mors depascit eos; & hoc maxime torquet illos, quia neglexerunt operari bona, dum tempus haberent. nimirum ob spem incertam, certum salutis remedium neglexerunt, nec tam voluerunt deferere, quam differre pœnitentiam. Sed dilatio ista perditio fuit: præcisa est enim velut à texente vita eorum, dum adhuc ordiri viderentur: mortui sunt,

sunt, antequam se mori scirent; & qualis eorum in extremis poenitentia fuerit, tu ipse collige. hoc scilicet, illos maximè tunc poenituit, ac etiamnum, sed frustra poenitet, quod poenitentiam tempore opportuno neglexerint, & poenas æternas paucis horis, quod faciliè poterant, non redemerint.

Vtinam tu sapires damno alieno, & cautiør fieres in re tam ardua. Promisi ego quidem veniam poenitenti, sed vitam non promisi in crastinum differenti. Hodie ergo si vocem meam audieris, noli obdurare cor tuum; nescis enim quando veniam tibi: quid si ut fur in nocte, & hora, qua minimè putabis? vigila itaque, & omni hora, paratus esto.

Ecece, quid est vita tua, nisi vapor ad modicum parens? quid corpus mille casibus, miseriis, & periculis obnoxium? quod ventus quandoque & levis febricula, aut casus aliquis subitus in momento prosternit, & huic tam fragilli fulcro tu audes inniti & fidere?

Nonne stultam istam fiduciam satis arguunt tot obvia quotidie mortalitatis exempla; quæ, sine discrimine ætatis, sexus, conditionis, sed non sine certo providentiæ meæ consilio, frequenter ingeruntur oculis tuis, ut discas, quam inanes sint hominum spes, quam fallaces cogitationes; & memineris, accidere tibi posse, quod cuiquam potuit. & felix, & sapiens est, qui ex alieno malo emendat suum.

HOMO. Iustus es Domine, & rectum iudicium tuum; sed parce mihi, si loquar ad Dominum meum, ego pulvis & cinis. Nunquid voluntatis tuæ est mors impii? nonne miserationes tuæ super omnia opera tua? & cum iratus fueris, misericordiæ recordaberis? Nonne tu dixisti; Nolo mortem peccatoris? & impietas impii non nocebit ei, in quacunque tandem die conversus fuerit ab impietate sua? An non ergò poenitendi tempus erit, quousque est vivendi?

§. 6. *Non differenda Pœnitentia intuitu divinæ misericordiæ.*

CHRISTVS. Nimis insipiens es, ô homo, quisquis tibi blandiris spe misericordiæ, immemor iustitiæ meæ: ideo tu malus eris quia ego bonus sum?

An ideo misericors & facilis ad veniam prædicor, ut tu pec-

pecces securius, & liberius ad iram me provoces, & tandem, cum me pro libitu non saturasti opprobriis, nihilominus misericordiam meam tibi fidenter promittas? Fateor, magna est misericordia mea erga peccatores, dum tempus est miserendi: sed tu, qui toties à me per internas inspirationes, toties per præcones verbi mei monitus es, at semper restitisti spiritui meo, & instar aspidis surdæ, & obturantis aures suas, non exaudisti vocem meam, quomodo misericordiam meam in fine sperare audes, qui secundum duritiam & impœnitens cor tuum thesaurizas tibi iram in die iræ?

Est potius cur timeas, ne fortè ob contemptum misericordiæ meæ ultrò toties oblatae, tradaris in reprobum sensum, & deinceps totus abeas post desideria cordis tui; & ita cum in profundum veneris, contemnas: adeoque tandem indignus misericordia soli iustitiæ reserveris. hac enim merito ultione percutitur peccator, ut moriens obliviscatur sui, qui vivus & sanus oblitus est mei.

Ne ergo dicas, Miseratio Domini magna est, multitudinis peccatorum meorum miserebitur; ut enim misericordia, sic & ira ab illo citò proximant, & in peccatores respicit ira illius. Tu potius ambula dum lucem habes, ne tenebræ te fortè comprehendant, quodcunque potest manus tua, instanter operare. Nescis, quid olim facies, aut possis, cum defecerit virtus tua. Nunc adolescentior corrige viam tuam, in custodiendo sermones meos. Ecce nunc tempus acceptabile, nunc dies salutis, si hos negligis, nimis temerè aliud tibi spatium Pœnitentiæ polliceris. Sera Pœnitentia rarò vera: non tam enim deferuntur peccata, quam deferunt, quia peccandi vires deficiunt; & mirum valde est, quod rei tam incertæ & dubiæ audeas salutem tuam committere, qui alibi certissima quæque sollicitè perquiris. Nunc offero tibi gratiam meam, quæ repudiata olim forsân iustè negabitur.

O si scires quam periculosum & noxium sit, in vacuum gratiam meam recipere, & vocantem me repellere, anhelares ad me, sicut cervus ad fontes aquarum: satageres, ut per bona opera certam vocationem tuam faceres: age
nunc

nunc ergo, quod tunc actum voles, cum plus agere non poteris, & non egisse, cum poteras, vehementer dolebis; sed nec residuum amplius dolori remedium invenies. Quæ seminaverit homo, hæc & metet. hæc vita est tempus fermentis, in morte tempus messis aderit; si seminaveris in carne tua corruptionem, de carne metes corruptionem. Tu itaque nunc semina in lacrimis, quod tunc in exultatione metas.

Intelligite hæc, qui obliviscimini Deum; intelligite, ne quando rapiat, & non sit qui eripiat.

Ecce ego dimisi nonaginta novem oves in deserto, & te unam errantem quæsi: & jam velut pastor bonus paratus sum tollere te in humeros meos, ut reducam te gaudens in ovile meum, noli diutius defraudare me desiderio meo, & Angelos meos gaudio, quo gaudent super uno peccatore poenitentiam agente.

HOMO. Verè erravi sicut ovis quæ periit; sed tu require servum tuum Domine, qui venisti quærere & salvum facere quod perierat. Tibi soli peccavi & malum coram te feci; sed en occasione illustrandæ gloriæ tuæ, si juxta promissiones tuas, misero & humili præstes misericordiam tuam: & vincas, cum judicaris, sinistra hominum judicia, qui de te non sentiunt in bonitate; sed in vindicandis hominum delictis rigidum valdè & imitem judicant. Ego vero cōsciū clementiæ, & bonitatis tuæ revertar ad te, ut filius prodigus ad Patrem misericordiarum. Ne projicias me à facie tua.

§. 7. *Examen Conscientiæ, primo dispositio ad Contritionem & Confessionem.*

CHRISTVS. Revertere, fili mi, quid foris vesceris siquis porcorum, cui apud me pasci licet delitiis filiorum? Revertere in toto corde tuo, & ego recipiam te in amplexus meos. Sed ecce modum: Recogita in primis omnes annos & dies in peccatis actos in amaritudine animæ tuæ; & seriò te ipsum examina; diligenter omnes conscientiae latebras excute. Si obiter tantum & perfunctorie hoc egeris, multa te effugient: pravum enim & inscrutabile est cor homi-

hominis, & quis cognoscet illud? Nihil difficilius, quam NOSSE SEIPSUM: sed nec quidquam utilius. Vanum autem est, scire omnia, si teipsum nescias. Morbum suum nosse, sanitatis initium est.

HOMO. In multis offendimus omnes. & tu quidem Domine probasti me & cognovisti me, & omnes gressus meos dinumerasti; quia omnia nuda & aperta sunt oculis tuis; tu scis optimè quid sit in homine, & intelligis cogitationes meas de longe; Sed delicta quis nostrum intelligit? ab occultis meis munda me Domine. vereor enim omnia opera mea, sciens, quod non parcas delinquenti. multiplicatae sunt iniquitates meae, super capillos capitis mei; & non potui, ut viderem. Sed tu, ô lux vera, qui illuminas omnem hominem venientem in hunc mundum, illumina tenebras mentis meae, ut videam, ubi declinaverim à mandatis tuis; & rursus dirigar in viam rectam. Responde mihi, quantas habeo iniquitates & peccata.

§. 8. *Contritio, prima pars Pœnitentiae.*

CHRISTVS. Facile respondebit tibi conscientia tua, nisi fortè cauteriatam aut obduratam habueris. interroga illam seriò, non silebit. Nonnè sæpius non rogata angit & arguit, & secreto verberare flagellat peccati reum; Si quæ tamen post diligens examen non occurrunt memoriæ, illa meae committe misericordiæ: nec te scrupulis fatiga: volui enim ego hoc Pœnitentiæ sacramentum tibi potius esse ad solatium quam tormentum. Attamen amor sui facit non rarò, ut declinet homo cor suum in verba malitiæ ad excusandas excusationes in peccatis. Tu verò in teipsum fungere partibus Rei, Accusatoris, & Iudicis, omni affectu seposito; cumque te nocentem deprehenderis, non parcas tibi; sed severius teipsum coargue, & dole ex intimo corde, quod offenderis & contempseris me Deum Creatorem & Salvatorem tuum, quem summo Amore, utpote super omnia bonum, complecti debueras.

Cogita, quantopere ob rei vilissimæ jacturam subinde doleas & plores: & non doles, cum fecisti detrimentum animæ tuæ, & amisisti me, summum Bonum tuum? Do-

minum

minum me fateris, sed ubi est Timor meus? Patrem vocas me, & ubi est Amor meus? Quoties ego Tibi secreto locutus ad cor, dixi, imo dixit tibi propria conscientia tua; Perversa est via tua, non hac itur in cælum, hæc est via lata, quæ ducit in perditionem, non hac iverunt, qui Deo placuerunt. Usquequò tu diliges vanitatem & quæres mendacium? sed tu projecisti nihilominus sermones meos retrorsum; & ecce adhuc ego sto ad ostium & pulso, & vix admittor.

HOMO. Non intres in iudicium cum servo tuo, quia non justificabitur in conspectu tuo omnis Vivens. Memento, quæso Domine, quod sicut lutum feceris me, & in pulverem reduces me, & cum nihil oderis eorum, quæ fecisti, cito anticipent me misericordiæ tuæ, quia pauper factus sum nimis.

§. 9. *Modus excitandi in se Contritionem seu dolorem de peccatis.*

CHRISTVS. Memento ô homo, quæ fecerim tibi. quid enim habes quod non accepisti? & vide quia malum & amarum est, dereliquisse te Dominum Creatorem tuum & tam ingratum & injurium esse summo benefactori tuo.

Ego CREAVI Te ad imaginem & similitudinem meam, & signavi super te lumen vultus mei, ut agnosceres & laudares me Creatorem tuum, & constitui te super opera manuum mearum. Sed tu, cum in honore esses, non intellexisti; comparatus es jumentis insipientibus, & factus es sicut equus & mulus quibus non est intellectus.

Sed & ego hæcenus tam paternè ac provide CONSERVAVI te, & fovi te, sicut aquila provocans ad volandum pullos suos, & super eos volitans. ego vires & valetudinem, ego in tot periculis & adversis salutem præstiti, ego victui necessaria, & alia innumera beneficia tribui: tu vero quoties ipsis donis & beneficiis meis insolentior factus, his in mei contumeliam abusus es; dum incrassatus, & impinguatus dereliquisti Deum factorem tuum?

Et si hæc parva videntur, recale multo majora. Cum per-

perdituseſſes Satanæ mancipium, & æternæ mortis debitor, ego tui cauſſa de cœlo veni, & Homo FACTVS ſum, propter te ſervi formam accepi, cum eſſem Dominus omnium: tot labores & dolores ſuſtinui, & REDEM te pretio magno, non corruptibilibus auro vel argento, aut gemmis pretioſis, ſed ſanguine meo, ut glorificares & portares me in corde, & corpore tuo, & quid debui facere vineæ meæ, & non feci?

Sed quid retribuifti mihi, pro his omnibus, quæ retribuisti tibi? nonne mala pro bonis, & odium pro dilectione mea? exſpectavi, ut faceres uvas, & ecce labruſcas. Vendidiſti animam tuam ſine pretio, cujus pretium eſt SANGVIS meus. Nam quid ſunt iſthæc omnia, ob quæ tam facile & ſæpe perdis animam tuam, & prodigis ac vilipendis ſanguinem meum, quid, niſi ſumus & umbra? vanitas? aut turpis lucri cupiditas? hæc omnia Apoſtolus meus, cæterique amici mei arbitrati ſunt velut ſtercora, ut me lucrifacerent. Tu verò tanti ea facis, ut ſæpe me malis offendere, quam hominem, æterna bona & gaudia perdere, quam caduca; & mandata mea potius, quam mundi iudicia contemnere.

Et quid prodeſt tibi, ſi univerſum mundum lucreſis, animæ vero tuæ detrimentum patiaris? Hæccine reddis mihi, homo ſtulte & inſipiens?

HOMO. Quis ſtabit ad loquendum tibi, aut reſpondebit unum pro mille? agnoſco, quia tu es Deus longanimis, & patiens, & multæ miſericordiæ, qui miſereris omnium, & diſſimulas peccata hominum propter poenitentiam. ô quis dabit capiti meo aquam, & oculis meis fontem lacrymarum? quia non cuſtodivi legem tuam, in vanum accepi animam meam, pro qua tu dilectam animam tuam dediſti in mortem. Quid dicam tibi, ô immenſa bonitas? peccavi, ſed parce mihi, & noli me condemnare, qui pro me damnari voluiſti.

CHRISTVS. Ego dilexite in charitate perpetua, & te viciffim ad amorem mei tam ſuaviter, & tantis præmiis invitavi: tu vero cucurriſti velut adultera poſt amatores multos; & ut eſſes amicus mundi, mihi inimicus fieri non horruifti. Dereliquiſti me, fontem aquæ vivæ, & fodifti
tibi

tibi cisternas dissipatas, quæ continere non valent aquas, cum posses haurire aquas in gaudio de fontibus Salvatoris. Maluisti, inquam, hostem sequi, qui obsequium sibi præstitum, & brevis voluptatis usuram æternis suppliciis pensat, quam me, qui sequentes me gloria & honore coronò.

§. 10. *Dolor de peccatis cum spe veniæ.*

HOMO. Peccavi Domine, & malum coram te feci. Sed absit ut dicam cum impio: Major est iniquitas mea, quam ut veniam merear. Quin scio, quia multus es ad ignoscendum; & licet peccata mea multiplicata sint valde, tamen & misericordiæ tuæ non est numerus. Desperarem utique, si nescirem misericordias Domini. Et tentator quidem non dormit; sed huic oppono, mi Iesu, memoriam abundantiae suavitatis tuæ, quam exhibuisti Davidi graviter peccanti: Adulteræ, Proditori, Mariæ peccatrici, Petro neganti, Chananeæ clamanti, Latroni seditioso pendenti, ipsis etiam Crucifixoribus tuis. Sperent ergo in te, qui noverunt nomen tuum, quoniam non derelinquis quærentes te Domine, imo qui etiam non quærentes invitas.

Erravi, sicut ovis quæ periit. Doleo ex intimo corde, ob amorem tui. Et utinam nunquam offendifsem te, utinam deinceps non offenderem in æternum. O quis mihi tribuat, ut sim juxta menses pristinos, & secundum dies, in quibus fruebar adhuc paterna dulcedine vultus tui! veruntamen nunc etiam respice in me, & miserere mei, quia unicus & pauper sum ego; suscipe servum tuum in bonum, quo enim ultra fugiam à facie tua? Nusquam mihi bene fuit sine te, postquam fui profugus à te. Ne projicias me à facie tua, nec simul tradas me cum peccatoribus. Sacrificium tibi spiritus contribulatus, cor contritum & humiliatum non despicias. Qui scrutaris cor & renes, tu nosti desiderium cordis mei, & gemitus meus à te non est absconditus.

CHRISTVS. Numquid oblivisci potest mater infantem suum, ut non misereatur filio uteri sui! & si illa oblita fuerit, ego non obliviscar tui: ego enim dedi animam meam pro te, & lavi te in sanguine meo: si fuerint peccata

N

tua

tua ut coccinum, quasi nix dealbabuntur, & si fuerint rubra quasi vermiculus, velut lana alba erunt.

HOMO. O quam bonus & tuavis est Domine spiritus tuus in omnibus! Benedic anima mea Domino, & noli oblivisci omnes retributiones ejus: qui propitiatur omnibus iniquitatibus tuis, qui sanat omnes infirmitates tuas, qui redimit de interitu vitam tuam, qui coronat te in misericordia & miserationibus, qui replet in bonis desiderium tuum, renovabitur ut aquilæ juvenus tua. Gratias tibi ago Domine ex intimis medullis animæ meæ, quia vitam & misericordiam hucusque dedisti mihi, nec in ipsis peccatis, ut quidem poteras, perdidisti, ut nimirum bonitas tua ad poenitentiam me adduceret.

§. II. *Altera poenitentiae pars, Confessio.*

CHRISTVS. Sed, ut plenius restituaris gratiæ meæ, postquam confessus es adversus te injustitiam tuam mihi, vade & ostende te quoque Sacerdoti, cui potestatem dedi ligandi atque solvendi. Qui enim abscondit scelera sua, non dirigetur: qui autem confessus fuerit & reliquerit, misericordiam consequetur. Fili, pro anima non confundaris dicere verum. Est enim confusio adducens peccatum, & est confusio adducens gloriam. Aperi itaque vicario meo integre, & sincere conscientiam tuam & ille tibi cælum aperiet; ad hoc enim traditæ sunt illi claves regni cœlorum.

Quid erubescis coram homine, tui simili & peccatore dicere, quod non erubuisti coram me facere? ubicunque enim es, semper apertus es oculis meis, qui contemplantur in omni loco bonos & malos. Faceſſat ergo hic pudor: tunc solum utilis, cum vis peccare: noxius, cum vis poenitere. Quid enim est celare peccata, nisi vulnera tegere, & necessarium medici manum nolle admittere, donec putrescant à facie insipientiæ tuæ. Siccine plaris tibi est honor tuus, quam salus tua? & propalari times apud unum hominem tui similem, postea coram toto mundo accusandus & damnandus?

Quid facies miser in die illa tremenda, quando revelabo abscondita tenebrarum, & manifestabo consilia cordium?

dium? & nihil occultum erit, quod non sciatur? & quod in tenebris dictum gestumque est, in lumine coram toto orbe patebit? non ergo pudeat dicere, quod non puduit facere.

O quam multis sacramenta mea, vasa gratiæ & salutis, intempestivi pudoris vitio fiunt lapis offensiois, & petra scandali! Sed tu vince hunc præposterum pudorem, & humilia te coram Sacerdote, quem vice mea delegavi tibi, uti medicum & consiliarium. Dic iniquitates tuas; ut iustificeris.

HOMO. Dixi, Confitebor adversum me injustitiam meam Domino, quin & Homini, quem loco tui veneror. tu Domine remitte impietatem peccati mei. Homo sum, & scio, quia non habitat in carne mea bonum; & si dixero, quia peccatum non habeo, mendax sum; & me ipsum seduco. Errare, labi, ignorare, decipi, hoc meum est; cur negem aut diffimulem; cur innocentior aut sanctior apud hominem videri velim; quam tu me esse nosti: qui vides intima quæque cordis mei? aperiā potius illi candide omnia vulnera mea; ut ita facilius curer ab illo; quem ut destinatum à te mihi medicum agnosco.

§. 12. *Fuga occasionum & recidivæ.*

CHRISTVS. Fili peccasti, ne adjucias iterum. Sed & de pristinis deprecare, ut tibi dimittantur. Rediens ergo à Confessione, jam velut totus in Iordane, id est, balneo sanguinis mei, mundatus es à lepra peccatorum tuorum: vide ergo ne revertaris velut sus ad volutabrum, aut instar canis ad vomitum: ecce jam sanus factus noli amplius peccare, ne quid deterius tibi contingat. Facilis relapsus, argumentum est pœnitentiæ minus seriæ.

Propone ergo firmiter, omnia prius pati, quam me rursus offendere. ad hoc vero plurimum tibi proderit, nosse in quod vitium feraris proclivius. item quibus peccandi occasionibus labi soleas frequentius, ut hic te potissimum munitas, ubi te infirmiores, & magis periculo obnoxium deprehenderis.

Diligenter vero, & non obiter ipsam scrutare radicem, à qua una fere pullulant omnes illæ spinæ, tribuli, & noxia

germina animæ tuæ. Illam ergo si excideris, aut saltem represseris, multum profecisti.

Verum hæc res serio à paucis agitur, hinc hærent semper in eodem luto, accusant conscientiam, non sanant. Deponunt peccata sua, & proponunt meliora; sed mox redeunt ad vomitum. Nunc deflent commissâ, & paulò post rursus deflenda committunt: atque hunc ludum omni fere vita mecum ludunt, donec mors inexpectata eos rapiat, & demergat in profundum; & puteus inferni super eos urgeat os suum.

Cave, ô homo, ne imiteris eos qui sic abutuntur patientia ac longanimitate mea: & toties gratiam meam in vacuum recipiunt; rursus crucifigentes sibi metipsis Filium Dei & ostentui habentes. Dico tibi difficile est eos rursus renovari ad poenitentiam. Terra enim sæpe venientem super se bibens imbrem, & generans herbam opportunam illis, à quibus colitur, accipit benedictionem à Deo. Proferens autem spinas ac tribulos, reproba est; & maledicto proxima; cujus consummatio est in combustionem. Nonne etiam homo hominem à quo sæpius offenditur, tandem prorsus excludit à gratia & amicitia sua?

H O M O. Heu Domine, lætatus sum paulo ante in his quæ dicta sunt mihi à te ad consolandum me. Sed nunc rursus verba profers terrore & amaritudine plena. Quid dicam, Domine mi? Confundor & erubescō levare faciem meam ad te, quoniam iniquitates meæ multiplicatæ sunt super caput meum. Nam & ego vilis factus sum nimis, toties iterans vias meas, & canis abominabilis oculis tuis, toties reversus ad vomitum. Quò ibo à spiritu tuo, & quò à facie tua fugiam?

C H R I S T V S. Quo, mi homo, nisi ad ejus misericordiam, cujus potentiam peccando contempsisti. Nemo vestrum recte fugit à me, nisi ad me: à mea severitate ad meam bonitatem. Quis enim locus te excipiet fugientem, ubi me non invenies præsentem? Ista autem ingerens tibi, si contristavi te ad poenitentiam; bene quidem. Quæ enim secundum Deum tristitia est, poenitentiam in salutem stabilem operatur. Hoc unum moneo te, ut aliorum periculo

& da-

& damno sapias, qui ore quidem confitentur peccata sua ; cor autem eorum non est rectum cum Deo ; quin semper eadem repetunt, & sic tandem pereunt.

Quam facile esset multis effugere peccata, serio si vellent pericula fugere? Nimis proni ad mala sunt sensus hominis ab adolescentia sua? & tu inter ipsas occasiones, seu incentiva peccandi illæsus transibis? Nunquid potest homo abscondere ignem in sinu suo, ut vestimenta illius non ardeant; aut ambulare super prunas, ut non comburantur plantæ ejus? ecce David, Salomon, Petrus, alique plures sapientia & sanctimonia celebres erant; his tamen occasio in ruinam fuit, unde & tibi in exemplum humanæ fragilitatis, & cautelæ proponuntur. Illi enim tam facile lapsi docent te quoque labi posse; & tu audeas tibi fidere, & in mediis periculis securitatem promittere? beatus homo, qui semper est pavidus.

§. 13. *Bonum propositum.*

HOMO. Iuravi & statui custodire judicia justitiæ tuæ. Sed quid ego possum facere sine te? frustra ego propono, nisi tu gratiam apponas, & operi manuum mearum porrigas dexteram. Volo ego quidem servire tibi, sed sine te non valeo; tu ergo, qui dedisti velle, da perficere. Confirma hoc Domine, quod operatus es in me, nec projicias me à facie tua, & Spiritum sanctum tuum ne auferas à me. Confige timore tuo carnes meas, & Amore tui vulnera cor meum, ut his velut duobus pedibus ambulem jugiter in semita mandatorum tuorum.

§. 14. *Tertia Pœnitentia pars, Satisfactio.*

CHRISTVS. Ambula coram me, & ego ero tecum, in omnibus viis tuis, & dirigam gressus tuos. Sed, an nescis peccatori, quantum se glorificavit, & in delitiis fuit, tantum illi deberi tormentum? nonne æquum est, ut pro men-

fura delicti, sit & plagarum modus? tu, si sapiſ, præverte ſententiam Iudicis; & in temetiſum animadverte: ne forte tandem mittaris in carcerem, non exiturus inde donec reddas noviffimum quadrantem. Facilius eſt modo divi-
næ juſtitiae ſatisfacere, dum adhuc tempus eſt miſericordiae & dies ſalutis: facilius hic ſolvere delicta, quam reſervare in illud tempus, cum ego juſtitias judicabo.

Itaque convertere ad me in toto corde tuo, in *jejunio*, in fletu, & planctu. Voluptates quidem & carnis delitias ſequendo ſæpius offendiſti me; nonne æquum eſt, ut caſtiges corpus tuum, & in ſervitutem redigas, ut ſicut caro læta te traxit ad culpam, ſic afflicta reducat ad veniam?

Sed & *Oratio* humilium & manſuetorum mihi ſemper placuit, meque permovit ut propitius fierem peccatis eorum. Eandem ergo & tu ſerio adhibebis, ut ego tanquam verus Pontifex & advocatus ad dexteram Patris interpellem pro te, & pretium ſanguinis mei, & merita paſſionis meæ, quibus ſatiſſeci pro peccatis totius mundi, offeram æterno Patri meo.

Eleemoſynis quoque redime peccata tua: nihil æque me ſelectit ad miſericordiam, quam ſi videam vos egenis & afflictiſ fraternæ charitatis affectu miſereri. Si vero iis miſericordiae viſcera clauſeris, & eorum clamorem audire neglexeris, vide ne ipſe aliquando clames, & non exaudiaris. Vis ergo ſatisfacere pro peccatis tuis? Ecce bona eſt *Oratio* cum *Jejunio*, & *Eleemoſyna*.

Porro *Satisfactio* omnium optima, mihi gratiſſima, tibi quæ utiliſſima eſt, adverſus ipſa vitia, & vitiorum radices omnem pœnitentiæ vim dirige. Itaque ad illa virtutum exercitia ſerio, ac potiſſimum te converte, quæ ipſos vitioſos animi tui affectus magis oppugnent; quæque magis moleſta ſint carni, qua parte pronior eſt ad peccandum. Nam quorſum pedi malagma admoves, dum ſaucium caput remedium poſcit? ſua cuique morbo; ſic & vitio remedia ſunt. Pœnitentiam certam non facit, niſi odium peccati, quando ſic pœnites, ut tibi amarum ſapiat in animo, quod antea dulce fuit in corpore, tunc vere pœnites, & me tibi concilias.

Sed

Sed dura tibi forte videntur, quæ moneo; at duriora sunt ista à quibus te per hæc monita præservari cupio. Atamen, dic mihi, nonne tu hæcenus duriora pro mundo, & carne tua passus es? quod illis placuit, quod Satan suggestit, fecisti prompte & alacriter; quod ego præcepi, consului, rogavi, per amorem & sanguinem meum, ut mortificationem meam circumferres in corpore tuo, respuisti. An fallor?

Ecce ego arguam te, & statuam contra faciem tuam. Nonne si spes aliqua lucri, honoris aut præeminentiæ afflisset tibi, mox omnem movisses lapidem, longissima itinera, terra marique suscepisses? Si morbo correptus fuisses, omnem potius substantiam erogasses in medicos, ferrum & ignes passus esses, quam vitæ periculum subisses. Si ab alio injuria, damno aut contumelia læsus fuisses; quid non fecisses pro commodo, fama & honore tuendo? At vero, ut mihi placeres, quam exiguum est, quod egisti? Vere, si laborasses modicum; invenisses multam tibi requiem; & si decimam partem eorum, quæ fecisti pro sæculo, fecisses pro cælo; salvus utique & beatus viveres, nam jugum meum suave, & onus meum leve.

Verum credere istud vix poteras; quid mirum? non gustabas, quam suavis sit Dominus, nec sapiebas ea, quæ sursum sunt; utpote inescatus his, quæ sunt super terram. Sed quem fructum habes ex illis, in quibus nunc erubescis, quorum finis mors est? Liberatus autem à peccato, servus factus es justitiæ; sicut ergo exhibuisti membra tua servire immunditiæ, & iniquitati ad iniquitatem, ita nunc ea exhibe servire justitiæ in sanctificationem, & tunc cognosces, quam suavis & bonus sim ego, his qui recto sunt corde.

HOMO. Vere Domine, ubi convertō me ad omnia, in quibus hæcenus frustra sudavi, nihil video in omnibus, nisi vanitatem & afflictionem animi; & nihil permanere sub sole. Tu autem Domine in æternum permanes. Quid ergo? Tibi, ô Domine, adhærere deinceps mihi bonum est, & ponere in Te VNO spem meam. & quid me separabit à Charitate tua? utinam hoc nec vita, nec mors, nec ulla creatura valeat. Sed quomodo veniam ad te, & uniar tibi,

nisi traxeris me in funiculis charitatis tuæ ? Trahe me, quæso, ut curram ad te velut cervus ad fontes aquarum. Adjuva me propter gloriam nominis tui, quia tu es Deus Salvator meus.

Prolixius excurrit hoc colloquium quam ab initio destinaveram. Sed quid refert ? paulo accuratius ea materia tractari debuit, cujus usus quotidianus est, maxineque necessarius. nam quotidie peccamus. Et hæc diligentius expendisse fortasse proderit, ut non tam sæpe, aut certe, non fæde peccemus.

LITANIÆ PŒNITENTIUM,
ex Sacra Scriptura collectæ.

*Quarum usu excitatur Peccatoris animus ad
spem indulgentiæ, & studium Pœnitentiæ.*

KYRIE ELEISON. Christe eleison.
Kirie eleison.

Christe audi nos. Christe exaudi nos.

Pater de cœlis DEVS, miserere nobis.

Fili Redemptor mundi Deus, miserere nobis.

Spiritus sancte Deus, miserere nobis.

S. Trinitas unus Deus, miserere nobis.

PARS I.

Deus qui non vis mortem peccatoris, sed
magis ut convertatur & vivat,

Qui Angelis peccantibus non pepercisti, sed
in tartarum cruciandos detruxisti,

Qui Adam post lapsum ad agnitionem cul-
pæ & resipiscentiam vocasti,

Qui impium Cain de venia desperantem à
facie tua projecisti,

Qui Noë diluvio & impiorum exitio per
Arcam clementer eripuisti,

Qui Loth de medio peccatorum eduxisti,

Qui Pharaonem sicte pœnitentem & indu-
ratum, tandem horribiliter punivisti.

Qui populum Israël de tribulatione ad te
clamantem, è dura Pharaonis servitute
liberasti,

Ezech. 33

2 Petr. 2.

Gen. 3.

Gen. 4.

Gen. 7.

Gen. 19.

Exod. 14.

Ibid.

Qui

Qui Moyſi quadraginta diebus jejunanti
legem in monte dedifti,

Exod. 34.

Qui precibus Moyſis, populi prævaricantis
peccata dimiſiſti,

Exod. 32.

Qui Ionam ex ventre ceti ad te clamantem
ſalvaſti,

Ion. 2.

Qui Ninivitis in jejunio, ſacco, & cilicio
pœnitentibus peperciſti,

Ion. 3.

II.

Qui Davidem per Nathan ad agnitionem
culpæ venire feciſti,

2 Reg. 12.

Qui Davidis confitentis, & in cilicio pœ-
nitentis peccatum tranſtulifti,

Ibid.

Qui eidem ob peccatum numerati populi,
trium plagarum optionem detuliſti,

2 Reg. 24.

Qui Achab humiliato & pœnitenti peper-
ciſti,

3 Reg. 21.

Qui Iudith in cilicio & cinere pro ſalute
populi deprecantem exaudiſti,

Iudith 9.

Qui Ezechiam cum populo in ſacco, cine-
re, & jejunio te invocantem ab exercitu
Aſſyriorum liberaſti,

4 Reg. 19.

Qui Manafſem pœnitentem exaudiſti, & in
regnum ſuum reſtituiſti,

2 Par. 33.

Qui Eſther jejunantem in oculis Regis Af-
lueri gratiam invenire feciſti,

Eſth. 14.

Qui Mardocheum in ſacco & cinere te in-
vocantem à patibulo liberaſti,

Ibid. 16.

Qui Machabæis jejunantibus & in ſacco &
cinere te invocantibus auxilio fuiſti,

1 Mach. 3.

Qui Sacerdotes pro populo plorare, orare
& ſacrificare juſſiſti,

*Ioël 2. &
alibi.*

III.

Qui veniſti in hunc mundum peccatores
ſalvos facere,

1 Tim. 1.

Qui redempturus mundum, Ioannem pœ-
nitentiæ præconem præmiſiſti,

Matth. 3.

Qui

Qui eundem victus, & vestitus asperitate
 mirabilem, speculum poenitentiae dedisti,
 Qui quadraginta diebus & totidem nocti-
 bus jejunasti,
 Qui dives in misericordia, propter nimiam
 charitatem qua dilexisti nos cum esse-
 mus mortui peccatis, convivificasti nos
 in Christo,
 Qui Matthæum in telonio sedentem tua
 gratia praevenisti,
 Qui Publicanum cum dolore & humilita-
 te pectus percutientem, justificationis
 gratia donatum testatus es,
 Qui Paralyticum, dimissis primum peccatis
 a morbo liberaisti,
 Qui Filii prodigi ad Patrem revertentis e-
 xemplo, peccatoribus spem veniae & in-
 dulgentiae praebuiisti,
 Qui Mulieri Samaritanae fontem aquae vi-
 vae patefecisti,
 Qui Zachæi poenitentis, & aliena restituen-
 tis domui salutem attulisti,
 Qui Chananæam in oratione perseveran-
 tem benigne exaudisti,
 Qui mulierem in adulterio deprehensam
 clementer absolvisti,
 Qui publicanos & peccatores recepisti, &
 cum eis manducaisti,
 Qui Mariæ Magdalenæ multum diligenti
 peccata multa dimisisti;
 Qui Petrum, ter negantem benigne respi-
 ciens, ad agnitionem criminis & lacry-
 mas poenitentiae permovisti,
 Qui latroni poenitenti, pendens in cruce,
 Paradisum promisisti,
 Qui peccatum non fecisti, & peccata nostra
 in corpore tuo super lignum pertulisti,
 Qui attritus es propter scelera nostra.

*Matth. 3.**Matth. 4.**Eph. 2.**Matth. 9.**Luc. 18**Luc. 5.**Miserere nobis: Luc. 15.**Ioan. 4.**Luc. 19.**Matt. 15.**Ioan. 8.**Luc. 5. &**15.**Luc. 7.**Luc. 22.**Luc. 23.**1. Petri. 2.**Isai. 53.*

IV.

I V.

Qui diligis omnia, quæ sunt, & nihil odisti
 eorum quæ fecisti,
 Qui quasi aurum in fornace probas Electos
 tuos,
 Qui das locum & tempus poenitentiae in
 peccatis,
 Qui flagellas omnem filium quem recipis
 & diligis,
 Qui quos amas, arguis, & castigas,
 Qui non vis aliquos perire, sed omnes ad
 poenitentiam reverti,
 Qui venisti quærere & saluum facere quod
 perierat,
 Qui misereris omnium, & dissimulas pec-
 cata hominum propter poenitentiam,
 Qui factus es propitiatio pro peccatis no-
 stris,
 Qui peccatorum in jejunio, fletu, & plan-
 ctu se ad te convertentium misereris,
 Qui misericordiam vis & non sacrifici-
 um,
 Qui non venisti vocare justos, sed peccato-
 res ad poenitentiam,
 Qui benignitate tua nos ad poenitentiam
 adducis,
 Qui Paulum persequentem ac devastan-
 tem Ecclesias mirabiliter vocasti,
 Qui eundem triduo jejunantem & oran-
 tem illuminasti,
 Qui post poenitentiam, omnium peccato-
 rum nostrorum non recordaris amplius,
 Deus benigne, misericors, patiens, & mul-
 tæ misericordiae, & præstabilis super
 malitia.

*Sap. 11.**Sap. 3.**Sap. 12.**Hebr. 12.**Apos. 3.**2. Petr. 3.**Luc. 19.**Sap. 11.**1 Ioan. 2.**Joël 2.**Luc. 5.**Ibid.**Rom. 2.**Act. 9.**Ibid.**Ezech. 18.**Joël 2.*

Miserere nobis.

V.

Propitius esto, Parce nobis Domine.

Ab omni malo, libera nos Domine.

Ab omni peccato, libera nos Domine.

A subitanea mala morte, libera nos Domine.

Per Baptismum & sanctum jejunium tuum, libera nos Domine.

Per labores & dolores tuos, libera nos Domine.

Per sanguinem tuum, quem in remissionem peccatorum nostrorum effudisti, libera nos Domine.

In die tribulationis, & angustiae, & tremendi iudicii tui, libera nos Domine.

V I.

Peccatores, Te rogamus audi nos.

Vt ad veram poenitentiam nos perducere digneris.

Vt nos ipsos dijudicare, & iudicium tuum evadere possimus,

Vt dignos poenitentiae fructus tempestive faciamus,

Vt sicut exhibuimus membra nostra servire immunditiae & iniquitati, sic ea nunc exhibeamus servire iustitiae ad sanctificationem,

Vt non demus ultra locum Diabolo, nec Sol unquam occidat super iracundiam nostram,

Vt abnegantes impietatem & secularia desideria, sobrie, iuste, & pie vivamus,

Vt castigemus corpora nostra & in servitum redigamus,

Vt non regnet peccatum in mortali nostro corpore,

Vt non exhibeamus membra nostra arma iniquitatis,

Vt non diligamus mundum, neque ea quae in mundo sunt,

1 Cor. 11.

Matth. 3.

Rom. 13.

Ephes. 4.

Tit. 2.

1 Cor. 9.

Rom. 6.

Ibid.

1 Ioan. 2.

VII. Vt

VII.

Vt non conformemur huic seculo, sed re-
formemur in novitate sensus nostri,
Vt non plus sapiamus, quam oportet, sed
sapiamus ad sobrietatem,
Vt non inebriemur vino in quo est luxuria,
Vt tanquam vera Christi membra carnem
nostram crucifigamus cum vitiis & con-
cupiscentiis,
Vt omnis sermo malus ex ore nostro non
procedat, sed si quis bonus ad ædificatio-
nem fidei,
Vt omnis amaritudo, ira & indignatio tol-
latur à nobis,
Vt non efficiamur inanis gloriæ cupidi.
Vt deponamus veterem hominem cum a-
ctibus suis, & novum induamus in iusti-
tiæ & sanctitatis veritatis,
Vt non secundum carnem vivamus, sed spi-
ritu facta carnis mortificemus,
Vt divitias bonitatis, patientiæ, & longani-
mitatis tuæ nunquam contemnamus,
Vt adeuntes ad thronum gratiæ cum fidu-
cia, misericordiam consequamur, & gra-
tiam inveniamus in auxilio opportuno,
Vt induti armaturam Dei possimus stare
adversus insidias Diaboli,
Vt cum metu & tremore, salutem nostram
operemur,
Vt omnia detrimentum arbitremur pro-
pter Christum,
Vt peccatis mortui, iustitiæ vivamus,
Vt per multas tribulationes hujus seculi,
nos in regnum Dei introire concedas,
Vt nos hic urere & purgare & in æternum
parcere digneris,
Vt nos exaudire digneris,
Fili Dei,

Rom. 12.

Ibid.

Ephes. 4.

Galat. 5.

Ephes. 4.

Ibid.

Ibid.

Ibid.

Rom. 8.

Rom. 2.

Hebr. 4.

Ephes. 6.

Phil. 2.

Phil. 3.

1 Petr. 3.

Act. 14.

Agnus

Agnus Dei, qui tollis peccata mundi, parce nobis Domine.

Agnus Dei, qui tollis peccata mundi, exaudi nos Domine.

Agnus Dei, qui tollis peccata mundi, miserere nobis.

Christe audi nos. Christe exaudi nos.

Kyrie eleison. Christe eleison. Kyrie eleison.

Pater noster.

ŷ. Et ne nos inducas in tentationem. *R.* Sed libera nos à malo.

ŷ. Domine non secundum peccata nostra facias nobis.

R. Neque secundum iniquitates nostras retribuas nobis.

ŷ. Domine ne memineris iniquitatum nostrarum antiquarum. *R.* Cito anticipent nos misericordiæ tuæ, quia pauperes facti sumus nimis.

ŷ. Adjuva nos Deus salutaris noster. *R.* Et propter gloriam nominis tui Domine, libera nos, & propitius esto peccatis nostris propter nomen tuum.

ŷ. Ab occultis meis munda me Domine. *R.* Et ab alienis parce servo tuo.

ŷ. Ne memineris Domine, delicta nostra, vel parentum nostrorum. *R.* Neque vendictam sumas de peccatis nostris.

ŷ. Ne tradas Domine bestiis animas confitentium tibi.

R. Et animas pauperum tuorum ne obliviscaris in finem.

ŷ. Domine averte faciem tuam à peccatis meis. *R.* Et omnes iniquitates meas dele.

ŷ. Redde mihi lætitiā salutaris tui. *R.* Et spiritu principali confirma me.

ŷ. Domine exaudi orationem meam. *R.* Et clamor meus ad te veniat.

Oremus.

DEus qui nullum respuis, sed quantumvis peccantibus per poenitentiam pia miseratione placaris : respice propitius ad preces humilitatis nostræ, ut tua valeamus implere præcepta.

DEus qui iustificas impium, & non vis mortem peccatoris; maiestatem tuam suppliciter deprecamur, ut nos famulos tuos de tua misericordia confidentes cœlesti protegas benignus auxilio, & assidua potestione conserves,

ves, ut tibi jugiter famulemur, & nullis tentationibus à Te separemur.

DEus qui non mortem sed poenitentiam desideras peccatorum, fragilitatem conditionis humanæ benignissime respice, & conatus nostros pietate tua prosequere, ut per immensam misericordiam tuam peccatorum nostrorum veniam, in tuo servitio constantiam, & tandem præmia perseverantibus promissa feliciter consequamur, per Dominum nostrum Iesum Christum, &c.

CAP. III.

VARIÆ ORATIONES
POENITENTIVM.

Orationes adversus septem Vitia Capitalia; quæ singulæ singulis Psalmis Poenitentialibus subjungi possunt.

I. *Adversus* SUPERBIAM.

Domine Iesu Christe, mitis & humilis corde, qui à teipso nos Humilitatis documentum sumere, verbo & exemplo jussisti; nam cum in forma Dei esses æqualis Æterno Patri; formam servi accipiens, humiliasti temetipsum; factus obediens usque ad mortem, mortem autem Crucis;

Tolle à nobis omnem superbiam, mentisque tumorem; ut nulla in re gloriantes, præterquam in Te, neminemque despicientes, submisit de nobis sentiamus: Teque solum humili corde laudemus. Et si quid boni habere videmur; non à nobis, sed à Te descendere, perenni omnium bonorum fonte, agnoscentes, non nobis sed nomini tuo gloriam perpetuo demus.

II. *Adversus* AVARITIAM.

Liberalissime Deus, qui bonorum nostrorum non egēs; & bona tua nobis tam abunde largiris; sed & de bonis ad usum vitæ concessis, nos liberales erga proximos inopes

pes esse jubes : ideoque eleemosynas & charitatis opera nobis assidue commendas : Inclina cor nostrum in testimonia tua, & non in Avaritiam ; Da nobis temporalia pro nomine tuo libenter tribuere, & liberaliter communicare.

Cupiditatem vero, quæ omnium malorum radix est, à cordibus nostris evelle : Vt aliena non appetentes, propria autem, non ex tristitia, aut necessitate, sed plena manu pioque animo largientes, sicut hilares datores à te diligere, paratumque à constitutione mundi regnum percipere valeamus. Amen.

III. *Adversus GULAM.*

Domine Iesu, Abstinentiæ speculum, qui ut salutarem abstinenciam nobis verbo & exemplo commendares, carnis nostræ mortalitate assumpta, quadraginta diebus & totidem noctibus jejunasti : & non in solo pane, sed in omni verbo, quod procedit de ore Dei, hominem vivere docuisti : Da faucibus nostris mellifluum eloquiorum tuorum gustum, quæ sunt dulciora super mel & favum : Vt ciborum lautitiem, & omnia Gulæ irritamenta respuentes, sobrie & pie vivamus in hoc seculo : & simplici victu, eoque moderato contenti, dona tua cum gratiarum actione sumamus ; nec deo ventri, sed tibi Deo viventi, & nos tam benefice pascenti serviamus. Amen.

IV. *Adversus LUXURIAM.*

Domine Iesu Christe; castarum mentium custos, & pudicitiae amator, qui ut munditiâ tibi maxime placere ostenderes, ex purissimæ Virginis Martis utero carnem humanam assumere dignatus es ; Respice propitius fragilitatem nostram. Cor mundum in nobis crea ; & spiritum rectum innova in visceribus nostris. Et da nobis carnis concupiscentiam continentiae freno cohibere ; omnia libidinis incentiva vincere, & carnem ipsam timore tuo configere : ut hoc domestico hoste devicto, tibi casto corpore serviamus, & mundo corde placeamus. Amen.

V. Ad-

V. *Adversus* INVIDIAM.

Iesu amantissime, charitatis exemplar, qui amore Dei & proximi, universa legis præcepta concludis : Da nobis te Deum & Redemptorem, ex toto corde, ex tota anima, menteque tota diligere ; quando tu tantopere nos prior dilexisti, ut animam tuam pro nobis dederis.

Deinde ut proximos nostros ex intimis amemus visceribus, effice : illumque solum odio habeamus, cujus invidia mors introivit in orbem terrarum ; ut de proximorum prosperitate gaudentes, eorumque adversitati condolentes, de nullius infelicitate lætemur, sed omnibus Invidiæ stimulis repulsis, ad te, qui vera charitas es, perveniamus. Amen.

VI. *Adversus* IRAM.

Mitissime Iesu, qui ut agnus mansuetus, qui portatur ad victimam, & sicut ovis ad occisionem ductus, non aperuisti os tuum, sed tractus, illulus, consputus, percussus, & denique Cruci affixus, non modo malum pro malo non reddidisti ; sed insuper pro transgressoribus Deum Patrem orasti : Inferè quæso cordibus nostris mansuetudinis & patientiæ virtutem ; ut Iræ furorem comprimentes, mansueto corde malum in bono vincamus, & inimicos nostros diligamus : quo beneficiâ nostra, tanquam ardentibus prunis incensi, ad mutuum inflammentur amorem, atque ita unanimes uno ore, ac fraterna charitate honorificemus te Patrem nostrum in terris, & tandem assequamur in cœlis. Amen.

VII. *Adversus* ACEDIAM.

Domine Iesu, qui nullum fugiens laborem, nostri causa fatigatus ex itinere, sæpius esuristi, sitisti, variaque pertulisti incommoda : sed & in oratione frequens pernoctasti : Expelle à corde & corpore nostro omnem desidiam & torporem ; ut ad tibi serviendum in vigiliis, jejniis & orationibus prompti simus & alacres ; ac nos totos ad tuam
O glo-

gloriam, & proximorum salutem exponamus: ut non dormitet anima nostra præ tædio, sed viam mandatorum tuorum alacriter curramus, ubi dilataveris cor nostrum, per amorem tui & proximi, ne forte tepiditas nostra aliquando nauseam tibi moveat, & incipias nos evomere ex ore tuo.

Accende igitur in nobis, ignem tuæ charitatis, nostramque imbecillitatem perfice, ut in te, & à te corroborati, per bona opera vocationem nostram certam facere satagamus; & quodcumque potest manus nostra, intanter operetur; ut tibi soli placeamus; & tu sis tandem merces nostra magna nimis. Amen.

Tres breves & nervosæ Orationes pro remissione peccatorum & emendatione vitæ.

Ex precibus German. P. Canisii.

ORATIO. I.

O Dulcissime Domine Iesu Christe, ego indignus peccator admoneo Te omnium sanctarum cogitationum, quas unquam ab æterno hucusque habuisti, & illius maxime, qua tu, ô Verbum Æternum, Homo FIERI cogitasti. Admoneo Te quoque omnium piarum cogitationum, quas unquam pro tui nominis honore sancti in cœlis, piique homines in terris habuerunt, aut deinceps habebunt.

O clementissime Domine, precor ex intimo corde, ut vicissim ignoscas mihi omnes vanas, turpes, & malas cogitationes, quas hucusque contra aut præter tuam voluntatem habui, aut ut alii haberent, quomodocunque causa fui. *Pater noster. Ave Maria.*

ORATIO. II.

O Piissime Domine Iesu Christe, ego miser peccator admoneo te omnium bonorum & salutarium verborum quæ unquam locutus es super terram, vel quæ ab aliis in nomine tuo unquam prolata sunt, aut deinceps proferenda.

Rogo te humiliter, ô bone Iesu, dimitte mihi omnia verba quæ hucusq. contra divinam voluntatem tuam locutus sum, aut ut alii loquerentur auctor fui. *Pater noster. Ave Maria.*

ORA.

ORATIO III.

O Suavissime Iesu Christe, ego peccator indignus, sed pretiolo sanguine tuo redemptus, admoneo te omnium bonorum operum; quæ salutis nostræ causâ operatus es in medio terræ, vel quæ unquam ab aliis in nomine tuo facta sunt, aut posthac facienda.

Obsecro te, piissime Domine, ignosce mihi quidquid unquam malè agendo contra legem tuam, & nominis tui gloriam ignoranter, vel scienter commisi, vel ut ab aliis committeretur causâ fui.

Porro ô benegnissime Domine, omnes cogitationes meas, omnia verba, omnia opera, dirige & ordina secundum tuum divinum beneplacitum, ad laudem nominis tui; eaque juxta perfectissimum exemplar sanctissimæ conversationis & vitæ tuæ conforma. Tuus sum, & ero, ô Domine, vivens & moriens, in manus tuas, me & omnia mea commendo. *Pater noster. Ave Maria.*

ORATIO POENITENTIS,

ex Eodem.

O Iesu Christe, Salvator mundi, qui omnes peccatores clementer invitas, & quidquid ad te venerit, non ejicis foras, sed benignè suscipis, foves ac reficis, admoneo te illius immensæ charitatis, qua te pro nobis sponte in cruce obtulisti, & largissima pretiosi Sanguinis tui effusione tam abundanter exsolvistis pretium salutis nostræ, & expiasti peccata mundi.

Per sacratissimam & efficacissimam pœnitentiam tuæ sanctissimæ vitæ, & mortis innoxie rogo te supplex, ut ignoscas mihi omnia peccata mea, quemadmodum promtè Latroni in cruce pendens ignovisti, eique Paradisum promisti.

Projicio nunc omnia peccata mea in profunda & dolorosa vulnera tua. Quidquid mihi deest de sufficientia contritionis & pœnitentiæ, hoc tu clementer supplere digneris ex divitiis satisfactionum & meritorum tuorum, &

omnium dolorum, poenarum ac laborum, quos in tuo sanctissimo corpore libens assumpisti, & utque ad acerbissimam mortem pro nobis sustinere voluisti.

Et quemadmodum tu fons omnis clementiæ, ex mera charitate, & intimo cordis suspirio pro inimicis tuis orasti, imo sanguinem quoque tuum pro tuis tortoribus fudisti; ita me indignum fac quoque participem tuæ sanctissimæ vitæ & passionis; ne pereat in me fructus ejus, sed omnibus liberatus peccatis, & dignis eorum suppliciis, me tutum omnino ad te, & tui cultum & amorem convertam.

Concede mihi, ô summe clemens Salvator, ut te peccatis meis nunquam amplius crucifigam, sed virtute & merito crucis tuæ de præteritis peccatis meis sincere doleam, præsentis tentationes fortiter superem, deinceps viam crucis & poenitentiae teneam, & in bonis operibus in finem usque perseverem; Tibi enim vivere, & in te mori cupio.

Commendo tibi corpus & animam, & omnia mea, amicos quoque & benefactores meos, vivos & defunctos. O Iesu fili David miserere nobis, & fac nos omnes serio declinare peccata, & tua implere mandata, ad majorem tuam gloriam, & nostram salutem. Amen.

O R A T I O.

Elegantissima S. Bernardi pro remissione peccatorum.

IN unione doloris tui, quo causam doloris mei assumpisti, & emendationem pro peccatis meis suscepisti, Domine Iesu Christe; cum universitate dolentium, & vere poenitentium, & te in veritate quærentium, confiteor tibi omnia peccata mea, mala commissa, & bona omissa, vel non pure, aut negligenter facta, sicut tu ea nosti in numero, pondere, & mensura, & dies perditos vitæ meæ, in quibus te offendi, & laudem tuam minui, & à te Summo Bono cecidi, & proximum simul in casum traxi.

Suscipe ergo Domine de mea misera vita residuum annorum meorum. Pro his vero quos vivendo perdidi, quia perditæ vixi, cor contritum & humiliatum Deus non despicias. Dies mei declinaverunt & perierunt sine fructu; impos-

impossibile est enim ut revocem eos, sed placeat tibi; ut recogitem eos in amaritudine animæ meæ.

Domine abyssus profundissimæ miseriæ meæ abyssum invocat altissimæ misericordiæ tuæ. Ne contineas in ira miserationes tuas, & fontem inexhaustæ misericordiæ tuæ circa me exsiccare non permittas propter peccata mea, qui misereris omnium; & nihil odisti eorum quæ fecisti, dissimulans peccata hominum propter pœnitentiam.

Tuum est Domine, remittere peccata, miserere mei quia jam tempus est gratiæ & miserationis. Et dum tempus est emendationis, da mereri gloriam benedictionis, ne in die consummationis me feriat verbum maledictionis.

Fac me quæso Domine assueta mala relinquere, & tibi placita opera agere, & studium quod hucusque in peccatis exercui, te adjuvante deinceps in tua voluntate exerceam, ut ubi abundavit delictum, tua gratia reabundet.

Et rogo te per te ipsum, & per amorem piissimæ Matris tuæ gloriosæ Virginis Mariæ, & per intercessionem omnium Sanctorum, atque electorum tuorum, ut ignoscas omnibus peccatis, negligentis, & ignorantis meis; & ne perdas me cum iniquitatibus meis, neque in finem iratus reserves mala mea.

Recordare Domine Iesu, quia tuum non est perdere ex eo quod Pater tuus dedit tibi; sed tuum est proprium misereri semper & parcere; neminem perdere, sed salvare; quia Pater tuus misit te in mundum, non ut judices mundum, sed ut vitam habeamus per te: ut sis pro nobis, non contra nos. Quod enim debuimus, tu solvisti; quod peccavimus, tu luiti; quod negleximus, tu supplēsti.

Proficiat ergo Domine nunc & in extremis meis plenaria, imo superflua satisfactio tua: amara mors tua, & pretium fusi sanguinis tui, renovatio satisfactionis tuæ, venerabile mysterium Corporis & Sanguinis tui, quod tibi quotidie offertur in ecclesia pro salute fidelium; in quo es tu ipse Sacerdos & sacrificium: ille qui offert, pariter, & cui offertur, & hoc ipsum quod offertur, ad promerendum in præsentem gratiam, quam non mereor; ad obtinendum in futuro requiem & gloriam, quam tua amarissima mors impetravit.

Imperfectum meum, Domine, viderunt oculi tui, sed tu pie, misericors & præstabilis super malitia, ne imputes mihi ad æternum supplicium, qui omnia ad summum & perfectum bonum optime & perfectissime & sapientissime præordinasti; & ne permittas me deleri de libro vitæ: sed offer mihi portionem, quæ me contingit, in subsidium, tuæ videlicet pretiosæ Passionis, pro qua hominem voluisti habere tibi cohæredem in terra viventium.

Te igitur, Domine, moveat & inclinet ad misericordiam humanæ fragilitatis consideratio, quia nosti, quæ sit hominis substantia, & quod non vane constitueris hominem super terram. & conserva me opus tuæ pietatis, ne incassum circa ipsum laboraveris, & ne infructuosa sit in me immaculati cruoris tui effusio.

Tu qui es purificationem faciens peccatorum, præsta, ut emundatus à peccatorum sordibus, & illuminatus acie mentis cognoscam te; atque agnoscens in directione cordis mei jugiter ad te tendam & adspirem, ut felici tandem exitu ad te merear pervenire Iesu Christe, qui cum Deo Patre in unitate Spiritus sancti vivis & regnas in sæcula sæculorum. Amen.

C A P. IV.

O R A T I O D O M I N I C A,

Variæ ad usum Pœnitentium accommodata.

M O D V S

Recitandi Orationem Dominicam cum reflexione mentis ad Parabolam Filii Prodigii; eliciendo affectus compunctionis; persequentia vel similia suspiria.

Ex P. Christ. Mayer in Indult.

Pater noster.

O Pater amantissime, qui majori affectu & cura sollicitus es pro filiis tuis licet indignis, quam ullus pater, imo quam mater ulla pro filio uteri sui; Heu quo deveni miser ego culpa mea, & sponte à tali patre discedens; gratiam-

tiamque ejus & bona mihi tam liberaliter concessa dissipans! Eheu fovebar olim velut in sinu dulcissimi Patris mei; nutriebar in domo ejus, mensæ particeps eram; utpote filius, & nihil mihi deerat. Nunc vertor in regione longinqua, inter alienos, & ignotos peregrinus, exul, famelicus & nudus.

1. *Sanctificetur nomen tuum.*

Quot nominibus debui, quot modis potui, sanctificare, redamare, & glorificare te Patrem infinitæ majestatis, potentiae, sapientiae, bonitatis; tot beneficiis præventus, tot subsidiis munitus! Doleo, quod non fecerim! en ex hoc momento totis præcordiis meis quam intentissime desidero id facere in æternum.

2. *Adveniat regnum tuum.*

O quam stulte duram Mundi, Carnis, Diaboli tyrannidem elegi præ dulci jugo tuo! lassatus jam in via iniquitatis & perditionis, quam avide rursus adspiro ad paternum regnum, ad regnum gratiæ, & gloriæ tuæ, ubi pax, & gaudium in Spiritu sancto!

3. *Fiat voluntas tua.*

O quot malorum mihi causa extitit mea propria, perversa voluntas, qua contra sanctissimam tuam voluntatem sic abusus sum, ad reatum poenæ contrahendum, qua uti debebam ad augmentum gratiæ & gloriæ promerendum! non mea, sed tua sanctissima voluntas deinceps semper, & in omnibus, de me, & à me fiat, sicut fit à Beatis in cælo.

4. *Panem nostrum.*

O Pater liberalissime, satians Electos tuos ab ubertate domus tuæ: à quibus ego nimis stulte segregavi me: quanti mercenarii in domo Patris mei abundant panibus, & ego hic fame pereor! Heu nutriebar olim croceis, & pane filiorum; nunc vix siliquis porcorum inanem ventrem impleo. O utinam liceat mihi, si non ut filio, saltem ut mercenario rursus vesci pane gratiæ tuæ!

5. *Et dimitte nobis.*

En prostratus coram te clamo: Pater, peccavi in cœlum, & coram te, jam non sum dignus vocari filius tuus, fac me sicut unum de mercenariis tuis. Doleo, quod unquam offenderim te: ignosce, sicut & ego ignosco omnibus, propter te.

6. *Et ne nos.*

Recepisti me nunc quidem Pater in gratiam cum osculo pacis, constringis me brachiis charitatis; sed nosti infirmitatem meam, obsecro, ne permittas me in æternum amplius separari à te, & abire vagum in desideria cordis mei.

7. *Sed libera nos.*

Præserva, & libera me ab omnibus malis, hujus & futuræ vitæ, quatenus obsunt gloriæ tuæ & salutis meæ promovendæ, ut absque impedimento tibi perfecte serviam in terris, & beate id fruam in cœlis, ubi excluso omni malo, tu eris omnia in omnibus, & summum bonum diligentibus te in æternum. Amen.

O R A T I O D O M I N I C A

adversus septem vitia Capitalia.

ORatio Dominica piorum sensuum fecundissima est, & quasi Panoplia, seu mavis Panarion, adversus pestes & morbos animæ, qui omnes ex infesta septem vitiorum Capitalium radice pullulant. Contra hæc non incongrue adhibetur O R A T I O D O M I N I C A.

Vnde septuplex isthæc malignitas sub figura Bestiæ septem capita habentes in Apocal. describitur, quæ cum abominabilis nimium, & homini infensa sit, nunquam cessat uno vel altero capitum nos impetere; & malitiæ suæ virus in nos diffundere, ita ut cum unum eliditur, alterum se erigat; quo debilitato, aliud convalescat; ac sic sibi invicem succedant.

Imo non raro simul velut agmine factæ nos impugnant, prout homo salutis suæ non incurius subinde expertus novit.

Quare

Quare Salvator, qui hujusmodi luctum nobis ad exercitium virtutis & meriti cumulum reliquit, opportunum nobis remedium ad manum dedit in Oratione sua, quam septem petitionibus, quasi totidem telis instructam nobis tradidit, quibus singulis singula Bestiæ illius capita configamus. Itaque dicendo,

Pater noster qui es in cœlis;

LEva oculos tuos ad Deum, Patrem tuum, qui in cœlis habitat, & alta à longe cognoscit; imo prope est omnibus invocantibus se, & his qui tribulato sunt corde. Cogita ergo, quis & quantus in cœlis sit adjutor tuus, quam potens & bonus; nempe Deus, & ipse Pater tuus. Ne ergo, time in hoc conflictu; confidens de paterno Dei in te affectu, cum Propheta; Dominus Protector vitæ meæ, à quo trepidabo? Et inprimis quidem dicens,

I. Sanctificetur nomen tuum.

Contra primum Bestiæ caput, id est, SUPERBIAM, telum dirige:

Cum enim superbia quæ initium est omnis peccati, instigat nos ad elationem animi, vel studium proprii honoris, laudis, & excellentiæ; sapienter hanc pestem profligamus, si illi omnem laudem & gloriam deferamus, qui solus ex se vere sanctus & magnus est: ideoque merito laudandus, ac glorificandus. Dicamus ergo, *O Pater noster cœlestis, sanctificetur nomen tuum*, non nostrum, *tuum*, inquam, *nomen* sanctum agnoscatur, glorificetur, & laudetur ab omnibus, & per omnia.

Hoc enim vere dignum & justum est; cum è contra nihil indignius sit, quam ut se extollat, vel honorem & laudem appetat homo peccator, pulvis & cinis, putredo, & vermis, usurpando sibi, quod Dei solius est; cum dicat Apostolus, *Soli Deo honor & gloria*. Et propheta humanam gloriam prorsus abhorreat, dicens, *Non nobis Domine, non nobis; sed nomini tuo da gloriam*.

Ergo simili affectu dicamus & nos, *Sanctificetur nomen tuum*. Quia si nos ipsi gloriam nostram non quærimus, erit qui quærat: si Deum solum in omnibus & per omnia ho-

noremus, ille honorantes se honorabit, contementes autem se reddet inglorios & ignobiles. Qui gloriam Deo debitam usurpant sibi, confusio operiet eos.

2. Discussio & eliso superbix capite, plerumque diabolus ad *Avaritia* tentamenta sese convertit, post bonum honestum, utile proponens ac suadens. Itaque inflammat animas desiderio bonorum hujus seculi, & hoc unice laborat, ut homo his acquirendis conservandis tempus & ætatem omnem impendat, in illis spem ponat, & à multis divitiis felicitatem suam æstimet.

Nos è contra penitantes, quam sint hæc vana, caduca, insufficientia ad satiandum cor humanum; promissa tamen à Deo ad necessitatem, etiam non sollicitis nobis, si primum quæramus regnum Dei & justitiam ejus: consultius sane terrenis despectis, erigimus oculos mentis ad illud cœleste regnum; ad illam hereditatem immarcescibilem, incorruptam, & incontaminatam in Cœlis, quam soli merentur accipere, qui divitiis cor non apponunt; qui regnum mundi & omnem ornatum seculi contemnunt: & ad cœlestis regni opes continuo suspirant: orantes ex animo:

Adveniat regnum tuum.

Regnum omnium sæculorum, ubi replebimur in bonis domus tuæ; & satiabimur, cum apparuerit gloria tua: credimus enim videre bona Domini in terra viventium. O quæ & quanta illa! nec oculus vidit, nec auris audivit, nec in cor hominis adscendit, quæ præparavit Deus diligentibus se.

Interim quoque *regnum tuum* justitiæ & gratiæ nobis *adveniat*: quod nos licet pauperes rebus, bonis tamen operibus & meritis divites faciat. Nam pauperem quidem vitam gerimus, sed habemus multa bona, si timuerimus Deum. Vere enim divitiæ non sunt terrenæ opes, sed virtutes, & gratiæ dotes.

3. Sed cavendum, ne expetentibus regnum Dei, languor & torpor obrepat: nec enim *omnis qui dicit, Domine, Domine, intrabit in regnum cœlorum: sed qui fecerit voluntatem Patris qui in cœlis est.*

Ita.

Itaque post devictam Avaritiam, proximum contra *Accidiam* certamen erit. Eam hoc telo pete :

Fiat voluntas tua sicut in cælo & in terra.

Hoc est, utinam sicut Cœlites , ita & nos terræ incolæ eam faciamus. In cœlo summa exultatione laudatur Deus. In cœlo ad obsequium ejus mira promptitudine Angeli assistunt. Utinam hoc simili devotione, alacritate, & promptitudine à nobis fieri posset in terra. Id saltem ex animo velle, multum est coram Deo ; qui bonæ voluntatis inspector est.

4. Quia vero carnis infirmitas cogit nos corporis vires cibo potuque reficere , & huic operi se voluptas admiscet, hac occasione *Gulæ* vitio diabolus nos illaqueare ; & ad excessum in qualitate, aut quantitate cibi, inducere nititur. Quo contra sedulo rogandus nobis est Deus , qui nos creavit natura fragiles , & huic indigentia, restaurandi quotidie per cibum vires , obnoxios ; dicendo :

Panem nostrum quotidianum da nobis hodie.

O clemens Deus , necessaria victus nobis largiri dignare ; & sic nos regere , quantenus causam necessitatis non vertamus in negotium voluptatis ; nec ad vitæ luxum, sed ad naturæ sustentationem, usum earum rerum, quas nobis benigna tua manus largita est, referamus ; carnis impetum, lege Dei & rectæ rationis coërcentes. Dignare etiam nobis dare panem cœlestis sapientiæ, ut gustantes quam suavis sit Dominus , *Gulæ* illebras respuamus ; præ cujus etiam saporis dulcedine omnes corporis delicias , tanquam porcorum siliquas fastidiamus.

5. Sed dum *Gula* refrænatur, plerumque Diabolica malignitas *Ire & Impatientiæ* occasiones machinatur, ut rancoris vitio superati, abstinentiæ fructu spoliemur ; Et Deo redamur invisi, inter ipsa etiam jejunia ; sicut & illi apud *Isaiam* , qui ad lites , ad contentiones jejunabant.

Contra hoc virulentum Bestiæ caput valida manu intorquet telum, qui orat ex animo :

Dimit-

Dimitte nobis debita nostra', sicut & nos dimittimus debitoribus nostris.

Remissionem enim peccatorum indies à Deo petere necesse habemus ; nam in multis offendimus omnes. Si vero Deus iniquitates observaverit, quis sustinebit ? Porro non aliter eam consequemur, quam si in nos peccantibus non irascamur ; sed ex corde dimittamus (tunc quidem libera fronte ac securè dicturi ; Dimitte nobis, sicut & nos dimittimus :

Cujus quidem clausulæ appositio merito nobis timorem & sollicitudinem incutit. Quid enim si non dimittas debitoribus tuis ? quid si minus plene & sincere ? quid si etiam dolose & specietenus ignoscas ; & interim iram animo foveas, & vindictam mediteris ; certe contra te, non pro te Deum invocas, non Patrem habiturus, sed judicem : audiesque, Ex ore tuo te judico, serve nequam, vis dimitti tibi, sicut tu dimittis, &c.

Nos ergo cautiores facti, faciamus quod monet Dominus: *Cum stabitis ad orandum, dimittite, si quid habetis adversus aliquem.* Alioquin, si homo homini reservat iram, quomodo à Deo quæret medelam ?

6. Quod si lenes animo, & ad omnem injuriam placabiles esse didicerimus, curandum restat, ne hæc lenitas in mollitiem quandam & remissionem animi degeneret, & sic in *luxuriam* carnis diabolus nos sensim inducat.

Videntes itaque hoc tam detestabile malum *Luxuria* longe latèque per humanum genus dominari ; ita ut non minus hodie, quam olim omnis caro corruperit viam suam, vehementer habemus ab hoc pestifero Bestiæ capite time-re, cum Sapiens dicat: *Multos vulneratos dejecit, & fortissimi quique interfecti sunt ab ea.* ideo Deum supplices Adjutorem imploremus, nisi Deus dederit. Oremus ergo,

Et ne nos inducas in tentationem.

Hoc est, ne nos ad resistendum fragiles induci permittas, quia si viribus nostris relinquimur, absque dubio inducimur & superamur : ea est nostra in malum pronitas.

7. Sed quamvis in congeressibus præmissis improbus inimicus frustrari sese senserit, nihilominus non desistit; illo tandem sibi propriissimo vitio, *Invidia* scilicet veneno, (*nam invidia diaboli mors introivit in orbem terrarum*) animam perimere studens, ut proximi prosperitas in nostram cedat crucem & torturam.

Vnde fit, ut non rectis oculis adspiciamus proximum nostrum, dolentes de rebus ejus prosperis; & de adversis gaudentes. A quo pessimo & diabolico vitio petimus in fine liberari, dicendo:

Sed libera nos à malo;

Invidia scilicet, quod perfecte malos efficit: quia veneno, quo ille extreme Malus plenus est, inficit & incendit. Quid autem pejus, quam bonum alterius in suum vertere malum, qui congaudentes alieno bono, illud quasi suum reddere poterant, & sic ipsiusmet ex eo fieri melior; felicior ac summo Bono vicinior, digniorque.

O R A T I O D O M I N I C A

ad DEVM PATREM recitanda;

Vt per virtutes & merita Filii ejus, nostra vitia
& defectus expientur.

Pater noster.

O Sanctissime Pater; per immensam illam charitatem, qua dedisti nobis, ut filii Dei nominemur & simus, rogo Te ex imo corde, ut clementer ignoscas mihi, quod te amantissimum Patrem meum hætenus debito honore & filiali amore prosequi neglexerim; sed te peccatis meis frequenter & graviter offenderim; teque ex corde meo, in quo velut in coelo & folio tuo, propriam sedem habere debueras, peccatis meis sæpius turpiter ejecerim.

O clementissime Pater, respice in faciem Christi Filii tui & miserere mei. Rogo in unione illius infinitæ charitatis, qua ab æterno Filium tibi coæqualem genuisti; & tempore præordinato hominem fieri pro nobis voluisti: Rogo in virtute abundantissimæ satisfactionis, quam idem dilectissi-

mus

mus Filius tuus, & innocens frater noster Iesus Christus, tibi pro me præstitit, ut ardentissimam charitatem divini cordis illius, una cum dignissima laude & honore, quem in summa humilitate tibi exhibuit, benigne suscipias, in compensationem omnium peccatorum & defectuum meorum.

1. Sanctificetur nomen tuum.

O dulcissime Pater, obsecro te, ex omni affectu cordis mei, parce mihi, quod sanctissimum nomen tuum, non eo, quo par erat religionis cultu, honore, & reverentia sanctificaverim: imo etiam sæpe contumelia affecerim; Christianum quoque nomen, quod gratia tuâ gero, moribus indignis tam foede sæpius deformaverim.

O summe Pater, obsecro te, ut in expiationem omnis culpæ meæ digneris accipere absolutissimam vitæ sanctimoniam charissimi Filii tui, in qua ipse benedictum Nomen tuum glorificare, & tot signis, miraculis, sermonibus & operibus, triginta tribus, & amplius annis, quibus vixit in terris, laudare ac sanctificare unquam intermisit.

2. Adveniat regnum tuum.

O Pater misericordiarum, rogo Te, ignosce mihi clementissime, quod Te cœli terræque Regem & regnum tuum æternum, in quo solo est vera pax, requies & gaudium, nunquam eo quo decuit ardore, & zelo quæsierim. Rogo dulcissimam clementiam tuam, ut sanctissimos labores gratissimi Filii tui, quibus me & omnes homines sibi in regno tuo cohæredes fecit suscipere digneris, pro omnibus negligentis & defectibus meis, quos ego infelix admisi, dum, quæ sursum sunt, tam negligenter quæsi & sapui; tam vero ardentem, quæ super terram.

3. Fiat voluntas tua.

O misericordissime Pater, ignosce mihi quæso pro infinita bonitate tua, quod divinam & altissimam voluntatem tuam, meæ, ut debui, non semper prætulim: toties velle meum, quod semel tibi devoveram, de uno per peccatum

usur-

usurpaverim : & piissimam voluntatem tuam circa me factam minus promptè, reverenter, & libenter amplexus sim.

Obsecro Te, ô æterne Pater, ut promptissimam resignationem cordis, amantissimi Filii tui, & perfectissimam ejus obedientiam, quâ tibi factus est obediens usque ad mortem crucis, suscipere digneris in emendationem omnis meæ inobedientiæ, & prævaricationis mandatorum tuorum.

4. *Panem nostrum.*

O largissime Pater, qui aperis beneficam manum tuam, & imples omne animal benedictione, adeoque & me licet indignum pascis à juventute mea, tot corpori meo, tot animæ bona tam liberaliter providens? Precor ex totis cordis visceribus, Parce mihi, quod dona & beneficia tua, tum ad corpus, tum ad animum nutriendum spectantia, tam ingratus accepi, toties iis ipsis ad tui injuriam, & meam damnationem abusus sum; dum vel iis nimium cor apponerem; vel iis inordinate fruerer, vel pro illis debitas tibi gratias non persolverem.

Obsecro Te, mi Pater, per amorem Filii tui unigeniti, ut ipsius jejunia, famen, sitim, & mirabilem abstinentiam, omnesque gratiarum actiones, quas ipse cibum sumpturus offerre solitus est, accipere digneris in compensationem omnis meæ incuriæ & ingratitude, quam unquam in donis & beneficiis tuis percipiendis admisi.

5. *Et dimitte nobis.*

O Pater immensæ bonitatis, si debita & iniquitates nostras observaveris, quis sustinebit? adeo in multis offendimus omnes. Itaque rogo te, per æternum amorem tuum, ut clementer ignoscas mihi, quidquid unquam, aut uspiam quomodocunque deliqui; aut si forte peccantibus in me non plane juxta præceptum dimisi; vel inimicos meos non ex corde dilexi?

O justissime Deus, rogo Majestatem tuam, ut, in satisfactionem suscipias infinitum pretium Sanguinis, & affectuosissimam orationem dilectissimi Filii tui, qua pendens in Cruce, inimicis suis à te ignosci postulavit.

6. *Et*

6. *Et ne nos inducas, &c.*

O benignissime Pater, ignosce mihi, per inæstimabilem charitatem tuam, quod concupiscentiis, & pravis desideriis hætenus, non satis diligenter & serio resistere conatus sum; sed magis Mundo, Carni, ac Dæmoni mala suggerentibus consenserim. Vnde merito variis malis factus sum obnoxius. Precor, ô Domine, si divinæ providentiæ tuæ consilio, vis me subinde tentationes sentire; nunquam tamen permittas consentire. Digneris quæso, ô potentissime Deus gloriosam victoriam Christi, Fili tui, qua Mundum, Satanam, Carnemque subegit una cum sanctissima conversatione ejus, omnibusque laboribus, & doloribus illius suscipere, in supplementum omnis negligentiae & fragilitatis meæ; adæoque me liberares ab omni Malo, & perducas ad omne Bonum quod utique alibi non est, nec aliud, nisi tu SOLUS & VNUS, ô Deus meus, & OMNIA. Amen.

C A P. V.

Instructiones & Exercitia pro Confessione sacramentali.

Brevis instructio Confessionis utiliter instituendæ.

INter ascetica seu pia vitæ exercitia nullum frequentius confessione: sed cujus in multis exiguus aut nullus est fructus, quia non tam vere pietatis & melioris vitæ studio, quam pro consuetudine obiter & perfunctorie peragitur.

I. Itaque cogita, quod pia sacramenti Pœnitentiæ frequentatio sit medium facillimum brevi magnos faciendi progressus in Via perfectionis. Nam 1. per eam peccata & peccandi affectus, exnuuntur. 2. Virtutis & profectus spiritualis studium excitantur. 3. Oratio & Dei charitas augetur. 4. Conscientiæ puritas, tranquillitas & securitas acquiritur; horror mortis minuitur, &c.

II. Excita, seu renova fervens Desiderium, firmumque propositum debita cum dispositione, cura, ac devotione hoc sacramentum Pœnitentiæ obeundi; idque intnendo,

1. Finem hujus sacram. Adeo pretiosum; qui est Venia peccatorum, curatio languorum animæ, Renovatio fervoris, Augmentum meritorum gratiæ, gloria, &c.

2. Modum adeo facilem & efficacem merita Christi sibi applicandi, tantosque divine gratiæ thesauros participandi, per crebrum, serium, affectuosum hujus sacramenti usum.

3. Incitamenta huc utilia, qualia sunt, Dei voluntas, qui unice desiderat sanctificationem nostram; Divinorum beneficiorum multitudo, Peccatorum gravitas, Vitæ brevitæ, Temporis gratiæ incertitudo, Districti iudicii metus, Aternitatis horror, Pœnarum alterius vitæ acerbitas. &c.

III. Pete efficacem Dei gratiam, qua agnoscas, detesteris, aperias, & emendes peccata tua, per infinitam Dei misericordiam, quæ tam benigne te ad poenitentiam expectat & excitat, &c.

IV. Revoca in memoriam peccata tua certa quadam Methodo, qua juvari solet memoria. Vide ubi in Deum, in Teipsum, in Proximum peccaveris; cogitatione, verbo, opere. Eaque collige Breviter, misis generalibus, & impertinentibus, seu non necessariis, & quæ sub conditione à plerisque narrari solent, & quæ ad excusationem sui magis, quam accusationem spectant. Integre, explicando omnium peccatorum, quæ conscientiam gravant, species, numerum certum, aut verisimilem, & circumstantias necessarias, mutantes speciem, &c. Clare, certis, simplicibus & perspicuis verbis singula exprimendo. certa à dubiis, materiam gravem à levi, actum de liberatum à subreptione, seu advertentiam ab inadvertentia; consensum plenum à semipleno, &c. secernendo.

V. Potissimum circa veram cordis Contritionem labora; Vt de his, omnibusque peccatis totius vitæ doleas ex solo & puro Dei amore, &c.

2. Vt firmum & constans propositum concipias, hac omnia præsertim magis voluntaria, & in quæ sæpius impingis, serio emendandi, occasiones eorum & pericula cavendi: Deo deinceps perfectius serviendi & placendi. Et hac omnia cum filiali fiducia paterne Dei misericordie, &c. Porro utilissimum erit, si assuescas frequentare hunc actum contritionis; præsertim ante orationem, in pericula lapsus, post lapsum: in tentatione, ante somnum, idque vel unico suspirio. O Iesu amo Te, & doleo ex corde, quia offendi Te,

R E M E D I A

quædam communiora defectus & vitia emendandi.

I. Concipe, & sæpius renova serium & fervens propositum cavendi omnia peccata, maxime ea in quæ pronior es.

II. Mane protestare coram Deo contra molestiores tentationes, & procliviores lapsus, detestando eos; ac contra voluntatem tuam esse ac semper fore, firmiter decernendo.

III. Premeditatione practica ante quodvis opus majoris momenti utere, cum renovatione Intentionis, & Propositi, emendandi consuetos defectus, & petitione grati, idque fiat saltem per brevissima suspiria.

IV. Attende scopum seu finem cujusvis operis, & cave sollicitè, ne aberres, vel impingas in defectus tibi familiares. Serio age, quod agis.

V. Exercitium presentie Dei in omnibus adhibe, crebra & affectuosa ad Deum suspiria ejaculans.

VI. Intuere Christum uti vivum speculum & exemplar omnium perfectionis, & imitari nitere, excitans te ipsum, eo ipso quod geris, nomine Christiani.

VII. In tentationibus recurre statim filiali affectu & fiducia ad Iesum, ejusque dulcissimum cor, & sacra vulnera. Item ad sinum dulcissimæ Matris Virg. Maria, sic facile evanescet omnis tentatio. Renova quoque protestationem manè factam contra ejusmodi suggestiones & tentationes. Heroice te resigna. Tempestivè te manifesta Patri spirituali, pete consilium, & sequere.

VIII. Renova zelum extirpandi radices has N. vel illas N. peccatorum, per examen particulare; per exercitium mortificationis, &c.

Oratio preparatoria ante Confessionem Sacramentalem.

Conditor cœli & terræ, Rex Regum, & Dominus dominantium; qui me de nihilo fecisti ad imaginem & similitudinem tuam, & me proprio tuo Sanguine redemisti: quem ego peccator non sum dignus nominare, nec invocare, nec corde cogitare.

Te

Te suppliciter deprecor, & humiliter exoro, ut clementer respicias me servum tuum nequam. Et miserere mei, qui misertus fuisti mulieris Chananæ, & Mariæ Magdalenæ; qui pepercisti publicano, & latroni in cruce pendenti.

Tibi confiteor, Pater piissime, peccata mea; quæ si volo abscondere, non possum, tibi Domine: parce mihi Christe, quem ego nuper multum offendi cogitando, loquendo, operando, & in omnibus modis, in quibus ego fragilis homo & peccator peccare potui, mea culpa, mea culpa, mea maxima culpa.

Ideo, Domine, preeor tuam clementiam, qui de cœlo pro mea salute descendisti: qui David à peccati lapsu erexisti, parce mihi Domine, parce mihi Christe, qui Petro te neganti pepercisti. Tu es Creator meus, & Redemptor meus; Dominus meus, & Salvator meus; Rex meus, & Deus meus.

Tu es spes mea, & fiducia mea; gubernatio mea, & auxiliatio mea; consolatio mea, & fortitudo mea; defensio mea, & liberatio mea; vita mea, salus mea, & resurrectio mea; lumen meum, & desiderium meum; adjutorium meum, & patrocinium meum,

Te deprecor & rogo, adjuva me, & salvus ero; governa me, & defende me; conforta me, & consolare me; confirma me, & lætifica me; illumina me, & visita me. Suscita me mortuum, quia factura & opus tuum sum.

Domine, ne despicias me, quia famulus & servus tuus sum, quamvis malus, quamvis indignus & peccator; sed qualicumque sim, sive bonus, sive malus, semper tuus sum. Ad quem ergo fugiam, nisi ad te vadam? Si tu me ejicis, quis me recipiet? si tu me despicias, quis me adspiciet?

Recognosce me ergo indignum ad te refugientem, quamvis sim vilis & immundus: quia si vilis & immundus sum, potes me mundare: si cæcus sum, potes me illuminare: si infirmus sum, potes me sanare: si mortuus & sepultus sum, potes me resuscitare: quia major est misericordia tua, quam iniquitas mea: major est pietas tua, quam impietas mea: plus potes dimittere, quam ego committere; & plus parcere, quam ego peccare.

Non ergo despicias, Domine, neque attendas multitudinem iniquitatum mearum; sed secundum multitudinem miserationum tuarum miserere mei, & propitius esto mihi maximo peccatori.

Dic animæ meæ: Salus tua ego sum: qui dixisti, Nolo mortem peccatoris, sed magis ut convertatur & vivat. Converte me Domine ad te, & noli irasci contra me.

Deprecor te clementissime Pater, propter misericordiam tuam supplico & exoro, ut perducas me ad bonum finem, & ad veram pœnitentiam, puram confessionem, & dignam satisfactionem omnium peccatorum meorum, Amen.

Oratio ante confessionem Sacramentalem.

Domine Deus, qui illuminas omnem hominem venientem in hunc mundum, illumina quæso splendore gratiæ tuæ cor meum, ut sufficienter cognoscam defectus & peccata mea, eaque cum vero cordis dolore & contritione confitear, sicut oportet coram te, & sacerdote ministro tuo, ac plene pro iisdem satisfaciam, eaque emendem, ad laudem & gloriam tuam, & benedictæ Matris tuæ, ac Sanctorum omnium, ac salutem animæ meæ, Amen.

Oratio post confessionem.

Gratias tibi ago pientissime Iesu, quod me indignum peccatorem ad pœnitentiam patienter expectaveris, veniam & indulgentiam peccatorum mihi clementer concesseris. Suscipe obsecro hanc humilem confessionem meam quam feci, & quicquid mihi nunc defuit ad plenam & synceram enumerationem peccatorum meorum, & convenientem pro iisdem dolorem, tu ex fonte misericordiæ tuæ, ac thesauro passionis tuæ benignè supplere digneris, meque perfectè absolutum habere in cœlis: & præsta auxilium gratiæ tuæ; ut deinceps peccata devitem, ac fidelius tibi serviam, intercedente gloriosa Virgine genitrice tua Maria, & omnibus sanctis, qui tibi placuerunt ab initio mundi: juravi enim & statui deinceps custodire iudicia ju-

stitiæ

flitiæ tuæ, te adjuvante, qui vivis & regnas Deus in sæcula sæculorum, Amen.

Alia Oratio ante confessionem Sacramentalem.

SVſcipe confessionem meam, piiffime ac clementiffime Domine Iefu Chriſte, unica ſpes ſalutis animæ meæ, & da mihi, obſecro, contritionem cordis, & lacrymas oculis meis, ut defleam diebus ac noctibus omnes negligentias meas cum humilitate & puritate cordis.

Appropinquet oratio mea in conſpectu tuo Domine. Si iratus fueris contra me, quem adiutorem quæram? quis miſerebitur iniquitatibus meis? Memento mei Domine, qui Chananæam & Publicanum vocaſti ad pœnitentiam, & Petrum lacrymantem ſuſcepisti. Domine Deus meus, ſuſcipe preces meas.

Salvator mundi, Iefu bone, qui te crucis morti de diſti, ut peccatores ſalvos faceres, respice me miſerum peccatorem invocantem nomen tuum: & noli ſic attendere malum meum, ut obliſcaris bonum tuum: & ſi commiſi unde me damnare potes, tu non amiſiſti unde ſalvare ſoles.

Parce ergo mihi, qui es Salvator meus, & miſerere peccatrici animæ meæ: ſolve vincula ejus, ſana vulnera. Domine Iefu, te deſidero, te quæro, te volo: oſtende mihi faciẽm tuam, & ſalvus ero.

Emitte igitur, piiffime Domine, meritis puriſſimæ & immaculatæ ſemper Virginis Genitricis tuæ Mariæ & Sanctorum tuorum, lucem tuam, & veritatem tuam in animam meam, quæ omnes defectus meos in veritate mihi oſtendat, quod confiteri me oportet, atque juvet & doceat ipſos plene & contrito corde explicare. Qui vivis & regnas cum Deo Patre.

Oratio poſt Confessionem.

SIt tibi Domine, obſecro, meritis beatæ ſemper Virginis Genitricis tuæ Mariæ, & omnium Sanctorum, grata & accepta iſta confeſſio mea, & quidquid mihi deſuit, nunc & alias de ſufficientia contritionis, de puritate & inte-

gritate confessionis, suppleat pietas & misericordia tua: secundum illam digneris me habere plenius & perfectius absolutum in coelo. Qui vivis & regnas.

ACTVS CONTRITIONIS,

ad remissionem peccatorum obtinendam efficax ; in formam orationis redactus.

Porro circa eum observanda sequentia :

1. *Actus fidei.* 2. *Dolor de peccatis.* 3. *Amor Dei super omnia.*
4. *Proposuitum de futuro.* 5. *Oblatio sui per Christum.* 6. *Spes veniae per Christum.* 7. *Petitio gratiae & auxilii Dei.*

Domine Iesu Christe, verus Deus & homo, Creator ac Redemptor meus.

2. Pœnitet me ex toto corde, quod offenderim te, Dominum & Deum meum,

3. Quem amo super omnia.

4. Et propono firmiter amplius non peccare, omnesque peccandi occasiones devitare, confiteri & implere pœnitentiam, quæ mihi fuerit injuncta,

5. Et in satisfactionem peccatorum meorum offero tibi sacratissimam vitam, Passionem, ac mortem tuam, totumque pretium sanguinis tui pro nobis effusi, merita quoque B. Mariæ semper Virginis, & omnium Sanctorum, atque omnia opera mea, & totam vitam meam.

6. Et confido in bonitate & misericordia tua iusfinita, quod per merita pretiosi Sanguinis tui, mihi remissurus sis omnia delicta mea.

7. Et gratiam uberem largiturus, qua vitam sanctè instituire, tibi que perfectè ulque in finem servire valeam. Qui cum Patre sanctoque Spiritu vivis ac regnas Deus in sæcula benedictus, Amen.

Admonitio de Actu Contritionis.

CONTRITIO adeo res est pretiosa & efficax, ut momento vel mille, gravissima etiam, peccata extinguat, hominem Deo reconciliet; ac beatam aeternitatem peccato deperditam recuperet, si quæ (sublata Confessionis occasione) sic mori contingat. Cor con-

contritum & humiliatum Deus non despiciet. *Contritio vero maxime nititur amore Dei super omnia, continetque tres actus :*

PRIMVS, est Dolor ob offensum Deum, qui dignissimus est, ut ab omnibus, super omnia ametur, & colatur.

Amici bonum, quod quovis lethali peccato perditur, infinitum est, majus omnibus bonis : hinc & malum quod quovis lethali peccato incurritur, infinitum est, majus malis omnibus: proinde tanti boni jactura, & mali tanti permissio, majorem merito dolorem incutiat, quam si bona cuncta vite presentis, valetudo, fama, vita, cetera omnia sint perdit a. Interire millies, jocus est, si æternis inferorum ignibus conferatur, quibus nos peccatum vel unicum obstringit.

SECUNDVS, est propositum, non amplius delinquendi, atque si quid inique sit acquisitum, restituendi.

Ex hoc firmo animi decreto, ita paratum se quis offert ad omnes Dei leges servandas, ut dicat: Dixi, Domine, custodire legem tuam : quicquid precepisti, ô mi Deus, faciam quam possum integerrime.

TERTIVS, est Spes veniæ, & Petitio gratiæ ad seriam vitæ emendationem.

Accusare se, & se non emendare, est Deum tentare : nec quicquam valet, à malis veniam postulare, & mala de novo iterare. Sanguis autem & mors Domini Iesu hanc nobis fiduciam ingerit, ut hæc speremus, petamus tanta, seriam scilicet emendationem vitæ post tam graves ac multiplices offensas.

Accusatio sui :

Et propositum emendandæ vitæ, ubi quis in culpam, quam sciverat sibi maxime cavendam, relapsus est.

O Mi amantissime Deus, ego ingratus, ego perditus homo ad te redeo, postquam satis à te per illicita sum evagatus : nunc te amicum quæro, quem ipse mihi hostem feci. Iterum deliqui : & post tot jam casus, iterum cecidi. Ah! Domine, in culpam illam, quam sciebam tibi plurimum displicere, mihi maximè nocere, in hanc ipsam iterum relapsus sum.

Quantum mihi hæc cavenda esset, præsciebam, & tamen non cavebam. Ita Majestatem tuam ô Deus offendi ; gra-

tiam tuam perdidisti, coelum amisi, meipsum damnavi, & quam ob causam? ob rem nihili, & meram vanitatem: quid enim aliud est voluptas illa, quid commodum illud, &c. quæ captabam?

Scio, Domine, tu mihi super omnia es amandus: agnosco, mi Deus, quod lex tua & tuus honor, cariora mihi esse debeant creatis omnibus, & tamen tam perditè meipsum amo, ut meum honorem, lucellum meum, meamque libidinem, tibi, tuæ legi, tuoque honori prætulerim jam sæpissimè.

Ah! quam adhuc carnalis sum! & licet ego negem, opera mea loquuntur. Mundus non tantum mihi nondum crucifixus est, sed totus in me vivit & spirat, plenus sum pravis motibus, foedis concupiscentiis, desideriis, & infinitis miseriis: & tamen humilior; quin æstimari & præferri gaudeo.

Vita mea merus est Euripus, merissima inconstantia, & mutabilitas: sensus mei exteriores, quoquò volunt, liberri-
mè exipatiantur: quam variæ, & quam foedæ imagines animi meum sæpius incurfant! Quam ego, ô mi Deus, dura & immobilis cautes sum, cum de pœnitentia agitur! ad loquendum quam promptus & incautus! surdus ad monita salutis; ad fabulas & nugas avidus: quæ coelum & Deum concernunt, nimis peregrina mihi sunt & fastidiosa; quæ ad terrena lucra, & corporis comoda spectant, facillimè apprehendo.

Cum orandum est, totus nauseo; cum epulandum, totus inhio. ad cultum divinum testudo sum, ad lulum & jocos aquilâ velocior. ad honesta repo, ad vetita volo. ad invdiam & suspiciones pronissimus sum, ad excusationem alienæ imperfectionis perdifficilis. mihi mollis & lenis sum, aliis durus & rigidus. Vix tangor, & en irator, & ferio; certè lingua, cum manu non possum. Nemo me lædit, in quem non ultionem mediter & vindictam.

Concupiscentiæ ignes, ô Deus tu nosti, quam mihi sint vicini: hic ego quidem dissimulo & tego, tibi tamen, ô Mundi oculo, aperta sunt omnia: nullum cordis secretum est, quod tibi celari possit. O quoties, & quanta facturum me

me propono & spondeo : mox omnia in ridiculum , imò in flagitiosam oblivionem evanescent.

Iure igitur doleo , me dolenda toties committere : imò vel hoc ipsum doleo , me non magis dolere , nec satis , ut par est , propriam sentire miseriam.

Et quamvis hætenus ad omnem pietatem lentissimus fuerim , & heu nimis alacer & festinus ad vitia , tamen talis deinceps esse nolo. Ego non ero ego. Non ego qui fui. *Dixi, nunc cæpi*, iter ad cælum nemo bene perficit , nisi qui qui quotidie incipit.

Igitur firmissimè statuo , ope tua Domine , confisus , priores culpas illas , & omnem peccandi occasionem quam diligentissimè cavere. ô sit hæc mutatio dexteræ Excelsi !

Dominus meus, & Deus meus, ô cor mundum & castum in me crea : innova , oro , in me spiritum rectum , ut tandem aliquando vitam seriò emendem , ex animo te amem , & ad finem vitæ sic perseverem.

F O R M V L A

Excitandi affectus pios Gratitude , contritionis, &c. tum ante , tum post Confessionem.

Ex P. Christ. Mayor. in Indust.

O Iesu Deus cordis mei , infinitè misericors , & longanimis , infinitè suavis , & amabilis , quomodo cum Patre & S. Spiritu multiplicas super me , inter cæteros Electos tuos inæstimabiles divitias misericordiæ , longanimitatis , bonitatis , & caritatis tuæ , hucusque toties me tam ingratum cum Petro respiciendo ; toties me indignum cum Magdalena longe à te aberrantem in viam salutis revocando ; toties tam immundum in sanguine tuo dealbando ; toties tam prodigum filium in osculum pacis recipiendo ; toties tam infidelem sponsam in intimam familiaritatem invitando.

Verè miserator & misericors es Domine , patiens , & multum misericors. Verè suavis es universis , & miserationes tuæ super omnia opera tua. Confiteantur tibi omnia opera tua ; maximè opera misericordiæ & pietatis , & Sancti tui

miserationes tuas experti , benedicant tibi , misericordias tuas æternum cantantes.

Agnosco, veneror, amplectorq; viscera misericordiæ tuæ tantæ erga me, Electosque omnes, comprehensores, & viatores; atque illorum, omniumque possibilium creaturarum possibili affectu gratias ago, agamque æternum pro ineffabili illo æternæ dilectionis excessu, quo me inter illos à tot peccatis, in quæ incidissem, clementer præservasti; in tot quotidie toties labentem tam longanimitè tolerasti; tam misericorditer ad pœnitentiam lapsum exstimulasti, tam benignè pœnitentem in gratiam recepisti : insuper mihi tam liberaliter efficacem voluntatem resipiscendi copiosam gratiam sanctius deinceps vivendi, & firmam spem perseverandi gloriamque consequendi, communicare hucusque dignatus es.

Pro his aliisque innumeris bonitatis tuæ beneficiis, utinam tota vita laudassè te, & gratias egissè! Utinam te infinito honore & amore dignissimum semper amassè & glorificassè! Utinam nunquam offendissem, nec offenderem posthac in æternum!

Sed eheu, quam parum agnovi, amavi, glorificavi te, ô Bonitas infinita; quid retribuì tibi pro omnibus quæ retribuisti mihi, præter innumeras offensiones, ingratitude, negligèntias Doleo de his & de omnibus, & singulis totius vitæ peccatis, ex animo, non propter supplicii metum; aut gloriæ detrimentum: sed purè propter te Deum meum infinite amabilem, quia tibi quem diligo diligamque æternum, super omnia, displicent.

Ardenter desidero, firmiterque propono, emendare omnia peccata mea, maxime hæc N. cum gratia tua per hæc media, & novo fervore me totum tuo impendere servitio, &c.

Per eandem benignitatem & charitatem tuam infinitam, qua cum Patre & Spiritu sancto, ô Bone Iesu, me ingratum peccatorem, & pœnitentes omnes toties oculis misericordiæ tuæ tam benigne respexisti, longanimitè tolerasti, in sanguine tuo dealbasti, & nunc respicere, tolerare, & dealbare non desinis, memento & miserere
totius

totius ecclesiæ tuæ sanctæ, ejusque capitum & membrorum, &c.

O Regina Sanctorum omnium, Mater Dei, & virgo, S. Angele custos, Sancti Patroni mei N. omnesque Electi benedicite, laudate, & superexaltate Dominum mecum, & pro me, pro hoc aliisque beneficiis mihi, & vobis, omnibusque collatis, & conferendis in æternum gratiamque impetrate, illum nunc perfectè glorificandi in via, olim beatè vobiscum in patria; æternum illi cum Cherubim & Seraphim accincentes: Sanctus, Sanctus, Sanctus, Dominus Deus Sabaoth. Benedictio & charitas, &c.

Alia Formula pulcherrima excitandi affectus
post Confessionem,

Ex eodem: ibid.

I. **O** Iesu infinite amabilis, unde mihi tam vili terræ vermiculo, tam immundo peccatori, tam ingrato servo, tam prodigo filio, tam infideli sponsæ tanta miseratio tantæ benignitatis: tanta dignatio tanto majestatis, tanta dilectio tantæ charitatis, ut me toties à te longe aberrantem oculis misericordiæ tuæ respicere, erroneum reducere, cæcum illuminare, lapsum erigere, & ad pacis osculum invitare digneris? Sanctus, Sanctus, Sanctus, Dominus Deus Sabaoth.

Agnoscaris, ameris, & glorificeris infinitè, infinities ab omnibus, in omnibus, super omnia, gratis, propter te in æternum, & ultra.

Quomodo multiplicas super me hucusque misericordiam, charitatem, & bonitatem tuam! Agnosco, veneror, amplector: omniumque creaturam possibilem possibili affectu gratias ago, agamque in æternum.

Quam parum & imperfectè te infinito honore, amore, obsequio dignissimum redamavi; glorificavi, insuper quoties sic N. offendi! Agnosco, detestor ingratitude meam tantam ergate, atque ex animo doleo propter te. Ignosce, supple per te. Ex momento hoc te tuumque sanctissimum beneplacitum brachiis dilectionis, & omni possibili

sibili pietatis affectu (licet me velles annihilare, aut reprobare, quod infinita bonitas tua non permittet) arctissime constringo, constringamque in æternum.

Da ut sciam, velim, possim id perfectè præstare, sicut scis & vis; & omnes mecum, per lacrymas, sudorem, & sanguinem tuum.

Iesu Deus cordis mei, da gratiam omnia peccata, maxime hoc N. emendandi; in hac N. virtute proficiendi, hoc N. opus reformandi: in sancta vocatione perseverandi.

Fac, ut in te vivam, in te moriar, in te perennem: sim obsecro totus tuus, & tu meus, ô Iesu, in æternum, per merita tua, beatæ Virginis & omnium SS.

Hic Pænitentiam injunctam per solve.

II. Similem gratiam, indulgentiam, misericordiam omnibus, pro quibus mori dignatus es, & pro quibus maxime orare teneor, & soleo, præsta, ô Bone Iesu, per infinitam charitatem tuam, per lacrimas, sudorem, & sanguinem tuum, per merita Beatæ Virginis Matris tuæ, & omnium Sanctorum.

Defunctis requiem concedendo, ut à peccatis expiati, & in refrigerium educti, pro me ingrato peccatore, te perfectissime ament, laudent & glorificent.

Iustos in gratia constitutos conservando, promovendo, adjuvando, ut in sanctitate, & justitia tibi servientes omnibus diebus vitæ suæ eant de virtute in virtutem, donec beatè videaris ab eis in cœlesti Sion.

Peccatores omnes oculis misericordiæ tuæ benigne respiciendo, agnitionem, timorem, & amorem tui misericorditer convertendo, ut & ipsi dealbati in sanguine tuo, misericordias tuas nunc in terris, olim in Cœlis, cum Beatis omnibus decantent in æternum.

D. D O M I N I C I
C A R T H V S I A N I .*Exhortatio ad Pœnitentiam.*

Homo Dei creatura,
Cur, in carne moritura,
Est tam parva tibi cura
Pro æterna gloria?

Illa quanta sit si scires,
Præter eam nil sitires;
Nec mundana sic ambires,
Vana, transitoria.

• Et si poenas infernales
Agnovisses, quæ, & quales;
Tuos utique carnales
Appetitus frangeres:

Et innumera peccata,
Dicta, facta, cogitata,
Mente tota consernata
Merito deplangeres.
Tot sunt gaudia Sancto-
rum,

Tot tormenta reproborum,
Quod immanitas amborum
Nullo sensu capitur:

Donec anima post mor-
tem,
Aut bonorum sumat for-
tem,

Aut malorum ad cohortem
Improvisè rapitur.

Quando caro sepelitur,
Heu de spiritu nil scitur:
Vtrum gaudet, an punitur,
Non fit magna mentio.

Luctus quidem simula-
tur;

Sed substantia vastatur,
In propinquis generatur
Zelus & contentio.

Mors est bonis, mors est
malis,

Sed fors nimis inæqualis
Subinfertur, æternalis
Vitæ, vel interitus.

Exsequiæ si celebrantur,
Si vel noti convivantur,
Ni defuncto suffragantur,
Si tunc est immeritus.

Nullum tempus poeni-
tendi,

Mora nulla revertendi,
Nec tunc locus fugiendi
Miseris supererit.

Si vis sursum, detrahêris,
De abyssis extrahêris,
Iudici ut præsentêris;
Nihil tibi proderit,

Iesum si non dilexisti,
Nec Mariæ servivisti,
Nec patronum quæsisisti
Tibi in subsidium;

Quis orabit pro delicto?
Quis iudicio tam stricto
Fiet in præsidium?
Quis spondebit pro convi-
cto?

Pacis Angeli adstabant,
Sicut scriptum est, plora-
bunt;

Iustam

Iustam tamen approbabit
Iudicis sententiam.

Et quod sonat magis dure,
Omnes Dei creaturæ
Aggravabunt iusto jure
Ream conscientiam.

Sed hæc factis ex sce-
ftis

Ipsa sui fiet testis.
Nullam iudicis in gestis
Intuens injuriam.

Tunc horribiles tortores,
Tot incutient terrores,
Vt jam sentiens dolores
Vertatur in furiam,

Tunc à nobis reprobata,
In seipsa desperata,
Anima sic desolata
In profundum mergitur.

Vbi chaos obfirmatur,
Numquam ut egrediatur,
Sicut Abraham testatur,
Huc illuc non pergitur.

O quæ lingua vel narra-
re,

Vel quis sensus cogitare,
Quis vel audet numerare
Mala multiplicia,

Quæ damnandis sunt pa-
rata,

Et diversis deputata,
Prout singula peccata
Exigunt & vitia?

Ignis, frigus procellarum,
Sulphur, foetor tenebra-
rum,

Ingens luctus animarum,
Pars earum calicis.

Sempiterna mors, dra-
cones,

Fames, dæmones, bufones,
Amarissimos agones
Superaddunt miseris.

Tot sunt loca tenebrosa,
Tot tormenta monstrosa,
Quot hæc terra spatiosa,
Atque visibilia,

Quasi parum sint miran-
da,

Nec ad illa comparanda:
Ista quippe enarranda,
Hæc indicibilia.

Sic lætitia Sanctorum,
Iucunditas Angelorum,
Dei gloria Deorum
Est inenarrabilis.

Eris clare Deum videns
Amans, tenens, fruens, ri-
dens,

Potens, sciens, placens, lu-
dens,

Fulgens, liber, agilis.

Vbi Conditoris tui
Vultu semper possis frui:
Felix profus, illa cui
Visio conceditur.

A qua numquam separa-
tur,

Sed perpetuo lætatur:
Mali nihil formidatur,
Nec quis ibi læditur.

Illic Angelorum chori,
Sancti facie decori,
Vivere, & nunquam mori,
Mortis nec memoria.

In æternum sed gaudere,
Sum-

Summo bono inhærere,
Cuncta bona possidere
In æterna gloria.

Numquam auris hîc audi-
vit,

Nec videre quisquam scivit;
Solum qui in cœlis vivit,
Scit experientia;

Quid à malis liberati,
Et in gloria locati,
Ipsi possident beati
In Christi præsentia.

Sed his paucis propalatis,
Partim tactis & narratis,
Quæ tum sanctis tum da-
mnatis

Præparata legimus:

Iam prudentius agamus,
Sanctam vitam eligamus,
In hoc mundo defleamus
Mala quæ peregrimus.

Non vivamus ut jumenta,
Ne post mortem ad tormen-
ta

Veniamus & lamenta
Intolerabilia.

Modo veniam precemur,
Mortem Christi medite-
mur;

Ad superna præparemur
Desiderabilia.

Ecce mundus evanescit:
Decor ejus jam marcescit:
Et quotidie vilescit
Fallax ejus gloria,

Quæ demergit ad infer-
na.

Ergo gloria superna,
Vita nobis sempiterna,
Iugis sit memoria.

Vt defuncti sublevemur,
Cum cælestibus lætemur,
Et in Deo gloriemur,
Summe delectabili,

Qui solus glorificandus
Est, amandus & optandus,
Laudeque magnificandus,
Est interminabili, Amen.

S. A V G V S T I N V S .

*Videte qualis debeat esse Pœnitentia : quia multi assidue se di-
cunt esse peccatores, & tamen adhuc illos delectat peccare. Profes-
sio est, non emendatio. Accusatur anima, non sanatur : Pronun-
ciatur offensa, non tollitur. Pœnitentiam certam non facit, nisi
odium peccati, & amor Dei. Quando sic pœnites, ut tibi amarum
sapiat in animo, quod antea dulce fuit in vita; & quod te prius
oblectabat in corpore, ipsum te cruciat in mente, jam tunc bene in-
gemiscis ad Deum & dices : Tibi soli peccavi, & malum coram te
feci. Serm. 7. de temp.*

S. GRE-

S. GREGORIUS.

Pœnitentiam agere, est & perpetrata mala plangere, & plangenda non perpetrare. Nam qui sic alia deplorat, ut tamen alia committat, adhuc pœnitentiam agere, dissimulat, aut ignorat.
Hom. 34 in Euang.

S. AMBROSIVS.

Quid in crastinum differs? Potes & hodiernum diem lucrari. Cavendum est enim, ne & illum non teneas; & hunc amittas. Non exiguum detrimentum est vel horæ unius: & una hora totius vite portio est. Epist. 82.

S. AVGVSTINVS.

Percutitur hac animadversione peccator, ut moriens obliviscatur sui, qui dum viveret oblitus est Dei. S. August Serm. 10. de omnibus SS. Vide eundem libr. 50. Homil. 41.

I. D E M.

Deus conversioni tue indulgentiam promisit, sed dilationi tue diem crastinam non promisit. in Psal. 144.

FINIS SECT. III.







DEO OPT. MAX.

MAGNI MARIS hujus

ARCHITHALASSO:

cui VENTI & MARE obediunt.

Sub Cujus Imperio

AD ÆTERNITATIS PORTVM

Per Vastum hoc Mundi PELAGVS,

Varias inter PROCELLAS,

In Magna ECCLESIAE NAVI,

Christiana NAVIGAT Gens Mortalium;

Feliciterque provehitur;

Auxiliante imprimis

FIDEI CYNOSURA,

SPEI ANCHORA,

CHARITATIS REMIGIO.

CLAVVS PRVDENTIAE cursum dirigit:

MALVS IVSTITIAE recta Navem servat:

RVDENTES FORTITVDINIS eandem firmant:

BOLIS TEMPERANTIAE pericula præcavet:

RATIO sedens in SPECVLA,

Hostes, Sidera, Tempestates, observat;

Scopulos & fyrtes declinat

HVMILITAS.

PAVPERTAS fugit PIRATAS:

CASTITAS vitat SIRENES:

OBEDIENTIA clamat CELEVSMA.

Sed & interim ANTLIA Pœnitentiæ SENTINAM
exhaurit.

Denique ORATIO , IEIUNIUM , ELEEMOSYNA
Cæteræque VIRTUTES VELA sua pandunt.

Sed quid hæc profunt , aut possunt omnia ?

Si non secundus adspirat VENTUS :

Tuæ , inquam , ô supremum NUMEN & FLAMEN,
GRATIÆ FAVONIVS ?

Sine quo possumus nihil ;

Ex quo est omnis nostra sufficientia.

Et ecce , MOTVS Magnus in MARI factus
Graviter quassat NAVEM.

DOMINE , SALVA NOS , PERIMVS.

Mirabiles Elationes MARIS ;

At mirabilior in altis DOMINVS.

O magne mundi RECTOR ,

Quando imperabis VENTIS & MARI ;

Vt fiat tranquillitas magna ?

Quando dabis HALCYONIA ?

Et lætum canentes ALLELVIA , dicere,

Transivimus per ignem & AQVAM,

Et eduxisti nos in REFRIGERIUM ?

S E C T I O IV:

Varia Exercitia ad studium Virtutum , &
Christianæ perfectionis utilia
complectens.

ORATIO PRÆPARATORIA,
ad omnem piam lectionem.

BEatus homo quem tu erudieris , Domine, & de lege tua docueris eum: ita Domine: Beatus omnino, quia errare nequit Te Duce; nam *VIA* es: nec falli Te Doctore, quia *VERITAS* es: nec perire, Te Protectore, nam *VITA* es. Itaque Bonitatem, & disciplinam, & scientiam doce me. Nam multa quidem passim audio virtutis ac pietatis documenta; multa de gratie tue obtinende mediis; monitis ac mandatis tuis piè ac diligenter à Servis tuis conscripta lego; sed quomodo intelligam, nisi tu illumines intellectum? & quomodo perficiam, nisi & tu inflammes affectum? Velle quidem adjacet mihi, perficere autem non invenio. Nihil utique possum sine Te; at in Te omnia, à quo est omnis nostra sufficientia.

Itaque dum ego lego, quæ piè conscripta sunt in libris; Tu eadem scribe quæso digito tuo in tabulis cordis mei: Nam pulchrè dicta mulcent quidem aures; sed sine te non movent animos. Frustra, inquam, loquitur mihi homo similis mei, quantumvis piè, docte, disertè loquatur: nisi tu Domine mihi loquaris intus ad cor. Eja ergo loquere Domine, quia audit servus tuus: Sin minus, fac ut audiat, qui facis surdos audire, & mutos loqui.

Sed insuper fac, ut ardeat cor meum in me, dum loqueris mihi. Doceme facere voluntatem tuam, ne ad gravius judicium mihi sit, scivisse quid velis, & non fecisse. Servus enim sciens voluntatem Domini, & non faciens, plagis vapulabit multis. At servus tuus sum ego: Da ergo mihi intellectum, ut discam mandata tua: adde gratiam, ut custodiam illa in toto corde meo. Nam tibi uni deinceps parere, & placere, æternumque adherere desiderat anima mea. O Deus cordis mei; & pars mea Deus in æternum.

C A P. I.

DE DOCTRINA PIE VIVENDI
colloquio inter Christum & Hominem
tradita.§. I. *Aspiratio ad viam salutis.*

HOMO. Sapientia Æterna, Domine Deus meus, quam admirabile est nomen tuum in universa terra? Tu quidem omnia hæc creasti ex nihilo potenti dextera tua; & ex immensa bonitate tua formasti me; cum non essem, ad imaginem tuam; cum verò perditus essem, redemisti me in sanguine tuo; & pretiosam animam tuam in mortem dedisti, ut ego vitam haberem.

Signasti quoque super me lumen vultus tui, ut agnoscerem te Summum Bonum meum. Vnde & ad te, ô Deus meus, desiderat anima mea, quemadmodum cervus ad fontes aquarum. O quando & quomodo apparebo ante faciem Dei? Nec enim in hac terra deserta, invia, & inaquosa; in hoc loco horroris & vastæ solitudinis, viam satis certam & securam reperio.

Tu itaque lux vera, quæ illuminas omnem hominem venientem in hunc mundum, illuminare mihi qui in tenebris, & umbra mortis sedeo, ad dirigendos pedes meos in viam pacis & salutis: Illumina tenebras meas: Dic quid faciendo vitam æternam possidebo? Tu qui viam Dei in veritate doces, ostende mihi viam, in qua ambulem, ut perveniam ad te, ô Salus, ô Vita mea.

CH R I S T V S. Merito de via quæris, quæ ducit ad vitam. Est enim via quæ videtur homini bona, sed novissima ejus ducunt ad mortem. Arcata vero & angusta est via quæ ad vitam ducit? & pauci inveniunt eam: At spatiosa via, quæ ad perditionem tendit: & heu quam multi vadunt per eam! Nimirum his curæ non est, in bivio, imò inter tot ambages & diverticula quærere de via recta, & gnarum viæ ducem requirere.

Hinc in circuitu impii ambulant, & non inveniētes viam pacis & veritatis, miserè pereunt. Indicabo ergo tibi,
ô homo,

ô homo, quid sit bonum, & quid ego Dominus requiram à te: utique facere iudicium & iustitiam; & diligere misericordiam; & sollicitè ambulare cum Deo tuo.

HOMO. Scio Domine, quia non est hominis via ejus; nec viri est, ut ambulet, & dirigat gressus suos. Nescit omnino finem suum: ignorat introitum & exitum suum homo peregrinus & advena super terram. Sine te fumus sicut oves errantes, non habentes Pastorem. O Pastor bone, require servum tuum. Dirige me in veritate tua, & doce me, quia tu es Deus Salvator meus. Et vide, si via iniquitatis in me est, & deduc me in via æterna.

§.2. Via, vita CHRISTVS; Per Observationem mandatorum ejus.

CHRISTVS. Vis viam scire? Ecce, Ego sum Via, Veritas & Vita, *Via* in exemplo; *Veritas* in promisso; *Vita* in præmio. Qui sequitur me, non ambulat in tenebris, sed habebit lumen vitæ. Ego exemplum dedi vobis, ut sequamini vestigia mea; ut quemadmodum ego feci, ita & vos faciatis. Inspice ergo vitam meam, & fac secundum exemplar, quod tibi in monte monstratum est: Nempe, disce à me, quia miris sum & humilis corde; non enim veni, ut facerem voluntatem meam, sed ejus qui misit me: imo factus sum obediens Deo Patri usque ad mortem, mortem autem Crucis.

Vade ergo & tu, ô homo, & fac similiter: Esto humilis & obediens: & si vis ad vitam ingredi, serva mandata. Primum autem & maximum mandatum est: Diliges Dominum Deum ex toto corde tuo, &c. & Proximum tuum sicut te ipsum. Qui habet mandata mea, & servat ea; ille est qui diligit me. Nam probatio dilectionis exhibitio est operis.

HOMO. Eja Creator mi, operi manuum tuarum porrige dexteram, ut non declinem à mandatis tuis. Vtinam dirigantur viæ meæ ad custodiendas justificationes tuas: nam à lege Domini voluntas mea. Sed, heu, infelix ego homo, condelector quidem legi secundum interiorem hominem, sed sentio aliam legem in membris meis, repugnantem legi mentis meæ, ut non quod volo bonum, hoc faciam, sed

quod nolo malum; adeo proni sunt ad malum sensus hominis ab adolescentia sua: & corpus quod corrumpitur, aggravat animam: Et quomodo diligam te, quemadmodum diligis vis, & debes? cum modus diligendi te sit, diligere sine modo; quia tu excedis omnem modum.

CHRISTVS. Mandata mea gravia non sunt; multò minus impossibilia: Iugum enim meum suave & onus meum leve. Si mihi non credis, convincent te tot millia fidelium meorum, qui toto corde adhæserunt mihi. Imo pueri quoque, & tenellæ virgines, sexu & ætate fragiles, confundent te. Ecce quomodo computati sunt inter filios Dei, & inter sanctos fors illorum est. Carnem cum desideriis suis amore mei crucifixerunt; mundum & omnes ejus illecebras calcarunt; minas quoque & omnia tormentorum genera fortiter spreverunt; Satanam viriliter vicerunt, & sic jugum meum amplectentes cum gaudio, in toto corde sequuti sunt me Redemptorem suum. Et tu non poteris quod illi, & illæ?

HOMO. Hi sunt, qui ut nubes volant, ego autem debilis & claudus humi repo nimis, confortata est virtus eorum, & non potero ad eam pertingere.

CHRISTVS. Contemplare ergo, ô homo, (humanum dico propter infirmitatem carnis tuæ) eos qui sapientes sunt, ut faciant mala, & lætantur cum malefecerint; sed & vitulos Ephraim doctos diligere trituram, filios, inquam, hujus sæculi: Ecce quam impigrè currunt, & sudant, quomodo discruciant sese, ut modica, & mox peritura, terræ bona comparent sibi! Cur, & unde fortiores illi sunt filiis lucis in generatione tua? Cur, cum illi sic exhibent membra sua servire iniquitati ad iniquitatem, tu non possis ea exhibere ad serviendum justitiæ in sanctificationem? Experire saltem, & vel modicum labora, & invenies tibi multam requiem. Videbis quantò facilius sit cœlum lucrari, quam terram; mihi quam mundo placere & servire. Agnosces quoque miseriam eorum qui ambulant vias tam difficiles, quia labor & contritio, & infelicitas in viis eorum, qui viam pacis non cognoverunt; At viæ meæ, viæ pulchræ ac faciles. Vt quid ergo diligitis vanitatem & queritis men-

mendacium? quid lassamini in via iniquitatis? Vsq̃uequo gravi corde, ô mendaces filii hominum in stateris? Quid proderit vobis totum mundum lucrari, & animæ detrimentum facere?

HOMO. Quò ibo à te Domine? verba vitæ æternæ habes. Testimonia tua credibilia facta sunt nimis. Beatus homo quem tu erudieris Domine, & de lege tua docueris eum. Vias tuas demonstra mihi & semitas tuas edoce me. Deduc me in semitam mandatorum tuorum, quia ipsam volui; viam autem iniquitatis amove à me.

CHRISTVS. Audi verba mea, quia spiritus & vita sunt. Ego docens te utilia. Beatus homo, qui audit me, & custodit sermones meos. At vani sunt omnes homines; in quibus non subest scientia Dei. Ecce paucis & facilibus monitis instruam te in via hac quâ gradieris. Ducam te per semitas æquitatis; quas cum ingressus fueris, non arctabuntur gressus tui, & currens non habebis offendiculum. Tu auem diligenter ausculta sermones meos, & repone eos in corde tuo. Si enim volueris seruire mandata mea, conservabunt te.

HOMO. Loquere Domine, quia audit servus tuus. Sed & da mihi intellectum, ut discam mandata tua, & custodiam illa in toto corde meo. Doce me facere voluntatem tuam, quia Deus meus es tu. Ne servus sciens voluntatem Domini, & non faciens, plagis multis vapulare dignus sit.

§. 3. *Consideratio FINIS creationis nostræ.*

CHRISTVS. Ante omnia FINEM creationis tuæ sæpè & seriò tecum considera. Nosti enim, quia sine cognitione Finis legitime ordinari media non possunt. Cogita ergò quorsum creatus sis HOMO: & factus ad imaginem & similitudinem meam: Cur tam nobile donum Rationis præ cæteris animantibus acceperis: Cur in hunc mundum quasi in amplissimum theatrum introductus sis. Denique cur tot laboribus totius vitæ meæ, & sanguine meo pretioso redemptus; tot insuper Sacramentis, & cœlestis gratiæ præsidiiis instructus sis.

Numquid enim vanè constitui omnes filios hominum? Et quorsum tot illis corporis animique dona contuli? an

ut studeant cumulandis divitiis? ut famam nominis & gloriam quærant? magnificè & amplè ædificent, quasi hic æternum victuri; ut jungant domum ad domum, & agrum agro copulent; ut circa villas, & juga boum occurrentur; ut induantur purpura & bysso, & epulentur quotidie splendide; ut voluptati, otio, ludis, & jocis vacent; ut comedant & bibant, & ducant in bonis dies suos, rati hanc esse partem suam? Vah impia, & nimis impar liberalitati meæ cogitatio. Nam multò quidem altiore fine ego hominem condidi, & redemi.

HOMO. Lauda ô anima mea Dominum: laudabo te Domine in omni vita mea. Quid enim est homo quod memores ejus? Aut quid apposuisti erga eum cor tuum, tu qui nullam habes indigentiam? An forte bonorum nostrorum egebas, ut conderes nos? At quid habemus, quod non accepimus? Tuus est orbis terræ, & omnis plenitudo ejus. Solum, ut divitias bonitatis & gloriæ tuæ in nobis ostenderes, fecisti nos. Cum enim natura tua sit Summa Bonitas, nihil magis desiderat ipsa, quam ut se communicare ac diffundere possit. Quis poterit, ô Domine, enarrare mirabilia Potentiæ, Sapientiæ, & bonitatis tuæ? Quid retribuam Domino pro omnibus quæ retribuit mihi? Benedic anima mea Domino, & noli oblivisci omnes retributiones ejus. Adhæreat lingua mea faucibus meis, si non meminero Creatoris mei.

CHRISTVS. O si scires, & intelligeres, & finem tuum ac beneficium Creationis tuæ, ut par est, æstimare nosset! Audi ergò, & intellige. Ego quippe intellectum tibi dedi, & firmavi super te oculos meos, ut non sis sicut equus, & mulus, quibus non est intellectus, ad cognoscendum Deum Creatorem suum: *intellectum*, inquam, dedi, ut agnosceres me Deum ac Dominum tuum: *Voluntatem*, ut me diligeres, & cœlestia solum appeteres: *Memoriam*, ut mei & beneficiorum meorum semper memineras: *Linguam*, ut me prædicares: omnes deinque *Sensus* & vires tum corporis, tum animæ, ut hæc omnia ad Nominis mei Gloriam converteres: Et, cum fideliter hoc munere perfunctus fueris, tunc demum Ego ipse ero merces tua. Ego Summum Bo-

BONVM tuum, quo adepto plane satiabitur desiderium tuum. Nam animam summi boni capacem, quidquid summo minus est, implere non poterit.

Ecce mi homo, hic est Finis tuus, ad quem conditus es. Ideò positus es velut peregrinus, & incola in hoc mundo, non habens hic manentem civitatem, sed ut futuram inquiras. Ideo constitutus in hoc stadio, ut strenuè currendo & certando tandem accipias bravium, & coronam iustitiæ.

At ô cæci & infelices, qui non capiunt, nec intelligunt hæc, adeò que nihil minus curant, quam id cujus gratiâ conditi sunt: & quasi in vanum acceperint animas suas, ita circa præsentia tantum solliciti sunt: & toti in his occupantur, quæ inquirunt gentes, quæ ignorant Deum: imo quæ pecudes, quibus non est intellectus ad aliorum finem cognoscendum, appetunt. Vnde quasi jumenta computrescunt in stercore suo: ita vivunt corrupti & abominabiles facti in studiis suis, quasi non sit Deus; & non scientia in Excelsso: vel quasi unus sit interitus hominis & jumenti, & æqua utriusque conditio. Adeò rarò vel numquam cœlum & cœli præmia cogitant!

HOMO. Vere Domine signatum est super nos lumen vultus tui; quia unà cum lumine Rationis, seu dono intellectus impressa sunt animis nostris, benevolentia, amoris ac gratiæ tuæ vestigia: & hinc quoque dedisti lætitiā in corde meo, nascentem ex consideratione doni tam excellentis: & bonorum, quæ præparasti diligentibus te, eoque dono bene utentibus. Tu enim pars hæreditatis meæ, & calicis mei; tu es, qui restitues hæreditatem meam mihi. Quid enim mihi est in cœlo, & à te quid volui super terram, ô Deus cordis mei, & pars mea Deus in æternum!

§. 4. *Recta & pura Intentio.*

CHRISTVS. Cognito ergo fine Creationis tuæ, quid est GLORIA mea, vide, ut in omnibus actionibus tuis huc tendas, & velut in scopum collimes: id est, ut omnia opera tua referas AD MAIOREM GLORIAM NOMINIS MEI. Praxis enim puræ & Rectæ INTENTIONIS, est quasi com-

compendium omnis pietatis, & perfectionis. Si oculus tuus simplex & rectus fuerit, totum corpus tuum lucidum erit. Sive itaque manducas, sive bibis, sive aliud quid agis, omnia ad gloriam nominis mei facere memento.

Ecce labor modicus. Sed cujus immensus est fructus: fementis exigua, sed quæ messem mire copiosam profert. Ars facilis, sed quæ aurum ex plumbo, & quovis vili metallo conficit: id est, Dei amorem & gratiam ex quolibet opere, vili alias & inutiles, elicit & auget.

Nam beneficio Rectæ Intentionis opera tua de se indigna, indifferentia, ac mere naturalia, virtutis & meriti rationem induunt, divinam lucrantur gratiam: nihil etiam perdunt commodi temporalis, sed & tibi ipsi magis jucunda & facilia, & mihi longe gratiora fiunt.

O quam multi fraudantur fructu laborum suorum, vitio corruptæ intentionis! qui tamen fere blandiuntur sibi, tamquam gens, quæ justitiam fecerit, & placent sibi in multitudine operum suorum, quæ tamen exigua gloriæ meæ, aut veræ pietatis affectu faciunt: sed tantum, ut videantur ab hominibus; aut propter retributionem hujus potius quam futuræ vitæ. Verum erit, cum accepero tēpus, ego justitias judicabo: nempe in die magna, cum scrutabor Ierusalem in lucernis; tunc ego illuminabo abscondita tenebrarum, & manifestabo consilia cordium.

O quam multa quæ nunc arrident, tunc amarescent! quàm multa quæ nunc splendent, tunc sordebunt! Quid enim coram me Iudice, qui redditurus sum unicuique juxta opera sua; & in primis juxta operum intentionem, quid, inquam, laude ac mercede dignum multi vestrum proferrent? Amen dico tibi, jam ante receperunt mercedem suam; id consecuti sunt, quod quæsierant, id est, mundi gloriam, nominis famam, commoda carnis, opes, favores, dignitates: & quid superest, quod ego remunerer? Qui enim commodi, aut honoris sui potius, quam gloriæ meæ, & mihi placendi desiderio, ad opera etiam pia ducuntur, non mihi, sed sibi ipsis, mundo, & carni serviunt: & quomodo mercedem à me exigere audeant?

Vide vanitatem hominum stulto & inani labore se confumentium. Seminant multum, & inferunt parum; comedunt & non satiantur; bibunt & non inebriantur; & qui colligunt mercedes, mittunt eas in sacculum pertusum. Tu vero, mi homo, cautiore esto, & vide, ne & tu agendo multa nihil agas, & omnem laboris tui fructum perdas: ut quid appendis aurum tuum, & non in panibus; & argentum tuum non in saturitate? Usquequo claudicas in duas partes? Si ego sum Dominus Deus tuus, in toto corde tuo sequere me. Si quid aliud mavis, vel amas supra me, quid titulo & nomine meo gloriaris? Quid usurpas insignia mea? Si servire delectat, mihi servire regnare est: si gloriam quæris, magna gloria est sequi Dominum: Ego sequentes me glorificabo, qui autem contemnunt me, erunt ignobiles. Si mercedem optas, à me uno postula; & unde potes maiorem expectare? Nec enim oculus vidit, nec auris audivit, nec in cor hominis ascendit, quæ præparavi diligentibus me. O si in hanc remunerationem sæpius respiceres! nullus certe labor gravis tibi videri posset. Nam spes mercedis solatium est laboris: Et ecce EGO ERO MERCES TVA MAGNA NIMIS.

HOMO. Dignus es Domine accipere laudem, & gloriam, & honorem ab omni creatura: & cur non à me quoque, qui creatus sum ad imaginem tuam, & emptus à te pretio tam magno, ut glorificem te Deum meum in corde & corpore meo? Quis plantat arborem, aut vineam, & de fructu ejus non edit? Tu vero Domine plasmasti me, & plantasti in terra hac. Tu vineam hanc, Animam meam, de Ægypto transtulisti; in hoc statu. N. vocatione. N. officio. N. me collocans. Absit à me, ut cum expectaveris uvæ ex me, non proferam nisi labruscas.

Vtinam sit anima mea sicut hortus irriguus, bonis fructibus, id est, solidis virtutibus fecundus. Absint inanes flores, tantum placentes oculis, id est, falsæ virtutes & opera non nisi in speciem bona, quæ tanquam scænum velociter arescent. Eradicetur omnis plantatio spuria, quam non plantavit Pater veritatis, sed vanitatis & superbiæ.

Vti-

Vtinam fim, inquam, sicut lignum quod plantatum fecus decursus aquarum, fructum tibi reddat in tempore sue ne veniens, & non inveniens fructum veræ pietatis in eo, maledicas arbori infructuosæ, & jubeas eam excindi, & ignem projici.

Ad te itaque suspirat anima mea, ad te respiciunt oculi mei, qui habitas in coelis : Absit ut statuam oculos meos declinare in terram ; & laborare malim pro vili stercore, quam pro honore & amore tui, & præmio vitæ cœlestis. Non libet inanem gloriam venari, cui æterna promittitur. Apostolus quidem tuus omnia arbitratur ut stercora, ut te lucrifaciat. Et vere : quid enim habemus ex iis, ubi transierint, nisi quod erubescimus ? O quam optabimus aliquando magis serio laborasse pro te, & non in vanum ! Ecce Domine, tibi cor meum offero, fœdere sempiterno, & tibi dico omnia opera mea. **SANCTIFICETVR NOMEN TVVM in me, & sit benedictum in sæcula.**

CHRISTVS. Cave igitur, aliud Bonum quæras : Bonum tuum quære, ô Homo. Est enim bonum aliud alteri, sed tu quære Bonum tuum. Nemo Bonus nisi summus Deus, quid ergo tibi deest, cui adest Summum Bonum ? Sunt & iuferiora bona, quæ aliis & aliis bona sunt. Pecori quid bonum est, nisi implere ventrem, carere indigentia, dormire, vivere, sanum esse, generare ? Tale tu bonum quæris, cohæres Filii Dei ? quid gaudes, quia focius es pecorum ? Erige spem tuam ad Bonum bonorum omnium. *Ita S. Aug. in Psal. 101.*

HOMO. Mihi adhærere Summo Bono, tibi, inquam, Deo meo bonum est, & ponere in te spem meam : voluntarie sacrificabo tibi, & confitebor Nomini tuo Domine, quoniam bonum est. Quid enim mihi est in coelo, & à te quid volui super terram ?

CHRISTVS. Interim bonis inferioribus, id est, cæteris creaturis meis non prorsus interdico tibi : neque enim frustra feci eas. Scito tamen his omnibus non aliter utendum, neque amanda ea, aut quærenda, nisi in quantum tibi auxilia esse possunt, seu media ad finem tuum consequendum. Felix qui ex omni re creata elicit amorem Creatoris :

ris ; & qui ex creaturis sibi facit scalam in cœlum , quæ alias fiunt in muscipulam pedibus insipientum.

HOMO. Considero hæc omnia à te Domine condita propter me, omnia pulchra & bona valde : sed quanto tu pulchrior, melior, & amabilior, conditor eorum ? Si ita amatur stilla & gutta boni , quanto magis amandus ipse fons, & immensus Bonitatis Oceanus ? Vtinam te super omnia diligat anima mea, & nihil aliud , nisi propter te.

*§. 5. Studium mortificationis sui ipsius,
seu custodia cordis & sensuum.*

CHRISTVS. Bonum quidem desiderium tuum: sed frustra adspiras ad amorem mei, nisi te ipsum oderis. Nam male conveniunt amor carnis & amor Creatoris: Itaque qui amat animam suam, perdet eam; qui vero odit animam suam in hoc mundo, in vitam æternam custodiet eam. Vnde si secundum carnem vixeris, morieris; si vero spiritu facta carnis mortificaveris, vives. Sine hoc salutari odio tui non potes meus esse discipulus. Mortifica igitur desideria tua, sensus tuos, & membra tua super terram, ut non, quæcunque volueris, facias.

Inprimis omni custodia custodi cor tuum, quia ex ipso vita procedit. Thesaurum valde pretiosum ego commisi tibi: sed tu illum vase fictili, cui plura quam ulli vitreo pericula imminet, id est, arca cordis tui, inclusum circumfers, multis utique insidiatoribus & hostibus obnoxium: quem tamen tu ipse sæpe prodis, dum sensus malè custodis & prostituis.

O quam pauci serio custodiunt vias suas, ut non delinquant in lingua tua! unius vero linguæ damna & delicta nulla lingua recensere sufficit. Si quis autem se religiosum existimat, non refrenans linguam suam, hujus vana est religio. Nonne tu ipse toties expertus nosti, sensum aliquem amoris mei, ac gustum devotionis multo tandem labore colligi, sed & eundem tam facile paucis verbis inanibus & otiosis dissipari? Vide quantum momenti ad profectum pietatis, unius linguæ disciplina conferat. Sed hoc pauci
cogi-

cogitant, quamvis experientia didicerint, in multiloquio non deesse peccatum, & quantumvis dixerim ego *Æterna Veritas*, de omni verbo otioso reddendam esse in extremo iudicio rationem.

Sed & aliorum sensuum diligens custodia plurimum facit ad hoc, ut homo in amore mei proficiat, & perseveret usque in finem. O quam multorum animas oculi deprædatis sunt! Eva, Dina, David, pluresque alii tibi exemplo sint; nam felix & sapiens est, qui ex alieno malo cavet suum. Averte ergo oculos tuos ne videant vanitatem. Quin potius instar Iobi pange fœdus cum oculis tuis, ne per illos cæcum amorem, aut noxium aliquem affectum haurias. Facilius erit tibi eum non admittere, quam admissum ejicere.

Sepi aures tuas spinis, ne pateant bestiis vastantibus cor, velut detractoribus, maledicis, turpiloquis. Quando federis ut comedas, statue cultrum in gutture tuo, id est, gulam refrena, nec effundas te super omnem escam, & vide ne sumens cibum voluptati naturæ servias potius quam necessitati. Quin partem aliquam cibi gulæ subtrahere & mihi in membris meis offer.

Cogita, quas ego delicias tui causa dereliquerim, quas amaritudines adsumpserim: ideoque & tu ipse denega tibi multa, quæ carni placent, sed spiritui nocent: & ut ab illicitis te facilius cohibeas, etiam in licitis subinde appetitum restringe, sciens, quia ego gaudia longe majora præparavi his, qui isthæc varia amore mei contempserint.

Homo. Operuit confusio faciem meam Domine, cum video te in laboribus à juventute tua, ubique sectari dura & aspera; nos vero nomine Christianos, tam degeneres esse ab exemplo tuo. Quid enim aliud nos tota vita docuisti, qui proposito tibi gaudio, sustinuisti crucem, confusione contempta, quam voluptates spernere, abnegare nos metipsos, ferre crucem, & sequi te. Tu utique noveras reprobare malum, & eligere bonum: Elegisti autem, quod durius & carni molestius erat: id ergo melius, id utilius, id magis eligendum.

Sed quam pauci in hoc sequuntur te! Omnes quæ sua,
id

id est; carni suavia sunt, quærunt, nec pudet nos sub spinoso capite membra esse delicata. Discipuli & servi tui sumus, & haberi volumus. Sed heu quanto promptius mundum & principem ejus audimus! quam studiose carnis desideria perficimus! Domine ante te omne desiderium meum, & gemitus meus à te non est absconditus.

CHRISTVS. Tu vero deinceps sequere vestigia mea, & mortificationem crucis meæ jugiter porta in corpore tuo. Castiga corpus tuum, & in servitutem redige. Ecce electi mei, viri virtutum, quomodo oderunt animas suas in hoc mundo, ut in vitam æternam custodirent eas: at hoc erat vere eas amare. O si agnosceres & tu, quia mundus transit, & concupiscentia ejus: fugit & vita tua velut umbra, quasi vapor ad modicum parens. Quid vero tandem optabis fecisse? quid demum supererit tibi de cunctis gaudiis tuis nisi crux, tribulatio, & afflictio animi? O quam se tunc deceptos plangent, quando extrema gaudii luctus occupabit, qui nunc exultant in rebus pessimis, & sub sentibus esse delicias computant! Nam in fine denudatio operum illius; & malitia horæ extremæ oblivionem faciet luxuriæ magnæ. O si amaritudines, quibus terminantur istorum voluptates & gaudia, degustares, clamarer utique; Mors in olla; Mors in deliciis carnis; nec liberet edere ex eo, quod gustatum adfert mortem: neque bibere velles de calice hoc, cujus vinum nunc quidem ingreditur blande, sed postea mordebit ut coluber, & ut regulus venena diffundet: cum fæces calicis mei bibent omnes peccatores terræ: nam tandem ignis & sulphur, & spiritus procellarum pars calicis eorum.

Et quidem si medicus præciperet tibi infirmo, & certis astineres eduliis, quantumvis gustui gratissimis; pareres utique amore vitæ & valetudinis: quanto magis mihi, causâ animæ tuæ & salutis æternæ? usquequo ergo velut parvulus diliges infantiam, & ut stultus, quæ tibi sunt noxia, cupies?

HOMO. Benedictus sis in æternum Domine, quia sic mones me, ut & ego non extendam ad calicem Babylonis manus meas. Quin renuit deinceps delectari anima mea.

R

Me-

Memor autem ero tui, ô IESV, & deliciae mihi non deerunt: nam delectationes in dextera tua, & deliciae tuae, esse cum filiis hominum.

Teneant ergo alii tympanum & citharam, vescantur pinguibus, vestiantur mollibus, lasciviant in stratis suis; ubique relinquunt signa lætitiæ suæ: ego vero delectabor in Domino: hæc mihi sola & maxima voluptas erit, propter te aliam nolle voluptatem; ut gustare possim, quam suavis sis Domine DEVS meus; quod intelligere non facies, nisi ablactatos à lacte, avulsos ab uberibus terrenæ voluptatis: nec dabis Manna de cœlo, nisi cibis Ægypti consumptis: adeo non licet summis pariter delectari & infimis.

Interim sentio (cur dissimulem coram te, qui nosti intima mea?) quanta sit vis voluptatis; per quam etiam Cedros Libani everfas esse & stellas, quasi de cœlo cecidisse video: & quid infirmus ego de me præsumere potero?

6. *Diffidentia sui, & assidue Orationis cura.*

CHRISTVS. Hoc est sapientiæ & salutis initium, agnoscere quam sitis infirmi, & quod non sitis sufficientes aliquid ex vobis, tanquam ex vobis cogitare, nedum agere: sed quod omnis sufficientia vestra ex me sit.

Sine me nihil potestis facere: sicut palmes non potest ferre fructum à semetipso, nisi manserit in vite, sic nec vos, nisi in me manseritis. Nisi manu artificis moveatur maleus, digitis scribæ calamus, quid efficient utraque?

HOMO. Vere nisi tu Domine ædificaveris domum, in vanum laborant omnes, qui ædificant eam. Frustra nitimur nos ædificare turrim, qui sumptus ex nobis non habemus ad perficiendum. Tu autem omnia operaris in omnibus, quæ salutis sunt. Sine te nihil, omnia possum in te qui me confortas.

CHRISTVS. Merito itaque deferuntur à me filii superbiæ, qui confidunt in virtute sua, & in multitudine divitiarum suarum gloriantur, ut relecti sibi metipsis, videant, quam nihil sint & possint, sine me; & quod ego sim solus, qui do velle, posse, perficere.

HOMO.

HOMO. In te Domine vivimus, movemur, & sumus. Fortitudo mea & laus mea tu es, bone IESV : tu solus factus es mihi in salutem. Vnde non in arcu meo sperabo, nec gladius meus salvabit me. Non manus nostra excelsa; sed dextera Domini faciet virtutem, &c.

CHRISTVS. Nihil ergo sollicitus sis, sed in omni oratione petitiones tuæ innotescant apud DEVM. Innitere non super baculum arundineum; sed super Dilectum tuum, omnem curam in eum projice; & videbis mutationem dexteræ Excelsi, qui facit mirabilia magna solus. Vidisti subinde aliquos parum profecisse! aut etiam omnino defecisse fiducia sui, & orationis incuriâ factum scito. Hinc est, quod hortatus sum ego sæpe vos; itemque Apostolus meus, oportere semper, & sine intermissione orare, & non deficere. Et quamvis hoc multis difficile videatur, attamen quam sit facile, norunt ii, qui inter ipsa etiam negotia, studia, colloquia, nullo negotio mentem suam elevare solent in Deum. Vel semel enim oculos in cælum attollere cum intimo cordis affectu, ardens oratio est, & tenerrime cor meum afficit. Affectus enim fons sit oportet ejusmodi orationum, quales sunt, Dolor de peccatis, Detestatio vanitatis hujus sæculi, tædium præsentis vitæ, desiderium futuræ, Gratiarum actio pro infinitis meis beneficiis, Admiratio mirabilium Dei, Fiducia in Deum, Zelus divini honoris, sed cum primis ardens mei AMOR, quo desiderat anima conjungi Dilecto suo.

Affectuum autem hujusmodi ignis maximè exardescit in Meditatione: qui proinde semper jaculatoriis fovendus est. Et illarum quidem materiam tum virtutes magis necessariae; tum omnia quæ sensibus occurrunt, suggerere possunt. Vnde agebat Vir ille secundum cor meum, *Delectasti me Domine in factura tua, & in operibus manuum tuarum exultabo.*

Ita vero uti creaturis, non est omnium: sed eorum, qui exercitatos habent sensus, ad discretionem boni & mali. Nam vir insipiens non cognoscet, & stultus non intelliget hæc. Alioquin eundem Prophetam meum præeuntem sequere, & crebro per breves, sed ignitas formulas ad me inspirantem imitare. Tales sunt, ut paucas à multis suggeram:

Quam magnifica sunt opera tua, Domine! Omnia in sapientia fecisti? impleta est terra possessione tua.

Vtinam diligentur viæ meæ, ad custodiendas justificationes tuas!

Heu mihi, quia incolatus meus prolongatus est! Cor mundum crea in me Deus, &c.

Quemadmodum desiderat cervus ad fontes aquarum, ita desiderat anima mea ad te Deus. Sitivit anima mea, &c.

Illumina oculos meos, ne unquam obdormiam in morte, nequando dicat inimicus meus, prævalui adversus eum.

Diligam te Domine fortitudo mea, Dominus firmamentum meum, & refugium meum, & liberator meus.

Dominus regit me, & nihil mihi deerit; in loco palcæ ibi me collocavit.

Sit nomen Domini benedictum ex hoc, &c.

Vnam petii à Domino, hanc requiram, ut inhabitem in domo Domini omnibus diebus vitæ meæ, &c.

§. 7. *Exercitium Præsentiae Dei.*

CHRIſTUS. Hoc modo fiet etiam, quod ad profectum pietatis non minus utile tibi futurum est; ut nimirum memoriam præsentiae meæ jugiter geras in corde tuo; & sic agas omnia, ut qui verſeris ubique in oculis meis:

Ambula itaque coram me, & esto perfectus. Vis autem male agere? quære tibi locum, ubi ego te non videam; & age ſecure quod vis. An nescis, quia cœlum & terram ego impleo, & quod omnia nuda & aperta ſunt oculis meis? nam oculi mei lucidiores ſuper ſolem, in omni loco contemplantur bonos & malos? Quid eſt, quod multi, quaſi equus & mulus ſine freno præcípites feruntur in omnem nequitiam; & quare ſine timore filii hominum perpetrant mala? nimirum, quia me ſibi præſentem non credunt, & non proponunt Deum ante conſpectum ſuum. Tu vero in omnibus viis tuis cogita Dominum; me, inquam, & ego dirigam greſſus tuos. Vide quanti ſit conſpectus alicujus viri boni & gravis, ad continendum hominem in officio & modestia. Enquam ſolicite & accurate coram eo agis omnia,

omnia, quam etiam caute provides, ne eo præfente quidquam mali vel indecori committas. Et tu audebis me præfente, quod homine fpectante non auderes? An forte plus hominis oculos reverteris, quam Dei, Domini, iudicis tui, qui potestatem habet & corpus, & animam tuam mittere in ignem æternum?

HOMO. Quò ibo à spiritu tuo, & quò à facie tua fugiam, qui intime præfens es mihi, & scrutaris cor & renes meos? Sed, heu, cur non ita vivo, uti oportebat hæc credentem! Heu stupiditas cordis nostri! Sic agimus, ita vivimus, loquimur, &c. Quasi circa cardines cœli perambules, & nostra non confideres. Hominem mei similem, vermibus timeo, & Deum meum, Regem universi, Iudicem omnium Regum terræ non formido! Miserere mei, Iesv Fili David. Et quid volo, nisi ut videam? Videam, inquam, te circa me, imo intra me? non longe enim es ab unoquoque nostrum. Absit ut deinceps non sit Deus in conspectu meo semper; tu sis mihi à dextris ne commovear. O quanta mihi indicta est necessitas bene sanctæque vivendi, qui semper & ubique verfor in conspectu Iudicis cuncta cernentis!

§. 8. *Ordo Vitæ seu Actionum Cura temporis.*

CHRISTVS. Cura proinde, ut honeste & secundum ordinem omnia tua fiant. Nam qui scit, se magnum habere spectatorem, imo censorem actionum, serio cavet, ne confuse & inordinatè agendo oculos ejus offendat. Quid tu facies, me omnia tua coram spectante? In primis ergo certo ordine actiones tuas distribue, quin & singulas diei horas describe tibi, quoad licet. Vide quid singulis agendum; & hoc unum age, quod agis, tempore præscripto.

Miraris huiusmodi monitum, quasi nimis scrupulosum & minutum? Sed scito, quia quæ à Deo sunt, ordinata sunt. An nescis quantus ego sim amator ordinis, qui in certo ordine, pondere, ac mensura creavi omnia? At verò hostis meus Satan, osor est ordinis, auctor confusionis: nempe illic spectans ubi nullus ordo, sed sempiternus horror inhabitat. Vnde ejus solius fraus est, cum pio vacas operi, alia

tibi agenda & curanda suggere; ut te ab illo distrahat. Tu vero, ut eum eludas, in unum id incumbere, quod agis; aliorum curam abjice; aut tantisper sepone. Omnia fac in tempore tuo. Vt negotia sunt, ita te illis accommoda. Gravior & magis necessaria, uti sunt, quæ gloriam meam, & salutem tuam concernunt, meliorem utique & justam temporis portionem merito requirunt. Cave præposteram multorum agendi rationem, quibus maxima de minimis cura est, & de maximis minima. Qui tempus deterius reservant mihi, postquam meliorem temporis partem negotia sæculi & curæ corporis absumpserint. O iniqui rerum æstimatores! Hinc confusio tenet eos: inde turbantur & moventur sicut ebrii, & omnis sapientia eorum devoratur.

Tu vero non sic, sed pie & prudenter dispone actiones tuas, & primum quære Regnum Dei, & Iustitiam ejus: sic magna tranquillitate animi perfrueris. Ordo enim est causa pacis: facit nosse Quid & Quando agendum sit: cogitationum volubilitatem corrigit: opus quodcunque susceptum urget ac perficit, otium excludit; dum ipse recursus temporis te monet officii, & unaquæque hora opus suum exigit.

Homo. Iusta sunt quæ hortaris, Domine, & grata mihi, sed quæ possunt hæc fieri? Tu scis Domine, quantum temporis nobis etiam sæpe invitis eripiant occupationes, negotia, amicorum visitationes, & colloquia, aliæque necessitates hujus vitæ. Quin vides, ô Iesv, vides, uti corpus hoc quod corrumpitur, aggravet animam, & terrena inhabitatio deprimat sensum cœlestia cogitantem.

CHRISTVS. Hoc est quod vehementer displicet mihi, tam raros esse, qui pretium temporis agnoscant, quod ego hominibus indulgeo ad agendam pœnitentiam, ad augendam gratiam meam, & gloriam in cœlis acquirendam. Ecce præterit tempus acceptabile, sed nunquam revocabile, & nemo recogitat corde: transeunt dies salutis, & nemo sibi occasiones bene agendi non reddituras perisse causatur.

Tu vero evita, quantum potes, fures temporis, (amicos, sermones, & occupationes parum utiles) & quoniam dies mali sunt, redime tempus, potioribus amicis, Mihi & Animæ tuæ, tribuendum. An grave & molestum est, quod postulo?

stulo? Vide quantum temporis corpori, cibo, somno, recreationi, colloquiis, conviviis, &c. detur: & tu tantillum non dabis Deo, Animæ, Æternitati? O quàm sunt homines prodigii temporis, cum serviendum est vanitati! quam parci, cum pietati vacandum est, cui merito omne tempus debebatur!

Porro & hoc moneo, fili, ne in multis sint actus tui, distractus in varia, non sufficies ad singula. Qui minoratur actu, sapientiam inveniet. Coangustatum enim est stratum cordis tui, & pallium breve utrumque operire non potest. Sapientum quoque sæculi non nemo agnovit, quod ad bonam mentem nemo perveniat occupatus. Et quomodo tu, tot obrutus negotiis, ad veram pietatem pervenies? Vides negotiosos homines? O si inspicere posses ipsorum conscientias; videres quam misere lacerentur quasi inter spinas, & vepres: & quomodo inter tot curas & negotia paulatim exinguatur spiritus, affectus exarescat, & omnis rerum sacrarum gustus sensim sine sensu depereat. Sic nempeitur in duritiam cordis; ab illa in aversionem; & denique in contemptum & interitum. quid mirum? alieni comederunt robur eorum, & ipsi nescierunt.

Si sapere vis malo alieno, (quod vere sapientis est) vaca & vide, quia ego sum Deus, dignus à te coli super omnia. quorsum tibi, si me neglecto turberis erga plurima, & cum damno animæ totum mundum lucreris? Sed esto, vocatus es ad laborem, non potes te prorsus eximere negotiis: & ego nolo te deesse negotiis vocationis tuæ; saltem utilibus, honestis, necessariis tantum occupari stude: sic sane te magis tempori, quam tempus tibi deesse comperies. Vel saltem frequentius convertatur anima tua in requiem suam, & vide cui potissimum sis obnoxius debitor; Domino utique, qui super omnes benefecit tibi.

Quotidie ergo semel ad minus adscende cum Moyse in montem, ut colloquaris mecum. Secede tantisper à turba, & intra in cubiculum tuum, & velut ex tempestate in portum quietis te recipe; & clauso ostio, in abscondito loquere mihi: & ego illic, utpote in solitudine, tibi loquar ad cor, quæ ad pacem tibi. Ecce, & pia illa Heroïna Iudith in superiore parte domus suæ habebat Oratorium, quod indies

cum ancillis orandi gratia ingredi solita fuit. Putas hoc obfuisse confiliis & negotiis ejus ? imo nemo virorum, tam prudens aut felix fuit, nemo Principum populi tantam opem & salutem univerfæ illi Regioni attulit.

Si autem vis in hoc quotidiano feceffu utile exercitium; facile occurret, ubi familiarior mihi effe cœperis, & rarior inter homines. Ecce ; Ora, Lege. Cum oras, mihi loqueris : cum pia legis, ego loquor tibi : & quid dignius, quid utilius, aut jucundius homini ?

Homo. O quam modicum est Domine quod postulas à nobis ! Vere omne tempus vitæ noſtræ ſoli debebatur tibi. Nullum enim temporis momentum eſt, quo non fruamur beneficiis tuis; nullum quoque eſſe debebat, quod vacaret à laude & memoria tui. Vtinam faciam quæ docuiſti me, ut ordinatione tua totus mihi decurrat dies. Vtinam ſic intendam aliis, ut nunquam oblivifcar tui, & amorem gloriæ tuæ, & ſupernæ Ierufalem ponam in principio lætitiæ meæ.

§. 9. *Via Dux, ſeu magiſter ſpiritualis.*

CHRISTVS. Sed & cave, ne ſis ſapiens apud temetiſpum, ſic enim facile corrues. Væ autem ſoli, quia cum ceciderit, non habet ſublevantem ſe. Tracta cum ſapientibus cauſam tuam. Nemo tam ſapiens, ut conſilio ſapientioris ſubinde non egeat. Audiens ſapiens ſapientior erit: qui vero odit increpationes, inſipiens eſt.

O quam multos fallit amor ſui; quam multi in cauſa propria cæcutiunt, qui in alienis nimium oculati ſunt ! Ecce David, quis illo ſanctior, aut mihi carior ? attamen poſtea lapſus eſt, & peccavit peccatum grande, nec agnovit, (qui alioquin ſatis gravi raptorem ovis ſententia ferire noverat) donec aperte, per ſervum meum Nathan corriperetur. Moyles quoque ſervus meus, quamvis facie ad faciem eloquerer, is nihilominus ſoceri ſui Iethro, hominis ethnici conſilium libenter, nec minus utiliter audivit ; ita Paulus Ananiam, Eunuchus Reginæ Candacis Philippum, Cornelius Centurio Petrum humiliter audierunt.

Habè

Habe ergo & tu fidelem viæ ducem , qui non ignoret astutias Satanæ: quem consulas in dubiis; cui reveles secreta cordis tui; quem secure sequaris. Sed si vera & dura, potius quam blanda & mollia prophetat tibi, ne oderis eum. Meliora sunt vulnera diligentis, quam fraudulenta oscula blandientis. Cave imiteris eos qui diligunt iniquitatem, & oderunt animas suas, adeoque prurientes auribus, quærunt sibi magistros molles, & à veritate auditum avertunt; Cave, inquam, ne credas his, loquuntur tibi non nisi placentia; qui dicunt pax, & non est pax. Nonne medicus ægrum perdit, cui parcat? Sic qui te beatum dicunt, ipsi te decipiunt.

Vide ergo cui animam fidas. Si profecturus esses ignota via, & mediis noctis tenebris, an ignarum viæ ducem velles? Si periculoso morbo laborares, an rudem & imperitum cuperes medicum? an mollem, qui parcendo tibi perderet te? Imo equi & jumenti sui curam nemo committit, nisi experto & fideli: & cui animam committas, parum referre putas; Illi denique securius committes animam tuam, qui novit curare suam. Si cæcus cæco ducatum præstet, nonne ambo in foveam cadunt? Et qui sibi nequam, cui bonus erit?

Homo. Falli & errare humanum est. Fateor Domine. Utinam provideas mihi ducem habentem zelum Dei secundum scientiam, qui idoneus sit instruere me in spiritu lenitatis & mansuetudinis: qui non quæ sua sunt, quærat sed quæ IESV Christi; qui, inquam, amore tui, & proximi, non parcat mihi, ut utrique tu parcas, Domine. Corripiat me plane justus in misericordia, & increpet me; oleum autem assentatoris non inpinguet caput meum: & in illo quidem, non tam hominem, quam te in illo loquentem audiam. Nam veritas undecunque est, à te est, qui es prima veritas.

§. IO. *Examen Conscientiæ quotidianum.*

CHRISTVS. Restat unum, quod nisi quotidie & serio curæ tibi fuerit, frustra videberis in cæteris laborare. Est autem quotidianum EXAMEN Conscientiæ; quod quidem tanti momenti est, ut sine eo vita pia & spiritualis

diu subsistere, aut solidus in virtute progressus sperari nequeat. Nam cum initium salutis sit notitia peccati, quomodo ille de emendatione vitæ, cordis compunctione, aut pietatis profectu serio cogitabit, qui ne quidem curat nosse defectus suos? Quomodo de venia & remissione peccatorum à me obtinenda sollicitus erit, qui nescit ubi offenderit? quomodo sanari quæret, qui morbum suum non agnoscit! Quin magis blanditur sibi uti sanus per omnia, & complacet sibi, quasi homo frugi, & qui non sit operatus malum; & dicit, quia dives sum, & nullius egeo: & nescit, quia ipse est miser, & miserabilis, & pauper, & cæcus, & nudus.

O Homo, si intus videres te, displiceret tibi, & placeret mihi, sed quia ignoras te, places tibi, & displices mihi. Quam multi multa sciunt, & seipsos nesciunt! cum tamen vanum sit omne, quod ad æternitatem non prodest. Quam multi circa alios & aliena occupantur, & seipsos negligunt! Tu, mi homo, si sapis, quidquid sit de aliis, in primis pone cor tuum super vias tuas, & miserere animæ tuæ, qua nihil tibi carius aut pretiosius in vita tua; cujus si detrimentum patiaris, & totum mundum lucreris, quid proderit tibi?

Homo. Eheu Domine, in multis offendimus omnes. Sed delicta quis intelliget? Omnino, si dixerimus quia peccatum non habemus, nos ipsos seducimus, & veritas in nobis non est. Heu quæ ista stupidias cordis nostri, ut non scrutemur vias nostras, an etiam cor nostrum reprehendat nos? sed, cauteriatas conscientias habentes, dissimulamus peccata nostra, quasi gens quæ justitiam fecerit; & de progressu in via Domini tam parum curamus?

CHRISTVS. Si vos ipsos dijudicaretis, non utique judicaremini. Sed quia proprium scrutinium subterfugitis, nonne majus iudicium sumitis? Proinde hortor ego vos, si quæ forte per diem dicitis in cordibus vestris: si quæ mala decernitis & agitis in animo: (nam ex corde exeunt omnia crimina) de his in cubilibus vestris, cum soli estis, extra turbam & strepitum, & jam ad quietem membra componitis, compungimini, dolete, & resipiscite.

O quam

O quàm male consulunt sibi qui totum diem inter occupationes, negotia, curas, & strepitus extrahunt; demum lassii & somnolenti ad quietem properant; ut vel tantillum orationi, & examini vacare tædeat! Quid dicam de his, qui confurgunt mane ad sectandam ebrietatem, & potandum usque ad vesperam, donec vino æstuent: qui diem inter cœnam, pocula, lusus, jocos, & fabulas claudunt; sicque demum, instar temulenti Holophernis, aut bestię, somno & vino sepulti, jacent in stratis suis? O stulti! quid si hac ipsa nocte mors petat jugulum vestrum; miserę animæ quò ibunt? Nonne ubi ceciderit lignum, ibi erit? quid si somnum illum longus & perpetuus somnus excipiat, quid tunc viri isti divitiarum invenient in manibus suis? Quid si infelices adhuc vino madidi sistantur Iudici? O quam horrendum erit incidere tales in manus Dei viventis! Intelligite hæc, qui obliviscimini Deum, ne quando rapiat, & non sit qui eripiat.

HOMO. Illumina Domine oculos meos, ne unquam obdormiam in morte: nequando dicat inimicus meus, prævalui adversus eum. Agnosco enim non hominis, sed pecudis vitam esse, sic claudere diem, sic ordiri, immemorem Dei; sine quo nec ad momentum vivere, nec moveri, nec esse possumus. Da mihi, ne unquam adscendam in lectum strati mei, neque dem somnum oculis meis, & palpebris meis dormitationem; quin prius recogitem tibi transactum diem in amaritudine animæ meæ; & sic corde contrito & humiliato, quod non despicias, reconciliatus tibi, in pace in idipsum dormiam & requiescam.

CHRISTVS. Sic fac, mi homo, & vives. Serio, inquam, ac severe te ipsum quotidie, vesperi potissimum examina; dicta, facta, cogitata totius diei quasi ad tribunal revoca; quid commissione, quid omissione peccaveris, recognosce. Quomodo monita salutis, à me tibi hætenus tradita, in praxin & usum redigere studueris expende, & ubicunque te deliquisse deprehendis, te ipsum coargue, dole ex animo: poenam in te ipsum statue: in sequentem diem meliora propone: gratiam meam in hoc postula: sed in primis gratias pro acceptis eo die beneficiis age. Denique corpus & animam mihi commenda. Sic securius dormies.

Alias

Alias certe audacia magna est ; imo periculosa temeritas, conscientia onusta peccatis me offenso, & non reconciliato; somnum capere. Adde, quod nisi quotidie, & quidem non perfunctorie, sed diligenter hoc Examen intrueris, in eodem semper hærebis luto : eadem post menses, imo plures annos in te vivent vitia, & vires etiam acquirant : adeoque invalescent, ut postea ea expugnare non sufficias; quia rastro disciplinæ & quotidiani Examinis, spinas & tribulos, quos hæc terra maledicto obnoxia; id est, corrupta natura, identidem germinat tibi, extirpare neglexisti.

HOMO. Benedicam te Domine in omni tempore ; semper laus tua in ore meo. Benedictus es Domine, qui docuisti me à juventute mea; & utinam usque in senectam & senium ne derelinquas me. Utinam dirigantur viæ meæ, ad custodiendos omnes hos, quos nunc audiui, sermones tuos. Ne servus sciens voluntatem Domini sui, & non faciens, pluribus plagis vapulare dignus sit.

CAP. II.

EXERCITIA VARIA
in Orationem Dominicam.

*Gradus ad Perfectionem, juxta seriem
Orationis Dominicæ.*

I. Dei Amor, Præsentia, & Reverentia.

Pater noster qui es in cælis.

IN Cœlis habitas, velut in throno gloriæ tuæ; Sed alta à longe cognoscis, & nostra intime consideras. Nam oculi tui lucidiores sole. Vnde è folio majestatis tuæ contemplaris in omni loco bonos & malos : dilectos vero filios tuos peculiari favore ac benevolentia respicis. Da mihi obsecro, quod jubes, ut amem te, & ambulem coram te; timeam quoque te, non ut reus Iudicem, sed ut filius Patrem; & studeam esse perfectus, sicut tu Pater meus cœlestis perfectus es.

II. Intentio Pura, seu Zelus Divinæ Gloriæ.

Sanctificetur nomen tuum.

Id unice, & ante omnia desidero, ô bone Iesv, ut in Nominine tuo flectatur omne genu; ut à me & ab omnibus recta & pura intentione omnia fiant ad maiorem gloriam Nominis tui: ut ab omnibus cognoscaris & colaris, ô sanctissime Redemptor mundi: Vtinam sic quoque luceat lux nostra coram hominibus, ut videntes conversationem nostram bonam, glorificent te Patrem nostrum in cœlis.

III. Amor & desiderium Rerum cœlestium.

Adveniat regnum tuum.

Sumus enim advenæ & peregrini super terram: Ad hoc vero nati, & quod majus est, sic formati ad imaginem tuam; imo redempti per sanguinem tuum, ut simus consortes regni tui, (non enim habemus hic manentem civitatem, sed futuram inquirimus) ut quæ sursum sunt quærentes & sapientes, non quæ super terram, conversationem nostram habeamus in cœlis. O si primum quæreremus Regnum Dei, & justitiam ejus; de cæteris enim tu nos, Domine, facis securos. Quid ergo erit in mundo (qui totus in maligno positus est,) quod mihi sic arrideat, ut immemor fiam Regni tui, ubi in bonis replebitur desiderium nostrum? Quid erit, quod me separet à te? Valeant omnia regna Mundi, & omnis gloria eorum. Melior est mihi dies una in Regno tuo, super millia: imo cætera regna vana, brevialia, caduca sunt; Solius Regni tui non erit finis.

IV. Resignatio & Conformitas cum voluntate divina.

Fiat voluntas tua, sicut in cœlo, & in terrâ.

Fiat omni modo per me, in me, & de me, quoad corpus, & animam, & omnia mea. Omnes Angeli, omnia Elementa, mare & venti, & omnes creaturæ obediunt voci tuæ: quanto magis ego vermis terræ, servus tuus faciam voluntatem

tem tuam? Tua voluntas utinam sit summa & sola mea voluptas: sed & vera mea felicitas, velle quod vult Deus. Quid enim mihi est in cœlo, & à te quid volui super terram, ô Deus cordis mei, & pars mea Deus in æternum!

V. Moderatio circa usum Creaturarum.

Panem nostrum quotidianum da nobis hodie.

Non petimus quod voluptati serviat, sed quod necessitati sufficiat. O Domine, oculi omnium sperant in te, & tu das illis escam in tempore opportuno. Tu aperis manum tuam, & imples omne animal benedictione. Ecce projicio & ego in te omnem curam meam, quoniam tibi est cura de nobis. Tribue tantum victui meo necessaria; & fac, ut habens victum, & quibus tegar, his contentus sim; gratus in omnibus erga te datorem omnium. Absit à me, ut abundantiam donorum tuorum luxus, saturitas, & otium commitetur. Heu quam multi à fructu frumenti, vini & olei multiplicati, impinguati & incrassati derelinquunt te Deum factorem suum! Mihi sat magnus quæstus erit, pietas cum sufficientia.

VI. Dilectio Proximi etiam Inimici.

Et dimitte nobis debita nostra, sicut & nos dimittimus debitoribus nostris.

O quam suavis est, Domine, Spiritus tuus! Sic ne nos doces orare? quasi modus gratiæ & indulgentiæ tuæ pendeat ex moribus nostris, & affectu nostro in proximum. O nova & mira orandi forma! & simul pietatis tuæ tessera! Ecce quales sumus in proximos, talis tu eris in nos. Ergo ne difficilis ero ad condonandum proximo, ut te quoque talem experiar. Quin potius ero tardus ad iram; & Sol non occidet super iracundiam meam. Absit à me, ut sim implacabilis, vindictæ cupidus, & memor injuriæ adversus proximum meum, ne & tu memineris iniquitatum mearum antiquarum, & in ira tua corripias me. Quid ni denarium unum libens dimittam proximo, ut tu innumera lenta dimittas mihi?

VII. Fortitudo in tentationibus.

Et ne nos inducas in tentationem.

Quid enim est vita hominis super terram, nisi tentatio? Sed ne sinas me tentari supra id quod possum. Nihil autem possum sine te ; at omnia in te, si confortet me gratia tua. Da ut tentationes *Carnis* mortificatione, & occasionum fuga præveniam. *Leoni* illi rugienti , qui circuit quærens quem devoret, resistam fortis in Fide. *Mundi* iudicia contemnā : momentanea æternis minime præferam. Fac ut omnis tentatio mihi sit ad disciplinam; nulla ad ruinam.

VIII. Confessio Divinæ providentiæ.

Sed libera nos à malo.

Nam ecce, dum sic ad apicem virtutis enitimur , multa nos hic undique perturbant mala : sed in quibus omnibus dominatur divina tua Providentia. Testatur id Propheta tuus dicens : *Non est malum in civitate. quod Dominus non fecerit* ; malum nempe poenæ, quale scilicet est bellum , fames, morbus, egestas, &c. Hæc ne in malum culpæ vergant , id obnixe rogamus : hoc enim foret maximum omnium malorum : Cæteroquin mala non erunt , si non separent nos à te Summo Bono. Id tuæ potentiæ, bonitatis, & sapientiæ est, ô Domine, sic mala ista dirigere, ut diligentibus Te omnia cooperentur in bonum. Tamenim potens es, ut nullum permitteres malum, si non posses inde elicere majus bonum.

ORATIO DOMINICA.

Ad tres virtutes Theologicas, & quatuor Cardinales accommodata.

Seu, quomodo septem illæ virtutes sub totidem petitionibus Orationis Dominicæ petendæ & exercendæ.

Pater noster, qui es in cælis:

O Pater æternæ, qui filiis tuis hereditatem in cælis, & dona invisibilia præparasti, sed filios non degeneres, &
mo-

mores in eis tali Patre, id est, teiplo dignos requiris : da ut perfecti esse studeamus, sicut tu Pater noster perfectus es. Non enim sumus sufficientes ex nobis; sed omnis sufficientia nostra ex te est. Itaque in nomine, imo & verbis dilectissimi Filii tui, virtutes & dona petimus, sine quibus tibi placere, & regnum tuum obtinere non possumus.

I. F I D E S.

Sanctificetur nomen tuum.

Vbi vera & viva fide DEVS colitur, ibi nomen ejus optime sanctificatur. Credo Domine, quia omnipotens es, summe sapiens, & super omnia bonus; verax quoque & fidelis in promissis, imo ipsa veritas. Domine adauge fidem meam; Adjuva incredulitatem meam, ut te in vera fide & veritate sanctificem.

Mirabilia quidem opera & judicia tua Domine; sed vera & justificata in semetipsa. Admirabile est nomen tuum in universa terra; sed non est apud te impossibile omne verbum. Testimonia tua credibilia mihi facta sunt nimis, ideoque domum tuam (Ecclesiam) decet sanctitudo. Nam quid indignius; quam talia credere; & talibus moribus fidei congruentibus sanctificem nomen tuum gloriosum in sæcula. Nam quid proderit nomen Christianum, sine moribus Christianis?

II. S P E S.

Adveniat regnum tuum.

Quod paratum nobis est ab origine mundi. Ex infinito enim amore fecisti nos hæredes regni tui, cohæredes autem Christi. Spero itaque videre bona Domini in terra viventium. Quid enim o Bonitas immensa? Tot modis vocas me, & repellere me poteris? sic invitas & trahis me, & deficere fines in via? In te Domine speravi, non confundar in æternum. Hæc spes reposita est in sinu meo. Hæc in omni angustia confirmat cor meum, ut non deficiam in tribulationibus meis. Credo enim quod Redemptor meus vi-

vit, & adimplebit me lætitia cum vultu suo, cum introducet me in Regnum suum. O Spes, quæ non confundit! Spes tantæ remunerationis ô quantum est solatium laboris!

III. C H A R I T A S.

Fiat voluntas tua.

Amore tui, ô dulcissime Pater, inflamma cor meum, sic utique facere voluntatem tuam, & parere mandatis tuis grave non erit. Amanti enim nihil difficile, nedum impossibile, quia fortis est ut mors, dilectio. Hæc utinam repleat & regat cor meum. Hinc enim nascetur & nutrietur inter te & me morum similitudo, & voluntatum unio, ut sit mihi unum velle tecum, & idem nolle; nec sit ulla deinceps voluntatis meæ erga tuam rebellio: Sed in lege tuâ sit omnis voluntas mea. Quodnam autem luculentius veri amoris & amicitix indicium esse possit? Nonne qui habet mandata tua & servat ea, ille est qui diligit te? Certe probatio dilectionis exhibitio est operis.

IV. T E M P E R A N T I A.

Panem nostrum quotidianum da nobis hodie.

Vt corpus cibo, sic animus Temperantia pascitur: imo sobrius & moderatus victus & corpori & animæ utilis est. Itaque da mihi, ut usum rerum delectabilium & ad vitam hanc pertinentium rectæ rationis freno gubernem: ne forte crapulâ & cura ventris gravetur cor meum: & sic corpus quod corrumpitur, voluptatibus immersum deprimat animum cœlestia cogitantem. Merito autem quotidianum hoc pabulum postulo, quia voluptatis esca, sub omnibus pæne creaturis, quibus utimur quotidie, latet, & nobis insidiatur ubique.

V. I V S T I T I A.

Et dimitte nobis debita nostra.

Iustitiæ est reddere unicuique quod suum est. Quid autem proximo debemus, nisi, ut invicem diligamus? ut alter

alterius onera portemus; & sic adimpleamus legem tuam? denique ut proximo faciamus, quod nobis fieri vellemus? Iustum quoque est, ut qui decem millium talentorum; id est, longe gravioris debiti condonationem à te petimus: centum denariorum, id est, debiti minimi remissionem proximo non negemus. Hujus ergo justitiæ zelum & amorem da mihi Domine, ne ea neglecta incidam in manus justitiæ tuæ. Nam si homo homini sibi simili reservat iram, quomodo poterit à te sperare misericordiam? Nonne justum est, ut qua mensura mensus est, remetiatur ei?

VI. FORTITUDO.

Et ne nos inducas in tentationem.

Multis tentationibus obnoxia est vita hominis, imo tota ipsa tentatio est. Itaque virtute Fortitudinis corrobora cor meum, ut nec seducar prosperis, nec adversis superer, & separer à te. Vides enim quæ sit fortitudo mea, ut resistere possim. Quin Fortitudo & salus mea tu es Domine. Miserere ergo mei, & quoniam infirmus sum. Sed & fortes quæstionant animam meam. O utinam fortior illis, tu, inquam, fortis & potens in prælio supervenias: sic utique non timebit cor meum, quoniam tu mecum es! Si Deus pro nobis, quis contra nos? Non enim patieris tentari nos supra id quod possumus, sed facies cum tentatione proventum.

VII. PRUDENTIA.

Sed libera nos à malo. Amen.

Facile effugiet omne malum, quem Prudentia rexerit, quæ est recta ratio agibilium. Da ergo mihi Domine virtutem hanc, ut quidquid ago, prudenter agam, & finem in omnibus respiciam. Nam ubi Prudentia præest, mala etiam cooperantur in bonum: at ubi deest, ipsæ quoque virtutes in vitium abeunt; ipsa bona evadunt mala. Fac ergo, ne instar cæci temere currentis, impingam, & corruam in malum, sed palpebræ tuæ præcedant gressus meos. Da mihi simplicitatem columbæ, sed imprimis prudentiam serpentis;

ut

ut sicut is malum capitis avertit objectu corporis : sic ego corpus & membra potius exponam tormentis: quam detrimentum animæ patiar, quod extremum est omnium malorum.

M O D V S R E C I T A N D I

Orationem Dominicam ad excitandos pios affectus, meditatione interposita.

Ex P. Christ. Mayer.

Pater noster.

Domine cœli & terræ, infinitæ cum unigenito Filio tuo & Spiritu sancto majestatis, potentiæ, sapientiæ, bonitatis, ac proinde infinite honorabilis, & amabilis, fons omnis boni, à quo certa cum fiducia speranda omnia bona naturæ, gratiæ, gloriæ.

1. *Sanctificetur nomen tuum.*

Sanctificeris, ameris, glorificeris à me, & omnibus, in omnibus perfectionibus tuis, potentia, sapientia, bonitate, misericordia, justitia, in omnibus judiciis & decretis tuis, circa me, omnes, & omnia; in omnibus operibus naturæ, gratiæ, gloriæ; in omnibus permissionibus, in omnibus beneficiis tuis, omni possibili modo; gratis propter te, infinite super omnia, nunc, semper, æternum, & ultra. Vtinam sic semper à me, & ab omnibus glorificatus fuisses, & deinceps semper sic glorificeris & sanctificeris!

2. *Adveniat regnum tuum.*

Vtinam in me, & omnibus perfecte regnes, nunc per gratiam, tandem per gloriam, Vtinam anima mea ante omnia quærat regnum Dei; quæ sursum sunt, sapiat, & desideret; non quæ super terram. Vtinam pertæsa præsentis exilii, ubi peccatum regnat, ubi ambitio, superbia, &c. dominatur; ad illam beatam vitam, & regni æterni possessionem indefinenter adspiret. Vtinam id semper factum fuisset, & ex momento hoc fieret perfecte, ut tecum, & cum omnibus SS. tandem regnemus in omnem æternitatem!

3. *Fiat voluntas tua.*

Fiat à me, & ab omnibus viatoribus tua sanctissima voluntas in perfecta præceptorum, & consiliorum omnisque beneplaciti tui executione, purè propter te, tam exacte, alacriter & constanter, omnibus diebus & momentis vitæ nostræ in terra sicut fit à Beatus seu Comprehensoribus æternum in cælo; cum insatiabili desiderio tibi gratificandi pro beneplacito tuo. Utinam id semper à nobis omnibus intellectu, affectu, effectu factum fuisset, & deinceps fiat, sicut vis, cum omni possibili perfectione!

4. *Panem nostrum quotidianum.*

Omnia subsidia corpori & animæ necessaria ad gratiam, perseverantiam & gloriam consequendam nobis misericorditer largiri dignare, sicut tibi placet; ad maximam tuam gloriam, hodie & omnibus diebus vitæ nostræ, per tuam infinitam bonitatem.

5. *Et dimitte nobis.*

Con dona nobis ex immenso thesauro misericordiæ tuæ omnia peccata nostra, corde, ore, opere, omissione perpetrata; omnem ingratitudinem nostram, pro tot beneficiis tuis; omnes injurias tibi, proximisque nostris, illatas: sicut & nos, ex toto corde plenissime remittimus omnibus omnines offensas, (ut reconciliati fratribus, facilius inveniamus vicissim & nos gratiam in oculis tuis) idque ex puro amore tuæ infinitè amabilis, indefesso, assiduoque conatu usque ad extremum vitæ spiritum.

6. *Et ne nos inducas.*

Ne permittas nos ullis unquam mundi, carnis, diaboli temptationibus succumbere, sed gloriose de omnibus virtute tua triumphare, nunc, semper, in hora mortis, ad majorem tuæ infinitæ potentiæ, sapientiæ & bonitatis gloriam luculentius manifestandam.

7. *Sed libera nos.*

Præserva & libera nos clementer ab omnibus malis corporis, & animæ, præsentibus & futuris; quantenus nos à perfectione, perseverantia, & salute consequenda, gloriaque tua promovenda impedire, aut tetardare possunt. ut sine impedimento, perfectius te amare, & glorificare possimus in tempore, beatius olim in æternitate, idque non tam ob nostrum emolumentum, quam ob gloriæ tuæ incrementum.

Amen.

Fiat, quod peto, sicut vis, quando vis, quomodo vis, per viscera misericordiæ tuæ, per merita Filii tui, B. V. Matris ejus, & omnium Sanctorum. Atque utinam hæc omnia pia desideria renovarentur à me & omnibus, si fieri posset, gratuito amore tui, intensissime, sicut est placitum ante te, omnibus momentis temporis gratiæ!

C A P. III.

LITANIÆ CHRISTIANARVM
VIRTVTVM,

Ex Sacra Scriptura collectæ.

KYRIE ELEISON. Christe eleison.
Kyrie eleison.

Christe audi nos. Christe exaudi nos.

Pater de cœlis Deus, miserere nobis.

Fili Redemptor mundi Deus, miserere nobis.

Spiritus sancte Deus, miserere nobis.

S. Trinitas unus Deus, miserere nobis.

Qui primos Parentes in originali justitia & innocentia creasti.

Qui Abel singulari religionis affectu munera sua offereutem respexisti,

Qui Noë inter perversos, justum inventum, à diluvio per arcam servasti.

Miserere nobis. }
Genes. 1.
Genes. 4.
Genes. 7.
Qui

Qui Loth & Abraham singulari hospitali-
 tatis laude illustres fecisti,
 Qui Abraham mirabili obedientia, & fide
 decorasti,
 Qui Isaac & semini ejus benedictionem o-
 mnium gentium promissisti,
 Qui Iacob mira in adversis patientia & fi-
 ducia roborasti,
 Qui Ioseph singulari pudicitiae, & castita-
 tis amore donasti,
 Qui Moysen populi tui Ducem, & virum
 mitissimum, in omni domo tua fidelissi-
 mum prædicasti,
 Qui eidem eximiam erga proximos chari-
 tatem, & fraternæ salutis zelum inspi-
 rasti,
 Qui Filiis Levi magnum vindicandi hono-
 ris tui zelum indidisti.
 Qui Samuelem Prophetam justitiæ aman-
 tem, & ab omni munerum corruptela
 aliènum populo tuo judicem dedisti,
 Qui David regem, virum secundum cor
 tuum, justitiæ, mansuetudinis, ac pietatis
 laude sublimasti,
 Qui Salomonem sapientia mirabili, pace, &
 gloria super omnes terræ Reges exor-
 nasti,
 Qui Tobiam insigni patientia, & erga pro-
 ximos misericordia decorasti,
 Qui Judith singularis castimonie & pietatis
 viduam; orationis fiducia, & magnani-
 mitatis gloria nobilitasti,
 Qui Esther & Mardochæi fidelitate popu-
 lum tuum ab excidio liberaisti,
 Qui Iob mira & rara patientia nobis omni-
 bus in speculum & exemplar patientiæ
 dedisti,
 Qui Eliam prophetam singulari zelo, & li-

Genes. 18.

& 19.

Genes. 22.

Genes. 26.

Genes. 29.

& c.

Genes. 39.

Num. 12.

Exod. 32.

Miserere nobis.
Ibid.

1 Reg. 7.

& 12.

1 Reg. 13.

3 Reg. 4.

Tob. 2.

Judith 8.

Esth. 8.

Iob 1. & c.

berrate

bertate spiritus, adversus Pseudoprophetas & impios armasti,	3 Reg. 18.
Qui Iosix Regi pium legis & religionis zelum infudisti,	2 Par. 34.
Qui Danielem prophetam singulari abstinencia, sobrietate & sapientiâ decorasti,	Dan. 1.
Qui tres Pueros ob confessionem tui in fornacem ignis ardentis, intrepidus intrare, & illæsos exire fecisti,	Dan. 3.
Qui Matathiam, & Iudam Machabæum, singulari zelo & amore legis, & patriæ religionis in hostes armasti,	1 Mac. 2. & 3.
Qui septem Machabæos unâ cum Matre invictos inter supplicia fecisti,	2 Mac. 7.
Qui sacratissimam Virginem MARIAM ab omni peccato immunem in purissimam Sponsam & Matrem elegisti,	Luca 1.
Qui eandem singulari Castitatis, Humilitatis, Obedientiæ, & Virtutum omnium privilegio præ cæteris electis omnibus exornasti,	Miserere nobis. Ibid.
Qui senem Simeonem justum & timoratum, magno desiderio expectantem redemptionem Israël, adventu tuo mirè recreasti,	Luca 2.
Qui Annam filiam Phanuelis, assiduo tibi in jejuniis & orationibus in templo servientem, tui conspectu recreasti,	Ibid.
Qui tres Magos Reges magno zelo ad requirendum & adorandum cœli terræque Regem recens natum excitasti,	Matth. 2.
Qui eosdem Magos illustri Fide, ad agnoscendum in parvulo Infante Deum & Hominem, stella duce illuminasti,	Ibid.
Qui Ioannem Baptistam mira vitæ austeritate & abstinencia præcursores, & penitentia Præconem misisti,	Matth. 3.
Qui eundem zelo & amore veritatis ad ar-	guen-

guendum impii Regis crimen intrepidum fecisti,

Qui discipulos & Apostolos; rudes, pauperes, & simplices elegisti, sed per eos, totum mundum Euangelio subiecisti,

Qui Ioannem castitatis dono insignem, singulari amoris privilegio dignatus es,

Qui Cananæ supplicantis fidem & orandi perseverantiam commendasti,

Qui centurionis & Reguli fidem miraculo & sanitatis beneficio approbasti,

Qui Publicani humilitatem singulari præconio extulisti,

Qui in turbis triduo te sustinentibus verbi divini audiendi zelum miraculo comprobasti,

Qui in die Pentecostes Apostolorum tuorum corda igne S. Spiritus in tuo amore confirmasti,

Propitius esto, parce nobis Domine.

Propitius esto, libera nos Domine.

Vt abnegantes impietatem & secularia desideria, sobrie, & iuste, & pie vivamus in hoc seculo,

Vt operemur bonum, dum tempus habemus,

Vt digne ambulemus vocatione qua vocati sumus,

Vt supportemus invicem in charitate solliciti servare unitatem Spiritus in vinculo pacis,

Vt simus factores verbi, & non auditores tantum,

Vt habentes alimenta & quibus tegamur, his contenti simus,

Vt nemini quidquam debeamus, nisi ut invicem diligamus,

Vt provideamus bona, non tantum coram Deo, sed etiam coram omnibus hominibus,

Marci 6.

Matth. 4.

Miserere nobis. Ioan. 13.

Matt. 15.

Matth. 8.

& Ioan. 4.

Luce 18.

Marci 8.

Act. 2.

Tit. 2.

Galat. 6.

Ephes. 4.

Ibid.

Iacob. 1.

1 Tim. 6.

Rom. 13.

Rom. 12.

Vt

Vt corpora nostra hostiam viventem, sanctam Deo placentem, rationabile obsequium nostrum exhibeamus,

Ibid.

Vt nulli malum pro malo reddamus,

Ibid.

Vt per bona opera certam vocationem nostram facere satagamus,

2 Petri. 1.

Vt bonum facientes non deficiamus,

Galat. 6.

Vt semper in Domino gaudeamus,

Phil. 4.

Vt non quæ nostra, sed quæ Iesu Christi sunt, ante omnia quæramus,

Phil. 2.

Vt qui ore confitemur Deum, factis non negemus,

Terogamus audire nos.

Tit. 1.

Vt omne quodcunque facimus in verbo, aut in opere, omnia in gloriam Dei faciamus,

Col. 3. &

Vt errantes in spiritu lenitatis & mansuetudinis instruamus,

1 Cor. 10.

Vt omnia nostra in charitate fiant,

Galat. 6.

Vt alter alterius onera portemus, & sic adimpleamus legem Christi,

1 Cor. 16.

Vt gratiam Dei in vacuum non recipiamus,

Galat. 6.

Vt Sanctorum intuentes conversationem, eorum fidem & patientiam imitemur,

2 Cor. 6.

Vt militantes Deo non implicemus nos negotiis secularibus,

Hebr. 13.

Vt in omnibus sumamus scutum fidei, in quo tela nequissimi ignea extinguere possimus,

2 Tim. 2.

Vt sic curramus in hoc vitæ stadio, ut tandem bravium accipiamus,

Ephes. 6.

Agnus Dei, qui tollis peccata mundi, Adauge nobis FIDEM.

Agnus Dei, qui tollis peccata mundi, Infunde nobis SPEM.

Agnus Dei qui tollis peccata mundi, Accende in nobis CHARITATEM.

Christe audi nos. Christe exaudi nos.

Kyrie eleison. Christe eleison. Kyrie eleison.

Pater noster,

Oremus.

DEus qui diligentibus te facis cuncta prodesse : da cordibus nostris inviolabilem tui amoris affectum, ut desideria de tua inspiratione concepta, nulla possint tentatione mutari.

DEus qui superbis resistis, & gratiam præstas humilibus, concede nobis veræ humilitatis virtutem, cujus in se formam fidelibus Vnigenitus tuus exhibuit; ut nunquam indignationem tuam provocemus elati, sed potius gratiæ tuæ capiamus dona subiecti.

VRe igne sancti Spiritus renes nostros, & cor nostrum, Domine : ut tibi casto corpore serviamus, & mundo corde placeamus.

DEus, qui Vnigeniti tui patientia antiqui hostis contrivisti superbiam, da nobis, quæsumus, quæ idem pie pro nobis pertulit, digne recolere, sicque exemplo ejus, nobis adversantia æquanimiter tolerare.

DEus, qui justificas impium, & non vis mortem peccatoris : majestatem tuam suppliciter deprecamur : ut nos famulos tuos de tua misericordia confidentes cœlesti protegas benignus auxilio, & assidua protectione conserves, ut in stadio virtutum indefesse currentes accipiamus bravium, & nullis tentationibus unquam à te separemur. Per Dominum nostrum.

C A P. IV.

E X E R C I T I A P I I S S I M A,
seu Praxis & Actus variarum V I R T U T U M.

Ex Ludovico Palma Clerico Regul.

*Alia ejusdem mire pia & utilia exercitia habes
supra Sect. I.*

I. Actus Compunctionis & odii contra peccata.

Declina à malo & fac bonum : inquire pacem & persequere eam.
Psal. 33.

I. **C**onfessio est, qua quis ex animo super omnia detestatur commissa peccata, ob Deum offensum; cum firmo proposito confitendi, & non amplius peccandi : adjuncta spe veniæ.

O Deus

O Deus meus, & Misericordia mea, ego verè contritus, flecto genua cordis mei, summoque cum dolore animi humiliter me accuso, & coram divina Majestate tua meam culpam agnosco, confitendo omnia peccata mea, & omnes abominationes commissas toto tempore vitæ meæ, in superbia, avaritia, luxuria, invidia, gula, ira, acedia; & in vitiis omnibus, quæ ab istis promanant: quia, proh dolor! nimis inclinatus, & effusus in omnia fui. Cujus me summo opere poenitet, ac doleo peccasse non amore præmii justis promissi, quo dignus non sum; neque timore suppliciorum peccatoribus infligendorum, quibus undequaque sum dignissimus: sed ideo tantum, quia offendi te, ô Deus meus, qui ex te ipso summe bonus es, & super omnia colendus; imo ipsa Charitas, ipsa Bonitas, ipsa Majestas.

II. Et propter magnum amorem, quem tibi debeo, quemque erga te gero, Domine, odi, detestor, abominor peccatum, amorem proprium, inordinatum amorem creaturarum, & omne illud, quod me potest impedire, quo minus tibi per sanctum tui amorem conjungar & uniar.

Quidquid peccavi cogitatione, verbo & opere, sive ex fragilitate, sive ex ignorantia, sive ex malitia, contra te, Deum meum, contra proximum, & meipsum, quocumque modo: toto cordis affectu, quo possum, dico meam culpam, meam maximam culpam: poenitet me peccasse, ac doleo, quod hac hora non sentiam tantum odium peccati, neque habeam tam serium dolorem, nec tantam curam deffendi præterita; neque tam firmum propositum cavendi futura peccata, quantum vellem & deberem habere, ut meis tantis abominationibus respondeat.

III. Ideo te precor, Deus meus, accepta illud odium infinitum, quo tu peccatum detestaris, in supplementum ejus; quod ego habere deberem: & in vicem doloris, quo careo, offero tibi, Misericordissime Pater, dolores Iesu Christi, Filii tui, & Redemptoris mei, simulque sacrificium immaculatæ vitæ ejus: & sanctum fervorem ac zelum, qui illum traxit ad ignominiosissimam, & acerbissimam Mortem, ut peccatum destrueret.

IV. Ah Iesv, mi clementissime, ad pedes misericordiarum

rum tuarum me prosterno , obsecrans te per charitatem illam, quæ de coelo te traxit in uterum Virginis, ut mihi applices merita amarissimæ tuæ passionis, & pretiosissimi sanguinis, quem pro peccatoribus, quorum ego maximus sum effudisti : & ita suppleas omnes meos defectus , & ignoscas mihi omnia vitia, peccata, negligentias, & ingrattitudines.

Largire , quæso , ut omnia ista in posterum longe à me fiant : & quamvis ego natura non possim esse impeccabilis, saltem, ô Bonitas infinita , fac mihi hanc gratiam , ne unquam mortaliter peccem. Sane hoc est, quod etiam tu ipse vis, desideras , petis , & mandas : da quod jubes , & jube quod vis.

Deinde fac, Domine , ut loco supradictorum vitiorum, in me imprimantur omnis generis sanctæ virtutes ; quod totum cedat tibi in gloriam , gratiarum actionem, nunc & semper, & in secula seculorum, Amen.

A C T V S B O N I P R O P O S I T I.

Iuravi, & statui custodire judicia justitiæ tuæ.

Psalm. 118.

I. **O** Potentissime Deus, quia illuminante gratia tua cognosco , quantopere sim obligatus ad bene operandum, & prosequendam virtutem : ad declinandum à malo, & fugiendum peccatum : ideo nunc omnino mihi diffusus, totusque confusus, & innixus sanctæ tuæ gratiæ, propono, & tota virtute liberi mei arbitrii, plenissimo , deliberatissimoque consensu statuo, nunquam amplius peccare : & potius millies singulis horis profundere vitam, quam unquam graviter te, Deus meus, offendere : aut tentare quidquam, facere , dicere , aut cogitare , quod sit contra tuum beneplacitum : sed ut basiliscum fugere omnem occasionem peccandi, & quidquid tibi displicet : quandoquidem ego volo quæcunque tu vis , ac detestor, quæcunque tu detestaris.

Et

Et si forte quod absit, continget, me committere, vel omittere quidpiam, contra tuum beneplacitum, id omne jam nunc protestor, non fore meæ voluntatis & mentis, sed malignæ suggestionis, & subiti motus, huic meo decreto contrarii. Tu, Domine, fac, ut in eodem firmus persistam, & ut nullas tales obreptiones admittens, omnium desideriorum & motuum meorum, gratia tua iuvante, plenus sim dominus.

Quapropter libere tunc renuncio omni consensui, tuæ voluntati contrario, & absolute me ab dico libertate arbitrii, quoties ad malum alliciar, & in periculo versabor te offendendi, & in omni eo, quod tendit ad malum.

II. Præterea propono etiam in posterum perfectissime omnia tua divina præcepta servare, & quæ tibi in Baptismo, aut aliis votis promissi: conabor etiam quantum per gratiam tuam potero, imitari sanctissimam vitam tuam, & comparare habitum omnium earum virtutem, quæ tibi magis placent: & facere per omnia tuam rectissimam voluntatem, & in omnibus reprimere meam, in mala propensam, subijciendo illam tui amore omnibus meis superioribus, æqualibus & inferioribus; tandemque ingredi viam perfectionis, per illa media, quæ tu Magister meus, in sancto Evangelio tuo, verbis, & exemplis monstrasti.

III. Adjuva me igitur, Domine; quia sine tuo singulari auxilio non valeo exsequi, & implere bona ista mea posita: da mihi vivam fidem, fortem & constantem animum; ut sicut tu peccare non potes per naturam, ita ego non possim per gratiam tuam.

IV. Denique rogo te, ut declarationem hanc meæ voluntatis acceptare, & approbare digneris tuo iudicio; ut omnia sint, & fiant ad gloriam & honorem tuum, salutem animæ meæ, & proximi mei, & secundum sanctissimam tuam voluntatem: cui, cum toto meo Esse, quod mihi largitus es, me dedo, & confecro, Amen.

III. A C T V S.

Humilitatis , & cognitionis sui.

Qui se humiliat, exaltabitur. Lucæ 14. 18.

I. **H**umilitas est Virtus, quæ reprimat appetitum, ne se immoderate in alium extollat.

Et quomodo ego, vilissimus vermiculus terræ, cum video te, Deus meus, amore mei humilitatem ad patiendam ignominiosissimam mortem; quomodo, inquam, ego me audebo extollere, & non potius, infra terram abscondam! cum & me agnoscam tam superbum, & ingratum, ut non credam inveniri aliquam creaturam, quæ si à te habuisset tantam gratiam & tot beneficia, quot ego, non multo majore fervore & spiritu tibi serviisset, quam ego. Imo quia hanc veritatem ex corde, & sicuti est, in re ipsa, non satis agnosco, fateor me superbissimum, & in veritate aliis omnibus vilior; adeoque propter meam vanitatem & stultam superbiam, tibi, Deo meo, merito invisum & execrabilem.

II. Heu me! sic excæcavit me superbia mea, ut me ipsum non agnoscam, & non videam, Domine, quanto plura dona à te accipio, tanto gravior sit ingratitudo mea, & majora peccata mea; tantoque strictior à me tibi reddenda sit ratio. Ideo profecto ego sum vilior peccator omnibus aliis; & credo neminem tam longe unquam à te recessisse, quam ego recessi per mea flagitia; imo credo maximos quosque peccatores si habuissent talia auxilia; qualia ego, majore festinatione ad te redituros, ac forte semper, & majore sinceritate cordis, & affectu, te amaturos, & honoraturos fuisse: fane magis dolerent de suis peccatis, ac fidelius tibi servirent, quam ego.

III. Obstupesco, Domine, quomodo sustineas conspectum meum, cum sim creatura tibi tam ingrata. Et ideo prorsus indignum me reputo, ut tibi serviam, tuque exaudias orationes meas; indignum omni gratia, & cœlestibus inspirationibus; imo indignissimum, quia tam parum ad
lucem

lucem tuam respicio : ideóque pridem fui promeritus , ut à te projiciar , & relinquer in tenebris & erroribus : indignus etiam , cum sim tibi tam inobediens & refractarius , qui habitem inter tuos fideles : & in domo servorum tuorum : à quibus , si pro meritis me tractare vellent , nihil aliud audire me oportet , quam contumelias & convitia. Quin etiam procul amandari me conveniet à consortio omnium hominum , ne forte putredo meorum abominabilium ulcerum , & viriorum , quenquam illorum inficiat.

IV. Vellem etiam omnibus notam esse meam extremam vilitatem & miseriam , ut omnes iusta me abominatione detestarentur , ac zelo gloriæ tuæ pro meritis exciperent.

V. Admiror Domine tuam erga me pietatem inæstimabilem , qua me tolerasti hucusque , neque ut summa erga te ingratitude promerebar in profundissimum inferni puteum deturbasti. Imo agnosco me solum propter meam ingratitude , inter omnes alias creaturas indignum divina tua cura , providentia & amore , quibus omnes alias creaturas prosequeris : & horresco intuens me ipsum , tanquam rem , ultra quam dici potest , sordidam , odiosam , & abominabilem : petoque à te , ô lux æterna , ut semper magis me ipsum agnoscam , ne unquam super alios amplius perverse me extollam.

Ah Domine , ex infima abyssu miseriæ meæ clamo , & invoco abyssum Misericordiæ & pietatis tuæ ; dona mihi hanc gratiam. Amen.

IV. A C T V S

Petitionis ad Deum.

*Quodcunque petieritis Patrem in nomine meo ;
dabit vobis. Ioan. 15.*

I. **B**enevolentissime Deus , & Dominus meus , quamvis Bego sim tuus creatione , conservatione , Redemptione , Iustificatione , speciali vocatione , & naturali conditione : magis tamen peculiarissima electione liberi mei arbitrii cupio

cupio esse, & sum tuus : ideo nullius alterius januam, pro gratia aliqua, præter tuam; qui es fons & origo omnis boni, mihi licet pulsare.

II. Neque aliud desiderare, petere, aut velle à te debere, nisi illud unum, quod tibi magis placet & maiorem tuam gloriam concernit : & si quando meam voluntatem alterius cuiusquam rei desiderio moveri continget, illam jam nunc abominor, detestor, & fieri nolo: precorque divinam Majestatem tuam, ne unquam in similibus me exaudias. Imo propterea primo & principaliter peto, & summa qua possum, contentione te rogo, ut perfectissima tua voluntas in me semper fiat : mea vero nullius sit efficaciarum : adeo ut nihil prorsus in me inveniat, quod non sit tuum.

Quia tamen voluntas mea prorsus otiosi non potest, opto, ut quocunque feratur, non sola feratur, Domine, sed semper conjuncta cum tua, quæ sola est sancta & recta. Ita cum gratia tua desidero, ita apud me statuo, ita coram curia tua cælesti protestor.

III. Quare, Domine, quoties aliquid à te peto, nihil intendendo petere, nisi per IESUM Christum, Filium tuum; sanctissimis ipsis, & meis qualibuscunque desideriis pariter conjunctis. Itaque benigne Pater, si non mea, saltem gratiosa desideria Filii tui merentur admitti. Sic exhibes Iustitiam ipsi, mihi misericordiam : tibi vero ipsi concilias honorem & gloriam. Voluntas dulcissimi Filii tui, Deus meus, vult, desiderat, mandat, ut ego sum mitis & humilis corde, patiens, benignus, charitate repletus; cupit ut vivam tibi, mihi moriar. Da, benevole Pater, Filio tuo, ut impleatur hoc, tam pium sanctumque desiderium ejus; sic enim satisfiet etiam tuo : & ipsius honor & totius SS. Trinitatis laus & gloria augebitur.

IV. Domine, quia nihil ego boni ex me ipso præstare queo, concede mihi hanc gratiam, ut ego te finem facere, quæcunque volueris; & ut meum facere, sit acquiescere tibi, ut agas in me id unum, quod maxime tibi placuerit.

Et ut in me nihil sit, quod tibi displiceat, exorna me sanctis virtutibus, dando mihi augmentum Fidei, Spei, & Charitatis: humilitatem spiritus, puritatem cordis, & omnes illas

Virtutes, dona, gratias, quas scis mihi esse necessarias; & quidquid de gratia tua in mea sive anima, sive corpore desideras inveniri: quo melius tibi possim placere, dignius & fidelius servire, & te perfectius amare.

Rogo insuper, ut mihi des gratiam perveniendi ad eum gradum perfectionis, quem ab æterno desideras me consequi: des etiam auxilia, media ac dispositiones necessarias ad obtinendum eundem.

V. Præterea, tota contentione pectoris mei, peto à te, veram contritionem de peccatis meis; & plenam remissionem illorum: & ut in posterum des, me millies potius velle corpore mori, quam ut vel semel moriar anima.

VI. Ita pius, es dulcissime Domine: ita ad rogandum ipse me excitas Misericordia tua, ut ego terra & cinis petere audeam, non solum id quod habes, sed illud etiam, quod es ipsemet: peto, inquam, infimus tuus cliens, ea qua possum demissione animi, te solo, & unico perfrui; in te solo, respirare, & quiescere, & non in aliquo tuo dono quantumvis eccellente, nobili, pretioso, divino.

VII. Peto purissimam illuminationem intellectus, ad tria præcipue cognoscenda. Primum ad cognoscendum perfectissime beneplacitum tuum, & faciendam integre sanctissimam voluntatem tuam. Deinde ad cognoscendam propriam meam vilitatem, ingratitude, & ad omne bonum indignitatem. Denique ad habendam perfectam notitiam omnium virtutum moralium, illasque consequendas, quo in me, Deus meus, amor tuus nudus, purus, ac sincerus magis magisque proficiat.

VIII. Tandem rogo te, placeat tibi acceptare meas orationes, non ut à me procedentes, sed velut à te inspiratas: & illas conjungere cum orationibus Filii tui, Iesu Christi, sanctissimæ Matris suæ, SS. Angelorum, Apostolorum, Martyrum, Doctorum, Virginum, Confessorum, & utriusque Ecclesiæ, triumphantis ac militantis: ad obtinendas supradictas gratias & dotes spirituales & corporales: tam mihi quam proximo: ne que attendas, Domine, personam meam, sed illorum, quorum offero tibi merita, precesque, per IESUM Christum, Filium tuum: à quo derivatur,

T

& pro-

& provenit omne opus meritorium , & omnis voluntas. Quod totum cedat ad sempiternam gloriam , & honorem amabilissimæ , adorandæ , gloriosissimæque Trinitatis, Amen.

V. A C T V S

Renunciandi voluptatibus, pro conservanda Castitate.

Erunt sicut Angeli in cælo, qui neque nubent, neque nubentur. Matth. 22.

I. **P**Vrissime Domine, & meritissime possessor cordium humanorum, tibi libentissime do omnimodam possessionem, & directum dominium meorum omnium, renunciando omni affectui terreno, & sensuali delectationi: ita ut si ego possem frui omnibus voluptatibus, & deliciis sensus & carnis, quæ ab omnibus hominibus delibari ac percipi solent, quæque desiderantur; & si possem illis etiam sine peccato perfrui, nihilominus tamen liberalissima mente illis renunciarem, & promptissime illas refugerem: sicuti nunc renuncio & refugio, quo tibi magis placeam, tibi purius vivam, meque tibi conformem.

II. Præterea non solum repudio quasunque delectationes carnis, sed etiam sensualitatis: ut sunt oculorum, ne adspectant illa objecta, quæ oculis hominum videntur pulchra, delectabilia, & curiosa, aut etiam quamcunque rem creatam, quæ ipsos afficiat.

Sic etiam renuo omnem aliam dilectationem, quam à quacunque re creata possent accipere sensus mei; id quod toto corde desidero in me impleri, tantum ut magis oblecter in te, tibi que gratior fiam. Quia cum laqueos omnium illecebrarem abruperò, & meum cor ab omni gustu, & oblectatione terrena purgavero, tunc demum facilius illud se tibi conformabit, & uniet cum tuo corde, mi dulcissime Iesu. Et sic poterò felici tui conspectu potiri, quemadmodum dixisti; *Beati mundo corde, quoniam ipsi Deum videbunt.* Exstingue igitur in me, Domine, & extirpa

radicitus, funditusque omnem cupidinem carnis, & sensum.

III. Imo ut magis tibi placeam, serviam, & te purius amem, non solum repudio omnes supradictos gustus, voluptates, & delicias: sed etiam statuo ne illis quidem inhierem, quæ sunt spiritus, nisi quæ profunt ad excitandum in me fastidium sensualium, eoque perducunt, ut mea tota oblectatio, gustus, & consolatio in te solo sit, & in beneplacito sanctissimæ voluntatis tuæ, Amen.

VI. A C T V S

Renunciandi bonis temporalibus, amore paupertatis.

Qui non renunciat omnibus, quæ possidet, non potest meus esse discipulus. Luc. 14.

I. **R**EX Regum, & Dominus Dominantium, Deus meus, superabundo consolatione, & cor meum exultat gaudio, quando cogito te absolutum esse universorum, & inter universa mei quoque, postremi & minimi Dominum. Vnde ab alio, quam à te, possideri nolo: nec aliud ego possidere aut habere volo pro meo bono, & thesauro, quam te: ita ut si mihi offerretur possessio, & Dominium totius mundi, cum omni sua opulentia, splendore, potentia, ego promptissime ipsi renunciarem, sicut in præsens illi sponte libereque renuncio: neque illi solum, sed etiam omnibus aliis rebus, quæ ab humano corde in hac vita desiderari possunt: atque hoc tui solius amore.

II. Et ne, cum omnibus renunciaro, meum animum detineant aliqua de singulis, profiteor Domine, quod si me nunc exui velis amictu, quo tegor, & omnibus commoditatibus meis privari, æquo id animo ferrem; ut magis me tibi, qui nudus pro me in Cruce pependisti, conformem, & magis in mea nuditate tibi placeam, Domine Iesu.

Si exturbarer & excluderem domo, quam inhabito, tibi, & Domine magis placeret me habitare cum feris in sylvis, aut in quocunque alio loco vili morari, forem contentus.

III. Si quando privabor melioribus cibis & fructibus terræ, & ad sustentationem vitæ non nisi panem durum, ac cibarium cum aqua habuero, contentus ero, & pro eo gratias agam: quandoquidem & illo sum indignus, propter multiplicia peccata mea. Ah Domine, imprime cordi meo hanc veritatem: adjuva, & ne permittas me istis vanis bonis mundi, aut quacunque re creata, exquisita, pretiosa, vel tenuissime affici: sed totum meum bonum, thesaurus, & divitiæ meæ in te sint, & cor meum in te solo conquiescat. Amen.

VII. A C T V S

Renunciandi propriæ voluntati, ex virtute obedientiæ.

Si quis vult venire post me, abneget semetipsum, & tollat crucem suam, & sequatur me. Luc. 9.

I. **R**Ector & primus motor universi, cui omnia obediunt, Deus infinitæ Majestatis, desiderio ardet cor meum, quoties mecum ipse cogito (cogito autem sæpissime) quomodo possim tibi placere, & me per omnia beneplacito tuo conformare. Et propterea nunc ultro & libere, me totum tibi offero, & mancipio; peculiariter autem propriam meam voluntatem, cujus liberam possessionem tibi trado, & resigno: quandoquidem aliud, præter hanc, in mea potestate non habeo. Hanc ergo per omnia, & in omnibus, cum plenissimo usu & exercitio sanctæ obedientiæ, sanctissimæ tuæ voluntati subjicio: renunciando plane firma resolutione, quantum possum, voluntati & libero meo arbitrio.

II. Tuaque gratia fretus, propono, semper tibi obedire, in omni re, non facili magis, quam difficili; amplectendo de novo, & acceptando libentissime omnia sancta tua præcepta, & quantum ratio vocationis & officii mei patitur, etiam consilia: desiderans, ut illa sint perpetua regula, ac lucerna pedibus meis, & lumen semitis meis: dulcia sint faucibus meis eloquia tua; adimpletio eorum super mel & favum. Voluntas tua sit corona capitis mei: & tanquam torques in collo meo, facere quæ tu, Deus meus, mandare

nobis, & suadere dignaris. Nolo proinde meam voluntatem, vel in minimo unquam tibi esse rebellem, sed semper ad unguem tuæ conformem: ita ut sola contraria cogitatio, & motio, sit mihi dolori, ac tormento.

III. Subjicio etiam hanc meam voluntatem, tui amore, omnibus meis superioribus, in omnibus illis rebus, quæ sunt consentaneæ divinæ tuæ legi, aut ei non expresse contrariæ. Quantumvis autem ardua, molestaque mandaverint; nihilominus propono, cum tuo auxilio, prompte illa exsequi.

IV. Ah Domine tolle, tolle tandem penitus à me propriam meam voluntatem; nec sit amplius indicium, neque vestigium meæ voluntatis in me: sed omnia mea tua sint: exure, & redige illam ardore & igne tui amoris in favillam; ut ablato & consumpto malo, totus ego tandem purus & tibi gratus evadam, Amen.

VIII. A D S P I R A T I O

Mentis in Deum.

Os meum aperui, & attraxi spiritum, Psal. 118.

I. **O** Deus meus, propter immensum illum amorem, quo me prosequeris, utinam ego sic redamem te, sicut mereris & debes amari.

II. O Domine mi, Deus amoris, Bonitas infinita, utinam, sicut ego in te, & per te solum vivo, sum, & moveor, ita etiam meum vivere, moveri, & esse totum cedat in honorem, & gloriam tuam.

III. O Pater misericordiarum, utinam talem me facias, qualem Filius tuus meretur, & Spiritus sanctus me esse desiderat.

IV. Amare te volo, Domine, quia summe bonus es: mei vero ipsius curam habere non alia de causa, quam quia tuus sum; & conservatio mei ad honorem tuum pertinet. Et ideo protestor, totam curam, quam habiturus sum de me, non futuram quasi de re mea, sed quasi de tua, id est, non mei, sed tui causa me amabo.

V. Gratum hoc tibi fit, Deus meus: & acceptum habet, Domine, ob amorem dilectissimi Filii tui, Iesu Christi Redemptoris mei, in quo tibi bene complacuit.

IX. A C T V S

Eliciendi, cum audimus vel videmus aliquod bonum proximi.

Particeps ego sum omnium timentium te, & custodientium mandata tua, Psal. 118.

I. **D**omine Deus meus, cum audio, & video proximum meum, particulariter N. tibi servire, & boni aliquid facere vel moliri; gaudeo, & multum in hoc mihi complaceo. Et bonum ipsius quasi meum reputo: & tanquam meum, illud tibi offero, dedico, cum omnibus illis bonis quæ omnes Sancti peregerunt olim, & peragunt adhuc in universo mundo, ad æternam gloriam tuam, perinde ac si ipsemet ea fecissem, & facerem.

II. Ago tibi gratias, Domine, pro bonis inspirationibus & auxiliis, quæ tam huic personæ, quam omnibus aliis meis proximis tribuisti, & tribuis ad bene operandum, loquendum, & cogitandum: neque aliter de hoc tibi gratias ago, quam si tale beneficium propriæ fuisset exhibitum animæ meæ.

III. Quin etiam insinuo, & immitto me in proprium cor ipsius, & omnium famulorum, & famularum tuarum, ut simul cum eis ex corde perficiam omne illud, quod ipsi in cultu & obsequio tui faciunt, & desiderant facere. Tu enim scis, Domine, quod ego idem omnino vellem præstare, si tu à me idem fieri velles, & ad idem agendum gratiam, vires, occasionem, & facultatem dares. Nulla profecto me difficultate, nullo timore ab illo præstando me abstergeri sinerem.

IV. Adauge vero, Domine, enixe rogo, in illo, bonum, gratiam, & merita, cum omni virtute, quantum ipse, te inspirante, desiderat, aut te sciente, indiget: ut à quo tibi grata præstantur obsequia, multo etiam gratiora, & perfectiori modo deferantur.

V. Denique largire, quæso, Domine mi, ut quisquis viderit tale bonum, exemplo inflammatus, paria meditetur, & agere studeat, secundum dispositionem tuæ voluntatis, ad majus tuum obsequium, & gloriam. Amen.

X. ACTVS ELICIENDI,

Cum audimus & videmus aliquod malum proximi.

In quo judicio judicaveritis, judicabimini, & in qua mensura mensi fueritis, remetietur vobis.

Matth. 7.

I. **M**I perfectissime Domine, cum audio, & video aliquod malum, maxime spirituale, proximi mei, summo opere compatior humanæ fragilitati, quamvis omnibus communi; & præcipue compatior defectui hujus N. Attamen non credo, tantum esse malum illud quantum mihi videtur, vel esse dicitur: imo forte nullum est: neque tale videtur lucidissimo oculo tuo, quale nostro fallaci. Si tamen, Domine scrutator cordium nostrorum, est culpa aliqua, magnopere doleo de lapsu fratris mei: multo magis autem de tua offensa.

II. Ego in vicem hujus defectus, & in compensationem tuæ offensæ, offero tibi pretiosum sanguinem Iesu Christi, Filii tui tantopere humiliati & attriti propter scelera nostra: illius charitatem, mansuetudinem, ac longanimitatem inter continuos nostros defectus tibi repræsentato.

III. Sed heu! & ego id ipsum perpetravi: vel in alio simili te non minus offendi, proh dolor! & gravius etiam te offenderem, nisi tua me gratia præservaret. Vnde etiam toto corde gratias ago tibi pro auxilio, sine ullis meritis meis mihi præstito.

IV. Optime scio, Domine, te ex quovis malo elicere posse majus bonum; aliàs malum non permitteres. Cedat ergo ad majorem tuam gloriam defectus iste; ad majorem vero humilitatem & cognitionem sui ipsius, qui peccavit.

V. Oro denique, occlude omnium oculos, ne inducant audaciam patrandi similia: liga linguas morsu conscientiae, ne de re illa male loquantur, neve ex minore delicto, quod per humanam infirmitatem admissum est, per defectum charitatis, & improbitatem humanam plura alia nascantur.

XI. A C T V S C H A R I T A T I S,

Eliciendæ ex quacunque re creata bona
malaque.

Diligentibus Deum omnia cooperantur in bonum.
Rom. 8.

I. **B**enignissime Domine, magnam capio voluptatem, non solum ex omni illo amore, quo te prosequuntur omnes sancti, & iusti, qui sunt in hac vita: sed multo magis illo, quo te longe sincerius complectuntur, tum illi, qui in penetralia felicitatis admissi, clarissimo tui conspectu fruuntur, homines & Angeli: ac præcipue inter illos SS. Humanitas I. C. Redemptoris nostri, & Beatissima Virgo Maria.

II. O si ego possem te amare omnibus illis affectibus, quibus illi omnes te amant! quam id libenter & hilariter præstarem! Sed quia non possum, gaudeo saltem, ipsos, qui melius possunt, id facere: optoque ut semper magis magisque id faciant, & in amore eodem perseverent in æternum, secundum beneplacitum tuum.

III. Ex altera parte, Domine, vehementer displicet mihi: ac doleo, plurimos alios è servis tuis negligentius te amare: plerosque etiam pro amore, tibi referre injurias. Obsecro Domine, pro infinita Bonitate tua, ignosce illis, & largire gratiam tuam, qua se emendent, & te vel jam incipiant amare super omnia, & in omnibus exsequi tuam sanctissimam voluntatem.

IV. Sed quid dicam de illis, qui à te ad imaginem, & similitudinem tuam formati, & innumrabilibus beneficiis donati, cum te, quem super omnia amare deberent, ne agnoscunt

scunt quidem, infideles & improbi? quantum hoc, amabilissime Domine, dolorem mihi creare debet, quas excutere lacrymas? Utinam omnium illorum corda, & voluntatem in potestate mea haberem, ut possem illos tuo amore inflammare! Ecce, Domine, saltem cogitatione mea purgatos, ab omnibus peccatis quales ego esse desidero, & tu facere potes, omnes illos puros, & sanctos tibi offero, ad honorem & gloriam tuam.

O quanta mihi felicitas eveniret, si possem ego supplere defectum ipsorum, prosequendo te actibus illis amoris, quibus ipsi te prosequi deberent! & non solum ipsorum defectum, sed etiam pravorum Angelorum, & hominum damnatorum, qui pro amore & laudibus, execrabili contra te odio iraque flagrant, longe pejus, quam flammis inferni. Sed quia ne pro mea quidem parte, satis amare, ac laudare te sufficio, omnem & meum, & aliorum defectum, desiderio saltem quo possum, & quantum possum, suppleo.

V. Interea magnum mihi solatium est, quod sciam tuam divinam Majestatem infinito suæ voluntatis affectu satisfacere pro omnibus, & omnes amandi partes explorare: cum infinito amore amas te ipsum. Quare summopere gaudeo, & hunc amorem nunc tibi humiliter exhibeo, & pro me offero, in supplementum etiam omnium illorum, qui omitunt hoc facere, ô Deus, amor meus, summum, & unicum bonum meum!

O R A T I O

Divi Thomæ Aquinatis, ad multas magnasque virtutes impetrandas aptissima.

COncede mihi, quæso omnipotens & misericors Deus, quæ tibi placita sunt, ardentem concupiscere, prudenter investigare, veraciter agnoscere; & perfecte adimplere.

Ad laudem & gloriam nominis tui ordina statum meum: & quod à me requiris ut faciam, tribue ut sciam, possim, & velim: & da exsequi ut oportet, & expedit salutis animæ meæ.

Via mihi, quæso, ad te sit tuta, recta & consummata, non deficiens inter prospera & adversa, ut in illis non extollar, & in istis non deprimar. In prosperis gratias tibi referam, & in adversis servem patientiam. De nullo gaudeam vel doleam, nisi quod promoveat ad te, vel quod abducat à te. Nulli placere appetam, vel displicere timeam, nisi tibi.

Omnia in charitate da facere, & quod ad cultum tuum non pertinet, quasi mortuum reputare. Actiones meas da peragere non ex consuetudine, sed ad te referre cum devotione.

Vilescant mihi omnia transitoria propter te, & chara mihi sint omnia tua, & tu Deus meus plus quam omnia. Delectet me omnis labor qui est pro te, & tædiosa sit mihi omnis quies, quæ non est in te.

Frequenter & ferventer da mihi dulcissime Domine, cor meum ad Te dirigere, & defectionem meam cum emendationis proposito, dolendo pensare.

Fac me Deus meus humilem sine fictione, hilarem sine dissolutione, tristem sine dejectione, maturum sine gravitate, agilem sine levitate, veracem sine duplicitate, timentem sine desperatione, in te sperantem sine præsumptione, castum sine corruptione, proximum corripere sine indignatione, ipsumque ædificare verbo & exemplo sine elatione, obedientem sine contradictione, patientem sine murmuratione.

Da mihi, dulcissime Iesu, cor pervigil, quod nulla à te abducat curiosa cogitatio: da immobile, quod nulla deorsum trahat indigna affectio; da invictum, quod nulla fatiget tribulatio: da liberum, quod nulla sibi vendicat violenta delectatio: & da rectum, quod nulla seorsum obliquet sinistra intentio.

Largire mihi dulcissime Deus meus, intellectum te cognoscentem, diligentiam te quærentem, sapientiam te invenientem, conversationem tibi placentem, perseverantiam te dulciter & fiducialiter expectantem, fiduciam te feliciter amplectentem: Da tuis pœnis configi per pœnitentiam, tuis beneficiis in via uti per gratiam, & tandem tuis gaudiis in patria frui per gloriam. Qui cum Patre & Spiritu sancto vivis & regnas, &c.

CAP. V.

ALIA EXERCITIA.
præcipuarum virtutum.*Ex via vite æternæ.*

I. EXERCITIUM

Vive Fidei.

CRedo tibi, ô veritas, ô bonitas, & hic, & ubique mihi præsentissime, & hæc, N. & quæcunque scripta, facta, & à te dicta sunt; ad meam esse instructionem, & certissima esse profiteor coram curia tua neque esse quod excussem, nisi credam illa, & opere id ostendam per gratiam tuam.

Tu potentissimus, & sapientissimus, & optimus, & ego non credam tibi? & hæc testimonia voluntatis tuæ non amplectar? vere credibilia mihi, & amabilia facta sunt nimis. Sive rationem & Sapientes, sive rerum naturam inspiciam, & audiam. Utinam te audivissem semper, ô omne bonum, & nunquam te offendissem. Utinam vita mea te honorassem, & ex patientia mea ostendissem fidem meam.

Verum ex nunc in æternum credam, & diligam te opere, & veritate. Fac de me quod tibi visum in æternum, & ego gratia tua quam scivero voluntatem tuam faciam ex intimo tui amore, & quæcunque revelasti pro salute mea amplectar & omnes voluntates tuas, ô vita mea, & omne bonum, Amen.

II. EXERCITIUM

Spei.

Tu scis Deus meus, tu scis quod non sumus sufficientes aliquid facere ex nobis, uti nec hoc N. tanquam ex nobis. Itaque ego pulvis & cinis ad te confugio, uti per te, & per patientiam & consolationem Scripturarum spem habeam, & in te sperans non confundar. Tunc enim, ô bonitas sic N. me vocas, & repellere me poteris? sic invitas & trahis ad sequendum te, & deficere fines in viâ?

In

In te Domine sperans, scio, non confundar in æternum etsi inveniam in membris meis legem repugnantem legi mentis meæ, neque dignus sim gratia tua, sed qui dedisti mihi Corpus & Sanguinem tuum in pretium, & te hodie paratus es dare in pignus salutis, & qui tot beneficiis prævenisti me, & petere toties iussisti, & dare promissisti, ô bonitas, ô veritas, dabis utique mihi quod petam, ut toto corde sperem in te; & quamvis occideris me, o spes, & vita mea, in te sperabo; etsi consurgerent in me castra mundi hujus, & totius vanitatis, tamen portio mihi erit custodire legem tuam & te sequi; quo enim ibimus à te bone Iesu? nonne vita mea es, & verba vitæ æternæ habes?

III. E X E R C I T I U M

Charitatis.

O charitas Deus meus, da mihi intellectum & discam mandata tua, sive per epistolam, sive per creaturam loquaris ad cor meum; quicquid enim ad salutem disco, tu præsentissimus mihi me intimo amore doces, ô salus mea, & medicina animæ meæ. Et quanto id amore doces me, qui Nihilum sum apud te! tunc bonorum meorum eges, ut tu spontaneo amore, tot me bonis, & charitate tua prævenias?

Sic enim, Pater æterne, dilexisti mundum, ut Filium tuum unigenitum dares. Sic tu benignissime Iesu Fili Dei, ut pro me in mortem vitam dederis tuam: & gravia mihi esse queant mandata & consilia tua? diligam ergo te Deus fortitudo mea, ô quam tibi adhærere mihi bonum est!

Quid ergo me separare poterit à charitate tua? an angustia? an fames? an nuditas? an periculum? an persecutio? an gladius? fortis enim ut mors dilectio tua, & aquæ multæ spero non poterunt extinguere charitatem, id est, ignem quem venisti mittere in terram, & vis vehementer accendi. Amen.

IV. EXERCITIUM,

Pro charitate Proximi.

O charitas Deus meus, Credo tibi & spero in te, & diligo te toto corde, & proximum propter te. Etenim in hoc cognoscent omnes, quod discipuli tui sumus, si dilectionem habuerimus ad invicem.

Hoc inquebas esse mandatum simile maximo. Qui enim diligit proximum, vere legem implevit, & qui non diligit, manet in morte. Si ergo ante omnia mutuam in nobismet ipsis continuam charitatem habere debemus, ex hoc nunc in æternum super omnia hanc servare volo, & discipulus tuus esse, neminem judicare, neminem verbo aut opere contristare, sed solari, juvare, ultro honore omnes prævenire, omnes in te diligere, omnibus etiam minimis facere quod tibi facerem, ô amantissime Iesu.

Mandatum enim, dixisti, novum do vobis, ut diligatis invicem, sicut dilexi vos. Cum igitur dignatus sis animam ponere pro nobis & me: & ego debeo & cupio gratia tua, pro fratribus non pecuniam, non commoditatem solum ponere, sed & animam meam.

Da autem mihi, ô Iesu, non diligere verbo, neque lingua, sed opere & veritate, ut quæcunque volo ut faciant mihi homines, id faciam illis seu tibi potius: qua enim mensura mensura fuero, remetieris mihi, & te ipsum dabis mihi, qui es spes mea, salus mea, & refugium meum.

V. EXERCITIUM

Gaudii spiritualis.

Quod mihi in hac solitudine gaudium, Deus meus, nisi tu omne bonum? sed eheu! longe & à me, & prope, & intra me, videoque te per speculum in ænigmate. Quantum ergo & quale gaudium mihi esse potest, qui in his tenebris sedeo & lumen tuum, o SOL justitiæ, non video? Gaudens tamen gaudēbo in Domino, & exultabo in Deo Iesu meo, qui post tenebras spero lucem.

Vtinam

Vtinam cor meum & caro exultent in te Deum vivum. Vbique enim etiam in ~~hæ~~ lacrymarum valle materia gaudii mihi est. Servit enim mihi omnis creatura, & coeli enarrant gloriam tuam, & annuntiant mihi amorem tuum.

Muros video cœlestis Ierusalem positos in oculis meis ne tui, ne patriæ obliviscar. Adhæreat lingua mea faucibus meis, si non meminero tui. Delectasti me Domine, in factura tua, & in operibus manuum tuarum exultabo.

Et cum scriptum legam: Delectare in Domino, & dabit tibi petitiones cordis tui: nonne dabis eas mihi, quæ sunt: Gaudere in te Domino meo semper, & exultare in te, in gloria tua, quodque tibi flectatur omne genu? utinam sic gaudeam, ut vitæ hujus gaudia repellam constanter, & te fruar, ac tædia feram fortiter, & quidquid tibi visum fuerit. Tuus enim sum: & quemadmodum desiderat cervus ad fontes aquarum, ita desiderat anima mea ad te Deum.

VI. E X E R C I T I V M,

Pro Fiducia in periculis.

Protektor noster, adspice Deus, & esto firmamentum & refugium meum: etenim credo tibi, Domine, & in te spero, & toto corde te diligo. Deus meus ne elongeris à me, Deus meus, in auxilium meum respice, & me emptum sanguine tuo stantem in lubrico, undique laqueis & foveis animæ meæ cinctum trahe in funiculis charitatis tuæ.

O quis dabit mihi pennas, sicut columbæ, ut volem & non deficiam, ut sequar sic te Pastorum meum gratiâ tua, & adhæream tibi toto corde meo!

Tibi, ô Iesu, derelictus est hic pauper; orphano mihi, quæso ô Pater misericordiarum, sine quo nihil possum, esto Tutor & Adjutor: Tu enim es Deus meus, spes mea unica, protektor meus, cornu salutis meæ, & susceptor meus. Amen.

VII. EXERCITIUM,

Gratitudinis erga Deum.

Confitebor tibi Domine in toto corde meo, narrabo omnia mirabilia tua. Mirabilis enim facta est scientia tua ex me super misericordia, & veritate tua erga me. Vnde enim hoc mihi, ut recorderis mei, & tot me prævenias benedictionibus dulcedinis, & amantissimæ charitatis tuæ?

Adhæreat lingua mea faucibus meis, si non meminero tui in principio lætitiæ meæ. Tu enim potentissimus, & ego vapor, & nihil; tu sapientissimus, & lumen; & ego tenebræ, & ignorantia; tu bonitas ipsa, & iustitiæ meæ, sicut pannus menstruatus; & tamen hæc mihi præstas, & aperis manum tuam mihi, & imples me omni benedictione.

Ideo eructavit cor meum verbum bonum, & dico tibi opera mea, & totum me, ut facias de me volentem in bonis & malis in tempore, & in æternitate, trado me tibi, qui tradidisti temetipsum pro me. Reddo me tibi, ut vivas in me, & tibi moriar, & diligam te toto corde meo. Amen.

VIII. ALIUD EXERCITIUM

Gratitudinis pro innumeris Dei beneficiis.

Quid retribuam tibi, Deus meus, pro omnibus quæ retribuisti mihi, cor, corpus, & animam meam? Credo enim tibi, & in te spero, & vere toto corde te diligo.

Ecce vota mea tibi Domino meo reddam coram omni populo tuo, & desideria hæc, qui dedisti incipere. N. dabis spero perficere.

Spondent hoc beneficia plura, corpus & sanguis tuus pignora mihi sunt, sed super omnia Charitas tua, quod non me deferres, neque derelinques. Confiteantur tibi populi Deus, confiteantur tibi populi omnes.

Repleatur os meum laude tua, ut cantem gloriam tuam, tota die magnitudinem tuam. Benedicam te Domine in omni tempore, non labiis tantum, sed & factis. Vtinam
sic

fic luceat lux mea coram hominibus, ut videant opera mea bona, & glorificent te qui in cœlis es. Amen.

IX. E X E R C I T I U M,

Pro Affectu Resignationis.

O Christe Iesu, refugium meum, Domine mi, credo, & in te spero, & te toto corde diligo. cum vero in te vivamus, moveamur, & simus, ex hoc momento in æternum tibi vivam, & movebor, & ero.

Quid enim mihi est in cœlo, & à te quid volui super terram? si quid est, toto corde abnego, ut amem te tota anima mea. Et vere quid velle miseri extra te possumus, in te uno omnia habentes?

Ecce apposuisti mihi in hoc N. aquam & ignem, mortem & vitam, tristitia & læta, speranda & timenda; quid optabo aut timebo? ad quæ extendam manum meam? ego nescio introitum & exitum meum, ô Iesu, nescio, tu scis, fac de me quod placet tibi, tuus sum ego toto corde.

In manibus tuis sortes meæ, sive in morte, sive in vita. ad te levabo oculos & extollam manus meas in sancta, benedicam te Domine in æternum, in æternum.

O unica spes Christe Iesu, Deus meus, fiat voluntas tua, sicut in cœlo & in terra, fiat, fiat, non quod ego volo, sed quod tu. Ecce ut jumentum factus sum apud te, & ego semper tecum, ideo omnem sollicitudinem meam, sive de publicis, sive privatis agatur, in te projicio, ex nunc in æternum; quoniam scio, tibi de illis & istis, ter maxime Deus, est cura, etiam de me; etsi novetis me, & Nihilum meum, custodi me obsecro propter te, ut pupillam oculi, & sub umbra alarum tuarum protege me.

Etsi non est malum in civitate, quod non feceris, amantissime Domine mi, quid querar? fiat, fiat voluntas tua; & si non est bonum nisi à te, ad quem respiciam nisi ad te? & præstolabor cum silentio salutare tuum Deus meus, & diligam te toto corde meo. Amen.

X. EXERCITIVM,

Pro affectu Humilitatis.

Discere me jubes à te, Magister bone, ut mitis sim & humilis corde. Et unde obsecro, qui nihil sum & vapor, ignorans odio an amore dignus sim, ipse me seduco? Si nihil sum, si nihil habeo quod non accepi, & tua sunt omnia, cui me præponam? Omne datum optimum, & omne donum perfectum desursum est, descendens à Patre luminum. Et Deo gratias, Deo gratias, Deo gratias, video quid sim, ubi sim, & qualis; ubi, cheu, esse hodie, possim, quid faciam, & facere hodie possim? mala scilicet omnia ex me, & bona aliqua per te; non enim sumus sufficientas facere aliquid ex nobis, tanquam ex nobis, sed sufficientia nostra ex te est, & omnia opera nostra operatus es in nobis.

Nunquid ergo gloriabitur securis contra eum, qui secat in ea, & coram te, ter maxime Deus qui exaltas humiles & despicias superbos, etiam Angelos, mente cordis sui, & humilias omnem superbum. Cupio igitur gratia tua recumbere tecum in novissimo, de nullo queri; omnia enim in vero judicio fecisti, nullum æmulari; ex te enim & in te & per te sunt omnia, Deus cordis mei & omnia.

XI. EXERCITIVM,

Pro Contemptu Rerum terrenarum.

O sapientia Æterna, ô Veritas, ô Magister bone, qui cruciasti nobis abscondita à constitutione mundi, da mihi, ut idem sapiam tecum, idem loquar. Beatos eos appellem, nempe pauperes, mites, patients, pacificos, quos tu appellasti, & sunt in æternum apud te, tot Sancti & electi tui.

Da ut de mundo, & concupiscentia ejus sentiam quod tu Deus meus: nonne enim transit instar navis, floris, volucris, fluminis, fumi & vaporis quidquid est? quid enim qui ab orbe condito hoc in loco, urbe, regione, vel etiam à sæculo fuerunt, ubi nunc sunt? ubi ergo & illi brevi erunt, qui nunc sunt? transierunt illi, & non est invenire vestigium eorum, transibunt & hi.

Vanitas vanitatum, & omnia vanitas. Scio, scio, & tu sola veritas, sola bonitas, quam diligo super omnia, pro qua defero omnia. Quid enim prodest mihi & ulli homini, si univcrsum mundum lucreor, & animæ suæ detrimentum patiat? quid prodest?

Vere enim non satiatur oculus visu, nec auris auditu impletur, neque anima his terrenis omnibus; res enim omnes extra nos sola cognitione fere in nobis sunt, imo æque anima in opinione sola atque re ipsa quiescit, neque in ullo omnino quiescere potest cor meum, nisi requiescat in te.

Cur ergo in vanum curro, & aërem verbero? cur ullius hominis diem quæro, aut iudicium revereor? Mihi pro minimo est ab ullo iudicari, aut ab humano die.

Quid vero mihi opus est cætera quærere, quibus expleri non possum? & quæ, si primum quæssivero te, ultro adjicies mihi? Errant igitur qui confidunt in Nihilo, & loquuntur vanitates, conceperunt laborem; & pepererunt iniquitatem; ova aspidum ruperunt, & telas aranearum texerunt, & cum dictum sit à te, Nisi quis renunciaverit omnibus, quæ possidet, non potest meus esse discipulus, abnego omnia & adhæreo tibi, Deus meus, omne bonum. Amen.

XII. E X E R C I T I U M,

Pro Paupertate.

O Rex regum & Dominus dominantium, qui mihi hinc ades & ubique me conservas, verene dixisti: Beati pauperes spiritu, o veritas, & ego beatus esse nolim, & habere regnum tuum, & similis esse tibi Regi meo, Deo meo, & sedere aliquando, & tecum iudicare? vere elegisti pauperes in hoc mundo, & desiderium pauperum soles exaudire.

Elige ergo me, & exaudi me, qui ecce toto corde & sincere abnego omnia propter te, parva & magna, saltem affectu, ut dicere aliquando possim: Ecce nos reliquimus omnia, & secuti sumus te, quid ergo erit nobis? quid? certe thesaurus maximus in cælo. Et quis ille? Tu ipse amantissime Iesu. tu enim thesaurus meus, in quo cor meum & omne desiderium meum.

Nudus egressus sum de utero matris meæ, & nudus venturillus; & ego nudus, nudum te Iesum sequi cupio, & perfectus esse, & vendere omnia, ut inveniam in te hic & in æternum centuplum & omnia. Amen.

XIII. EXERCITIUM,

Pro Obedientia.

Humiliaſti temetiſum Domine Deus meus, & Rex meus, factus obediens uſque ad mortem, mortem autem crucis, ut diſcerem à te ut ſim mitis & humilis corde; & ego non ſequar te ſic invitantem me: non audiam te dicentem; Qui vos audit, me audit, qui vos ſpernit, me ſpernit?

Sequar per gratiam tuam: melior certe eſt obedientia quam victimæ, & auſcultare magis quam offerre adipem arietum; quaſi enim peccatum ariolandi eſt repugnare, & quaſi ſcelus idololatriæ, nolle acquieſcere. Itaque per gratiam tuam ſubjectus ero omni creaturæ propter te, maxime ſuperioribus meis ſive bonis, ſive dyſcolis; & voluntarie ſacrificabo tibi; qui oblatus eſ propter peccata mea, & attritus propter ſcelera mea, ut nec in ullo opere inveniat voluntas mea.

Neque inquiram, velut nec Abraham, quare præceperis mihi, tu enim ſapientia æterna eſ, & ego puer neſciens interitum & exitum meum. Tu bonitas infinita eſ, & de me quaſi ſolus eſſem, ſolicitus eſſe dignaris; & ſcio, vir obediens loquetur victorias.

Quid igitur eſt Domine Ieſu, Redemptor mi, quid vis me facere? paratum cor meum, paratum cor meum: da quod jubes, & jube quod vis ſervo tuo, filio ancillæ tuæ. Veni enim facere voluntatem tuam, Deus meus, volui, & volo legem tuam in medio cordis mei. Amen.

XVI. EXERCITIUM,

Pro Caſtitate.

O fili Virginis Ieſu Chriſte, dilectiſſime animæ meæ, cujus oculi contemplantur me omni loco, beati ſane ſunt mundi

mundi corde, vere beati, quoniam ipsi te videbunt; hoc est unicum votum meum, & omne desiderium meum.

Audivi dicentem Ecclesiasten tuum: Qui diligit cordis munditiam, propter gratiam labiorum suorum, habebit amicum regem: ideo ego eam diligo, ut tu mihi, amantissime Domine mi, amicus sis, qui dedisti mihi gratiam, ut caperem verbum, quod non omnes capiunt, ut non nuberem, sed essem, sicut Angelus Dei, sollicitus tantum de iis, quæ Domini mei sunt; ut anima mea tota pulchra, & sine macula, & ruga, audire aliquando mereatur: Veni, veni de Libano soror mea sponsa, veni, coronaberis.

Sed quia scio, quoniam aliter non possum esse continens, nisi tu Deus des mihi, rogo te per viscera misericordiæ tuæ, custodias animam meam, quoniam ego sanctus sum, ut vitæ occasiones eas, & conversationem N. & diligentissime sensus custodiam, ut ignem illum evadam, qui ad interiectionem devorat, urat vero me ignis amoris tui, quem voluisti vehementer accendi, Amen.

XV. E X E R C I T I U M,

Pro Patientia.

Audio te patientissime Iesu, & video te velut præsentissimum, virum dolorum, & scientem infirmitatem, audio dicentem verbo & exemplo, ut in patientia possideam animam meam: qui vult venire post me, tollat crucem suam, & sequatur me.

Itaque cupio tollere crucem, & sequi te. scio enim quod non fines me tentari supra id quod possum. Tu nosti vires, onus iumentum tui, quale ego factus sum apud te. Et scio, bona, & mala, paupertas & honestas à te Deo meo sunt; neque est malum in civitate, quod non fecerit Dominus. Et si bona de manu tua accepimus, mala quare non sustineamus?

Iram tuam Domine portabo, quoniam peccavi tibi; omni gaudium existimabo, uti me hortatur Apostolus, cum in varias tentationes incidero, & cogitabo te, amantissime Iesu, qui talem sustinuisti adversus te metipsum pro me contra-

tradictionem, ut patientia mea multo preciosior auro inveniatur in laudem & gloriam nominis tui, qui tot ac tanta pro me passus es, ut intrares in gloriam tuam. Et, spero, momentaneum hoc N. & leve tribulationis nostræ, supra modum in sublimitate æternum gloriæ pondus operabitur in nobis. Amen.

XVI. EXERCITIUM,

Pro Abstinencia.

O æterna Sapiencia, fieri potest, ut non tinniant adhuc ambæ aures nostræ præcepto illo tuo primo, dato homini, primo & sancto: In quocumque die comedæris, morte morieris, & adhuc Evæ nostræ libet auscultare, & hosti huic vilissimo succumbere, & ventri ut deo parere? & edere, & nunquam satiari filiquis porcorum? justus comedit & replet animam suam, venter autem impiorum infatiabilis.

Nonne omnis qui in agone contendit, ab omnibus se abstinet, & illi quidem, ut corruptibilem coronam accipiant, nos autem ut incorruptam?

Nolo igitur amore tui, qui pro me esuriisti quadraginta dies, & sitiisti, felle & aceto in cruce potatus es, nolo propter vilissimam escam, momentaneam voluptatem, destruere opus tuum, Deus meus: sed libens, si placuerit, sequar te Domine cum Nazaræis, vinum & siceram non bibam, in quo est luxuria, sed desidero cum Daniele & Elia, Ioanne, & omnibus Sanctis tuis sobrie, & iuste, & pie tibi vivere, & expectare beatam spem, & adventum gloriæ tuæ ô meus, ô satietas, ô vere omne bonum meum. Amen.

XVII. EXERCITIUM,

Pro fervore Spiritus renovando.

Domine Iesu, Rex meus & Deus meus, tu pro me in laboribus es à juventute tua: omnes electi tui portant pondus diei & æstus; sol, sydera, elementa; & omnes creatu-

ræ tuæ serviunt mihi, ut ego serviam tibi: Filii hujus sæculi quid non faciunt pro vilissimis bonis? pro fumo honoris, umbra voluptatis, quomodo sudant & sese discruciant! Ego servus tuus emptus pretio tam magno, conductus mercede tam grandi, adhuc stabo toto die otiosus? Quam suave jugum tuum, & onus leve gaudens suscipiam, portabo & glorificabo te in corpore meo; & per gratiam tuam, quodcunque potest facere manus mea, instanter operabor pro te, qui sic operaris omnia in omnibus pro me; & sic operatus es salutem meam in medio terræ. Nam qui parce seminat, parce & metet: Bonum autem facientes si non deficiamus; ô quam copiose, tempore suo metemus, portantes manipulos nostros cum exultatione! Tunc satiabimur ab ubertate domus tuæ; & comedemus panem in regno tuo in æternum, si hoc brevi vitæ momento in sudore vultus nostri vescamur pane & regno tuo vim faciamus!

Quid ergo egestatem operatur mihi manus remissa, cum manus fortium sibi paret divitias? Audio dicentem, Qui congregat in messe, filius sapiens est; qui autem stertit æstate, filius confusionis. Ecce nunc tempus acceptabile, & tempus messis, vita præsens: nunc dies salutis, in quibus multos meritorum & gratiæ tuæ manipulos colligere licet: veniet hyems, in qua nemo operari poterit. Mors enim non tardat: & tempus irrevocabile volat. Da mihi, ut horum memor, satagam per bona opera certam facere vocationem, ne si forte tepidus esse cœpero, incipias & tu evomere me ex ore tuo.

XVIII. E X E R C I T I U M,

Pro mortificatione curiositatis.

Domine Iesu Christe, in quo omnes thesauri scientiæ & sapientiæ absconditi sunt: utinam noverim te, noverim me; utinam noverim voluntatem tuam! Illa enim sola scientia sufficit mihi, quia in æternum sapiens & salvus esse possum; & cognoscere te, videre te, ac possidere in te omnia; eo plura ac perfectius, quo minus me hic vana curiositas in diver-

diversa distraxerit. Vnum enim est necessarium, & hæc est vita æterna, ut unum te cognoscamus.

Hæccine vera sunt? hæccine viva fide credo? & quasi crederem, sic vivo, cogito, loquor, & operor coram te? & in te spero, ô spes unica; & te amo, ô infinita bonitas hic mihi præsentissima?

Credo, Domine, adjuva incredulitatem meam, spero in te solo, & scio, non confundar: vanitas enim vanitatum, & omnia vanitas: & sicut amore tui super omnia doleo, quod offenderim te, ita toto corde amo te super omnia. Et quid ultra me separare poterit à te, ô Iesu, o vita, o amabilissima charitas! ô Deus cordis mei & omnia! Quid nunc, anima mea, quæram altiora & fortiora me scrutari? Cur oculos convertam ad vanitatem, & non ad te ô Iesu, in quo solo est salus nostra? Sed, cheu! per negligentiam terra nostri cordis inculta spinas & tribulos germinat; & quia in seipsa non invenit requiem, foris cogitur evagari anima nostra; & dum à sui circumspectione torpescit, incuria sui, curiosam in alia facit. Et vero omnis sapientia, scientia, experientia, vana est, quæ ad æternitatem non prodest. Quid ergo est nisi afflictio Animæ, quæ satiari non potest, neque in ulla creatura quiescere, sed in te solo, in quo sunt omnia? O felix animus cui tu unus es omnia, & quæ in te videt omnia, & à te accipit, & ad te dirigit omnia, ô Deus cordis mei, & omnia.

XIX. EXERCITIUM,

Propace & tranquillitate animi.

Crebro homini pio usurpandum.

Nam Pax Dei exsuperat omnem sensum.

Agnosco, Domine Iesu, mihi præsentissime, quod in pace factus sit locus tuus. Tu vero solus, pax nostra, & centrum, & requies, & omne bonum mihi es. Quid ergo opto, aut spero jam præter te? Quid metuo, aut doleo extra te? Tu amor meus; tu timor meus.

Domine mi, mane obsecro mecum, & in te sine quiescat anima mea; & delectetur in te : Quid enim est, quod paci illi, quæ in te est, comparari valeat, cum exsuperet omnem sensum; & plus quam iuge convivium sit secunda & quietus mens, quam inhabitas?

Ab sit ergo, Domine mi, ut ista N. res me turbet? hanc petam; de illa doceam extra te. Nulla enim adferre mihi ullum bonum potest, si pace tua caream. Et quid mihi deesse potest, si te omne bonum habeam? Cur præ sordibus & spinis his N. te o summum hominis bonum, perdam pacem, inquam, animæ meæ? Habeant sibi, quæ volunt, filii huius sæculi; Ego autem in te gaudebo, & exultabo in Deo Iesù meo; Tu vero dispulsa nube vanitatis huius, & ostensa luce voluntatistua, facies (ita spero & humillime rogo) ut pax, & serenitas tua repleat & exhilaret cor meum. Nunquid, etsi haberem inter omnia, sine te, nihil essem, & nihil haberem inter omnia; sed & renunciare omnibus deberem, si vellem tuus esse discipulus? Quorsum ergo haberem illa, si te una cum illis habere non possem? Si Bonum meum unicum tollerent, aut minuerent, id est, pacem animæ meæ? Et quidem ideo petuntur, & quaeruntur ista, ut quiescat in iis cor nostrum; sed quis unquam hoc assequutus est? imo inquietum semper est cor, donec in te solo requiescat. Nam capax summi boni, quidquid te minus est, illo repleti aut satiari non potest.

Ita scio, ita credo, ita mihi denunciant sæcula præterita, & omnis creatura.

Cur vero non respuo illud bonum? cur illud malum non admitto, quod dum longe est, & extra muros est, velut hostis ad spectu solo, & affectu turbat animam meam? Ab sit Domine, averte hoc à servo tuo; cuius certe pax & omne bonum est conquiescere in voluntate tua. Tu nosti quid expediat publice & privatim gloriæ nominis tui, & meæ salutis: Ego vero, cum id ignorem; quid spero, vel metuo; quid doleo, vel gaudeo, nisi de voluntate tua?

Et vero, quidquid eveniat, nihil scio, fiet, nec capillus de capite paribit; non folium arboris, non arena move-

bi.

bitur, absque providentia tua: Vnde nec mirari debeo, nec de ullo unquam eventu conqueri: facta enim est, & fiet voluntas tua; quin & mea; quia toties eam resignavi, uti & jam resigno tibi, cujus ego totus sum, & omnia: Vnde humillime rogo, ut nunquam, ô Sapientia æterna, quidquam secundum meam insipientem voluntatem facias; aut fieri permittas. Fiat mihi potius in omnibus secundum verbum & beneplacitum tuum. Sola tua voluntas secundissimus ventus quo adspirante inter tot fluctus vitæ præsentis, ad portum salutis, & beatæ æternitatis secure pervenire liceat. Amen.

XX. EXERCITIUM,

De recto uso bonorum.

Vtilissimum Divitibus in hoc sæculo; ut *Væ* divitum,
iis vertatur in beatitudinem *Pauperum*.

Legite ô divites, & intelligite.

O benignissime Deus, cujus est orbis terræ, & plenitudo ejus; qui bonorum nostrorum non eges, sed bona tua nobis tam large communicas: prout & ego de liberali manu tua isthæc bona me recepisse fateor;

Sed verene bona sunt? O bone Iesu, tu æterna Veritas dic mihi obsecro; quia pungit & angit me sermo tuus. *Væ*, inquis, *vobis divitibus, qui hic habetis consolationem vestram: & divitem illum testaris recepisse bona in vita sua, sed demum sepultum in inferno.*

Siccine nos gloriamur in bonis istis, & beatos dicimus, quibus hæc sunt; cum tu æterna veritas iis *Væ* commineris? imo addis, *Amen dico vobis, quia dives difficile intrabit in regnum cælorum; & rursum: Facilius est camelum transire per foramen acus, quam divitem intrare in regnum cælorum.*

Hæccine vera sunt! immo verissima; utpote verba æternæ veritatis. Quomodo ergo nos illa vocamus bona, & ea curis ac laboribus paramus? An quod facient possidentes bonos, & tibi summo bono gratiores? Verum audio te non divites, sed pauperes elegisse in hoc mundo. Item, *Si dives*

fu-eris, non eris immunis à delicto; & iterum, omnes qui volunt divites fieri in hoc sæculo, incidunt in tentationes & laqueos diaboli; & desideria multa inutilia & nociva, quæ mergunt homines in perditionem.

Sed forte auxilio sunt ad commodius serviendum tibi? Verum audio, *Non potestis Deo servire & Mammonæ; & iterum: Qui amat aurum, non justificabitur. Nihil enim est iniquius quam amare pecuniam; & Beatus vir, qui post aurum non abiit, nec speravit in pecuniæ thesauris; Beatos quoque pronuncias pauperes spiritu, quoniam ipsorum est regnum cælorum.*

O vox Domini confringentis cedros! & revelantis condensa! An huic credo Deus meus? verene credo tibi ô æterna Veritas? Væ mihi misero, quem fluxa bona ad breve momentum concessa in tale discrimen adducunt, ut peream separari possim à te summo bono, & mergi in perditionem ac extremum malorum!

Quid faciam tibi, ô custos hominum? quare posuisti me in loco & statu tam lubrico? Quid faciam, ut per bona temporalia non amittam æterna? Iubes, ut divitiis, si affluunt, cor non apponam, ut non superbe sapiam; ut honorem te de substantia mea, imo tua; nihil enim intuli in hunc mundam, sed nec auferre quidquam potero. Dispensator quidem tuus sum; sed eheu! ubi veneris positurus rationem cum servis tuis, quomodo fidelis inveniar?

Angustix mihi sunt undique. Sed ecce, scio quid faciam. Potius quam peream æternum, abjiciam omnia propter te; & tu restitues mihi longe meliora. Arcta est via & angusta porta, potius quam excludar à te, libentissime ponam, aut potius apud te deponam omnia. Scio enim, quia tu potens es depositum meum servare, qui teipsum servas mihi, ô Deus meus & omnia.

Dixisti, ô æterna Veritas, non solum religiosis & monachis? sed omni Christiano, *Nisi quis renuntiaverit (saltem affectu omnibus quæ possidet, non potest meus esse discipulus.*

Renuncio itaque omnibus, & humillime rogo te per viscera misericordiæ tuæ, ut possim esse discipulus tuus: ô Domine salus & vita nostra, tu non delectaris in perditione & morte cujuscunque; Aufer ergo à me concupiscen-

tiam

tiam oculorum, & suscipe hoc desiderium meum, quo jam secundum affectum animi mei omnibus renuntio, re ipsa etiam paratus facere potius, quam te offendere; & pauper esse potius cum Lazaro, quam cum Epulone dives.

Itaque cor meum, & omnia mea, id est, quæ tua sunt, tibi lubens offero. Dispone de iis, prout tibi placet: Si enim tua sunt, uti vere sunt, iniquus sim, si jus tuum usurpem mihi.

Esto igitur; tollat ea vel vis hominum, vel clades bellorum, vel malitia Satanæ, vel injuria tempestatum, vel alius quicumque casus: Ego in te unum respiciam: patienter & humiliter dicam cum Iobo: *Dominus dedit, Dominus abstulit; sit nomen Domini benedictum.*

Si petat à me pauper, aut potius tu ipse per pauperem subsidium: reddam libens, nam tuum repetis; & tamen quæ charitas tua est, centuplum promittis. An forte diffidam tibi, & potero unquam à me ullum tristem ac vacuum dimittere? Nequaquam; ita coram te, & cœlesti curia tua propono.

Quidquid præterea cognovero ex ratione, aut prudentum consilio, aut tua inspiratione, fore ad majorem tuam gloriam, (non meam) id paratus sum facere. Deferenda semel in morte, jam potius affectu, tui causâ defero; perdenda, jam volens perdo; ut servantur tibi, adeoque mihi apud te. Iam abrenuntio omnibus, ut sim tuus discipulus.

Si mundus hæc non intelligit, cujus est hic thesaurizare, domum ad domum conjungere, familias augere, splendide vivere, ambulare in magnis, grande nomen quærere: utinam saltem ego inter discipulos tuos, & dispensatores fideles per gratiam tuam esse desiderem, tanquam redditurus brevi rationem villicationis meæ, & responsurus tibi, quærenti, cur non dederim ad usuram talenta tua: neque enim fallere te possum. Scio quid à servo meo exigere; scio quid à me tu postules. Absit vero ut sim servus sciens voluntatem Domini, & non faciens.

Ergo me, & omnia mea ex toto corde reddo tibi. Ecce jam affectu pauper sum: Ecce reliqui omnia, & sequor te. Quid ergo erit mihi? Tu Deus meus, & omne bonum:

Tu

Tu merces mea magna nimis. Tu pars & hereditas mea; & quidni sufficiat mihi? Quin etiam nunc das mihi te ipsum; id est, corpus & sanguinem tuum. insuper centuplum, & vitam æternam promittis. Credo tibi, quia Veritas es; omnis autem homo mendax. Credo tibi, quia summa bonitas es, & beneficiis vinci non potes. Etenim quæ vere tua sunt, ea reddimus tibi, ô Deus cordis mei, suscipe ea, sicut sincero corde offero: Tu vero, quando placebit tibi, me à bonis seculi pauperem, sed tuis donis divitem suscipias in æterna tabernacula tua, Amen.

C A P. VI.

Exercitia matutina & vespertina complectens.

E X E R C I T I V M M A T V T I N V M.

V*T recte pieque diem transigas, plurimum refert bene coepisse. Itaque mane evigilans, protinus diei auspicio DEI memoriam junge, & cave, ne Actionum & Cogitationum primitias, alius habeat præter Deum. Male & infelicitè tibi nullus ibit dies, quem Deo auspice coeperis. A fonte enim omnis boni, quid nisi bonum?*

Quinque puncta exercitii matutini.

1. *Sis gratus.* 2. *Cor offer.* 3. *Opus dispone futurum.* 4. *Vita peccatum.* 5. *Subsidiumque pete.*

I. G R A T I A R V M A C T I O.

O Æterne Deus, laudo te, & gratias ex intimis cordis mei visceribus ago tibi, quia me *Creasti* ad imaginem tuam; & pretioso Filii tui sanguine *Redemisti* me: Sed & præter alia innumera beneficia, hucusque tam clementer *Conservasti* me; & hac nocte à periculis malisque me custodiens, ad hujus diei initium incolumem perduxisti. Quid retribuam tibi Domine, pro his & aliis omnibus, quæ dedisti mihi?

II. O B L A T I O S V I I P S I V S.

Ecce Domine totum libens offero tibi, à quo profluxit omne quod habeo: Corpus, Animam, utriusque vires, & omnes

omnes hujus diei Cogitationes, Verba, & Opera AD MAIOREM NOMINIS TVI GLORIAM pure & plane refero; ut in his omnibus laudetur & glorificetur nomen tuum benedictum in secula: idque in unione omnium operum, quæ Salvator noster in terris in perfectissima charitate pro salute nostra gessit: ut ex abundantia meritorum unigeniti Filii tui, in quo tibi bene complacuit, mea juvetur infirmitas, & defectus suppleatur.

III. DISPOSITIO ACTIONVM.

Sed quid me vis facere, ut placeam tibi? Scio Domine, quia rigidam totius vitæ & temporis rationem reddemus tibi, quando venies positurus rationem cum servis tuis. Et hinc meritò vereor omnia opera mea, sciens quia non parces delinquenti? nesciens autem, qua hora venturus sis, & citaturus me, ut reddam rationem villicationis meæ: & quid, si hodie? Itaque cum in hoc statu, N. officio, N. gratia tua vivam, studiis & operibus vocationi meæ congruentibus, velut N. & N. diligentius incumbam; omnia honeste, & secundum ordinem facere conabor.

Et quia jubes primum quærere regnum Dei; negotiis & curis externis parcius me tradam, ne tempus desit negotiorum omnium maximo, seu curæ salutis & æternitatis. Agnosco enim quia vanum est, curate & lucrari omnia, & te solum, summum bonum perdere. Quin potius præ omnibus, & in omnibus te quæret anima mea, ô Deus meus & omnia.

IV. FUGA PECCATI.

Vtinam, ô Domine, dirigantur hodie viæ meæ ad custodiendas justificationes tuas! Et certe non libet ambulare vias peccatorum, vias difficiles, in quibus nil nisi contritio & infelicitas; nam etsi initio videantur bonæ; tamen illarum novissima ducunt ad mortem. Juravi & statui custodire judicia justitiæ tuæ. Dixi, Custodiam vias meas, ut non delinquam in lingua mea. Avertam oculos meos, ne videant vanitatem: & utinam omni custodia servem cor meum.

meum. Scio, has N. & illas N. occasiones sæpius mihi fuisse damnosas; Et quomodo eidem me rursus hodie periculo committam? Non faciam o Domine, amore tui cui uni placere, servire, & adhærere desiderat anima mea.

V. PETITIO GRATIÆ DIVINÆ.

Verum, o Domine, quid prodest hæc velle, nisi tu des posse & perficere? Frustra proponit homo, nisi quem gratia tua disponit. Tu nosti fragilitatem meam, quia inops & miser ego sum, nec quidquam sine te facere possum, imo ne cogitare quidem: sed ex te uno est omnis sufficientia mea. Exurge itaque in adjutorium mihi, & efficaci tua gratia vires adde, ut quod volo bonum, feliciter perficere possim.

Tu quoque, ô sanctissima Dei Mater, Virgo, & Patrona mea singularis, curam clientis tui suscipe, & monstra te esse matrem. Tuque o Angele custos, qui jussu bonitatis divinæ mei curam suscepisti. Et vos, ô SS. Patroni mei N. N. mihi præcipue dilecti, hodie clienti vestro fideliter adfistite, & in viam salutis dirigite. Vestris, quæso, precibus & meritis apud Deum agite, ut ejus gratiæ ductu sic vivam hodie, ut vobiscum vivam, gaudeam, Deumque laudem in æternitate. Amen.

E X E R C I T I V M

Ingentis meriti & efficacæ, seu actus Heroicus
& Pactum cum Deo ineundum.

EX PHILIPPO ROVENIO *Archiep. Philip. Vicar. Holland. in Instit. Christ. piet. Et P. Mart. à Matre DEI, Carm. Excalc. in Gymnas. Phil. Christ. Quos de vi & præstantia hujusmodi Exerc. plenius consule.*

Homo pius Deum indefinenter laudare & modico labore plurimum mereri cupiens, hujusmodi Pactum cum DEO inire potest; Nempe, quod ad certa quedam signa v. g. sonitum campanæ, adspectum Cæli, transiionem pectoris, &c. (nam signa pro placito assumi & multiplicari possunt) velit & gratum habeat quodvis opus

opus bonum, & DEO gratum, quod unquam factum est, seu hodie fit, aut unquam deinceps futurum est, aut fieri posset. Item, toties se ipsum velle DEO offerre; dolere de peccatis; renovare proposita vota; Deum adorare, laudare, &c.

Vim & valorem huiusmodi Actus à contrario colligere licet. Si quis statueret secum, quoties audit campanam, cœlum respicit, &c. toties se velle ratum & gratum habere, quicquid unquam mali actum vel agendum est, optaretque se ejus esse participem, quanta is se culpa obstringeret: Hoc itaque si in malo tam efficax est, quidni idem bono applicatum immensa virtutis & meriti erit? Sed en Formulam huiusmodi Pacti.

O benignissime Pater misericordiarum, Deus, Dominus, ac Creator meus: ex quo, per quem, & in quo sunt omnia. in te enim vivimus, movemur & sumus: proindeque supremi jure Dominii omnia serviunt tibi: Hinc & tuus sum ego; uti nunc me ipsum trado tibi in servum perpetuum foedere sempiterno; ut omnia vitæ meæ momenta, & omnia quæ intra me, & circa me sunt, benedicant Nomini tuo. Sed quia præsentis vitæ necessitates minus sinunt mentem indefinenter intendere laudibus tuis, hinc tale PACTVM tecum, mi Domine, inire cupio.

Quoties cœlum suspexero; vel pectus percussero, vel piam imaginem adspexero. Quoties horologium; aut signum Missæ, vel Elevationis sacratissimæ hostiæ percepero; Rosarium, vel librum in manus accepero. Quoties carnem, mundum, vel Dæmonem, me in quacunque materia fidei, spei, charitatis, castitatis, patientiæ, humilitatis, &c. tentantem sensero, &c. Nunc pro tunc declaro, toties me facere & exercere velle omni meliori, quo fieri potest, modo & forma, Actus hosce sequentes: etsi forte pro tunc ad hoc mente minus adverterem.

Toties inquam, gaudeo & gratulor tibi ex animo, ob infinitas perfectiones tuas, quod sis QUI ES, id est, DEVS summe potens, sapiens, bonus, misericors, justus, &c. Summum Creaturæ rationalis bonum. Quod nullius egeas, utpote teipso sat beatus, & sufficiens tibi; nostra autem omnis sufficientia ex te sit.

Gaudeo etiam, Domine, propter opera bona, quæ unquam facta sunt, hodie fiunt, fientque deinceps, propter amorem tui: aliaque omnia, quæ fieri possent ab iis quos creasti & creare potuisses; idque eâ, quâ possibile est, perfectione.

Gaudeo ob ea quæ Dominus noster Iesus Christus, Virgo Maria, SS. Angeli, Patriarchæ, Prophetæ, Apostoli, Martyres, Confessores, Virgines, omnesque SS. & fideles omnes egerunt ad gloriam tuam; nec non ob amorem, quo te æternum prosequuntur, & laudes, quas tibi in perpetuum dicent.

Offero tibi omnia Sanctæ Missæ Sacrificia, quæ vel hactenus in Ecclesia peracta, vel deinceps usque ad consummationem seculi peragenda sunt; idque animo *Adorandi* & laudandi te uti Deum supremæ majestatis, potentiae, sapientiae, bonitatis, &c. Item *Gratias* tibi agendi; nec non *Placandi* te, & bona gratiæ & gloriæ *Impetrandi* à te.

Doleo de peccatis meis omnibus & singulis ex animo, propter amorem tui. *Spero* de infinita misericordia tua veniam. *Propono* cum gratia tua, non amplius offendere te.

Doleo quoque ob tot peccata à mundi initio, hucusque à quocunque homine commissâ, iisque te tam graviter offensum. Opto ex animo, ut compensari aliquatenus meo sanguine possent. Utinam vice cujusque peccati singulis Æternitatis momentis mille tibi obsequia à SS. Angelis & omnibus Beatis deferantur.

Dimitto ex animo, amore tui omnibus qui me offenderunt, vel quomodocunque læserunt: & opto illis pro singulis offensis, à te peculiarem aliquam gratiam, seu beneficium. Et utinam nunquam ipsi tuam offensam incurrant.

In manus tuas committo me, & omnia mea; præsertim finem vitæ meæ, ut disponas de me, uti re maxime tua, in tempore & æternitate, quod tibi placuerit, & visum fuerit forte ad Majorem gloriam tuam.

Postremo offero tibi, quidquid possum melius, & meliori modo; præcipue vero vitam, Passionem, & Sanguinem D. N. I. Christi in gratiarum actionem pro beneficiis omnibus Corporis & animæ, quæ à te hactenus accepi, &

& deinceps accipiam, præsertim pro charitate, qua ab æterno dilexisti me. Et pro dono perseverantiæ obtinendo; ut tibi inseparabiliter adhæream.

Hunc ipsum Actum, quo ad singula membra, aliaque his implicite inclusa, toties ratum esse volo quoties aliquod è signis præstitutis, vel præstituendis edidero: imo tot vicibus, quot creaturæ productæ sunt à te, aut produci possunt: quoties spiritum duxero. Denique quoties possibile, vel imaginabile est, id ipsum iterari, ac multiplicari. Atque hoc pure ob amorem tui, omnesque bonos ac sanctos fines, qui ab ullo haberi possent.

DOMINE, quod dixi, dictum, factum, gratum, ratumque volo; affectu, effectū, fructuque, quoad licet, maximo.

Hunc actum hac forma prolixiore, semel in die præsertim mane, vel ante, seu post Sacrum, exercere sufficit. Sed sapissime ad signa constituta repetatur; quod hand erit difficile, cum sola & unica mentis directione, seu reflexione fieri possit. Item dicendo, O IESV, vel, O DEVS meus & OMNIA.

ORATIO UTILISSIMA,

Qua mane quivis Actiones suas, & omnia DEO commendet, ac Christi Meritis uniat.

Ex precibus German. P. Petri Canisii Soc. I.

LAudo te ex toto corde meo, & gratias ago tibi, Domine Deus meus, quod, cum nihil essem creaveris me ad imaginem tuam: ita nimirum ut æterni & summi Boni, id est, tui ipsius capax essem. Et cum jam perditus essem, utpote filius iræ, & reus æternæ maledictionis; tu nihilominus ex vi immensi amoris tui, per tuam sanctissimam vitam & passionem, mortem, & pretiosum sanguinem tuum redemisti me.

Vnde, sicut omne Bonum de tua solius manu recipio; ita hoc quidquid est, & me ipsum totum ad laudem & gloriam supremæ Majestatis tuæ vicissim lubens in perpetuum offero.

Denique cum indignus essem omni gratia, & beneficio; imo plenus immunditia, & dignus supplicio: tam benigne mihi Spiritum sanctum, una cum donis suis largitus es. Et super hæc omnia, æterna mihi in coelis bona & gaudia præparasti.

Obsecro quoque per immensam bonitatem tuam, ô benignissime Salvator Iesu Christe; ut hoc die me ab omni peccato custodias, ne perdam gratiam tuam, sed cor meum, & omnem intentionem meam, intellectum, & voluntatem, omnes corporis & animi vires ad tui solius cultum & honorem convertam; ut cogitationes; verba & opera mea tibi per omnia placeant.

Sed quia ob summam imperfectionem meam; non sum sufficiens, quid quam agere, imo ne cogitare quidem ex me ipso, quod coram oculis divinæ Majestatis tuæ gratum, mihi utile, aut meritorium esse possit; Ex te autem est omnis sufficientia nostra: hinc te supplex & humillime rogo, ut defectui & inopiæ meæ ex infinita abundantia charitatis tuæ, & inexhausto meritorum tuorum thesauro succurre digneris.

Et sic demum offero & commendo tibi Domine Iesu Christe indignissima & ex se vilissima opera mea; ut tu unias ea dignissimis, & sanctissimis operibus totius vitæ tuæ, in ardentissima & perfectissima charitate factis, qua tu omnia ad salutem nostram operatus es, in medio terræ; pro beneplacito & gloria æterni Patris tui.

Denique quidquid hodie me agerè vel pati necesse fuerit, hoc, precor, non tantum clementer suscipe; sed etiam per tuam sanctissimam Incarnationem, Vitam, Passionem, ac Mortem, meritorium mihi ac salutiferum effice; ut per hoc animæ meæ salus magis magisque juvetur, & omnis vita mea, tuæ sanctissimæ vitæ ac passionis exemplo perfectius conformetur: utque hoc pacto ad juvandam proximi mei salutem, ad pacem & charitatem cum eo servandam magis fiam idoneus. Ante omnia vero, ut divinæ Majestatis tuæ voluntatem, obsequium, & amorem toto corde promovere ac perficere valeam. Amen.

B E N E D I C T I O

Mane & vesperi usurpanda :

Ex eodem.

PAx Domini nostri IESV Christi ; & virtus sacratissimæ Passionis ejus. Signnm S. Crucis, & Titulus triumphalis IESVS NAZARENVS REX IVDÆORVM. Integritas quoque Beatissimæ Virginis Mariæ ; Custodia SS. Angelorum, præsertim tutelarior mei ; & suffragia omnium Electorum Dei, sint inter me, & omnes inimicos meos visibiles & invisibiles, nunc & in hora mortis meæ ; Amen. In nomine Patris, & Filii, & Spiritus sancti. Amen.

EXERCITIVM VESPERTINVM.

Vesperi, dum cubitum te conferes, cave ne Dei sis immemor, cujus favore hucusque diem & vitam perduxisti ; forsan non perducturus usque mane nisi Deum tibi hoc vespere concilies. Mortis sanè memoriam ipse quodammodo lectus ingerit, in quem velut in sepulcrum nuda membra reponis : & quid est somnus ipse, nisi frater & imago mortis ? Nimirum temerarius est, qui offenso, & non reconciliato Deo, audeat se nocti & somno credere. Quin sic potius ad nocturnam te quietem compara, ac si quis auri insurret : Hac nocte repetent à te animam tuam. Ideoque memento orandum cum Propheta : Illumina oculos meos, ne unquam obdormiam in mortem, ne quando dicat inimicus meus, prævalui adversus eum.

Quinque puncta exercitii Vespertini.

1. Solve Deo grates. 2. Pete lumen. 3. Discute mentem. 4. Delicti veniam posce. 5. Recide malum.

I. GRATIARVM ACTIO.

O Infinita Bonitas, gratias ex intimo corde ago tibi, pro omnibus beneficiis tuis, quæ mihi indigno hodie, & tota

vita mea tam liberaliter contulisti. Sit tibi laus & gloria
me, & ab Electis tuis, in cœlo & in terra; & ab omni crea-
tura tua, in sæculorum sæcula.

II. PETITIO LUMINIS.

O Sapientia Æterna, in multis eheu, offendimus omnes;
sed delicta quis intelligit? Tu ô lux vera illumina tenebras
meas, ut videam, & sciam quid desit mihi. Tu nosti omnia
abscondita cordis : & omnes gressus meos consideras. Da
ergo ut quicquid hodie contra te, cogitando, loquendo, vel
operando deliqui, id plene recogitem tibi in amaritudine
animæ meæ.

III. DISCVSSIO CONSCIENTIÆ.

O Scrutator cordium & renum Deus; infelix ego pecca-
vi hodie in Cœlum & coram te : Et quomodo possum ce-
lare te, qui prævidisti omnes vias meas; & intellexisti cogi-
tationes meas de longe? Quid faciam tibi, ô custos homi-
num? Heu mi Domine; Peccavi, & delicta mea à te non
sunt abscondita. Sed & si meipsum dijudico, en reprehendit
me cor meum, in his maxime.

*Hic examina conscientiam tuam, eoque totius dici decursum re-
pete: ubi fueris, quibuscum egeris, quid cogitaveris, dixeris, feceris,
expende. Sed memento pro ratione status, officii seu vocatio-
nis tuæ examen instituire! sic facile, quid commissione, quid omis-
sione peccaveris, agnosces. Item, quid in exercitio Virtutis N. tibi
magis necessariae, quid in exterminatione vitii N. tibi magis infestis
profeceris, serio dispice, &c.*

IV. PETITIO VENIÆ.

O Pater misericordiarum, qui non lætaris in perditione
peccatorum, respice me secundum multitudinem misera-
tionum tuarum. Ego omnes offensas hujus diei, & totius vi-
tæ meæ depono in abyssum æternæ charitatis tuæ, qua
dilexisti nos. Doleo ex intimo corde meo, me tam in-
gratum fuisse tot beneficiis tuis, & toties te Deum & sum-
mum

num bonum meum offendisse. Precor per mortem & amorem filii tui Iesu Christi, parce misero & dimitte mihi clementissime, quidquid hodie, vel unquam in Te, proximum, & meipsum peccavi.

V. PROPOSITVM EMENDATIONIS.

O potentissime Deus, sine cuius numine nihil est in homine, coram te, & omni curia cœlesti propono firmiter, exactius regulam voluntatis tuæ sequi; mores corrigere, vocationi meæ propius attendere: peccata simul ac pericula fugere, &c.

Verum hæc ego quidem volo; sed sine te non valeo. Tu ergo qui das Velle, adde Possè ac Perficere. Da quod jubes, & jube quod vis; ut sobrie, iuste, & pie vivam in hoc seculo: & æternum te laudem cum Sanctis tuis in futuro.

Suscipe hoc desiderium meum Domine, sicut incensum in conspectu tuo. sacrificium hoc vespertinum & serotinum deprecationis meæ ne despicias pro infinita misericordia tua.

Vos vero, ô sancti Patroni mei, inprimis Virgo Mater, & tu Angele Custos, & tu N. omnesque cœlites, qui indefesse laudatis Deum, etiam dum ego tantisper quiesco & sileo, Vos mei curam agite, & Deo me commendate, ut protegar ab insidiis hostium meorum, qui nobis dormientibus semper vigilant, parati ad nocendum. Sit Deus protector noster, & nulla nobis adversitas nocere poterit.

Domine Deus auge in nobis Fidem, Spem & Charitatem. Radicitus extirpa omne peccatum, & vitium, discordiam, infidelitatem, errores, opiniones. Increpa errantes, converte incredulos. Schismaticos in Ecclesiæ unitatem recollige, lumen gratiæ tuæ illis ostende. Ecclesiæ tuæ Pastores & Præpositos, cæterosque Primores, Imperatorem, Reges, Duces, Episcopos; & omnem Potestatem ab omnibus adversitatibus corporum animarumque custodi.

Peccatores ad veram pœnitentiam converte. Iustos in bono conserva. Cogitationes eorum, verba & opera confirma. Miserere omnium Domine: & in tua servitute ditos tibi corrobora. Enutri operarios: erige mœstitia pressos,

infirmos cura, egentibus necessaria administra, peregrinantibus optatum largire in Patriam reditum: in periculo maris constitutus portum salutis tribue: pręgnantes lætifica, captivos solve.

Dimitte omnibus qui mecum peccaverunt, vel quos ad peccandum impuli. Affectis per me injuria, scandalizatis vel circumventis, redde centuplum. Sanguine vel familiaritate mihi conjunctorum, parentum, Fratrum, Sororum, quorum utor opera vel ope, qui pro me orant, qui orationi meę se commendarunt, omnium de me bene sententium itęr in via salutis dirige. Exaudi illos in quacunque tribulatione ad te clamaverint. Inimicis nostris & nobis Charitatem largire perpetuam. Sit in omnibus patientia, benignitas, misericordia. Procul sit invidia, ira, & amarulentia.

Sed & piissime Pater, miserere omnium animarum in Christo dormientium. Inprimis parentum meorum, carerorumque, cum quibus familiariter sum conversatus, vel quorum hæreditatem nunc possideo, omniumque, qui in tua fide requiescunt. Requiem æternam dona eis Domine, & lux perpetua luceat eis. Amen.

PATER æterne, per vitam & mortem dilectissimi Filii tui; perque viscera misericordię tuę rogo te; concede mihi, ut in bono perseverem, & moriar in gratia tua.

BONE IESV per charitatem æterni Patris, & ultima in cruce verba, quibus Patri spiritum commendasti, Te rogo, suscipe spiritum meum in fine vitę meę.

SPIRITVS sancte Deus, miserere mei, & sancta inspiratione tua me semper & potissimum in hora mortis meę corrobora.

Sanctissima Trinitas, unus Deus miserere mei, nunc & in hora mortis meę. Amen.

ASPIRATIO HORARIA.

O Deus infinita misericordie : Doleo ex amore tui, quod unquam offenderim Te. Amo te ex toto corde meo. Adoro & laudo te per ardorem charitatis & infinita merita dilectissimi Filii tui, Vna cum amore Spiritus sancti, cum desiderio & fervore B. Virg. MARIAE & omnium Electorum tuorum, Petoque ut des mihi continuum tui amoris augmentum, omnes meas actiones praeveniando & dirigendo ad Gloriam tuam.

FINIS SECT. IV.





AMORI & DELICIO GENERIS
HVMANI,

IESV CHRISTO,

Cujus deliciae sunt esse
Cum Filiis Hominum.

LIGNO VITÆ,

In medio PARADISI plantato ;
Cujus fructus immortalitatem præstat edentibus.

AGNO PASCHALI,
IMMACVLATO EVCHARISTICO;

Qui in perpetuam Exitus ab Ægypto
comedendus est memoriam.

MANNÆ DE COELO VERO,
Quod omnem Saporis in se suauitatem continet.

PANI ANGELORVM,
Sed & CIBO VIATORVM,
Quem manducandum, peregrinantibus in hoc
deserto, quasi prodigus sui
DEVS dedit MORTALIBVS.

VITI VERÆ,
Quæ coelasti succo Palmites in se manentes
foecundat & vegetat:

Quin & Vinum profert germinans Virgines : Ac
lætificans cor hominis.

PELICANO MYSTICO,

Qui Pectoris sui cruore pullos nutrit suos.

SAMARITANO SOSPITALI,

Qui VINVM Charitatis, & OLEVUM Misericordiæ nostris infundit vulneribus.

SACERDOTI IN ÆTERNVM
SECUNDVM ORDINEM
MELCHISEDECH;

Qui panem & vinum, immo Se ipsum obtulit.

PONTIFICI SUMMO,
SANCTO, INNOCENTI, IMPOLLVTO,
SEGREGATO à PECCATORIBVS.

Qui necesse non habet pro suis, uti alienis peccatis offerre victimas.

PASTORI BONO,

Qui in loco pinguis PASCVÆ
OVES suas posuit;

Immo CARNE & SANGVINE
suo pascit.

Et quid majus dare potuit,

Qui nobis SEIPSVMDedit;

NASCENS in Socium;

CONVESCENS in Edulium;

MORIENS in Pretium; &

REGNANS daturus est in Præmium?

S E C T I O V.

DE MODO PIE COMMUNICANDI,
celebrandi & audiendi Missam,*Una cum Orationibus & variis Exercitiis, ad usum
tam Sacerdotum, quam Laicorum accommodatis:*

P R O F E R I A Q V I N T A.

C A P. I.

Colloquium seu Meditatio de sacra Communione
recte & utiliter instituenda omni statui serviens.§. I. *Excitatio, seu invitatio ad sacram
Communionem.*

C H R I S T V S.

VEnite ad me omnes, qui laboratis & onerati estis,
& ego reficiam vos. Ego enim sum pastor bo-
nus, qui posui animam meam pro ovibus meis,
& pascō eas pabulo vitæ longe dulcissimo, id est,
ipso Corpore & Sanguine meo. Feci enim grande convi-
vium, ut ostenderem divitias & potentiam Regni mei. Ve-
nite ergo & comedite panem meum, & bibite vinum, quod
miscui vobis: delitiæ enim meæ sunt esse cum filiis homi-
num. Confortes gratiæ & gloriæ meæ, id est, omnium bo-
norum meorum, vos reddere cupio, omni jure & more ve-
ræ ac fidelis amicitiae. Et ideo de cœlo veni in hunc mun-
dum, & *Homo Factus* sum, tot labores, cruciatus, & mor-
tem ipsam sustinui, & desiderio magno desideravi hoc Pa-
scha manducare cum Discipulis meis.

Vt vero perpetuum memoriale tanti amoris mei, & pi-
gnus futuræ gloriæ relinquerem vobis, me ipsum dedi. Ec-
ce, totum me dedi vobis: nascens in focum, convalescens in
edulium, moriens in pretium, & tandem regnans in præ-
mium. Et quid potui majus, aut excellentius dare? aut
quid potui amplius facere, quod non feci?

Homo.

HOMO. Vere tu Domine tuavis, & mitis, & multum misericors. O quam admirabile est nomen tuum in universa terra! Sed quid est homo, quod memor es ejus? aut filius hominis, quia visitas, & ita magnificas eum? Nonne pulvis, & cinis, & universa vanitas, omnis homo vivens? & dignum ducis, super hujuscemodi aperire oculos tuos? ingredi ad eum, & mansionem apud eum facere? Quid retribuam Domino, pro omnibus quæ retribuit mihi? Tu Domine dives es in omnes, & potens super omnia, & tua sunt omnia: ego vero egenus & pauper sum; sed & tu bonorum meorum non eges. Et quid, si dem tibi omnem substantiam meam, imo si meipsum dederò, quid dignum poterit esse tantis beneficiis tuis?

CHRISTVS. Immola Deo sacrificium laudis, & redde Altissimo vota tua. Pergratum æterno Patri, & mihi placens sacrificium est, oblatio seu perceptio Corporis, & sanguinis mei, Hoc ergo frequenter, sed & reverenter fac in mei commemorationem. Ad hoc enim hæc sacra mysteria, in Ecclesia mea exstare volui, ut amorem meum, & beneficium redemptionis tuæ, perenni memoria recoleres. Scio, te aliud mihi non posse rependere: sed an gratum animum, & tanti beneficii memoriam reddere non potes? potes utique; nec convenientius, quam in hujus mysterii pio & frequenti usu: Et si negligis, vide ne & tu censearis cum ingratiss & indignis illis, & excludaris à cœna mea.

HOMO. Quam magna multitudo dulcedinis tuæ Domine, quam palam exhibuisti timentibus te! qui, ut dulcedinem tuam in filios tuos demonstrares, pane suavissimo de cœlo præstito eturientes replebis bonis. Quam dulcia faucibus meis eloquia tua, quibus me tam amanter invitas ad te! sed heu, quis ego sum, ut de mensa tua, ô Rex magne super omnes Reges, comedam panem omnibus diebus vitæ meæ?

§. 2. *Dignitas & excellentia Augustissimi Sacramenti.*

CHRISTVS. Hoc est quod te volo diligentius expendere: ne forte, si levius æstimes beneficium, quod præstiti fidelibus meis, tandem fias tepidus, & nauseet anima tua
fu-

super cibo isto tanquam levissimo ; & sic ego quoque incipiam te evomere ex ore meo. O quam felix es, mi Christiane, si noveris bona tua, qui in loco tam pinguis pascuæ collocatus es, & cui tanto beneficio, & convivio tam nobili frui concessum est ! Sed tu imprimis beatus es, ô Sacerdos, quem singulari honoris privilegio elegi mihi de populo, ut stes coram me, velut Amicus & Consiliarius meus intimus, in mensa mea, & cibum inde capias, quin & ceteris fidelibus meis dispenſes. Tibi certe concessum est, quod Angelis negatum est (& quo merito tuo ?) Dominum majestatis, officio prorsus admirando, tremendo, & vere divino, ore sacro conficere, & quasi è throno gloriæ suæ evocatum in altari præsentem sistere, (obediente Deo voci hominis) eumque manibus contrectare, ac cæteris dispensare. Stupent ad hoc cœli, & Angeli mysterium attoniti venerantur ; dum infra se vident, quem supra se semper adorant. Et homo, vel Sacerdos, hoc ipsum animo frigidum, impuro, & distracto tractare audet ? & qui toties palcitur pane Angelorum, adhuc filiquas cum porcis considerat !

Homo. Magna omnino dignitas hominis; major Sacerdotis. Sed & magnum procul dubio utriusque debitum vivendi tantæ dignitati conformiter. Verum, heu, Domine, video prævaricantes, & tabesco: & quam in multis ipse deficio ! Imperfectum meum vident oculi tui. video & ego aliam legem in membris meis, repugnantem legi mentis meæ; & captivantem me in lege peccati, ut non quod volo bonum, faciam, sed quod nolo malum.

§. 3. *Utilitas & necessitas dulcissimi Sacramenti Eucharistiæ.*

CHRISTVS. Ecce ad hoc ego offero tibi gratiam & opem meam, imo ipsum me gratiæ fontem, & omnis boni autorem, in hoc sacramento largior. Scio, quia sine me nihil potes facere, sed ecce, ego sum panis vivus, qui de cœlo descendi: Panis, inquam, cor hominis confirmans, quem si frequenter, & reverenter acciperes, brevi sentires mutationem dexteræ Excelsi; tunc enim sicut adipe, & pinguedine

dine repleretur anima tua : fortis & potens fieret ad opera virtutum , & in fortitudine cibi illius ambulares per hoc mundi desertum , usque ad montem Dei. Quem vero hostem timeat , qui me adiutorem , & intime sibi præsentem habet ? Confidenter hic dicet , cum Apustolo meo : *Si Deus pro nobis , quis contra nos ? & , Omnia , possum in eo qui me confortat.* Aut cum Viro illo secundum cor meum , *Si ambulavero in medio umbræ mortis , non timebo mala , quoniam tu mecum es.*

HOMO. Sit tibi , Domine , æterna laus & gloria quia parasti in conspectu meo mensam adversus eos qui tribulant me. Et utinam deinceps ex illa vires , & robur accipiam pugnandi contra hostes meos. Cur vero hæcenus id minus factum est , & infirmata est in paupertate virtus mea ? cur tam facile cessi tentationibus , & adversis ? An , quia fastidivi mensam tuam , & oblitus sum comedere panem meum , & hinc defecerunt vires meæ præ inopia ? An quia minus digne & reverenter id sæpius facere præsumpsi ?

CHRISTVS. Dixisti quod res est , mi homo. Nam , sicuti vita corporis cibo sustentari debet , qui , quod calor naturalis absument , continuo repletur : ita plane vigor spiritus , ne æstu concupiscentiæ paulatim consumatur , cibo frequenter restaurari debet. Quis sit ille cibus , quæris ? *Ecce Caro mea verè est cibus , & Sanguis meus verè est potus :* hic est panis quotidianus , panis , qui de cælo descendit ; quo si frequentius , & dignius se reficerent Fideles , & imprimis Sacerdotes mei , velut leones ignem spirantes , ab hac mensa recederent , hostibus , & ipsi Diabolo terribiles , *(sic loquitur Chrysost. Homil. 61. ad pop. Ant.)* Nullum certe efficacius remedium adversus tela nequissimi ignea , & tentationes , maxime carnis , cum qua vobis alioquin est quotidiana pugna , & rara victoria. Ejus enim cupiditates facile restinguet aqua , quæ hauritur in gaudio , de fontibus Salvatoris ; meis inquam , quos in hoc Sacramento omnibus aperui , & vinum germinans virgines , quod hic propinatur : quia ego solus satio animam inaniem , & esurientem bonis , & delitiis nunquam perituris ; ego præbeo illi panem omne delectamentum in se habentem. Et quid non boni eveniet illi ,
ad

ad quem ego fons & auctor omnis boni venire dignabor? Venite ergo & comedite panem meum, & bibite vinum, quod miscui vobis, & inebriamini charissimi.

§. 4. *Frequentia, quâ ad SS. Myſteria accedendum.*

HOMO. Sed video Domine, quia plerisque durus est sermo tuus, & non omnes capiunt eum. Nam ut eos præteream qui ambulant in tenebris, nec credunt verbo veritatis, dicentes: *Quomodo hic potest nobis carnem suam dare ad manducandum?* videmus alios passim multos facile cedere argumentis, quibus suaderi videtur rara communio.

CHRISTVS. Ego novi, quam proni sint sensus hominum ad mala; quam levibus, & frivolis ex causis se retrahi, & impediri sinant à cultu & servitio meo, quia alias studiose nimis omnem captant occasionem serviendi mundo, carni, & voluptatibus. O quam facile credunt Dæmoni suadenti voluptatem, invitanti ad esum pomi vetiti, & divinitatem mendaciter pollicenti! Et mihi, qui carnem meam in cibum offero, & ad manducandum tam amice hortor & invito, quin & manducantes divinæ confortes naturæ, nec non immortales fore spondeo, credere & parere recusant! Mihi, qui sum ipsa Via, Veritas & Vita.

Sed ecce fraudem Pharaonis etiam nunc agnosce, qui invidens honori meo, non vult dimittere populum meum, ut sacrificet mihi in deserto, sed in medio Ægypti eum occupat operibus luti, laterum & palearum, (quid enim aliud sunt terrena hæc, argentum & aurum, opes, honores, & curæ hujus seculi?) ut non vacet ad serviendum mihi. & tamen, quam sunt homines alacres & indefessi ad labores, ex quibus non manducant, nisi panem doloris! qui multo minori labore poterant comedere panem habentem in se omne delectamentum, & omnem saporis suavitatem.

Non sic olim fideles mei, non sic, sed ambulabant in simplicitate cordis sui; amore & zelo pleni, perseverantes erant in communicatione fractionis panis, & orationibus. Ita nimirum quotidiano hujus cibi usu crevit & adolevit primitiva Ecclesia mea, ut præ illius desiderio facile contem-

temnerent omnia, nec ullis minis, tormentis aut blandi-
mentis seduci sese finerent.

Recole, ô Christiane, sed tu inprimis ô Clerice, ista pri-
mordia nascentis Ecclesiæ; quando credentium erat co-
unum & anima una: admirare zelum & amorem. Ecce, quo
major in illis erat contemnptus rerum terrenarum, eo ma-
jor erat cura cultus & honoris mei. Sed ubi nunc ille ze-
lus? illa inebriatio Spiritus, pax & gaudium in Spiritu san-
cto? heu, quomodo obscuratum est aurum, mutatus est
color optimus!

Filii hominum, usquequo gravi corde, ut quid diligitis
vanitatem & quæritis mendacium? quare lignum vitæ re-
linquitis? quare deseritis fontem aquæ vivæ, & quæritis
vobis cisternas dissipatas, quæ continere non valent aquas?
Sane si sciretis donum Dei & quis est, qui vos invitat, &
qui seipsum vobis offert in cibum, magna alacritate curre-
retis; nec opus esset vos ad hanc coenam magnam, & ad has
nuptias compellere. Verum abscondita sunt hæc modo à
sapientibus hujus sæculi, qui non sapiunt ea, quæ Dei sunt.
At vero norunt pauci pauperes spiritu, qui majores in uno
hoc cælesti ferculo delitias, quam in omnibus mundi gau-
diis inveniunt.

Homo. Erubesco Domine, & in memetipso confun-
dor, quoties hæc audio & cogito: dum mores primorum
fidelium & nostros adspicio; heu quanta disparitas! sed ne
despicias nos Deus salutaris noster; fac nos, quales habere
desideras; torpentes excita, cæcos illumina, claudos erige,
tardos compelle intrare, ut impleatur mensa tua. Doce
me facere voluntatem tuam, quia servus tuus sum, ut vo-
luntarie sacrificem tibi, & confitear nomini tuo Domine:
ut quemadmodum cervus ad fontes aquarum, ita deside-
ret ad te anima mea: ut concupiscat & deficiat anima mea
in atria tua, Domine. Quidni enim ultro veniam & accur-
ram, ut hauriam de fontibus Salvatoris? cur non libens
introibo ad Altare Dei ad Deum qui lætificat juventutem
meam?

§. 5. *Impedimenta frequentis Communionis.*

CHRISTVS. Constanter itaque omnia obstacula quibus alios passim retineri vides, tu zeli & amoris gladio perfringe. Sed inprimis pone modum negotiis, & curis hujus sæculi, quibus velut spinis mens humana pungitur, & cave ne in multis sint actus tui. Quorsum enim cor tam misere & multipliciter vis distrahere, cujus unione longe felicius vivitur? Quid turbaris erga plurima, & VNVM super omnia tibi necessarium, idemque mihi gratissimum, id est, curam animæ negligis? nonne anima plus quam corpus? & quid proderit, lucrari omnia, & animam perdere? mihi quidem nihil ingratius aut molestius, quam has audire voces: Villam emi, & juga bonum; uxorem duxi, & ideo non possum venire. Nonne has & similes olim ego tam severe & manifeste damnavi? tu vide an æquum sit, rebus tam inanibus me postponi.

HOMO. Fateor Domine nimis indignum est, ob res inanes & caducas derelinquere te, mensam tuam, quam tu in tanta charitate, tot delitiis, tot divitiis, non tibi ipsi, non Angelis, sed nobis hominibus præparasti. Verum tu ipse nosti, inter tot negotia, tum privata, tum publica; in tot curis & necessitatibus hujus vitæ quam difficile homini sit, mentem habere collectam, & sufficienter dispositam, ad rite participandum tantis Mysteriis.

CHRISTVS. Quin tu tanto magis festina ad me, cujus consilio & providentia geruntur omnia: quo enim negotia sunt magis ardua, quo majori prudentia indigent: tanto, inquam, magis recurre ad tabernaculum, & consule Dominum: habes ibi fontem sapientiæ, magni consilii Angelum. Si itaque indiges sapientia, pete à me, & dabitur tibi. O si scires, quam multi texant telas aranearum, & in vanum laborent! quam multis multa cedant infelicitè, quia os Domini non interrogant! Vanum est vobis ante lucem surgere, pergere ad labores; & negotia; nisi ego sol justitiæ conatibus vestris præluxero.

HOMO. Vere Domine, cogitationes mortalium timidæ, & incertæ omnes providentiæ nostræ. Tu itaque mihi

deinceps lux & dux eris, & consilium meum justificatio-
nes tuæ. ideoque sæpius cum Moyse recurram ad taber-
naculum, ut consulam Dominum.

§. 6. *An sacra Communione abstinendum ob judicia
& sermones hominum.*

CHRISTVS. Sed & plurimi sunt, qui ob metum & ju-
dicia hominum, rarius accumbunt mensæ meæ. Tu vero,
qui solum judicem supremum timendum esse nosti, ut qui
habet potestatem mittere in gehennam, tu qui mihi place-
re vis, cur potius ex ore vulgi, quam meo pendes? Nonne
omnis homo mendax? ego sum ipsa veritas? Mihi ergo
placere & parere ante omnia stude, & noli conformari huic
seculo nequam. Si vero hominibus placere desideras, meus
servus esse non poteris.

Cæterum si pie vivens, & mihi serviens persecutionem
& calumniam pateris; gaudere te magis convenit quam do-
lere; quod dignus habearis, pro nomine meo contume-
liam pati; hoc enim vere Christianum est: interim vero te
conscientia bonæ voluntatis solare: veniet dies, cum ego
Iudex supremus manifestabo omnia consilia cordium, & ar-
guam iudices cogitationum iniquarum. tunc ipsi quidem
turbabuntur timore horribili, tu vero stabis in magna con-
stantia, si nunc in patientia steteris: vincenti enim dabo
Manna absconditum, & nomen novum.

HOMO. Fac, Domine, ut mihi pro minimo sit, ut ab
homine judicer aut ab humano die. Quia dies ille magnus
revelabit omnia. Vni tibi placere appetam, & displicere
timeam.

Sed nunquid placebit tibi, si conscius indignitatis meæ,
& majestatis tuæ, nec non reverentiæ tantis mysteriis de-
bitæ, nihilominus præsumpsero toties venire ad te? Non-
ne vereri debeo, ne familiaritas contemptum pariat? ita
enim multi censent; & ego ipse sanctius forsan & reve-
rentius, & majori gustu fructuque faciam, quod rarius fe-
cero.

§. 7. *Antititulo Humilitatis, & Reverentiæ abstinentium à frequenti Communione.*

CHRISTVS. Obsecro vos, ô fideles mei, sed in hoc non satis fideles, ne ultra dicatis malum bonum; & socordiam ac tepiditatem vestram virtutis specie induatis, fallentes vosmetipsos; nam oculos meos lucidiores sole fallere difficile erit. Vosne raritas, & mora temporis, aut dilatio disponit, ut digniores fiatis mensa mea? Ecce ego novi, quid sit in homine, qui novi omnia abscondita cordis. Sed quam præparati veniatis ad me, post moram satis longam, testis est mihi conscientia vestra, quam ego intime pervideo: arguam vos & statuam contra faciem meam, quia impia hæc pietas est; & irreligiosa reverentia, quæ pietatis titulum prætexit pigritiæ, & specie reverentiæ, religionis zelum fingere novit. Sed mentita est iniquitas sibi. Siccine saluti propinquior fit æger, quo diutius medicum fugit? illene magis incalescit, qui longius ab igne recesserit? Ego verò sum medicus, qui portavi languores vestros; ego sum qui veni ignem in terram mittere, & quid volo nisi ut ardeat, & corda vestra succendat?

Sed apertius loquar tecum, mi homo, ut agnoscas, quam graviter hic cum multis erres. Sacramentum Corporis & Sanguinis mei confert gratiam, nisi suscipiens aliunde ponat obicem, hoc utique fateris; nonne ergo quo frequentius sumis, eo plus gratiæ percipis? crescente autem gratia, simul crescit fides, spes, charitas, devotio, reverentia, puritas, cæteræque virtutes, quæ intellectum illuminant, affectum excitant, cor purificant, &c. & nonne hic est ornatus, hæc vestis illa nuptialis, quam præcipue requiro à te, ut digne venias ad mensam meam?

Vides ergo, quomodo una communio disponat ad aliam; adeoque ad crastinam optime dispositus veniat, qui hodiernæ effectus seu fructus secum attulerit. Nec est cur hinc contemptum timeas. Inter homines quidem ex familiari conversatione facile contemptus nascitur, quia ex frequentu convictu, defectus, imperfectiones, & vitia cujusque

magis innotescunt ; at quanto sæpius & familiarius mihi jungeris , tanto plures & majores in me perfectiones invenies , ac proinde majore me honore ac reverentia prosequeris.

Verum apertius est hoc , quam ut probari necesse sit , quamvis contrarium suadeat pater mendacii , & multis persuadeat , qui modicum de gloria mea , de salute sua parum solliciti , ambulant in desideriis cordis sui. Hinc , quia sciunt , arctiorem sui custodiam , & continuum timorem , comites esse debere frequentis communionis , ipsi qui oderunt disciplinam , malunt frequentem communionem , quam pravam consuetudinem intermittere , ut quasi sine freno liberior abeant post concupiscentias suas. Nam & genus libertatis æstimant , à communione & sacrificio vacare , cum tamen mihi servire regnare sit. Quod si forte solemnifecto , aut officii debito exigente communicent , aut sacrificent ; tantisper pietatem colunt , donec munere suo perfuncti sint ; mox ad ingenium & pristinos mores , velut canis ad vomitum , & sus ad volutabrum revertuntur. Audite cœli & auribus percipe terra , vos enim querelæ meæ testes advoco , quando me non audiunt homines , quibus intellectum dedi. *Filios enutrivit & exaltavit , ipsi autem spreverunt me. Cognovit bos possessorem suum , & asinus præsepe Domini sui : Israël autem me non cognovit , & populus meus non intellexit.* Quam male , inquam , mihi vicem referunt homines , quos ego creavi & redemi , ut servirent mihi ! quibus ego tot terræ bona nutriendo corpori ; animæ vero Corpus & Sanguinem meum dedi. Nimirum similes facti jumentis insipientibus , aut potius stupidiore illis , non agnoscunt benefactorem suum. Illa enim quantumvis rudia , dominos tamen suos cognoscunt , parent illis & famulantur ad nutum , ad quorum præsepia modico tantum fœnopascuntur. Hi autem , quibus mensa mea & cœlesti epulo quotidie frui datum est , heu , ingrati , non respiciunt benefactorem suum.

§. 8. *Querimonia Christi adversus sacerdotes tepidos, & negligentes.*

Sed ad vos imprimis, ô sacerdotes, qui despicitis nomen meum, spectat hæc querela mea. Nonne ego elegi vos in ministros meos, & dispensatores mysteriorum Dei; dans vobis potestatem, qualem neque Regibus & Principibus terræ, imo nec Angelis ipsis dedi? Sed quotusquisque in vobis hîc serio recogitat corde? Quis incendit Altare meum gratuito? Quis voluntarie sacrificat mihi? Nonne sicut populus, sic sacerdos; omnes quæ sua sunt, quærunt? Unusquisque festinat in domum suam, Domus autem mea deserta est.

Iam vile passim est, & vulgarium sacerdotum munus, frequentius agere sacerdotem, quotidie assistere sacris Altaribus, & offerre Deo Sacrificium: nimirum qui de Altari vivere debent. At quos ego exaltavi, & lautius enutrivî, ipsi spreverunt me. Nam incrassati, impinguati, dilatati, derelinquunt Deum factorem suum: & qui edunt panes meos, viventes splendide de patrimonio meo, ipsi magnificant super me supplantationem. Siccine honori sibi ducunt Proceres Aulæ regię, si plebs rustica indies accumbat ad mensam Regis, & ipsi interim circa rus, & pecora, & viliora ministeria occupentur?

Nonne quibus plus datum est, plus requiretur ab eis? Nam Laicos quidem seculi curæ, educatio prolium, mercimonia, & vitæ hujus negotia facilius excusabunt; vos autem, qui segregati estis mihi in opus ad quos adsumpsi vos, ut militetis mihi, ideoque non implicemini negotiis secularibus; quam excusationem habebitis? Cætera omnia vobis aliena sunt; hoc unum maxime proprium; servire Deo. Ego enim elegi vos ex omni populo, ut stetis coram me, & ministretis mihi, colatisque me, & adoleatis mihi incensum; deinde ut sitis quasi legati & mediatores apud Deum pro delictis populi.

Itaque ad vos præcipue pertinet, frequenter fungi sacerdotio, & habere laudem in nomine ipsius, ut qui præ cæteris Deo cultum & honorem, proximis opem, defunctis sola-

men, peccatoribus subsidium, vobis ipsis singularem curam debetis; omnes vero simul fraudatis, quoties non legitime impediti, hæc sacra mysteria negligitis. Et levis isto vobis injuria videtur, quod tam ampla & magnifica potestas, vobis à me gratuito collata, culpa negligentiae vestrae otiosa & in fructuosa maneat, & gratiam Dei in vacuum recipiatis?

O quantum boni facere, quantum mali avertere Sacerdotes possunt, qui officio suo legitime funguntur! Sed quomodo poteritis subsistere in iudicio meo, cum ponam rationem cum servis meis, & talenta vobis data, cum usuris repetam?

Ecce desolatione desolata est terra, quia non est qui recogitet corde. Manum suam misit hostis ad omnia desiderabilia ejus. Undique venerunt vastatores, & conculcaverunt partem meam; & facti sunt greges mei in rapinam, & oves meae in devorationem. Vos vero, ô Sacerdotes non adscenditis ex adverso, neque opponitis murum pro domo Israel, ut stetis in prælio in die Domini, sed comeditis agnos de grege, & vitulos de medio armenti, bibentes vinum in phialis aureis, optimo unguento deliburi: nec est, qui patiatur super contritione Ioseph.

An forte remedia tot malis à solis militum copiis & armis expectaris? Frustra confiditis in principibus, in filiis hominum, in quibus non est salus. Fallimini, si putatis in robore exercitus bella consistere. Longe potentior belli nervus, pietas est, quia ad omnia utilis est. Sed hæc quam rara in viris, qui castra sequuntur? ubi luxus, libido, rapacitas, blasphemiae, & quæ vitia non dominantur? Et quid mirum, si per hujusmodi homines infeliciter causa pacis, patriæ, & religionis agitur? Dei est adjuvare, & in fugam convertere; vestrum vero est, ô Sacerdotes, stare inter vivos & mortuos, donec cesset quassatio. Vestrum, levare puras manus ad Deum cum Moyse; Sic utique facilius vinceret Iosue, & Amalecitas deleret. Vestrum, inquam, est stare inter vestibulum & altare, & dicere: Parce Domine, parce populo tuo; vestrum est offerre Patri meo sanguinem meum, ut hoc sacrificio placatus avertat flagella iracun-

cundiæ suæ, nec permittat effundi sanguinem innoxium, aut sinat eos fieri in opprobrium, qui pretio tam caro redempti sunt.

Hæc sunt arma militiæ vestræ, quibus pacem & salutem Reipublicæ Christianæ recuperare, & propugnare debetis. Quis sapiens inter vos & custodiet hæc, ut in diebus suis placeat Deo; & in tempore iracundiæ fiat reconciliatio?

Scrutamini Scripturas, & omnes historias evolvite, invenietis, quia virgam iræ & ultionis meæ non immisi nisi peccatis provocatus; nec retraxi, nisi Sacerdotes pio zelo exsurgent, & placarent indignationem meam. Vnde & negligentia seu depravatio cultus & sacrificii mihi debiti, indicium fere semper fuit imminentis magnæ vastitatis & desolationis. Nimirum privantur ingrati beneficio, qui nesciunt Dominum; nec intelligunt dignitatem & officium Sacerdotii. Fitque hoc justo meo iudicio, ut tollatur ab indignis regnum, & detur genti facienti fructus ejus, & qui contemnunt me, fiant ignobiles.

HOMO. Heu Domine! Quomodo obscuratum est aurum, mutatus est color optimus! Venerunt gentes, impii, alieni, latrones in hæreditatem tuam. polluerunt templa & sanctuaria tua. circumdederunt nos mala quorum non est numerus. Nos vero; quid dicemus ad hæc? Non est malum in civitate, quod Dominus non fecerit. Visitas enim in virga iniquitates nostras, & in verberibus peccata nostra.

CHRISTVS. Ego cum accepero tempus, justitias iudicabo. Ego ipse super pastores requiram oves meas: & visitabo eas.

HOMO. Iustus es Domine, & rectum iudicium tuum. Sed parce peccatis nostris. intuere & respice opprobrium nostrum: nec in æternum irascearis nobis. Sacerdotes tui induantur justitia, & sancti sunt, quia tu sanctus es, ut honorificent ministerium suum, & sacrificent sacrificium justitiæ; quia victimæ impiorum abominabiles.

§. 9. *Reverentia seu præparatio per affectum Timoris, quo accedendum ad sacra Mysteria.*

CHRISTVS. Dum ergo frequentiam sacræ mensæ sua deo, nolo immemor sis reverentiæ, qua huc veniendum. In Zachæo amor, & alacritas mihi vehementer placuit, sed non minus in Centurione timor, & reverentia. Ille me gaudens suscepit in domum suam, hic vero conscius propriæ infirmitatis, non audebat recipere me sub tectum suum. Optimum vero est utrumque affectum jungere, & duobus quasi pedibus TIMORE & AMORE ad hanc mensam venire.

Porro timorem quidem excitabit in te Fides: nam si credas firma fide, me Deum, ac Dominum, qui coelum & terram maiestate repleo, quem Angeli tremantes adorant, in hoc Sacramento vere & realiter præsentem esse, quomodo non tremebundus accedes? Plane quidquid hic peccatur, dixeris defectu fidei fieri. Impurus, aut peccato fordidus nemo veniet, si me omnis puritatis auctorem, & omnis impuritatis ultorem hic præseutem esse credat.

Ecce quam manifeste ille secretorum meorum conscius, & fidus interpret voluntatis meæ: Paulus electus meus idipsum moneat: *Probet, inquit, seipsum homo, & sic de pane illo edat, & de calice bibat; qui enim manducat & bibit indigne, iudicium sibi manducat & bibit, non dijudicans corpus Domini. Quid clarius?*

HOMO. Terret me hoc fulmen verborum, & quis illa sine horrore legat, audiat, vel cogitet? quis ad tremenda Sacramenta Corporis & Sanguinis tui venire audeat? Etiam cœli coram te non sunt mundi; quanto magis homo putredo & vermis? Dicam ergo potius cum alio Apostolo tuo: *Exi à me Domine, quia homo peccator sum*: ne forte reus fiam Corporis & Sanguinis tui, si temere appropinquem tibi.

CHRISTVS. Verbis quidem acrioribus & formidine plenis, sed verissimis utitur Apostolus meus ad cautelam vestram, ne panis vitæ cuiquam culpa sua mortis venenum fiat. Et tamen, quam pauci, qui verba Apostoli, et si gravissi-

ma, pro dignitate ponderent? Raritatis argumentum est, accessus multorum ad tremenda hæc Mysteria tam facilis & temerarius. Ecce quam leviter & imparati hûc multi veniunt; quasi nullum hujus cibi tam nobilis, ab aliis vulgaribus discrimen noverint, & quasi nihil levius putent, quam me suscipere, aut potius, quasi neminem minus, quam me hic præsentem credant.

Sed heu, quam justa mihi etiam hic est querimonia adversus vos, ô Sacerdotes & Christiani mei: vos, inquam, qui sic in honoratis me, & tam irreverenter tractatis ac recipitis Sacramenta Corporis & Sanguinis mei! Vos qui juxta idolon Dagon statuere audetis Arcam Domini, id est, ad sacrosanctum corpus meum non timetis accedere corpore & corde tot peccatis sordido. Quæ conventio lucis & tenebrarum? quæ societas Christi & Belial? Concidat idolon avaritiæ, gulæ, libidinis, vanitatis &c. alias Arca exitium magis quam salutem tibi adferet. Quid vobis, ô stulti Philistæi, (impii Christiani) cum Arca Domini? non est mihi voluntas in vobis, & munus non suscipiam de manu vestra. Quo mihi multitudinem victimarum vestrarum? plenus sum, ne offeratis ultra sacrificium frustra, incensum abominatio est mihi, manus enim vestræ iniquitate plenæ sunt. Olim quidem Sacerdotibus dictum est: *Sacerdotes sancti erunt Deo suo, & non polluent nomen ejus, incensum enim Domini, & panem Dei sui offerunt, & ideo sancti erunt.* Et iterum: *Sacerdotes qui accedunt ad Dominum, sanctificentur, ne percutiat eos, &c.* Quin & cæteris de populo accessuris ad sacrificia, vide, quam severe sanctitas ac munditia præcepta sit. Homo habens maculam, aut aliud vitium corporis, ab offerendis panibus & sacrificio repellitur. Sancti esse jubentur, qui non nisi figuram & umbram gerebant: quid vos, qui tractatis rem ipsam & veritatem, & ipsum Sanctum Sanctorum: Quæ proportio finiti ad infinitum? aut quæ comparatio panum, boum & ovium ad ipsum Dei Filium? an non æquum, ut pro distantia dignitatis, sit quoque discrimen sanctitatis?

Iam vero ipsa vera sacramenta Corporis & Sanguinis mei quoties corde, ore, manibusque impuris polluuntur, &

tamen secure vivitis, quasi gens, quæ justitiam fecerit. At, quia non profetur cito contra malos sententia, ideo sine timore filii hominum perpetrant mala? Nunquid tam graviter peccarunt filii Aaron indigne sanctuarium ingreffi, & alienum ignem offerentes? aut Bethsamitæ Arcam curiosius intuiti; quorum plusquam quinquaginta millia ob irreverentem Arcæ conspectum subito deleta sunt? Num ita graviter peccavit Oza religioso, ut ipsi quidem videbatur, officio Arcam sustinens? an gravius peccavit Balthasar, indignis manibus sacra vasa contrectans? Et hos tamen, aliosque plures, aut ignis consumpsit; aut terra vivos absorbit; aut alia gravis vindicta corripuit: adeo severe semper omnis irreverentia, & impietas erga sacrificium, & res mihi dicatas olim castigata est.

O felices vos, si lavetis manus vestras in sanguine peccatorum, & aliorum mala vobis sint in cautelam; ut deinceps sacrificetis mihi sacrificium justitiæ de corde puro & conscientia bona. Victimæ enim impiorum abominabiles sunt coram me, & gravius peccant offerentes indigne me regnantem in cœlis, quam qui me crucifixerunt ambulantes in terris. Hi enim, si me cognovissent, nunquam Dominum gloriæ crucifixissent. Illi vero cum Deum me esse, & vero in hoc Sacramento præsentem fateantur, adeo tamen indigne me tractare non verentur.

Homo. Iustus es Domine, si disputem tecum, & omnes viæ tuæ, veritas; nec est homo super terram, qui possit arguere te, & dicere, Cur ita facis? sola voluntas tua justissima facti regula est. Veruntamen loquar ad Dominum, cum sim pulvis & cinis. Hortaris nos Domine, ut frequenter veniamus ad Sacramenta tua; sed vicissim per hujusmodi exempla severitatis tuæ quem non absterreas? An non ego merito metuere debeo, ne cum Oza & Bethsamitis peream ad contactum & conspectum Arcæ sanctissimi corporis tui? Ne veste nuptiali carens ejiciar à cœna tua? Non est enim homo qui vivat & non peccet. In multis offendimus omnes; & quis præsumat venire ad te? desidero ego quidem; sed, si iniquitates observaveris, Domine, quis sustinebit? Domine aperte te omne desiderium meum, & gemitus meus à te non est absconditus.

CHRISTVS. Verba mea non pusillanimum te reddant, sed humilem: Sacrificium mihi gratum spiritus contribulatus: Si illud præmiseris, sacrificium Corporis & Sanguinis mei securus offerre poteris. Cor contritum & humiliatum ego non despiciam. Etiam cum peccatoribus manducare & conversari volupe mihi fuit: non enim est opus bene valentibus Medico, sed male habentibus.

Itaque ut dignè accedas ad mensam meam, primum purga conscientiam sincera confessione, & vera contritione ab omni peccato mortali, & peccandi affectu. Vt vero adhuc dignior, mihi que gravior venias, & maiorem gratiam percipias, veniales etiam culpas, & omnes prava animi affectus, & quidpud oculis meis displicere nosti, exuere satage; omnino quò purior ad me venies, eo maiorem gratiam recipies.

Attende, quid fecerim in ultima cœna mea, hoc Sacramentum instituens. Priusquam enim Discipulos meos ad sacram Cœnam admitterem, pedes eorum ablui, ut hac cœremonia, mysterii plena, mentis munditiam ostenderem, iis necessariam, qui dignè ad Sacramenta mea venire cuperent. Nam qui lorus est, seu mundus à peccatis gravioribus, non indiget, nisi ut pedes lavet, id est, ut affectus animi purgatos habeat. Sicut enim, qui per terram ambulat, quamvis incedat caute, vix tamen cavet quin cœno & pulvere pedes maculet; ita difficile vobis est in terris vivere, & non infici aliquando terrenis. Vnde sicut affectus animi sæpe ex terrenarum rerum usu inquinantur; sic sæpe lavandi sunt; sed tunc maxime, cum ad me ipsum puritatis fontem, accedere vultis.

Interim quotidiani defectus, quos ego sæpe permitto ad exercitium virtutis & humilitatis custodiam, (modo desit affectus, & adsit vincendi conatus) non debent vos abs terrere. Novi ego compati infirmitatibus vestris, & gratus mihi est, vos ad me amore duci, quam timore retrahi: quia Lex mea potius amoris, quam terroris est.

HOMO. Benedictus sis Domine, qui pro humanitate tua benigne & amanter instruis me. Tanto itaque alacrius & securius deinceps veniam ad te, si modo, quantum in
me

me est , nihil, te propitio, mihi conscius sim super peccato mortali , aut peccandi proposito, (*Verba sunt Gersonis*) peccatis autem venialibus , quæ non omnino impediunt , expiandis , multa & facilia media te largiente suppetunt. Hoc unum scio , quia apud Dominum misericordia , & copiosa apud eum redemptio.

§. 10. *Præparatio propinquior ad sacram Communionem per affectum Amoris.*

CHRISTVS. Posito jam pede Timoris, quæ est præparatio quasi remota ; accede jam propius altero & quasi dextero Amoris pede. Imprimis fit diligens cura rectæ & piæ Intentionis , ut non ex more, aut alio fine pejore , sed amore mei , & salutis propriæ, &c. cum fame & desiderio coelestem cibum capias. Cibus ille palato suavior; & alendo corpori utilior est , qui cum fame & appetitu sumitur ; insuavis & noxius , qui fastidienti stomacho ingeritur : ita prorsus ego animas inanes & elurientes bonis impleo ; & fastidiosos divites dimitto inanes.

HOMO. Heu nos miseri , cur non urget nos amor tui? non stimulat fames , & nuditas ? non iucitant vulnera & pericula nostra ?

CHRISTVS. Gustate & videte , quam suavis sim ego, quam potens , bonus , liberalis, misericors. Vide quoque quia tu es miser , & miserabilis, & pauper, & nudus : in me autem sperant oculi omnium , & ego do illis escam in tempore opportuno . Sed hæc considerare , paucis curæ est, & ideo nauseat anima eorum super cibo isto tanquam levissimo ; adeoque quibus frui licet delitiis mensæ meæ, adhuc suspirant ad ollas Ægypti ; & qui pasci poterant pane filiorum, magis inhiant filiquis porcorum.

Tu vero, cum sederis mecum , ut comedas, diligenter attende, quæ posita sunt ante faciem tuam: nempe, quis sit & quam pretiosus cibus iste, qui tibi sumendus proponitur. Videntes olim Filii Israël manna de cœlo , dicebant admirabundi : *Man hu, quid est hoc ?* Quanto magis tu, Christiane, qui non Manna Angelicis manibus formato , sed corpo-

meo, sancti Spiritus opera concepto pascere? nonne potius hujus cibi excellentiam cogitans, admiraberis, idque non frigide & ruditer, sed ut in meditatione tua exardescat ignis? Nosti, quomodo olim Agnus Paschalis (figura Sacramenti hujus) sumi debebat? nihil ex illo crudum, aut coactum aqua, sed assum tantum igni comedendum erat: sic quoque igne amoris præparari hic cibus debet, ut magis sapiat & profit.

Aptissima huc erit meditatio vitæ & passionis meæ, in qua quiden ita exarsit amor meus, ut aquæ multæ non potuerint extinguere eum. Monumentum vero tanti amoris, hoc Sacramentum institui. Si amare piguit, pudeat non redamare. In his & similibus exercitiis, & piis affectibus plenius te docebit & diriget unctio Spiritus.

Neque enim grave & molestum tibi videbitur, modicum temporis exercitio tam pio & utili, ante usum tanti Mysterii impendere; si cogites, quot ritibus & ceremoniis, quanto apparatu Sacrificia veteris legis peragi debuerint. Lege Numeros, Leviticum, &c. admirare, & sic tecum ratiocinare: Si hoc in umbra & figura, quid in re ipsa & veritate?

Quid vero magis indignum, aut mihi molestum esse possit, quam si videam, nihil passim minore cura, & sollicitudine fieri, quam cultum & sacrificium meum, quo tamen nihil in terris sublimius, nihil excellentius? Festinat quisque in domum suam, at domus mea deserta est, properatur ad negotia, ad colloquia, & hospitis, imo Regis Regum, qui de cælo venit ad te, non ut reficiatur à te, sed ut reficiat te, exigua cura est. Siccine tu ipse invitatus ab amico tuo excipi te velles, tam inurbane tractari, tam inofficiose dimitti?

Regiæ illæ puellæ (*Esther 2.*) anno integro excoli debebant, ut tandem prodituræ coram rege Assuero, gratiam invenirent in oculis ejus: & Sacerdoti, aut cuivis fidei meo molestum erit, horulam, aut vel quartam horæ partem impendere, ut debite ornatus & præparatus adsistat Regi Regum, & gratiam inveniat in oculis ejus?

Homo. Heu, cæcitas & duritia cordis humani, tam ineffabile donum non attendere, non magis revereri! omnia alia

alia sollicitè nimis & accurate peragi, ad sacram vero Domini mensam tam obiter & perfunctorie nos præparari? Ecce Domine, confiteor tibi adversum me iniquitatem meam, sed & imperfectum meum vident oculi tui; huiusmodi ego loquor tecum mi Domine, & te vicissim talia loquentem audio: (& nonne ignitum eloquium tuum vehementer?) & tamen languet & friget cor meum; & anima mea velut terra sine aqua tibi: ignem gero in sinu meo, & cur non ardet cor meum? Fons aquæ vivæ ante oculos meos est, & cur non desiderat anima mea ad te, sicut cervus desiderat ad fontes aquarum?

CHRISTVS. O fideles animæ, quas ego in perpetua charitate dilexi, & pretio tam magno redemi, quas pabulo tam pretioso hætenus pavi, & deinceps paratus sum pascere; Vos, o amici & convivæ mei, attendite vobis; nec ibi sitis incurii, ubi causâ tam gravis & ardua, & plena periculis agitur; ubi inquam, fors tam inæqualis, vitæ vel interitus, nimirum pro cuiusque dispositione & meritis obtingit. Ecce fontem, imo mare gratiarum habetis, ex quo tanto plus quisque hauriet, quo vas capacius attulerit. Dilata, o homo, ostium & implebo illud, sinum animæ tuæ charitatis, devotionis, ac perfectionis desiderio amplia, ego qui solus desiderium cordis satio, te replebo donis gratiæ meæ, ut tu in me, & ego in te maneam: me autem habens, quid erit, quod ultra desideres? mea enim, & mecum sunt omnia.

Homo. Mane mecum Domine, & pone te sicut signaculum super cor meum. Trahe me post te, ut curram in odore unguentorum tuorum. Accende in me ignem quem venisti mittere in terram. Utinam diligam te Domine, firmamentum meum, & refugium meum, & liberator meus, utinam ardentissimo Angelorum & omnium Electorum amore complectar te, ut me nihil separare possit à te, tu enim es fors mea, & pars mea, Deus in æternum cui adhærere, mihi bonum est. Quid enim mihi est in cælo, & à te quid volui super terram?

C A P. II.

LITANIÆ EVCHARISTICÆ,

tum Sacrificantibus, tum Communicantibus
utiles,

Ex sacra Scriptura collectæ.

Nota : *Quæ his signis [] inclusa reperies, ad solos Sacerdotes pertinent; & ab aliis præteriri possunt.*

KYrie eleison.
Christe eleison.

Kyrie eleison.

Pater de cœlis Deus, qui sic dilexisti mundum, ut Filium tuum Unigenitum dares; eumque pro nobis carnem sumere, & Crucem subire fecisti: Miserere mei:

Vt eum totis visceribus, & intimis amoris affectibus excipiam: & meipsum totum, quantus sum, tibi reddam, nec mihi, sed tibi vivam.

Pater Æterne, qui amore nostri proprio Filio non pepercisti, sed pro nobis omnibus illum tradidisti: Miserere mei:

Vt tantæ charitatis opus grata mente recolere, atque in hoc Sacro Mysterio commemorare valeam.

Pater sanctissime, qui misisti Filium tuum in mundum, non ut judicet mundum, sed ut mundus salvetur per ipsum: Miserere mei:

Vt Corpus & Sanguis ejus non mihi sit ad iudicium & condemnationem; sed ad vitam & salutem.

Pater sapientissime, qui mirabili consilio salutem nostram operatus es in medio terræ: & Filium tuum, quem ab æterno tibi æqualem genuisti, in tempore de Virgine nasci, & in hoc Sacramento, novo & admirabili modo existere, & usque ad consummationem sæculi nobis adesse voluisti: Miserere mei:

Vt

Vt tam ineffabilis gratiæ & charitatis tuæ beneficiis nunquam ingratus inveniar.

Pater optime apud quem Advocatum habemus Iesum Christum, qui est propitiatio pro peccatis nostris : Miserere mei:

Vt per eum peccatorum veniam & indulgentiam apud te consequi merear: Ecce enim Agnus Dei qui tollit peccata mundi.

Pater potentissime, qui voce clara testatur es hunc esse Filium tuum dilectum, in quo tibi bene complacuit : Miserere mei:

Et quia tibi de actibus meis placere non valeo, respice in faciem Christi tui, ut per eum gratiam in oculis tuis inveniam.

Pater liberalissime, qui, juxta promissionem Filii tui dilectissimi, dabis nobis si quid petierimus in nomine ejus: Miserere mei:

Vt hoc quod unice precor, obtineam : nimirum ne unquam indigne, vel ad judicium Corporis & Sanguinis Filii tui mysterium sumam.

Pater orphanorum, in quem sperant oculi omnium, & tu das illis escam in tempore opportuno : Miserere mei:

Et panem quotidianum da mihi hodie; Panem, inquam, vivum, qui de cœlo descendit, ut confirmet cor meum, & nutriat in æternum.

II.

FILI Redemptor mundi *Deus*, qui ex infinita charitate opus nostræ Redemptionis suscepisti; & in castissimo Mariæ Virginis utero carnem sumens, in similitudinem hominum factus es, & habitu inventus ut homo: *Miserere mei:*

Vt tam immense charitatis tuæ, & sanctissimæ Incarnationis memoriam intimo corde recolam, quoties per hoc Sacramentum nasceris in anima mea.

Iesu dulcissime Salvator, qui parasti mensam in conspectu nostro adversus omnes qui tribulant nos : Miserere mei:

Vt nunquam prævaleant adversum me inimici mei, nec timeam mala, quoniam tu mecum es, & in hoc Sacramento mihi intime præsens.

Iesu amabilissime, qui dixisti : Venite ad me omnes qui laboratis, & onerati estis, & ego reficiam vos : Miserere mei :

Ut relever pondere peccatorum meorum, quoniam sicut onus grave gravata sunt super me ; & refice hoc cœlesti pabulo esurientem ac deficientem spiritum meum.

Iesu misericordissime, qui misertus es super turbas, diu te sustinentes : & non habentes quod manducarent, mirabili virtute potentiæ tuæ omnes ad satietatem pavisti : Miserere mei :

Ut non deficiam in via, si fuero cœlesti fraudatus alimoniz.

Iesu liberalissime, qui pinguem nobis dedisti panem, præbentem delicias regibus, & cibus nos ex adipe frumenti : Miserere mei :

Ut sicut adipe & pinguedine repleatur anima mea, nec arefcat aliquando cor meum, si obliviscar comedere panem meum.

Iesu benignissime, qui nos exhortaris ad sumendum te, dicens: Caro mea vere est cibus, & Sanguis meus vere est potus. Et : Nisi manducaveritis Carnem Filii hominis, & biberitis ejus Sanguinem, non habebitis vitam in vobis: Miserere mei :

Et da mihi hunc panem, & potum digne sumere, ut non esuriam nec sitiam iterum, nec moriar in æternum.

Iesu suavissime, quem Zachæus suscepit gaudens in domum suam : ac Centurio præ reverentia non est ausus recipere sub tectum suum: Miserere mei :

Ut utriusque affectum, id est, Amorem & Timorem, semper jungam, cum Te suscipio in domum meam.

Iesu humillime, qui etiam cum Publicanis & peccatoribus familiariter agere, & manducare dignatus es, dicens: Non esse fanis opus Medico, sed male habentibus : Miserere mei :

Ut ad me quoque peccatorem divertere digneris ; & sana animam meam, quia infirmatur ad mortem.

Iesu Rex magne & mirifice, qui ut ostenderes potentiam ac divitias Regni, fecisti nobis grande convivium, & ad illud omnes Regni tui subditos tam amanter vocare dignatus es : Miserere mei :

Vt ad hoc divinum convivium letanter & propere; sed nunquam nisi veste nuptiali indutus accedam.

Iesu amantissime, qui desiderio desiderasti, antequam patereris, hoc Pascha manducare cum Discipulis tuis: Miserere mei:

Vt quemadmodum desiderat cervus ad fontes aquarum, ita ad te Deum vivum in hoc Sacramento desideret anima mea.

Iesu purissime, qui volens instituere hoc Sacramentum, primum pedes Discipulorum tuorum, positos in terram genibus abluisti, in signum puritatis ac munditiæ, quam nobis hæc SS. Mysteria sumpturis commendatam esse voluisti: Miserere mei:

Et amplius lava me ab iniquitate mea; & à peccatis meis munda me; non tantum pedes; sed & manus & caput abluens, id est, ut affectus, & opera, & intentio pura sint, dum mensæ tuæ particeps esse cupio.

Iesu benignissime, qui lignum vitæ in medio Paradisi, id est, Ecclesiæ tuæ, contra omnes morbos, & ipsam mortem animæ nostræ posuisti, Miserere mei:

Vt fructum vitæ & immortalitatis inde capiam, & renovetur ex eo, sicut Aquile, juvenus mea.

Iesu largissime, qui te ipsum nobis dedisti nascens in socium, convescens in edulium, moriens in pretium, & regnans demum daturus es in præmium: Miserere mei:

Vt pro tantis beneficiis omni tempore benedicat tibi anima mea, & omnia quæ intra me sunt, nomini sancto tuo.

Iesu veracissime, qui te ipsum tradens in cibum & potum, dixisti: Hoc est Corpus meum, quod pro vobis tradetur: Et, Hic est Sanguis meus, qui pro vobis effundetur: Miserere mei:

Vi non vacillem in fide & verbis oris tui: quia tu es ipsa Veritas, in cuius ore non est inventus dolus aut mendacium; es quoque Deus summe potens, apud quem non est impossibile omne verbum.

Iesu mitissime, qui discessurus ex hoc mundo ad Patrem, reliquisti nobis jube monumentum immensi amoris tui; & fecisti in hoc Sacramento memoriam mirabilium tuorum, jubens nos hoc facere in tui commemorationem: Miserere mei:

Vt semper memoria memor sim tui, ineffabilem potentiam, sapientiam, ac bonitatem tuam hic relucentem venerer assidue; nec unquam obliviscar omnes retributiones tuas.

Iesu mansuetissime, qui nec Iudam à consortio Discipulorum, & mensa tua, in ultima Cœna excludere voluisti: Miserere mei:

Vt ego, heu nimis indignus, & infidelis servus tuus, nunquam cum Iuda fiam reus Corporis & Sanguinis tui.

Iesu gratissime, qui peracto hoc Mysterio coram Discipulis tuis, Patri Æterno gratias egisti, & hymno dicto, ad hortum orationis locum egressus es: Miserere mei:

Vt nunquam ab hoc tam excellenti convivio ingratus recedam: sed tanti beneficii seria consideratione, magis magisque in tui amorem exardeſcat anima mea.

Iesu Sacerdos in æternum, & Pastor bone, qui temetipsum in Ara crucis obtulisti victimam; & posuisti animam tuam pro ovibus tuis, easque pascis ipso Corpore & Sanguine tuo: Miserere mei:

*Vt quia erravi sicut ovis, quæ periit, require servum tuum, & re-
porta me humeris tuis in ovile tuum, & pascere in loco pascuæ, ubi
me collocaſti.*

Iesu clementissime, qui Discipulis in Emaus euntibus te specie peregrini adjunxisti, & in fractione panis demum, te cognoscendum præbuiſti: Miserere mei:

Vt te, quem sub his figuris vere mihi præsentem credo, etsi oculis non video, tandem revelata facie contemplari merear: & interim dum me dulci alloquio tuo, & pabulo Corporis tui pascere digneris in via; amore & desiderio tui ardens in me sit cor meum.

III.

SPIRITVS sancte DEVS, qui Myſterium Incarnationis Domini N. Iesu Christi mirabili virtute divinitatis operatus es in utero Virginis; eam ineffabili modo ſœcundans, & ſanctificans, ut dignum Filii Dei habitaculum effici mereretur: Miserere mei:

Vt ego quoque eundem Dominum ac Deum meum ſincero affectu ac puro corde in hoc Sacramento concipere, & deinceps ſanctis operibus palam oſtendere valeam.

IV.

S. TRINITAS unus Deus, qui aperis manum tuam, & im-
ples omne animal benedictione: Miserere mei:

*Vt panis ille qui confirmat cor hominis, detur mihi ad vescendum,
& in fortitudine cibi illius ambulem per hoc desertum usque ad
montem sanctum tuum.*

S. Trinitas unus Deus, qui filiis Israël in memoriam libera-
tionis à dura servitute Pharaonis Agnum Paschalem,
nostri Salvatoris typum, edere iussisti: Miserere mei:

*Vt quotiescunque sumo hac divina Mysteria, nostræ redemptionis
opus grata mente recogitem.*

S. Trinitas unus Deus, qui filios Israël per desertum eun-
tes Manna de coelo, & cibo Angelico, omne delectamen-
tum in se habente pavisti, sed tandem super eo nausean-
tes severe punisti: Miserere mei:

*Vt purgato cordis palato, gustem & videam quam suavis sit Do-
minus; nec unquam nauseet anima mea super cibo isto tanquam
levissimo.*

S. Trinitas unus Deus, qui non semel olim irreverentiam &
injuriam circa Sacrificium, & Arcam (figuras tantum &
umbras hujus Sacramenti nostri) commissam gravi pu-
nitione castigasti: Miserere mei:

*Vt his exemplis monitus, cautius, sanctius, & religiosius Sacrosan-
cta Mysteria tua tractare satagam.*

[S. Trinitas unus Deus, qui pro infinita clementia tua elegi-
sti me in ministrum tuum, & de stercore erigens paupe-
rem, voluisti me fungi Sacerdotio, ut offeram tibi dona
& sacrificia in odorem suavitatis: Miserere mei:

*Vt huic tam sublimi & sanctæ vocationi dignis moribus respondeam,
tibi que puris manibus ac mundo corde semper immolem Sacri-
ficiū laudis, & reddam tibi Altissima vota mea.*

S. Trinitas unus Deus, qui vis sanctos habere ministros, di-
cens: Sancti estote, quoniam ego sanctus sum: Misere-
re mei:

*Vt à terrenis carnis desideriis abstrahatur cor meum, ut in san-
ctitate & justitia coram te servire valeam omnibus diebus vitæ
meæ.]*

V.

SANCTA MARIA*, quæ sola inter mulieres benedicta, ad altissimum Dominicæ incarnationis mysterium electa, & à Spiritu sancto præparata, Dominum cœli & terræ castissimis visceribus tuis concipere, novem mensibus gestare, ac mundo Salvatorem edere meruisti : Ora pro me :

Vt & ego indignus famulus tuus hunc ipsum Dominum, imo Filium tuum pura mente in hoc [sacrificio] (vel) Sacramento suscipere & portare [alisque dispensare] valeam.

Omnes SS. Angeli, & Archangeli, qui Dominum vestrum propter nos hominem factum humiliter adorastis, & jacentem in præsepio Regem vestrum cum stupore venerati estis, nec non gaudium de nato Salvatore nunciastis, & jam regnanti in cœlis ad ministerium semper adstititis; quin etiam ipsum Altare, celebrante Sacerdote, frequentes ac venerabundi cingitis : * Orate pro me :

Vt & ego hunc panem Angelorum digno semper honore tractem, & ejus frequenti usu sic confirmetur cor meum, ne unquam mihi prævaleant inimici mei.

SANCTE Ioseph, qui in sponsum Mariæ Deiparæ, & in Nutritium Christi Iesu à Deo delectus, Sponsæ & conjugii tuæ sedulam curam, & obsequium; Alumno, ac filio tuo putatio omnem cultum & honorem præstitisti : Ora pro me :

Vt & ego utrique sedulo famulari valeam : & præsertim Christo in Venerabili Sacramento debitum cultum ac reverentiam semper exhibeam.

VI.

SANCTE Simon, qui longa exspectatione & vehementi desiderio Messiam videre cupivisti, eumque tandem oculis tuis cernere, & in ulnas tuas suscipere meruisti, dicens præ gaudio : Nunc dimittis, &c. Ora pro me :

Z 3

Vt

* Ita testantur SS. Patres, Chrysostomus, Gregorius M. Vide in Aphorismis nostris Eucharist.

Vt & ego ardentem desiderem videre Iesum in gloria, nec minus vehementi desiderio ad ipsum in hoc Sacramento vere presentem semper anhelem, eumque suavissime complecti merear ulnis amplexibus meis.

Sancti Magi & Reges, qui stella duce de longinquo venientes, ad Regem Regum recens natum properastis, eique munera vestra singulari fide & intima devotione, procidentes in terram, humiliter obtulistis: Orate pro me:

Vt ego quoque ad hunc ipsum Regem vere in hoc Sacramento presentem adorandum, & muneribus meis licet exiguis honorandum, simili fide & religione veniam, vel potius donis ejus praeveniar, & simili, qua vos, clementia suscipiar.

Omnes SS. Patriarchae & Prophetae, qui variis typis, figuris, & umbris hujus Sacrificii & Sacramenti mysteria praefigurastis, & ad Messiam ingenti desiderio, multis votis ac suspiriis anhelastis: Orate pro me:

Vt ego, non quidem umbram, sed rem ipsam; non figuram, sed ipsam veritatem; non Arcam, sed Sanctum Sanctorum; non oves aut boves, sed ipsum Dei Filium sancte tractare, ac puro corde complecti valeam.

Omnes SS. Innocentes, qui Christo recens nato tenella corpora vestra, & ipsos infantiae atque innocentiae annos novelli Martyres consecrastis: Orate pro me:

Vt ego ingrediar in innocentia mea, ad Altare Dei, & una cum hoc [Sacrificio] seu Sacramento, me ipsum Deo meo hostiam vivam, sanctam, placentem offerre valeam.

S. Ioannes Baptista, qui visitatus à Christo, & Matre ejus exultasti praegaudio in utero Matris tuae. Postmodum vero indignum reputabas te, qui solveres corrigiam calceamenti ejus; dignus tamen, qui, ipsius Christi praecordio, maximus inter natos mulierum, & plusquam Propheta audires; & sacrum ipsius verticem baptizando contingeres: Ora pro me:

Vt & ego letabundus introeam ad Altare Dei, ad Deum qui lavificat juventutem meam. Sed tamen non sine timore & profunda humilitate coram tremenda ejus maiestate comparere studeam.

VII.

S. PETRE Princeps Apostolorum, qui Christum Filium Dei vivi, non quidem ex instinctu carnis & sanguinis, sed revelatione Æterni Patris in cœlis, confessus es: & pascendas ab eo oves; sed & claves cœli accepisti: Ora pro me:

Vt ego in hoc Sacramento viva & immobili fide confitear verum Deum ac Dominum meum Iesum Christum, eumque vere ac realiter hic presentem agnoscam, proindeque eum, ut par est, verear.

S. Paule, qui factus ex lupo agnus; ex persecutore prædicator Evangelii; ex vase contumeliæ, vas Electionis; & raptus in tertium Cœlum, de cœlestibus Mysteriis singulariter edoctus fuisti, adeoque institutionem, & legitimum usum hujus Sacramenti gravissimis verbis tradidisti: Ora pro me:

Vt ego accessurus ad hæc tremenda Mysteria, prius serio juxta monitum tuum probem meipsum; sollicite cavens, ne illa ad iudicium & mortem suscipiam; nec unquam reus efficiar Corporis & Sanguinis Domini.

S. Ioannes dilecte Domini, qui in novissima Cœna singularis tui erga Magistrum, ejusque vicissim erga te amoris fiducia recubisti super pectus Domini, & inde suxisti fluentia cœlestia, quæ eructasti postea scribens Evangelium, & instar Aquilæ sublimius evolans ad contuenda, nobisque referenda divini & incarnati Verbi mysteria: Ora pro me:

Vt ego ad Christum Salvatorem meum in Sacramento presentem magis trahar amore, quam deterrear timore: & sancta fiducia innitar super Dilectum meum, hauriamque in gaudio aquas vitæ de fontibus Salvatoris.

Omnes SS. Apostoli, qui in ultima Cœna, ab ipso Christo Salvatore Sacerdotes creati, potestatem accepistis consecrandi hæc SS. mysteria; sed præmissa pedum lotionem, quasi symbolo puritatis, de interiori munditie hîc necessaria admoniti, & sic ad verum Agnum, id est, Corpus & Sanguinem Domini vestri manducandum admissi estis: Orate pro me:

Vt & ego gratiam & munus Sacerdotii [per vestros Successores manuum impositione mihi collatum] debito honore venerer, & non nisi mundata prius conscientia ad participanda hæc divina Mysteria veniam.

SS. *Evangeliste*, qui institutionem hujus Sacramenti illustri testimonio asseruistis: Orate pro me:

Vt ego plena fide, spe viva, charitate fervida hoc magnum Mysterium venerari semper ac participare valeam.

Omnes SS. *Discipuli Domini*, qui una cum primis Fidelibus perseverantes eratis quotidie in communicatione fractionis panis, ita ut credentium esset cor unum, & anima una: nec quisquam aliquid suum esse diceret: Orate pro nobis:

Vt & nos, qui de uno Pane, & de uno Calice participamus, non nisi in unionem pacis & vinculo charitatis, ad Sacramentum pacis & Amoris accedamus: id ipsum dicamus & sentiamus omnes, & sic unanimes uno ore honorificemus & glorificemus Deum, & Dominum nostrum Iesum Christum, qui est pax nostra faciens utraque unum.

VIII.

Omnes SS. *Martyres*, qui Christo Regi Martyrum Corpus & Sanguinem suum nobis in ara Crucis & communione offerenti, Corporis & Sanguinis vestri victimam reddidistis: Orate pro me:

Vt ego Spirituali Martyrio mortificem membra mea super terram, & [oblaturus] (seu) suscepturus sacra Mysteria, me ipsum prius in actum Deo hostiam vivam, acceptabilem, sanctam, Deoque placentem, sacrificium Iustitie in odorem suavitatis.

Omnes SS. *Pontifices & Confessores* Sacerdotes Domini, qui ut ministri Christi, & fideles dispensatores Mysteriorum Dei, sancte functi estis Sacerdotio; & pro populo hostiam plationis frequenter obtulistis; eundemque pane verbi, & Sacramenti indefesse pavistis: Orate pro me:

Vt & ego munere fidelis [Sacerdotis] (sive) Christiani strenue fungar, ne oblata salutis remedia sprevisse, vel gratiam Dei in vacuum recepisse forsan inveniar.

IX.

S. Franciscæ, qui conscius puritatis ac sanctitatis ad Sacerdotium requisitæ, ab eo præ reverentia abstinuisti : Ora pro me :

Vt & ego munus tam sanctum & sublime condigne estimare ac honorare studeam.

S. Thoma de Aquino, qui angelico pollens ingenio, & excellenti doctrina cultum ac venerationem sanctissimi Sacramenti singulariter in Ecclesia promovisti : Ora pro me :

Vt hujus Sacramenti fides, devotio, & reverentia magis indies crescat ac proficiat in anima mea.

Omnes SS. Monachi & Eremitæ, qui egressi de Ægypto hujus seculi, id est, mundo mortui, & avulsi ab uberibus, ablactati à lacte, quod propinat mundus, non amplius suspirastis ad ollas carniū, sed concupiscentias carnis viriliter calcantes, cibo Angelorum, manna de cœlo, pane vivo pavistis in deserto hujus seculi animas vestras, donec veniretis ad terram promissionis lacte & melle manantem : Orate pro me.

Vt ego viles Ægypti cibos fastidiam; voluptates, inquam, seculi spernam præ desiderio hujus cibi cœlestis, nec deleter siliquis percorum, cui datum est vesci pane filiorum.

Omnes SS. Virgines & viduæ, quæ plusquam virili animo, constans propositum continentia & castitatis arripuistis, adeoque obtulistis corpora vestra hostiam vivam sponso vestro Deo viventi, Regi seculorum immortalī, & sic castas ac perpetuas cum Sponso nuptias celebratis : Orate pro me :

Vt ego per vinum germinans Virgines castitatis zelum imbibam, ac continue puri cordis amore indissolubile teneam cum Sponso vestro connubium, eumque in hoc Sacramento vere presentem medullitus ac totis visceribus amplectar, & exosculer.

X :

S. Maria Magdalena, quæ una cum Sorore Christum hospitio excepisti, sed vacans à ministerio, & sedens ad pedes Domini, audiebas verbum illius. Alias quoque in convi-

vio Pharifæi, pedes Domini lacrymis tuis ubertim manantibus lavisti, & capillis terfisti; sic & amorem in Dominum, & dolorem criminum palam ostendens. Denique pendenti in Cruce adhæfisti, & sepultum vi amoris æstuans quæfivisti: Ora pro me:

Vt & ego à curis seculi abstraham cor meum, & quæram præ omnibus in otio sancto vacare Deo: Deceßurus vero ad Dominum meum in hoc Sacramento, prius contriti cordis lacrymas offeram Deo meo, & crucifixo libenter adheream; non quærens gloriari, nisi in Cruce Domini mei Iesu Christi.

Omnes Sancti & Electi Dei, qui jam revelata facie, in patria, visione beata aspicitis; & pleno jam ore manducatis Panem illum, quem nos non nisi per speculum in ænigmatibus conspicimus, & aliena specie velatum accipimus. Vos enim felices portum tenetis; ad quem nos miseri tendimus; ô quot inter tempestates & pericula! Viatico egemus, ut superemus. Viaticum Christus est; Via utique, Veritas, & Vita: & unicum solatium peregrinationis nostræ: Orate pro nobis:

Vt eo nos saltem sustentemur in Via: donec vobiscum & nos satiemur ab ubertate domus Dei, & torrente voluptatis ejus potemur in Patria.

O R A T I O.

DEus, qui nobis sub Sacramento mirabili passionis tuæ memoriam reliquisti: tribue, quæsumus, ita nos Corporis & Sanguinis tui sacra Mysteria venerari; ut redemptionis tuæ fructum in nobis jugiter sentiamus. Qui vivis & regnas in unitate Spiritus sancti Deus, per omnia sæcula sæculorum. Amen.

C A P. III.

O R A T I O D O M I N I C A,

Variis Exercitiis & piis conceptibus ad praxin piè Communicandi accommodata.

Accessuri ad sacrum Convivium, in quo Christus ipse sumitur, non immerito Christi quoque verba, & ipsam, quam de sacro illius ore hausimus, Orationem, velut Benedictionem mensæ præ-

præmittemus. Sacerdos quidem in Missa; paulò ante Communionem, eam recitat; sed in ea ante Missam perutiliter quoque meditabitur; quin & Communicaturus quisque hinc facile pios affectus hauriet. Dicamus ergo ex intimo animi sensu:

Pater noster.

Potentissime, sapientissime, clementissime, qui, ut dulcedinem in filios tuos demonstrares; Pane suavissimo de cœlo præstito, esurientes reple: & quæ creasti, omnia tam paterne & mirabiliter alis, foves, ac conservas. Ecce & ego unus, licet vilissimus filiorum tuorum, confidenter nunc levo oculos meos ad te, *Qui es in cœlis*, ut tu paternæ benevolentiae oculis respicias super me miserum, & inopem; procul agentem à facie Patris, inter filios Evæ, in valle lacrymarum, exulem & peregrinum super terram; & suspirantem ad te dulcissimum Patrem meum. Quid vero nunc potissimum petam à te? nisi ut

1. Sanctificetur nomen tuum.

Hoc enim est præcipuum votum, & desiderium cordis mei, ut omnia, quæ facio, dico, cogito, cedant ad maiorem gloriam Nominis tui. Et nunc præcipue, cum ad sacra Mysteria Corporis & Sanguinis Filii tui venio; hoc unum intendendo, hoc unice desidero, ut laudetur suprema Majestas, Potestas, Bonitas & Sapientia tua; cui debetur ab omni creatura, omnis honor & gloria, æterna laus, & gratiarum actio. quia sic dilexisti nos, ut Filium tuum Unigenitum nobis dares, & in cibum, & in salutis pretium. Pro quo, cum digne à nobis laudari nequeas, utinam ipse Filius tuus clarificet te, nam & tu exaltasti eum super omnia; & dedisti illi Nomen, quod est super omne nomen.

2. Adveniat regnum tuum.

Cujus regni felicitatem, ac delicias in hoc Sacramento prælibamus. Dedisti enim nobis in pignus futuræ gloriæ Corpus & Sanguinem Filii tui; & sic nos quoque per gratiam adoptionis fecisti tibi heredes, coheredes autem Christi.

In-

Interim vero, dum adhuc in exilio peregrinamur à Domino, fac nos, sic uti hoc sacro pingnore, ut indies, magis magisque in nobis proficiat regnum tuum gratiæ, & tandem perveniat in nos regnum tuum gloriæ.

3. *Fiat voluntas tua.*

Quæ est autem voluntas tua, nisi sanctificatio nostra; maxime cum accessuri sumus ad hæc sancta sanctorum? vis etiam ut manducemus Carnem Filii hominis, & bibamus Sanguinem ejus; aliàs non habituri vitam in nobis: Quis autem hoc facere præsumeret, conscius infirmitatis tuæ, nisi id tam amanter & dignanter tu una cum Filio velles, & præciperes? (Nam idem est utrique Velle, idem Possesse.) Quia ergo ita vis; fiat quod vis; & quomodo vis. Nempe Sanctos nos esse vis, quia Sanctus es, imo Sanctus Sanctorum, ad quem accedimus, Filius tuus. Sed quis Sanctum faciet, nisi tu? Da quod jubes. Fac ut Sancta non tractemus nisi sancte, caste, & religiose. Vnde,

Sicut in caelo, Sancti pleno ore, puro corde, & ardenti desiderio manducant hunc panem vivum revelata facie: *ita & nos in terra*, magno desiderio, & puro affectu comedamus eum sub speciebus velatum, donec & nos cum Electis fruamur illo in propria specie; & sariemur ab ubertate domus tuæ.

4. *Panem nostrum quotidianum da nobis hodie.*

Oculi enim omnium in te sperant Domine, & tu das illis escam in tempore opportuno. Tu aperis manum tuam, & imples omne animal benedictione, & mihi deesse poteris? Scis autem Domine, quia non minus Anima, quam Corpus cibo reparari indiget, ut vivat. Nam sicut illud naturalis calor, sic hanc æstus concupiscentiæ continuo depascitur. Sed ô felices filios, qui in Domo tanti Patris (Ecclesia) sic abundant panibus! Hic Panis gratiæ, & verbi Dei, copiose frangitur. Hic panis Sacramentorum, & præsertim Panis ille vivus, qui de caelo descendit, qui natus in Bethleem, id est, in Domo Panis, Panis Angelorum, Manna cœli, omnibus apponitur. O pretiosa & nobilis esca!

ô gran-

ô grandis æterni Patris charitas & misericordia! Mihi enim non ferenti, neque metenti, neque horrea habenti frumentum Electorum, & Panis vitæ è cœlo datur. Tu Domine feminasti illum in terris; tu mortis falce messuisti: tu eum in horreo Ecclesiæ tuæ nutriendis filiis tuis totum exposuisti.

Da mihi ergo, benignissime Pater, ut hoc *Pane* læpius digne reficiar; imo etiam quotidie (*scilicet non sacramentaliter, saltem spiritualiter*) recipiam, quod quotidie mihi profit; nam quia pecco, & deficio quotidie, merito etiam quotidie remedium accipio, quod vires reficiat. O utinam hoc cœlesti *Pane* & viatico ita sustentèr in hoc deserto, ut in fortitudine cibi illius ambulem usque ad montem Dei!

5. *Et dimitte nobis debita nostra.*

Heu, quam multa & gravia! in multis enim offendimus omnes: vere miseri nos & inopes solvendo non fuimus, nec sumus.

Sed ecce Domine, apud te est misericordia, & copiosa apud Filium tuum redemptio; quem nostri misertus dedisti nobis. Ille justus, impollutus, & innocens per omnia: quod nos debuimus, ille solvit: quod nos peccavimus, ipse luit, & justitiæ tuæ abunde satisfecit, donans nobis immensum thesaurum meritorum suorum, & infinitum pretium sanguinis sui.

Hoc autem totum pretium velut depositum habemus in pretioso sanctissimi Sacramenti scrinio reconditum.

Hunc ergo thesaurum nunc offero tibi ô Pater æterne, ut inde capias, quantum exigis à me pro debitis meis. Ego, unde solvam, non habeo; at Filii tui superabundant merita, ut inde nostra solvantur debita.

Propter hunc itaque dimitte nobis, *Sicut & nos dimittimus debitoribus nostris*. Dimittimus, inquam, ne forte extra vinculum charitatis indigne tractemus Sacramentum pacis & unitatis; & frustra à Deo quæramus medelam; si homo homini reservemus iram. Quæ enim nobis communicatio in Corpore & Sanguine Domini, si membris corporis ejus mystici, id est, proximis nostris, communionem pacis & amoris conjungimur?

Opor-

Oportet nos utique, cum accedere volumus ad altare, prius reconciliari fratribus nostris, si quid habent adversum nos, & sic venire ad offerendum munus nostrum. Hoc filius tuus nos & facere docuit, & ipse fecit. Nam pendens in cruce, & solvens omnium debita, dimisit inimicis suis, & pro tortoribus te supplex oravit, dicens: Pater, ignosce illis, &c. dimitte mihi itaque debita mea, pro quibus Filius tuus offert merita sua: his enim seclusis, si iniquitates obler- vaveris, Domine, quis sustinebit? &c.

6. *Et ne nos inducas in tentationem.*

O Domine, qui parasti in conspectu nostro mensam adversus omnes, qui tribulant nos, & panem apponis hic, qui cor hominis confirmat adversus omnes tentationes Mundi, Carnis & Dæmonis: da mihi per cibum cœlestem & vivificum vires, & robur, ut tentatus non succumbam, sed tibi constanter adhæream.

Non studeam esse amicus hujus *Mundi*, aut conformari huic seculo, sed virtute cœlestis cibi transformer in te, ut uni tibi placere cupiam, & displicere timeam. Sordeat mihi terra, quia hic cœlum intueor, & mundi totius Dominum complector.

Nihil me *Carnis* deliciæ moveant, cui carne Agni immaculati, & Manna cœli vesci datur: in quo delicias longe majores, & omnem saporis suavitatem invenio.

Dæmon vero quid poterit in me, quando mecum est Deus? si autem Deus pro nobis, quis contra nos? &c.

7. *Sed libera nos à malo.*

Multis enim in hac vita casibus & miseriis obnoxii sumus: ea vero censentur mala, quatenus nos fragiles dejiciunt, & abstrahunt à Te: abduci autem à Te, id est, summo Bono, hoc utique est summum malorum. Quis vero liberabit nos ab hoc malo, nisi Tu fons omnis boni? & quem nobis dedisti Advocatum apud Te, omnisque salutis & felicitatis auctorem: *Iesus Christus*, qui nos à peccato & à morte liberavit in sanguine suo?

Hoc Mediatore fac ut omnia nobis cooperentur in bonum, quia non est nobis in alio aliquo salus. Is ergo, ut vere præfens est in hoc Sacramento, ita nobiscum sit ubique, ille nos pascat, regat, conservet, protégat, ducat pro clementissimo suo beneplacito, velut oves pascuæ suæ; quidquid nobis evenerit, malum non erit, si non separet nos à Summo Bono. Nam mihi adhærere Deo bonum est, &c. quid enim mihi est in cœlo, & à te quid volui super terram? &c.

Poterit hæc meditatio orationis Dominica, ut ante, sic post Missam aut communionem esse usui.

ORATIO DOMINICA

Iuxta quatuor sacrificii fines; seu quatuor Oblationum genera.

Ad usum tum *Celebrantium*, tum *Communicantium*, accommodata.

Sacrificia in veteri lege varia erant.

Holocaustum; Hostia pacifica; eaque duplex, una in gratiarum actionem pro beneficio accepto: Altera ad impetrandum beneficium. denique Hostia pro peccato. Vide Levit. primis septem capp.

Itaque quatuor Sacrificiorum genera passim recensentur, his titulis:

1. Latreuticon, seu Sacrificium Laudis, Deo offerri solitum pure ad ejus laudem, & honorem supremæ Majestatis, atque amorem summæ Bonitatis ejus. Hinc tota victima cremari debuit, ut notaretur 1. Summum Dei dominium in res omnes. 2. Omnia ad eum referenda, ut ultimum finem. 3. Nos totos esse Dei, &c.
2. Eucharisticon, seu Sacrificium gratiarum actionis, quo pro beneficiis divinis gratiæ referuntur.
3. Impetratorium, quo gratiam ac divina beneficia, tum corporalia, tum spiritualia nobis aliisque petimus.
4. Propitiatorium, quod ad veniam peccatorum petendam, & Deum nobis placendum pertinet.

Omnem

Omnem horum sacrificiorum vim & efficaciam unicum Novæ Legis Sacrificium eminenter in se complectitur.

Vnde pius & utilis Missam audiendi, Celebrandi, & Communicandi Modus erit, ad hos quatuor fines sacram Actione referre: In quem usum Oratio Dominica commode subserviet, juxta modum sequentem:

Pater noster qui es.

Domine sancte Pater, qui legalium multitudinem hostiarum in unius Sacrificii novæ Legis Hostia conclusisti; quique nobis in Dilecto Filio tuo, sacerdote Magno, & Summo utriusque Testamenti Pontifice, perfectæ Oblationis exemplar, secundum quod nos faceremus, ipse in Monte Calvariæ monstrasti: Fac quæsumus, ut per tuam gratiam, fiamus conformes imaginis Filii tui, qui nobis similis fieri dignatus es in forma servi.

Et sicut ille semetipsum cruento modo in Cruce, quoad Corpus & animam, secundum ritum Aaronis; & incruento modo, secundum ordinem Melchisedech, in ultima Cæna, tibi Æterno Patri suo obtulit; ita nos ejus exemplo, Corpora nostra in hostiam viventem, sanctam, tibi placentem & rationabile obsequium quotidie offeramus: Animam quoque, & omnes ejus vires ac potentias; in *Holocaustum* laudis: in sacrificium *Eucharisticum* pro donis acceptis, in *Impetratorium* pro accipiendis; & denique in *Propitiatorium* pro peccatis immolemus.

I. LATREVTICVM.

Sanctificetur nomen tuum.

Domine Iesu Christe, qui Æterni Patris amore, non tuam, sed illius in omnibus & per omnia gloriam quærens, tradidisti temetipsum pro nobis oblationem & hostiam Deo in odorem suaviratis; Laudo & Adoro ex toto corde meo summam tuam Potentiam, Bonitatem, Sapientiam, Iustitiam, Milericordiam, &c. quæ in hoc Sacrificio, & opere Redemptionis mirabiliter elucet.

Gaudeo per hanc oblationem vana Gentium idola, & profana sacrificia abolita, & sincerum verumque tibi Deo vivo & vero cultum ac honorem restitutum esse; Vnde ego nunc immolo tibi sacrificium laudis, & reddo Altissimo vota mea. *Credo* tibi, & *Spero* in te, & *Amo* te super omnia: meque ipsum tibi plene resigno, & totius Intellectus, Voluntatis, & Memorix meæ victimam tibi offero in holocaustum perpetuum; idque donec

Adveniat Regnum tuum.

Quod parasti nobis ab origine mundi, ô Rex magne, & Princeps Regum terræ, qui regnasti à ligno; & principem hujus mundi eiecisti foras; Qui dilexisti nos, & lavisti nos à peccatis nostris in Sanguine tuo, ut faceres nos regnum & Sacerdotes Deo.

O Iesu Rex meus, & Deus meus; Ecce ego servus tuus, & filius ancillæ tuæ: Eligo te hodie mihi in hac Communionem seu Sacrificio Missæ, in Regem perpetuum; & offero me tibi in servum sempiternum. Tibi soli sacrificabo deinceps hostiam laudis, & nomen tuum invocabo. Sit nomen tuum, Domine, benedictum, ex hoc nunc & usque in seculum.

II. EVCHARISTICVM.

Fiat voluntas tua.

Domine Iesu Christe, qui venisti in hunc mundum, ut faceres voluntatem Patris tui, & opus Redemptionis nostræ, quod tibi dederat, perficeres. Vnde & ad eam implendam factus es obediens Deo Patri, usque ad mortem, mortem autem Crucis. Hujus autem obedientiæ merito, omnis gratia, salus & vita, & omnia in nos bona tam copiose redundant.

Sed quid ego retribuam Domino, pro omnibus quæ retribuit mihi: Scio nihil tibi gratius fieri posse, quam si voluntas tua per nos in omnibus fiat.

Ecce itaque in unionem sanctissimi Sacrificii tui, quo te Æterni Patris voluntati sponte subiecisti: (Oblatus enim

es, quia ipse voluisti) quodque ego nunc in hac Communionem, vel Missam recolo; omnem voluntatem meam tuæ libens & integre subjicio; & hanc ab omnibus, ubique & semper, plenissimèque fieri percipio; idque in Gratiarum actionem pro omnibus beneficiis tuis, Creationis, Redemptionis, Conservationis, Gubernationis, &c.

Benedic anima mea Domino, & omnia quæ intra me sunt, Nomini sancto ejus, &c.

III. I M P E T R A T O R I U M.

Panem nostrum quotidianum.

O Pater amantissime, cujus infinita liberalitate Iesus Christus Filius tuus datus est nobis Dux, Medicus, Pastor Nutritius, &c. Sic enim dilexisti mundum, ut Filium tuum Unigenitum dares.

Qui ergo proprio Filio suo non pepercit, sed pro nobis omnibus tradidit illum, quomodo non etiam cum illo omnia nobis donabit? præsertim cum tantam ejus fiduciam iple nobis Filius suggerat, dicens: *Si quid petieritis Patrem in nomine meo, dabit vobis.*

Nunquid ergo, si petierimus *Panem*, dabit nobis lapidem, aut pro ovo scorpionem?

Ecce nomen ejus, & simul infinita merita Sacrificii in Cruce peracti, repræsentato tibi, Pater Æternæ; & rogo ut Panem quotidianum des nobis, Panem Corporis, sed Animæ præcipuè: sub illo quidem petens omnia vitæ præsentis necessaria subsidia, ut melius serviamus tibi: sub isto cibum animæ, seu dona gratiæ, & quæcunque ad cor confirmandum pertinent; ne deficiamus in via, qua tendimus ad Patriam; ubi satiabimur ab ubertate domus tuæ, &c.

IV. P R O P I T I A T O R I U M.

Et dimitte nobis.

O Pater misericordiarum, apud quem habemus advocatum D. N. Iesum Christum, qui factus est propitiatio pro peccatis nostris; & reconciliavit nos tibi in Sanguine suo
cum

cum se *Hostiam pro peccato* in Ara Crucis obtulit. O pretium magnum! ô copiosa redemptio, & satisfactio superabundans pro meis, imo totius mundi peccatis!

Hanc modo repræsentō & offero tibi, ô pie Pater, dum in hac Missa, vel Communione, illius memoriam renovo.

Sed & victimam corporis & membrorum meorum voluntaria mortificatione immolo tibi in sacrificium spiritus contribulati. Cor contritum & humiliatum Domine, ne quæso dispicias: sed respice in faciem Christi tui, qui peccata nostra pertulit in corpore suo; cujus livore sanati sumus.

Quid vero proderit nos à peccatis præteritis liberatos esse, si non muniamur adversus futura? Rogamus itaque:

Et ne nos inducas.

Nam proni sunt sensus hominis ad malum ab adolescentia sua. Domine tu nosti miseriam nostram, & infirmitatem figmenti tui, & quam nihil possimus sine te. Rogo te per vim clementiæ tuæ, & propitiatorii illius Sacrificii in Cruce peracti, ut procul à nobis omnia scandala, tentationes, pericula, occasiones amoveas, per quæ denuo nos ad peccandum induci posse prævides.

Abfit ut iratus nobis, tradas nos in desideria cordis nostri; & tentationibus, quasi fluctibus maris expositos sine Rectore & remige jactari sinas. Quin tu, ô fidelis Deus, esto mecum in tentatione, & non permittas me tentari supra id, quod possum.

Ad hoc offero tibi Sacrificium Corporis & Sanguinis tui, ut vires contra tentationes Mundi, Carnis ac Dæmonis mihi præstes. Si tu Domine nobiscum & pro nobis, nihil nobis nocere poterit.

Sed libera nos.

O Domine, qui neminem vis perire, sed omnes salvos fieri; mala quoque pœnæ, per quæ in malum culpæ, id est, offensam tui, & jacturam salutis impelli possemus, à nobis auferri petimus. Flagella iracundiæ tuæ, Bella, famem, morbos. &c. à nobis clemens averte.

Agnoscamus nos merito hæc pati, quia peccavimus in te fratrem, imo Patrem nostrum; & jam non sumus digni vocari filii tui.

Attamen propter temetipsum Domine, & propter nomen tuum, quoniam bonum est, amove à nobis plagas tuas, & omnia mala propitiatus averte, aut saltem fac, ut diligentibus te, omnia, etiam mala, cooperentur in Bonum.

Hoc sine offero tibi ô Iesu, sacrificium istud, seu Communionem Corporis & Sanguinis tui, imo Te ipsum velut antidotum & alexipharmacum omnis mali. Si ambulavero in medio umbræ mortis, non timebo mala, quoniam Tu mecum es.

Aliud Exercitium in Oratione Dominica, VII Verbis in Cruce accommodatum habes infra cap. 7. de Modo Aud. Missam, n. 12.

C A P. IV.

METHODVS seu PRAXIS

Expedita, pie & utiliter, tum Communicandi,
tum celebrandi Missam.

AD fructus ex sacramento Eucharistie, & sacrificio Missæ percipiendos; ipse Modus accedendi plurimum momenti habet.

Adverte itaque Modum valde imperfectum, & expertem spiritalis consolationis esse, non nisi vulgares quasdam & conceptis verbis expressas peccandi formulas ante & post Missam & Communionem recitare. Majorem utique requirit industriam & preparationem hoc Sacramentum tam sublime, & tantis pollens gratiarum donis ac virtutibus; sed tamen in operatione respondens modo ac dispositioni recipientis.

Est enim hoc Sacramentum cibus animæ, non minus ei utilis & necessarius, quam suus corpori. Ceterum prodest is cibus, nutritque plurimum, qui cum fame sumitur: ad hanc autem excitandam conducit, aliquod corporis exercitium cibi sumptioni præmittere: illud enim vitiosos humores in ventriculo residuos absorbit ac dissipat; unde excitatus calor naturalis acuit stomachum, ut cibi sit appetentior, & cibus ipse fiat aptior ad concoctionem, bonamque totius corporis nutritionem.

Pari prorsus ratione, ut anima cibus (id est, Sacramentum Corporis & Sanguinis Christi) magis profit, cum fame sumendus erit quid factu opus, paucis accipe:

Mens piis meditationibus, sanctisque exercitiis occupanda. Hæc enim pravæ animæ passiones paulatim expellent, & calorem in ea charitatis, & divini amoris ignem accendent; ut cibi cœlestis fiat avidior aptiorque ad illum cum fructu, & augmento sumendum.

Alioquin sine fame & orexi sumes hunc Cibus, adeoque gustum illius perexiguum habebis: Et quid restat, nisi ut tandem nanscet anima tua super cibo isto tanquam levissimo? quia nimirum non gustas, quam suavis sit Dominus in hoc cœlesti cibo, qui eisi contineat omnem saporis suavitatem, tamen non nisi animam inanem & esurientem satiabit bonis.

Exercitia itaque dabimus ad majorem hujus cibi famem fructumque accommodata, sed quæ per modum piarum adspirationum usurpes, non obiter & perfunctorie, sed affectuose, & corde potius, quam ore pronuncies.

Vnus enim animi affectus est, quo nisi commendetur & condiciatur quodvis pietatis opus, ingratum erit, ac prorsus insipidum.

Liberum cuique erit hæc exercitia extendere. Nos enim Modum duntaxat, & formam præscripsimus. Quamvis verear nescire, qui hoc, vel simile exercitium fastidiant tanquam prolixius, quod toties circa Communionem aut Missam adhibeant.

Sed utinam illi majestatem hujus sacrificii & Sacramenti melius perpenderent, & ex illius usu fructum & spirituales refectio- nem percipere magis serio cuperent: nihil enim aurum amanti: unde opera & laboris nescit fastidium, in quo gratia cœlestis flagrat desiderium.

Quod si non vacet semper, utile tamen erit sæpius hoc pacto sacram Communionum, aut Missæ sacrificium instituere.

Quamquam non videam, qua fronte hac in re possit à nobis accusari prolixitas, qui alias in rebus ludicris vanisque nimium sumus prolixi & temporis prodigi.

Quotusquisque est, qui non in dies singulos unius solide horæ (ne dicam plurium) spacium, facile indulgeat curando & cibando corpori? Et grave erit tantundem, imo vel horæ quadrantem aare cœlesti convivio? At tibi non nisi mortale corpus, hic anima immortalis pabulum accipit.

Quid! cetera corporis, & rei familiaris negotia tanta cura & diligentia, tam accurate & attente peragi, Anima vero & salutis negotium, & hoc negotiorum omnium maximum, tam oscitanter & precipitanter tractari!

E X E R C I T I V M.

ante Missam aut Communionem.

Puncta hujus exercitii varia, ad tria principalia revocari possunt. I. Probatio sui. II. Excitatio Devotionis. III. Postulatio Gratiae.

I. P V N C T V M.

PROBATIO SUI.

Probationis necessitatem indicant I. Sacrificia veteris Testamenti, quae signa tantum seu umbra & figure hujus Sacramenti erant, & tamen non nisi à mundis sanctisque tractari debebant. Mirum sane, quot caeremoniis ritibusque expiari debuerint, qui illa offerebant. Vide Exod. 38. Lev. 22. &c.

2. Gravissima Apost. Verba, quibus indigne sumentes asserit reos fore Corporis & Sanguinis Domini. O quam necesse, serio monentem vel potius minantem audire! Probet se ipsum homo, & sic de pane illo edat, &c.

2. Ipsa ratio, quia sancta non nisi sancte tractanda, quid autem sanctius hoc Sacramento, in quo praesens est ipse Sanctus Sanctorum?

I. In primis ergo examina conscientiam tuam, quam si gravioris culpa ream invenis, poenitentiae Sacramento expiabis, ne indignus accedas, & judicium tibi manduces. Leviores quoque culpas & inordinatos animi affectus remove conaberis, ut pleniorum ex hoc Sacramento fructum capias. Deinde concipe intimum de peccatis dolorem, cum firmo emendationis proposito.

O Dulcissime Deus Creator ac Salvator meus, doleo ex intimo corde, quod unquam offenderim te Dominum ac Deum meum, te, quem amare debeo super omnia, quia & super omnia bonus es, & plurima mihi bona tribuisti: &c, heu, infelix & ingratus ego peccator non retribuui, nisi mala pro bonis.

Verum propitius esto peccatis meis Domine, nunc enim firmiter statuo ac propono non amplius te offendere, omnesque peccandi occasiones fugere, ideoque nunc hoc Sacramentum sumere cupio, ut in amore tui confirmetur, & contra omnes peccandi occasiones muniar, ut tu in me, & ego in te maneam.

II. *Vide an recta & sincera intentione ad hæc sacra Myſteria venias, an ex consuetudine tantum, aut alio fine inordinato. Valde autem utilis est Probatio Intentionis, quia Intentio dat speciem actui, & est radix meriti. Praxis erit huiusmodi.*

Cupio ô Deus, offerre tibi hoc sacrificium ad laudem & gloriam nominis tui, ad utilitatem quoque animæ meæ, totiusque Ecclesiæ tuæ sanctæ. Itaque voluntarie sacrificabo tibi, & confitebor nomini tuo, Domine, quoniam bonum est.

Quid enim aliud quæram præter te, ô Deus meus & omnia? Si te habeo, quid est quod non habeam? Si te colo propter te, tu eris merces mea magna nimis. Quid autem mihi sit in cœlo, & à te quid velim super terram? cum tu sis pars hæreditatis meæ & calicis mei, tu, qui restitues hæreditatem meam mihi? &c.

Possent autem Directio Intentionis particularius fieri, si spectentur Fines ad quos ex vi institutionis, Sacrificium adeoque Sacramentum referri debet.

I. Enim est LATREVTICVM,

Seu holocaustum, offerendum Deo, in agnitionem supremi ejus domini, & tanquam summus cultus supremæ Majestati ejus debitus.

O Domine, dignus es propter summam excellentiam, sapientiam, & potentiam tuam, accipere ab omni Creatura laudem, gloriam, & honorem. Itaque confitebor tibi Domine in toto corde meo, & glorificabo nomen tuum in æternum, immolabo tibi Sacrificium laudis, & reddam tibi, ô Altissime, vota mea, &c. Sis benedictus, laudabilis, & gloriosus & super exaltatus in secula.

II. EST EVCHARISTICVM,

*Sen pacificum, offerendum Deo gratiarum actionem pro in-
numeris ejus beneficiis.*

Quid retribuam Domino pro omnibus quæ retribuit mihi? qui toties propitiatur omnibus iniquitatibus meis; & insuper coronat me in misericordia & miserationibus? Qui toties replet in bonis desiderium meum, & tam benigne providet corpori & animæ meæ? Minor ego sum cunctis miserationibus tuis Domine; quia misericordia tua magna est super me, &c.

O Domine, quia me fecisti, debeo tibi meipsum; & quia me fecisti per Filium, qui pro me factus est homo, debere plusquam meipsum.

Sed quid sum ego! pulvis & cinis; quid cætera? Ventus & vanitas. Sed & tu, Domine, bonorum meorum non eges. Ecce itaque Filius tuus dilectus. Eum tibi, o Pater, offero in gratiarum actionem, quia nihil possum melius, nec gratius offerre, quam eum in quo tibi bene complacuit.

III. EST PROPITIATORIVM,

Offerendum Deo, in propitiationem peccatorum.

O Domine, tam amanter invitatus ad splendidum convivium tuum, quid faciam ego miser, nudus, & inops, nec habens vestem nuptialem; & conscius tot peccatorum, quibus iram merui potius quam gratiam? Ecce Mediator Dei & hominum, Christus Iesus Filius tuus. Hunc offero Tibi; ipsum inquam, qui peccatum non fecit, sed factus est propitiatio pro peccatis nostris & lavit nos in sanguine suo, &c.

O Domine respice in faciem Christi tui, & vide quantos in vita labores; in passione poenas, in morte dolores pro nobis sustinuit. Offero tibi hæc omnia in satisfactionem pro peccatis meis, idque per hoc Sacrificium, ut hujus virtute, illorum vim ac efficaciam mihi impertias, & clementer indulgeas delicta mea, neque vindictam sumas de peccatis meis.

IV. Est

IV. EST IMPETRATORIUM,

Offerendum Deo, ad impetranda Bona Corporis & Animæ, & avertenda quæcunque mala, idque pro nobismetipsis, Amicis, & Inimicis, Iustis, & Peccatoribus, Vivis, Defunctis, &c.

O Domine, dives in bonis, & largus in donis : à quo, per quem, & in quo sunt omnia. Ego vero egenus & pauper sum. Sed quid non impetremus à te, qui nobis dedisti fontem ipsum omnis gratiæ, id est, Unigenitum Filium tuum; & simul cum illo omnia nobis bona donasti? In hunc omnes gratiæ, bonitatis, ac sapientiæ thesauros sine mensura congeffisti, ut esset dives in omnes.

Eum itaque offero tibi, ut per eum qui interpellat pro nobis, & exaudiri meretur pro reverentia sua, des Ecclesiæ tuæ incrementum & pacem; Iustis perseverantiam; Peccatoribus veniam, Defunctis refrigerium; nobis omnibus tuam gratiam, & tandem vitam æternam, &c.

V. *Quia hoc Mysterium institutum est à Christo, in memoriam Passionis suæ, perutile est, Deoque gratissimum, speciali directione Intentionis illud offerre ob memoriam & venerationem Passionis Dominicæ.*

II. PUNCTVM.

EXCITATIO DEVOTIONIS.

Accessurus ad hæc tremenda Mysteria, non contentus habituali devotione, actualem omni studio excita. Proderit ad hoc, una cum exercitio nobilissimarum virtutum meditari sequentia; (nam in meditatione exardescit ignis devotionis) nempe: Quis sit, qui in hoc Sacramento venit, Ad quos veniat; Quare; Quomodo, Quoties veniat, &c.

I. Exercenda FIDES.

Cogitando quod sit Christus ipse, verus Deus & homo, pro nobis natus, passus, & mortuus, vere & realiter hic præsens, &c.

O Christe Iesu, verus Deus & Homo, unius cum Patre substantiæ, majestatis & potentiæ; firma fide credo ac profiteor, quia tu vere ac reipsa præsens es in hoc Sacramento.

mento. Tu enim ipsa veritas dixisti : *Hoc est corpus meum.* Credo quidquid dixit Dei Filius, nihil hoc verbo veritatis verius: Domine adauge fidem meam, &c.

Hoc fidei exercitium hic cum primis utile est, quia viva fides huius articuli est, cui innititur omnis Sacramenti huius devotio. Nam si viva fide Christum vere Deum ac hominem in hoc Sacramento præsentem credimus, qui fieri potest, tam modico reverentia ac pietatis affectu tractari à nobis tam sancta ac tremenda Mysteria?

II. Exercenda S P E S,

Cogitando quod sit Deus summe clemens, misericors, mitis, sapiens, &c.

O Domine virtutum, beatus homo qui sperat in te, quare tristis es anima mea, & quare conturbas me? Spera in Deum omnis boni fontem, & gratiæ actorem, quem in hoc Sacramento præsentem habes : Accede ad eum confidenter, quoniam suavis, & mitis, & multæ misericordiæ est omnibus invocantibus se. Ille solus dare potest omnia, quia super omnia potens est, imo dare vult omnia, quia summe bonus est.

O spes mea Deus, propter hoc lætatum est cor meum, dum te ipsum in hoc Sacramento recipio, quia spero plane nihil te non daturum, qui nobis dedisti te ipsum; in te Domine confido, non confundas me ab expectatione mea.

III. Exercenda CHARITAS,

Cogitando, quod sit Deus summe bonus, perfectus, liberalis, tam amans nostri, &c.

O Dulcissime Salvator Christe Iesu, quanta fuit tui vis amoris quæ te traxit è sinu Patris in hanc lacrymarum vallem, ut humanam carnem assumeres, infinitas misérias, injurias, imo crucem, mortemque subires : idque solum propter miseros nos homines & propter nostram salutem.

O quan-

O quantus amor! damnare nos poteras, & salvare m-
nisti; nos rei eramus, & tu innocens subis supplicium, ut
eos liberes.

Ex amore itaque ad nos in carnem venisti; & demum
biturus ex hoc mundo ad Patrem, in pignus amoris hoc
sacramentum nobis reliquisti, ut modo prorsus novo &
mirabili semper maneres nobiscum, cujus deliciae sunt esse
cum filiis hominum.

O Domine quantum dignus es amari, qui tanta facis
more nostri? diligam itaque te Domine fortitudo mea.
Dominus firmamentum meum, & refugium meum, & li-
berator meus.

O Deus charitas, qui in charitate manet, in te manet:
cupio te suscipere in hoc Sacramento, ut tibi firmiter uniar
amoris vinculo. Quis me separabit à charitate Christi Sal-
vatoris mei? utinam hoc, nec vita, nec mors, nec ulla for-
tunæ fors, aut ulla creatura valeat.

IV. Exercenda HVMILITAS,

*Et Reverentia, meditando quod sit Deus summa majestatis, &
tamen è throno gloriæ suæ veniat ad te infimum
terre vermiculum, &c.*

O Domine Deus noster, quam admirabile est nomen
tuum in universa terra! Tu es Rex cæli & terræ, quem
laudant Angeli, adorant Dominationes, tremunt Potesta-
tes.

Sed quid est homo, quod memores ejus, faciens ei me-
moriam mirabilium tuorum? aut filius hominis, quoniam
visitas eum, in hoc Sacramento ad eum venies? Domine,
non sum dignus, ut intres sub tectum meum, sed tan-
tum, &c.

V. Excitanda FAMES,

*Et desiderium, considerando I. Multiplices fructus & gratias
hujus Sacramenti: deinde tuas misérias & necessitates.*

O Panis sancte, panis cor hominis confirmans quem qui
manducat, vivet in æternum, qui non manducat, vi-
tam

tam non habebit. Quam dilecta tabernacula tua Domine virtutum, concupiscit & deficit anima mea in atria tua Domine, ubi Panem illum dispensas, & das escam timentibus te.

Inclina aurem tuam & exaudi me, quoniam inops & pauper sum ego; & refice esurientem animam meam, ut in fortitudine cibi illius ambulem per hujus mundi desertum usque ad montem Dei, donec manducem te pleno ore in regno tuo, & satier ab ubertate domus tuæ.

VI. Denique *Exercitium seu Meditatio Passionis Domini*, ea, imprimis efficax est, ad excitandam cordis devotionem, &c.

III. P V N C T V M.

POSTVLATIO GRATIÆ.

Quia omnis nostra diligentia, & omnis Preparatio minor est, quam ut tantis Mysteriis sufficiens esse queat, merito tandem a Deo gratiam; à B. Virg. Angelo Tutelari SS. Patronis, & cœlii- bus, opem subsidiumque supplices postulavimus.

I. Itaque roga Deum per merita Filii, & omnium SS. ut gratiam tibi præstet digne suscipiendi hoc Sacramentum.

O Summe Pater misericordiarum, respice in faciem Christi tui, qui tibi in perfectissima charitate factus est obediens usque ad mortem crucis, & in virtute meritorum ejus, nec non dulcissimæ matris ejus Virginis Mariæ, SS. Apostolorum, Martyrum, Confessorum, Virginum, & imprimis Patronorum meorum N. N. & omnium SS. gratiam mihi tribue, ut gratum tibi obsequium exhibere valeam, fac quæso, ut quod meis non possum, placentium tibi meritis precibusque consequar.

II. *Representatis Christo peccatis, imperfectionibus, omnibusque necessitatibus tuis, per merita passionis & sanguinis ejus petitionem, & pie communicandi gratiam.*

O Iesu Salvator mundi, qui venisti peccatores salvos facere, & dixisti: Venite ad me omnes, qui laboratis & onerati estis, & ego reficiam vos: Ecce ego peccator ad te venire audeo, quia copiosa est apud te redemptio.

Venio

Venio ad te, à quo reeedens erravi, sicut ovis quæ periit; et tu Pastor bone, qui posuisti animam tuam pro ovibus meis, qui venisti quærere, & saluum facere, quod perierat, equire servum tuum Domine, quia mandata tua non sum oblitus.

Venio ad te multis plagis faucius, tot pravis passionibus graviter affectus, sed tu Domine, si vis, potes me sanare. Nosti enim male habentibus opus esse medico.

Tu vero es ille Samaritanus, verus animarum medicus, qui languores nostros portasti, tu es, qui dedisti in animæ meæ medicamentum, pretiosi Corporis tui Sacramentum.

Miserere ergo mei Domine, & sana animam meam, quia peccavi tibi, Sacrificium tibi, Domine, spiritus contribulatus. Cor contritum & humiliatum non despicias. Hoc prius offero tibi, ut Sacrificium pretiosi Corporis & Sanguinis tui, securius offerre valeam.

Tu itaque dirumpe vincula peccatorum meorum. Sic enim digne sacrificabo tibi hostiam laudis, & nomen Domini invocabo, &c.

III. *Ad Spiritum sanctum humiliter convertere, ut donis suis Christo Iesu, dignum in te præparet habitaculum, sicut fecit in Virgine Deipara.*

Quæ inclusa sunt his signis [], ad solos Sacerdotes spectant.

Clementissime Deus, sine tuo numine nihil est in homine, ex te enim omnis sufficientia nostra. Sine te nihil boni facere, nec statu aut vocatione nostra digne fungi possumus. Custodi animam meam, quoniam sanctus sum, saluum fac servum tuum Deus meus sperantem in te. Sanctus sum dono fidei & gratiæ quo me in Baptismo sanctificasti.

[Sanctus quoque sum munere Sacerdotii, quo me fungi voluisti (id enim sanctum est; ut ei digne respondeam, sanctus esse debeo, id est, segregatus à terrenis, purus, castus, multis gratiæ dotibus & virtutibus conspicuus;) Sancti esse debebant, qui figuram tantum & umbram huius Sacramenti gerebant: quanto magis ego, ipsam tractans rem & veritatem?]

Sed

Sed quis sanctum & mundum faciet de immundo conceptum semine? Tu utique ô Deus sanctificator, qui Sanctus Sanctorum, à quo omnis sanctificatio nostra, &c.

IV. *Implora opem Sanctorum, ut tibi gratiam sanctæ Communionis impetrent à Domino.*

O Sancti Dei omnes, per eum vos rogo, quem vos facie ad faciem, nos autem hic per speculum in ænigmatibus videmus, & velatum in hoc Sacramento suscipimus; succurrite mihi quæso precibus vestris apud Deum, ut sic illum nunc in Sacramento possim recipere, ut aliquando eum in propria specie vobiscum merear videre.

Tu præcipue ô sacratissima Virgo Mater, quæ Spiritu sancto cooperante, gratia plena, Deum & hominem purissimis visceribus tuis concipere & portare meruisti, impetra mihi, quæso, gratiam sancti Spiritus, per amorem Filii tui, ut & ego eum digne in hoc Sacramento excipere & portare valeam, &c.

Adsis ô Angele Custos, & clientem tuum pio ductu dirige; ut Panem illum Angelorum, Dominum cæli & terræ, decenter excipiam.

O Patroni N. N. mei, Aulici Dei, succurrite, & Domino vestro hospitium cordis mei congruenter adornate. &c.

V. *Denique, si præmissis hujusmodi exercitiis, necdum sentis eum quem desideras; & quem Sacramenti dignitas requirit, affectum, fervorem, & amorem in susceptione hujus Sacramenti noli deijci animo, sed humiliter ora Deum, ut saltem desiderium cordis & bonæ voluntatis affectum suscipiat.*

O Deus scrutator cordis mei, cupio sumere utinam recepta possim, mirabile & cœleste Sacramentum omni, quæ par est, pietate & religione, omni affectu, desiderio, & fervore Angelorum, & electorum tuorum. Domine ante te omne desiderium meum; paratum cor meum, Deus, paratum cor meum, offero tibi totum cor meum, & omnia. Desiderium pauperis exaudi, ô Domine, præparationem cordis ejus audiat auris tua. Suppleat divina & immensa tua benignitas, quicquid humana mea non valet infirmitas, &c.

Adver-

Adverte hoc Exercitium, ut & sequentia ita formata; ut & Sacerdotibus celebrantibus Missam, & Laicis communicantibus eruire possint, pauculis omissis aut mutatis.

Possunt iis quoque uti audientes Missam, pro spirituali Communionem, ut sic intentio audientis Missam magis conformetur intentioni celebrantis; & hic est utilissimus modus audiendi Missam.

Porro exhibemus hic varia Exercitia, longiora, breviora; velut diversa fercula in una mensa; ut varietas arceat fastidium, ex crebra unus & ejusdem repetitione nasci solitum. Varii quoque, vario palato diversa poscunt.

ASPIRATIONES sub Communionem.

Magno reverentia & intima pietatis affectu adventus tanti Hospitis excipendus est. Frequentabis ergo actus viva Fidei, Spei, & Charitatis: agnosces & predicabis Dei majestatem, bonitatem, & clementiam, propriam fateberis miseriam & fragilitatem. Hinc intimis animi desideriis & affectibus cum Christo jam presente colloqueris. Hinc possunt adhiberi breves sed ignita Adspirationes, quales in Psalmis & Evangeliiis multe: Sed corde potius, quam ore preferende: donec post recessum ab altari in quiete prolixius easdem expendere liceat. Nos hic aliquas suggeremus.

Sub sacra Communionem; tum & alias usus futuræ.

Diligam te Domine fortitudo mea; Dominus firmamentum meum, & refugium meum, & liberator meus.

Quid est homo, quod memor es ejus, aut filius hominis, quia visitas eum?

Quam bonus Israël Deus, his qui recto sunt corde!

Confitemini Domino, quoniam bonus, quoniam in seculum misericordia ejus.

Laudate Dominum omnes gentes, laudate eum omnes populi ejus.

Quoniam confirmata est super nos misericordia ejus, & veritas Domini manet in æternum.

Quemadmodum desiderat cervus ad fontes aquarum: ita desiderat anima mea ad te Deus, &c.

Mihi

Mihi adhærere Deo bonum est, & ponere in Domino Deo spem meam.

Quid enim mihi est in cœlo, & à te quid volui super terram?

Magnificat anima mea Dominum.

Et exultat Spiritus meus in Deo salutari meo, &c.

Beatus venter qui te portavit, &c.

Vnde hoc mihi ut Dominus meus veniat ad me?

Benedictus, qui venit in nomine Domini. Domine, non sum dignus, &c.

Similia unicuique facite privata industria; aut potius unctio suggeret.

Huc spectant & huiusmodi amorosa suspiria.

Quis es tu, Domine, & quis sum ego?

Tune venis ad me, Rex summus, ad infimum servum? &c.

Tu qui de sinu Patris, venisti in purissimum Virginis uterum, intrabis in hoc vas impurum, & stabulum sordium?

Scio, Domine; amor urget & vincet te. Eja veni Domine, & noli tardare. Sed veniat, obsecro, tecum illa multum desiderabilis bonitas, mansuetudo, charitas, & misericordia tua, per quam excusetur, & juvetur miseria mea.

Ecce Domine jam habeo te, qui habes omnia. Possideo te, qui potes, & possides omnia: Ergo ô Deus meus & omnia: abstrahere cor meum à cæteris omnibus extra te, in quibus nil nisi vanitas & afflictio spiritus; in te uno fixum sit cor meum, in te sit requies mea, ubi est thesaurus meus, summa veritas, & vera felicitas, & felix æternitas.

Sentiat, ô Domine, mens mea dulcedinem præsentis tuæ. Gustet, quam suavis sis Domine, ut inescata amore tui, nihil quærat extra te, unde gaudeat, quia tu es gaudium cordis mei, & pars mea Deus in æternum.

Tu es medicus animæ meæ, qui languores nostros tuo livore sanasti. Ego vero sum infirmus ille, ad quem sanandum de cœlo venisti, itaque sana animam meam, quia peccavit tibi.

Tu es Pastor bonus, qui posuisti animam tuam pro ovibus tuis. Ecce ego ovis illa, quæ perierat, & tamen dignaris me pascere Corpore & Sanguine tuo : suscipe me nunc in humeros tuos. Quid negabis mihi, qui Te ipsum dediisti? Rege me, & nihil mihi deerit, in loco pascuæ, ubi me collocaſti; donec ad pascua vitæ æternæ perducar.

O lux vera, quæ illuminas omnem hominem venientem in hunc mundum, illumina oculos meos, ne unquam obdormiam in mortem, &c.

O ignis jugiter ardens, & nnuquam deficiens. Ecce me tepidum & frigidum : ure renes meos & cor meum ; ut ardeant amore tui. Ignem enim venisti mittere : & quid vis nisi ut accendatur?

O Rex cœli & terræ, dives in misericordia, ecce ego egenus & pauper sum, tu nosti, ubi magis egeam ; tu solus me ditare & juvare potes. Deus adjuva me, & ex thesauris bonitatis tuæ succurre inopi animæ meæ.

O Dominus meus, & Deus meus. Ecce servus tuus sum ego, da mihi intellectum, & excita affectum, ut sciam, & faciam voluntatem tuam.

Tu es Agnus Dei, Agnus sine macula. qui tollis peccata mundi, tolle de me, quod mihi nocet, & tibi displicet ; & da, quod nosti tibi placere, & mihi prodesse.

Tu es amor meus, & omne gaudium. Tu es Deus meus & omnia. Tu es pars hæreditatis meæ, & calicis mei, tu es qui restitues hæreditatem meam mihi.

O Deus meus & omnia, absorbeat, quæso mentem meam vis ignita & melliflua amoris tui, ut amore amoris tui mundo moriar, qui amore mei dignatus es in cruce mori, ô Deus meus & omnia.

C A P. V.

EXERCITIUM post Missam aut Communionem.

Pro Sacerdotibus & Laicis.

Peracta Missa aut Communionem, permagni refert, nosse uti illo tempore, quo apud nos demoratur Christus, & tanti

hospitis presentia frui. Neque enim tempus, ad negotia salutis agenda, magis opportunum habere possumus, quam cum ipsum, penes & intra nos habemus salutis Auctorem.

Pulcre accipie, ut solet monet Thomas de Kempis lib. 4 de Imitat. Christi. Oportet, inquit, ut non solum præpares te ad devotionem ante Communionem, sed ut etiam te sollicitè conserves in ea, post Sacramenti perceptionem. Nec minor custodia post exigitur, quam devota præparatio prius. Nam bona postmodum custodia, optima iterum est præparatio ad maiorem gratiam. ex eo quippe redditur quis valde indispositus, si statim fuerit ad exteriora nimis effusus.

Ex teipso discere, quid hic facto opus sit. Si quispiam invitasset te; sed domo jam exceptum, mox, quasi radio consortis, deferret te, & ad quæ nescio ludicra & inania se se converteret, non dignatus te familiari colloquio, aut ullo benevolentie & humanitatis officio, nonne inurbanum & indignum hoc esse diceres, detestans etiam huiusmodi amicum, utpote parum officii memorem?

Vide itaque, quid de iis dicendum, qui Deo in domum suam recepto, (qualis vero, quantusque hic hospes est?) mox illi dorsum obvertunt, & abeunt; nec curant cum eo paulisper conversari, quid hoc est, nisi vilipendere hospitem? imo etiam graviter offendere? maxime cum is sit hospes, qui venit ad te, non ut reficiatur à te, sed ut reficiat te.

Quid ergo sic properas? quid queris præter Deum tuum? plus ille te docebit, quam omnes libri; plus delectabit, quam omnes amici; plura præstabit commoda, quam omnes mundi artes, opes, scientie, &c.

Tu ergo duc hospitem in cubiculum interius, id est, cor tuum; cave à multiloquio; (ait cit. Thomas,) mane in secreto, & fruiere suavissimo hospite tuo: ipsum enim habes, quem totus mundus tibi auferre non potest.

Nos vero pro praxi facile Exerctium dabimus; idque tribus potissimum Punctis comprehensum.

I. P V N C T V M.

G R A T I A R V M A C T I O.

I. *Vt excites te ad debitam Gratiarum actionem, exerce actus vivæ Fidei; mixtis affectibus Humilitatis, Reverentia, admirationis, &c.*

O Clementissime Salvator, Christe Iesu, quam suavis es & mitis, & multæ misericordiæ, omnibus invocantibus te? Cum enim non essemus, divina Potentia *Creasti* nos: cum inimici tui essemus, è cœlo veniens mira Sapientia *Redemisti* nos: & quia sine te tam corpore, quam spiritu, vivere, moveri, & esse non possumus, immensa *Bonitate* tua, tot Sacramentis & auxiliis gratiæ nos usque *Conservas*, imo corpus & Sanguinem tuum, id est, *Teipsum*, modo prorsus admirabili, in hoc Sacramento largiris. O charitas! ô pietas! ô novum, & grande mysterium!

Tunc Deus meus, ad me venire dignaris? Rex ac Dominus summæ Majestatis, ad infimum servum? Deus ad hominem? Creator ad creaturam?

Vnde hoc mihi, ut tu Domine venias ad me? à quo abire poteras, quia homo peccator sum: quid est homo, quod memor es ejus, aut filius hominis, quia visitas eum? An nescis, quis sim ego? pulvis utique & cinis, vas sordium, esca vermium; & ad hunc tu de cœlo venis? O Deus, & Dominus noster, quam admirabile est nomen tuum in universa terra?

II. *Hic exerce actus Gratitude, & Laudationis Dei, pro tantis beneficiis.*

Quid retribuam Domino pro omnibus, quæ retribuit mihi? utinam aperiantur labia mea, & repleatur os meum laude, ut cantem gloriam tuam, tota die magnitudinem tuam; & enarrem universa mirabilia tua.

Magnificet anima mea Dominum, tot tantisque affecta beneficiis, & exultet spiritus meus in Deo salutari meo, quia respexit humilitatem servi sui, & fecit mihi magna qui potens est, & esurientem implevit bonis.

Benedic ergo nunc anima mea Domino, & omnia, quæ intra me, sunt, Nomini sancto ejus; Benedic anima mea Domino, & noli oblivisci omnes retributiones ejus; Qui propitiatur omnibus iniquitatibus tuis; qui sanat, per hujus Sacramenti virtutem, omnes infirmitates tuas, &c.

III. *Quia solus omnino non sufficis, tantis beneficiis digne prædicandis, omnes Sanctos, imo & creaturas omnes ad Deum collaudandum invita. Sicut tres Pueri in fornace ignis incolumes, omnes cæli, terræ, marisque creaturas ad Dei laudem provocabant, dicentes una voce; Benedicite omnia opera Domini Domino, &c. Sed quanto potius nos, cum eum recepimus intra nos, per quem à morte & æterni ignis incendio liberati sumus? Vnde pro Ecclesiæ ritu Sacerdotes illud Canticum post Missam recitare solent.*

Magnus es Domine & laudabilis nimis; Et quis narrabit potentias tuas, auditas faciet omnes laudes tuas? Ego quidem, etsi omnia membra mea verterentur in linguas, & omnes vitæ meæ respirationes in tui laudes & gratiarum actiones; attamen longe minor essem cunctis miserationibus tuis. Vnde agnoscens insufficienciam meam, id unum votis omnibus exopto, ut omnes Creaturæ tuæ, mecum & pro me laudent & benedicant nomen tuum in æternum.

Sed ante omnia, ô clementissime Deus, accipe laudes & gratiarum actiones, quas Filius tuus Salvator noster in assumpta humanitate ab instanti Incarnationis toto vitæ suæ decursu persolvit. Et illas præcipue, cum instituens hoc Sacramentum, & quasi jam tum agnoscens, impares nos esse gratiis tanto beneficio referendis, elevatis oculis in cælum, ad te Deum Patrem suum omnipotentem, omnium nostrum nomine tibi gratias egit.

Suscipe ô mitissime Pater, & illas gratiarum actiones, quas B. V. Vnigeniti Filii tui Mater, tibi obtulit, quando eum, quem ego ipse jam inclusum pectori meo complector, ipsa suis castissimis visceribus concepit, portavit, & peperit; Nec non & illas, quas toto vitæ suæ tempore, & potissimum, quoties jam sublatum in cælos, in Sacramento recepit, ex ardentis cordis desiderio & intima devotione persolvit.

Benedicant quoque, & laudent te omnes Angelici spiritus, qui throno Majestatis tuæ jugiter trementes adstant & cantant incessabili voce, dicentes: Sanctus; Sanctus; Sanctus.

Desidero quoque ex toto corde, ut omnes Sancti & amici tui, tecum modo regnantes in cœlis, quorum communionem credimus, meam insufficientiam compensent suis dignissimis laudibus, quas unquam hic in terris, in usu, & veneratione hujus Sacramenti devotissime obrulerunt; & quas tibi modo decantant, cum revelata facie comedunt Panem vitæ, & torrente voluptatis tuæ potantur. Participem me fac Deus omnium timentium te, & custodientium mandata tua.

O utinam pariter omnium piorum fidelium affectus, fervores, & omnia tibi in terris placentium vota, desideria & merita in me unum colligere possem; & sic tota animi intentione te amare, & honorare, pro tanto amore & honore, quo me in hoc Sacramento dignatus es.

Profiteor enim, si quotquot in mundo fuerunt, sunt, aut erunt devotorum, qui debita cum præparatione, devotione & fructu divinissimum hoc Sacramentum unquam acceperunt, vel accipient: Si, inquam, eorum omnium conatus, desideria, & grati piique affectus, in me unum concurrerent, libens sane & ultro omnia prorsus in laudem & gloriam Nominis tui, & debitam gratiarum actionem converterem. Et tamen (ingenue fateor, o Domine) nihilominus servus inutilis essem, nec condigne te laudare possem; quia major es omni laude. Sed parce mihi Domine, quia inops & pauper sum ego, & saltem desiderium pauperis, sed obsequium bonæ voluntatis non despicias. O utinam benedicant omnia opera Domini Domino, laudent & superexaltent eum in secula, &c.

II. PUNCTVM.

OBLATIO.

I. *Offer Deo Patri Filium, una cum omni ejus meritorum thesauro.*

O Pater misericordiarum, & Deus totius consolationis, quomodo dilexisti nos! Ita nimirum, ut Filium tuum Unigenitum dares; semel quidem in pretium, sed indies in cibum. Quid tibi pro tanta charitate vilis ego creatura retribuam? Hoc ipsum, quo tu nihil dignius dare poteras; ego nihil majus accipere. Ipsum, inquam, dilectissimum Filium tuum offero tibi, mi Pater, quem pro salute mea tam amanter obtulisti; & in hoc [*Sacrificio*] Sacramento, quod pro jugi illius beneficii memoria celebramus, tam gratiose [*offerendum*] sumendum dedisti.

Quem potius tibi offeram, o Pater æternæ, quam Filium tuum dilectum, in quo tibi bene complacuit? Quem alium dirigam intercessorem tibi ego reus, nisi hunc, qui est propitiatio pro peccatis meis? Advocatum pontifex Summus, non alieno sed proprio perfusus cruore, Hostia sancta; Agnus sine macula, qui peccatum non fecit; sed tulit peccata mundi, & languores nostros suo livore sanavit?

Ecce spes mea; tota fiducia mea, Christus Iesus Filius tuus Salvator meus. Noli quæso, despiciere hanc oblationem, quamvis id mereatur offerentis vilitas; sed adspice, precor, propitius, quia in infinitum major est oblatis dignitas. Respice in faciem Christi tui, qui tibi pro nostra salute factus obediens usque ad mortem in cruce pro nobis sese hostiam obtulit.

Nonne hic est innocens ille, quem, ut servum redimeres, Filium tradidisti? Recole, pie Pater, quia hic est ipse, quem, etsi ex tua virtute parem tibi ab æterno genuisti, meæ tamen carnis participem fieri voluisti, ut consors humanitatis, consortem me faceret divinitatis.

Attende in Filio, quod te moveat misereri servo; & dum dilecti Filii tibi patent vulnera, mea quæso tegantur scelerata:

lera: & quia caro mea te laceffivit ad iram, caro Filii tui te flectat ad misericordiam.

Suscipe igitur, ô sancte Pater, omnipotens, æterne Deus, sanctam hanc & immaculatam hostiam Filii tui, quam ego indignus famulus tuus tibi offero, una cum omnibus ejus virtutibus, meritis, vulneribus, cruciatibus, plagis, suspiriis, sacri sudoris ac cruoris guttis.

In unione illius amoris, quo ipse tibi in Ara crucis semetipsum obtulit, in laudem & gloriam nominis tui, in gratiarum actionem pro omnibus beneficiis tuis in me, & in totum genus humanum collatis.

In expiationem quoque peccatorum meorum; in suppletionem omnium defectuum meorum: in solatium & refrigerium omnium fidelium vivorum, & defunctorum, &c. Per eundem, quem hic offero, Dominum nostrum Iesum Christum filium tuum, &c.

II. *Offer teipsum Christo, qui se tibi tam amanter offerre dignatus est.*

O amantissime Salvator, quam magna est misericordia tua super me! quem, etsi vilem & indignum peccatorem, emisisti pretio tam magno, pretiosissimo, inquam, sanguine tuo!

Nam ut me Satanæ mancipium liberares, tu verus Dei Filius temetipsum in ara crucis Deo Patri in redemptionis pretium obtulisti: ut vero me pasceres, & confortares, temetipsum nunc in cibum dedisti.

Quid retribuam Domino, cum inops & pauper sim ego, pro omnibus quæ retribuit mihi? Visne ut præbeam tibi cor meum? Nihil æquius. Nonne Deo subjecta erit anima mea, à quo est omne salutare meum?

Omni prorsus jure animam meam sibi vendicat, qui pro mea suam posuit. Paratum cor meum Deus, paratum cor meum. Ecce animam simul & corpus meum. Accipe me totum, qui me totum fecisti; & cum totus perieram, pro me totum te dedisti.

Verum quæ commutatio, si pro te reddam me? nempe pro Domino servum? pro Deo hominem? pro Sancto &

justo impium? pro Agno immaculato sordidum peccatorem? &c.

Sed tu Domine qui dignum habuisti me, pro quo dares non alium quam te; nunc quoque, suppliciter rogo, ne avertas faciem tuam à me, neque despicias me Deus salutaris meus.

Suscipe servum tuum in bonum; qui accepisti pro me formam servi. Suscipe hominem, qui pro me factus es homo. Suscipe peccatorem, qui venisti quærere, & saluum facere quod perierat: qui es Pastor bonus, & Agnus sine macula, tollens peccata mundi.

Suscipe pariter obsequium servitutis meæ, quod oculis tuæ majestatis indignus obtuli, in unione illius sacrificii, quo tu temetipsum pro me Deo Patri in ara Crucis hostiam obtulisti.

Conjunge vile servitium meum, cum omnibus quæ egisti & passus es ex perfectissima charitate & obedientia, & cum divitiis satisfactionum & meritorum tuorum Patri æterno illud offerre digneris, ut de tua abundantia mea detur inopia, & quam ex me ipso nullatenus mereor, te mediante gratiam obtineam.

In manus tuas commendo spiritum meum, ô Domine Deus veritatis, qui me redemisti. Tibi deinceps adhærere mihi bonum est, & ponere in te Domine spem meam, Quid enim mihi sit in coelo, & à te quid velim super terram? Tu enim es pars hæreditatis meæ & calicis mei: tu es, qui restitues hæreditatem meam mihi.

III. P V N C T V M.

P E T I T I O.

- I. *Ne dubites, hic avide & instanter multa petere, tibi ipsi & proximis. Thesaurum infinitum opum cœlestium hic habes. Pete, quantum vis. Aviditas petentis liberalitatem donantis provocat. Dilata os tuum, & Deus implebit illud. Inprimis humiliter pete veniam peccatorum, negligentia*

tie quoque, & defectuum, quos in usu hujus Sacramenti admisisti.

O Clementissime Salvator, in multitudine misericordiae, & bonitatis tuæ introivi [ad altare tuum] ad mensam convivii tui, à qua conscius miseriae & iniquitatis meae, merito abstinere debueram, ne forte accessu temerario reus fierem Corporis & Sanguinis tui.

Verum tu dulcissime Dñe delicta mea, & ignorantias meas ne memineris, sed potius reminiscere miserationum tuarum Domine, ut non intres in judicium cum servo tuo, quia non justificabitur in conspectu tuo omnis vivens.

Si enim iniquitates observaveris Domine, Domine quis sustinebit? quis accedere ad mensam tuam audebit? quis ferret rigorem justitiae tuæ? aut quis subsistet in conspectu divinæ majestatis tuæ, coram quo etiam cœli non sunt mundi?

Ecce, ô Domine, confiteor adversum me injustitiam meam, tu quæso remitte impietatem peccati mei. Tibi soli peccavi, & malum coram te feci. Sed tu qui venisti peccatores salvos facere, salva me, nec projicias me à facie tua, pro cuius salute temetipsum sponte tradidisti in pretium; pro cuius alimonia temetipsum in cibum dedisti. O quanta erit fiducia peccatoris, cui cognita est tanta pietas Salvatoris!

Quid ergo, ô Christe Salvator, impedire me poterat, quo minus venirem ad te, qui è summo cœlo salutis meae causa venisti? Infirmus quidem & afflictus sum nimis; sed an ideo à facie tua fugiam?

Imo vel ideo solum ad te venio, quia infirmus sum, non enim opus est bene habentibus medico, sed his qui male habent, tu autem solus es medicus animæ meae, qui languores nostros tuo livore sanasti. Sana ergo animam meam, ô Domine, quia peccavi tibi.

Iniquitates meae sicut onus grave gravatae sunt super me: & quis alleviabit, aut quis portabit onus meum? Tu es ô Domine, Agnus Dei qui tollis peccata mundi: qui bajulasti crucem, ut nostram portares iniquitatem; qui dixisti: Venite ad me omnes qui laboratis & onerati estis, & ego reficiam vos: & cur ad te non veniam, qui solus relevare potes peccatorum meorum sarcinam?

Ego vitiis pravisque passionibus coinquinatus sum, & ideo ad te confugi: quis enim alius mundum faciet de inundo conceptum semine, nisi tu Domine, qui lavisti me à peccatis nostris in sanguine tuo? Quæso lava me ab iniquitate mea, & à peccato meo munda me.

Ego sum filius ille prodigus, & inobediens, qui à te profugus omnem consumpsi substantiam; & nunc extremam patior inopiam; quo ibo, si ad te non redeo, mi amantissime Pater? tu enim es Pater misericordiarum, & Deus totius consolationis, qui semper recipis in gratiam revertentes ad te filios, & affectu paterno foves, & amplecteris.

Ego quidem non sum dignus vocari filius tuus, sed tu nihilominus vis haberi, & esse Pater meus. Sis itaque mihi propitius & clemens, recipe exulem filium, operi nudum, refice esurientem. Quomodo miseretur pater filiorum, sic miserere mei, ô milerator & misericors Domine. Nunquid enim lætaris in morte & perditione peccatoris, qui ut ego viverem pro me dignatus es mori?

Ecce, qua fiducia ad te veni, ô Christe Salvator, quam vis sim homo peccator. Sed tu parce mihi per infinitam misericordiam tuam, si non ea, qua par erat cura, præparatione, ac devotione tremendum hoc peregi mysterium.

Memorare Domine, quæ mea substantia, spiritus quidem promptus est, caro autem infirma, & terrena inhabitatio deprimit sensum multa cogitantem. Domine ante te omne desiderium meum, & gemitus meus à te non est absconditus.

II. *Quia jam tecum habes Deum & Salvatorum tuum, Ductorem, Medicum, Doctorem, Patrem & omne bonum; Potentissimum simul ac Optimum, id est, qui & possit, & velit tibi donare omnia ad salutem utilia, ideo magna fiducia effunde in conspectum ejus cor tuum, & tribulationem tuam ante ipsum pronuntia, & operam gratiæ in necessitatibus postula.*

O benignissime Deus, cupio ex toto corde tibi servire deinceps & justitia & sanctitate, omnibus diebus vitæ meæ. Vtinam dirigantur viæ meæ ad custodiendas justificationes tuas!

Hoc

Hoc votis omnibus defidero, ut cor meum ab omnibus rebus creatis abstraham, tibi que totus uniar, ut per hujus sacramenti virtutem, ego in te, & tu in me maneas. Tibi adhærere cupio, quia tu es Deus Salvator meus, Lux, Dux, Medicus, Magister imo Pater meus, & omnia.

Vtinam exhibeam corpus meum hostiam viventem, sanctam, Tibi placentem. Vivam ego, jam non ego; vivat vero in me Christus, quem intra me ipsum habeo. Juravi ô Deus, & statui custodire judicia justitiæ tuæ.

Verum ô Domine, velle quidem adjacet mihi, perficere autem non invenio, quia in membris meis invenio aliam legem repugnantem legi mentis meæ, ut non quod volo bonum, hoc faciam. Ad te itaque, ô Domine, levavi oculos meos, quia imperfectum meum vident oculi tui.

Tu respice precor oculis misericordiæ tuæ infirmitatem meam: nam sine te nihil boni facere possumus, ex te autem est omnis sufficientia nostra. Tu itaque deduc me Domine in semitam mandatorum tuorum, quia ipsam volui.

Eripe me de inimicis meis Domine, qui parasti in conspectu meo mensam, (cujus nunc ex gratia tua factus sum particeps) adversus eos qui tribulant me. Fac mecum signum in bonum, ut videant, qui oderunt me, & confundantur, quia tu Domine adjuvisti me, & consolatus es me.

Da mihi intellectum, & scrutabor legem tuam, & custodiam illam in toto corde meo. Proba me Deus, & scito cor meum, interroga me, & cognosce & semitas meas, & vide si via iniquitatis in me est, & deduc me in via æterna; dirige in conspectu tuo viam meam; ut declinem à via, cujus novissima ducunt ad mortem.

O scrutator cordis mei, vides, quam sim fragilis & pronus ad hoc, N. vel illud, N. vitium: ego quidem lapsum cavere propono; sed tamen labor, nisi tu manum supponas; Adjuva ergo, ô Domine, infirmitatem meam gratia tua.

III. *Virtutes Christiano homine; & tuo potissimum statu, seu vocatione dignas expende. Ad easque speciale auxilium gratia per virtutem hujus Sacramenti, pete.*

O Christe Iesu, mitis & humilis corde, qui, cum in forma Dei esses, te ipsum exinanisti formam servi accipiens, ac etiamnum humilias te ad manus cujuslibet indigni Sacerdotis; qui demittis te ad species panis & vini, adeoque multis viliter & contemptim te tractari finis; da mihi, ut non sit exaltatum cor meum, neque elari sint oculi mei, non ambulem in magnis, &c. ut non altum sapiam, sed timeam.

O mi Domine, qui cum dives esses, pauperis servi formam accepisti. Inclina cor meum Deus in testimonia tua, & non in avaritiam, ut delecter in via testimoniorum tuorum, sicut in omnibus divitiis, ut habens victum & amictum, his contentus sim, &c.

O Agne immaculate, qui de Virgine nasci voluisti, da mihi puritatem mentis & corporis per illud quod hic nobis das, *Vinum* germinans virgines. Cor mundum crea in me Deus &c.

O Christe Iesu, qui ut agnus innocens ductus es ad victimam, tot injurias & opprobria passus es, da mihi spiritum patientiæ & mansuetudinis. Discam à te mitis esse, & humilis corde, &c.

O Christe Salvator, qui sitiens aceto & felle potatus es; & omnes spiritus delicias nobis in hoc sacramento parasti, aufer à me ventris concupiscentias. Da ut tibi Deo meo serviam, non ventri, aut voluptati; Aufer à me ventris concupiscentias; ne cor meum unquam gravetur crapula & ebrietate, &c.

O Domine, qui in horto cum sudore sanguinis prolixè & ferventissime orasti, fac ut laudem te ex toto corde, ne dormitet anima mea præ tædio in tuo cultu ac servitio. Redde mihi lætitiā salutaris tui, &c.

O Domine, qui ex vera charitate pro inimicis tuis orasti: fac ut diligam proximum sicut meipsum, & beneficiam his, qui oderunt me, &c.

O dulcissime Salvator & Scrutator cordium; tu nosti, quid sit in homine, qui omnes vias meas consideras. Tu scis optime quibus in hoc statu, N. officio N. in quo per gratiam tuam constitutus sum, virtutibus & donis magis indigeam.

Tribue itaque mihi gratiam tuam, qui tam copiosum gratiæ thesaurum, imo te ipsum gratiæ auctorem nobis in hoc Sacramento dedisti, & me nunc ad illius participationem tam clementer admisisti. Quæ autem non obvenient illi bona, ad quem divertere dignatur fons ipse bonorum? Ingressus aliquando in Zachæi domum, dixisti; *Hodie huic domui salus facta est.* Ingressus jam es, ô Christe, domum animæ meæ, dic ei, quæro, *Salus tua ego sum*; quia dicere tuum, est facere, & tu solus es Deus Salvator meus.

Adjuva me Deus salutaris meus, & propter gloriam nominis tui libera me, & salva me, quid est enim *Iesus*, nisi Salvator? vere non est aliud nomen sub cælo datum hominibus, in quo oporteat nos salvos fieri.

O Domine, quia tam dignanter venisti ad me, non dimittam te, nisi benedixeris mihi, tu qui aperis manum tuam, & imples omne animal benedictione.

O utinam accipiam benedictionem à Domino, & misericordiam à Deo salutari meo, quatenus eam de virtute in virtutem, donec clare te videam Deum deorum in Sion, quem nunc in Sacramento velatum, & per speculum in ænigmate video.

IV. *Pete quoque proximis tuis, his præsertim quos habes singulariter commendatos, hujus Sacrificii aut Sacramenti fructum applicari.*

O Domine, cujus viscera misericordiæ patent omnibus: qui neminem vis perire, sed omnes homines salvos fieri, ideoque pro omnibus mortem subiisti, & hoc Sacramentum instituisti: salvos fac servos tuos, Deus meus, sperantes in te: memor esto congregationis tuæ, quam possedisti ab initio.

Salvum fac populum tuum Domine, & benedic hæreditati tuæ, & rege eos, & extolle illos usque in æternum.

Subveni, quæso, famulis tuis, quos pretioso sanguine tuo redemisti. Mitte eis Domine auxilium de Sancto, & de Sion tuere eos.

Miserere parentum, fratrum, amicorum, benefactorumque meorum, & N. N. Communica iis meritum pretiosi sanguinis tui, in salutem nostram effusi; ut in vita præ-

præsenti gratiam ad serviendum & placendum tibi percipiant : & sic demum ad æternæ vitæ gloriam perveniant. & te ipso fruantur æternum, ut ope gratiæ tuæ sic vitam præsentem instituunt, ut tandem in cœlis æternæ vitæ præmia recipiant. *Adde hic etiam defunctos, &c.*

V. *Per manus & merita beatissima Virginis Mariæ pete commendari Deo Sacrificium aut Communionem tuam.*

O dulcissima Virgo Mater, quæ eundem Dominum, quem ego modo suscepi, de Spiritu sancto conceptum, in sacratissimo utero tuo portare meruisti; intercede pro me apud eundem Filium tuum, omnisque negligentiae & indignitatis, in summi hujus Sacramenti sumptione commissæ veniam mihi impetres. *Vel sic ora cum mellifluo Bernardo:*

O Mater misericordiæ, per te precor accessum habeam ad Filium, & per te nos suscipiat, qui per te datus est nobis. Excuset apud ipsum integritas tua culpam nostræ corruptionis, & humilitas tua Deo tam grata nostræ veniam impetret vanitati & superbiæ.

Copiosa Charitas tua nostrorum cooperiat multitudinem peccatorum, & fœcunditas tua gloriosa fœcunditatem nobis conferat meritorum. O Domina nostra, Mediatrix nostra, Advocata nostra, tuo Filio nos commenda, tuo Filio nos reconcilia, tuo Filio nos repræsenta.

Fac ô benedicta per gratiam, quam meruisti; per misericordiam, quam peperisti; ut qui te mediante dignatus est fieri particeps infirmitatis & miseriæ nostræ, te quoque intercedente participes nos faciat bonitatis ac gloriæ suæ, Iesus Christus, Filius tuus, Dominus noster, qui est super omnia benedictus in sæcula.

VI. *Sanctorum, & inprimis Patronorum, ope ac intercessione fructum hujus Sacrificii, aut Communionis à Deo pete.*

O Sancti Dei omnes, qui jam pertransistis hujus mortalitatis pelagus, & pervenire meruistis ad portum felicitatis æternæ; qui in carne viventes, sic Domino, serviistis, ut jam cum ipso sine fine regnetis.

Obsecro vos per vestram charitatem, securi estis de vobis, solliciti estote pro nobis. Per ipsum vos rogo, qui vos elegit, qui nunc replet in bonis omne desiderium vestrum,

strum, estote memores nostri, qui adhuc in mediis naufragii periculis versamur.

Subvenite mihi misero peccatori, qui ad portum quietis, quem vos feliciter attigistis, adspiro, ut per vestras orationes vestro tandem jungar consortio.

Sed interim, dum hæreo in via, opus mihi viatico est, ut non deficiam in via. Viaticum nostrum est Christus ipse Salvator, quo vos satiamini in patria, nos sustentamur in via, donec veniat tempus, quo vobiscum satiemur & nos ab ubertate domus Dei.

Adeste mihi, quæso, precibus meritisque vestris, ut panis ille cœlestis, & viaticum divinum, quod modo sumpsi, mihi contra omnes infirmitates, pericula & insidias præstet robur & tutamen: ut in fortitudine cibi illius ambulem per hujus mundi desertum usque ad montem Dei, & ibidem dulcissima illius fruitione vobiscum jugiter gaudeam; & Deum una vobiscum laudem per omnia sæcula. Amen.

ADMONITIO

Ad omnes Christianos, præcipuè Sacerdotes,
de pio hujus Sacramenti usu.

IN superioribus punctis ante & post Communionem, plus minusve, pro opportunitate temporis poterit exerceri pius Asceta; ne cibitam excellentis gustu fructuque fraudetur.

Vnde enim sit, ut qui divina Sacramenta toties frequentant; adhuc tam frigidi, torpentes & imbecilles maneant? Comedunt, & non satiantur; bibunt, & non inebriantur; seminant multum & inferunt parum! Nonne is qui in hoc Sacramento reipsa sumitur, est ignis consumens, jugiter ardens, & nunquam deficiens? nonne lux mundi est? nonne Caro ejus verè est cibus, & Sanguis ejus verè est potus?

Cur ergo de cibo tam pretioso & pingui non repletur sicut adipe & pinguedine anima nostra? Cur, qui pane Angelorum toties pascimur, adhuc delectamur filiquis porcorum? Cur, qui lucem & solem ipsum toties recipimus, non fulgemus? cur mores actusque nostri radii non sunt? cur mundum non illustramus? Cur, qui
ad

ad ignem tam prope & sæpe accedimus, non ardemus, cur alioquoque non accendimus?

Nimirum obiter & perfunctorie opus tam arduum gerimus; neque potius, quam affectu ducimur. Meditationem negligimus, in qua debebat hic ignis exardescere.

Hæc sæpe cogita, ô Christiane; sed tu imprimis ô Sacerdos; ne tantam Dei gratiam toties in vacuum recipias.

EXERCITIUM

mirè elegans, & efficax,

Post Missam aut Communionem.

Ex P. Antonio Molina Carth. in Instruct. Sacerd. qui asserit, hac forma utiliore excogitari non posse.

O Pater misericordiarum & Deus totius consolationis: qui ex abundantia infinitæ charitatis tuæ dedisti nobis unigenitum Filium tuum, ut omnis qui credit in eum, non pereat, sed habeat vitam æternam; utque ex immenso meritorum ejus thesauro nostra suppleatur inopia: En ego miser peccator, sed per misericordiam tuam, vocatus in societatem Filii tui: nunc quoque particeps factus sum Corporis & Sanguinis ejus. Proindeque illum jam in pectore meo complector, & tanquam rem meam, intime mihi conjunctam possideo.

Atque ut talem, in unionem charitatis, qua se ipsum olim dedit pro nobis in ara crucis, & modo se dat & communicat in Sacramento Altaris: tibi eum offero una cum omnibus meritis atque virtutibus, in æternam laudem & gloriam tuam: ut in illo tibi perfectè complacet: & nos, qui tibi placere de actibus nostris non valeamus, dilectissimi Filii tui meritis & patrocínio, perfectè placeamus.

Offero tibi Pater sanctissime, omnem ejus charitatem, religionem, obedientiam, humilitatem, paupertatem, mansuetudinem, patientiam, cum aliis omnibus virtutibus, quibus excelluit, ut totum, quod mihi deficit, per illas suppleatur.

Cum-

Cumque ego debitas tibi gratias agere nequeam, pro beneficiis in me collatis, offero tibi omnes laudes, quas ipse obtulit, cum visibilis inter homines versaretur in terra: & quas tibi nunc offert in gloria.

Cum vero satisfacere nequeam tibi pro debitis, seu peccatis meis; offero tibi omnes ejus labores, jejunia, vigiliæ, fatigationes, orationes; quidquid denique fecit aut pertulit, à primo instanti conceptionis, quousque spiritum emisit in Cruce: omnes angustias, dolores ac tormenta passionis, omnem sanguinem pro me effusum, omnia vulnera pro me accepta, ac mortem pro me toleratam.

Ecce hic est thesaurus, Pater clementissime, in quo totam spem reposui; hæ sunt divitiæ, quas offero in satisfactionem omnium debitorum meorum.

Adspice pie Pater, in faciem Christi tui, & cum sit hic Filius tuus dilectus, in quo tibi semper bene complacuit, qui mihi nunc intime conjunctus est, supplex rogo, ut me quoque respicias oculis misericordiæ tuæ. Sub ejus protectione ac tutela, sub umbra meritorum ipsius compareo coram te, ut illum præcipue intuens, me quoque clementer ac benigne respicias, tanquam mancipium ejus, & servum perpetuum.

Ne permittas, obsecro, ut pereat illa anima, quæ toties in se recipit Filium tuum, qui à te missus venit in mundum, quærere & salvum facere, quod perierat. Hoc præsta mihi per infinitam misericordiam tuam. Amen.

C A P. VI.

Alia Exercitia pro communicantibus continens.

P R A X I S B R E V I O R

Pie communicandi, tam Sacerdotibus quam Laicis, tum ante, tum post Missam, & Communionem accommodata.

I. *Dirige Intentionem.*

O Summe ac potentissime Deus, in laudem & gloriam supremæ Majestatis tuæ; in memoriam sanctissimæ vitæ, passionis, ac mortis *Iesu Christi* Salvatoris mei: In gratia-

C c

rum

rum actionem, pro omnibus donis & beneficiis tuis, mihi indigno peccatori, & toti Ecclesiæ tuæ concessis; In propitiationem pro innumeris peccatis meis, pro salute mea, & proximorum N. pro solatio quoque Defunctorum N. & ego indignus peccator SS. Corporis & Sanguinis Filii tui Mysteria recolere, seu recipere cupio. Vere Domine in Te solo totum est, quod satiare possit cordis mei desiderium. Quid enim mihi est in cœlo, & à te quid volui super terram? nonne tu ipse eris merces nostra magnanimis?

2. *Actum Contritionis exerce.*

Sed & sacrificium spiritus contribulati Tibi, mi Domine, una cum Sacrificio & Sacramento Corporis & Sanguinis Filii tui, Salvatoris mei humiliter offero. Doleo enim ex intimo corde, quod te Deum meum, summe bonum, & in me tam beneficium, ac toties in Sacramento me reficientem, unquam offenderim peccatis meis; præsertim talibus, N. & N. quæ tu nosti, ô Scrutator cordium: sed & miser ego peccator in amaritudine animæ meæ dolens confiteor. Utinam nunquam offendissem Te: sed cor contritum & humiliatum Deus non despicias, Tu qui amore nostri dedisti nobis Vnigenitum tuum, ut nos lavaret à peccatis nostris in sanguine suo.

3. *Exerce Fidem.*

Equidem credo firmiter, mi bone Iesu, & viva fide profiteor, quia Tu ipse, Deo Patri æqualis in gloria & potestate, verus Deus & homo, vere & realiter præsens es in hoc Sacramento: qui de cœlo missus venisti in terra quærere, & salvum facere, quod perierat. Ideoque vere natus es de Virgine, passus, crucificus, & mortuus, & in memoriam amoris tui Corpus & Sanguinem tuum nobis in hoc Sacramento reliquisti.

4. *Exerce Spem.*

Et quidni sperem in Te, ô summa spes & unica salus animæ meæ? aut quo fugiam, nisi ad Te, ô Iesu, unicum refu-

fugium meum? qui dixisti ore tuo sacrosancto: Venite ad me omnes, qui laboratis & onerati estis, & ego reficiam vos.

O quam dulcia faucibus meis hæc eloquia tua, Domine, super mel ori meo, ideoque venio confidenter ad altare tuum, ubi Te ipsum spe plenus accipio. Si enim Te habeam, quid non habebo? quia Tu es qui habes, & potes omnia, & bonus es super omnia.

Dominus regit me, & Nihil mihi deerit, in loco pascuæ ibi me collocavit; nempe ubi ipse Pastor bonus, qui pro ovibus suis posuit animam suam, nos pascit, non alio cibo, quam Corpore & Sanguine suo.

Quid non dabis homini, cui Te ipsum dedisti? Non patieris utique, bone Iesu, mihi aliquid ad salutem deesse, qui toties recipio, mecumque habeo Te salutis auctorem. Non utique, propter nomen tuum, quod est Iesus.

5. *Exerce Charitatem.*

Vere enim Deus Salvator meuses, & bonus es super omne bonum. Et ideo diligo Te, Christe Iesu, qui ex nimio amore mei in carnem venisti, & ad mortem usque dilexisti me, & in signum hujus amoris in Sacramento Te ipsum dedisti. Amo, inquam, Te super me ipsum & omnia, aut certe sic amare Te; & tibi soli semper adhærere vehementer desidero, utinam per virtutem Sacramenti hujus, tanta inter Te & me coalescat amoris unio, ut nihil me separare queat à charitate Christi Salvatoris mei.

5. *Renova Propositum.*

Quæ verò huic meo desiderio tuoque imperio adversantur, vel etiam quæ coelestis hujus Mannæ gustum & dulcedinem impediunt, vel ut hæc N. & ista N. sermō & sincerè cavere propono, idque ex solo amore tui. O utinam copiosa & efficax gratia tua in virtute, & unione hujus Sacramenti subveniat proposito voluntatis meæ, per se (tu nosti Domine,) tam labilis & infirmæ. Imperfectum meum vident oculi tui, ex Te verò omnis sufficientia mea.

7. *Exerce Humilitatem.*

Sed quomodo audeo accedere ad Te? Nonne tu ô Deus, Dominus, Creator, ac Redemptor meus, Rex cœli & terræ, &c. At, quis ego? Vilis terræ vermiculus, pulvis & cinis, & quod indignius est, toties erga Te inobediens & ingratus peccator, &c. Vere Domine, non sum dignus, ut intres sub tectum meum: sed memeto Domine, quia cum esses Dominus omnium, assumpta terri forma venisti ad nos, & familiariter egisti cum Publicanis & peccatoribus. Denique humiliasti teipsum usque ad mortem. Illa quæso te moveat humilitas, ut me vilem & humilem non despicias; Sed clementer ad me venias: aut venientem ad te benignè suscipias.

8. *Postula gratiam.*

Rogo te itaque, ô Pater æternæ, per vim illius fortissimi amoris, qui traxit Unigenitum tuum ex sinu tuo in Virginis uterum, ut homo fieret propter nos homines:

Rogo te per vehementiam desiderii illius, quo desiderabat in ultima Cœna manducare Pascha cum Discipulis suis; & perficere opus redemptionis nostræ: Per vim quoque illius amoris, quo sacrificium & sacramentum Corporis & Sanguinis sui in memoriam immensi amoris sui, & pignus futuræ gloriæ instituens, ipsis & nobis omnibus seipsum in cibum dedit.

Rogo te quoque per virtutem illius ardentissimæ Charitatis, qua semetipsum Tibi æterno Patri suo in ara Crucis in sacrificium & pretium pro nobis peccatoribus redimendis obtulit, ut salutari gratia tua ita me dirigas, & sacris mysteriis Corporis & Sanguinis ejus ita dignè me semper uti facias, ut copiosum inde fructum & robur contra omnes Mundi, Carnis, ac Dæmonis insidias consequar, Vitia, & hæc N. maximè fugiam.

Virtutes verò statui meo maximè necessarias, velut Charitatem, Humilitatem; Puritatem, N. & N. diligentius exerceam, & fidelius Tibi in dies servire studeam.

9. *Offer Te ipsum & omnia Deo.*

Quid enim aliud retribuam tibi Domine pro omnibus quæ retribuisti mihi? Nonne vitam meam, corpus & animam, & omnia tibi debeo, qui donasti gratis omnia, imo ipsum Filium tuum, qui pro me vitam & animam suam posuit?

Vere Domine me totum Tibi debeo, qui reo redimendo innocentem Filium totum impendisti. Utinam possem exhibere corpus meum hostiam viventem, sanctam, Deo placentem. Utinam anima mea tibi vivat, & omnia mea serviant tibi. Ecce paratum cor meum Deus, paratum cor meum. Tu, quæso Domine, qui animum potius quam manum respicis, servum pauperem ne despicias; non habentem, quod gratius offeram Tibi, ferentem duo minuta, id est, corpus & animam meam, quæ in tuum obsequium & omne beneplacitum pure ac plane resigno.

10. *Iunge oblationem aut Communionem tuam cum oblatione & meritis Christi.*

Tu vero, mi dulcissime Redemptor, Advocatus & Mediator apud Deum Patrem, ne despicias me, sed oblationem indigni peccatoris, una cum sanctissimis operibus tuis, in suprema charitate factis, æterno Patri propitius offer & commenda.

Conjunge hoc officium servitutis meæ cum pretiosissimo illo sacrificio, quo te Deo Patri in eminentissima charitate & obedientia in ara Crucis obtulisti.

Ecce Domine inops & pauper sum ego; tu vero dives in meritis & miserationibus, sed quibus divitias bonitatis tuæ potius, quam miseris peccatoribus cumulasti? Succurre ergo paupertati meæ ex immenso thesauro meritorum tuorum, & ex abundantia infiniti amoris tui perface omnes actiones meas. Et nunc præsertim præparationis & devotionis meæ circa hæc tremenda Mytheria nimis exiguæ, & insufficientis defectum clementer adimple.

II. *Deo Patri representa merita Filii.*

O Pater æterne, respice in faciem Christi tui. Ecce hic est Filius tuus dilectus, in quo Tibi bene complacuit: & tamen dilexisti Mundum, ut Filium tuum unigenitum dares pro mundi salute. Nimirum ut servum redimeres, Filium tradidisti; illum quoque pro nobis Advocatum apud Te & Mediatorem esse voluisti, ut quod nostris non possumus, ipsius meritis apud Te consequamur. Illius sacrificium in Cruce pro nobis oblatum, illius opera & merita ut perfectissima sunt, ita non possunt Tibi non esse gratissima.

Vtinam illius abundantia meam suppleat inopiam, ut ob honorem & amorem Filii gratum quoque nunc habeas tibi tam vilis obsequium.

I 2. *Sanctos, maxime Patronos invoca*

Ad vos quoque, ô Sancti & Amici Dei supplex confugio. Te inprimis, ô sanctissima Dei Mater, Virgo & Patrona mea, quæ gratia plena Deum & hominem purissimis visceribus tuis meruisti portare.

Et vos, o Sancti N. & N. Patroni, mihi singulariter electi & dilecti. Vos modo videtis illum facie ad faciem, & pleno ore manducatis panem illum, quem nos non nisi per speculum in ænigmate adspicimus, & speciebus velatum cipimus. Vtinam vestro interventu adjutus hoc cœlesti pane & viatico digne sæpius reficiar in via, ut tandem vobiscum eo satiari merear in patria. Amen.

PRAXIS BREVIS PIE CELEBRANDI
& Communicandi Sacerdotibus & Laicis, tum ante,
tum post Missam ad Communionem utilis.

Observa hic actus precipuarum Virtutum.

O Dulcissime Salvator Christe Iesu, Adoro te in toto corde meo: & Gratias ago tibi ex intimis visceribus animæ meæ, quod tanta charitate nos misere perditos redemeris pretio Sanguinis tui. Et in hujus Amoris tui memoriam, nec non pignus futuræ gloriæ, tam admirabili Potentia.

tentia, Sapientia & Bonitate dederis nobis in cibum & potum ipsum Corpus & Sanguinem tuum. Denique ad hæc divina Myſteria, me viliffimum peccatorem in numerum tuorum [*Sacerdotum*] fervorum tuo innaffabili clementia vocare dignatus fis.

Sed heu infelix ego homo, qui hætenus tam indigne vocatione mea vixi, & toties; & tam graviter te *Deum* meum offendi peccatis meis (præſertim his N.) At nunc de iis *doleo* ex intimo corde meo; ob *Amorem* tui ſuper omnia; & deinceps Tibi ſoli ſervire, placere, & adhærere propono.

Proindeque nunc accedens ad Menſam Convivii tui, ex omni affectu cordis mei tibi [*hoc ſacrificium Miſſæ*] digniffimam hoſtiam Corporis & Sanguinis tui, quam tu ipſe ſemel pro nobis in Ara Crucis obtuliſti, pura & ſimplici Intentione, *offero* ad laudem & gloriam *Æternæ* Majeſtatis tuæ; In memoriam ſacratiffimæ Incarnationis, Vitæ, Paſſionis, ac Mortis tuæ.

In gratiarum actionem pro omnibus donis & beneficiis, toti cœtui Electorum, & mihi, licet indigniſſimo, hucusque præſtitis; vel unquam præſtandis: In propitiationem peccatorum. Pro ſalute quoque Fidelium Vivorum. N. Et ſolatio Defunctorum N.

Et utinam ex omni affectu, fervore, & deſiderio Amicorum tuorum, ſeu jam regnantium in cœlis, vel adhuc militantium in terris, hoc tam grande tuæ pietatis opus peragere poſſem, (*vel potuiſſem.*)

Corde ſiquidem *Credo*, mi *Ieſu*, & ore confiteor, quia Pater *Æternus*, *Deus* ſeiſpo ſumme beatus, potens, perfectus, & nullius egens ſecundum infinitam miſericordiam ſuam ſic dilexit Mundum, ut te Filium ſuum Vnigenitum nobis daret Salvatorem.

Credo quoque, quod Tu ipſe Patri *Æqualis* per omnia, ex vi immenſæ charitatis tuæ de ſinu Patris deſcendiſti in uterum Virginis, & propter nos homines *Homo factus es*.

Credo, quod ex amore noſtri hoc Sacramentum in ultima Cœna inſtituens, verum Corpus & Sanguinem tuum, id eſt, Teipſum nobis ad manducandum dediſti. Et denique

que Patri tuo factus obediens usque ad mortem, temerarium ipsum pro nobis hostiam in Ara Crucis obtulisti.

Ideoque *Spero* in te, & magna fiducia venio ad te, ô Domine, qui nostri causa tam mira facere; & tam dira pati voluisti. Quid enim negabis, qui sic amasti, ut te ipsum dares.

Amo te quoque, ô Bone *Iesu*, ex tota virtute cordis mei, & semper deinceps, & in æternum amabo; si tu dederis.

Sed quid retribuam tibi Domine, pro tanto munere, & pro omnibus quæ retribuisti mihi? Ecce *Abnego* meritum ipsum & totum me, id est Corpus, Animam, & omnia mea in omne beneplacitum benignissimæ voluntatis tuæ plene resigno.

Verum quid habeo, quod non acceperim? Quid est homo, si comparetur Factori suo? Quid vilis Creatura, vermis terræ, miser peccator, & servus inutilis præstare poterit Deo, Creatori ac Domino suo?

Agnosco quia inops & pauper sum ego: ideoque *Humilio* me sub potenti manu tua. Tu vero ô Domine *Iesu*, utpote Advocatus & Mediator meus, dives in meritis, & miserationibus, suscipe causam meam.

Et ex thesauro immensæ charitatis tuæ fer opem inopiæ meæ: & pretium Sanguinis tui, omniumque meritum tuorum repræsenta Eterno Patri tuo; & hinc supple omnem defectum meum, præcipue hujus meæ, heu, nimis modicæ & imperfectæ præparationis, qua ad hæc SS. Mysteria venio; ut sic Ei per Te placeat obsequium indignissimæ servitutis meæ.

Fac etiam, o Bone *Iesu*, per omnes miserationes tuas, ut hoc tremendum Mysterium & admirabile donum charitatis tuæ, debita semper Fide, Reverentia & Gratitude prosequar: idque puro & ardenti corde nunc & semper recipiam: Statum hunc quoque meum N. ad quem me ex singulari gratia vocare dignatus es, Charitate, Castitate, Humilitate, Mansuetudine, Patientia, Sobrietate, &c. Moribusque tibi placitis, & [*Sacerdote,*] fideli servo tuo dignis excolere studeam. Idque ut servitus mea magis tibi placeat: Ad majorem gloriam tuam, Ecclesiæ utilitatem, & propriam, proximique salutem:

Vnde tandem supplex obsecro, ut per virtutem Corporis & Sanguinis tui abstrahas cor meum efficaciter ab omnibus noxiis affectibus, N. qui gustum ac fructum hujus Sacramenti impediunt, & intime tibi unias & incorpores, ut gustem quam tuavis sis Domine, & unus tecum efficiar spiritus, ut tu in me, & ego in te maneam; adeoque nihil sit, quod me unquam separare valeat à te. Nam tibi adhærere mihi bonum est, &c. Quid enim mihi est in Cœlo, & à te quid volui super terram? ô pars mea Deus in æternum!

Modus brevis & utilis excitandi affectus ante
& post Communionem.

Ex P. Christ. Mayer.

A Mabilis *Iesu*, Deus cordis mei, unde mihi indignissimo peccatori tanta dignatio, tantaque dilectio tantæ Majestatis, ut me oculis misericordiæ tuæ tam benigne respicere, tam amanter visitare, tam misericorditer reficere, tam paterne fovere, tam suaviter, efficaciter, mirabiliter, ad gloriam mihi prædestinatam, ut spero, deducere hucusque digneris?

Benedicta sit in æternum infinita Bonitas, Charitas, & Misericordia tua, qua me ingratum, cum Patre & sancto Spiritu ab æterno sic dilexisti; decernendo me cum Electis omnibus sic Creare, Redimere, Dotare, Vocare, Conservare, Glorificare: qua me in tempore quoad corpus, & animam sic Creasti, Conservasti, Dotasti, tanto pretio lacrymarum, sudoris, & sanguinis tui pretiosissimi, olim Redemisti; tam liberaliter idem pretium mihi applicasti & nunc applicare non desinis, sic justificando, sic vocando, sic præservando, sic te mihi uniendo, sic ad bravium gloriæ invitando.

Agnosco, & amplector charitatem tuam æternam erga me, omnesque Electos tuos, atque illorum, omniumque creaturarum possibilium possibili affectu medullitus gratias ago.

Agnosco, & detestor ingratitudinem meam tantam erga te, atque intime Doleo: teque Dominum meum, ac Deum meum simili affectu Adoro, Laudo, Glorifico: in centrum

nihili mei infra omnes me dimitto, & Majestati tuæ inclino; cum gratia tua sola sim id, quod sum.

In te, ô infallibilis Veritas, Credo: in te, ô unica spes mea mihi plane diffidens Spero: te Amo, & amabo super omnia in æternum, ô Fons omnis boni infinite amabilis: Gaudeo de omni perfectione, beatitudine, gloria, & beneplacito tuo; meque tibi usque in mortem, & annihilationem mei Resigno: totus tuus esse, & in æternum permanere desidero: sicut tu totus meus esse dignaris; omnem vitam meam obsequio tuo gratis offero, & infinitas vitas, si haberem, lubens offerrem.

Omnia pia desideria te glorificandi, quæ unquam habui, renovo, prava revoco, ac detestor, & contra voluntatem meam esse, ac fore protestor. Utinam te sic semper amassem, & nunquam offendissem, nec offenderem posthac in æternum!

Doleo de omnibus peccatis meis, quia tibi quem diligo super omnia, displicent: cupio & propono serio emundare omnia, maxime hunc particularem defectum, N. & novo fervore me totum tuo impendere servitio, conando omnia agenda perfectè facere, maxime hanc virtutem exercere, N. aut reformare hanc actionem ordinariam, N.

In satisfactionem me totum tuo offero beneplacito: veniam cum finali gratiâ precor, & spero per te, bone *Iesu*, in cujus meritorum abyssum me demergo.

Tu æterna charitate tua supplere digneris omne imperfectum meum, per tua sanctissima merita: meq; tuo in omnibus conforma beneplacito, & gratiam efficacem largire, hos defectus emendandi, has virtutes exercendi, aut actiones ordinarias reformandi, & perseverandi in vocatione, & gratia tua usque ad finem: ut Te, ô *Iesu*, in quem credidi, in quem speravi, quem dilexi in via, cum Electis omnibus videam: amem, laudem, glorificem æternum in patria.

II. Pereandem charitatem tuam, qua cum Patre, & Spiritu sancto sic dilexisti mundum, ô bone *Iesu*, memento, & miserere totius Ecclesiæ tuæ sanctæ, ejusque Caput, Prælatorum, Principum, Pastorum: Statuum Ecclesiasticorum, Sæcularium, Religiosorum, omniumque qui maxime

xime possunt gloriæ tuæ, & salutis animarum prodesse, & ac obesse;

Parentum item, Fratrum, Benefactorum, & Amicorum meorum, qui se mihi commendarunt: qui me contristaverunt, aut quos ego contristavi, offendi, juvare neglexi, quos per me indignum in viam salutis dirigere decrevisti, omniumque vivorum & defunctorum, pro quibus mori dignatus es.

Horum omnium propitius miserere, defunctis requiem, vivisque gratiam concede, ut tibi perfectissime, sicut scis, & vis, placeant, per merita B. Virginis *Mariæ*, Matris tuæ, & omnium Sanctorum, quæ tibi tuis unita offero, ut ea repræsentantes Æterno Patri, (una enim omnibus desideriis, conatibus & obsequiis meis, valde imperfectis,) cui olim obediens factus usque ad mortem, nunc gloriosus Pontifex assistis ad interpellandum pro nobis.

Pater respice in faciem dilecti Filii tui, & per eum misere nobis, gratiam largiens, ut te cum eodem dilecto Filio tuo, & sancto Spiritu cognoscamus, amemus, laudemus, & glorificemus, cum omnibus Electis tuis nunc, & in æternum.

Miserere nostri Domine, miserere nostri, & adjuva nos, sicut nosti nobis necesse esse in corpore, & anima. scis omnia, potes omnia, qui vivis, & regnas in sæcula.

III. O Regina Sanctorum omnium, sancte Angele custos, omnes sancti Patroni mei, pro omnibus beneficiis nobis collatis, & conferendis in æternum, Magnificate Dominum mecum, & exaltemus nomen ejus in idipsum.

EXERCITIUM PECULIARE.

Pro Sacerdotibus ante Missam.

O Summa & adoranda Trinitas, una, vera, & æterna Deitas, Deus, Creator, Salvator, & Gubernator meus; summe potens, sapiens, bonus, justus & misericors; ego creatura tua, quamvis indigna, te laudare; & tibi servire desidero; quia ad laudandum te creatum, & singulari gratia tua vocatum me recognosco. Sed quis tu? Deus ac Domi-

Dominus omnium : Rex cœli & terræ ; magnus & laudabilis nimis : ego vero vilis terræ vermiculus , pulvis & cinis , & quod indignius , toties erga te inobediens , & ingratus peccator : & quomodo ausim venire ad sacrificandum tui & confitendum nomini tuo, Domine ?

Verum sacrificium tibi gratum est , spiritus contribulatus , cor contritum & humiliatum Deus non despicias. Doleo itaque ex toto corde, quod unquam offendi te, ô Deus meus, & Summum Bonum meum. Averte faciem tuam a peccatis meis : & respice in faciem Christi, Filii tui unigeniti : hic est enim dilectus , in quo tibi bene complacuit , quem tantis gratiæ donis tam large cumulasti, ut de plenitudine ejus nos omnes acciperemus.

Ego itaque licet indignus peccator, attamen, per gratiam tuam Sacerdos & servus tuus, offero Tibi, ô summe Deus, sacrificium Corporis & Sanguinis Domini mei Iesu Christi : adque facere summopere desidero, ex omni affectu, fervore, & desiderio, quo illud unquam obtulerunt Sancti tecum nunc gaudentes in cœlo , aut offerunt pii etiamnum viventes in terra.

In unione quoque immensæ illius charitatis , qua sic dilexisti mundum, ut Filium tuum unigenitum nobis dares : In unione amoris , quo *ipse* de sinu tuo venit , in uterum Virginis, & *Homo factus* est. In unione sacrificii admirabilis, quod idem Unigenitus tuus, in ultima Cœna, coram Discipulis suis instituit, & tandem in Crucem oriens consummavit.

Et simul offero tibi pretium sanguinis ejus , cunctosque labores, dolores, & omnem thesaurum charitatis ejus : Merita quoque beatissimæ Matris ejus : omnem fidem , spem, & charitatem Iustorum : omnem humilitatem, & mortificationem verè Pœnitentium : omnes gratiarum actiones, & laudes , quas tibi universa Ecclesia , tum militans in terris, tum triumphans in gloria persolvit.

Et primo quidem illud offero ad summam divinæ & æternæ Majestatis tuæ gloriam, cultum , & adorationem , tibi velut supremo Deo, Domino, ac rerum omnium auctori debitam. In honorem quoque & commemorationem sacratissimæ Humanitatis, Incarnationis, Nativitatis, Passionis, Mor-

Mortis, Resurrectionis, & Ascensionis Domini nostri Iesu Christi.

Deinde offero tibi hoc sacrificium in gratiarum actionem, pro tam admirandis donis, & charismatis sanctissimæ humanitatis Filii tui Iesu Christi collatis : Et pro pietate illa magnanimis, qua illum nobis in Patrem ac Magistrum, Advocatum ac Mediatorem dedisti : Pro innumeris gratiarum donis, & virtutibus, quibus ornasti beatissimam Virginem, Filii tui Matrem, sanctos Angelos, & omnes Electos tuos ; & inter cæteros Sanctum N. vel SS. quorum hodie festum seu memoriam celebrat Ecclesia : Item pro omnibus beneficiis tuis & auxiliis gratiæ, toti congregationi Fidelium tuorum, in genere vel in specie collatis ; & iis maxime, quibus prædestinatos prævenis, & prosequeris, eosque efficaciter in finem suum dirigis.

Peculiares quoque gratias, per hanc gratissimam oblationem Filii tui, ago tibi ; pro omnibus beneficiis tuis, mihi à principio vitæ meæ, in hanc usque horam tam liberaliter præstitis ; præcipue vero, quod me indignum peccatorem, nullo meo merito, solo beneplacito bonitatis tuæ, ad hoc officium Sacerdotale, ipsis etiam Angelis venerabilibus, ad hæc inquam, sacrosancta Mysteria Corporis & Sanguinis Filii tui tractanda, & dispensanda, inter ministros tuos assumere dignatus fueris, ad laudem & gloriam nominis tui ; & ad fidelis populi salutem.

Præterea, quia Filius tuus est propitiatio pro peccatis nostris, & totius mundi : offero etiam tibi, ô summe Deus, hoc sacrificium, in expiationem peccatorum, & satisfactionem, pro injuriis, contumeliis, blasphemis, & peccatis omnibus, quæ passim in toto mundo fiunt, contra gloriam Nominis tui, heu, quam multa & gravia ! sed major est apud te misericordia ; & copiosa apud Filium tuum redemptio ; imo copiosior omnibus mundi criminibus satisfactio ejus : En sanguis Filii tui clamat ad te de terra ; utique non vindictam, sed veniam. Parce Domine, parce populo tuo, quem redemit Filius tuus sanguine suo.

Denique quia in hoc sacrificio ipsum omnis gratiæ fontem, & omnis nostræ salutis auctorem tractamus, offero
tibi

tibi hoc sacrificium Filii tui, ut per ejus sanguinem & nomen petentes impetremus, quod nostris meritis non valeamus.

Propter hunc itaque respice Ecclesiam sponfam ejus, eamque tibi sine macula & fuga speciosam exhibe; fidem, spem, charitatem ei adauge; Persecutorum & hostium ejus contere superbiam. Hæreses & sectas extermina. Populis à fide alienis veritatis tuæ lucem infunde; eosque adduc in ovile tuum: ne pereant tot animæ, ad imaginem tuam creatæ, & sanguine Filii tui redemptæ.

Provide Ecclesiæ tuæ Præfules & Pastores fideles; seu operarios strenuos, & irreprehensibiles, qui solliciti vigilent in custodia gregis sibi commissi, & exemplo Filii tui summi Pastoris, etiam non dubitent animas suas ponere pro ovibus suis.

Da universis, quos in clerum seu Religiosæ vitæ statum vocare dignatus es, morum ac vitæ sanctimoniam, zelum pro honore tuo, & proximorum salute, in eis accende, ut fideles inveniantur ministri tui, & dispensatores mysteriorum Dei.

Supplico tibi etiam, ô Rex Regum, pro Regibus, Principibus, & Magistratibus Christianis; ut des eis pacem & concordiam, zelum & amorem justitiæ, fidelem subditorum curam; in fide, & Ecclesia tuenda constantiam.

Respice propitius super omnes congregationes illis commissas; & omnia membra Ecclesiæ & Politicæ clemens protege; ut qua quisque vocatione vocatus est, in ea tibi digne & laudabiliter serviat. Da justis perseverantiam; Profluentibus fervorem; sed præcipue peccatoribus pœnitentiam. Tu enim non delectaris in perditione morientium, sed ut mortui viverent, Filium tuum mori voluisti. Trahe ergo ad te peccatores funiculis charitatis tuæ; nec enim venire poterunt, nisi charitas tua traxerit illos.

Exaudi, ô clemens, eorum inprimis vota & desideria, quorum mihi cura singulariter incumbit: velut parentum, cognatorum, amicorum, benefactorum, & inprimis eorum, quorum animæ mihi commendatæ sunt: & de quibus aliquando rationem exiges à me. Dirige omnes, quæso, in

viam

viam salutis æternæ, ut te donante tibi placita cupiant, & tota virtute perficiant.

Intuere omnes tentatos, ægros in angustiis & periculis positos, esto benignus consolator afflictiorum, & Pater pupillorum; clemens quoque Iudex Viduarum; & Protector omnium Fidelium Christianorum, quia ad te sunt oculi omnium, donec miserearis eorum. Inimicis quoque nostris parce Domine; fac ut ament te super omnia; proximos propter te.

Respice quoque ad animas in Purgatorio detentas (N. & N. quibus tu scis me magis obligatum.) sit illis plenum refrigerium, per hoc magnum salutis nostræ pretium, id est, sanguinem Filii tui, cujus una guttula cuncta totius mundi sufficiens est expiare delicta.

Ecce Domine, quia voluisti me fungi Sacerdotio, pro his omnibus legatione fungor apud te: omnes à me expectant elevationem manuum mearum, sacrificium hoc incruentum: utinam dirigatur, sicut incensum in conspectu tuo.

Verum ô Domine, quia sum ipse circumdatus infirmitate; quomodo laudabo te, cum non sit speciosa laus in ore peccatoris? aut quomodo pro alienis peccatis intercessor veniam, qui de propriis non sum securus? Ecce itaque unicus advocatus, & Mediator noster, qui & condigne laudet te, & interpellat pro nobis Filius tuus. Ille Agnus innocens, in quo macula non est, nec dolus inventus est in ore ejus. Ille clamans ad te, meretur exaudiri, pro reverentia sua. Ille infinitum tibi thesaurum & pretium exhibet, pro votis, necessitatibus, angustiis, & periculis omnium, pro quibus ipse tibi factus est obediens usque ad mortem; & velut Pastor bonus posuit animam suam.

Per eum itaque da & mihi, ut hunc Statum, ad quem me vocare dignatus es, virtutibus illi debitis ac necessariis, velut charitate, zelo, castitate; mansuetudine, humilitate, &c. diligenter excolam. Tu me fac, qualem me tibi vis habere ministrum; Iuva Domine, & quod vis, jube. Quis enim mundum ex immundo faciet? nonne tu, qui ex nihilo facis omnia?

Ideo quero te Domine ex intimo corde meo, ut per

vir-

virtutem Corporis & sanguinis Domini nostri Iesu Christi jungas, & incorpores me illi intime, ut unus cum ipso efficiar spiritus, ut ille in me, & ego in ipso maneam; nec quicquam sit, quod me nunc, aut in æternum separare queat charitate, quæ est in Christo Iesu Domino nostro. Amen.

Poterant hic quoque ex Thoma de Kempis lib. 4. de Imitatione Christi, seligi orationes & exercitia spiritui plenissima ad Missam & Communionem pie instituendam. Sed libellus iste passim est in manibus omnium, & nova etiam cura, in gratiam piorum per nos adornatus, auctus, & illustratus: inde petat cui lubet.

Ad Sacrum faciendum prævia oblatio S. Bonaventuræ.

ECce cœlestis Pater, recolens mortem illam unigeniti Filii tui Domini nostri Iesu Christi, offero tibi hanc hostiam, quam ipse olim obtulit pro mea & totius mundi salute. Ecce ad altare tuæ majestatis transmitto oblationem vivam, quam tu in miseratione multa misisti ad altare crucis immolendam pro nobis. Recordare ergo illius sacrosancti sudoris, quasi guttæ sanguinis decurrentis in terram.

Respice illam virgineam carnem, verberibus crudeliter flagellatam, colaphis & alapis cæsam, livoribus tumidam, sputis maculatam, sanguine cruentatam, spinis perforatam, clavis confixam, lancea vulneratam.

Illa ergo pietas, quæ Filium tuum traxit & vicit, ut in statera crucis totius mundi peccata libraret, ipsa te cogat Pater misereri nobis miseris. Respice obsecro non nostra peccata, sed in faciem Christi tui. Non enim in justificationibus nostris præces nostras prosternimus, sed in multitudine miserationum tuarum.

C A P. VII.

De modo pie audiendi Missam.

ADMONITIO de EXCELLENTIA,
Utilitate & Reverentia sacrificii Missæ.

Qui Missam indies non audit, vel etiam non facit, cum potest vel utrumque negligentius facit, is dignitatem & utilitatem tanti sacrificii, vel ignorat, vel certe, non ut par est, æstimat.

In Missa enim totum salutis nostræ pretium, & omnis meritorum Christi thesaurus cuius Christiano proponitur; & præcipua fidei & redemptionis nostræ mysteria renovantur.

Incurius ergo salutis suæ, in Deum quoque ingratus, & ad pietatis officia nimium languidus convincitur; qui beneficium redemptionis suæ sæpius pia mentis meditatione, & grato in Deum affectu non recolit: adeoque opes pretio tam magno, id est, Christi sanguine partas, & tanta vitæ Christianæ præsidia negligit.

Frequentem utique Passionis suæ, & gratam amoris sui erga nos memoriam Salvator à nobis requirit, cujus tam nobile, & præstans monumentum Ecclesiæ suæ reliquit, dicens: Hæc quotiescunque feceritis, in mei memoriam facietis.

Itaque non erit abs re, hic quedam annotare, quæ & tanti sacrificii dignitatem, ac utilitatem palam faciant, & fidelibus majorem ejus reverentiam studiumque concilient.

Quis enim fidelium, ait S. Gregorius lib. 4. Dial. cap. 56, habere dubium possit, in ipsa immolationis hora ad Sacerdotis vocem cœlos aperiri; in illo Iesu Christi mysterio Angelorum choros adesse, summis ima sociari, terrena cœlestibus jungi; unumque ex visibilibus atque invisibilibus fieri?

Confirmat hæc Chrysost. lib. 6. de Sacerd. Per id tempus, inquit, quo sacrificium peragitur, & Angeli Sacerdoti assistunt, & cœlestium potestatum universus ordo clamores excitat; & locus altari vicinus in illius honorem, qui immolatur, Angelorum choris plenus est: Id quod credere abunde licet, vel ex tanto illo sacrificio, quod tunc peragitur.

Nimirum, Dominum suum sine satellitum obsequio relinquant beati illi, & administratorii Spritus, & velut aulici tanti Regis?

Sed audi sententiam mirabilem, attamen verissimam, quam habet auctor valde pius & doctus, P. Antonius Molina, lib. de Just. Sacerd. Tract. 3. cap. 9. Si charitas, inquit, qua omnes omnino sancti jam inde ab orbis principio arserunt, & ex hoc in finem usque ardebunt, si merita cunctorum & præconia Deo facta cumulentur; si tormenta Martyrum, qui heroïca fortitudine vitam & sanguinem pro Christo fuderunt: si virtutes Confessorum, Patriarcharum, Prophetarum, Monachorum, Eremitarum, cæterorumque

omnium, qui alio genere Martyrii magis prolixo, & certa quadam ratione magis difficili seipfos cruciaverunt, & jejuniis, vigiliis, oratione rebelles fregerunt appetitus.

Denique si jungantur omnia obsequia Deo præstita, quamvis gratissima, præterita, præsentia, futura: non tam perfectam laudem & honorem complectentur, quam vel ea sola Missa, quam Sacerdos humilissimus & pauperrimus celebravit.

Et ne sine ratione loqui videatur, addit: Ratio hujus est, quia in omni Missa Christus est principalis Sacerdos, qui ut talis, actu ipsum offert sacrificium: Munus vero Sacerdotis est colere Deum. Vnde in Missa Christus est, qui maxime colit & honorat Patrem, ut defectum nostrum suppleat.

Et certum est, omnes simul creaturas non tantum posse deferre Deo, quantum Filius Dei, adeo ut sacrificium Missæ, tum ex parte ejus, qui offert, tum illius, qui offertur, excedat maxime omnem religionem & cultum, qui à qualibet creatura posset vel conjunctim exhiberi.

Quapropter (*ut merito addit idem auctor*) videant Sacerdotes, quam ingentes divitias manibus suis complectantur. Pudor & ignominia est, esse, qui facillime, & ob rem nihili, tantæ magnitudinis thesauro se & alios spolient. *Ita prædictus Auctor, æque gravis ac religiosus.*

Confidera jam, (*inquit Cardin. Bellarminus*) quam sit triste & deplorandum, videre Sacerdotem divina Mysteria peragentem, Angelorum choris undique septum, qui ad ea, quæ ipse operatur & loquitur, stupent ac tremunt, & præ admiratione ingentes clamores excitant, & tamen Sacerdos in medio positus, totus frigidus, & quasi stupidus non attendit, quid agat; non intelligit, quid loquatur, & ita properat ad finem, ita signa involvit, ita verba præcipitat, quasi latronibus à tergo insequentibus urgeretur. Clamamus in Sacramento altaris Christum ipsum esse præsentem, & interim nonnulli ita sacra tractant Mysteria, quasi nihil minus verum esse putarent. *Vide Bellarum. Con. 9. Dom. 4. Advent. Et lib. 1. de Arte bene mor. c. 14.*

Sed & reverentia tantis Mysteriis debita etiam alii memores esse debent, qui Missæ utiliter interesse volunt. Valde enim deplorandum

dum est, inter Christianos reperiri, qui corpore presentes in templo, mente simul & oculis vagentur; fabulas misceant, nugas & jocos versent, adstent velut spectatores alicujus comœdiæ: nec ullam habeant eorum, quæ sacerdos, sacris operans, agit, ac exhibet, rationem. Quid turpius homini Christiano, quam Christi Redemptoris sui tormenta spectare tam irreverenter & indevotè?

Quid indignius, quam sacrificio dolorum Christi, & acerbissima Passio ejus, renovari memoriam, redemptionis, inquam, nostræ beneficium recolere, & hominem Christianum tam exiguo debito gratitudinis & pietatis affectu adstare; & quod est indignius, non tantum immemorem beneficii, sed & injurias, contumeliasque, risu scilicet, fabulis, jociisque, tam pio benefactori regerentem. Quid hoc est aliud, quam, ubi peccata expiari debebant, novis vetera cumulare; & cum magna sui perniciæ in venenum medicamenta convertere.

Quam male hæc hominum perversitas cum loci sanctitate coheret! Domum enim Dei decet sanctitudo, quippe quam inhabitat Sanctus Sanctorum. Dixeris, non credere tales, magnum illum cœli & terræ Regem, Dominum, mortuorum ac vivorum judicem, esse in hoc Sacrificio præsentem: nam cum eum laudent Angeli, adorant Dominationes, tremant Potestates, ipsi fabulis, nugisque vacant. S. Chrysost. aliique Patres, non aliter fere vocant hæc Mysteria; quam horrenda, quam tremenda, quibus Christiani non sine tremore interesse debeant.

Hinc est ergo gravis illa Concilii Tridentini admonitio. Quanta, inquit, cura adhibenda sit, ut sacrosanctum Missæ sacrificium omni religionis cultu ac veneratione celebretur, qui- vis facile existimare poterit, qui cogitaverit maledictum eum in sacris literis vocari, qui facit opus Dei negligenter.

Quod si necessario fatemur, nullum aliud opus adeo sanctum ac divinum à Christi fidelibus tractari posse, quam hoc ipsum tremendum Mysterium, quo vivifica illa hostia, qua Deo Patri reconciliati sumus, in altari per Sacerdotes quotidie immolatur: Satis etiam apparet, omnem operam & diligentiam in eo ponendam esse, ut quanta maxima fieri potest, interioris cordis munditia, & puritate, atque exteriori devotionis ac pietatis specie peragatur. Sess. 22. cap. de Missa.

Hunc itaque in finem dabimus hic Exercitia aliqua, & diversos modos pie & utiliter audiendi Missam; ut inde quisque felicius, quod magis arriserit, vel ut, qui plures uno die Missas audire cupit, varietate ipsa subinde renovet spiritum, & pellat fastidium, quod crebra unius repetitio parere posset.

Porro qui priore modo, id est, applicatione Passionis Dominicæ uti voluerit, sciat necesse non esse, ut singulis Missæ partibus, singula meditationes ex aequo respondeant, (quamvis id satis commode fieri possit, iuxta modum hic præscriptum.) sed uni aut alteri, pro suo quisque affectu, insistere potest, non intermissa interim spirituali Communione.

MODVS SEV PRAXIS PIE

audiendi Missam, per exercitium Passionis Dominicæ.

Cum sacrificium Missæ sit viva & vera representatio illius Sacrificii cruenti, quod Christus in ara Crucis, sui Corporis & Sanguinis immolatione, Patri æterno obtulit & consummavit:

Optimus, & gratiæ plenissimus modus audiendi Missam est, mystica sacrificii hujus actione, ad Dominicæ passionis articulos applicata, opus redemptionis nostræ pio mentis affectu recolere.

Nam etsi Christus ipse hic principalis offerens, & oblatio: Sacerdos tamen Christi personam gerit, unde & habitus seu vestimenta ejus, & tota Missæ actio cum Christi passione similitudinem habent.

Ac 1. Tonsura significat spineam coronam.

2. Amictus, velamen illud, quod oculis Christi obtentum est.

3. Linea tunica, vestem albam, qua ab Herode ad ludibrium indutus est.

4. Cingulum, funes, quibus medius constrictus est in horto.

5. Manipulus, vincula quibus sacra manus tanquam hominis nefarii adstrictæ sunt.

6. Stola, funes, qui collo ipsius divino injecti sunt, cum crucem bajulans ad montem Calvarie duceretur.

7. Casula, vestem purpuream, quæ data est Christo in domo Pilati.

8. Crux in casula, eam crucem, quam Christus gessit, & in qua pro nobis pendendit.

9. Calix,

9. Calix, *acerbum dolorum calicem, quem nostri caussa libens exhaust.*

10. Sacri panni, *qui explicantur in altari, Sindonem, lintamina, quibus sacrum Christi corpus involutum est.*

EXERCITIUM PRIMVM

Pie audiendi Missam.

I. PRÆPARATIO AD MISSAM.

Interim dum expectatur Sacerdos, induens, & præparans se ad sacrificium, recordare, ô anima mea, quanto desiderio adventum Messie in carnem venturi Patres olim expectaverint.

O Pater æterne, qui sic dilexisti mundum, ut Filium tuum Unigenitum dares pro redemptione nostra; quid pro tanto munere & amore retribuam tibi? Ecce ipsum Filium tuum Unigenitum; quo nihil tibi charius, nihil nobis pretiosius.

O quot suspiriis, quàm ardentibus votis desideratus ipse fuit cunctis gentibus! donec tandem missus à te formam servi accepit, & mortali carnis nostræ tunica indutus, maiestatem Deitatis obtexit; deque Virginis utero in mundum prodiit: & tibi factus obediens, usque ad mortem, nos ab æterna morte redemit.

Ecce Domine tam immensæ, tantæ charitatis opus in hoc Missæ sacrificio, in tuam *Gloriam*, & Filii tui *Memoriam* recolere cupio. Tu quæso Domine, posside ac rege cor meum gratia tua, ut pie, religiose, ac decenter id faciam, ut placeat tibi hoc obsequium meum, & profit animæ meæ.

Subjungi posset hic & sequentibus articulis; omnibus aut aliquibus, pro opportunitate & arbitrio cujuslibet, sequens

ASPIRATIO AD CHRISTVM,

Quæ Exercitium nobilissimarum virtutum continet.

O Domine quanta fecisti, & qualia passus es, ex vi immensi amoris tui erga me! Sed quid ego retribuui? aut quid retribuam?

Doleo ex intimo corde meo, quod unquam offenderim te, qui tantoperè dilexisti me.

Credo, in te viva fide, ô æterna veritas; quia tu ipse es Deus & homo, Dominus & Salvator meus.

Spero in te Domine, ô unica spes, & vera salus animæ meæ.

Amo te quoque super omnia, ex toto corde meo, ô summum Bonum meum, utinam absorbeat me ardentissima vis amoris tui, ut nihil unquam separet me à charitate Christi Iesu Salvatoris mei. Quid enim mihi est in cœlo, & à te quid volui super terram?

II. AD CONFSSIONEM.

Quare Sacerdos ad pedem altaris humiliter inclinatus, inter Ministros facit.

Aspice uti Christus, assumptis Discipulis, & totius mundi peccatis, ad montem Oliveti, procidens in faciem suam oret, & ob passionis & mortis imminenti angorem, sed magis peccatorum nostrorum horrorem, fiat sudor ejus, tanquam gutta sanguinis decurrentis in terram.

Et ego ulterius offendere te potero peccatis meis? ô dulcissime Domine? qui tanta fecisti, & talia passus es, &c. ut supra.

III. AD OSCVLVM ALTARIS, & Introitum Missæ.

Vide ut Christus, velut Agnus mansuetus, benedicti oris sui osculum porrigit impio proditori; & sic amoris signo hostibus introeuntibus in hortum traditur.

Et ego pro vana creatura, tradam aut deseram Te, mitissime Domine, qui tam charum habuisti me, ut pro me de manibus hostium liberando, in manus impiorum tradi volueris?

IV. AD KYRIE ELEISON.

Idest, Domine miserere: Quod ternis vicibus repetitur, Considera Petrum, qui post tam speciosâ promissâ constantia & fide.

fidelitatis, Dominum suum ter abnegavit: nec resipuit, nisi postquam misericors Dominus eum respexit.

Ecce speculum humane miserie. Tam facile labimur; sed non resurgimus, nisi Dei misericordia succurrat. Hec itaque sæpe, imo semper imploranda. Hoc indicat tam crebra repetitio, Kyrie eleison; quia res ardua est, & maximum opus divine misericordie, peccatorem converti, & resipiscere. Sed ô quantum hinc Angelis gaudium, super uno peccatore pœnitentiam agente! id commodè subsequens Hymnus monebit Angelicus.

Heu misericordissime Iesu, quam & ego inconstans & lubricus fui in bonis propositis! quoties & ego, immemor promissi, cum Petro negavi te Domine! At quam raro lacrymis veri doloris deflevi peccata mea! O si & hoc cum Petro valeam; & deinceps in bono perseverans exilarem Angelos, & una cum illis cantem tibi: Gloria in excelsis Deo.

V. AD COLLECTAM, Epistolam & Graduale.

Cogita collectas populi adversus Christum accusationes, consilium in domo Caipha, variasque, quas hic passus est, injurias, sputa, alapas, illusiones. O mansuetissime Domine, quanta fecisti, &c. ut supra.

VI. AD EVANGELIUM.

Quod à dextera ad levam transiens Sacerdos legit.

Aspice ut Christus à Caipha ad Pilatum transeat; examinetur ab impiis de doctrina & Discipulis; accusetur ob predicatum Evangelium, ideoque multis injuriis & contumeliis afficiatur.

O Sapientissime Domine; de cœlo venisti Magister, ut viam Dei in veritate doceres, & nos à terris in cœlum duceres. Ut vero perfectius impleres munus tuum, prius cœpisti facere, quam docere. Et tamen calumniam pateris! mera erat in verbis tuis veritas; in factis probitas; in omni conversatione synceritas; (quis enim poterat arguere te de peccato?) Et nihilominus tu Dominus, Magister, & Iudex omnium, ab impiis & iniquis judicari, & reprobari sustines!

Vtinam ego corde bono, & fertili suscipiam semen verbum
seu Euangelii tui, & fructum multum adferam in patientia.

VII. A D O B L A T I O N E M.

*Cogita, ô anima mea, quomodo Christus à Pilato ad Herodem,
ab hoc rursus ad illum mittitur; ubique illuditur, contemnitur, &
reprobatur.*

O speciose præ filiis hominum, ô desiderium & expectatio
Genitum. Tunc sis modo opprobrium hominum, & ab-
jectio plebis, in quem desiderant Angeli prospicere: in quo
Æternus Pater sibi bene complacuit! oblatus es, quia ipse
voluisti pro nobis, & heu, sic despiceris! Ecce Domine,
Ego me totum offero tibi, ne quæso despicias me, qui te to-
tum dignatus es offerre pro me.

VIII. A D L O T I O N E M M A N U V M, & Orate fratres.

*Cogita Christum innocentem à Pilato lotionem manuum declara-
ri; exhiberi populo; sed à rabidis illis canibus mortis reum clama-
ri, & latrone Barabba pejorem estimari.*

O quoties & ego creaturam perverso affectu præposui
Deo creatori meo! O innocentissime Domine quanta feci-
sti, &c. ut supra.

IX. A D P R Æ F A T I O N E M.

*Expende vehementem Christi dolorem, & cruciatum animi,
cum ingens illud odium, & extremam Iudeorum rabiem videret,
qua, dum Pilatus ejus dimissionem omnibus modis quæreret, ab im-
piis ad crucem mortemque postulabatur, &c.*

Nonne tu es Domine, cui paucis ante diebus ingredientem
urbem, applauserant omnes, canentes, Hosanna, Benedictus
qui venit nomine in Domini? Nonne tu es cui canunt An-
geli; Sanctus, Sanctus, Sanctus? heu tristis & subita cata-
strophe! scilicet, disceam à te Domine, favoribus humanis
inniti; Confidere in filiis hominum, in quibus non est salus:
Quin tibi soli adhærere mihi bonum est, & ponere in te
Domine spem meam, &c. O patientissime Domine, quanta
fecisti, &c. ut supra.

X. A D C A N O N E M.

Adspice ut Christus ab impiis ministris, crudeliter nimis flagellatur, spinis coronatur, à Pilato traditur crucifigendus, mox gravi ligno crucis onustus, multo labore scandit montem Calvaria, &c.

Heu Domine, quonam te deduxit grandis mea iniquitas, & immensa tua charitas? Flagella iracundiæ tuæ ego merueram: & tu innocens pro me flagellaris! Æterna me crux manebat; tu eam derivas in humeros tuos. Vere dolores nostros tu tulisti Domine, & languores nostros, ipse portasti! &c. O clementissime Domine, quanta fecisti, &c. ut supra.

XI. A D E L E V A T I O N E M.

Cogita Christum elevari in crucem, & coram omni populo conspicuum & nudum exponi.

O Christe Iesu, adoro Te, qui exaltatus es è terra, ut omnia trahas ad te ipsum. Video enim te extensis in cruce brachiis, quasi nos amplecti cupientem, & clamantem: Venite ad me omnes, qui laboratis & onerati estis, & ego recipiam & reficiam vos.

O Domine, si segnius ego ad te venio, trahe me, Iesu, funiculis charitatis tuæ, quam moriens in cruce monstrasti. Scire, & querere Iesum, & hunc crucifixum, sit mihi summa & sola voluptas. Absit mihi gloriari, nisi in cruce Domini mei Iesu Christi, &c.

O Pater æterne, ecce hic est Filius tuus dilectus, in quo tibi bene complacuit; Respice in faciem Christi tui, & averte faciem tuam à peccatis meis; propter quæ Vnigenitus tuus humiliavit semetipsum, Tibi factus obediens, usque ad mortem Crucis. Ecce hic est Advocatus noster, apud te, & propitiatio pro peccatis nostris. Ipse enim peccata nostra pertulit in corpore suo super lignum: & livore ejus sanati sumus. 1 Pet. 2.

Percutio itaque cum Publicano, ex intimo dolore cor meum tantis peccatis obnoxium; quæ sola ad tanta supplicia traxerunt Vnigenitum tuum. Per hunc ergo propitius sis mihi peccatori.

Ecce vox sanguinis Filii tui clamat ad te de terra, non vindictam, sed veniam. Passio & mors ejus sint mihi procor in remedium & remissionem peccatorum meorum Poenæ, & vulnera Corporis ejus, medela fiant animæ, &c.

XII. AD ORATIONEM DOMINICAM,

Quæ septem petitionibus constat. Cogita, ô anima mea, septem ultimæ & sanctissima Verba, quæ Christus in cruce protulit.

1 *Pater noster qui es in cœlis, sanctificetur nomen tuum.*

O Da mihi Domine, ut te Patrem omnium nostrum colam, amem, & proximum meum propter te, vera & sincera dilectione complectar: Sicuti tu docuisti nos exemplo tuo, pendens in Cruce, & pro inimicis moriens & orans, *Pater ignosce illis.* O mirus & rarus amor! O si imitemur, qui Christi nomen profitemur! Nemo sanè magis honoras nomen tuum, id est, Christianum probat, quam qui exemplo & amore tui, etiam inimicos diligere didicit.

2. *Adveniat Regnum tuum.*

Illud, inquam, cujus consortium Latroni in cruce promissisti, dicens, *Hodie mecum eris in Paradiso.* Vtinam vocem illam suavissimam audire merear in hora mortis meæ.

Da mihi Domine Fidem, Spem, & Pœnitentiam Latronis; & ab auditione mala non timebit cor meum.

3. *Fiat voluntas tua, sicut in cœlo & in terra.*

Vis nempe ô Iesu, etiam charissimos tuos consortes esse crucis tuæ; imo vis hoc signum esse, & indicium amoris tui. Ecce in dulcissima Matre tua, & Discipulo, quem diligebas, id agnoscere licet. Testes erant & spectatores crucifixionis tuæ: sed heu, quo cruciatu cordis tui?

Nempè ut hic doloris gladius tam dilectas animas, etiam cha-

charissimæ Matris, perfoderet, id tuæ voluntatis erit: Sed & hoc quoque; ut solatium non deesset afflictis.

Vnde dicebas: *Mater, ecce Filius tuus*, & ad Discipulum: *Ecce Mater tua*. Impar quidem commutatio, ut pro Filio Dei, Mater reciperet filium Zebedæi, &c. Sed quia hæc fuit voluntas tua, acquievit & Mater.

O Domine, Ecce tuus sum ego; vis me socium passionis tuæ? paratum cor meum Deus: Vis etiam consolationis? paratum cor meum. Fiat in me omnis voluntas tua. Nam quam in cœlis, id est, Electis tuis, & tibi amantissimis fieri voluisti; cur ego detrectem? Placere tibi in omnibus cupio: & parere per omnia, sed adde gratiam. Pati tecum non recuso: sed auge patientiam.

4. *Panem nostrum quotidianum da nobis hodie.*

Sienim tu Domine, non reficias me, utique cito deficiam. Domine qui pascis me à juventute mea, usque in senectam & senium, & cum defecerit virtus mea, ne derelinquas me. Memento quia causâ mei clamasti ad Patrem, quasi derelictus in angustiis, *Deus meus, ut quid dereliquisti me?* Ad te sunt oculi omnium, & tu das illis escam & robur in tempore opportuno. Ego quoque clamo ad te in fame & angustia mea. Si tu me despicias, quis respiciet? Si me deseris, quis recipiet? Si me repellis, quis reficiet?

5. *Et dimitte nobis debita nostra.*

Quia ideo tam copiose profudisti sanguinem tuum, ut copiosa nobis esset redemptio, & pretio tam magno exsolveres debita nostra, quæ nemo solvere poterat, nisi tu. O amor, o desiderium salutis nostræ! Vnde languens amore, totusque jam exsanguis & arens in cruce clamans, *Sitio*, sed quid, nisi calicem Passionis & mortis, ut eo funditus exhausto, plene dilueres debita seu delicta nostra?

Et ne nos inducas in tentationem.

Sed, ut Pastor bonus, duc & rege nos velut oves pascuæ tuæ: & ut Mediator noster commenda nos Æterno Patri tuo

tuo servandos, cui tu moriens teipsum commendasti dicens *Pater, in manus tuas commendo spiritum meum.* Ne finas Domine nos perire, qui venisti quærere, & saluum facere quod perierat.

7. *Sed libera nos à malo.*

Quorsum enim tot labores, sudores, & dolores totius vitæ tuæ? quorsum totum Redemptionis opus, quod à te in Cruce *Consummatum* esse dixisti, nisi ut nos liberemur ab omni malo: gaudeamus in te Vno vero, & Summo Bono; Outinam mihi detur illo frui. *Amen, Fiat, ô Christe Iesu; Fiat ô salus & vita, & pars mea Deus in æternum.*

XIII. AD DIVISIONEM HOSTIÆ,
& Agnus Dei.

Cogita separationem animæ Christi à Corpore, id est, mortem, quam ille velut Agnus innocens ad occisionem ductus pertulit, ut tolleret peccata mundi. Item descensum ad inferos, &c.

O Domine, tune Auctor vitæ moreris, ut ego mortis reus vivam? quis mihi tribuat, ut mundo & carni moriar, & tibi soli vivam? & liberatus de profundo inferni, tecum exultem in gloria? ô Domine, quanta fecisti! &c. *ut supra.*

XIV. AD COMMUNIONEM.

Dnm Sacerdos sacra Mysteria sumit, cogita corpus Christi imponi sepulcro, & tu quoque eum repone in pectore tuo; Et ad hoc spiritualem Communionem institue: qui vivis Fidei, Spei, Charitatis actibus potissimum constat. Ecce praxin:

Adoro te, Domine Iesu, viva & vera fide. in hoc Sacramento, corpore & anima, carne & sanguine, vi mirabilis potentia, sapientia, & bonitatis vere præsentem; & spero in te fons omnis bonitatis & misericordia, non enim sum dignus; ut intres sub tectum meum, sed tantum dic verbo, Tu qui solo nutu potes omnia; & sanabitur misera & languens anima mea.

Amo te Domine tam amantem mei, ex toto corde meo, super me & omnia: & ideo cupio sumere te modo, saltem spiritualiter, per os Sacerdotis hujus, Ministri tui; qui ad-

stans

stans altari tuo, offert nunc sacra mysteria pro nobis omnibus; ut manducem te, & muter in te, & unus tecum efficiar spiritus, ut nihil me separet à te, sed in æternum adhæream tibi.

Fac, ô Domine, per hæc mysteria, tanta charitatis tuæ munera, ut sacrum Corpus tuum aromatis, & beno virtutum odore condiam, & sindone puræ conscientiæ involutum in cor novum mundumque reponam, utinam tu in me & ego in te jugiter maneam, & requiescam, &c.

XV. AD POST COMMVNIONEM,

Christum à morte resurgentem, & multis apparentem cogita.
Vtinam & ego nunc à morte peccati vere resurgam, & deinceps tecum, in novitate vitæ ambulem. Mortuus enim es propter delicta nostra, & resurrexisti propter justificationem nostram. O Domine, quanta fecisti! *ut supra.*

XVI. AD ITE MISSA EST,

benedictionem, & Euangelium S. Ioannis.

Cogita quod Christus munere redemptionis humane jam plene perfunctus, velut gloriosus Triumphator cælos adscendat, & Apostoli accepta Christi benedictione, euntes in mundum universum, predicent Euangelium omni creature, &c.

O gloriosissime Iesu, egone mente defixus, in terris hærebo, qui te Patrem meum in cælis esse cognosco? Tu me tecum duc in altum, ut quæ sursum sunt, quæram & sapiam, non quæ super terram. Da, ut conversatio mea sit in cælis.

O Christe Iesu, qui in cælo, tanquam in throno Majestatis tuæ resides, & tamen in altari præsens esse, & per manus hujus Sacerdotis offerri dignatus es; laudo, adoro, & amo te, ex toto corde; sed non dimittam te, nisi benedixeris mihi.

Esto Mediator noster, ubi es ad dexteram Dei sedens; & Patrem indefinenter interpella pro nobis: ostende ei sanguinem & vulnera, & omnia merita tua; quomodo ibi poterit esse repulsa, ubi tot sunt charitatis insignia? O Domine, quanta fecisti! &c. *ut supra.*

CAP. VII.

ALIVS MODVS

Piè audiendi Missam.

VNum è præcipuis Christianæ pietatis officiis est, Missæ Sacrificio, devote & frequenter adstere. Inprimis ergo excita teipsum ad attentionem & reverentiam consideratione divine Majestatis, ubique quidem sed hic maxime præsentis.

Deinde junge & conforma Intentionem tuam intentioni Sacerdotis: id est offer cum eo hoc Sacrificium, & fac, quantum licet, quod ipse facit, sic enim & tu quoque particeps eris Corporis & Sanguinis Domini.

Tanta siquidem est virtus hujus sacrificii, ut qui præsentem Intentionem suam cum Sacerdotis intentione conjungunt, simul cum sacerdote, de sacrificio participant; cibique divini gustum & fructum percipiant: non secus ac membra corporis, ad quæ per os cibis & alimonia defertur.

Est enim Sacerdos velut os, interpres, atque legatus populi Christiani: ipse alloquitur Deum, orat, laudat, sacrificium pro salute populi totius offert; eorum maxime, qui Missæ sacrificio præsentem, & sacrificanti sunt intentione conformes.

Id patet ex Canone, in quo dicit Sacerdos: Memento Domine, &c. & omnium circumstantium, quorum tibi fides cognita est, & nota devotio, pro quibus tibi offerimus, vel qui tibi offerunt hoc Sacrificium laudis, pro se, suisque omnibus, pro redemptione animarum suarum, pro spe salutis, & incolumitatis suæ, tibi que reddunt vota sua æterno Deo, vivo & vero. Ecce quæ sit Sacerdotis hoc sacrificium offerentis Intentio; Eadem si quoque tua sit, & vis, virtusque sacrificii tua quoque erit.

FOMVLA FORMANDI

intentionem ante Sacrum audiendum.

Ex P. Christ. Mayer.

SVscipe S. Trinitas unus Deus hoc sacrosanctum Sacrificium Corporis & Sanguinis Domini nostri Jesu Christi, quod ego indignus servulus tuus una cum sacrificiis omnibus

bus tibi unquam oblatis aut offerendis, unitum sanctissimo Sacrificio ab eodem Domino nostro in ultima cœna & ara crucis oblato, per manus Sacerdotis offero divinæ majestatis tuæ, omni possibili pietatis affectu, ex puro amore tuæ infinitæ bonitatis, secundum sanctissimam ejusdem Domini nostri & S. Matris Ecclesiæ intentionem.

1. Ad maximam æternamque divinæ majestatis tuæ gloriam, amorem, beneplacitum.

2. Protestationem supremæ excellentiæ & dominii tui, & nostræ subjectionis, & dependentiæ à te.

3. In perpetuam commemorationem passionis ac mortis ejusdem Domini nostri.

4. In honorem augmentumque gloriæ B. Virginis, totiusque curiæ triumphantis.

5. In gratiarum actionem æternam pro omnibus beneficiis sanctissimæ humanitatis Domini nostri, B. Virgini matri ejus, patronis meis, omnibus beatis & prædestinatis, & mihi indignissimo hucusque collatis, & conferendis in æternum.

6. In satisfactionem peccatorum meorum, omniumque fidelium vivorum & defunctorum.

7. Singulariter offero pro his N. N. vel pro hac gratia obtinenda. Secundario pro his N. N. mihi peculiariter commendatis, omnibusque pro quibus orare soleo & te-neor, ad impetrandam defunctis requiem, vivisque gratiam te agnoscendi, amandi, glorificandi nunc perfecte in via, olim beate in patria. Suscipe & perface hoc desiderium meum, uberemque ad pie id complendum, gratiam & benedictionem largire. Amen.

FORMULA BREVISSIMA

excitandi contritionem & devotionem; & renovandi intentionem cum petitione gratiæ ante Missam.

Ex Eodem.

O IESV infinite amabilis, qui ex voluntate Patris, coo-perante Spiritu sancto, non semel tantum te mihi in focum, edulium, sacrificium, pretium, præmium dare dignatus es, sed quotidie denuo offerre dignaris; quanta tua est

est erga me ingratum liberalitas, charitas, misericordia quanta mea erga te ingratitudo, stupiditas, malitia, qui tot & tanta mala, & peccata reddo pro tot & tantis bonis? deleo de his . . . & omnibus totius vitæ peccatis, pure propter te infinite bonum à me offensum. Cupio omnia emendare, & pro omnibus satisfacere, sicut vis. Supple, ignosce, recipe me in pacis osculum per lacrymas, sudorem, & sanguinem tuum, & hoc sanctum Sacrificium.

O si divinissimo huic Memoriali passionis tuæ, monumento potentia, sapientia & bonitatis tuæ, & compendio omnium mirabilium tuorum assistere possem ea attentione, devotione, reverentia, quam exigit tuæ divinæ majestatis præsentia, tot Angelorum assistentium frequentia, tot mysteriorum, quæ hic geruntur, magnificentia.

Desidero id præstare, mi Deus, ex totis præcordiis meis, ad maximam tuam gloriam, amorem, beneplacitum, in gratiarum actionem omnium beneficiorum, in satisfactionem peccatorum meorum, omniumque fidelium, pro his N. N. omnibusque vivis & defunctis, ad impetrandam iis veniam, gratiam, gloriam.

Quod ut digne præstare possim, da obsecro mihi copiosam gratiam, & benedictionem, per merita tua, B. Virginis matris tuæ, & omnium Sanctorum.

ORATIO ANTE MISSAM.

Clementissime Pater misericordiarum, & Deus totius consolationis; qui sic mundum dilexisti, ut Filio tuo unigenito non parceres; sed eum in passione ac morte acerbissimæ crucis nostræ reparationi impenderes, quin etiam ejus oblationem tibi gratissimam, ad renovandum illius in nobis fructum, in Ecclesia tua quotidie renovari velles; tribue nobis; quæsumus, huic tam admirando & salutari, divinæ tuæ potentia, sapientia ac bonitatis mysterio, tam attente, reverenter, & devote interesse, ut cruenti illius sacrificii participationem, per hujus incruenti oblationem quam efficacissime consequi valeamus. Per eundem Dominum.

*Signo sanctæ Crucis te consignans, cum Sacer-
dote sic incipe :*

In nomine Patris, &c.

Psalmus XLII.

Iudica me Deus, & discerne causam meam de gente non
sancta : ab homine iniquo & dolofo erue me.

Quia tu es Deus fortitudo mea : quare me repulisti, &
quare tristis incedo, dum affligit me inimicus ?

Emitte lucem tuam & veritatem tuam : ipsa me deduxerunt
& adduxerunt in montem sanctum tuum, & in tabernacula
tua.

Et introibo ad altare Dei : ad Deum qui lætificat juventu-
tem meam.

Confitebor tibi in cithara Deus, Deus meus : quare tristis
es anima mea, & quare conturbas me ?

Spera in Deo, quoniam adhuc confitebor illi, salutare vul-
tus mei, & Deus meus.

Gloria Patri, &c.

Introibo ad altare Dei : ad Deum qui lætificat juventutem
meam.

Adjutorium nostrum in nomine Domini : qui fecit cælum
& terram.

Confessio generalis.

Confiteor Deo omnipotenti, &c.

Hymnus Angelicus.

Gloria in excelsis Deo, & in terra pax hominibus bonæ
voluntatis. Laudamus te, Benedicimus te, adoramus te,
glorificamus te.

Gratias agimus tibi propter magnam gloriam tuam. Do-
mine Deus Rex cœlestis, Deus Pater omnipotens. Domine
Fili unigenite, Iesu Christe

Domine Deus, agnus Dei, Filius Patris, qui tollis Pec-
cata

cata mundi, miserere nobis. Qui tollis peccata mundi, suscipe deprecationem nostram: qui sedes ad dexteram Patris, miserere nobis.

Quoniam tu solus Sanctus. Tu solus Dominus. Tu solus Altissimus, Iesu Christe, cum Sancto Spiritu in gloria Dei Patris. Amen.

Ÿ. Dominus vobiscum.

R. Et cum Spiritu tuo.

Hæc formula in Missa sæpius repetitur, quæ Sacerdos & fideles assistentiam divinæ gratiæ sibi mutuo imprecantur, ut ea præsentate divinis mysteriis peragendis magis fiant idonei.

DE COLLECTA.

COLLECTA dicitur oratio, in qua Sacerdos totius populi, vel Ecclesiæ necessitates & pericula, seu vota & desideria, quasi Collecta Deo repræsentat. Vnde dicit, Oremus; quasi adstantes invitet ad hanc orationem conjunctis votis animisque faciendam.

ORATIO AD COLLECTAM.

OMnipotens, sempiternæ Deus, te suppliciter oramus, ut respicere digneris de excelso Sanctuario tuo, super congregationem nostram, & Ecclesiæ tuæ preces, pro nobis omnibus ad te, Sacerdotis hujus ministerio, destinatis clementer acceptes, & exaudias.

Ideoque pro immensa tua misericordia, largire nobis peccatorum nostrorum veniam, integritatem mentis, incolumitatem corporis, necessariam vitæ sustentationem: pacem in diebus nostris, aëris temperiem, fertilitatem terræ.

Catholicæ fidei unitatem, extirpationem hæresium, confiliorum iniquorum destructionem, orthodoxæ religionis incrementum, charitatis ac pietatis fervorem, sinceram animi devotionem, tolerantiam, longanimitatemque in afflictionibus, in spe gaudium. Omnia denique ad salutem tuam animæ, tum corporis utilia, sed ad tuæ inprimis gloriæ augmentum idonea. Per Dominum.

A D E P I S T O L A M,

Graduale, &c.

Quæ fere ex Prophetiis, aut Apostolicis scripturis desumuntur; auscultata diligenter; velut si Apostolum, aut Prophetam ipsum docentem, monentem, vel arguentem, &c. audires.

Vnde magnus videtur abusus, & non levis jactura pietatis, & utilitatis publicæ, in officio solemnæ lectionem hanc epistolicam (velut & orationem Dominicam, Symbolum, &c.) vix inceptam mox abrumpere, & tam veteris Ecclesiæ instituti non nisi umbram quandam servare. Porro si lectionem hanc percipere nequeas, orabis interim hæc modo.

O Æterne Deus, qui nunquam desinis nos indignos famulos tuos publico Ecclesiæ tuæ ministerio, Apostolicis, Prophetiis, aliisque sacris doctrinis, & monitis, ad cultum & amorem tui Nominis excitare, & adversus mundi, carnis, & demonis insidias præmunire:

Da quæsumus, ut salutaria dogmata, ac monita omnes ex animo semper amplectamur, eisque mores, & omnem vitam nostram serio conformare conemur.

Et ne tandem nobis ad cumulum damnationis cedat, viam veritatis, seu voluntatem tuam, per tot interpretes, ac præcones tuos congnoisse, & non fecisse: da nobis gratiam & vires, ut quæ facienda toties cognoscimus, efficaciter facere valeamus. Amen.

A D E V A N G E L I V M.

EVANGELIUM ex prisca & pia traditione stantes audire consuevimus. Primo, in testimonium reverentiæ Christo velut præsentanti & docenti exhibendæ.

Deinde, ut profiteamur alacres nos esse Christi Discipulos ad ejus doctrinam tum auribus excipiendam; tum moribus exorimendam.

Denique, ut ostendamus nos, velut milites sub Christo duces, arma militiæ nostræ, quibus contra hostes nostros pugnamus, exinde & doctrina Christi petere, & pro ejus veritate tuenda paratos esse quidvis agere & pati.

CRUCIS signum ad frontem, os, & pectus, tum antea, tum post Evangelii lectionem formari solitum, admonet nos in excipendam esse Christi doctrinam, ut eam & complectamur corde; & loquamur ore, & opere profiteamur.

Deinde, ut curemus ne volucres cæli, id est, spiritus illi aëris nostræ salutis hostes, bonum doctrinæ Evangelicæ semen abripiant; aut sæculi forsitan curæ, velut spina, illud suffocent, ut fructum facere nequeat.

Porro, quod Sacerdos recitaturus Evangelium, transeat a dextera ad sinistram, indicat Iudæis, tamquam genuinus, primum prædicari debuisse Evangelium: sed illis non recipientibus, Apostolos conversos esse ad Gentes.

ORATIO AD EVANGELIUM.

Domine Iesu Christe, qui à Deo venisti Magister; & viam Dei nos in veritate docuisti, olim quidem visus in terris, & cum hominibus conversatus: hodie etiam per Evangelistarum scripta, & præcones verbi tui docere non cessas.

Da nobis intellectum capacem salutaris doctrinæ tuæ. Accende & affectum zelo sapientiæ cælestis: & doce nos facere voluntatem tuam; ut fidem, quæ ex auditu Evangelii nascitur, & quam lingua nostra loquitur; etiam moribus vite fateatur; ne ad cumulum culpæ & pœnæ nobis cedat, scivisse voluntatem Domini, & non fecisse: utrumque enim opus est solius gratiæ tuæ, ut sciamus & faciamus, quia ex nobis servi inutiles sumus; ex te autem est omnis sufficientia nostra.

Post lectum Evangelium.

Laus tibi Christe, qui per te ac Apostolos tuos, Evangelium orbi prædicare, ac incredulos veræ fidei luce illustrare dignatus es.

Evangelio subjicitur Symbolum, seu professio fidei; recte quidem, quia fides est ex auditu verbi Dei, & magna multitudo gentium ex prædicatione Evangelii fidem Christi amplexa est. Recita illud una cum Sacerdote, sed vivo fidei & pietatis affectu: sic enim excitabis in te ardentem in Christi fide zelum, adeoque constantiam & perseverantiam. Nihil quoque potentius ad excitandum

tandum in nobis Dei amorem; quam si vigeat in nobis viva fides eorum, quæ in Symbolo continentur.

SYMBOLVM NICÆNVM.

Credo in unum Deum, Patrem omnipotentem, factorem cœli & terræ, visibilium omnium & invisibilium.

Et in unum Dominum Iesum Christum, Filium Dei Unigenitum, & ex Patre natum ante omnia sæcula Deum de Deo, lumen de lumine, Deum verum de Deo vero. Genitum, non factum, consubstantialem Patri: per quem omnia facta sunt.

Qui propter nos homines, & propter nostram salutem descendit de cœlis. Et incarnatus est de Spiritu sancto ex Maria Virgine. *Et homo factus est.* Crucifixus etiam pro nobis sub Pontio Pilato, passus & sepultus est.

Et resurrexit tertia die secundum Scripturas. Et adscendit in cœlum: sedet ad dexteram Patris. Et iterum venturus est cum gloria, iudicare vivos & mortuos, cujus regni non erit finis.

Et in Spiritum sanctum, Dominum & vivificantem, qui ex Patre Filioque procedit. Qui cum Patre & Filio simul adoratur, & conglorificatur: qui locutus est per Prophetas.

Et unam sanctam Catholicam & Apostolicam Ecclesiam. Confiteor unum Baptisma in remissionem peccatorum. Et expecto resurrectionem mortuorum, & vitam venturi sæculi. Amen.

*Cum sacerdos ad oblationem se præparat,
ita precare:*

Domine Iesu Christe, Fili Dei vivi, & gloriosæ Virginis; in memoriam & laudem immensæ charitatis tuæ, qua te nobis totum in altari Crucis impendisti: Ecce præsens Missiæ sacrificium, sicut & alia omnia, quæ per Sacerdotum manus toto orbe celebrantur, hodie offero tibi repræsentanda. Eterno Patri tuo, in unione & efficacia illius oblationis,

qua ipse in cruce moriens sacrosanctum Corpus & Sanguinem tuum pro mundi salute obtulisti.

Fac ut ejusdem Corporis & Sanguinis tui oblatio; quæ in mysterio hic renovatur, & incruento modo sub specie panis & vini peragitur, ut fructum suum efficaciter obtineat: adeoque vivi inde gratiam, fideles defuncti requiem, & hi, pro quibus sacrificium offertur, misericordiam ac vitam consequantur æternam.

Sit quoque hoc ipsum Sacrificium, quod fructum passionis & mortis tuæ in se continet, pro innumeris beneficiis tuis in nos collatis gratiarum actio, & pro infinitis peccatis commissis, ac bonis omissis, pœnisque promeritis propitiatio & satisfactio salutaris. Qui vivis & regnas, &c.

Alia.

Suscipe sancta Triniras hanc oblationem, quam una cum Sacerdote, tibi offerimus ob memoriam Passionis, Resurrectionis, Ascensionis Iesu Christi Domini nostri.

Et in honorem beatæ Mariæ semper Virginis, & beati Ioannis Baptistæ, & sanctorum Apostolorum tuorum Petri & Pauli, & istorum, & omnium Sanctorum, ut illis proficiat ad honorem, nobis autem ad salutem.

Et illi pro nobis intercedere dignentur in cœlis, quorum memoriam agimus in terris. Per eundem Christum Dominum nostrum, Amen.

Materia Sacrificii præparata Sacerdos lavat manus, indicans, nisi lotis purisque mentibus hoc ipsum sacrificium tractandum esse.

ORATE FRATRES.

Sacerdos suæ sibi conscius infirmitatis ad populum fidelem convertitur, petens illius se precibus adjuvari, ut sacrificium Deo acceptum omnium nomine queat offerre. Advertant itaque quæ Sacro intersunt, ut quod rogantur, faciant, est, tum Sacerdotem, tum sacrificium Deo humiliter commendent; ut hoc quod offert, omnibus proficiat ad salutem.

O R A T I O.

Mittat tibi Dominus auxilium de Sancto, & de Sion tueatur te, memor sit omnis sacrificii tui, & holocaustum tuum pingue fiat.

Alia.

Uscipiat Dominus sacrificium de manibus tuis, ad laudem & gloriam Nominis sui, ad utilitatem quoque nostram, totiusque Ecclesiæ suæ sanctæ.

O R A T I O

Pro Sacerdote celebrante.

Sacerdotes tui Domine induantur justitiam; hic præsertim, qui modo adstat Altari tuo & orat pro nobis, ut parcas populo tuo, & non des hæreditatem tuam in perditionem. Utinam sanctus sit, quia tu sanctus es, cui servit; ut, præstet se dignum sacris altaribus ministrum, & debita reverentia honoret SS. Mysteria, & Majestatem nominis tui.

Ecce sacrificium hoc & quodcunque hætenus obtulit, aut dein ceps offeret, ego nunc offero tibi, in unione istius reverentiae, qua tu ipse, ô summe Sacerdos, holocaustum te obtulisti pro nobis, & à ministris tuis offerri in Ecclesia voluisti, Amen.

Sacerdos ad actionem illam, in qua ipsum sacrificium proprie consistit, jam accessurus, Præfationem præmittit; quæ est preparatio & excitatio quædam populi ad hanc ipsam actionem, ea qua par est attentione, reverentia & pietate prosequendam.

Unde cum dicit, Sursum corda, meminisse debemus, posthabitis terrenis curis & cogitationibus, ad superna & cœlestia mentem esse transferendam, maxime quia moniti à Sacerdote respondemus, Habemus ad Dominum, ne forsitan arguamur mendacii, dum seculi rebus implicati, aliud proferimus ore, aliud corde gerimus.

PRÆFATIO ECCLESIAE.

Gratias agamus Domino Deo nostro.

Vere dignum & iustum est, æquum & salutare, nos tibi semper & ubique gratias agere, Domine sancte, Pater omnipotens, æterne Deus. Per Christum.

Per quem Majestatem tuam laudant Angeli, adorant Dominationes, tremunt Potestates, cœli cœlorumque virtutes, ac Beati Seraphin socia exultatione concelebrant, cum quibus & nostras voces, ut admitti jubeas deprecamur, supplicii confessione dicentes:

Sanctus, Sanctus, Sanctus Dominus Deus Sabaoth. Pleni sunt cœli, & terra gloria tua: Hosanna in excelsis. Benedictus, qui venit in nomine, &c.

ORATIO.

Benedictus sis Domine Iesu Christe, fili Dei vivi, qui nostri misertus è cœlo descendisti, & assumptum de Virgine Corpus & Sanguinem tuum in ara Crucis, vera pro peccatis nostris hostia liberaliter obtulisti.

Laus tibi & gloria, quod ex eodem Corpore & Sanguine tuo non modo panem vitæ nobis in Sacramento sumendum, sed etiam sacrificium in altari per Sacerdotes offerendum instituisti, atque ad mundi finem usque celebrandum reliquisti.

ORATIO SUB CANONE.

Ex P. Christ. Mayer.

Clementissime Pater, suscipe hoc sacrosanctum Sacrificium de manu sacerdotis, in unione sacrosancti illius sacrificii, quod tibi dilectus Filius tuus tota vita, in ultima cena, in cruce obtulit pro me, pro N.N. & omnibus pro quibus mori dignatus est.

Respi-

Respice in faciem Christi dilectissimi Filii tui, in quo tibi bene complacuisti, & per æternam dilectionem, qua nos sic dilexisti, per infinita merita ejusdem Unigeniti tui, per ejus Incarnationem, Adventum, Nativitatem, Circumcisionem, Lacrymas, Labores, Passionem, Mortem, per infinitam Charitatem, qua tanta pro me fecit, dixit, passus est.

Et per merita Sanctorum omnium triumphantium & militantium, Memento & miserere Ecclesiæ tuæ, ejusque capitulum, Summi Pontificis, Imperatoris, Prælatorum, Principum, omnium statuum Ecclesiasticorum, religiosorum, sæcularium, qui maxime possunt gloriæ tuæ & salutis animarum prodesse vel obesse:

Parentum item, fratrum, benefactorum & amicorum meorum, qui se mihi singulariter commendaverunt NN. qui me contristaverunt, quos ego contristavi, offendi, juvare neglexi, & quos per me in viam salutis vis dirigere.

Horum omnium miserere Pater misericordiarum, sicut scis & vis, gratiam iis concedens, ut tibi perfectissime placeant, te agnoscant, timeant, ament, glorificent cum eodem dilecto Filio tuo & Spiritu sancto, nunc & semper & in secula seculorum.

AD ELEVATIONEM.

Quid Pectoris Tussio sub elevatione? Indicat, 1. Humili & sincera hic in Deum fide opus esse, quæ captum ingenii verbo Dei subjiciat. 2. Significat magno cordis desiderio ad cœlestem illum cibum, qui ostenditur, nos ferri debere. 3. Vehementi cordis dolore detestanda esse peccata, quæ nos sacrificii illius participatione faciunt indignos.

Itaque cum Publicano illo percutiendum pectus; non eo modo, quo nonnulli hoc tempore in Ecclesia pectus sola consuetudine, sine ullo doloris sensu percutiunt, parum interrim memores, quod hoc ritu seipsos, ex conscientia peccatorum, reprehendere & castigare moneantur.

Ille quidem magno cordis dolore pectus tundeat, velut reprehendens cor suum, quod ipsi admissorum criminum ori-

go esset & seminarium, illumque malorum omnium fontem
repurgari à Domino postulans.

O R A T I O.

Ad elevationem sacra Hostia.

SAlve salutaris victima, pro me & toto genere humano
in patibulo Crucis oblata. Christe Rex æterne, homo
crucifixus propter hominem, respice sacratissimam carnem
tuam pro me cruci clavis affixam, & lancea perforatam.

Atque illa, quæso, pietas, quæ te traxit & vicit, ut in
statera gloriosissimæ Crucis totius mundi peccata expiaret:
illa te cogat clementia, ut miserearis mei pleni miseriis, qui
fonte miserationis nunquam manare cessas, custodiens ani-
mam & corpus meum in vitam æternam.

ORATIO SUB ELEVATIONE.

Ex P. Christ. Mayer.

O Jesu Filii Dei & Maria Virginis, Dominus meus, &
Deus meus infinite amabilis, qui amore mei crucifigi, &
in cruce mori dignatus es, adoro, amo, & glorifico te o-
mnium creaturarum possibilium possibili affectu, cum Patre &
sancto Spiritu, & ex animo desidero, ut adoreris, ameris,
& glorificeris infinitis ab omnibus, in omnibus, super omnia,
omni possibili modo, gratis, propter te, nunc, semper, in
æternum, & ultra.

Credo in te, Spero in te, Amo te & quidquid amas pro-
pter te; Doleo pure propter te, quod unquam offenderim
te. Ignosce, indulge, supple per te.

En ex hoc momento paratum cor meum ad omnem nutum
tuum. Tuus sum, eroque æternum; posside me, & tuæ vo-
luntati penitus conforma.

Pater respice in faciem dilectissimi Filii tui, quem tibi in
Sacrificium laudis, gratiarum actionis & propitiationis offe-
ro, & per illius lacrymas, sudorem & sanguinem; per ge-
mitus & suspiria, per labores & obsequia, per dolores &
sup-

supplicia, per infinita ejus merita miserere mei, illorum N. N. & omnium, pro quibus mortuus est, gratiam largitus te perfecte semper amandi, tuamque sanctissimam voluntatem amplectendi & exsequendi in tempore & æternitate.

Per eundem dilectum Filium tuum miserere, misericordissime Pater, animarum fidelium defunctorum mihi peculiari-ter commendatorum N. N. omniumque pro quibus præci-pue me vis orare; veniam, & requiem æternam illis clemen-ter indulgendo, ut æternum benedicant, laudent & glorifi-cent, cui debetur omnis laus, honor & gloria.

Alia sancti Thomæ Aquinatis.

A Doro te devote latens Deitas: Quæ sub his figuris vere latitas.

Tibi se cor meum totum subjicit: Quia te contemplans, totum deficit.

Visus, tactus, gustus, in te fallitur: Sed audito solo toto creditur.

Credo quidquid dixit Dei Filius: Nil hoc verbo veritatis verius.

In cruce latebat sola Deitas: At hic latet simul & humani-tas:

Ambo tamen credens atque confitens: Peto quod petivit latro pœnitens.

Plagas, sicut Thomas, non intueor: Deum tamen meum te confiteor.

Fac me tibi semper magis credere, In te spem habere, te diligere.

O Memoriale mortis Domini, Panis vivus, vitam præstans homini:

Præsta meæ menti de te vivere, & te illi semper dulce sa-pere.

Pie Pelicane Jesu Domine, Me immundum munda tuo Sanguine:

Cujus una stilla saluum facere Totum mundum quit ab omni scelere.

Jesu quem velatum nunc adspicio, Oro fiat illud, quod tam sitio,

Ut

Ut te revelata cernens facie, Visu sim beatus tuæ gloria.
Amen.

Alia sub Elevatione.

AVe verum corpus natum ex Maria Virgine: vere passum, immolatum in Cruce pro homine:

Cujus latus perforatum, vero fluxit sanguine; Esto nobis prægustatum, mortis in examine.

O clemens, ô pie, ô dulcis Jesu Fili Mariæ.

Da ut sicut te nunc videre merui sub forma panis, ita cum ad judicandum veneris; securus & gaudens merear te videre in gloria tuæ Majestatis, & perpetuo perfrui in regno æternæ claritatis. Ubi cum Deo Patre, & Spiritu sancto, vivis & regnas Deus, in sæcula sæculorum.

AD ELEVATIONEM CALICIS.

SAlve nobilissime Sanguis, de latere Domini mei Jesu Christi profluens, & totius veteris & novæ culpæ maculas diluens, ablue, sanctifica & custodi animam meam in vitam æternam. Amen.

*Item utilissime recitantur illa verba ex hymno
SS. Ambr. & Aug.*

TU Rex gloriæ Christe: Tu Patris sempiternus es Filius.

Tu ad liberandum suscepturus hominem, non horruisti Virginis uterum.

Tu devicto mortis aculeo aperuisti credentibus regna celorum.

Tu ad dexteram Dei sedes, in gloria Patris.

Judex crederis esse venturus.

Te ergo quæsumus, tuis famulis subveni, quos pretio sanguine redemisti.

Pius lector ex his seligat quod magis placet; nec enim omnia sub uno Sacro conveniunt.

Oratio post Elevationem. Ex S. August.

OMnipotens Pater, qui sic dilexisti mundum, ut Filium tuum unigenitum dares, ut omnis, qui credit in illum, non pereat, sed habeat vitam æternam; per hunc dilectum Filium tuum, cujus beatissimam Passionem, & gloriosam Resurrectionem, & in cœlos Adscensionem recolō, te oro, educ de carcere animam meam ad confitendum nomini tuo.

Libera me à vinculis peccatorum, & quem propria merita faciunt lethalem timere sententiam, per hujus dilecti Filii tui ad dexteram tuam confidentis interpellationem, restaura placatus ad vitam.

Quem enim alium dirigam intercessorem tibi, nescio, nisi hunc, qui est propitiatio pro peccatis nostris: qui sedet ad dexteram tuam, interpellans pro nobis, advocatus meus apud te Deum Patrem, Pontifex summus, non alieno, sed proprio perfusus cruore. Hostia sancta, beneplacens, & perfecta in odorem suavitatis oblata & accepta, Agnus sine macula, qui peccatum non fecit, sed peccata nostra pertulit, & languores nostros suo livore sanavit. Hic est, quem propter peccata populi tui percussisti, licet ipse sit dilectus, in quo tibi bene complacuit.

Adspice, mitissime Pater, dilecti Filii tui humanitatem, & miserere super infirmi plasmatis debilitate. Vide Redemptoris supplicium, & redempti dimitte delictum.

Oro te Rex Sanctorum, in hunc Sanctum Sanctorum, per hunc Redemptorem meum, fac me currere viam mandatorum tuorum, ut ei valeam spiritu uniri, qui mea non horruit carne vestiri, Jesus Christus in sæcula benedictus. Amen.

Ad Memoriam defunctorum ex S. Ambros.

ROgamus etiam te sancte Pater, pro spiritibus fidelium Defunctorum, ut sit illis salus æterna, gaudium & refrigerium sempiternum.

Hoc

Hoc magnum pietatis Sacramentum, Domine Deus meus, sit illis hodie magnum & plenum gaudium de te pane vivo & vero, qui de coelo descendisti, & das vitam mundo, de carne sancta & benedicta, Agni videlicet immaculati, qui tollis peccata mundi, & potari de fonte pietatis tuæ, qui per lanceam militis de latere emanavit crucifixi Domini nostri, ut consolati exultent in laude & gloria tua sancta, Amen.

Ad Memoriam Sanctorum.

Ex eodem.

Mihi quoque Domine indigno servo tuo secundum multitudinem miserationum tuarum miserearis, & concessa in præsentis scelerum venia, ne me finas in futuro seculo cruciari cum impiis.

Sed aliquam portiunculam dones cum Sanctis tuis in coelis, qui in tua membra coaptati, & in te unum corpus effecti, gratias ob tuum pro se effusum pretiosum Sanguinem, quo illos lavisti, rependentes, pro te & fratribus suis gloriosum Sanguinem fundere non dubitarunt, qui te in vita tua amaverunt, & in morte sunt imitati, & ideo coronas triumphales meruerunt.

Quorum me licet imparem meritis, participem tamen fac sola misericordia tua, succurrentibus eorum meritis, & precibus. Amen.

Ad Orationem Dominicam.

O Pater misericordiarum, nos, etsi indigni, qui servi dicamur tui, audemus te Patrem nostrum, nos filios tuos dicere; quia gratuita bonitas tua per Filium tuum nos in huius nominis honorem adoptavit. Et ipse Filius tuus compellendi fiduciam addidit, eo ipso, quod precandi formulam præscripsit.

Agnosce ergo dilectissimi Filii tui, quam nos docuit orationem, & largire propitius per eundem Filium tuum, quicquid per ipsum, ab ipso edocti te petimus, dicentes: *Pater noster qui es in caelis, sanctificetur nomen, &c.*

Exposi-

Expositionem orationis Dominicæ habes supra sect.

I. pag. 17. quæ hic erit valde accommodata.

Libera nos quæsumus, Domine, ab omnibus malis, præteritis, præsentibus, & futuris. Et intercedente beata & gloriosa semper Virgine Dei genitrice Maria, & beatis Apostolis tuis Petro & Paulo, atque Andrea, cum omnibus Sanctis, da propitius pacem in diebus nostris, ut ope misericordiæ tuæ adjuti, & à peccato simus semper liberi, & ab omni perturbatione securi. Per eundem Dominum.

Agnus Dei qui tollis peccata mundi, &c.

Alia.

Dulcissimam pacis vocem Domine Iesu à mortuis redi-vus, ad tuæ dilectionis Discipulos emisisti, dicens: Pax vobis, quam & jam iturus ad passionem, ipse comprecatus fueras, dicens, Pacem meam do vobis: pacem meam relinquo vobis: tolle à nobis quæso, Agne Dei immaculate, peccata nostra, aufer à nobis iniquitates nostras, quæ inter nos & te divisæ sunt, ut remissis peccatis, pacem tecum habeamus, quæ in testimonio conscientiae bonæ suavi jucunditate resultat: ut in cœlestibus regnis pacem illam, quæ exsuperat omnem sensum, & intellectum, perpetuam consequamur.

Osculum Pacis concordiae & amoris symbolum est, sanctæ primitivæ Ecclesiæ consuetudine celebratum. Solebant enim tunc Christi fideles in sacris conventibus sese invicem magno benevolentiae & charitatis affectu osculari, adjuncta salutatione, Pax tecum. Maxime vero ante perceptionem Eucharistiæ, ut nimirum ad Sacramentum pacis & charitatis, seposito omni odio & rancore securius accederent.

Sed quia res per se bona, successu temporis abusu vitiatæ est, osculi sancti usus in osculum Tabellæ mutatus est, manente nihilominus significatione pacis & concordiae cum proximis colendæ, tum maxime, quando sacris Christi mysteriis digne ac salubriter interesse & participare cupimus. Porro de osculi sancti usu consule Baronium Tom. 1. Annal. An. Christ. 45. & pulcre Raph. de la Torre in 2, 2, Thomæ, q. 84, a. 2, disp. 5.

AD COMMUNIONEM

Dum Sacerdos communicat, spiritualis Communio minimè tibi negligenda, si cum fructu Missam audire voles. Est autem spiritualis Communio (ut docet S. Thom. 3. p. q. 8. a. 1. ad 3.) exercitiva excellentissimorum actuum: Fidei, inquam, Spei & Charitatis; quo sine reali Sacramenti sumptione, fructus Sacramenti, id est, unio cum Christo, acquiri potest.

Primum itaque excitanda viva & vera fides circa hoc Sacramentum; quæ facile fulciri potest, consideratione divinæ Potentiae, Sapientiae, Bonitatis, & Veritatis.

Hinc sequatur Exercitium Spei; quid enim necet tam bonus & clemens Deus, qui seipsum dedit? quid non poterit, etiam non præsens corpore? qui puerum Centurionis, & plures alios, etiam absens curavit?

Denique excita Amorem, & ardenti cordis desiderio adspira & desidera ad Christum, velut ad fontem vivum; ex quo qui biberit, non sitiet in æternum. Opta ergo Christo per virtutem Corporis & Sanguinis ejus uniri & incorporari intime; ut velut unus cum illo Spiritus effectus, nunquam ab eo separari possis.

Magnæ virtutis & utilitatis est hæc spiritualis Communio; ita ut sæpe non minorem adferat fructum, & gratiam, quam plerisque ipsa Sacramentalis: Vnde colligitur, quam ea nobis curæ esse debeat, maxime cum sæpius unò die, nunquam sine novo semper gratiæ & charitatis incremento institui possit. Vide de hac etiam supra, initio hujus Modi audiendi Missam.

O R A T I O.

Pro Communionem Spiritualis.

ECce adsto pauper & inops ad mensam magni Regis, & amantissimi Patris mei, tuam Christe IESU; & credo tibi, ô æterna Veritas, quod vere è summo coelorum ad verbum Sacerdotis, ut me visites, venire dignatus es: verumtamen, conscius infirmitatis meæ, & peccatorum meorum, non audeo sacramentaliter suscipere te; sed dico cum Centurione, cujus servum absens, uti alios plurimos, sanasti:

Domine,

Domine, non sum dignus, ut intres sub tectum meum; sed per os sacerdotis veni in animam meam.

Munda, quæso, illam à malis ejus & imperfectionibus N. & orna bonis & virtutibus N. pascere Corpore & Sanguine tuo, ut sicut catellus, comedat de mensa Domini sui, & adipe ac pinguedine cælestis benedictionis repleatur.

Alia pro Communionem Spirituali.

O Domine I E S V, agnosco te verum esse panem vivum, qui de cælo, ut nos teipso pasceres, descendisti, & intra has species mira dulcedine, stupenda dignatione, potentia admirabili te abdidisti: scio te cupidum pascendi animam meam.

Credo in te, quatenus hies, infinitos latere spiritualium donorum thesauros, gratiæ maximam ubertatem; ad quorum omnium participationem anhelat ardentem inops anima mea.

Credo verbo quod dixisti: Qui manducat me, vivet propter me. Ecce panis vive, miser ego fame & frigore pene confectus, infirmitatibus multis obnoxius, accedo ad te, ut manducans te, plenius & verius Vivam de te; fovear ad te, & saner à te, confido te non averfarurum indignitatem, infirmitatem & inopiam meam.

Vere profiteor me indignum, ut intres sub tectum meum. Ideoque etiam non præsumo te modo inducere in hospitium cordis mei, sacrosancti Corporis tui reali manducatione: sed scio & credo cum Centurione, te etiam absentem, id est, sine Sacramentali Communionem, uno solo verbo me posse curare, dicere, & sanctificare.

Si enim aspectus ænei serpentis tanti fuit, ut morsos ab ignitis serpentibus potens esset curare, an non erit potentior fides, qua te contempler, ad curandos morsus serpentis tartarei? ille typus erat, tu veritas: ille umbra, tu res ipsa: si tactus fimbriæ vestimenti tui incurabiles morbos valuit fugare, quid non poterit contactus augusti Corporis & divini Sanguinis tui, etsi non corporalis, mentalis tamen per desiderium & fiduciam?

Si umbra discipuli tui Petri omnes morbos corporales
F f potuit

potuit abigere: quæ ægritudo animi stare poterit, & non continuo cedit splendori divinæ Majestatis tuæ?

Veni igitur ad me Domine, & sana peccatricem animam meam, ciba esurientem, refice imbecillem: tu qui ex voluntate Patris cooperante Spiritu sancto, per mortem tuam mundum vivificasti: vivifica me, pasce me, sanctifica me hoc sacrosancto Corpore & Sanguine tuo: libera me ab omni peccato, fac me tuis semper inhærere mandatis, & à te nunquam separari permittas. Amen.

COLLECTA.

Eus, qui nobis sub Sacramento mirabili, Passionis tuæ memoriam reliquisti: tribue quæsumus, ita nos Corporis & Sanguinis tui sacra mysteria venerari, ut Redemptionis tuæ fructum in nobis jugiter sentiamus.

Ad, I T E, M I S S A E S T.

ECce Pater æterne, Missam jam est salutis Hostia, quam tu de cœlis misisti in terram. Placeat tibi, quæso, quia hic est ipse Filius tuus, in quo tibi bene complacuit. Agat nunc, quæso, officium Mediatoris & Advocati, ubi sedet ad dexteram tuam, & interpellat pro nobis. Memento omnis Patientiæ, charitatis & mansuetudinis ejus; & orantem in nomine dilecti Filii tui exaudire digneris: quia ipse dixit: Si quid petieritis Patrem in nomine meo, dabit vobis. Hoc unum peto Domine, placeat Tibi hoc Sacrificium, ad majorem gloriam Nominis tui, profit mihi & fidelibus tuis, vivis & defunctis, ad salutem; Amen.

Ad finem Missæ, cum Sacerdos populo benedicit, te reverenter inclines:

Et velut cœlestem à Deo benedictionem expectans, cum fide magna dicas:

Benedicat & custodiat nos omnipotens & misericors Dominus, Pater, & Filius, & Spiritus sanctus.

Deinde facto signo Crucis in fronte, initium sancti Evangelii secundum Ioannem recita in hunc modum:

IN principio erat Verbum, & verbum erat apud Deum, & Deus erat Verbum. Hoc erat in principio apud Deum. Omnia per ipsum facta sunt: & sine ipso factum est nihil, quod factum est. In ipso vita erat: & vita erat lux hominum: & lux in tenebris lucet, & tenebræ eam non comprehenderunt.

Fuit homo missus à Deo, cui nomen erat Ioannes. Hic venit in testimonium, ut testimonium perhiberet de lumine: ut omnes crederent per illum. Non erat ille lux: sed ut testimonium perhiberet de lumine:

Erat lux vera, quæ illuminat omnem hominem venientem in hunc mundum. In mundo erat, & mundus per ipsum factus est, & mundus eum non cognovit. In propria venit, & sui eum non receperunt.

Quotquot autem receperunt eum, dedit eis potestatem filios Dei fieri, his qui credunt in Nomine ejus: qui non ex sanguinibus, neque ex voluntate carnis, neque ex voluntate viri, sed ex Deo nati sunt. Et *Verbum caro factum est*, & habitavit in nobis (& vidimus gloriam ejus, gloriam quasi Unigeniti à Patre) plenum gratiæ & veritatis.

Precatio pia post peractum Missæ sacrificium.

Misericordissime Domine, qui nos miseros Mortales non dedignatus es, etiam in hac hora stare in conspectu tuo ad te glorificandum paritet ac prædicandum: Condona mihi in ipso Precationis hujus tempore commissæ errata, sive per occupationem, sive per mentis atque cogitationis in absurda desideria inductionem; uti ne gloriatur inimicus adversum me, quod ne in ipso quidem tempore Doxologiæ; Confessionis, atque Synaxeos à peccato mihi caverimi. Amen:

Altera post peractum Missæ sacrificium.

VÆ mihi misero, qui Deum meum tam negligenter laudo: Ecce Domine meus amarissime pro me tota nocte passus, nullam requiem habuit, & ego una hora vigilare cum eo non possum?

Adjuva me Domine Deus meus, ut valeam tibi sapienter placere, & semper placitam exhibere servitutem, Qui vivis, &c.

In fine offer hoc tuum obsequium Iesu Christo per manus Dispositi Angelæ Custodis, Patronorum, & omnium SS. in unione Sacrificii in Ara Crucis oblatis, & omnium meritorum ejus: idque juxta præmissam intentionem. Vel dic singulari attentione sequentia:

Benedicite Domino omnia opera ejus: Benedic anima mea Domino, & omnia quæ intra me sunt, Nomini Sancto ejus. Utinam affectu omnium Angelorum, & Sanctorum te complectar, & tibi gratias agam, & omnis spiritus laudet te Domine.

Suscipe, obsecro, gratiarum actionem, Pater æterne, vitam & mortem Vniigeniti Filii tui, & per hanc da mihi ut vivam, & serviam tibi omnibus corporis membris, & potentiis animæ meæ.

Domine ante te, hoc est desiderium meum, sed imperfectum N. meum viderunt oculi tui; verum ecce vota N. Mea, tibi Domine, reddo in conspectu omnis populi tui, & memor beneficiorum tuorum & immensæ charitatis tuæ, dico & devoveo tibi omnia opera mea. Credo tibi, & in te spero, & toto corde te diligo, ô Deus meus, veritas mea, misericordia mea, & refugium meum, & omnia.

Hymnus S. Thomæ Aquinatis de venerabili Sacramento.

Lauda Sion Salvatorem,
Lauda ducem & Pastorem,
In hymnis & canticis.

Quantum potes, tantum
aude:
Quia major omni laude,
Nec laudare sufficis.

Lau-

Laudis thema specialis,
Panis vivus & vitalis,
Hodie proponitur.

Quem in sacræ mensæ
cœnæ,

Turbæ fratrum duodenæ
Datum non ambigitur.

Sit laus plena, sit sonora,
Sit jucunda, sit decora,
Mentis jubilatio.

Dies enim solemnis agitur,
In qua mensæ prima recolitur

Hujus institutio.

In hac mensa novi Regis,
Novum Pascha novæ legis,
Phæse vetus terminat.

Vetustatem novitas,
Umbra fugat veritas;
Noctem lux eliminat.

Quod in cœna Christus
gessit,

Faciendum hoc expressit
In sui memoriam.

Docti sacris institutis,
Panem, vinum, in salutis
Consecramus hostiam.

Dogma datur Christianis,

Quod in carnem transit panis,

Et vinum in sanguinem,

Quod non capis, quod non
vides,

Animosa firmat fides,
Præter rerum ordinem.

Sub diversis speciebus,

Signis tantum, & non rebus,

Latent res eximiæ.

Caro cibus, sanguis potus:

Manet tamen Christus totus,

Sub utraque specie.

A fumente non conciusus,

Integer accipitur.

Sumit unus, sumunt mille,

Quantum isti, tantum ille;

Nec sumptus consumitur.

Sumunt boni, sumunt mali:

Sorte tamen inæquali,

Vita vel interitus.

Mors est malis, vita bonis:

Vide paris sumptionis,

Quam sit dispar exitus.

Fracto demum Sacramento,

Næ vacilles, sed memento,

Tantum esse sub fragmento,

Quantum toto tegitur.

Nulla rei fit scissura:

Signi tantum fit fractura,

Qua nec status, nec statura

Signati minuitur.

Ecce panis Angelorum,

Factus cibus viatorum:

Vere panis Filiorum,

Non mittendus canibus:

In figuris præsignatur,
Cum Isaac immolatur:
Agnus Paschæ deputatur,
Datur manna Patribus.

Bone pastor, panis vere,
Jesu nostri miserere!
Tu nos pascere, nos tuere!
Tu nos bona fac videre

In terra viventium.

Tu, qui cuncta scis & vales,
Qui nos pascis hic mortales:

Tuos ibi commensales;
Coheredes & sodales
Fac sanctorum civium.
Amen. Alleluja.

Alius Hymnus ejusdem Doctoris Angelici.

PAnge lingua gloriosi
Corporis mysterium,
Sanguinisque pretiosi,
Quem in mundi pretium
Fructus ventris generosi
Rex effudit gentium.

Nobis datus, nobis na-
tus

Ex intacta Virgine,
Et in mundo conversatus,
Sparso verbi semine,
Sui moras incolatus
Miro clausit ordine.

In supremæ nocte cœnæ
Recumbens cum fratribus,
Observata lege plene
Cibis in legalibus,
Cibum turbæ duodenæ
Se dat suis manibus.

Verbum caro, panem ve-
rum

Verbo carnem efficit:

Fitque sanguis Christi me-
rum,

Et si sensus deficit;
Ad firmandum cor sincere-
rum

Sola fides sufficit.

Tantum ergo Sacramen-
tum

Veneremur cernui;

Et antiquum documentum

Novo cédât ritui;

Præstet fides supplemen-
tum

Sensuum defectui.

Genitori, Genitoque

Laus & jubilatio,

Salus, honor, virtus quoque

Sit & benedictio;

Procedenti ab utroque

Compar sit laudatio,

Amen.

FINIS SECT. V.

Supra, pag. 260. col. 1, ante S. Franciscæ, pone.

*S. Bernarde, qui fide & zelo succensus, schismaticum & pertinacem Ducem * dextera, non ferro, sed sacra Dominici Corporis Hostia armatus expugnasti; Ora pro nobis:*

Ut fortes in fide hujus Sacramenti; Diabolo & ministris ejus, veritatem hujus Mysteriorum impugnantibus constanter resistamus.

Et in fine ejusdem pag. & col.

* Gulielmum Ducem Aquitanie. Vit. S. Bern. lib. 3, 1
cap. 6. Edit. nostræ.



DILECTO, CANDIDO, RUBICUNDO,

SPONSO SANGUINUM

J E S U C H R I S T O ,

Quicum in forma Dei esset, natura, non
rapina æqualis Deo;

Semetipsum exinanivit,

Servi formam pro servis accipiens.

SPECIOSO PRÆ FILIIS HOMINUM;

Sed cui demum non erat species, neque decor,
cum factus nempe vermis est, &
non Homo.

DESIDERIO COLLIUM ÆTERNORUM,

& expectationi Gentium.

Sed qui despectus postea, & quasi novissimus
virorum fuit,

B E N E D I C T O Q U I V E N I T I N
N O M I N E D O M I N I .

Sed qui tandem factus est opprobrium
Hominum,

Et abjectio plebis;

Qui iniquitatem non fecit, neque dolus fuit
in ore ejus:

Attamen cum sceleratis reputatus est;

Et peccata multorum tulit;

L E O N I D E T R I B U J U D A ;

Sed qui sicut ovis ad occisionem ductus est;

Et quasi agnus coram tondente
se obmutuit.

I i s

V I R O

V I R O D O L O R U M,

Qui torcular calcavit solus:

Et de gentibus non habuit virum secum.

Qui languores nostros vere tulit;

Et attritus est propter scelera nostra.

PASTORI BONO,

Qui pro ovibus suis posuit animam suam.

PONTIFICI FUTURORUM BONORUM,

Qui per proprium sanguinem introivit

Semel in Sancta, æterna redemptione inventa.

MAGNO COELI TERRÆQUE REGI,

cui Venti & Mare obediunt.

Sed qui humiliavit semetipsum, factus obediens
Deo Patri,

Vsquead mortem crucis.

Dignus es, Domine, accipere virtutem,
Divinitatem, & Sapientiam:

Quoniam occisus es, & redemisti nos Deo in
sanguine tuo.

TIBI BENEDICTIO, ET HONOR,
ET GLORIA, ET POTESTAS, IN
SECULA SECVLORVM.

SECTIO VI.

De vita ac Passione Domini nostri Jesu Christi.

PRO FERIA SEXTA.

Colloquium de modo vitam ac Passionem Salvatoris nostri pie, tum meditandi, tum imitandi.

§. I. *Exhortatio ad considerandum opus Redemptionis.*

APOSTOLUS. *Hoc sentite in vobis, quod & in Christo Jesu, qui cum in forma Dei esset, non rapinam arbitratus est, esse se æqualem Deo, sed semetipsum exinanivit formam servi accipiens.*

A Udi, ô homo, serve non utique bone & fidelis, qui cum esses in natura & conditione servili, attamen servire nolens, conatus es arripere libertatem, & æqualitatem Domini tui. Audi & vide, quia Christus, cum in forma Dei esset, non rapina, sed natura æqualis Deo, utpote & ipse omnipotens, æternus, immensus, &c. exinanivit semetipsum, non solum formam servi accipiens, & in similitudinem hominum factus; sed etiam ministerium servi implevit, humilians semetipsum, & obediens factus Patri usque ad mortem.

Sed parum tibi videatur, quod, cum esset Filius & coæqualis, tanquam servus servivit. Patri, si non & servo suo plusquam servus servivit. Factus quidem eras, ô homo, ut servires Creatori. Et quid justius, quam ut servias illi, à quo creatus es; sine quo nec vivere, nec mori, nec esse potes? Quid vero beatius, aut sublimius, quam servire illi, cui servire regnare est? Et tamen dixisti, Non serviam.

Sed ecce venit Creator tuus, venit Dominus tuus, &c. patens servire servo suo, etiam rebeli & contumaci; venit non mini-

ministrari, sed ministrare: Venit, inquam, ut tu recumbas, ille ministret, ut tu quiescas, ille fatigetur & fudet; ut tu faneris, & ille portet languores tuos: imo, ut tu vivas, ille moriatur pro te.

O servum bonum & plusquam Iacob fidelem, qui non septem, sed triginta tribus & amplius annis servivit pro te. Quam vere servivit, in omni fide, patientia, & longanimitate! non unquam tepide, vel invite; quia exultavit ut gigas ad currendum viam obedientiæ; non fictus, qui etiam animam post tot & tantos labores superimpendit; non murmurante, quia innocens flagellatus, nec os aperuit; factus sicut homo non audiens, & non habens in ore suo redargutiones. Et quid ille servus ultra debuit, aut potuit tibi facere, quod non fecit? O detestabilis superbia hominis servire contemnentis, quæ alio exemplo non potuit humiliari, nisi servitute, & tali quidem ipsius Domini sui!

CHRISTUS. O Homo, si habes aures audiendi, audis quid Electus Apostolus meus dicat fidelibus meis: nam conficius arcanorum meorum, loquitur ex ore meo. Et ipse qui portavit nomen meum coram Regibus, & Principibus terrarum. Ipse, qui non arbitrabatur se quidquam scire, nisi Iesum, me, inquam, crucifixum; unde etiam loquatur inter perieratos sapientiam in Mysterio absconditam: tibi tamen loquitur me Christum crucifixum, incredulis quidem scandalum, & his qui pereunt, stultitiam; tibi autem & his qui salvi sunt, plane Dei virtutem & sapientiam. Et ecce exemplum humilitatis meæ, quæ ego Deus & Dominus servivi vobis, in laboribus à juventute mea, usque ad mortem Crucis; merito ingessit oculis tuis, ut vel sic discas humiliari & subjici, atque referre gratiam tantæ humilitati & bonitati meæ. O quam dure servire me fecisti in peccatis tuis! laborem præbui mihi in iniquitatibus tuis! Et quem laborem? Usque ad detestationem, esuriem & sitim! sed usque ad sudorem, sudorem autem sanguinis decurrentis in terram: Sed usque ad mortem, mortem autem crucis.

HOMO. O Domine, quid est homo, quia sic innotuit ei, aut Filius hominis, quia reputas eum? O quantum laborasti, Domine mi, in serviendo mihi! Iustum profecto
& æquum

æquum esset, ut saltem de cetero tu quiesceres, tuusque servus, vel ordine vicis suæ serviret tibi. Quam magno, Domine mi, inutile tibi meum servitium redemisti, tu, inquam, qui si ministerio opus haberes, vel plusquam duodecim legiones Angelorum subito haberes ad omnem nutum tuum! O quam suavi & benigna arte pietatis, recuperasti tibi, & subdidisti servum contumacem, vinceus in bono malum, humilitate confundens superbum, beneficiis obruens ingratum! Sic nimirum sapientia vicit malitiam. Sic carbones ignis congestisti super caput inimici, quibus accenderetur ad amorem & obsequium tuum.

Vicisti Domine, vicisti rebellem. Ecce do manus in vincula tua, jugoque tuo cervicem suppono. Dignare tantum, ut serviam tibi: Patere, ut tibi laborem. Accipe me in servum sempiternum; En servus tuus sum ego, licet inutilis, nisi nunc quoque mecum sit, & mecum laboret gratia tua semper & præveniens & subsequens. Prævenit nos, prior ostendens Exempla humilitatis & patientiæ: Subsequatur nos, adjuvans, ut imitemur, quæ ostensa sunt. O quam felices nos, si super hoc audiamus consilium Apostoli tui, hortantis nos, hoc sentire in nobis, quod in te, ô Jesu, præcessisse cognoscimus! O quis det mihi, ut serio conservem omnia verba hæc, conferens in corde meo, ut in meditatione mea exardescat ignis amoris tui, & curram deinceps post te in odore unguentorum tuorum? Erravi sicut ovis quæ periit; quis deducet me in viam rectam, quæ ducit ad vitam, ut inveniam & teneam eam?

s. 2. *Christus nobis imitandus proponitur.*

DEUS PATER. Ego ab initio creavi hominem rectum, semper ad imaginem & similitudinem meam: at ille, cum in honore esset, non intellexit: & qui creatus erat ut esset divitiarum consors naturæ, comparatus est jumentis insipientibus, & similis factus est illis.

Hic est Adam primus homo, qui transgrediens mandatum meum, ejectus est de Paradiso, & reus mortis ac perditionis factus. Et hunc quidem nimis infeliciter imitati sunt, facti-

factique culpæ ejus & pœnæ socii, quicunque ab eo secundum naturalem generationem descenderunt. Sed non est voluntatis meæ mors infelicis hominis; nec delector in perditione peccatoris: immo sic ego dilexi mundum ut Filium meum Unigenitum darem, ut omnis qui credit in eum non pereat, sed habeat vitam æternam.

Hic est secundus homo, de cælo cœlestis, qui non terram, sed cœlestem in terris vitam duxit. Hunc itaque deducem ac præceptorem Gentibus; ut quisquis sequeretur eum, non ambularet in tenebris, sed haberet lumen vitæ. Hoc quasi prototypon & vivum exemplar de cælo misi; idque tot donis, & gratiis, omnibusque virtutibus pulchre prorsus ornatum omnibus proposui, ut illud imitari studerent, quos ego præscivi & prædestinavi, conformes fieri imaginis Filii mei; ut sint & ipsi cohæredes cum eo Regni mei. Primus quidem homo de terra terrenus, secundus homo de cælo cœlestis. Itaque sicut portastis imaginem terreni (primi Parentis Adami instar transgrediendo præcepta mea.) sic portetis imaginem cœlestis (Christi exemplum sequendo) servientes mihi in sanctitate & justitia omnibus diebus vitæ vestræ.

Adspicite in auctorem fidei & consummatorem Iesum, qui proposito sibi gaudio sustinuit crucem, confusione contempta.

Ecce hic est speciosus præ Filiis hominum, in quo habitat omnis plenitudo divinitatis, non umbratice, sed corporaliter. Hic est Filius meus dilectus, in quo mihi complacuit, ipsum audi & sequere. Mihi placere cupis? ipsum imitari stude; tanto mihi carior eris, quanto illi similior. Quin etiam, sicut Isaac, non benedixit Jacob, nisi indutum vestibus primogeniti sui; sic nec tu benedictionem accipies à me, nisi indutus velleribus Agni immaculati, id est, vestibus seu virtutibus Unigeniti mei.

Abjice ergo opera tenebrarum, & indue arma lucis induere Iesum Christum. Inspice, & fac secundum exemplar, quod à me tibi monstratum est, ambula coram me per viam, quam prævit dilectus meus, quando in terris visus,

& cum

& cum hominibus conversatus est. Et exemplum vobis dedit, ut quemadmodum ipse fecit, ita & vos faciatis.

HOMO. Benedictus Deus & Pater Domini nostri Jesu Christi; Pater misericordiarum & Deus totius consolationis, qui dives es in misericordia; propter nimiam charitatem, qua dilexisti nos, cum essemus mortui peccatis, convivificasti nos in Christo, (cujus gratia salvati sumus) & conresuscitasti & considerare fecisti in cœlestibus in Christo, ut ostenderes in seculis supervenientibus abundantes divitias gratiæ tuæ. O quam dulcia faucibus meis eloquia tua, quibus nos vocas in societatem Filii tui. Sed, egone sequar Deum? servus Dominum; limus terræ Regem cœli; Pusillus immensum; infimus summum, & tam infirmus omnipotentem?

s. 3. *Deus Homo factus, ut esset imitabilis.*

CHRISTUS. Ego de cœlo veni, & ex invisibili factus sum visibilis: & quia splendorem majestatis meæ ferre ac sustinere non poteras, ego exinanivi memetipsum, servi formam accipiens; in similitudine hominum factus, & habitu inventus ut homo. Ut vel sic sequi & imitari posses me, quem sequi gloria magna est; & assequi, summa vestra felicitas.

Nam cum per primum hominem posteri omnes statu felicitatis suæ excidissent, restitui non poterant, nisi Duce aliquo præeunte. Quis vero hic esset? Hominum quispiam? at omnes una, sicut naturæ, ita culpæ conditio tenebat. An Angelorum aliquis? at neque sic plena, & divinæ justitiæ par satisfactio fuisset. Deus itaque solus ad hoc idoneus erat; at is videri non poterat. Ut ergo exhiberetur homini, qui & videretur ab omni, & quem tuto sequeretur homo, ego Deus factus sum *Homo*; similis vobis, mortalis, ut omnis mea actio vestra esset instructio; & divinitas mea vobis in humanitate præluceret.

Quid ergo hæsitas in bivio? Rectam & regiam salutis viam quæris? ego sum *Via*, per me, si quis intraverit, salvabitur. Dubitas, quid de honoribus, divitiis, gaudiis, voluptatibus hujus sæculi, quid de judiciis hominum, &c. sentias? Vide, quid ego senserim; & hoc securus amplectere; falli non

non poteris; quia ego sum *Veritas*. Times affligi, pati, aut mori pro Nomine meo? Ecce ego sum *Vita*, salus tua, & omne bonum, etiamsi mortuus fueris, vives. Ego enim veni ut vitam habeas, & abundantius habeas. Paucis: Ego sum tibi via in exemplo, veritas in promisso, vita in præmio.

HOMO. Adoramus te Christe, Rex Israël, pariter & Gentium; Princeps Regum terræ; tibi Christe, sacrificium laudis immolamus pro multitudine bonitatis tuæ, quam ostendisti nobis; semini nequam; filiis perditis. Cum adhuc inimici tui essemus, recordatus es misericordiæ tuæ. Vidisti afflictionem populi tui, & tactus dulcore charitatis intrinsecus, apposuisti cogitare super nos cogitationes pacis & redemptionis. Parum fuit charitati tuæ ad consummandum opus nostræ salutis, Cherubim aut Seraphim, aut unum ex Angelis destinare: ipse venire ad nos dignatus es, per mandatum Patris, cujus nimiam charitatem experti sumus in te.

O amanda & admiranda dignatio! Deus immensæ gloriæ, vermis contemptibilis fieri non despexisti. Deus omnium, conservus servorum apparere voluisti. Parum tibi visum est, Patrem te nobis esse, & Dominum; Frater noster esse dignatus es.

O quantas tibi gratias teneor referre (*Thom. de Kempis*) quod viam rectam & bonam dignatus es mihi, & cunctis fidelibus, ad æternum Regnum tuum ostendere! nam vita tua, via nostra; nisi tu præcessisses, & docuisses, quis sequi curaret? Heu, quanti longe retro manerent, nisi tua præclara exempla inspicerent! Ecce adhuc tepe scimus, auditis tot signis tuis & doctrinis; quid fieret, si tantum lumen ad sequendum te non haberemus?

§. 4. Christiani nomen quid nos moneat.

CHRISTUS. Vis esse gratus erga me, ô homo? Sequere me: Hoc mihi gratissimum erit. Nihil æquius; nihil etiam Patri gratius, quam si ipsum sequatur filius. Esto ergo imitator meus, sicut filius charissimus. Quorsum putas te vocari ex Nomine meo, nisi ut sequaris vestigia mea? Væ his, qui tam gloriosum Nomen otiose & indigne gerunt;

gerunt, qui, inquam, Christiani vocantur, & non sunt; qui ore dicunt, se nosse me, factis autem negant. Adeo de sequela mei, seu moribus vere Christianis, modica permultis cura est. Melius sane talibus erat, viam veritatis, fidem meam non agnovisse, quam agnitam in injustitia detinere. Heu, quam triste mihi est, videre, ita prophanari passim Nomen & insignia mea.

Cæterum, si omnis, qui dicit se manere in me, debet, sicut ego, ita & ipse ambulare; multo magis qui pro me manere se dicunt, & qui pro me legatione funguntur, id est, dispensatores Mysteriorum Dei, & Ministri mei; si me non sequuntur, inexcusabiles sunt. Nunc vero, qui propius sequi me debuerant, sæpe acerbius persequuntur me; & qui edunt panes meos, magnificant super me supplantationem. Quid est, quod dilecti mei in domo mea faciant scelera multa? Quid? Inter hoc etiam non minus, ac inter Filios hujus sæculi dominatur zelus & contentio, fastus & ambitio, avaritia & crapula, luxus & superbia!

Nonne ista sunt opera carnia & tenebrarum? Ego vero sum lux vera, & qui sequitur me, non ambulat tenebris. Quæ conventio Christi ad Belial? lucis ad tenebras? & putas eos mirito censeris sub nomine & sorte mea, aut rite vocari filios lucis, qui diligunt magis tenebras quam lucem? Morum quid em similitudo, & conciliat & conservat amicitiam, & hos ego dicam amicos meos, qui mihi moribus tam sunt dissimiles? Ego illos agnoscam pro Discipulis meis, qui oderunt disciplinam meam, & sermones meos projiciunt retrorsum? Ministri mei sunt, qui dicunt: Domine Domine, & non faciunt, quæ dico?

Hom o. Doce me facere voluntatem tuam, venisti quippe à Deo Magister; & utique viam Dei in veritate doces, sicut potestatem habens. Cœpisti enim facere & docere. Da ut sequamur te, & ad speculum vitæ tuæ nostram formemur. Nam quos elegit Pater tuus, hos vocavit, ut sint conformes imaginis filii sui. Utinam; amentissime Iesu, des mihi, ut sicut portavi hactenus imaginem terreni, ita deinceps portem imaginem cœlestis; & non quæram conformari huc sæculo nequam, sed tibi. Vitam sequar

te quocunque ieris. Nam qui dicit se in te manere, debet sicut tu, ita & ipse ambulare: sed quomodo possum? Tu enim exultasti ut gigas ad currendam viam, & quis poterit æquis passibus ambulare tecum?

S. 5. Christum sequi gloriosum, jucundum, utile.

CHRISTVS. Conare saltem à longe sequi, & currere ad destinatum supernæ vocationis bravium. Ecce filii huius sæculi, qua industria opes, honores quærunt: qua patientia mundo conformari, & hominibus placere student, quam sollicitis obsequiis captare gratiam Principum, & favorem Potentum! Qua alacritate & audacia vitam exponunt milites in oculis Ducis sui, & in pericula quævis ruunt intrepide! sed quæ merces horum omnium post tantos labores & sudores? Quid, nisi frustum terræ, ventus & fumus? & afflictio spiritus? Transeunt enim omnia, velut umbra, & nihil sub sole in eodem statu permanet. Minori certe labore tu mihi servire & placere potes; minori opera cœlum & æternitatem lucrari; & negliges?

Quid ergo, ô filii hominum, quid diligitis vanitatem, & quæritis mendacium? scitote quoniam Dominus sanctum suum mirificavit; me, inquam, tot tamque miris insignivit donis & virtutibus, ut vita mea vobis speculum & exemplar esset. Me itaque sequimini.

Quid ambulatis vias difficiles mundi aut carnis? Ecce, contritio & infelicitas in viis peccatorum; at viæ meæ, viæ pulcræ: jugum quoque meum suave, & onus meum leve. Ego facio prava in directa, & aspera in vias planas. Ego errantes reduco, laborantes reficio, perseverantes coronabo.

Itaque qui mihi ministrat, me sequatur. Gloria magna est sequi Dominum. Nam ubi sum ego, illic & minister meus erit; & possidebit Regnum, quod paratum est ei ab origine mundi. Cujus quidem gloriam si nosset, nihil tibi grave esset facere aut pati: & dies laborum pauci viderentur tibi, præ desiderii & amoris magnitudine. Regnum enim meum vim patitur, & violenti rapiunt illud: vim autem cœlo in ferre, est animam suam perdere, seipsum vincere, & pravos animi

animi sui motus, seu carnis desideria frangere. Hoc certe amanti non est difficile; imo jucundum fiet, maxime si simul adspiciat in remunerationem; nam spes mercedis solatium est laboris.

Sed esto, laboriosum sit, num ideo detrectabis? an cupis & tu sedere mecum in Regno meo, & non vis bibere calicem, quem ego bibi? Tune audies miles Christi, & horrebis aspera, quæ Dux amplectitur? Falleris, mi home, falleris, si speras de deliciis transire ad delicias: hic gaudere cum mundo, & postea gaudere mecum in cælo. Nemo Sanctorum sine certamine coronatus est. Meipsum respice, nonne oportuit me pati, & ita intrare in gloriam meam? & tu sine labore patientia in trabis in gloriam alienam? Age ergo fortiter, sustine patienter: labor brevis est, & momentaneus, merces vero perpetua & immortalis.

HOMO. Paratus sum, non sum turbatus. Viam mandatorum tuorum curram, ubi dilataveris cor meum.

*§. 6. Christi sequela constat abnegatione sui,
& jugi mortificatione.*

CHRISTVS. Inprimis ergo, si vis venire post me, abnega teipsum, & tolle crucem tuam, & sequere me. Ego quia dem tui causa veni de folio meo, & seposita majestate mea factus sum particeps humilitatis tuæ, ut tu exuens veterem hominem, novum indueres, qui secundum Deum creatus est, & mortificares membra tua, quæ sunt super terram. Ego mortem in cruce subii pro te, tu saltem crucifige carnem tuam cum vitiis, & concupiscentiis, & malis desideriis morere; nisi sic mihi commortuus fueris, mecum vivere non poteris.

HOMO. Fateor Domine, quia dignus est morte, qui tibi recusat vivere. Quis mihi tribuat, ô benignissime Iesu, ut moriar mihi amore tui, & vivam tibi? sed omnia vincit amor; & quid tuus non poterit? Tu summus omnium, factus es omnium infimus: quis hoc fecit? (*verba S. Bernardi*) amor dignitatis nescius; affectu potens; suavis efficax. Quid violentius? de Deo triumphat amor, & mihi imperare non poterit?

poterit ? Amorem mei non poterit expugnare amor Dei mei ?

Nimirum odiffe me debeo, ut amem te. Perdere jubee animam meam, ut inveniam eam, & te, omne Bonum. Ecce paratum cor meum. Cupio tuus esse ex toto corde meo. Qui autem tui sunt, carnem crucifigunt cum vitiis & concupiscentiis. Circumcide, ô Domine, carnem & præputium cordis mei, ut it in numero filiorum censerî possim. Tu Domine, non suscepisti nomen Salvatoris, nisi circumcissus: ego pretium Sanguinis tui, & salutem percipere non possum, nisi mortificationem tuam, velut signaculum portem in corpore meo. O utinam hæc mihi summa voluptas sit, delectari in Domino, & aliam, præter te, nescire voluptatem. Renuat sane consolari anima mea; memor nimirum tui solius; nam delectationes in dextera tua usque in finem. Nulla, Domine, me trahet voluptas, si tua traxerit charitas.

Trahe me itaque post te, qui per amorem trahis omnia ad te ipsum, ut currant in odore unguentorum tuorum. Ideo sane apparuit gratia Dei Salvatoris omnibus hominibus, erudiens nos, ut abnegantes impietatem & secularia desideria, sobrie, & juste, & pie vivamus in hoc sæculo.

CHRISTVS. Ita est mi homo, sobrietatem debes tibi ipsi, justitiam proximo, pietatem Deo. Continuum puræ mentis studium, est quasi jure Martyrium. Frustra quæris requiem & pacem in hac vita, quæ est velut militia super terram. Erit aliquando, cum requiesces à laboribus tuis; cum quæ seminasti in lacrymis, in exultatione metes; tunc labores manuum tuarum manducabis; beatus eris, & bene tibi erit; & exultabis, velut messor in messe, & victores capta præda.

Sed nunc tempus est laborum: Quid horres? Ego prope in laboribus à juventute mea. Ego discurre per vicos, & plateas, nusquam mihi requiem, nunquam otium indulgi; in fame & siti, in æstu & frigore, operatus sum salutem in medio terræ. Ego etsi comprehensor essem, etiam in corpore, tamen cohibui gloriam, quæ alioquin ex anima in corpus redundasset; idque ut abundantior esset, & acerbior ex carentia omnis solatii Passio mea.

Hinc

Hinc factum, ut in horto orans præ horrore mortis, ex
 nocore cordis, sudorem sanguineum profunderem; & in
 Cruce velut derelictus à Patre, clamarem. Et tu ubique gau-
 dia, & carnis commoda quæres? dilicate & molliter nu-
 ries carnem tuam? considera potius vitam meam, & cum
 tuam meam tam dissimilem inveneris, in te ipso confundere;
 ut non abs re monet Servus ille meus, ad imitationem mei
 vos exhortans; Bene, *inquit*, verecundari potes inspecta
 vita Iesu Christi, quia te illi nondum magis conformare
 studuisti, licet diu in via Dei fuisti. O quam male conve-
 niunt consolatio carnis, & consideratio meæ passionis! Et
 tamen qui curam carnis perficiunt in desideriis, sæpe miran-
 tur, cur in meditatione passionis meæ non sentiant affici ani-
 mas suas. Vtique si essent socii passionum, fierent & conso-
 lationis.

Ecce cum David nudis pedibus clivum olivarum conscen-
 deret, omnis familia simili habitu illum secuta est.
 Vias noluit divertere in domum suam, ut in molli strato re-
 quiesceret, eo quod Ioab dux ejus, cum Arca & ceteris com-
 militonibus suis essent sub pellibus: & te non pudebit milita-
 re sub vixillo crucis, & vacare deliciis carnis? comedere &
 bibere, & ducere in bonis dies tuos? Ducem ac caput habe-
 re spinosum, & membrum esse delicatum?

HOMO. Operuit confusio faciem meam, quia tam longe
 adhuc absum à semitis tuis. O utinam liceat mihi hoc de in-
 cepts sentire in me, quod te, ô bone Iesu, sensisse video;
 ut, inquam, eodem affectu in bonis hujus vitæ, omnibus-
 que creatis versari studeam, quo te verarum esse cognosco;
 tu enim es ipsa *Veritas* & sapientia æterna qui tecum sapit, is
 certe non delipit: quia tu falli non potes, sed neque fallere.
 Quite sequitur, ô *Via* æterna, aberrare non potest. Qui ad-
 hæret tibi, ô *Vita* immortalis, unus tecum fiet spiritus, nec
 morietur in æternum. Utinam vivam ego, jam non ego, vivas
 vero tu in me Christe.

§. 7. Christi Humilitas & Mansuetudo imitanda.

CHRISTVS. Si vis, ut vivam in te, *Vitam* meam velut
 regulam, & normam identidem, vitæ & moribus tuis for-

mandis adhibe. Inprimis vero *Passionem* meam diligentius recale, in qua vires omnes, tanquam rosæ inter spinas clarius emicant.

Vide quis fuerim, & quid fecerim ego. Nam cum in forma Dei essem, non rapina, sed natura æqualis Deo in gloria & maiestate, memetipsum exinanivi servi formam accipiens. Nec veni ministrari sed ministrare. Et apponet ultra magnificare se homo super terram? Adhuc ambulabit in magnis, & mirabilibus super se? Vide me prostratum ad pedes Discipulorum meorum, eosque lavantem & abstergentem, & quid volui, nisi exemplum dare vobis, ut quemadmodum ego feci, ita & vos faciatis?

Quid ergo superbis, ô terra & cinis! quomodo præsumis, ô filii hominum, extollere in altum cor vestrum? quid amatis primos accubitus, & primas cathedras? cur tantopere contenditis, quisnam vestrum videatur esse major? Quin potius discite à me, non mundum fabricare, non mortuos iuvare, cæcos illuminare, aut alia prodigia facere, sed, *quia mis sum & humilis corde.*

Non latuit me perfidia proditoris mei, & tamen in cœna coram ipso genuflexus procumbens, pedes ejus, veloces ad effundendum sanguinem meum, manibus meis attrectare, lavare, & extergere dignatus sum: sed nec eundem accedentem ad osculum oris mei averfatus sum; quin es in quo dolus inventus non est, ori quod abundavit malitia, dulciter applicui; dicens: Amice, ad quid venisti? Et grave aut durum tibi videtur, si prior signa & indicia humilitatis exhibere debeas, aut verbum mansuetudinis proferre coram inimico tuo?

HOMO. Humillime Jesu, vere humilitatem ab ortu tuo in mortem usque docuisti nos. Et certe non est discipulus supra Magistrum, nec servus major Domino suo. Itaque cur pudeat me hominem inutilem, exemplo tuo, vilem & humilem fieri? aut quomodo audeam deinceps ambulare in magnis, aut in mirabilibus super me? Vere nimis indignum est, ut, ubi se eo usque demittit supremus omnium Dominus, ibi inflatur & intumescat vilis terræ vermiculus.

Vtinam semper eligam potius abjectus esse, in domo Dei,

magis

magis, quam habitare in tabernaculis peccatorum, & humiliari tecum, ô Domine, ut tecum pariter exaltari merear in die visitationis. Scio enim quia superbis resistis, solis autem humilibus das gratiam.

s. 8. *Paupertas & terrenorum contemptus exemplo Christi nobis commendatur.*

CHRISTUS. Sed quia difficile, & rarum est, inter divitias & bona hujus sæculi non altum sapere, & humilem esse; ego securiorem vobis viam monstravi. Contempsi enim omnia, ut docerem vos, divitiis & caducis terræ bonis cor non apponere, sed magis thesaurizare in cœlis, ubi nec ærugo, nec tinea demolitur.

Nonne cum dives essem, & Dominus universorum, nullius habens indigentiam, pro vobis factus sum egenus? Ego certe inter ipsa nativitatis meæ primordia mox paupertatem amplexus sum, quam deinceps semper & vivens & moriens colui. Nonne mea est terra, & plenitudo ejus? & tamen cum nascerer in terris, vix habui ubi reclinare caput meum, unde in sordentis stabuli positus sum præsepio, quia non erat mihi locus in diversorio. Beatos prædicavi pauperes: Matrem & Apostolos tales elegi, pauperes, inquam, in hoc mundo, divites in fide. Pauper vixi, nudus & egens in Cruce mortuus sum, & tandem in alieno sepulchro conditus. Ecce ut extrema paupertas mea arguit insatiabilem avaritiam vestram! O stulti mortales! Certe, qui non renunciat omnibus, quæ possidet (saltem animo, paratus re ipsa facere, cum id honor meus aut salus propria, vel proximi poscit,) non potest meus esse discipulus.

Vide quid juvenem illum retraxerit, volentem sequi me; nempe, relinquere divitias, illi nimis durum & grave visum est, & ideo tristis abiit. Et cur etiamnum tam pauci sequuntur me? Nonne quia plurimi post aurum abeunt, & à minimo usque ad maximum omnes avaritiæ student? & dum Mammonæ serviunt, me negligunt; quia nemo potest duobus dominis servire.

Ô dedecus hominis Christiani, usurpare nomen meum,

& tam alienum esse à moribus meis; & quasi in vanum accepit animam suam, ita sectari avaritiam, quæ est idolorum servitus; & in multitudine divitiarum suarum gloriari; & quasi gentes, quæ ignorant Deum, & providentiam meam, ita turbari circa plurima, & sollicitum esse circa præsentia tantum, quomodo sibi thesaurizent in terris. O filii hominum usquequo gravi corde, ut quid diligitis vanitatem & quæritis mendacium? Vosne creditis videre bona Domini in terra viventium? Siccine adspiratis ad bona æterna quæ præparavi diligentibus & sequentibus me? Hæcne est via quam monstravi vobis? Recordare saltem tu, ô homo, paupertatis meæ, absynthii & fellis.

HOMO. O Rex Regum, cujus est orbis terræ, & universa quæ in eo sunt, & tamen omnium egenus propter nos fieri dignatus es: Vere beatus, qui intelligit super te egenum & pauperem. Merito beatos dixisti pauperes spiritu, quoniam ipsorum est regnum cœlorum. Utinam tecum merear fieri pauper & inops, ut inopia tua fiam dives. Da mihi ante omnia quærere regnum Dei, & justitiam ejus: minimum vero sollicitum esse de necessariis (absit, de superfluis) corpori & vitæ: onera enim hæc sunt, gravia sane & permolesta homini volenti sequi vestigia tua. Utinam sciam satiari & esurire: & abundare & penuriam pati: & discam in quibus sum, sufficiens esse. Vere enim magnus quæstus est pietas cum sufficientia.

§. 2. *Mira Christi Patientia quomodo à nobis imitanda.*

CHRISTUS. Utique beatus homo, cujus Dominus Deus ejus. Domini est terra, & plenitudo ejus. Quid ergo illi deesse poterit, qui habuerit sibi amicum habentem omnia? tanto quisque magis abundabit bonis æternis, quo minus inhæserit hisce terrenis. Itaque si & tu reliqueris omnia, saltem affectu, & secutus fueris me, centuplum recipies, & vitam æternam possidebis.

Sed necesse insuper, ut præpares animam tuam ad temptationem, si me sequi voles. Nam omnes, qui pie vivere volunt in me, persecutionem pati necesse est. Quomodo enim

coronabitur, nisi qui legitime certaverit? Respice me, exemplar omnis patientiæ. Nihil est quod non æquanimiter tole-
retur, si Passio mea ad memoriã revocetur.

Cogita ergo, quæ & quanta ego & passus sum; & levia
fient, quæcunque pateris. Ut vero fileam dolores & crucia-
tus, quos in corpore nimium graves sustinui; recale tan-
tum, contumelias, injurias, & opprobria exprobrantiũ,
quæ ceciderunt super me; & quo merito meo? Ego sanavi
infirmos, pavi famelicos, illuminavi cæcos, ego transivi be-
nefaciendo & sanando omnes, feci in eis opera, quæ nemo
alius fecit. Et quis potuit me arguere de peccato? nemo
prorsus, & tamen exacerbarunt in me, ut gladium, linguas
suas: hinc audio vorax & potator vini, blasphemus, filius
fabri, in principe dæmoniorum ejiciens dæmonia; dæ-
monium habens, seductor & seditiosus, Samaritanus, &
amicus Publicanorum, imo inter sceleratos reputatus, reus
mortis, & latrone pejor habitus sum, factus opprobrium
hominum, & abjectio plebis. Et hæc quidem omnia pas-
sus sum, vobis relinquens exemplum, ut sequamini vesti-
gia mea. Quid ergo fletis, quid suspiratis, ô homines,
dum forte sustinetis verborum injurias? Recogitate, qua-
lem ego sustinui à peccatoribus adversus memetipsum con-
tradictionem, ut non fatigemini animis vestris deficien-
tes.

Siccine ego debui habere adversarios & oblocutores, & vos
vultis omnes habere amicos, & benefactores? Unde corona-
bitur patientia vestra; si nulla adversitate tentetur? Ego cer-
te innocens & impollutus per omnia, & nihilominus obno-
xius invidiæ, atque calumniæ, docui, frustra vos hic immu-
nitatem quærere. Me oportuit pati, & ita intrare in gloriam
meam.

Erras, erras, mi homo, si aliam vitam tu quæsieris. An di-
scipulus erit supra Magistrum? & servus major domino suo?
Me itaque passo in carne, & tu eadem cogitatione arma-
re, & gaude potius, quam tristere, si dignus habearis pro
nomine meo contumeliam pati. Hoc nimirum ante omnia
discere & scire oportet discipulos scholæ meæ; quia forti-
ter agere, & mala pati Christianum est, & nota amicitia
meæ

meæ. Nam si pati malum esset, ego non eligissem istud; neque Matri meæ, & charissimis quibusque meis calicem passionis meæ propinasse. Utique novi ego reprobare malum & eligere bonum: proposito autem mihi gaudio, elegi crucem confusione contempta. Vnde pati non est malum. Sed nihil unquam mali pati, pessimum: optimum vero mecum esse sub cruce.

Quos enim diligit Dominus, castigat: flagellat autem omnem Filium, quem recipit. Quod si tu extra disciplinam esse vis, cujus participes facti sunt omnes, vide ne adulterinus sis, & non filius genuinus. Omnis autem disciplina in præsentem quidem videtur non esse gaudii, sed mœroris; postea autem fructum pacatissimum exercitatis per eam reddit justitiæ.

HOMO. Omnino Domine inter filios esse & censerì volo, ideoque corrigi à Patre non recuso. Et hæc mihi consolatio, si affligens me dolore, non parcas; modo non in ira corripas me. Pati tecum cupio, ô Christe Jesu, si nunc tibi socius passionum, ut si demum & Consolationum. Scio enim, quia, si compatimur, & conregnabimus.

§. 10. *Summa Christi Charitas potissimum miranda & imitanda.*

CHRISTUS. Sed in his omnibus, & super omnia potissimum expende *Charitatem*, qua ego desideravi & consummavi opus salutis vestræ. Tanta siquidem fuit, ut aquæ multæ dolorum & afflictionum non potuerint obruere eam. Propter vos Pater meus, ne quidem proprio & unico pepercit Filio; sed nec ego mihi ipsi peperci: in finem certe dilexi vos, & ut Pastor bonus, animam meam posui pro ovibus meis; majorem autem charitatem nemo habet, quam ut animam suam ponat quis pro amicis suis.

HOMO. Imo Tu majorum habuisti Domine, ponens eam etiam pro inimicis. Cum enim adhuc inimici essemus, per mortem tuam, & tibi reconciliati sumus, & Patri. Quænam alia videbatur esse, vel fuisse, vel fore similis huic charitati? Vix pro justo quis moritur; tu pro impiis passus es: moriens propter

propter delicta nostra. Qui venisti justificare gratis peccatores; servos facere fratres: captivos cohæredes; exules Reges. Quem non accendat charitas tua, ô Iesu, quæ accendit & illustrat omnia? à summo enim cœlo egressio ejus, nec est, qui se abscondat à calore ejus. Ipsos quoque publicanos & peccatores non respicis, sed recipis & manducas cum eis. Ipsius vero inimicis tuis, qui tibi injurias, contumelias, & mortem ipsam intentant, his tu benefacere studes. O rara, quæ posuisti prodigia super terram!

§. II. *In Cruce Christi omnis virtutis compendium.*

CHRISTUS. Sed forte cuperes hæc omnia compendio discere? Ecce schola omnis virtutis, & perfectionis est mons Calvariæ: Cathedra vero docentis est ipsa *Cruce*. Hanc ego conscendi, & expansis quasi brachiis omnes invitavi ad me, dicens: Venite ad me omnes, qui laboratis & onerati estis, & ego reficiam vos: & exaltatus à terra, traxi ad me omnia, vi doctrinæ potentissima, id est, exemplo, & amore meo.

Vide, quantum in schola hac profecerit Apostolus meus, qui profitetur, se nihil scire nisi Jesum, & hunc Crucifixum: unde & stigmata mea portabat in corpore suo: & confidenter alios hortabatur: Estote imitatores mei, sicut & ego Christi.

Ascende ergo & tu in montem myrrhæ, & collem thuris; sed heu, quam paucis curæ est, huc mecum conscendere! Plures invenio socios mensæ, quam crucis meæ. O quot milia hominum ego aliquando saturaveram panibus? quot infirmos sanaveram? quot cæcos & claudos curaveram? ubi vero erant, cum ad montem pergerem bajulans crucem? quis tunc fuit, qui causam meam ageret? Vere torcular ego calcavi solus, & de gentibus non fuit vir mecum. Ego solus languores vestros portavi; omnes noti mei fugerunt à me, oblivioni datus sum, tanquam mortuus à corde: Tu discce exemplo meo, non ponere carnem brachium tuum, non confidere in principibus aut filiis hominum, in quibus non est salus,

Cum

Cum sceleratis quoque & latronibus deputatus sum; & tamen humiliavi memetipsum, & factus sum obediens usque ad mortem crucis; & tu recusabis humiliari, aut parere in re facillima, cum ego in re tam ardua adeo fuerim obediens?

Nudus in cruce pependi, & si quid sanguinis in me reliquum fuit, id totum large profudi pro salute tua; & tu divitiis appones cor tuum? vel etiam mihi in paupere haustum aquæ, aut vilem nummum erogare, grave tibi erit?

Adspice carnem meam virginem, tot plagis & vulneribus, nimis crudeliter laceratam, & erubescas tuam in deliciis & voluptatibus fovere.

Ego flagellis cæsus, spinis coronatus, clavis confossus, affixus patibulo, opprobriis saturatus, & morte turpissima condemnatus, omnium tamen dolorum immemor in omnibus pressuris meis, nec semel aperui os meum, aut querelæ, aut excusationis, aut comminationis, aut maledictionis verbum, adversus tortores meos proferrem; sed quasi ovis ad occisionem ductus sum, &, velut agnus coram tondente se obmutescens, non aperui os meum: & quomodo tu levissimus, aut nulla occasione pulsatus, ira & impatientia tam vehementer perturbaris?

Vide etiam quali potu me in siti mea potaverunt; & intellige quam sit indignum, ut tu in deliciis nutrias carnem tuam; epuleris splendide, bibas vinum optimum, ventri ac voluptati servias.

Jam vero contra odium & invidiam stat immensa charitas mea, quæ etiam pro inimicis meis oravi, & pro ipsis auctoribus mortis meæ mori non recusavi.

HOMO. O quam multus es ad ignoscendum! ô quam magna multitudo dulcedinis tuæ Domine! ô quam longe cogitationes tuæ à cogitationibus nostris! ô quam firmata est, etiam super impios misericordia tua! mira res; illi clamant, *Crucifige*: tu clamas, *Ignosce*. O verbum benedictionis, qualé non est auditum à sæculo!

CHRISTUS. Sed neque cessavi tædio aut languore victus, quin ex amore & zelo salutis tuæ consummarem omnia: & tu quoque memento certare bonum certamen, cum

sum

sum consummare, & perseverare in finem, si salvus esse velis, & repositam tibi coronam justitiæ consequi.

Inspice ergo, ô homo, & fac secundum exemplar, quod tibi in monte monstratum est. Intuere hic mysticum serpentem in altum erectum: sic enim facile curaberis à morfibz Serpentis antiquis, & sanaberis ab omnibus infirmitatibus tuis.

HOMO. Agnosco, quo altissima & utilissima scientia est, scire *Jesum*, & hunc crucifixum. Itaque mihi absit gloriari, nisi in Cruce Domini mei Jesu Christi; nam verbum crucis, uti pereuntibus est scandalum & stultitia: ita his, qui salvi sunt, Dei virtus & sapientia. Utinam per te, ô Jesu, mihi mundus crucifixus sit, & ego mundo! Utinam ignorem omnia pretius, quam te, in quo sunt omnes thesauri scientiæ & sapientiæ Dei. Beatus homo, quem tu erudieris Domine, & de lege tua docueris eum. Doce me non scire tantum, sed & facere voluntatem tuam?

CHRISTUS. Tunc vere discipulus & amicus meus eris, si feceris quæ ego præcipio tibi, non verbis tantum, sed etiam, & multo magis exemplis. Sed heu rari sunt veri amatores & imitatores mei! nec mirum; plurimos enim piget cognoscere & meditari, quæ ego fecerim, quæve docuerim; & imitari libeat? Oblivioni ego datus sum, non est qui recogitet corde: quod autem ignorat quis, quomodo diliget? Amor utique in incognitum tendere non potest.

Proinde tu certo tecum statue, nihil efficacius esse ad amorem mei, nihil utilius ad salutem hominis, quam sit assidua meditatio Vitæ ac Passionis meæ. Nimis duri & ferrei cordis est, quem tanti amoris vis non emollit? Quis audebit peccare, si serio cogitet, quam horrenda passus sim ego, ut hominem à peccati & mortis jugo liberarem? Hæc vero perdis omnia, & Sanguinem meum proculcas, quam primum sciens in peccatum consentis. Quid, an vilis tibi erit anima tua, pro qua ego laboravi triginta tribus annis in hoc mundo? Tunc illam vendes pro nihilo, quam ego emi pretio tam magno, id est, Sanguine meo; & quam ego vita mea cariorem habui?

Vide

Vide quid agas, mi homo, inter maxima præmia & supplicia constitutus es; Illa ego in laboribus & doloribus multis præparavi diligentibus me; Hæc degeneres & contemptores manent. Si beatus esse vis, *sequere me*, Quid times? Viæ meæ viæ pulchræ; quas cum ingressus fueris, non arctabuntur gressus tui: Ego feci prava in directa, & aspera in vias planas. jugum meum suave, & onus meum leve. Ego, qui ductor tuus sum, etiam adjutor ero; & tandem merces tua magna nimis.

§. 12. *Conclusio & Gratiarum Actio pro Vita & Passione Christi.* Ex sancto Bernardo.

Gratias tibi Pater referat omnis lingua, pro superabundantia charitatis tuæ, qui unico Filio cordis tui non pepercisti, sed pro nobis omnibus illum tradidisti in mortem, ut eum tanquam fidelem Advocatum haberemus coram te in cœlis.

Ecce enim gloria & honore coronatus, in dextera Majestatis tuæ adsistit vultui tuo pro nobis: caro enim & frater noster est. Respice Domine, in faciem Christi tui, qui tibi usque ad mortem obediens factus est: nec recedant ab oculis tuis cicatrices ejus in perpetuum, ut memineris, quantam ab eodem satisfactionem receperis.

Et tibi Domine Iesu, fortissime zelotes, quid gratiarum retribuam, ego homo pulvis & vile figmentum? quid enim pro mea salute facere debuisti & non fecisti? ab imo pedis usque ad summum verticis te totum in aquis passionum demersisti, ut me totum extraheres de illis, & intraverunt usque ad animam tuam: nam & animam tuam in mortem perdidisti, ut meam perditam mihi redderes.

Et ecce me duplici debito obligasti. Nam & pro eo quod dedisti tuam, debitor tibi sum: & pro mea quidem anima bis à te mihi data, semel in Creatione, & semel in Redemptione, quid magis juste tibi reddam, quam ipsam, non habeo.

Pro tua autem pretiosa anima, ita contribulata, quid ab homine digne rependi possit, non invenio. Nam etsi cælum & terram, & omnem ornatum eorum pro ea possem rependere, certe nec sic usque ad mensuram debiti ullatenus attingere pos-

possem. Vt autem ipsum, quod & debeo, & possibile mihi est, retribuam, tui Domine, muneris est.

Diligendus es mi Domine, toto corde, tota anima, tota virtute, & tua mihi sequenda vestigia, qui pro me mori dignatus es. Et quomodo fiet istud in me, nisi per te? Adhæreat anima mea post te: quia tota virtus ejus pendet ex te. Et nunc Domine, Redemptor meus, te ut verum Deum adoro, in te confido, in te spero, & quibus possum desideriis ad te suspiro, adjuva imperfectum meum. Ad tuæ Passionis gloriosa insignia, in quibus salutem meam operatus es, totum me inclino. Tuæ victoriosæ Crucis regale vexillum in nomine tuo, Christe, adoro. Tuum spineum diadema, tuo rubentes sanguine clavos, tuo sacro lateri immerfam lanceam, tua vulnera, tuum sanguinem, tuam sepulturam, tuam gloriosam, & victoriosam resurrectionem, & glorificationem, Christe, supplex adoro & glorifico.

Odor enim vitæ spirat mihi in omnibus his. Horum vivifico odore spiritum meum, Domine, à peccati morte resuscita. Horum virtute ab astutiis Satanæ me custodi, ac me conforta, ut jugum mandatorum tuorum suave fiat mihi, & onus Crucis, quod post te bajulare me jubes, humeris animæ meæ sit leve.

Quæ est enim fortitudo mea, ut juxta præceptum tuum mundi pressuras tam multiplices invicto animo sustineam? Nunquid pedes mei tanquam cervorum, ut velocem cursorem per spinas & confragosa passionum consequi valeam?

Sed audi vocem meam, & inclina super servum tuum suavem crucem illam, quæ lignum vitæ est iis, qui apprehendunt eam; ut spero curram alacriter, portabo infatigabiliter eam, quæ inimicis est, crucem, post te. Illam, inquam, divinissimam crucem humeris meis impone, cujus latitudo est Charitas, cujus longitudo est Æternitas, cujus sublimitas est Omnipotentia, cujus profundum est inscrutabilis Sapientia. Confige illi manus meas & pedes meos, & totum passioni tuæ conforma servum tuum Domine.

CAP. III.

ORATIO DOMINICA

Diversimode ad Christum ejusque Passionem accommodata.

I. MODVS RECITANDI

Orationem Dominicam,

Commemorando precipuos quosque Christi Titulos.

Pater noster qui es.

O *Dulcissime Pater* Jesu Christe, qui nos, vitio primæ nativitatis ex Adam filios iræ & perditionis regenerasti filios Dei, & heredes vitæ æternæ, in sanguine tuo: ut merito *Patrem futuri sæculi* te vocet Propheta tuus. Nimirum Patrem & Auctorem te novæ creaturæ, seu regenerationis nostræ; Patrem novæ & hætenus inauditæ dilectionis agnoscimus, colimus, adoramus. Et ecce quam bonus sis pater, & quam pronus ad opitulandum filiis tuis, eo ipso satis ostendis, quod & normam orandi, & ipsa nobis verba suggeris, quibus facile & efficaciter, quicquid petierimus Te, vel Patrem in nomine tuo, obtinere possimus.

O Pater D. N. I. respice in faciem Christi, Filii tui, quoties ejus institutione formati, supplices te rogamus.

Audi & tu ô *Pater noster* Jesu, quoties verbis tuis te humiliter compellamus, dicentes:

Sanctificetur nomen tuum.

O *Jesu, Sacerdos Magne*, qui in diebus tuis placuisti Deo, & inventus es justus, & in tempore iracundiæ factus es reconciliatio. Qui non per alienum, sed per proprium Sanguinem introisti semel in Sancta. Talis enim decebat ut nobis Pontifex esset: Sanctus, innocens, impollutus, segregatus à peccatoribus, qui non haberet necesse, sicut sacerdotes ceteri,

ceteri, prius pro suis delictis hostias offerre, deinde propo-
puli.

Ecce sanctuses, & sanctum Nomen tuum. Nam & talis
in ortu tuo; immo & ante ortum prædicaris ab Angelis: &
Pater Æternus Nomen tibi dedit, quod est super omne no-
men; ut in Nomine tuo flectatur omne genu. Unde à solis
ortu usque ad occasum laudabile est Nomen tuum.

Quid ergo sanctitati Nominis tui conferemus nos viles
terræ vermiculi? Nempe Nomen tuum in se sanctissimum,
à nobis sanctificari, id est, honorari & prædicari debet, sed
vitæ imprimis, & moribus sanctis. Sancti, inquis, estote
quoniam ego sanctus sum. Quis vero sanctos & mundos
faciet de immundo conceptos semine, nisi tu? *Sacerdos* in
æternum, sanctificans omnia? qui dilexisti nos, & tradidisti
temetipsum pro nobis oblationem & hostiam Deo, ut sancti-
ficares tibi Ecclesiam non habentem maculam aur rugam.
Sanctifica ergo nos in veritate, ut nos sanctificemus te; & sic
luceat lux nostra coram hominibus, ut videntes opera nostra
bona, glorificent Te, & Patrem tuum, qui in cœlis est.

Adveniat regnum tuum.

O *Iesu Rex* magne super omnes Reges terræ. O Rex gloriæ,
qui venisti nobis (primo Adventu tuo) mansuetus & humi-
lis; non incutiens majestate vel potentia terrorem; sed mi-
seros humilitate & clementia recreans. Natus de stirpe re-
gia, regnas in Domo Iacob; & Regni tui non erit finis. Re-
gnum quidem tuum non est de hoc mundo; attamen stans co-
ram præside, Regem te esse non dissimulas. Quin & in Cru-
ce regium titulum præfers. Insuper gloria & honore corona-
vit Te Pater Æternus, & data est tibi omnis potestas in cœlo
& in terrâ.

Eja Rex Regum Opt. Max. Regnum tuum nunc quidem
Gratiæ, demum Gloriæ nobis adveniat. Absit, ut sicut Fi-
lii Belial, despiciamus aut detrectemus te Regem; immo
volumus Te, ô *Rex Pacificæ & Sapiens*, regnare super nos; nam
justitia & clementia firmatur Thronus tuus. Itaque intende,
prosperè procede, & regna in nobis, utpote omni jure tibi
subjectis. Dominare quoque in medio inimicorum tuorum, &

H h

rege

rege eos in virga ferrea; ut nos de manu eorum liberati, serviamus tibi in sanctitate & iustitia omnibus diebus nostris. Et sic gloria Regni tui indies magis magisque crescat, ac proficiat.

Fiat voluntas tua.

O Iesu Domine & Magister, qui venisti facere & docere voluntatem Patris tui. Domine, ego servus tuus, & Filius ancillæ tuæ. Quid ergo me vis facere, Domine? Paratum cor meum; paratum facere quod jubes; paratum fugere, quod prohibes. Scio, quia non omnis, qui dicit tibi, Domine, Domine, sed qui servat mandata tua, hic placet tibi. O Iesu Præceptor miserere mei; & doce me facere voluntatem tuam: ne, si sim servus sciens voluntatem Domini, & non faciens, plagis multis vapulare dignus fiam. Da quod jubes, & jube quod vis.

Panem nostrum quotid.

O Iesu Pastor Bone; qui venisti è cælo, ut visitares oves tuas, sicut pastor visitat gregem suum. Sed & pascis oves tuas in pascuis uberrimis. Quis vtro pascit gregem, & de lacte ac carnibus ejus non pascitur? Tu autem oves tuas ipsa propria carne & sanguine pascis. immo animam tuam ponis pro ovibus tuis.

Ecce Pastor bone, erravi sicut ovis quæ periit, vagor per avia, pascua non inveniens. Require ovem tuam, & impositam humeris repone me in loco pascuæ, ubi me olim collocasti; & nihil mihi deerit, nec corpori, nec animæ. Illi alendo educa Panem de terra: hanc Pane cæli confirma ne deficiam in via.

Dimitte nobis debita.

O Iesu Redemptor piissime, qui dilexisti nos, & tradidisti te metipsum pro nobis, ut nos redimeres ab omni iniquitate, & mundares tibi populum acceptabilem. Gratis venundati eramus; & sine argento redimendi; Attamen empti sumus pretio;

tio; & ô quam magno! Non enim corruptibilibus auro vel argento, sed precioso Sanguine tuo redempti sumus. Dimittite nobis ergo debita nostra, pro quibus tam abundans persolvisti precium. Si autem tu iniquitates observaveris, quis sustinebit? dum non est qui *redimat*, neque qui salvum faciat. Nam quis est præter te, qui peccata dimittat? Nec frater; nec ullus *redimet* homo; quia apud te solum, ô summe *Redemptor*, misericordia, & copiosa redemptio.

Et ne nos inducas in tentationem.

O Iesu *Salvator*, & *Medice* piissime, qui venisti in hunc mundum peccatores salvos facere: qui languores nostros ipse tulisti, & dolores nostros vere portasti, tentatus ipse per omnia absque peccato, ut scires tentatis compari. Dixisti non esse sanis opus medico, sed male habentibus. Ecce turbam languentium, & à te opem salutis expectantium. Vides quam debiles & infirmi simus; nec resistere malis; nec bonis insistere ex nobis possumus; adeo sensus & cogitatio humani cordis in malum prona sunt. Spiritus quidem promptus est; Sed caro infirma, heu, quam facile tentationi succumbit! Tu ô *Salvator* salva nos. Tu ô Cœlestis *Medice* da robur, fer auxilium. Gratia tua potens medicina est. omnia possumus in te, si nos confortes.

Ecce ô pie *Samaritane*, jacet homo, qui incidit in latrones, secus viam, multis plagis saucius, & semivivus, desertus ab omnibus. Ecce jacet in domo mea paralyticus, Animus meus piger, & viribus impotens ad opera virtutis: veni & cura eum.

Attamen si ita visum tibi, ure etiam & seca: nam & hoc medici est, non ægri odio, sed amore. Infunde vinum & oleum vulneribus; esto, illud mordeat, sed hoc mitigat. Non percutit medicus ægro, ne perdat. Quin percutit, ut sanet: amarum porrigit, ut purget.

Amarum quidem poculum, Tentatio: Sed tu, ô prudens *Medice*, pro natura & necessitate cujusque id temperare nosti, ut facias cum tentatione proventum. Itaque & ego paratus sum bibere calicem tuum, immo tecum; nam tu prior

eum bibisti; non dubitans fore salutarem, situ dilutum porrexeris.

Ecce in manu tua sum ego; si vis, potes me curare. Salva me Domine, & sanabor. Saluum me fac, & saluum esto.

Sed libera nos à malo.

O Iesu Iudex clementissime, cui omne iudicium dedit Pater, non ut iudices mundum; sed ut mundus salvetur per te. Itaque cum manifeste venies in nubibus cœli, cum virtute & maiestate magna, discernere populum tuum, ut reddas unicuique secundum opera sua; tunc ô Iesu, sis propitius mihi Iudex; & non intres in iudicium cum servo tuo; qui non iustificabitur in conspectu tuo omnis vivens; Ne tunc precor, in furore tuo arguas me, sed superexaltet misericordia iudicium, ut non secundum iniquitates nostras retribuatur nobis.

O Iesu in die mala libera me à malo, quod est supremum malorum; nam mors peccatorum pessima; qui est separatio à te Summo Bono. O quis det mihi, ut in die illa tremenda ab auditione mala non timeam: *Discedite à me maledicti?* Nam tibi adhærere mihi bonum est: ô si in æternum non separer à te! Amen. Amen.

I I. M O D U S.

Recitandi Orationem Dominicam, accommodatè

Ad VII. Effusiones Sanguinis Iesu Christi.

DEus, qui aliàs faciles & pronas habet aures in preces nostras, apud Prophetam testatur, se abominari orationes & vota supplicum. Quia manus vestræ, inquit, sanguine plene sunt. At nunc nihil æque ad efficaciam orandi facit, quam si manus mentemque Christi sanguine calentem homo supplex extendat. Accessistis, ait Apostolus, ad testamenti novi Mediatorem Iesum Christum, & sanguinis asperfusionem, melius loquentem quam Abel: melius, utique. Nam sanguis Abel clamabat vindictam; at Christi Sanguis veniam & misericordiam. Orare ergo vis utiliter? Calicem salutaris accipe; & sic nomen Domini invoca:

Pater noster qui es in cœlis.

O Pater Domini nostri Iesu Christi, qui propter nos non pepercisti unico Filio uteri tui; sicut nec ipse pepercit sibi, tradens semetipsum pro nobis, quia voluit: & nos dilexit in finem. Omnia vincit amor; an Deum quoque, quo nihil majus & fortius? O vis amoris! Nec aquæ multæ poterunt extinguere charitatem: quin & tu ita velles; & Filius tuus omnem sanctissimi Corporis sui sanguinem pertot rivos estunderet. Ecce venio ut hauriam aquas in gaudio de fontibus Salvatoris. Roseo ejus cruore tinctas & imbutas manus ad te in cœlum levo. Ecce hic est Filius tuus dilectus in quo tibi bene complacuit. Respice in faciem Christi Filii tui: vide an tunica Filii tui sit, tam pretioso respersa Sanguine. Attende quare rubrum sit indumentum ejus; & deinceps ad nos miseros Evæ filios, sed jam adoptione tuos per Sanguinem Anigeniti tui, oculos misericordiæ converte. An patiemur repulsam, ubi pro nobis clamat non sanguis Abel, nec hircorum, aut vitulorum; sed Sanguis Agni immaculati Iesu Christi Anigeniti tui?

O Iesu dilecte, Candide, Rubicunde, Sponse Sanguinum quiredemisti nos Deo in Sanguine tuo, admitte me propitius intrantem in sancta per Sanguinem tuum. En calicem salutaris (Sanguinis tui) accipiam, & Nomen Domini invocabo; Itaque ante omnia rogo, ut

I. Sanctificetur nomen tuum.

Non enim, ô Iesu, est aliud sanctius nomen sub cœlo datum hominibus, in quo oporteat nos salvos fieri; & quod magis honorari dignum sit, quam tuum, ô Sanctissime Iesu, Nomen, inquam, super omne nomen, quod impositum tibi est in *Circumcisione*, quando jam natus mox pro nobis cepisti tenellum sanguinem fundere, O fac incalescat hic sanguis in cordibus nostris, & excitet in nobis zelum & fervorem dilatandi semper gloriam Nominis tui. Sit Nomen tuum ô Iesu, benedictum ex hoc nunc & usque in seculum.

II. *Adveniat Regnum tuum.*

Rex enim es tu, ô Iesu, & quidem magnus super omnes deos, Reges terræ. Sed, heu, qualis reputaris ab impiis! Quomodo te regem honorant, quali diademate coronant, quibus gestibus adorant! Nempe ut fatuo & ludicro Regi illudant, plectentes tibi *Coronam de spinis* durissimis, & alteri capiti tuo infigentes.

Per hujus sacrilissimi Sanguinis effusionem, fac in nos perveniat Regnum tuum, ubi nos coronas in misericordia & miserationibus. Et denique regnum tuum illud, ubi gloria & honore coronamur. Id nobis obtineat Sanguis pro nobis in *Coronatione* effusus.

III. *Fiat voluntas tua.*

O Iesu, qui voluntatem tuam nostri causa promptissime resignasti in beneplacitum Patris tui, factus obediens usque ad mortem; cum in *Agonia* ad montem Oliveti tantis premeretur angustiis cor tuum, ut sudor tuus, sicut guttæ sanguinis, de toto corpore deflueret.

Ecce voluntatem meam merito tui causa resigno; tuæque subjicio; ut tua, non mea fiat; esto, desuper ad horrorem & sudorem usque anxietur in me spiritus meus; optabo nihilominus, ut *Fiat voluntas tua*. O fac id donetur mihi *per sanguineum Sudorem* tuum.

IV. *Panem nostrum quotidianum.*

O Iesu, supra dorsum tuum araverunt peccatores, & flagellis virgisque, quasi vomere, rastro, & ligone terram corporis tui subegerunt. Sed quanta nobis ex tam crudeli cultura messis, & fructuum copia parata! Nempe ut dum hic cibamur pane lacrymarum; & in sudore vultus vescimur pane nostro; Pane quoque vitæ & intellectus nutriamur; & sicut adipe & pinguedine repleatur anima nostra; donec in fortitudine cibi illius perambulemus hoc desertum; & tandem edamus

edamus & bibamus super mensam tuam, & satiemur ab uber-
tate domus Dei. Fiat, ô Iesu, per Sanguinem, quem pro
nobis in *Flagellatione* fudisti.

V. *Et dimitte nobis debita nostra.*

O Iesu patientissime, cujus Sanguis toties pro nobis effu-
sus est in remissionem peccatorum. Nam & à crudelissimis
tortoribus non semel vestimenta tibi violenter, & crudeliter
detrahi; adeoque vulnera tua sæpius renovari, magisque di-
latari, non sine acerbissimo dolore sustinuisti; quia nimi-
rum homo vestem innocentiz peccando perdidit & restitutam
sæpius, iterando peccata, scedavit.

Rogo te per sacra Vulnera tua crudeli vestium exspoliatio-
renovata, & Sanguinem ex eistam copiose manantem, dimit-
te nobis debita nostra. Nam, teste dilecto Discipulo tuo,
Sanguis I. C. emundat nos ab omni peccato. Fac ut exspolian-
tes nos veterem hominem cum actibus suis, induamus no-
vum, qui secundum Deum creatus est, in justitia & sancti-
tate veritatis. Sanguis tuus, ô Iesu, emundet conscien-
tias nostras ab operibus mortuis ad serviendum Deo viven-
ti.

VI. *Et ne nos inducas in tentationem.*

O Iesu, qui *transfixis manibus & pedibus* Cruci truculen-
ter nimis affixus es, & totidem quasi fontibus vel canalibus
sanguinem copiose profudisti. Ecce in manibus tuis sortes
meæ. nam & cadentem tenes me, & jacentem erigis & stan-
tem protegis. In manus tuas commendo me. Sub umbra
alarum tuarum protege me, à facie eorum qui affligunt &
persequuntur me. O si contra omnem tentationem stem fortis
in fide, tibi, Christe, confixus cruci; ut ab amore tui me
nec vita, nec mors, nec ulla creatura separet.

VII. *Sed libera nos à malo.*

O Iesu refugium afflictorum, Ecce in medio malorum &
laqueorum miser homo perambulatur; quid faciet, ut effu-
giat? ubi quæret asylum, ut tutus lateat? ubi? nisi in sinu
dulcissimi cordis tui, ad quod per *Latus apertum lancea*

nobis aditus patefactus est. Intrabo istuc intrepidus, & ibi habitabo securus, tanquam columba in foramine petrae; in caverna maceræ. Ibi abscondita est fortitudo mea. Bonum mihi erit istic esse, & ibi figere tabernaculum, ubi nec flagellum, nec ullum appropinquet malum. Inde quippe Singuis & Aqua profluxit; ut sit & ablutio scelerum, & fortitudo fragilium, & miseriæ remedium, & contra omnia salutis pericula firmamentum. O bone Iesu, libera me ab omni *Mallo*, quando tam amanter pandis mihi sinum Amoris, dulcissimum *Cor* tuum; id est, Te ipsum fontem omnis *Boni*. Amen, Amen.

III. M O D U S

Recitandi Orationem Dominicam

accommodate ad VII. Verba Christi in Cruce;

Pater noster qui es.

I. *Sanctificetur Nomen tuum.*

O Domine Iesu, Sancte Sanctorum, unius cum Patre in coelis gloriæ & maiestatis; Tibi quidem in omni vita, quoad in terris visus, & cum hominibus conversatus es; sed nec minus in morte id unice curæ fuit, semper & ubique gloriam Patris tui quærere ac prædicare. Videbaris quidem in extremis mortis angustiis quasi derelictus à Patre clamare; *Deus meus, quare dereliquisti me?* (Nempe influxus divinitatis & gloriæ tuæ tantisper suspensus fuit, ut natura humana sibi relicta mortis aculeum acerbius sentiret,) sed illa derelictio ad cumulum paternæ, tuæque gloriæ cessit. Nam obediens ad mortem factus es; propter quod exaltavit te Deus, & dedit tibi nomen, quod est super omne nomen.

O Iesu, sic pro me derelictæ, fac ne unquam, præsertim in hora mortis, projicias me, & cum defecerit virtus mea, ne derelinquas me, propter gloriam Nominis tui; Ne quando dicat inimicus meus, Deus dereliquit eum; persequar & comprehendam eum, quia non est quis eripiat eum. O Deus ne
elon-

elongeris à me, neque despicias me Deus salutaris meus. Da ut etiam in desolatione, & inter flagella te benevolum Patrem agnoscens, dicam cum Viro probatæ patientiæ: Sicut Domino placuit, ita factum est. Sit nomen Domini benedictum.

2. *Adveniat Regnum tuum.*

Illud, inquam, ô Iesu, cujus Te Dominum Latro tecum crucifixus agnovit, dicens, *Memento mei*, cum veneris in Regnum tuum: cujus quidem consortium tu protinus illi promisti, dicens, *Hodie mecum eris in Paradiso*. Da mihi, ô Iesu, quæ sursum sunt quærere, ubi tu es in dextera Dei sedens; quæ sursum sunt sapere, non quæ super terram. Sed ante omnia, da mihi cor vere contritum, & humiliatum, quod non despicias, ut in fine, cum Latrone dicere mihi magnam fiducia liceat: *Adveniat Regnum tuum*; Memento mei Domine, olim pro me pendens inter Latrones in Cruce, nunc cum Beatis regnans in cœlo! O si tunc & ego merear audire: *Hodie mecum eris in regno meo*.

3. *Fiat voluntas tua.*

O Iesu obedientissime, qui factus es pro nobis obediens Deo Patri usque ad mortem, mortem autem Crucis. Unde palam testaris *Consummatum esse*; nempe, opus Redemptionis humanæ (ô quam arduum ac difficile!) tibi à Patre commissum.

O Iesu da mihi, ut quæ status & officii mei sunt, serio perficiam, ut bonum certamen certando, cursum consummando à te expectare possim coronam justitiæ. Nam si faciam ego, quod iussisti; Tu facies quod promisti.

4. *Panem nostrum quotidianum.*

O Iesu nostræ salutis magne Zelator. Quid enim in Cruce pendens, & *te sitire clamans*, quid, inquam, sitiebas, aut desiderabas aliud, quam salutem nostram? certe desiderio desiderasti hunc cibum manducare, & hunc calicem bibere. Siccine quod gula nostra peccavit, tam acerba sitis expiare debuit?

O si des mihi ita propriam sitire salutem; sicut tu alienam! Quid vero proderat tibi, si me salvares? Nimirum gratuitus amor mei sitim illam accendit: Cui utinam ego digne respondere, non negligens ipse curam salutis meae; sed ne studium alienae. Vtrumque enim instar dulcis & jucundi cibi nobis esse debet. Nam unicuique mandasti de proximo suo; & peccati populi sacerdotibus comedenda dedisti: Absit, ut nauseet anima eorum super cibo isto tanquam vilissimo, & nimium duro. Utinam zelus domus Domini comedat eos; ita, ut non comedant, nec commoda, seu bona Ecclesiae capiant, nisi zelo Domus Dei, ad quos illius cura pertinet.

5. *Et dimitte nobis debita.*

O clementissime Iesu, qui vulneratus & mortuus es propter delicta nostra; qui non vis mortem peccatorum, ita ut nec ipsos tuae mortis auctores, & carnifices ab hac misericordia velles exclusos, quin pro eis orares, dicens: *Pater ignosce illis.* O pietas inaudita! O misericordia ineffabilis!

Per hanc precor, ignosce mihi, & dimitte debita mea. Ecce & ego paratus sum ex animo, idque exemplo & verbis tuis monitus, ignoscere inimicis meis; ne frustra quaeram à te misericordiam, si erga proximos reservem iracundiam.

6. *Et ne nos inducas in tentationem.*

O suavissime Iesu, qui tentatus es ipse per omnia absque peccato; neminem vero tentas; sed intentator malorum es; immo omnium tentatorum refugium & virtus; adjutor in tribulationibus. Id quod satis in ipsa Cruce monstrasti, tam pro dilectissima Matre & dilecto Discipulo sollicitus, eosque *sibi invicem commendans*; ut mutua cura & ope, haberent in adversis solatium: in tentationibus remedium.

Utinam pariter, ô Domine, sollicitus sis mei, ut non timeam quid faciat mihi, vel homo, vel Dæmon malignus: & quasi stans sub Cruce provideam te in conspectu meo semper; quoniam à dextris es mihi, ne commovear.

7. *Sed libera nos à malo.*

O Jesu fortissime; nam fortis ut mors dilectio: Hæc te mori coëgit: sed & mortem ac mala omnia fecit vincere. Tu itaque à malis & miseriis hujus vitæ mortalis jam tum liberandus, secure & tranquille in manus Patris Æterni spiritum tuum commendas, velut ultro vitam & animam illi resignans, à quo acceperas; sciens quia potens erat resuscitare te ad vitam, nec morti, nec ullis malis amplius obnoxiam.

Da mihi, ô Jesu, sic perfungi hujus vitæ pœnis, laboribus, malis, miseriis, ut cum ad finem pervenero, filiali fiducia, prompta voluntate reddam tibi Creatori meo animam meam: Tu vero à Malo damnationis æternæ, (ô malum horrendum!) libera me, qui redemisti me Domine Deus veritatis. Amen, Amen.

C A P. III.

L I T A N I Æ
VITÆ ET PASSIONIS DOMINI NOSTRI
IESU CHRISTI.

KYRIE ELEISON. Christeeleison.
Kyrie eleison.

Pater de cœlis DEUS, miserere nobis.

Fili Redemptor mundi Deus, miserere nobis.

Spiritus S. Deus, miserere nobis.

S. Trinitas unus Deus, miserere nobis.

Iesu cunctis gentibus desiderate,

Iesu in mundum à Patre misse,

Iesu de Spiritu sancto concepte,

Iesu Verbum caro factum,

Iesu formam servi accipiens,

Iesu in utero Matris Ioannem visitans & exhilarans,

Iesu de Maria virgine nate,

Iesu pannis involute,

Iesu in præsepio reclinate,

Agg. 2.

Galat. 4.

Luc. 1.

Joan. 1.

Phil. 2.

Miserere nobis.

Luc. 1.

Luc. 2.

Ibid.

Ibid.

Iesu

Iesu ubere virgineo lactate,
 Iesu Pastoribus in præsepio manifestate,
 Iesu circumcisionis Legem sponte suscipiens,
 Iesu à Magis adorare,
 Iesu in templo præsentare,
 Iesu ulnis iusti Simeonis excepte,
 Iesu in Ægyptum deportare,
 Iesu ab Herode ad necem quæsite,
 Iesu in Nazareth nutrire,
 Iesu in Templo inter Doctores invente,
 Iesu parentibus subdite,
 Iesu à Ioanne baptizare,
 Iesu in deserto tentare,
 Iesu cum hominibus conversare,
 Iesu rudes & pauperes discipulos eligens,
 Iesu omnibus languentibus misericorditer o-
 pitulate,
 Iesu in monte coram Patribus transfigurare,
 Iesu præ compassione super Jerusalem lacry-
 mate,
 Iesu Rex mitis Jerusalem ingressæ,
 Iesu zelo domus Dei vendentes & eementes eji-
 ciens,
 Iesu triginta argenteis vendite,
 Iesu ad lavandos Discipulorum pedes inclina-
 te,
 Iesu Pascha cum discipulis manducans,
 Iesu Corpus tuum nobis in cibum, & sangui-
 nem in potum largite,
 Iesu in oratione prostrate,
 Iesu in agonia sanguineo sudore perfuse,
 Iesu ab Angelo confortate,
 Iesu osculo à Iuda tradite,
 Iesu à ministris crudeliter ligate,
 Iesu à Discipulis derelictæ,
 Iesu Annæ & Caiphæ præsentate,
 Iesu alapa à ministro percussæ,
 Iesu à falsis testibus accusate,

Ibid.

Ibid.

Ibid.

Matth. 2.

Luc. 2.

Ibid.

Matth. 2.

Ibid.

Ibid.

Luc. 2.

Ibid.

Matth. 3.

Matth. 4.

Ibid.

Ibid.

Ibid. &c.

Matt. 17.

Luc. 19.

Mat. 21.

Luc. 19.

Matt. 26.

Ibid.

Ibid.

Ibid.

Ibid.

Ibid.

Ibid.

Ibid.

Ibid.

Ibid.

Ibid.

Ibid.

Ibid.

Ibid.

Iesu

Iesu reus mortis iudicate,
 Iesu in faciem conspice,
 Iesu oculis velate,
 Iesu colaphis cæse,
 Iesu gratis odio habite,
 Iesu, qui corpus percutientibus & genas vel-
 lentibus dedisti,
 Iesu à Petro ter negate,
 Iesu victus Pilato tradite,
 Iesu ab Herode sprete & illuse,
 Iesu veste alba indute,
 Iesu Barabbæ postposite,
 Iesu flagellis immaniter cæse,
 Iesu propter scelera nostra attrite,
 Iesu quasi leprosus reputate,
 Iesu veste purpurea indute,
 Iesu spinis coronate,
 Iesu arundine pro sceptro donate,
 Iesu à Judæis ad crucem postulare,
 Iesu morte iniquissima condemnate,
 Iesu voluntati Iudæorum tradite,
 Iesu crucis pondere gravate,
 Iesu tanquam ovis ad occisionem ducte,
 Iesu myrrhato vino & felle potate,
 Iesu nudus in cruce confixe,
 Iesu qui dilexisti nos, & à peccatis sanguine
 tuo lavisti,
 Iesu qui proposito tibi gaudio, sustinuiſti cru-
 cem confusione contempta,
 Iesu qui tradidisti temetipsum pro nobis obla-
 tionem & hostiam Deo in odorem suavi-
 tatis,
 Iesu cum iniquis reputate,
 Iesu inter duos Latrones crucifixe,
 Iesu regio titulo in cruce per Pilatum insigni-
 te,
 Iesu pro inimicis Patrem deprecate,
 Iesu opprobrium hominum facite,

*Ibid.**Ibid.**Ibid.**Ibid.**Ioan. 15.**Isa. 53.**Matt. 26.**Matt. 27.**Ibid.**Ibid.**Ibid.**Ibid.**Isa. 53.**Ibid.**Marc. 15.**Matt. 27.**Ibid.**Ibid.**Luc. 23.**Ibid.**Ioan. 19.**Isa. 53.**Marc. 15.**Matt. 27.**Apoc. 1.**Hebr. 12.**Ephes. 4.**Marc. 15.**Matt. 27.**Ioan. 19.**Luc. 23.**Psal. 21.*

Iesu

Iesu à prætereuntibus blasphemate,	<i>Mat. 27.</i>
Iesu à Iudæis derise,	<i>Ibid.</i>
Iesu à militibus in cruce illuse,	<i>Luc. 23.</i>
Iesu à latrone convitiis laceffite,	<i>Ibid.</i>
Iesu Latroni pœnitenti paradifum pollicite,	<i>Ibid.</i>
Iesu qui Ioannem Matri tuæ in filium commen-	
dasti,	<i>Ioan. 19.</i>
Iesu te à Patre derelictum attestate,	<i>Mat. 27.</i>
Iesu sitiens aceto potate,	<i>Ioan. 19.</i>
Iesu qui omnia de te scripta in Cruce consum-	
masti,	<i>Ibid.</i>
Iesu qui Spiritum tuum in manus Patris jam	
moriturus commendasti,	<i>Luc. 23.</i>
Iesu à Patre pro tua reverentia semper exaudi-	
te,	<i>Hebr. 5.</i>
Iesu usque ad mortem crucis obediens facite,	<i>Phil. 2.</i>
Iesu lancea transfixe,	<i>Ioan. 19.</i>
Iesu, de cuius latere exivit sanguis & a-	<i>Miserere nobis.</i>
qua,	<i>Ibid.</i>
Iesu qui peccata nostra super lignum in corpore	<i>1 Petr. 2.</i>
tuo pertulisti,	<i>Ibid.</i>
Iesu, cuius livore sanati sumus,	<i>1 Ioan. 2.</i>
Iesu propitiatio nobis facite,	<i>Mar. 15.</i>
Iesu de cruce deposite,	<i>Mat. 27.</i>
Iesu in findone munda involute,	<i>Ibid.</i>
Iesu in monumento novo tumulate,	
Iesu qui post mortem ad inferos descendi-	<i>1 Petr. 3.</i>
sti,	
Iesu qui mortuus es propter delicta nostra, &	
resurrexisti propter justificationem no-	
stram,	<i>Rom. 4.</i>
Iesu in cœlum elevate,	<i>Act. 1.</i>
Iesu in Patris dextera collocata,	<i>Pf. 109.</i>
Iesu gloria & honore coronata,	<i>Is. 8.</i>
Iesu Rex Regum, & Domine dominan-	
tium,	<i>Apoc. 19.</i>
Iesu qui parasti nobis locum in Domo Patris	<i>Ioan. 14.</i>
tui,	<i>Iesu</i>

Iesu noster apud Patrem advocate,
 Iesu Spiritum Peraclitum discipulis elargi-
 te,
 Iesu vivos & mortuos iudicare,
 Iesu reprobos in ignem æternum missure,
 Iesu paratum electis Regnum collature,
 Propitius esto, Parce nobis Iesu.
 Ab omni malo, Libera nos Iesu:

Miserere nobis.

1 Ioan. 2.

Actor. 2.

2 Tim. 4.

Matt. 25.

Ibid.

A subitanea & improvisa mala morte,
 Ab insidiis diaboli,
 Ab ira, odio, & omni mala voluntate,
 A morte perpetua,
 Per mysterium sanctæ Incarnationis tuæ,
 Per Adventum tuum,
 Per Nativitatem tuam,
 Per circumfessionem tuam,
 Per impositionem sanctissimi Nominis tui,
 Per Baptismum & sanctum jejunium tuum,
 Per labores & vigiliis tuas,
 Per Agoniam & sanguineum sudorem tuum,
 Per alapas & flagella tua,
 Per spineam Coronam tuam,
 Per Crucem & Passionem tuam,
 Per sitim, lacrymas, & nuditatem tuam,
 Per Sacratissima quinque vulnera tua,
 Per Mortem & Sepulturam tuam,
 Per sanctam Resurrectionem tuam,
 Per admirabilem Adscensionem tuam,
 Per missionem Spiritus sancti Paracleti,
 In die iudicii,

Libera nos Iesu.

Peccatores,
 Vt peccatis mortui iustitiæ vivamus,
 Vt gloriari nobis non libeat, nisi in cruce
 D. N. I. C.

Vt amore tui mundus nobis crucifixus sit, &
 nos mundo,
 Vt crucis mortificationem jugiter in corpo-
 re nostro circumferamus,

Iesu Terogam. audi nos.

Gal. 5.

Gal. 6.

Ibid.

2 Cor. 4.

Vt

Vt carnem nostram cum vitiis & concupiscen-
tiis crucifigere studeamus,

Gal. 5.

Vt te passio in carne, & nos eadem cogitatione
armemur,

1 Petr. 4.

Vt crucem nostram quotidie tollere, & te se-
qui valeamus,

Matt. 1.

Vt quæ nobis lucra sunt, propter te detrimen-
ta arbitremur,

Phil. 3.

Vt te Iesum crucifixum scire ante omnia stu-
deamus,

Iesu, Terogamus, audi nos. 1 Gor. 2.

Vt Sanguis tuus emundet nos ab operi-
bus mortuis ad seruiendum Deo viven-
ti:

Hebr. 9.

Vt empti pretio magno glorificemus Deum
in corpore nostro,

1 Cor. 6.

Vt mortui peccato, & consepulti, deinceps te-
cum in novitate vitæ ambulemus,

Rom. 6.

Vt semel emundati ab operibus mortuis, rur-
sum te Filium Dei crucifigere, & ostentui
habere caveamus,

Hebr. 6.

Vt relictum à te nobis exemplum intuentes,
sequamur vestigia tua,

1 Petr. 2.

Vt sicut socii passionum sumus, ita simus &
consolationis.

2 Cor. 1.

Agnus Dei, qui tollis peccata mundi, Parce nobis Iesu.

Agnus Dei, qui tollis peccata mundi, exaudi nos Iesu.

Agnus Dei, qui tollis peccata mundi, Misereere nobis
Iesu.

Pater noster. Ave Maria.

O R A T I O N E S

de Passione Domini.

Respondent septem horis Canonicis.

A D M A T U T I N A S.

Domine Jesu, per amorem, quo tuos in fine dilexisti; per sanguineum sudorem, quem in horto fudisti; per injurias, & dolores quos à tuo Discipulo traditus & venditus, ab impiis Judæis ligatus & distractus sustinuiſti, absolve meorum vincula peccatorum, & liga hanc animam fortissimis charitatis tuæ funiculis qui dissolvi non possint. Qui vivis, &c.

A D P R I M A M.

Domine Jesu, qui hora diei *Prima* Pilato præsentatus; Judex cœlestis judici terreno, & reus falsorum criminum ab impiis Pontificibus factus fuisti; succurre nobis miseris peccatoribus in judicio, ut non æternis suppliciis cum impiis condemnemur, sed tuis fidelibus jungi in cœlestibus mereamur. Qui vivis.

A D T E R T I A M.

Domine Jesu, qui hora diei *Tertia* flagellis cæsus, & spinis coronatus fuisti; tribue nobis famulis tuis, ut corpora nostra voluntaria castigatione macerantes, sub capite spinoso digna censeremembra mereamur. Qui vivis.

A D S E X T A M.

Domine Jesu, qui hora diei *Sexta* transfossis manibus & pedibus, è *Crucis* ligno pependisti, iisdemque clavis damnationis nostræ chirographum in patibulo confixisti: concede animæ meæ, ut liberata à servitute peccati, has sanctissimas plagas tuas, tanquam insignia liberationis meæ semper feram in medio cordis mei. Qui vivis.

A D N O N A M.

Domine Iesu, qui hora diei *Nona*, consummatis omnibus, inclinato capite, Deo Patri spiritum reddidisti; atque in mortuum hominum genus spiraculum vitæ inspirasti; concede mihi peccatori, ut qui totum me tibi debeo pro me facto; totum me iterum debeam pro refecto, nec jam mihi, sed tibi, qui pro me mortuus es, in perpetuum vivam. Qui vivis.

A D V E S P E R A S.

Domine Iesu, qui hora *Vespertina* è Cruce deponi mortuus in sanctissimæ Genitricis tuæ brachia voluisti; concede propitius, ut & crucem meam, quam mihi lagiri pro tua bonitate volueris, nunquam in vita derelinquam, & in morte ex ea depositus, per clementissimæ Matris tuæ manus ante te merear præsentari. Qui vivis.

A D C O M P L E T O R I V M.

Domine Iesu, qui hora *Completorii* in sepulchro quieviisti, & à Matre tua mœstissima, & ab aliis mulieribus plangens fuisti: fac nos, quæsumus, tuam sanctissimam Passionem veris lacrymis plangere, nec unquam ea, per quæ iterum crucifigaris, admittere. Qui vivis.

C A P. IV.

Rosaria & Exercitia varia Rhythmis comprehensa,
de Vita ac Passione Christi.

A D M O N I T I O

de sequentis Rosarii scopo & usu.

Christiani hominis censura non Nomine, sed Vita constat. Nominis quidem professio gloriosa est; sed nihil ad æternam Gloriam profutura, nisi Nomini tam sancto vita par respondeat.

Por.

Porro Christi Vita nobis debet esse norma vivendi. jam vero Christiani nomen multi usurpant, sed de vita hoc Nomine digna parum solliciti; & tamen audacter sperant, in Gloria Christi se fore consortes, cujus in vita, ceu in via non student esse sectatores. O quam multos (nomine tenus Christianos) deludit hac spes, aut potius præsumptio! adeo scilicet ignavos, aut ignaros, ut omen tam sanctum sanctioris vitæ calcar esse nesciant; Nos Christiani potius esse; quam dici velimus.

Quid facti opus? Ecce, Speculum Vita Christi est. Inspice; ô Christiane, inamque compone; &, quia rectum sui pariter & obliqui regula est, in illa decorem multum, variasque virtutes observa; in tua maculas & Vitia; sed tanto facilius eluenda, quo diligentius Speculum sine macula consules.

Illud ergo semper obversetur oculis tuis, & in Christi vita meditare die ac nocte, ut vitæ tuæ vitia & Christi virtutes agnoscas, illorum odium, harum amorem & imitandi desiderium concipias. Meditatio enim notitiam parit, illuminat intellectum, affectum excitat, & voluntatem accendit. At vero ignoti nulla cupido; & quid mirum, si paucos Christus habeat imitatores? Meditari enim Christi Vitam ac gesta piget, & imitari libeat?

Tu vero, ô Christiane, de præsentis Rosarii usu pauca accipe. Totam Christi Vitam breviter exhibet: sed ubi rem satis, ni fallor, meditando materiam suggerit. In priori parte versuum Myserium seu punctum ex vita & gestis Christi proponitur: in posteriore affectus aliquis pius ex prioribus elicitus, maxime virtutis indicat & desiderium exprimitur.

Distribuitur autem in quinque Sect. seu Decades,

I. Infantiam & Adolescentiam Salvatoris usque ad Baptismum continet.

II. Vitam Christi usque ad Passionem describit.

III. Passionem Christi usque ad Crucifixionem.

IV. Crucifixionem & Gesta in Cruce ad mortem usque.

V. Gesta post mortem, denique Resurrectionem, Adscensionem,

&c.

Serviet hoc Rosarium cum alias, tum sacræ Communioni & Missæ, pie peragenda & audienda. Cum enim utraque sit Memoriale

morale Passionis Dominicæ, vix melius aliunde, quam ex his ipsis Mysteriis peti potest Exercitium.

Vt vero fructum tibi Rosarii præsentis usus majorem adferat, fac ubicunque aliquam Christi Virtutem cernis aut legis, protinus cordis affectum elicias, qui virtuti aut rei gestæ magis respondeat.

Varii autem sunt affectus animi, operi tam pio congruentes, quibus irrigari subinde meditatio debet, alias inanis, steriliſque futura. Accipe eos breviter una cum praxi.

1. *Compassionis in aduersis, Congratulationis in lætis.* Condoleo tibi ex animo, Domine, tam indigna & acerba, pro me indigno patienti, &c.

2. *Compunctionis ac Contritionis.* Heu me! quia peccavi, doleo, quia Tibi tot dolorum caussa fui. An vileſcam mihi ipsi, qui scio me emptum pretio tam magno? parvine æstimabo animam meam, cujus pretium sanguis Christi est; An rursus peccabo infelix ego, pro cujus peccatis tanta passus est Filius Dii?

3. *Spei ac gaudii.* Mihi adhærere Deo bonum est, & ponere in Deo spem meam. Quid non sperem à te, qui tanta fecisti & passus es propter me, ô Deus meus, & unicum refugium meum?

4. *Laudis ac gratiarum actionis.* Quid retribuam tibi Domine pro omnibus quæ retribuisti mihi? Benedic anima mea Domino, & omnia quæ intra me sunt, Nomini sancto ejus.

5. *Imitationis.* Exemplum reliquisti nobis ô Domine & vis ut sequamur vestigia tua. Da quod jubes, & jube quod vis.

6. *Admirationis.* Quis es tu Domine, & quis sum ego! Tu qui pateris, Deus ac Dominus es, justus ac innocens: Ego vilis servus, terræ vermis, & peccator, qui pœnas merui, quas tu sustines, ô prodigium!

7. *Amoris.* O dulcis Iesu, salus & vita mea: omnia opera tua Domine tuum mihi loquuntur amorem! è cœlo te traxit Amor, & in Virginis uterum compegit: Amor te cruci confixit, & quid me separabit à charitate tua? Vtniam nec vita, nec mors, nec ulla fors hoc valeat.

In his ergo affectibus pro qualitate materiae exercenda mens; & meditatio vitæ & passionis Christi condienda est; sed eorum praxim in singulis punctis, exhibet sequens Rosarium, & plenius te docebit unctio Spiritus. Potissima tamen affectuum Contritionis & Imitationis cura erit, præsertim Incipientibus. Hic enim præcipuus est Passionis fructus, ex ea peccati odium, & virtutis amorem haurire. Quid autem efficacius ad peccati fugam, quam si cogites, Quanta oportuit Christum pati, ut nos à peccatis eriperet? Quid potentius ad virtutis amorem, quam si cogites: Deus homo factus est, ut in carne visibilis, & nobis similis, virtutum exempla imitanda proponeret.

Porro in hoc Rosario hæc Virtutes potissimum observandæ: Humilitas, Obedientia, Mansuetudo, Patientia, Misericordia, Charitas, &c. Has similes nota, imitare, & alios pios circa easdem affectus exerce. Non deerit huic studio Christus, qui quos Vitæ suæ docet Exemplis, Gratia quoque præsidii ducit: & sequent es ferandem æternis Gloriæ præmiis coronabit.

R O S A R I U M D. N. I E S U C H R I S T I,

Præcipua vitæ ac Passionis ejus puncta grata brevitate complectens: & uberem meditandi materiam, facilemque praxim suppeditans

Summe Pater ô Creator,	Matris tuæ me clientem,
Iesu clemens ô Salvator,	Ac materno confidentem
Spiritus ô Conservator;	Fove Patrocionio.
Deus regens Omnia:	Iesu coetus te Sanctorum
Mundo, precor, corde præ-	Iuncti Choris Angelorum,
sta,	Mundi laudant Iudicem.
Nostra pro salute gesta	His cum laudes me promn-
Recolam Mysteria.	tem
Iesu Matrem selegisti,	Sed ob noxas metuentem
Et Serpentem contrivisti	Clemens audi supplicem,
Germine virgineo,	Credo in Deum.

D E C A S I.

Jesu Thronum Majestatis,
Sumens formam vilitatis,
Nostri causa deferis.
O fac nobis ad salutem,
Tantus Amor det virtutem,
Et nos jungat Superis.

Pater noster.

Jesu Virgo Salutata
Te concepit fecundata
Spiritus per gratiam.
O fac Deum te tremendum
Casto semper amplectendum
Pectore concipiam.

Ave Maria.

Jesu Mater Te gestabat,
Dum per montes festinabat
Visitans Elisabeth.
O si Mater Dei digna
Juncta Prole tam benigna
Me frequenter visiter.

Ave Maria.

Jesu Mater præter morem
Virgo parit Te, dolorem
Nesciens Puerpera.
Charitate fac perfecta
Flagret in Te mens affecta,
Quam non frangant a-
spera.

Ave Maria.

Jesu tui Terræ fines;
Sed vix, caput quò reclines,
Mundo nascens invenis.
Et quid ampla meditari,
Vel terrenis gloriari
Mens præsumit hominis?

Ave Maria.

Jesu, natum Te Pastorum
Visit plebs, & Angelorum
Canit vox lætitiæ,
Tuæ laudis fac amantem,
Vt æternam Tibi cantem
In excelsis gloriam.

Ave Maria.

Jesu Deus & Salvator,
Legi pares ut peccator
Circumcidi sustinens,
O fac carnem, sensus vagos.
Circumcidat mores pravorum,
Mens superna sapiens.

Ave Maria.

Jesu Reges, Te dotantes,
Regem Regum venerantes,
Vultu comitant cernuo.
Quam tot donis mihi datis,
Vicem reddam charitatis?
En me Totum tribuo.

Ave Maria.

Jesu Legi se subdentes
Deo sistunt te Parentes,
Nulla quos lex obligat.
O fac mihi cor sit rectum,
Omnem semper quod affectum

Lege tua dirigat.

Ave Maria.

Jesu neci Te quærentem
Regem fugis, sævientem
Cædibus Infantia.
Cunctos me fac declinare,
Qui me possent spoliare
Tuæ vita gratia.

Ave Maria.

Jesu Mater ut absentem
Dolens quærit Te, docentem
Tem-

Templo gaudens reperit.
 Felix qui Te custodire,
 Vel amissum reperire,
 Mox quærando poterit.

Ave Maria.

O Potens audi nos Creator,
 Audi Clemens ô Salvator,
 Audi sancte Gubernator,
 Deus meus. & omnia.
 Ora Dulcis ô Maria,
 Placa Natum Mater pia;
 Tu solamen sis in via;
 Ille salus, Patria.

DECAS II.

Iesu fonte baptizaris,
 Placens Patri declararis;
 Testis adest Spiritus.
 O si Vita salutari
 Fonte laver, ut probari
 Possim tibi penitus.

Pater noster.

Iesu postquam jejunasti,
 Quam potenter profigasti
 Satanæ versutias!
 Ne fraus mala me confundat,
 Fortis fide mens retundat
 Dæmonis nequitias.

Ave Maria.

Iesu vocas Piscatores,
 Et sequuntur Te, Doctores
 Mox futuri Gentium.
 O fac, intus te vocantem
 Mox sequamur: sed cunctan-
 tem

Gressum trahe mentium.

Ave Maria.

Iesu Sponsos cohonestas,
 Dum rogante *Matre* præ-
 stas

Vinum, præsens nuptiis.

Fac amicos ordinatis,
 Te præ cunctis charitatis
 Prosequar officiis.

Ave Maria.

Iesu terras peragrando,
 Et ubique prædicando,
 Quanta fers incommoda!
 Pro Te frigus & sudorem,
 Famem, sitim, & laborem
 Mente feram placida.

Ave Maria.

Iesu zelo charitatis
 Flagrans, ô quot à peccatis
 Reparas ad gratiam!
 O si meos primum mores,
 Dein curem peccatores,
 Tuam zelans gloriam.

Ave Maria.

Iesu multas diu Gentes
 Te docentem sustinentes
 Verbo, Cibo recreas.
 O si corpus conservante,
 Sed cor magis confirmante
 Cibo semper nutrias.

Ave Maria.

Iesu doces, facis mira,
 Sanas morbos; pellis dira,
 Sed quid refers? Odia.
 Menti semper fac benigna,
 Bona præstem, nec maligna
 Movear invidia.

Ave Maria.

Iesu monte Thabor grandis
 Majestatis typum pandis;

Dans prægustum gloriæ.
O si vita nunc in fonte
Feram cello tandem Monte
Præmia victoriæ.

Ave Maria.

Iesu petis Solymorum
Vrbem, deflens tot malorum
Gladibus obnoxiam.
O si tui vis Amoris
Mihi præster vim Doloris,
Ut malorum veniam.

Ave Maria.

Iesu vili te vendentem
Cerno Iudam, & proden-
tem
Deum pro Pecunia:
Unum tui fac Amorem
Esse mihi potiozem
Bona super omnia.

Ave Maria.

*O Potens audi nos Creator,
Audi Clemens ô Salvator,
Audi sancte Gubernator,
Deus meus. & omnia.
Ora Dulcis ô Maria,
Placa Natum Mater pia;
Tu solamen sis in via;
Ille salus, Patria.*

DECAS III.

Iesu Deus & Magister
Lavas pedes ut minister,
Damnans arrogantiam.
Lava, precor, me sordentem,
Et quæ forsan foedat mentem,
Elue superbiam.

Ave Maria.

Iesu Pascha dum fecisti,
Tuis cibum Te dedisti,
O stupenda charitas!
Panis Vive me conforta;
Ne me vincant fors adorta
Mundus, Caro, Satanas.

Ave Maria.

Iesu sanguinem sudabas,
Orans Horto, cum Te dabas
Patris in arbitrium.
O si cor des resignatum;
Et quod semper sit paratum
Duci per imperium.

Ave Maria.

Iesu lupis tradebaris,
Sed ut ovis ducebaris,
Mox futurus victima.
Omnis expers sim rancoris,
Sed affectum fac Amoris
Cordis gerant intima.

Ave Maria.

Iesu tractus per furentes,
Tuos cernis fingientes;
Quis non tecum plange-
ret?

Fac adversis nos constantes;
Sic secundis non nutantes;
Nil à te nos separet.

Ave Maria.

Iesu victus accusaris,
Quin & files dum culparis;
Iræ procul motibus.
Fac me linguam refrænare;
Sensus omnes castigare
Pravis ab affectibus.

Ave Maria.

Iesu Petrus te negavit,
Sed flens crimen expiavit

Tua

Tuæ vi Clementiæ.
 O si nunquam Te negarem,
 Vel me reum mox purgarem
 Fletu Pœnitentiæ.
Ave Maria.

Iesu falso judicaris,
 Alba veste sublannaris,
 Iudex summæ Gloriæ.
 Fac me nullum judicare,
 Solum sciam me damnare,
 Vitæ iudex propriæ.

Pater noster.
 Iesu dire flagellatus,
 Pugnis, sputis es fœdatus;
 Purus omni vitio.
 O quam dignus sum puniri!
 Sed da pœnis his muniri
 Mortis à supplicio.

Ave Maria.
 Iesu spinis coronaris,
 Et illusus adoraris,
 Regens orbem nutibus.
 O fac zclo semper vero,
 Affectuque Te sincero
 Dignis colam laudibus.

Ave Maria.
 Iesu Præses Te spectandum
 Foras ducit; sed damnan-
 dum
 Plebs dimittit Barrabam.
 Absit ducar hoc errore,
 Ut tam diræ gentis more
 Quid quam Tibi præferam.
Ave Maria.

O potens audi nos Creator,
 Audi Clemens ô Salvator,
 Audi sancte Gubernator,

Deus meus & omnia.
 Ora Dulcis ô Maria,
 Placa Natum Mater pia,
 Tu solamen sis in via,
 Ille Salus, Patria.

DECAS IV.

Iesu Crucem dum portabas,
 Heu quam mole laborabas,
 O si post te gradiar!
 Eja Crucem fac tollendo,
 Et constanter Te sequendo
 Fructum crucis adsequar.

Pater noster.
 Iesu veste denudaris,
 Sed heu, quantum cruciaris.
 Causa verecundiæ!
 Fac me nunquam spoliari,
 Qua nos decet perornari,
 Veste pudicitæ.

Ave Maria.
 Iesu dire Te distentum
 Crucifigunt, ô Tormentum
 Vitam præstans Homini!
 Absit mihi gloriari,
 Nisi lytro salutari,
 Et in Cruce Domini.

Ave Maria.
 Iesu trina nomen lingua
 Tibi ponit Gens maligna
 Læto fulgens omine.
 Precor Jesu Nazarene
 Salva nos, nam pendet plene
 Salus ab hoc Nomine.

Ave Maria.
 Iesu Patri protuorum
 Culpa supplex sis Torto-
 rum:

Ii f

Sic

Sic nos docens vincere.
Hostes amem, sed non victæ,
Zelo quæram ne vindictæ
Mala malis reddere.

Ave Maria.

Iesu summi Fons ô Boni,
Quam clementer das Latroni
Pœnitenti veniam!
Cor contritum mihi dona,
Ut hinc migrans tecum bona
Paradisi capiam.

Ave Maria.

Iesu Matrem commendabas,
Et Ioannem, quem amabas,
In solamen mutuum.
Fac Amborum mihi cura
Semper adsit in pressura
Salus & auxilium.

Ave Maria.

Iesu clamas voce tristi,
Ut quid, Pater, me liquisti?
O tormenta fortia!
A te nunquam derelinquar,
Ne tentatus forte vincar
Mortis in angustia.

Ave Maria.

Iesu siti flagras totus;
Sed heu, quales tibi potus
Gens propinat impia!
Memor potus tam amari,
O quam velim refrenari
Carnis desideria?

Ave Maria.

Iesu culpam Protoplasti
Morte luens, consummasti
Redemptoris munia,
Cor Amoris vi concepta
Ad implenda duc Præcepta,

Sanctæque Consilia.

Ave Maria.

Iesu vita dum migrabas,
Temet Patri commendabas,
Heu Sol luger obitum.
Fac extrema mortis hora
Meum Tibi sine Mora
Reddam gaudens spiritum.

Ave Maria.

O Potens audi nos Creator,
Audi Clemens ô Salvator,
Audi sancte Gubernator,
Deus meus, & omnia.
Ora dulcis ô Maria,
Placa Natum Mater pia,
Tu solamen sis in Via,
Ille Salus, Patria.

DECAS V.

Iesu nostros ob reatus,
Infons duræ Morti datus,
Reis donas veniam.
O per sacræ Mortis fructum,
Fac, ne sequens carnis ductum
Male morte peream.

Pater noster.

Iesu cor dum proforatur,
Fons Amoris dilatatur,
Corda rigans arida.
Salvatoris patent fontes,
Quid haurire vetat fontes
Aguas in lætitia?

Ave Maria.

Iesu Cruce Te pendentem
Cernens Mater, heu quo men-
tem
Sensit ense sauciam!

Co

Cor da Cruci sic affixum.
Ut Te Iesum crucifixum
Scire solum cupiam.

Ave Maria. Per hoc mundi stadium.

Iesu tandem sepeliris,
Et aromate condiris;
Heu quos inter gemitus!
In Te meam sepeliri
Mentem præstes, & condiri
Unctione Spiritus.

Ave Maria.

Iesu limbum spoliasti,
Dum captivos liberasti,
Triumphator nobilis.
O fac cunctis solvar malis,
Nec inferni tam pœnalis
Stringar unquam vinculis.

Ave Maria.

Iesu victa Resurgebas
Morte, mœstis apparebas
Consolator cordium.
Fac à morte vitiorum
Redivivus te decorum
Expers cernam sordium.

Ave Maria.

Iesu comes queis ivisti
Petens Emaus, non fuisti
Cognitus à sociis.
O si fruar Te præsentem,
Nec abducar unquam mente
Tuis ab eloquiis.

Ave Maria.

Iesu Cœlos Adscendisti,
Et Triumphans accepisti
Summum Cœlo bravium

Vt & ego comprehendam
Sic fac curram (nec offen-
dam)

Ave Maria.

Iesu Cœlo Paracletum
Mittens, sacri Gregis cœ-
tum

Sancto reple Pneumate.

O per Numen Veritatis,

Nostre reple pietatis

Pectora charismate.

Ave Maria.

Iesu Matrem exaltasti
Supra Cœlos, & ornasti
Super omnes Gloria.

O mi Iesu me defende;

O de cœlis huc intende

Mater plena Gratia.

Ave Maria.

Iesu Iudex es venturus,
Et mercedem redditurus
Factis nostris similem.

Mitem te nunc in Amore

Colam, ne tunc in Furore

Sentiam terribilem.

Ave Maria.

O potens audi nos Creator,

Audi Clemens ô Salvator,

Audi sancte Gubernator,

Deus meus & omnia.

Ora Dulcis ô Maria,

Placa Natum Mater pia,

Tu solamen sis in via,

Ille Salus, Patria.

AFFECTUS ANIMÆ

Devotæ; Rhythmis expressi,

Ad Membra Jesu Christi Crucifixi.

D E C A S I.

Die Dominica

A D P E D E S.

S Alve Jesu, *Dux Sancto-*
*rum,**Mundi Lux, Rex Angelorum,*
*Via, Vita, Veritas.**Pax & Salus Filiorum,**Tua quos, ô Vir Dolorum,**Gignit Mors & Charitas.**Pater noster. Ave Maria.*Iesu summæ Rex virtutis,
Victor mortis, Dux salutis,
Tuæ Crucis me consortem
Fac, ut tecum gustans mortem,
Fiam confors gloriæ.Culpa terret hoc poscentem,
Sed Crux visa fulcit men-
tem;Quin affixum dum te cerno,
Toto corde me prosterno,
Spe subnixus veniæ.Clavos pedum, plagas duras,
Et tam grandes, heu, fissuras
Palpans, lætor ex affectu
Sed horrescit in aspectu
Mens defixa vulnorum.

Tantæ grates charitati

Quas agemus sic salvati?

O quis amor iste grandis,

Tale sumens reparandis,

Perditis remedium.

Dulcis Iesu, Deus fortis,

Tu pars meæ summa fortis,

Habens Te, quid non habe-
bo?Mundum lucrans quid va-
lebo

Sine tuo Numine?

Plagas pedum rubicundas,

Et cavernas tam profundas

O si detur introire;

Ut dum tempus instaret,

Protegar à fulmine.

Coram cruce procumben-
tem,

Tuos pedes amplectentem,

Bone Iesu non me sperne;

Sed ut Magdalenam cerne

Tuis pronam Pedibus.

In hac Cruce stans erectus,

O si spectet me Dilectus;

Sicut Petrum tunc respec-
xit,

Quando lapsus resurrexit

De

De peccati fordibus.
 Quæram Iesum, sed in Cru-
 ce;
 Nec spe fallar ipso duce.
 O per Nomen salutare,
 Anhelantem amplexare,
 Et sub alis protege.
 O per sacros, precor, pedes,
 Duc nos tecum cohæredes.
 Pedes nostros per desertum,
 Ambulantes in incertum,
 Via pacis dirige.

D E C A S II.

Feria II. ad GENUA.

S Alve Iesu, *Dux Sancto-
 rum,*
Mundi Lux, Rex Angelorum,
Via, Vita, Veritas.
Pax & Salus Filiorum,
Tua quos, ô Vir Dolorum,
Gignit Mors & Charitas.

Pater Nost. Ave Maria.

Christe Iesu fons bonorum,
 Spes & Vita peccatorum,
 Agnus purus, verus Deus,
 Crucis ligno tanquam reus,
 Lassis pendes Genibus.
 O quam pauper! O quam
 nudus!
 Qualis, heu! in Cruce lu-
 dus
 Deus homo fuit factus!
 Sponte tamen, non coactus,
 Traditus tortoribus.
 Iesu nostræ spes salutis,

Et redemptor servitutis,
 Tune servis redimendis,
 Servus factus huc descendis
 De Cœlorum culmine!
 O Majestas infinita,
 Sic pro nobis inanita!
 Quid pro tali charitate
 Non dem tota voluntate?
 Quid pro fuso sanguine?
 O vis miræ charitatis!
 Sic succurrens desperatis!
 Nonne Tibi tam Cœlestes?
 Et inferni, quam Terrestres
 Iure curvant genua?
 Vacillantes Tu firmasti,
 Tu trementes confortasti;
 Quin elisos erexisti,
 Compeditos Tu solvisti;
 Cœli planans ardua.
 Amor tuus, amor fortis,
 Non extinctus aquis mor-
 tis.
 Per hunc pia mihi cura
 Precor adsis in pressura;
 Fac à morte liberer.
 Quid, heu! miser sum factu-
 rus,
 Actu vilis, corde durus?
 Nonne vivam Salvatori,
 Qui non fugit pro me mori,
 Ne fons ego morerer?
 Tui tractus per amorem
 Ecce sequor in odorem:
 Impar quidem charitate;
 Sed pro tua pietate
 Supple, vel dissimula.
 Æquo minus est quod præ-
 sto;

Cor:

Corpus obstat hoc quod gesto.

Sed tu vides imperfectum,
Et tu solus qui defectum
Vindices à macula.

DECAS III.

Feria III. Ad MANUS.

Salve Jesu, *Dux Sancto-
rum,*
Mundi Lux, Rex Angelorum,
Via, Vita, Veritas.

Pax & Salus Filiorum,
Tua quos, ô Vir Dolorum,
Gignit Mors & Charitas.

Pater noster. Ave Maria.

Christe Jesu Pastor bone,
Heu, quam lassus ex agone;
Sed & Crucis mole factus,
(Quam portasti procul tra-
ctus)

Fixis pendes manibus!
Manus sanctæ quid fecistis?
Unde sic commeruistis,
Ramis diræ Crucis jungi;
Et crudeli ferro pungi,
Quæ servistis omnibus?

En ut Sanguis circumquaque
Manu fluit ex utraque.
Heu cruore purpuratæ!
Manus clavis perforatæ!
O salutis pretium!

Manus Cruci copulatas,
Sed ad opem non ligatas,
Rebus duris contemplabor;

Nec me vana spe solabor
Contra moræ tædium.
Stipulantur quas exponis
Manus Cœli plenæ bonis;
Queis auditum, & loque-
lam,

Visum dabas & Medelam,
Miserator omnium.
Optans per te reddi sanus,
Tuas supplex posco Manus:
Sana me, & salvus ero;
Potes enim (quid ni spero?)
Medice languentium.

In tam larga charitate,
Num fraudabor bonitate?
O per Crucem, precor, ala-
mam,

Perduc nos ad Crucis pal-
mam,

Profligatis hostibus.
Causa mei sic extensus,
In te meos trahere sensus:
Meum Possesse, Velle, Scire,
Fac à Cruce non abire,
Sed adstringe Manibus.
Manus ô quæ nos plasma-
stis,

Et corruptos reparastis!
Quidnam reddet bonis tantis,

Plagis duris, rivis sanctis
Pauper & inutilis?
Et cruore tuo lotum
Tibi me jam dedo totum.
Tuæ sanctæ Manus istæ
Me defendant Jesu Christe,
Cunctis in periculis.

DECAS IV.

Feria IV. AD LATUS.

S Alve Jesu, *Dux Sancto-*
*rum,**Mundi Lux, Rex Angelorum,*
*Via, Vita, Veritas.**Pax & Salus Filiorum,**Tua quos, ô Vir Dolorum,**Gignit Mors & Charitas.**Pater Nost. Ave Maria.*

O salvator summe bonus,

Ad parcendum mire pronus,

Heu quid ita laniatus,

Cur flagellis sic aratus

Cruce pendes horrida?

Ecce Latus Salvatoris,

In quo latet vis amoris,

Vnda manans & cruore,

Sacro beat nos liquore;

Corda rigans arida.

Ecce latus quod palpavit,

Fide Thomas dum nutavit.

Eja nobis hic jucunda

Porta patet ad fœcunda

Salvatoris pascua.

Huc anhelans appropinquo;

Qui in multis, heu, delin-

quo,

Sed qua miser ausim fronte,

Si non ipse boni fonte

Traherer ad ardua?

O fons dulcis super vinum,

Virus pellens serpentinum!

Qui sititis huc venite,

Et gaudentes hinc haurite;

Dum fons Vitæ scaturit.

Plaga rubens aperire;

Fac cor meum Te sentire:

O si detur introire,

Quid tunc amplius sitire

De terrenis poterit?

O quam dulcis sapor iste,

Quo gustaris Jesu Christe!

Hoc imbuta mens sapore,

Mirum si non ex amore

Carnis rumpit vincula,

Tuum Latus en contingo,

Et ardenter ad me stringo.

Iuxta te me, Jesu, pone;

Nam sic luctans cum Dra-

cone

Non timebo jacula.

In hac fossa me reconde;

Induc meum cor profunde;

Ubi degens convalescam,

Et in pace requiescam

Vi securus hostium,

Hora mortis fac reatus

Expers, tuum petam latus;

Cui jungar cum Beatis;

Nec involvar præparatis

Laqueis venantium.

DECAS V.

Feria V. ad PECTUS.

S Alve Jesu, *Dux Sancto-*
*rum,**Mundi Lux, Rex Angelorum,**Via, Vita, Veritas,**Pax & Salus Filiorum,**Tua quos, ô Vir Dolorum,**Gignit Mors & Charitas.**Pater*

Pater Nost. Ave Maria.

O Lux Mundi Christe Deus,
Cœli Decus, Amor meus,
Pulso Pectus venerandum;
O si pandas ad intrandum
Vitæ domicilium!
Summæ thronus hic virtu-

tis,
Forma latens servitutis.
Hic voluptas Beatorum;
Hic solamen afflictorum,
Inopum refugium.

Eja Christe tuum Pectus
Meos trahat hinc affectus;
O si vagos comprehendat;
Et argentes mox succendat
Tui flamma pectoris!
Pectus mihi præsta mun-

dum,
Pium, gaudens, & jucun-
dum,
Forte, constans, & beni-

gnum;
Vides quam nil cœlo di-

gnum
Mole queam Corporis.
Pectus Cœli stillans rore
Dulci trahit nos odore.
En hoc nostrum cœlo satum,
Sed terrenis inquinatum,
Tu de Cœlis imbue.

Splendor Patris & figura,
Dare gaudens ex natura;
Desolatis & egenis,
Bonitatis unda plenis
Cataractis influe.

O prædulce Iesu pectus;

Tuo fiam dono rectus.
Ut immunis à peccatis,
Ut transcendam charitatis
Carnis desideria.
En abyssus hic Sophiæ,
De qua vena mentis piæ
In Dilectum quondam fluxit,
Dum recumbens illinc suxit
Abdita mysteria.

Hic thesaurus bonitatis,
Arca vivens Deitatis;
Officina charitatis,
Et totius Trinitatis
Nobile Triclinium.
Eja sanctum Dei Templum,
Vitæ norma, Lux, Exemplum.
O totius Auctor boni,
Fac Electis nos apponi,
In terra viventium.

DECAS VI.

Feria VI. A D C O R

Salve Jesu, Dux Sancto-
rum,
Mundi Lux, Rex Angelorum,
Via, Vita, Veritas.
Pax & Salus Filiorum,
Tua quos, ô Vir Dolorum,
Gignit Mors & Charitas.

Pater Nost. Ave Maria,

O divinum Cor aveto,
Te saluto corde læto.
Te complecti me dele stat:
Istud unum quod affectat
Cor ad Deum sitiens,
O quis amor Cor urebat!

Quis

Quiste zelus tunc urgebat !
 Cum te prorsus exhaurires ,
 Ut te nobis impartires ,
 O fons indeficiens !
 O mors dira , mors amara !
 Vah immitis , & avara :
 Quæ nec Iesum præteristi ;
 Quin hunc telo feris tristi ,
 Rumpens Cor dulcissi-
 mum.

Oper mortem quam tulisti ,
 Et cor sodi permisisti ;
 Meum , ptecor , Intelle-
 ctum ,

Redde simul & Affectum
 Cordi tuo consonum.

In medullam cordis mei ,
 (O fac summæ dator spei)
 Tuus amor inferatur ;
 Meus in Te transferatur
 His caducis altior.
 Quisquis amat , sed sincerè ,
 Hoc quod loquor , sentit
 vere :

Nullus modus est Amori :
 Pro Dilecto cogit mori !
 Amor morte sortior.
 Amans vivit per amorem ,
 Nescit moras , vincit morem.
 Quidquid jubet Prædilectus ,
 Promptus capit hoc affe-
 ctus ,

Nulli cedens aspero.
 Sit hæc prima mihi cura ,
 Ut Te mente quæram pura.
 O quam vere tunc lætabor ,
 O quam felix gloriabor ;
 Iesum cum possedero !

Pande cordis tui sinum ;
 Scis queis meum sit vicinum.
 En , mi Iesu , cor paratum ,
 Cape , ne vis Potestatum ,
 Caro , Mundus rapiat.
 Huc anhelat , huc movetur ,
 Nil præ Iesu lubet scire ,
 Nec terrenum quid ambire ,
 Vt te solum sapiat.

D E C A S VII.

Sabbato , Ad CAPVT.

S Alve Iesu , *Dux Sanctorum ,*
Mundi Lux , Rex Angelo-
rum.

Via , Vita , Veritas.

Pax & Salus Filiorum ,
Sua quos , ô Vir Dolorum ,
Gignit Mors & Charitas.

Pater Nost. Ave Maria.

Caput spinis coronatum
 Totum languet cruentatum ;
 Pugnis , livet conquassatum ,
 Sputis horret deformatum.

O Cœlorum gloria !

Iesus forma speciosus :
 At malignis sic exosus ;
 Ah quem præfert nunc horro-
 rem ,

Cujus spectans in decorem
 Cœli gaudet curia !

Priscus vigor , flos & viror
 Quo recessit , Iesu , miror.

Vt lux solis in defectu ,
 Sic appares in adspectu ,
 Nec est tibi species.

O mi Iesu sic affectus ;
 Pro me vilis & despectus ;

K k

Cum

Cum favoris tui signo
 Tua, precor, sit indigno
 Clara mihi facies.
 Rubent oculi madentes;
 Livet os; vacillant dentes;
 Genæ diris tument plagis;
 Aures dolent vulsæ, magis
 Saturæ convitiis.
 Hunc ô vultum dulcis Nati
 Cerne Pater, & placati
 Lucem vultus mox ostende,
 Criminum suppliciis.
 Iesu Cœtus Militantis
 Caput atque Triumphantis;
 Fac per caput sic tractatum,
 Ne sim membrum delicatum

Sub spinoso Capite.
 Fac ut consors Passionis,
 Ejus quoque doner bonis.
 Quin per Crucem tecum mori
 Præsta Crucis amatori,
 In hoc vitæ tramite:
 Sed cum portus instat mortis,
 Sis adjutor, quæso, fortis.
 In suprema mortis hora,
 Veni Jesu sine mora,
 Cum me voles hinc migrare,
 Bone Jesu, dux appare.
 Esto clemens Advocatus;
 Nec ut Iudex implacatus
 Mea penſes opera.

H Y M N U S R H Y T H M I C U S

In laudem S. Crucis.

L Audes Crucis attollamus,
 Nos qui crucis exultamus
 Speciali gloria.
 Nam per Crucem triumphamus,
 Inimicum superamus
 Felici victoria.
 Dulce melos tangat Cœlos.
 Dulce lignum, dulci dignum
 Credimus melodia.
 Voci vita non discordet,
 Dum vox vitam non remordet,
 Dulcis est symphonia.
 Servi Crucis Crucem laudent,

Qui per Crucem sibi gaudent
 Vitæ dari munera.
 Dicant omnes, & dicant singuli,
 Ave salus totius sæculi:
 Arbor salutifera.
 O quam felix, quam præclara
 Fulget hæc salutis ara,
 Rubens Agni Sanguine!
 Agni sine macula,
 Qui mundavit secula
 Ab antiquo crimine.
 Hæc est scala peccatorum,
 Per quam Christus Rex Cœlorum,
 Ad se traxit omnia.

Forma

Forma Crucis hoc ostendit,
 Quæ terrarum comprehendit
 Quatuor confinia.
 Nova fulgent Sacramenta,
 Sed en typis quod contenta
 Crucis sit religio.
 Lignum dulces aquas fecit,
 Ligno silex aquas jecit,
 Moylis officio.
 Nulla salus est in domo,
 Nisi Cruce munit homo
 Superliminaria.
 Neque sensit gladium,
 Nec amisit filium,
 Quisquis egit talia.
 Ligna legens in Sarepta,
 Spem salutis est adepta
 Pauper muliercula.
 Sine lignis fidei,
 Nec Lecythus olei,
 Valet nec farinula.
 In Scripturis sub figuris
 Ista latent, sed jam patent
 Crucis beneficia.
 Reges credunt, hostes ce-
 dunt
 Sola Cruce, Christo duce,

Vnus fugat millia.
 Ista suos fortiores
 semper facit & victores;
 Morbos sanat & languores;
 Reprimit Dæmonia.
 Dat capitivis libertatem,
 Vitæ confert novitatem,
 Ad antiquam dignitatem
 Crux reducit omnia.
 O Crux lignum triumphale
 Mundi vera salus vale!
 Inter ligna nullum tale
 Fronde, flore, germine.
 Medicina Christiana,
 Serva sanos, ægros sana,
 Quod non valet vis humana,
 Tuo fit munimine.
 Assistentes Crucis laudi
 Consecrator Crucis audi,
 Eja servos tuæ Crucis
 Post hanc vitam veræ lucis
 Transfer ad Palatia.
 Quos tormento vis servire
 Fac tormenta non sentire;
 Sed cum dies instat iræ,
 Fac nos clemens introire
 Ad æterna gaudia.

HYMNUS RHYTHMICUS, repræsentans æterno Patri Vitam, Passio- nem, ac merita Christi.

*Protektor noster adspice Deus, & respice in faciem Chri-
 sti tui. Psalmo 83.*

Pater summæ Majestatis, Recordare Pietatis
 Recordare Charitatis, Qua de Throno Pietatis
 Qua das mundo Filium. Intrat hoc Exilium.

Kk 2

Recor

Recordare Iesu Ghristi,
 Cur quem Parem genuisti
 Forma servi nascitur?
 Recordare, quod Salvator
 Legi parens ut peccator,
 Carne circumciditur.
 Recordare, quia natus
 Et in fœno reclinatus
 Per tres Magos colitur.
 Recordare Simeonis,
 Per quem Matri Passionis
 Gladius exponitur.
 Recordare, quia Deum
 Ad perdendum velut reum
 Herodes persequitur.
 Recordare cruciatus,
 Queis à Matre carus Natus
 Et à Joseph quæritur.
 Recordare Pater mitis
 Æstus, gelu, famis, sitis,
 Quibus sæpe quatitur.
 Recordare, quia lassus,
 Ventos, imbres, dura passus
 Circumquaque graditur.
 Recordare, quod laborans,
 Docens, sanans, nec non
 Orans
 Tædio non frangitur.

P A R S II.

Recordare, cur Magister
 Pedes suis, ut minister
 Humi stratus abluit.
 Recordare Pietatis,
 Et quo zelo Charitatis
 Cibum sese præbuit.
 Recordare, quo mœrore,
 Quo pavore, quo dolore,

Orans hortu stringitur.
 Recordare, quia poris
 Resolutis, vi tremoris
 Sanguine perfunditur,
 Recordare, quo tumultu,
 Quibus dolis, quali vultu,
 Mitis Agnus capitur.
 Recordare, quia vincus,
 Et latronis instar cinctus
 A ministris trahitur.
 Recordare, quia tusus,
 Laceratus & illusus
 Humi dure sternitur.
 Recordare, quia Iesus
 Stans velatus, palmis cæsus
 Prophettare cogitur.
 Recordare, quia corona
 Cuncta comprehendens do-
 na
 Sanctum caput cingitur.
 Recordare, quod exutus,
 Flagellatus & consputus,
 Purpura contegitur.
 Recordare quam modeste
 Vadit alba cinctus veste;
 Sed à cunctis spernitur.
 Recordare, quia gratis
 Accusatus, ab ingratiss
 Tandem morti traditur.
 Recordare, quia justus
 Condemnatur; & injustus
 Barrabas dimittitur.

P A R S III.

Recordare, quale pondus
 Crucis portat, quia mun-
 dus
 Mole culpæ premitur.
 Recor-

Recordare; quia Cruci
Per iniquos ira truci
Incons affigitur.

Recordare, quia vermis,
Et non homo tam inermis,

In altum erigitur.

Recordare, quod invictus
Victor tanquam maledictus

Sic pendere cernitur,

Recordare, quali zelo,

Natus à te missus Cœlo

Tot indigna patitus.

Recordare, quanto luctu,

Viso ventris sui fructu,

Pia Mater angitur.

Recordare, quo sermone

Mira Christi pro Latrone

Pietas exprimitur.

Recordare, potum feliis

Et aceti, quod tenellis

Labiis apponitur,

Recordare, quo pavore

Eli clamans in dolore,

Se relictum queritur.

Recordare, quem tremorem

Terra præfert, Sol horrorem,

Dum. Lux Mundi moritur.

Recordare, quo livore

Manat unda cum cruore,

Dum cor Nati foditur.

Recordare, quo mucrone,

Charæ prolis in agone

Pectus Matris scinditur,

Recordare, per quem plan-
ctum

Corpus ejus sacrosanctum

Cruce mox deponitur.

Recordare, quo conductu,

Quanto fletu, quali luctu

Sepulturæ traditur,

Recordare, precor, Nati.

Cur volebas tot hunc pati,

Cœnas & opprobria?

Recordare, quo Majestas,

Quo par Tibi se Potestas,

Quo demisit Gloria.

O quæ traxit vis Amoris,

Vt portaret tot doloris

Innocens supplicia!

Vere summæ Pietatis,

Et immensæ Charitatis,

Isthæc sunt indicia.

In hac ergo tam fœcunda

Charitate, nos emunda

Vitiorum sordibus.

O fac Christi cicatrices

Charitatis dent radices

Nostriis fixas cordibus,

Amen.

AD SEPTEM EFFUSIONES

Sacratissimi Sanguinis Iesu Christi, contra septem peccata Capitalia.

I. IN CIRCUMCISIONE:

Contra Luxuriam.

A Ve Iesu, qui cuorem
Tener fundis, & labo-
rem

Subis ab infantia.

Ut servemur à peccatis,
Cor, os, sensus puritatis
Fac ornari gratia.

V. IN CORONATIONE.

Contra Gloriam.

A Ve Iesu, Coronatus,
Heu quam larga purpu-
ratus

Stas cruoris copia!

Teahat fursum spiritalis
Nos voluptas, non carnalis
Ventris ad obsequia.

II. IN AGONIA.

Contra Superbiam.

A Ve Iesu, quo sudore
Mades orans, quo pavo-
re

Nostra luis vitia!
Fac non altum sapiamus;
Sed & casum timeamus
Iunctum cum *Superbia*.

V. IN VESTIUM DETRACTIONE.

Contra Avaritiam.

A Ve Iesu, dum nudaris
Refricatis cruentaris
Graviter vulneribus,
Christe tibi, fac, jungamur,
Nudi nudum te sequamur
Liberis affectibus.

III. IN FLAGELLATIONE.

Contra Iram.

A Ve Iesu, laniatus
Diris flagris, nil tur-
batus,

Sas perfulus Sanguine.
O fac nobis Crux dulcescat,
Vincens *Iram* mens mitescat,
Tetro vacans crimine.

VI. IN CRUCIFIXIONE

Contra Acediam.

A Ve Iesu, qui transfossus
Cruce membrisen, pls
fossis

Sacrum fundis Sanguinem,
Ardor tui fac Amoris
Vrat nos, & vi fervoris
Arceat torpedinem.

VII. IN CORDIS

Apertione.

Contra Invidiam.

A Ve Jesu, qui sacratum
Cor das nobis, dilata-
tum

Fontem pandens gratiæ.

Aqua laver, Sanguis ornet,¹
Et pos duplex Amor formet
Nescios *Invidia*.

S. AUGUSTINUS.

*Inspice Vulnera Pendens;
Sanguinem Morientis; Pre-
tium Redimentis; Caput ha-
bet inclinatum ad osculan-
dum; Cor apertum ad dili-
gendum; Brachia extensa ad
amplectendum; totum Cor-
pus expositum ad redimen-
dum. Hac quanta sint cogi-
ta: Hac in statera cordis ap-
pende, ut totus tibi figatur
in corde, qui totus pro te fixus
fuit in Cruce.*

SALUTATIONES,

*Ad quinque Christi Vul-
nera.*

Una cum petitione præcipua-
rum Virtutum.

Ad vulnus dextri Pedis.

Pro Humilitate.

S Alve vulnus gratiosum
Christi fluens sanguine.

Cor da mihi fructuosum,
Vacans omni crimine.

Simplex, *Humile*, zelosum,
Imo gaudens ordine.

*Pater. Ave.**Ad vulnus finistri Pedis.**Pro Castitate.*

S Alve plaga peramœna,
Profluens solatio.

Per te fiat in me plena

Carnis castigatio.

Casto tibi mens serena

Jungat se consortio.

*Pater. Ave.**Ad vulnus Dexteræ.**Pro Obedientia.*

S Alve, rubens ex cruore
Jesu, plaga Dexteræ.

O fac tua cum fervore

Jussa quæram propere:

Geram corde, promam ore,

Præstem promptus opere.

*Pater. Ave.**Ad vulnus Sinistræ.**Pro Mansuetudine.*

S Alve Levæ Vulnus Christi
Sanguine purpureum.

Fac me quovis casu tristi

Mitem & pacificum;

Cunctis, quos Tu redemisti;

Lenem ac benevolum.

Pater. Ave.

Kk 4

Ad vulnus Cordis.

Pro Charitate.

S Alve scissum cum dolore
Jesu cor dulcissimum.
Nobis patens ex amore,
Præsta cordis gaudium;
Det virtutum cum splendore
Charitas incendium.

Pater. Ave.

Pari nos tuere cura;
Per te constet mens secura
Quovis in periculo.

IV. Verbum.

Ave Jezu, qui dixisti,
Pater quid me reliquisti
Tantis in suppliciis?
Ne nos linquas ut ruamus,
Fortes in angustiis.

V. Verbum.

DE SEPTEM VERBIS
à Christo in Cruce prolatis.

I. Verbum.

A Ve Jezu, qui mactaris,
Sed tortorum, deprecaris
Patrem, culpæ parcere.
Prompte fac nos indulgere,
Nec vindictam exercere
Corde, verbis, opere.

II. Verbum.

Ave Jezu, qui Latroni
Pœnitenti summi Boni
Promisisti gratiam.
Tali nos contritione,
Nunc & mortis in agone
Fac mereri veniam.

III. Verbum.

Ave Jezu, qui præsentem
Cruci Matrem, heu, dolentem
Commendas Discipulo.

Ave Jezu, qui testaris
Sitim, sed, heu, qui potaris,
Tu qui pascis omnia!
Fac æterna nos sitire:
Mundi, Carnis fastidire
Fugitiva gaudia.

VI. Verbum.

Ave Jezu, consummasti
Jussa Patris, & donasti
Qua nobis merita.
Bene fac nos inchoare,
Sed & plene consummare
Tua beneplacita.

VII. Verbum.

Ave Jezu, qui sermonem
Morte clauderis, & agonem,
Patri tradis animam.
O Mors tua nos emundet,
Vitam bonis fac fœcundet,
Mortem det tutissimam.

CAP. V.

Orationes varia de Passione Domini,

ORATIO PISSIMA,

Ante imaginem Crucifixi dicenda.

Ex Precib. German. P. Canisii.

O Jesu Christe, Rex Cœli & terræ, suavissime Salvator ac Redemptor noster; Adoro ac benedico te; quia me, ac Mundum universum per sanctam Crucem tuam tam mirabiliter, ac care redemisti. O quam excellentem, pretiosam, ac efficacem Hostiam pro nobis in Ara crucis immolasti! O quantum laborasti; quantopere coarctatus es, donec Sacrificium, quod cœperas, perficeres! Per Lignum Satanas nos olim seduxit, ac perdidit. Sed per Lignum tu rursus inimicum vicisti; nos clementer redemisti, & salutem nobis æternam acquisisti.

O pretiosum lignum! ô efficax signum! ô gloriosum, & omni veneratione dignum mysterium! ô arbor excellens, quæ fructum vitæ produxit!

Sed, heu, amantissime Jesu, quo labore, qua lassitudine grave illud pondus Crucis longa, difficili, & ardua via, ad montem usque Calvariæ bajulasti humeris tuis! quo dolore, & cruciatu sanctissimæ manus ac pedes tui clavis perforati, ac Cruci affixi sunt! Quam crudeliter passus es in ea distendi corpus tuum, ita ut dissolverentur juncturæ ac compages membrorum tuorum, & dinumerari possent omnia ossa tua! Et quare hæc omnia, nisi ut deleres, quod adversus nos erat, chirographum decreti, & ipsum tolleres de medio, affigens illud cruci? Vt inquam, innoxio sanguine tuo dilueres culpas nostras, & sententiam damnationis in nos latam aboleres; adeoque reconciliares omnia, pacificans per sanguinem Crucis, sive quæ in terris sunt, sive quæ in Cœlis; *Coloss. I.*

Proinde ô dulcissime Salvator, Jesu Christe, fidelissime

Kk 5

Pastor

Pastor Animæ meæ, suscipe me indignam creaturam, ac erabundam oviculam tuam. Pande mihi Cor ac Vulnera tua, ut in illis una cum miseriis & iniquitatibus meis abscondar, protegar, ac purger. Crucifige in me carnem meam cum vitiis & concupiscentiis. Extingue omnem superbiam, vanitatem, & omnes affectus pravos evelle. Spiritum quoque rectum innova in visceribus meis. Excita in me voluntatem seriam ac efficacem ad omne opus bonum, ad sincerum tui solius amorem; indefessum cultum, & perpetuum obsequium; Ut absit mihi gloriari, nisi in Cruce Domini mei Jesu Christi; per quem mihi mundus crucifixus sit, & ego mundo; dixisti, cum exaltatus fuero à terra, omnia traham ad meum; Ecce trahe me post te; ut nihil sit, quod in æternum me separare possit à te, qui Crucem adscendisti pro me, nec ab ea descendisti, nisi plene consummasses opus salutis meæ. Amen.

Breves & nervosæ ORATIONES

ad Christum patientem.

O Jesu Christe, unice Salvator meus, ne pereat quæso, aut fructu suo frustretur in me misero acerbissima Passio, & mors tua. Per omnem ignominiam tuam, & amarissimam mortem tuam, & vulneratum cor tuum largire mihi gratiam, nunc & in hora mortis meæ. Amen.

II. O Crucifixe Jesu Christe, Salvator mundi, omnes dolores tuos, & pretiosum Sanguinem, ac mortem tuam, & omnes miserationes tuas pone inter strictum judicium tuum & miseram animam meam, Amen.

III. O bone Pastor Jesu Christe, qui pretioso Sanguine tuo pascis & purificas oves tuas. Copiosa effusio sanctissimi Sanguinis tui, & omnis passio tua sit mihi, & omnibus peccatoribus in solatium & salutem. Amen.

IV. O innocens Agne Dei, qui per Crucem & mortem tuam, tollis peccata mundi. Per innocentiam tuam, per cruciatus, pœnas & angustias cordis tui in Cruce perpeffas, parce mihi in die tremendi judicii tui, & miserere vivis & mortuis. Amen.

V. O Fili

V. O Fili obediens Deo Patri, qui calicem horrendæ passionis tam promptè & alacriter hausisti, felle quoque & aceto in siti tua potatus es. Per omnia durissima tormenta, ac vulnera, fac ut sim mansuetus & patiens; & Æterno Patri usque ad mortem obediens. Amen.

VI. O Jesu summe sacerdos, qui obtulisti Deo Patri oblationem mundam; & ad reconciliandos Deo peccatores prorsus efficacem, Per infinita merita vitæ, Passionis, ac mortis tuæ, fac ut mundo moriar, & tibi soli vivam; & demum hinc in patrem dimittar. Amen.

VII. O Jesu Nazarene, Rex Judæorum, per victoriam actriumphum quem contra hostes tuos nostrosque in Cruce retulisti. Serva me ab hostibus meis. Corpus & animam meam ab omni periculo tuere. Ecclesiæ tuæ largire pacem & concordiam; defunctis veniam & requiem: Peccatoribus poenitentiam & indulgentiam; Omnibus gratiam & misericordiam. Amen.

3. G R E G O R I I

de Passione Domini breves preces.

1. O Domine Jesu Christe, adoro te in Cruce pendentem, coronam spineam in capite portantem. Deprecor te, ut tua Crux liberet me ab Angelo percutiente, Amen. *Pater. Ave.*

2. O Domine Jesu Christe, adoro te in cruce vulneratum, felle & aceto potatum. Deprecor te, ut vulnera tua sint remedium animæ meæ. *Pater. Ave.*

3. O Domine Jesu Christe, rogo te per illam amaritudinem Passionis tuæ, quam in hora mortis sustinuisti, maxime tunc, quando anima de benedicto tuo corpore est egressa. Miserere animæ meæ in egressu suo de corpore meo, & perduc eam in vitam æternam, Amen. *Pater. Ave.*

4. O Domine Jesu Christe, adoro te in sepulchro positum, myrrha & aromaribus conditum. Deprecor te, ut tua mors sit vita mea, Amen. *Pater. Ave.*

5. O Domine Jesu Christe, adoro te descendentem ad inferos,

feros, & tuos inde liberantem captivos. Deprecor te, ut illuc nunquam me patiaris introire, Amen. *Pater. Ave.*

6. O Domine Iesu Christe, adoro te à morte resurgentem, & in cœlum adscendentem, sedentemque ad dexteram Patris. Deprecor te, ut illuc te sequi, & tibi præsentari merear, Amen. *Pater. Ave.*

7. O Domine Iesu Christe, Pastor bone, justos conserva, peccatores iustifica, omnibus fidelibus miserere, & propitius esto mihi misero & indigno peccatori, Amen. *Pater. Ave.*

Præcatio.

O Besecro te Domine Iesu Christe, ut passio tuo sit virtus mea, qua muniar, protegar & defendar. Vulnera tua sint mihi cibus & potus, quibus pascar, inebrier & delecter. Asper-sio Sanguinis tui sit omnium peccatorum meorum ablutio. Mors tua sit mihi gloria sempiterna. In his sit mihi refectio, exultatio, sanitas, studium, gaudium, desiderium corporis & animæ, nunc & in perpetuum, Amen.

Alia præcatio.

Domine Iesu Christe, Fili Dei vivi, pone Passionem, Crucem, & Mortem tuam inter iudicium tuum & animam meam, nunc & in hora mortis meæ.

Largiri mihi digneris gratiam & misericordiam, vivis veniam, defunctis requiem, Ecclesiæ tuæ pacem, cunctisque peccatoribus vitam & Gloriam sempiternam, Qui vivis & regnas.

O R A T I O N E S S. Birgittæ

De Passione Christi longe devotissima.

Oratio I.

O Iesu Christe, æterna dulcedo te amantium, júbilus excedens omne gaudium & omne desiderium, salus & amor peccatorum, qui delicias tuas testatus es esse cum Filiis hominum, propter hominem homo factus in fine temporum: memento omnis præmeditationis & intimi me-

roris,

roris, quem in humano corpore sustinuisti, instante saluberrimæ Passionis tuæ tempore in divino corde præordinato.

Memento tristitiæ & amaritudinis, quam in anima, teipso testante, habuisti, quando in ultima cœna Discipulis tuis Corpus & Sanguinem tuum tradidisti, pedes eorum lavisti, & dulciter eos consolando imminentem Passionem prædixisti.

Memento omnis timoris, angustię & doloris, quem in tuo corpore delicato ante Passionem crucis tuæ pertulisti, quando post trinam orationem & sanguineum sudorem à Iuda discipulo tuo tradebaris, ab electa gente capiebaris, à falsis testibus accusabaris, à tribus iudicibus injustè judicabaris, in electa civitate, in Paschali tempore, in florida corporis juventute innocenter damnabaris, veste propria exuebaris, & vestibus alienis induebaris, colaphizabaris, oculis & facie velabaris, alapis cædebaris, ad columnam ligabaris, flagellabaris, spinis coronabaris, arundine in capite feriebaris, & innumerabilibus aliis calumniis lacerabaris.

Da Domine Deus mihi quæso ob memoriam harum ante crucis tuæ Passionem veram ante mortem meam Contritionem, puram Confessionem, dignam satisfactionem, ac omnium peccatorum meorum remissionem. Amen. *Pater noster. Ave Maria.*

Oratio II.

O Iesu mundi fabricator, quem nulla dimensio vero termino metitur, qui terram palmo concludis, recordare amarissimi doloris, quem sustinebas, cum Judæi sanctissimas manus tuas ad crucem obtusis clavis primo affixerunt, & ad perforandum delicatissimos pedes tuos, cum non esses conveniens voluntati eorum, dolorem super dolorem vulneribus tuis addiderunt, & sic crudeliter te distraxerunt, & extenderrunt in longum & latum crucis tuæ, ut dissolverentur compages membrorum tuorum.

Deprecor te per huiusmodi sacratissimi & amarissimi in cruce doloris memoriam, ut des mihi timorem & amorem tuum, Amen. *Pater noster. Ave Maria.*

Ora-

Oratio. I II.

O Jesu cœlestis medice, recordare languoris, livoris, & doloris, quos in alto crucis patibulo levatus, passus es in omnibus dilaceratis membris tuis, quorum nullum in suo statu recte permanerat, ita ut nullus dolor similis tuo dolori inveniretur, quia à planta pedis usque ad verticem capitis in Te non fuit sanitas, & tamen omnium dolorum immemor, Patrem pro inimicis pie exorasti, dicens: Pater ignosce illis, quia nesciunt quid faciant.

Per hanc misericordiam, & ob memoriam illius doloris, concede, ut hæc memoria Passionis tuæ amarissimæ sit omnium peccatorum meorum plena remissio, Amen. *Pater Noster. Ave Maria.*

Oratio. IV.

O Jesu vera libertas Angelorum, paradisus deliciarum, memento mœroris & horroris, quos sustinebas, cum omnes inimici tui quasi leones ferocissimi te circumsteterunt & colaphizationibus, conspuitionibus, ungulationibus, cæterisque pœnis inauditis te molestaverunt.

Per has pœnas, & per omnia contumeliosa verba, durissimæque tormenta, quibus te Domine Jesu Christe omnes inimici afflixerunt, deprecor te ut liberes me ab omnibus inimicis meis visibilibus, & dones me sub umbra alarum tuarum ad perfectionem salutis æternæ pervenire, Amen. *Pater Noster. Ave Maria.*

Oratio V.

O Jesu speculum charitatis æternæ, memento illius mœroris, quem habuisti, quando in speculo serenissimæ majestatis tuæ conspexisti prædestinationem electorum per merita tuæ Passionis salvandorum, & reprobationem malorum per sua demerita damnandorum, & per abyssum miserationis tuæ, qua nobis perditis peccatoribus & desperatis tunc condoluisti, & quam latroni in cruce exhibuisti, dicens: Hodie
mecum

mecum eris in Paradiso. Rogo te Iesu, facias mecum misericordiam in hora mortis meæ, Amen. *Pater Noster. Ave Maria.*

Oratio VI.

O Rex amabilis & amice totus desiderabilis, memento illius mœroris, quem habuisti, quando nudus & miserabilis in cruce pependisti. & omnes amici & noti tui adversus te steterunt, & nullum consolantem inveniebas, nisi solam dilectam Genitricem tuam in amaritudine animæ suæ tibi fidelissime adstantem, quam Discipulo tuo commendasti, dicens; Mulier, ecce filius tuus!

Rogo te, piissime Iesu, per gladium doloris, qui tunc ejus animam pertransivit, ut compatiaris mihi in omnibus tribulationibus & afflictionibus meis corporalibus & spiritualibus, & da mihi consolationem in tempore tribulationis, & in hora mortis meæ, Amen. *Pater Noster. Ave Maria.*

Oratio VII.

O Iesu fons inexhaustæ pietatis, qui ex intimo affectu in cruce dixisti: Sitio, scilicet salutem generis humani, accende quæso cordium nostrorum desideria ad omne opus perfectum, & sitim carnalis concupiscentiæ, æstum mundanæ delectationis in nobis penitus refrigera & exstingue. Amen. *Pater. Ave.*

Oratio VIII.

O Iesu dulcedo cordium, ingensque suavitas mentium, per amaritudinem aceti & fellis, quam pro nobis degustasti, in hora mortis nostræ concede nobis corpus & sanguinem tuum digne percipere ad remedium & consolationem animarum nostrarum. Amen. *Pater. Ave.*

Oratio IX.

O Iesu regalis virtus, júbilusque mentalis, memento angustiae & doloris quem passus es, quando præ mortis
amari-

amaritudine & Iudæorum insultatione cum magna voce te à Deo Patre derelictum clamasti, dicens: Deus meus, Deus meus, ut quid me dereliquisti? Per hanc angustiam peto te, ut in angustis nostris non derelinquas nos Domine Deus noster, Amen. *Pater Noster. Ave Maria.*

Oratio X.

O Iesu, Alpha & Omega, vita & virtus in omni tempore, recordare, quod à summo capite usque ad plantam pedis te pro nobis in aqua Passionis tuæ demersisti.

Propter latitudinem & longitudinem vulnerum tuorum, doce me, per veram charitatem custodire latum mandatum tuum, nimis peccatis demersum, Amen. *Pater. Ave.*

Oratio XI.

O Iesu abyssus profundissima misericordiæ, rogo te propter profunditatem vulnerum tuorum, quæ pertransierunt medullam ossium & viscerum tuorum, ut me submersum in peccatis emergas, abscondasque me in foraminibus vulnerum tuorum à facie iræ tuæ, donec pertranseat furor tuus Domine. *Pater Noster. Ave Maria.*

Oratio XII.

O Iesu veritatis speculum, signum unitatis, charitatisque vinculum, memento multitudinis innumerabilium vulnerum tuorum, quibus à summo capitis usque ad imum pedis vulneratus fuisti, & SS. Sanguine tuo rubricatus, quam magnitudinem doloris in virginea carne tua pertulisti pro nobis. Pie Iesu quid ultra debuisti facere & non fecisti?

Scribe quæso, ô pie Iesu, omnia vulnera tua in corde meo, pretiosissimo Sanguine tuo, ut in illis legam dolorem tuum & mortem, ut in gratiarum actione usque in finem jugiter perseverem, Amen. *Pater. Ave.*

Oratio XIII.

O Iesu leo fortissime, Rex immortalis & invictissime, memento doloris, quem passus es, cum omnes vires cordis & corporis tui tibi penitus defecerunt, & inclinato capite dixisti: Consummatum est.

Per hanc angustiam & dolorem miserere mei in ultima consummatione exitus mei, cum anima mea anxitata fuerit, & spiritus meus conturbatus. Amen. *Pater noster. Ave Maria.*

Oratio XIV.

O Iesu unigenite altissimi Patris, splendor & figura substantiæ ejus, memento obnixæ commendationis, qua Patri spiritum tuum commendasti, dicens: In manus tuas, Domine, commendo spiritum meum. Et lacerato corpore, rupto corde, cum valido clamore, patefactis visceribus misericordiæ tuæ pro nobis redimendis, expirasti.

Per hanc pretiosissimam mortem precor te Rex Sanctorum, conforta me ad resistendum diabalo, mundo, carni & sanguini, ut mundo mortuus tibi vivam, & in novissima hora exitus mei suscipe ad te revertentem spiritum meum exulem & peregrinum. Amen. *Pater noster. Ave Maria.*

Oratio. XV.

O Iesu vitis vera & fecunda, memento supereffluentis & abundantis effusionis Sanguinis tui, quem tu sicut de botro expressum copiosissime effudisti, quando in cruce torcular solus calcasti, & lancea militari perfosso latere nobis sanguinem & aquam propinasti, ita ut nec minima gutta in te remaneret, & demum quasi myrrhæ fasciculus in altum suspensus fuisti, & delicata caro tua evanuit, & liquor viscerum tuorum exaruit, & medulla ossium tuorum emaruit.

Per hanc amarissimam Passionem, & pretiosi Sanguinis effusionem, pie Iesu, precor te, suscipe animam meam in agone mortis meæ, Amen. *Pater noster. Ave Maria.*

CONCLUSIO.

O Domine Jesu Christe, Fili Dei vivi, suscipe hanc orationem in amore illo superexcellenti, in quo omnia vulnera tui sanctissimi Corporis sustinuisti, & miserere mei famulari tui, & omnibus peccatoribus, cunctisque fidelibus tam vivis quam defunctis: da misericordiam, gratiam, peccatorum remissionem & vitam æternam, Amen.

Oratio de singulis articulis Passionis.

Deus, qui pro redemptione mundi voluisti nasci, circumcidi, à Iudæis reprobari, à Iuda traditore osculo tradi, vinculis alligari, sicut agnus innocens ad victimam duci, atque conspectibus Annæ, Caiphæ, Pilati, & Herodis indecenter offerri falsis testibus accusari, flagellis & operibris vexari, sputis conspuì, spinis coronari, colaphis cædi, arundine percuti, facie velari, vestibus exuiri, cruci clavis affigi, in cruce levari, inter latrones deputari, felle & aceto potari, & lancea vulnerari. Tu Domine per has sanctissimas Pœnas tuas, quas ego indignus recolo, & per sanctam Crucem & mortem tuam, libera me à pœnis inferni: & perducere digneris, quo perduxisti latronem tecum crucifixum. Qui cum Patre & Spiritu sancto vivis & regnas in sæcula sæculorum, Amen.

Precatio devotissima ante Crucem Domini.

Benignissime ac optime Christe Iesu, en me ad te recipio. Ad te, ô pie, revertor. Sed rubore suffundor, & vehementer pudet, cum tua isthæc specto Vulnere, cum cerno spineam Coronam, teque hæc omnia mea causa perpessum cognosco. Ego siquidem, ego sum, qui isthæc tam dira inflexi Vulnere: ego Coronam hanc spineam in tuum sacrum Caput impressi: ego te in hanc Crucem adegì.

Sed ô quanta tua est Charitas? quæ tua clementia & Misericordia? Peccavi ego, & tu plecteris, debitæque necis pœnam pro me luis. Tuus ipse hostis fui, at tu per Crucem tuam me efficis filium; servus fui, at tu Sanguine tuo me liberum asseris.

Osi

DE VITA AC PASS. DOMINI. 509

O si semel concesseris, ut Amore tui totus flagrem, tum vero tibi, cui meipsum ac omnia mea debeo, libens hanc etiam Viram impendam, Amen.

C A P. VI.

EXERCITIA VARIA,
ad honorem Sacrorum *quinque Vulnerum*; & *septem Effusionum Sanguinis D. N. Iesu Christi*.

ROSARIUM D. N. IESV.
CHRISTI DUPLEX: quod

Vel ad memoriam septem effusionum Sanguinis Iesu Christi:

Vel ad honorem quinque sacrorum Vulnerum recitari potest.

Prus Rosarium habet septem Decades:

Modus recitandi hic erit:

Premisso symbolo Apostol. Credo:

Ad singulas Decades dic semel Orationem Dominicam, & decies sequentem Salutationem, Variato tantum per quamlibet decadem mysterio Effusionis.

Ave dulcissime Domine Iesu Christe, Gratia plenus: misericordia tecum. Benedicta sanctissima Vita, Passio, & Mors tua; & benedictus Sanguis tuus, quem pro nobis effudisti, &c.

Ad singulas Salutationes, post effudisti: Adde,

In I Decade, In Circumcisione tua.

In II, In Agonia tua.

In III, In Flagellatione tua.

In IV, In spinea Coronatione tua.

In V, In Detractione vestium tuarum.

In VI, In Crucifixione tua.

In VII, In Apertione Lateris tui.

In fine cuiusque Decadis, seu ultime Salutationis, subijunge sequentem Adspirationem ad Beatissimam V. Mariam:

Sancta Maria, Mater dolorosa, per gladium doloris, qui pertransiuit animam tuam, impetra nobis fructum Sanguinis

I E S V Christi Filii tui, nunc & in hora mortis nostræ,
Amen.

*Aliis piis affectibus, industriis: & intentionibus condiri posset
recitatio hujus Rosarii: ut nempe singulæ Decades dirigantur
vel contra singula vitia Capitalia; vel ad septem præcipuas
Christi Virtutes imitandas, quas passim proponunt Canisius,
Costerus, & alii: v. g. Decas.*

I, Pro Christ Humilitate:

II, Pro Mansuetudine.

III, Pro Patientia.

IV, Pro Obedientia.

V, Pro Benignitate.

VI, Pro Charitate.

VII, Pro Liberalitate.

*Et in hunc quidem finem, per singulas Decades initio saluta-
tionis addi posset Epitheton ad hujusmodi virtutes recolendas con-
ueniens. v. g. Ave Humillime. 2, Mansuetissime. 3, Patien-
tissime. 4, Obedientissime. 5, Benignissime. 6, Amantissime.
7, Liberalissime Domine I E S V Christe, &c. Item potest
recitari hoc Rosarium pro Septem donis Spiritus Sancti. Item pro
7 Beneficiis contentis in Oratione Dominica. Item, quia per
Sanguinem Christi septem Sacramenta suam habent efficaciam;
offerri poterit hoc Rosarium ad Salutare Sacramentorum usum
singulis suscipientibus impetrandum. v. g. Decas I. pro Bap-
tizatis. II. pro Confirmatis. III. pro Pœnitentibus, IV. pro Com-
municantibus. V. pro Ordinatis. VI. pro Conjugatis. VII. pro Mo-
ribundis.*

POSTERIUS ROSARIUM, ad *Sacratissima
CHRISTI VULNERA*, habet quinque Decades, si-
mili modo decurrendas.

Porro ad singulas Salutationes, post effudisti, adde

In I, Decade, De Vulnere dexteri Pedis tui.

In II, de Vulnere sinistri pedis tui.

In III, de Vulnere dextræ manus tuæ.

In IV, de Vulnere sinistræ manus tuæ.

In V, de Vulnere Cordis tui.

In fine cujusque Decadis adde Adspir. ad B. Virg. Sancta Maria, &c. ut sup.

En facillimum & homini utilissimum, Deoque gratissimum Modum recolendi quotidie Passionem D. N. Jesu Christi, cujus Mysteria facile hac methodo revocantur in memoriam.

Septem Gratiarum Actiones,
Ad VII Effusiones Sanguinis Jesu Christi;
Contra 7 Vitia Capitalia.

I.

O Humillime Domine & Magister Jesu Christe, verus Deus & homo. Tibi sit æterna laus & gratiarum actio, quod in tenella ætate tua, id est, octavo die mortalis vitæ tuæ pretiosum & innoxium sanguinem tuum pro nobis effundere; & ut verus Abræhæ filius dolorose circumcidi volueris.

Per hanc sanctissimam Effusionem Sanguinis tui, supplico pro gratia Humilitatis adversus omnem Superbiam, & vanitatem sæculi. *Pater noster. Ave Maria.*

II.

O Benevole Pelicane Jesu Christe, verus Deus & homo; Tibi sit æterna laus, & gratiarum actio, quod in horto ex ingenti cordis angustia Sanguineum sudorum profuderis; eumque cum resignatione promptissima pro nobis moriendi, Patri tuo obtuleris.

Per hanc sanctissimam Effusionem Sanguinis peto gratiam Liberalitatis, adversus omnem cupiditatem & avaritiam. *Pater noster. Ave.*

III.

O Sponse castissime Jesu Christe, verus Deus & homo; Tibi sit æterna laus & gratiarum actio; quod in prætorio Pilati, te atrociter alligari, & Virgineam carnem tuam crudeliter nimis flagellari ac lacerari passus es.

Per hanc sanctissimam Effusionem Sanguinis rogo te pro gratia

gratia Castitatis, adversus omnem Luxuriam & libidinem.
Pater Noster. Ave Maria.

IV.

O Agne mansuetissime, Iesu Christe, verus Deus ac homo. Tibi sit æterna laus ac gratiarum actio, quod spinis acutissimis sanctum caput tuum coronari, ac dura arundine desuper percuti passus es.

Per hanc sanctissimam Effusionem Sanguinis oro te pro gratia Mansuetudinis adversus omnem Iram, & vindictæ cupiditatem. *Pater noster. Ave Maria.*

V.

O Dulcissime & abstinentissime Hospes Iesu Christe, verus Deus ac homo. Tibi sit æterna laus ac gratiarum actio, pro exspoliatione vestium tuarum, quæ tum ante, tum post bajulationem Crucis, non sine peracerba vulnerum tuorum renovatioue ac dilatazione facta est.

Per hanc sanctissimam Effusionem Sanguinis obsecro te pro gratia sobrietatis & Abstinentiæ, contra omnem Gulam, & crapulam. *Pater noster. Ave Maria.*

VI.

O Bone & fidelissime Samaritane Iesu Christe, verus Deus ac homo: Tibi sit æterna laus ac gratiarum actio, quod ardentissimo amore nostri, sanctissimas manus ac pedes tuos Ligno Crucis affigi; & pro redemptione nostra dire perfodi passus es.

Per hanc sanctissimam Effusionem Sanguinis enixe peto gratiam fraternæ Charitatis contra omnem Invidiam & similitatem. *Pater. Ave.*

VII.

O Zelotissime summe Sacerdos Iesu Christe, verus Deus ac homo: Tibi sit æterna laus ac gratiarum actio: quod Sacrum latus tuum lancea perforari, aperiri, ac vulnerari passus es.

Per hanc sacratissimam Effusionem Sanguinis postulo supplex

plex à te gratiam sancti Fervoris ac Zeli, contra omnem
Acediam, & torporem, in tui servitio, omnique pietatis
exercitio. *Pater noster. Ave Maria.*

C O M M E N D A T I O

Sui ipsius in Quinque Vulnera Salvatoris.

I.

Benignissime Iesu, dulcissimo Vulneri Pedis tui dextri
toto cordis affectu offero, quæcunque mihi prospera &
jucunda in hac vita contingere, pio Providentiæ tuæ consi-
lio disponis, illaque sic tuæ divinæ voluntati una mecum
unio, ut ab ea nulla prorsus tentatione separari aut avelli ve-
lim in æternum.

II.

Benignissime Iesu, in dulcissimo Vulnere benedicti Pe-
dis tui sinistri recondo omnes tribulationes, adversita-
tes, angustias, & amaritudines, quas Divina Providentia
tua totius vitæ meæ decursu mihi vel immittet, vel evenire
permittet; easque unio & conjungo amarissimis doloribus
tuis, hoc unum desiderans, ut momentaneum & leve tri-
bulationis meæ, æternum gloriæ pondus mihi operetur in
Cœlis. *Pater. Ave.*

III.

Benignissime Iesu, in dulcissimo Vulnere benedictæ Ma-
nus tuæ dextræ deinceps repono omnia opera mea, quæ-
cunque per gratiam tuam facturus sum; eaque sic dico ac
consecro honori ac gloriæ tuæ; ut eorum meritum per va-
nam gloriam corrumpi plane nolim: sed ut merces integra &
copiosa mihi reposita maneat in Cœlis. *Pater. Ave.*

IV.

Benignissime Iesu, in dulcissimum Vulnus sinistra Ma-
nus tuæ immergo omnia vitia, & delicta mea, unico

flagitans, ut ea roseo Sanguine tuo, quem pro salute nostra ex eo profudisti, sic aboleas & extinguas, ne coram divino tribunali tuo, me accusent, & à te justo iudice contra me sententiam damnationis expostulent. Amen. *Pater. Ave.*

V.

B Enignissime Jesu, in amorosum transfixi cordis tui vulnus resigno cor meum, cum omnibus suis desiderijs, & affectibus; ut illud divino amore tuo sic imbuas, & trahas, ne posthac unquam amplius vel minimum recedat à mandatis tuis. Amen. *Pater. Ave.*

E X E R C I T I U M

Aliud ad Quinque Vulnera.

I.

Mitissime Iesu, per salutiferum Vulnus dextri Pedis tui, ignosce mihi, quidquid unquam pravis cogitationibus contra te deliqui: ejusque infinitis meritis compensa, quicquid boni cogitare neglexi: ut posthac te solum Summum Bonum meum desiderem, quæram, & inveniam quem diligit anima mea. Amen. *Pater. Ave.*

II.

DUlcissime Jesu, per benedictum Vulnus sinistri Pedis tui, ignosce mihi quæso, quicquid sensuum, tam internorum, quam externorum abusu, contra Divinum beneplacitum tuum perperam gessi; & sic posthac fræno timoris tui eos coërce, ut quasi mundo, & omnibus creaturis mortuus, nihil sentiam, nihil sentiam, nihil concupiscam, nisi te solum Deum meum pro me Crucifixum. Amen. *Pater. Ave.*

III.

DUlcissime Jesu, per sacrum Vulnus dextræ Manus tuæ humillime supplico, ignosce omnibus malis & vitiosis actibus meis, simul etiam ex illius merito, in integrum restitue, quidquid culpabili negligentia, in quocunque obligationis genere, per omissionem peccavi: & fac, ut per gratiam

tiam tuam deinceps, talenta abs te mihi concredita fructuosius impendam. Amen. *Pater. Ave.*

I V.

Dulcissime Jesu, per Vulnus sinistræ manus tuæ, ignosce Iracundiæ meæ ac subitis impatientiæ iræque motibus, in quos sæpe minima data occasione nimis præceps & imprudens erumpo; atque ex ejusdem Vulneris cœlesti Panario, veræ in omnibus adversis patientiæ remedium mihi subministra, ut promissam mansuetis possidere merear terram viventium. Amen. *Pater. Ave.*

V.

Dulcissime Jesu, per sacrum vulnus perforati Cordis tui, clementer ignosce; quicquid cor meum voluntate perversa, aut intensione prava unquam deliquit; & in divinissimum Cor tuum sic inferre fragile cor meum, ut nihil sentiat, nihil ambiat, nihil concupiscat, nisi secundum cor tuum; & in ejus directione jugiter conquiescens, in omni bono usque ad finem vitæ firmiter perseveret. Amen. *Pater. Ave.*

O B L A T I O

*Dominica Passionis, & quinque Vulnerum Salvatoris
Ad Deum Patrem.*

Clementissime Pater, æterne Deus, pro meis pariter & totius mundi peccatis, offero tibi, unice dilectum Filium tuum, in Cruce pendentem. Offero tibi sacratissima Vulnera ejus, quæ nostri causa suscepit. Offero tibi quoque Passionem, dolores, angustias, pressuras, sanguinem & mortem ejus; in flammatisissima illa charitate, qua pro nobis in Ara Crucis obtulit semetipsum; me una cum illo, divino servitio tuo mancians, & in sempiternum, ad laudem & gloriam tuæ Divinæ majestatis obligans, & addicens, Amen,

I.

Clementissime Pater, Vulnus & Sanguinem, labores & dolores Dextræ Unigeniti Filii tui, contra omnem inobedientiam & rebellionem meam offero tibi; impensissime orans, ut ex eo mihi perfectissimæ obedientiæ spiritum infundas, quo nutum beneplaciti tui, tam prompte exsequar, quam cito umbra corporis sui motum sequi consuevit, ut tuam deinceps in omnibus voluntatem amem, quæram, atque perficiam. Amen. *Pater. Ave.*

II.

Clementissime Pater, sacrum Vulnus, & dolorem Sinistræ Unigeniti tui, & ejus profundissimam humilitatem offero tibi, contra superbiam, & vanam gloriam, omniaque exinde pullulantia peccata mea, devote obsecrans, ut, hujus vulneris virtute, omnes vanitates animique tumorem in me funditus evellas ac destruas, quo vilitatem meam intime cognoscens, in vera cordis humilitate, per contemptum & igominiam, tibi valeam servire cum gaudio. Amen. *Pater. Ave.*

III.

Clementissime Pater, Vulnus & Sanguinem; cruciatus & tormenta dextri Pedis Unigeniti tui, ejusque perfectissimam patientiam offero tibi, contra pusillanimitatem & impatientiam meam; orans, ut hoc vulnere generosæ constantiæ, invictæque tolerantiae, des mihi virtutem & gratiam, qua de manu tua quælibet adversa, & hujus vitæ molestias, calamitates & incommoda cum gratiarum actione suscipiam; æquanimiter sustineam; fortiter vincam: & inter quoscunque casus & eventus, in tuæ providentiæ brachia mea, & omnia mea plena fiducia & resignatione conjiciam. Amen. *Pater. Ave.*

IV.

Clementissime Pater, sacrum Vulnus sinistri Pedis, Unigeniti Filii tui, ejusque piissimam misericordiam offero tibi

tibi contra omnem duritiam, inclementiam, & invidiam meam; orans, ut ex hoc Vulnere, tanquam ditissimo virtutum omnium ærario, dones mihi affectum misericordiæ, pietatis, compassionis, ac mansuetudinis, cum primis erga eos, qui me forsan offenderunt, & læserunt; ut eos charitatis visceribus, in necessitate complectar; in omnibus prompte succurram; eorum quoque defectus ac infirmitates in spiritualitatis supportem. Amen. *Pater. Ave.*

V.

Clementissime Pater, roseum benedicti Cordis & Latereis Vnigeniti Filii tui Vulnus, & ferventissimam ejus charitatem, qua te pariter & humanum genus persecutus est; Offero tibi contra omnem Acediam, teporem, ac somnolentiam meam in servitio tuo commissam; rogans obnixissime, ut ex hoc abundantissimo gratiæ Fonte talem mihi cultus ac honoris tui zelum infundas, quo te ex toto corde diligam, & in omnibus operibus meis Nomen tuum intimescificem ac benedicam; te solum cogitem, te solum desiderem, tibi soli placere cupiam, ac displicere timeam, omnemque vitam meam gloriæ tuæ libens ac gaudens impendam. Amen. *Pater. Ave.*

Uscipe clementissime Pater, hanc oblationem meam in sacrosancta Iesu Christi Filii tui Vulnere, nostræ salutis divinissima remedia, amoris tui monumenta: eamque mihi ex illis largire gratiam, ut sub illorum præsidio ac munimine vivens ac moriens, tuto ac secure delitescam; donec eadem, una cum Beatis omnibus, in gloria majestatis tuæ jugiter contemplari, & ob ea te laudare merear. Amen. *Pater. Ave.*

Devotæ salutationes Vulnerum Salvatoris.

I.

Salve super omnia benedictum Vulnus dextræ Manu Crucifixi Domini mei Iesu Christi, pro mea & omnium hominum salute, roseo stillans cruore; Protege me Domine, & salvum fac dextera tua; ut percutiat inimicum infernalem,

nalem, nequando dicat: Prævalui adversus eum, quem tu Sanguine tuo redemisti. Deducat me mirabiliter dextera tua; ut omnes cogitationes, actus & sermones mei semper recta tendant & dirigantur ad te, utpote scopum & finem meum. Da mihi gestare semper ardentem lampadem, oleo charitatis instructum, ut dignus habear, qui tecum ad cœlestes nuptias intromittar: ut cum seculum judicaturus advenieris, ad dexteram tuam constitutus, audire merear cum Electis tuis: Venite benedicti Patris mei, percipite Regnum vobis paratum à constitutione mundi. Amen. *Pater. Ave.*

II.

Salve beatificum Vulnus sinistræ Manus Salvatoris mei Domini Iesu Christi, pretiosissimo Sanguine purpuratum; O Domine, manu tua forti & brachio excelso, ad nihilum redige quidquid sinistrum, perversum, & iniquum moliantur adversum me, qui cogitant mihi mala. Comprime vires hostium, qui quærunt animam meam. Tuere me, & adesto mihi, in omnibus tribulationibus, & adversitatibus meis, & à cunctis malis præteritis, præsentibus, & futuris clementissime libera. Eripe me de manu persequentium me; & ab his qui oderunt me gratis. Dic animæ meæ, Salus tuæ ego sum: Pereant qui me perdere festinant; ut de manu inimicorum meorum liberatus, in sanctitate & iustitia serviam tibi omnibus diebus vitæ meæ. Amen. *Pater. Ave.*

III.

Salve gratiosum Vulnus dextri Pedis Domini mei Iesu Christi; immaculati Agni, qui tollit peccata mundi, conspersum sanguine. Perfice Domine Pedes meos tanquam cervorum, ut indefesso cursu per viam mandatorum tuorum incedam: eaque semper exquiram, quæ tuæ divinæ placita sunt voluntati. Dirige gressus meos in lege tua, & in operibus mandatorum tuorum, ut de virtute in virtutem pergam, donec videam Deum Deorum in Sion. Lucerna pedibus meis sit verbum tuum, & lumen semitis meis, ut etiam pro-

proximis lucis exempla præbeam, quo tu Deus meus ante omnia & in omnibus glorificeris nunc & in æternum. Amen.

Pater. Ave.

IV.

S Alve venerabile, sinistri Pedis, Domini mei Jesu Christi, undique purpureo madefactum sanguine, vulnus: Evellere Domine Pedes meos à laqueo, quem statuerunt mihi inimici mei. Custodi animam meam à lapsu, ne fiam hostibus meis in prædam. Non veniat mihi pes superbiæ; Nec exaltatum sit cor meum; aut elati oculi mei: ne in mirabilibus ambulem super me: sed in simplicitate cordis mei, coram te incedam omni tempore. Deduc me Domine per semitas justitiæ; & vias tuas edoce me, ut sciam quid acceptum sit coram te omni tempore, & opere compleam universa, quæ præcepisti mihi. Amen. *Pater. Ave.*

V.

S Alve saluberrimum Cordis & lateris Domini mei Jesu Christi, militis inflictum crudeli cuspide Vulnus, copioso sanguine & aqua, in nostrorum ablutionem peccatorum, redundans; Vulnere, quæso, amoris tui jaculo, cor meum, ut te in omnibus & super omnia colat, revereatur, honoret, & propter te solum, proximum quemque Christianæ fraternitatis amore prosequatur. Munda cor meum, purissimo sanguine & aqua salutare, ut ab omni labe peccati mundatus, te Deum Salvatorem meum, quem, qui mundo sunt corde, soli videbunt, in omnem æternitatem merear contemplari. Amen. *Pater. Ave.*

A D C H R I S T U M,

pro impetranda sacratissimorum ejus Vulnerum devotione.

I.

O Dulcissime Sanctarum animarum Sponse Jesu, accende quæso cor meum igne Divini amoris tui, & salutiferorum vulnerum tuorum, ut diligam te, ex intimo corde; visita me misericorditer, & mentem meam gratia tua

tua inebria, quia te fontem suavitatis, ardentem expetunt intima mea. O ignis qui suaviter ardes, secreta lucas, potenter incendis, occupa totam mentis meae latitudinem; afflue sacratissimorum Vulnerum tuorum memoria: ut te per me passum, & vulneratum, solum esuriam, & sitiam; ad te suspirem, atque anhelem; tuamque mellifluam faciem æstuantem videre concupiscam. Amen. *Pater. Ave.*

I I.

TRansfige, amabilis Iesu, medullas animæ meae, suaviter penetrante dilectionis tuæ sagitta, ut saucietur & langueat anima mea intimo tui & Vulnerum tuorum amore; & exinde penitus in dilectionem tui resoluta, colliquefcat: in te tota transeat: tibi que inseparabiliter adhæreat. Amen. *Pater. Ave.*

I I I.

SEpara Domine mentem meam, ab omnibus, quæ sub cœlo sunt, ut tibi soli tuisque vulneribus, pro mea salute susceptis, libere intendat: tu solus eam, ut verus possessor, legitimusque Dominus inhabites. Descendat in eam suavissimæ passionis ac mortis tuæ memoria cum inenarrabili charitatis tuæ fragrantia, quæ puras ac cœlestes in me exfuset adspirationes, ac desideria, ut, sicut cervus ad fontes aquarum, ita ad te desideret anima mea. Amen. *Pater. Ave.*

I V.

DA Domine Iesu, ut flamma devotionis augustissimorum quinque Vulnerum tuorum efficacissime succensus, ex toto corde meo redamem te: sicut tu me dilexisti, diligam te, ô unica salus animæ meae; diligam te quantum possum, quia prior dilexisti me, ut etiam poneres animam tuam pro me, ut per mortem & Vulnera tua vivam in te. Amen. *Pater. Ave.*

V.

O Amabilissime, ô deliciosissime animarum Sponse, Iesu, pro me in Cruce sacris quinque luculentioribus plagis; veluti tot amoris characteribus insignire; describe in tabula cordis mei, & indelebiliter imprime dulcem amorem Vulnerum tuorum, nulla unquam oblivione delendum, ut tui desiderio semper æstuans, igne dilectionis tuæ inardescam, & ab Oceano divinæ Benignitatis tuæ penitus absorbear, usque dum maiestatis tuæ & sacratissimorum Vulnerum tuorum in Cælo perenniter contemplaturus adsumar. Amen. *Pater. Ave.*

A L I A O B L A T I O

Sacrorum Vulnerum Domini, pro expiatione peccatorum.

I.

A Doro te, misericordissime Iesu, tibi que gratias ago pro cunctis injuriis, persecutionibus, laboribus & fationibus tuis, meæ salutis causa susceptis; quæ omnia tibi in salvificum Vulnus dextri Pedis tui depono, ut tu ea Cælesti Patri offeras pro peccatis meis in unione Divinæ charitatis tuæ, qua hæc & multo plura nostræ salutis causa libentissime sustinuisti. Amen. *Pater. Ave.*

II.

A Doro te, piissime Iesu, tibi que gratias ago pro cunctis opprobriis, derisionibus, contemptibus, variisque ludibriis, salutis nostræ causa perpeffis; quæ omnia tibi in salvificum Vulnus sinistri Pedis tui offero, ut tu eadem offeras cælesti Patri tuo pro peccatis meis, in unione ardentissimæ Charitatis, qua hæc omnia libens pro nostra salute sustinuisti. Amen. *Pater. Ave.*

III.

A Doro te, clementissime Iesu, tibi que gratias ago, pro universis doloribus, pœnis, cruciatibus, vulneribus, & livo-

& livoribus tuis mei amoris ergo susceptis : quæ tibi in sacrum vulnus dextræ Manus tuæ supplex offero ; ut tu eadem offeras cœlesti Patri tuo : pro peccatis meis in unione divinæ charitatis tuæ, qua hæc omnia pro nobis redimendis sustinuisti. Amen. *Pater. Ave.*

I V.

A Doro te, mansuetissime Iesu, tibi que gratias ago pro cunctis, singulisque preciosissimi Sanguinis tui guttis, mei causa, in crudelissima passione tua effusis, quas omnes in vulnus sinistræ Manus offero ; ut tu easdem offeras cœlesti Patri tuo, pro peccatis meis in unione ferventissimæ charitatis, quæ eundem Sanguinem tuum causa nostræ salutis effundisti. Amen. *Pater. Ave.*

V.

A Doro te, patientissime Iesu, tibi que gratias ago pro cunctis gemitibus, suspiriis, & pressuris cordis tui : pro sudore quoque & lacrymis, propter nos effusis. denique pro amarissima morte, quam mei causa subiisti, quæ omnia & singula offero tibi in sacratissimum Vulnus benedicti Cordis & Lateris tui, ut tu eadem offeras Cœlesti Patri tuo, pro peccatis meis ; in unione immensæ charitatis tuæ, qua hæc omnia salutis humanæ causa pertulisti. Amen. *Pater. Ave.*

O R A T I O N E S

Pro avertendis omnibus malis & noxis totius Ecclesiæ,

Per merita & virtutem Vulnerum Christi.

I.

D Eus qui non mortem sed pœnitentiam desideras peccatorum, populum tuum ad sacratissima vulnera tua, contrito corde confugientem, propitius respice, ut dum illa devote honorat ; bella, famem, pestilentiam, & quæcunque alia iracundiæ tuæ flagella ab eo clementer amoveas.

I I.

D Eus qui contritorum non spernis gemitum & mœrentium non despicias affectum, adesto precibus nostris, quas in tribulatione nostra ad sacra Vulnera tua effundimus, easque clementer suscipiens, tribue, ut quicquid contra nos

nos diabolicæ & humanæ moliuntur insidiæ, elidatur, atque in nihilum redigatur; ut nullis tentationibus læsi; sed de omni tribulatione atque angustia erepti, tibi Deo nostro in Ecclesia gratias referamus.

III.

Dimitte Domine peccata nostra, & è sacris Vulneribus tuis nobis misericordiam tribue quam precamur, ut humilitatem nostram attendas, tribulationes adspicias, adversitates repellas; affectumque petitionis nostræ largiens, supplices tuos clementer exaudias; & scuto Vulnerum tuorum protectos, ob omni malo custodias.

IV.

Pientissime Deus, qui iniquitatum ad te converforum non recordaris, sed eorum gemitus clementer exaudis, respice tot templa, tot altaria, tot pia loca, sacro Nomini tuo olim dedicata, nunc hæreticorum abominationibus prophana, reminiscere hæreditatis tuæ, angustissimorum Vulnerum tuorum susceptione, & nobilissimi Sanguinis tui effusione, & Vineam tuam, quam ferus aper exterminare conatur, ferventer visita, & illius cultores adversus desertantium rabiem tua virtute corrobora; victores effice, & ea bene operantes tui tandem fac Regni possessores.

V.

Deus qui conteris bella, & impugnatores in te sperantium; potentia tuæ defensionis expugnas; auxiliare fidelibus tuis, invictissimorum Vulnerum tuorum defensionem invocantibus, ut omnium inimicorum suorum feritate depressa, & omni eorum hostilitate dissipata, incessabili te gratiarum actione laudemus. Qui vivis & regnas cum Deo Patre in unitate Spiritus Sancti Deus per omnia sæcula sæculorum. Amen.

CAP. VII.

Decultu & honore SS. Nominis IESV.

Mira sunt melliflui hujus Nominis præconia, magna privilegia: ut merito quisquis vere Christianus esse vult, summum illud amore & honore complecti debeat. In hoc Nomine oramus quicquid volumus, & impetramus. Quidquid petieritis Patrem in nomine meo, dabit vobis, Ioan. 16. Sed Melliflui Nominis Elogia ex Mellifluo Doctore audiamus.

JESVS, inquit, est mel in ore; in aure melos; in corde júbilus est & medicina. Tristatur aliquis nostrum? Veniat in cor Jesus, & inde saliat in os. Et ecce, ad exortum hujus Nominis lumen, nubilum omne diffugit, redit ferrenum:

Labitur quis in crimen, currit insuper ad laqueum mortis desperando? Nonne, si invocet Nomen Vitæ, confestim respirabit ad vitam?

Cui aliquando stetit ante faciem salutaris Nominis, duritia, ut assolet cordis, ignaviæ, torpor, languor acedia? cui fons forte siccatus lacrymarum, invocato Jesu, non continuo erupit uberior?

Nihil ita iræ impetum cohibet, superbiæ tumorem sedat: sanat livoris vulnus, exstinguit libidinis flamma, sitim temperat avaritiæ, ac totius indecoris fugat pruriginem.

Siquidem cum nomino Jesum, hominem mihi propono mitem, & humilem corde, benignum, sobrium, castum, misericordem, & omni denique honestate ac sanctitate conspicuum, qui suo me & exemplo sanet, & roboret adjutorio.

Hæc omnia mihi sonant, dum insonuerit Jesus. Sumo igitur mihi exempla de Homine, & auxilium à Potente: illa tanquam pigmentarias species; hoc tanquam unde acuam eas, & facio confectionem, cui similem medicorum facere potest nemo.

Hoc tibi electuarium habes, ô anima mea, reconditum in vasculo vocabuli hujus, quod est Jesus. Salutiferum certe, & quod nulli unquam pesti tuæ inveniatur inefficax.

Semper tibi in sinu sit, semper in manu, quo tui om-

es in Iesum, & sensus dirigantur & actus, &c. Serm. 15.
Cant.

MODUS FACILIS ET SVAVIS

Semper orandi & simul honorandi sanctis-
simum nomen IESV.

*Quia iubemur à Christo, semper orare, & nunquam de-
ficere: ab Apostolo autem, omnia, quaecunque facimus,
sive in verbo, sive in opere; omnia, inquam, in nomine
Domini nostri Iesu Christi facere; Ecce Compendiosum & fa-
cilem Semper orandi modum; & una Iesum honorandi. Sele-
ctas, inquam, & ignitas Adspirationes è Regio Prophetæ hic habes,
quibus non tantum ad omnem actionem facile mens elevari possit
ad Deum; sed & instrui quibusdam, quasi regulis & mediis,
ad operum perfectionem utilibus.*

ADSPIRATIO HORARIA

Ad laudem sanctissimi Nominis IESV:

*Nomine tuo Domine salvum me fac, & virtute tua judi-
came.
propter gloriam Nominis tui Domine libera nos, & pro-
pitijs esto peccatis nostris propter Nomen tuum.
perent in te, qui noverunt Nomen tuum; quoniam non
dereliquisti quærentes te Domine.
Voluntarie sacrificabo tibi, & confitebor Nomini tuo Domi-
ne, quoniam bonum est.
Nomen Domini benedictum ex hoc nunc & usque in sæcu-
lum.*

Manè dum surgis.

*Illumina oculos meos, ne unquam obdormiam in morte,
ne quando dicat inimicus meus: Prævalui adversus
eum.
ego dormivi & soporatus sum, exsurrexi, quia Dominus
cepit me.*

Si memor fui tui super stratum meum, in matutinis Domine
meditabor in te, quia fuisti adiutor meus.

Vtinam hodie dirigantur viæ meæ ad custodiendas justificationes tuas!

Servus tuus sum ego, da mihi intellectum, ut sciam testimonia tua.

Egrediens domo.

IN via testimoniorum tuorum delectatus sum, sicut in omnibus divitiis.

Esto mihi in Deum protectorem, & in locum munitum, ut salvum me facias.

Si ambelem in medio umbræ mortis, non timebo mala, quoniam tu mecum es.

Vias tuas Domine demonstra mihi, & semitas tuas edoce me.

Servavi mandata tua & testimonia tua, quia omnes viæ meæ in conspectu tuo.

Regrediens domum.

Iudica me Domine, quoniam ego in innocentia mea ingressus sum, & in Domino sperans non infirmabor.

Esto mihi in Deum protectorem, & in domum refugii, ut salvum me facias.

Si dicebam: Motus est pes meus, misericordia tua Domine adjuvabat me.

Viam iniquitatis amove à me, & de lege tua miserere mei.

Spiritus tuus bonus deducet me in terram rectam, propter Nomen tuum Domine vivificabis me in aequitate tua.

Ingrediens Templum.

IN multitudine misericordiæ tuæ introibo in Domum tuam, adorabo ad Templum sanctum tuum in timore tuo.

Exaudi Domine vocem deprecationis meæ, dum oro ad Te, dum extollo manus meas ad Templum sanctum tuum.

benedicam te in vita mea, & in Nomine tuo levabo manus meas.
 & videam voluptatem Domini & visitem Templum ejus.
 sicut Cervus desiderat ad fontes aquarum, ita desiderat anima mea ad te Deus.

Ante Orationem.

Intret in conspectu tuo oratio mea; inclina aurem tuam ad precem meam.
 Exaudi Deus orationem meam, & ne despexeris deprecationem meam, intende mihi, & exaudi me.
 sicut oculi ancillæ in manibus dominæ suæ, ita oculi nostri ad Dominum Deum nostrum, donec misereatur nostri.
 Vocem meam audi secundum misericordiam tuam Domine, & secundum judicium tuum vivifica me.
 suscipe me secundum eloquium tuum & vivam, & non confundas me ab expectatione mea.

Post Orationem.

Intret postulatio mea in conspectu tuo, secundum eloquium tuum eripe me.
 Exaudi me Domine, quoniam benigna est misericordia tua, secundum multitudinem miserationum tuarum respice in me.
 secundum misericordiam tuam memento mei tu, propter bonitatem tuam Domine.
 Nam petii à Domino, hanc requiram, ut inhabitem in domo Domini omnibus diebus vitæ meæ.
 sustinuit anima mea in verbo ejus, speravit anima mea in Domino.

Ante lectionem Horarum.

In conspectu Angelorum psallam tibi, adorabo ad Templum sanctum tuum, & confitebor Nomini tuo.
 exaltabo te Deus meus Rex, & benedicam Nomini tuo in sæculum, & in sæculum sæculi.

Sic psalmum dicam Nomini tuo in sæculum sæculi, ut reddam vota mea de die in diem,

Ut audiam vocem laudis tuæ, ut enarrem universa mirabilia tua.

Secundum Nomen tuum Deus, sic & laus tua, justitia plena est dextera tua.

Post Horas.

I Vbilate *Deo* omnis terra, psalmum dicite Nomini ejus, date gloriam laudi ejus.

Exaudi Domine vocem meum, qua clamavi ad te, miserere mei & exaudi me.

Sepries in die laudem dixi tibi, super judicium justitiæ tuæ.

Voluntaria oris mei beneplacita fac Domine, & judicia tua doce me.

Sit nomen Domini benedictum ex hoc, nunc & usque in sæculum.

Ante Missam.

I ntroibo in domum tuam in holocaustis, reddam tibi vota mea, quæ distinxerunt labia mea.

Et introibo ad altare Dei, ad Deum qui lætificat juventutem meam.

Sacerdotes tui induantur justitiam, & sancti tui exultent.

Voluntarie sacrificabo tibi, & confitebor Nomini tuo Domine, quoniam bonum est.

Sicut adipe & pinguedine repleatur anima mea, & labiis exultationis laudabit os meum.

Post Missam.

I llustra faciem tuam super servum tuum, saluum me fac in misericordia tua Domine, Non confundar, quoniam invocavi te.

Expandi manus meas ad te, anima mea, sicut terra sine aqua tibi.

Sitivit in te anima mea, quam multipliciter tibi caro mea!

Vt liberentur dilecti tui, saluum fac dextera tua & exaudi mihi
Sacrificium

sacrificium Deo spiritus contribulatus : cor contritum & humiliatum Deus non despicias.

Orans pro aliis:

Illuminare his qui in tenebris, & in umbra mortis sedent, ad dirigendos pedes nostros in viam pacis.

Exsurge Domine, adjuva nos & libera nos propter Nomen tuum.

Salvum fac populum tuum Domine, & benedic hæreditati tuæ & regem eos, & extolle illos usque in æternum.

Ut ponant in Deo spem suam & non obliviscantur operum Dei, & mandata ejus exquirant.

Salvos fac servos tuos Deus meus, sperantes in te.

Ad Lectionem, seu Studia.

Intellectum da mihi Domine, & scrutabor legem tuam, & custodiam illam in toto corde meo.

Eripe me de inimicis meis Domine, ad te confugi, doce me facere voluntatem tuam, quia Deus meus es tu.

Servus tuus sum ego, da mihi intellectum, ut sciam testimonia tua.

Viam justificationum tuarum instrue me, exercebor in mirabilibus tuis.

Sanctum & terribile Nomen ejus, initium sapientiæ timor Domini.

Ante Congressum, seu Conversationem.

Judica me Deus, & discerne causam meam de gente non sancta, ab homine iniquo & dolofo erue me.

Et erue me de manu filiorum alienorum, quorum os locutum est vanitatem, & dextera eorum, dextera iniquitatis.

Suscipe servum tuum in bonum, non calumnientur me superbi.

Vide quoniam mandata tua dilexi Domine, in misericordia tua vivifica me.

Salvum me fac Domine, quoniam defecit Sanctus, quoniam diminutæ sunt veritates à filiis hominum.

Ad Prandium vel Cœnam.

IN te sperant oculi omnium, & tu das illis escam in tempore opportuno.

Edent pauperes & saturabuntur, & laudabunt Dominum qui requirunt eum; vivent corda eorum in sæculum sæculi.

Sitivit in te anima mea, quam multipliciter tibi caro mea.

Ut educas panem de terra, & vinum lætificet cor hominis.

Superbo oculo & insatiabili corde, cum hoc non edebam:

Pro memoria passionis Dominicae.

IN manus tuas commendo spiritum meum, redemisti me Domine Deus veritatis.

Exsurge Domine, judica causam tuam, memor esto improriorum tuorum, quæ ab insipiente sunt tota die.

Suscepimus Deus misericordiam tuam in medio templi tui.

Visitasti terram, & inebriasti eam, multiplicasti locupletare eam.

Salvasti enim nos de affligentibus nos, & odientes nos confundisti.

In Adversitate.

IN te Domine speravi, non confundar in æternum, in justitia tua libera me.

Educ de tribulatione animam meam, & in misericordia tua disperde inimicos meos.

Secundum multitudinem dolorum meorum in corde meo, consolationes tuæ lætificent animam meam.

Ut quid Domine recessisti longe, despicias in opportunitatibus, in tribulatione?

Si ambulavero in medio tribulationis, vivificabis me, & super iram inimicorum meorum extendisti manum tuam, & saluum me fecit dextera tua.

In tentatione.

Intende animæ meæ, & libera eam, propter inimicos meos
eripe me.
Effunde frameam, & conclude adversus eos, qui persequuntur
me, dic animæ meæ, Salus tua ego sum.
Si consistant adversum me castra, non timebit cor meum.
Viquequo exaltabitur inimicus meus super me? respice &
exaudi me Domine Deus meus.
Sub umbra alarum tuarum protege me, à facie impiorum qui
me afflixerunt.

Ad quodvis Negotium.

Inclina Domine aurem tuam & exaudi me, quoniam inops
& pauper sum ego.
Ego autem in te speravi, dixi: Deus meus es tu, in manibus
tuis sortes meæ.
Secundum misericordiam tuam vivifica me, & custodiam te-
stimonia oris tui.
Viam justificationum tuarum instrue me, & exercebor in mi-
rabilibus tuis.
Sicut oculi ancillæ in manibus dominæ suæ, ita oculi no-
stri ad Dominum Deum nostrum, donec misereatur no-
stri.

Vesperis dum incumbis.

Illumina oculos meos, ne unquam obdormiam in morte,
ne quando dicat inimicus meus: prævalui adversus
eum.
Esto mihi in Deum protectorem, & in domum refugii, ut
salvum me facias.
Si dederò fomnum oculis meis, & palpebris meis dormitatio-
nem.
Vivet anima mea & laudabit te, & judicia tua adjuvabunt
me.
Sub umbra alarum tuarum protege me à facie impiorum, qui
me afflixerunt.

Actus Amoris & Contritionis.

IN toto corde meo diligo te Domine fortitudo mea, Dominus firmamentum meum, & refugium meum, & liberator meus.

Ego iniquitatem meam cognosco, & peccatum meum contra me est semper.

Sacrificium Deo spiritus contribulatus, cor contritum & humiliatum Deus non despicies.

Utinam dirigantur viæ meæ ad custodiendas justificationes tuas.

Secundum misericordiam tuam vivifica me, & custodiam testimonia oris tui.

A D S P I R A T I O

Horaria ad IESUM pro felice morte.

Illumina oculos meos ne unquam obdormiam in morte, ne quando dicat inimicus meus: Prævalui adversus eum.

Esto mihi in Deum protectorem, & in domum refugii, ut salvum me facias.

Sitivit anima mea ad fontem vivum, quando veniam & apparebo ante faciem Dei?

Unam petii à Domino, hanc requiram, ut inhabitem in domo Domini omnibus diebus vitæ meæ.

Spiritus tuus bonus deducet me in terram rectam; propter Nomen tuum Domine vivificabis me in æquitate tua.

H Y M N U S

Suavissimus ad Christum IESUM:

Alias,

JUBULUS Amantis Animæ,

S. Bernardo adscribi solitus.

DECAS I.

Iesu dulcis memoria	Clamore cordis querulo;
Dans vera cordis gaudia:	Mente quæram, non oculo;
Sed super mel & omnia	Tumbam perfundam, fletibus,
Ejus dulcis præsentia.	Locum replens gemitibus:
Nil canitur suavius,	Iesu provolvat pedibus,
Auditur nil jucundius,	Strictus hærens amplexibus:
Nil cogitatur dulcius,	Tua premam vestigia,
Quam Iesus Dei Filius.	Anhelans ad obsequia,
Iesu spes Pœnitentibus,	Nec desinent suspiria,
Quam pius es petentibus,	Quam tui detur copia.
Quam bonus te quærentibus!	Iesu Rex admirabilis,
Sed quid invenientibus?	Et triumphator nobilis,
Iesu dulcedo cordium,	Dulcedo ineffabilis,
Fons vivus, lumen mentium,	Totus desiderabilis.
Excedens omne gaudium,	<i>Pater Nost. Ave Maria.</i>
Et omne desiderium.	

DECAS II.

Nec lingua valet dicere,	M Ane nobiscum Domine,
Nec littera describere;	
Expertus potest credere,	Et nos illustra lumine:
Quid sit Iesum diligere.	Pulsa mentis caligine,
Iesum quæram in lectulo,	Mœstos reple dulcedine.
Clauso cordis cubiculo;	Quando cor nostrum visitas,
Privatim, & in publico	Tunc lucet ei veritas,
Quæram amore sedulo.	Mundi
Cum Maria diluculo	
Iesum quæram in tumulto;	

Mundi vilescit vanitas,
Et intus fervet charitas.

Amor Jesu dulcissimus,
Et vere suavissimus,
Plus millies gratissimus,
Quam dicere sufficimus.

Hoc probat ejus passio,
Hoc Sanguinis effusio:
Per quam nobis redemptio
Datur, & Dei visio.

Jesum omnes agnoscite,
Amorem ejus poscite,
Jesum ardentem quærite,
Quærendo inardescite.

Sic amantem diligite,
Amoris vicem reddite;
In hunc odorem currite,
Et vota votis reddite.

Jesus auctor clementiæ,
Totius spes lætitiæ.
Amoris fons & gratiæ,
Veræ cordis deliciæ.

Jesu mi bone sentiam
Amoris tui copiam,
Da mihi per præsentiam
Tuam videre gloriam.

Cum digne loqui ne-
queam

De te, tamen ne fileam:
Amor facit ut audeam,
Cum de te solum gaudeam,

Tua Jesu dilectio,
Grata mentis refectio,
Replens sine fastidio,
Dans famem desiderio.

Pater noster. Ave Maria.

D E C A S III.

Qui te gustant esuriunt;
Qui bibunt, adhuc sitiu-
unt:

Desiderare nesciunt
Nisi Jesum, quem diligunt.

Quem tuus amor ebriat,
Novit, quid Iesus sapiat!
Quam felix est, quem satiat!
Non est ultra, quod cupiat.

Iesu, decus angelicum,
In aure, dulce canticum:
In ore, mel mirificum:
In corde, nectar coelicum,

Desidero te milles
Mi Jesu, quando venies?
Me lætum quando facies;
Ut me teipso saties?

Tuus Amor continuus,
Mihi languor assiduus,
Tu totus es mellifluus:
Fructus vitæ perpetuus.

Jesu, summa benignitas,
Mihi cordis jucunditas;
Incomprehensa bonitas,
Tua me stringat charitas.

Bonum mihi diligere
Jesum, nihil ultra quærere,
Mihi prorsus deficere,
Vt illi queam vivere.

O Jesu mi dulcissime,
Spes suspirantis animæ.
Te piæ quærunt lacrymæ.
Te clamor mentis intimæ.

Quocunque loco fuero,
Mecum Jesum desidero.
Quam lætus, cum invenero!

Quam

Quam felix, cum tenuero !
Tunc amplexus, tunc oscula,

Quæ vincunt mellis pocula ;
O quam beata copula,
Sed heu, quam parva morula !

Pater Nost. Ave Maria.

DECA S IV.

I Am quod quæsiui, video :
Quod concupivi, teneo :
Amore Jesu lingueo,
Et corde totus ardeo.

Jesus cum sit diligitur,
Hic amor non exstinguitur :
Non tepescit, nec moritur,
Plus crescit, & accenditur.

Hic amor ardet jugiter,
Dulcescit mirabiliter ;
Sapit delectabiliter,
Delectat & feliciter.

Hic amor missus cœlitus
Hæret mihi medullitus ;
Mentem incendit penitus,
Hoc delectatur spiritus.

O beatum incendium,
O ardens desiderium !
O dulce refrigerium !
Amare Dei Filium !

Jesu, flos Matris Virginis,
Amor miræ dulcedinis,
Tibi laus, honor Numinis,
Regnum beatitudinis.

Veni, veni Rex optime,
Deus immensæ gloriæ :
Affulge menti clarius,
Am expectatus longius.

Iesu sole sentenior,
Et balsamo suavior,
Omni dulcore dulcior,
Cæteris amabilior.

Cujus gustus sic afficit ;
Cujus odor sic reficit,
In quo mens mea deficit,
Solutus amanti sufficit.

Sis precor meum gaudium,

Qui es futurus præmium,
Tu solus mea gloria,
Spes, decus, & victoria.

*Pater Noster. Ave Maria,
gratia plena.*

DECA S V.

T U mentis delectatio,
Amoris consummatio :
Tu mea gloriatio,
Iesu mundi salvatio.

Mi dilecte revertere,
Consors paternæ dexteræ :
Hostem vicisti prospere,
Iam cœli regno fruire.

Sequar quocunque ieris :
Mihi tolli non poteris,
Cum meum cor abstuleris
Iesu laus nostri generis.

Cœli cives occurrite,
Portas vestras attollite ;
Triumphatori dicite,
Ave Iesu Rex inclyte.

Rex virtutum, Rex gloriæ,
Rex insignis victoriæ,
Iesu largitor veniæ,
Honor cœlestis patriæ.

Tu fons misericordiæ ;

Tu

Tu veræ lumen patriæ :	Iesus ad Patrem rediit ;
Pelle nubem tristitiæ ,	Cœleste regnum subiit :
Dans nobis lucem gloriæ.	Cor meum à me transiit ,
Te cœli chorus prædicat,	Post Iesum simul abiit.
Et tuas laudes replicat :	Quem prosequamur laudi-
Iesus orbem lætificat,	bus,
Et nos Deo pacificat.	Votis, hymnis, & precibus :
In pace Iesus imperat ,	Vt nos donet cœlestibus
Quæ omnem sensum superat:	Secum perfrui sēdibus. A-
Hanc mea mens desiderat ,	men.
Et ea frui properat.	<i>Pater Noster. Ave Maria.</i>

A D S P I R A T I O N E S

XXXIII, *in honorem totidem Annorum D. N. I. C. juxta præcipuos ejus Titulos & Attributa ex S. Script. concinnatæ.*

I E S U S V e r u s D e u s .

- *Iesu* Verus Deus de Deo vero. Esto mihi in Deum protectorem , & in domum refugii , ut saluum me facias.
- *Iesu* Verbum Patris æterni , qui novissime locutus est nobis in Filio suo. Vtinam audiam quid loquatur in me Dominus.
- *Iesu* Sapientia Patris. Da mihi quærere & sapere quæ sursum sunt ; ut gustem quam suavis sit Dominus.

I E S U S V e r u s H o m o .

- *Iesu* primogenitus in multis fratribus. Fac nos tibi co-hæredes in Domo Patris nostri.
- *Iesu* Verbum Caro factum ; qui cum esses in forma Dei , exinanisti temetipsum , formam servi accipiens. Non sit mihi grave humiliari pro te.
- *Iesu* Filius hominis , in similitudinem hominum factus , & habitu inventus ut homo. Fac ut ego divinæ fiam consors naturæ per gratiam.

I E S U S *Creator.*

- O *Iesu* Creator meus, cor mundum crea in me, & spiritum rectum innova in visceribus meis.
- O *Iesu* plasmator meus; Memento quod sicut lutum feceris me. Utinam sim vas in honorem, & non in contumeliam in domo tua.
- O *Iesu* auctor vitæ meæ. Tibi vivet anima mea: nam mihi vivere Christus est; & mori lucrum.

I E S U S *Dominus noster.*

- O *Iesu* Dominus & Deus meus. Servus tuus sum ego: posside me, & nemo præter te.
- O *Iesu* Rex meus: Rege me, & nihil mihi deerit in loco pascuæ, ubi me collocasti.
- O *Iesu* Pater meus. Ego vero non sum dignus vocari filius tuus, attamen ne projicias me à facie tua.

I E S U S *Doctor.*

- O *Iesu* qui venisti nobis à Deo Magister, Bonitatem, & disciplinam, & scientiam doce me.
- O *Iesu* præceptor, qui cœpisti facere & docere. Doce me facere voluntatem tuam; ut discam à te, quia mitis es & humilis corde.
- O *Iesu* Lux mundi, via, veritas, & vita, Illumina oculos meos; & deduc me in semitam mandatorum tuorum, quia ipsum volui.

I E S U S *Pastor.*

- O *Iesu* Pastor bone, qui posuisti animam tuam pro ovibus tuis. Propter nomen tuum deduces me, & enutries me.
- O *Iesu* Panis vitæ. Ecce anima mea sustinet te, ne dimitte jejunam, ut non deficiat in via.
- O *Iesu* Fons vitæ. Sitivit anima mea ad te; Fac ut hauriat aquas in gaudio de fontibus Salvatoris.

I E S U S *Advocatus.*

- *Iesu* Advocate noster apud Deum Patrem. Fac avertat iram suam à nobis.
- *Iesu* Mediator Dei & hominum. Sanguis tuus clamet pro nobis non vindictam; sed veniam.
- *Iesu* Salvator salva nos, qui venisti quærere, & saluum facere quod perierat.

I E S U S *Sponsus.*

- *Iesu* Sponse sanguinum, desponsa me tibi in misericordia & miserationibus.
- *Iesu* Amator, speciose præ filiis hominum. Trahe me post te in funiculis charitatis tuæ.
- *Iesu* Zelotes animarum, cujus delitiæ sunt esse cum filiis hominum. Amem te, & nihil, nisi propter te.

I E S U S *Medicus.*

- *Iesu* Medice, qui languores nostros tuo livore sanasti. Sana animam meam quia peccavi tibi.
- *Iesu* Agnus innocens ad occisionem ductus, tolle peccata mundi, mei inprimis peccatoris.
- *Iesu* Samaritane, infunde vinum Contritionis, & oleum misericordiæ vulneribus meis.

I E S U S *Judex.*

- *Iesu* qui venturus es judicare vivos & mortuos. Ne intres in iudicium cum servo tuo.
- *Iesu* Judex misericors, qui non venisti perdere quenquam. Parce mihi & responde pro me.
- *Iesu* Judex tremendæ majestatis, statue me inter oves & Electos tuos; ut ab auditione mala non timeam.

I E S U S *Glorificator.*

- *Iesu* pars hæreditatis meæ, & portio mea, in terra viventium, Hæreditatem meam restitue mihi.

Q *Iesu*

O Iesu gloria, corona, & merces nostra magna nimis. Admitte me in bona Domini, quæ præparasti diligentibus te.
 O Iesu vita, salus, & resurrectio nostra. Cupio dissolvi, & esse tecum. In æternum nihil me separabit à te. Tibi adherere mihi bonum est. Quid enim mihi est in Cælo, & à Te quid volui super terram?

Oratio ad Iesum.

O Bone IESU, ô piissime Iesu, ô dulcissime Iesu, ô Iesu fili MARIAE Virginis, plene misericordia & pietate. O dulcis Iesu, secundum magnam misericordiam tuam miserere mei.

O clementissime Iesu, deprecor te per illum Sanguinem pretiosum, quem pro peccatoribuss effundere voluisti, ut abluas omnes iniquitates meas: & in me respicias miserum & indignum, humiliter veniam petentem, & hoc nomen sanctum Iesu invocantem.

O nomen Iesu, nomen dulce: nomen Iesu; nomen delectabile: nomen Iesu, nomen confortans. Quid enim Iesus est, nisi Salvator? Ergo Iesu propter nomen sanctum tuum esto mihi Iesus, & salva me: ne permittas me damnari, quem de nihilio creasti.

O bone Iesu, ne perdat me iniquitas mea, quem fecit omnipotens bonitas tua. O dulcis Iesu, recognosce quod tuum est, & absterge quod alienum est.

O benignissime Iesu, miserere mei, dum tempus est miserendi, ne damnes me in tempore iudicandi. Quæ utilitas in sanguine meo, dum descenderò in æternam corruptionem? Non mortui laudabunt te Domine Iesu, neque omnes qui descendunt in infernum. O amantissime Iesu, ô desideratissime Iesu, ô mitissime Iesu.

O Iesu, Iesu, Iesu, admitte me intrare in numerum Electorum tuorum. O Iesu salus in te credentium. O Iesu solatium ad te confugientium. O Iesu dulcis remissio omnium peccatorum.

O Iesu Fili Mariæ Virginis, infunde in me gratiam, sapientiam, charitatem, castitatem, humilitatem, ut possim te perfecte diligere, te laudare, te perfrui, tibi servire & in te
 N n glori-

gloriari; & omnes, qui invocant nomen tuum, quod est Jesus. Amen.

Oratio.

DEus qui gloriosissimum nomen Jesu Christi Filii tui Domini nostri fecisti fidelibus tuis summo suavitatis affectu amabile, & malignis spiritibus tremendum atque terribile concede propitius, ut omnes qui hoc nomen Jesu devote venerantur in terris, sanctæ consolationis dulcedinem in presenti percipiant, & in futuro gaudium exultationis & inestimabilis beatitudinis obtineant in coelis. Per eundem Dominum nostrum Jesum Christum.

Aspiratio ante quodvis opus.

O Christe Jesu, in unione charitatis illius, qua opus nostræ Redemptionis operatus es in medio terræ; offer tibi hoc opus N. & omnes actiones meas, ad majorem Nominis tui gloriam, meam & proximorum salutem.

P I N I S S E C T. VI.



ELECTA



ELECTÆ & DILECTÆ
 ÆTERNI PATRIS FILIÆ
 VERBI INCARNATI GENITRICI,
 SPIRITUS SANCTI SPONSÆ,
 TOTIUS SS. TRIADOS SANCTUARIO;
 ANGELORUM DOMINÆ;
 HOMINUM TUTRICI;
 PECCATORUM ADVOCATÆ;
 AFFLICTORUM OMNIUM ASYLO;
 COELI TERRÆQUE REGINÆ.

Quæ gratia plena, & inter mulieres benedicta;
 Infelicis Evæ mutans NOMEN;
 aut verius mutuans OMEN;
 Vere facta est MATER VIVENTIUM,
 Quæ quasi AVRORA Confurgens,
 Seditibus in tenebris, & umbra mortis,
 SOLEM IUSTITIÆ reduxit in Orbem.

Quæ terribilis ut Castrorum **ACIES**

ORDINATA,

Hæreses & Potestates tenebrarum
profligat.

Quæ ipsius Mater facta **IUDICIS,**

(Quid autem **IUDEX MATRI** neget suæ?)

Facilem reis offert spem, opemque veniæ.

Quæ morienti in **ERVCE FILIO,**

Materno, sed constanter, adstans Corde;

Eheu! acerbo nimum doloris gladio

Materna sibi sensit transverberari viscera.

Sed hoc uno tunc, (quid enim sic loqui vetat?)

Felix & læta;

Quod inter suprema **DILECTI** Morientis

Oracula,

Dilectum **DISCIPULUM** iussa suscipere

in Filium;

Pro uno, & in uno multos accipiens Filios;

Omnibus una nobis fieret in **MATREM.**

SECTIO VII.

De cultu & Veneratione B. Virg. *MARIÆ*.
Item de Cura & præparatione bene
beatæque moriendi.

Cultum Virginis *MARIÆ*; & curam beatæ *MORTI*
Sectioni & Diei septimæ, id est *SABBATO* reservamus. Nam per sex dies, id est spatium vitæ nostræ tendimus ad Sabbatismum, seu requiem vitæ æternæ. Sabbatum enim legis, ejus quietis, quam post hanc vitam fideles expectant typus erat, Heb. 4. Vnde sicut post laborem sex dierum, septimo die vacabant Iudæi; ita nos confecti hujus vitæ laboribus, per mortem feriabimur, ac Sabbatum agemus festivum ac solenne. Ecce beati mortui, qui in Domino moriuntur. A modo jam, dicit Spiritus, ut requiescant à laboribus suis *Apoc. 14.*

Porro diem *SABBATI* Deiparæ Virginis honori peculiariter dicavit Ecclesia: & piorum usus obtinuit, singularibus prout officiiis, eo die Virginem Matrem venerari; ut per eam, cujus tabernaculo requievit Dominus, ad beatam requiem tantum felicius perveniant.

Non est ergo cur mireris, pie Lector, si Matrem *VITAE* & *MORTEM* hic una proponi videris. Sic omnino decuit; ut Mater misericordiæ, Vita & Spes nostra, quæ *VITAE* nobis Auctorem protulit, morituris adversus *MORTEM* Patronum commendaretur. Mortis quidem debitum per primam *P. R. I. M. U. M.* contraximus, sed per Alteram, (verius Matrem viventium fructum vitæ participavimus. Vnde merito ipsa tanquam Vita & Mortis Patrona toto orbe colitur. Et quidem jam passim pia multorum consuetudine receptum est ut pro felici morte quotidie Litanies, vulgo Lauretanas, pro se invicem recitent.

Hac quoque mente *PAULUS PAPA V.* Salutationis Angelicæ frequentem, usum Indulgentiis centum dierum a horas singulas Christi fidelibus commendavit: In cujus Salutationis appendice singulariter beatæ Matris opem & intercessionem *IN HORA MORTIS NOSTRAE*, poscimus. Nec deerit

illa sane fidei præsidio clientibus suis in morte, quæ & morienti in Cruce Filio suo adstiterit, & hinc quasi singularis patrocinii erga moribundos Privilegium consequi meruit.

Vnde clarum est hoc potissimum nomine cultum Virginis Deipara commendari, quod clientibus suis in Mortis agone fidelis semper Patrona & Mater adstet. O quot illa faucibus inferni eripuit! quot gratiæ Filii sui, cæloque restituit. Exemplâ plurima occurrunt passim in Historiis, & Scriptoribus sanctissimæ Virginis magnalia tractantibus. Inde tu pete, & ad beatam quoque mortem per Matris Vitæ opem eritere. Eoque pia mente inclama frequenter:

Maria Mater gratiæ;

Mater misericordiæ;

Tu nos ab hoste protege;

Et hora mortis suscipe.

C A P. I.

Colloquium inter CHRISTVM & HOMINEM
de modo bene beatèque moriendi.

§. I. *Excitatio ad Curam bonæ Mortis.*

OMNIS caro fœnum, & omnis gloria ejus, quasi flos agri.
Exsiccatur fœnum, & cecidit flos.

CHRISTVS. Ecce Homo, quid est vita tua super terram? Fœnum hodie virens, cras arefcens: ventus & umbra celeriter fugiens; fumus & vapor ad modicum parens: Audite hæc omnes gentes, auribus percipite, qui habitatis orbem: quique terrigenæ & Fili hominum, simul in unum dives & pauper: juvenes & virgines, senes cum junioribus, audiant verba oris mei. Omnes enim vos una & immutabilis sententia mortis constringit: Statutum est omnibus hominibus semel mori: & post hoc Iudicium. Omnes vos, & citius, quam putatis, manifestare oportet ante tribunal meum, ut recipiat unusquisque, prout gessit in corpore suo, siue bonum, siue malum. Talem autem unumquemque judico, qualem invenio, dum eum per satellitem meum, id est, mortem, citoad tribunal meum.

Lætare ergo juvenis in adolescentia tua, & in bono sis

cor tuum in diebus juventutis tuæ, & ambula in viis cordis tui, & in intuitu oculorum tuorum. Sed scito, quod pro his omnibus adducet te Deus in iudicium. Quin si sapias, mature dispone domui tuæ, quia morieris, & non vives. Nemo est cur viribus aut ætati fidas. Nonne vides juvenes quoque robustos & vegetos, imo pauperes & infantes, quotidie mori, levi etiam sæpè ex causa, vel casu? Vas fictile, aut vitreum, sive recens, sive vetustum, æque fragile est; si ceciderit in terram, frangitur. Frustra canos expectas, quoniam major pars hominum non attingit.

HOMO. O Deus meus, tu creasti hominem ad imaginem tuam; gloria & honore coronasti eum, & constituisti eum super opera manuum tuarum; & sic subito in pulverem reduces me, & dum adhuc ordior, succides me? Memorare Domine quæ mea substantia: nunquid enim vane constituis omnes filios hominum? Ecce morimur omnes, & quasi aqua dilabimur in terram, quæ non revertuntur.

CHRISTUS. Quis est homo qui vivit, & non videbit mortem, eruet animam suam de manu inferi? Sed esto longitudo dierum repleam eum; quid tandem erit? Si annis multis vixerit homo, & in his omnibus lætatus fuerit, nonne meminisse debet tenebrosi temporis, & dierum multorum, qui cum venerint, vanitatis arguentur præterita? Transierunt enim omnia illa tanquam umbra, & tanquam navis, quæ pertransit aquam; cujus, cum præterierit, non est invenire vestigium. O felices, qui meminerunt, se esse tanquam exules & peregrinos super terram; vel etiam sicut Oeconomos, & dispensatores se in hoc mundo constitutos super bona Domini sui qui venturus sit hora, qua minime putatur, ut ponat rationem cum servis suis.

Sed heu miseri, qui, tanquam ego peregre profectus sim, & sero rediturus; sic luxuriantur in bonis meis, immemores temporis illius, quo citabo eos, ut reddant rationem villicationis suæ. Itane homines in honore à me conditi non intelligunt; comparantur jumentis insipientibus, & similes illis sunt? quasi sit unus utrorumque interitus, & quasi homo nihil amplius habeat jumento; cum ego creaverim eos ad imaginem & similitudinem meam, & addictos æternæ

morti,

morti, sanguine meo redemerim, ut mecum cœli hæredes fierent. Ut quid ergo tanquàm cæci in mortem currunt, & in æternum perēunt homines empti à me pretio tam magno, propter quos ego veni, ut vitam habeant, & abundantius habeant?

O quam pauci, qui hæc serio recogitent corde; & qui in his meditari, ducant sapientiam! Quam multi hominum, quasi percusserint fœdus cum morte, & cum inferno fecerint pactum, dicunt: flagellum mortis inundans cum transierit, non veniet super nos. Sic nempe avertunt faciem suam, ne videant in finem: non est timor Dei, nec cura mortis ante oculos eorum. Ideo ducunt in bonis dies suos, & in momento ad inferos descendunt.

HOMO. Quid faciam tibi, ô custos hominum? Manus tuæ fecerunt me, & plasmaverunt me totum in circuitu, & sic repente præcipitas me? Parce mihi, Domine, nihil enim sunt dies mei. Quæ utilitas in sanguine meo, si descendero in corruptionem? Nunquid conficebitur tibi pulvis, aut annuntiabit veritatem tuam? Nunquid narrabit aliquis in sepulcro misericordiam tuam? & veritatem tuam in perditione? Non est in morte qui memor sit tui, in inferno autem quis confitebitur tibi? Nunquid bonum tibi videtur, si opprimas me opus manuum tuarum? Siccine dies mei velociores erunt cursore, fugient & non videbunt bonum? Itane velocius transibunt quam à texente tela succiditur, ut consummentur absque ulla spe? Remitte mihi, ut refrigerer priusquam abeam; & amplius non ero.

s. 2. *Ars bene moriendi necessaria super omnia.*

CHRISTUS. Ego mortem non feci, sed invidia diaboli mors introivit in orbem terrarum: quia ejus opere, per unum hominem peccatum intravit in mundum, & per peccatum mors, in quo omnes peccaverunt. Itaque statutum est omnibus hominibus semel mori. Sed hoc unum tibi solatium relictum est, quod sicut in Adam omnes moriuntur, ita in Me omnes vivificabuntur. Sed vide, si hoc beneficio meo frui cupis, ut non lædaris à morte secunda;

N n 5

quia

quia mors peccatorum pessima. Sed, heu, quid est hoc, quo vita, cujus spatium tam breve est, & quæ tota nequidem ad necessaria, & imprimis ad debitam præparationem mortis sufficere potest, in supervacua & inania majori ex parte plurimis mortalium impenditur!

Nonne, si haberes solus omnes annos, dies, horas, & omne tempus, quo fletit, & stabit mundus; simulque omnem sapientiam, & providentiam, industriam; sed & omnes artes, opes, amicitias, favores: & quidquid opis aut commodi in terris unquam haberi potest, nonne illud omne merito ad hoc convertere deberes, ut felix obtingeret tibi illud ultimum momentum, quod de tota æternitate tua statuet; quo in perpetuum vel miser, vel beatus futurus es?

HOMO. Cum me converto ad universa opera, quæ faciunt manus hominum, & ad labores, in quibus frustra stant, in omnibus vanitatem & afflictionem animi, nihil permanere sub sole. Et idcirco tæduit me vitæ meæ videntem, mala universa esse sub sole, & cuncta vanitatem, afflictionem spiritus: adeo quod in multa sapientia, multa sit indignatio: & qui addit scientiam, addit & laborem. O vanitatem & omnia vanitas!

CHRISTVS. Vt quid igitur ita sollicitus es & occupatus erga plurima? Quid iuvat altum sapere? Quid scrutari subtilia, magis quam utilia? Quid ambulas in magnis & mirabilibus super te? Ecce unum est necessarium, *Scire Mori*. Hæc vere est *Ars* artium, & *Scientia* scientiarum, Qui hæc novit, parum ei oberit, si nesciat cætera. Qui vero hæc nescit, parum ei proderit, alia omnia novisse. Nonne cetera omnia terram, & brevem vitam spectant: hæc Cælum, & immensam Æternitatem;

Itaque quoad vivos, discite *Mori*: idque tanto magis, qui huius Artis non licet nisi unum experimentum capere: quod si male successerit, postea non licebit errorem corrigere. In aliis quidem artibus, si quid per ignorantiam, vel incuriam prima vice peccatum est, secunda facile corrigitur: Hic secunda tantum erratur: & deinceps sera & inutilis pœnitentia. Tunc enim clausa erit janua misericordiæ meæ: nec ulterius erit numerum supererit spes indulgentiæ. Ubique cecideris lignum

lignum, five ad Austrum, five ad Aquilonem, ibi erit. Sapientissimus ille est, qui frequenter cogitat finem suum; & talis nunc esse nititur in vita, qualis cupit inveniri in morte. Quis sapiens, & custodiet hæc?

Vere enim hæc magna sapientia est, seipsum inspicere; Nosse seipsum; scire inquam, quid sit *Homo*, habens corpus ex humo, & spiritum de cælo; & quod illud per mortem revertatur in terram, de qua sumptum est: hic vero redeat ad Deum qui dedit illum, ut recipiat prout gessit in corpore, five bonum, five malum.

Hæc meditare, in his esto; insta in illis, mi homo. Memorare novissima tua, & in æternum non peccabis, nihil æque tibi proderit ad temperantiam omnium rerum, quam frequens meditatio mortis. Quomodo enim exaltabis cor tuum, aut unde superbies, qui pulvis & cinises, & mox in pulverem reverteris? Num lubebit in deliciis fovere & nutrire carnem tuam, quæ brevi hæreditabit serpentes, & bestias, & vermes? Quomodo divitiis, honoribus & vanitatibus sæculi appones cor tuum, à quibus te forsitan hodie, vel hac nocte, licet imparatum & invitum, separabit amara mors? Et tunc, quæ parasti, cujus erunt? O quam facile contemnit omnia, qui semper cogitat se moriturum! Utinam homines saperent, & intelligerent, & novissima providerent!

Homo. Agnosco Domine, quia breves dies hominis sunt, & numerus mensium ejus apud te est: constituisti terminos ejus, qui præteriri non poterunt. Scio quia morti tradet me, ubi constituta est domus omni viventi. Et quis sum ego, ut respondeam tibi, & verbis meis tecum contendam? Justus es Domine, si disputem tecum: sed, si non irascaris super orationem servi tui, unum rogabo te, Domine: Notum fac mihi finem meum, & numerum dierum meorum, quis est, ut sciam quid desit mihi: quot sunt dies servi tui, quibus adhuc militabo super terram, donec veniat immutatio mea?

§. 3. *Matura preparatio ad Mortem.*

CH R I S T U S. Non est tuum, mi homo, scire tempora, vel momenta, quæ Pater posuit in sua potestate. Tuum est *Vigilare*, attendere, & omni hora paratum esse. Latet enim ultima dies, ut observentur omnes, quia nulli inter omnes est, quæ tibi ultima esse non possit. Tuum ergo est redimere tempus, & laborare dum dies est; veniet enim nox, in qua nemo potest operari. Tuum est satagere, ut per bona opera certam vocationem tuam facias. Ecce nunc tempus acceptabile, ecce nunc dies salutis: nimis insipiens est qui illos elabi finit, & alios sibi promittit: interim circa inania, voluptates, & curas hujus sæculi distinetur. Sed cur vis scire, quod tibi non expedit? Hoc scito, & habe pro certo, singulare bonitatis & misericordiæ meæ argumentum esse, quod voluerim mortis horam hominibus incertam esse. Si enim sciretur, ô quam multi hinc noxiæ securitatis & somno lentitiæ occasionem caperent, & multo segnius salutis sue curam agerent, eamque in extremam ætatem, & in mortem tempus rejicerent! Nonne id modo passim fit, cum ne diem, nec horam, nec momentum habeant à morte securum? Heu, nescit homo finem suum, & tamen finis curam negligit! Unde sicut pisces capiuntur hamo, & aves laqueo, sic capiuntur homines in tempore malo, cum eis extemplo supervenerit.

Tu vero, ô homo, memento Creatoris tui in diebus juventutis tuæ, antequam veniat tempus afflictionis tuæ: scies quia bonum est homini, si portaverit jugum Domini ab adolescentia sua: timenti enim Deum bene erit in extremis; & in diebus defunctionis suæ benedicetur.

Vide ergo quomodo caute ambules, non quasi insipiens, sed ut sapiens. Quæ vero major insipientia, quam, cum à brevi hujus vitæ momento tota pendeat æternitas, & in hora mortis de omni æternitate sententia ferenda sit, ut in perpetuum vel poenæ, vel gloriæ deputeris; hujus tamen rei periculo tantum parum providere? Omnia alia sollicitè & diligenter curare, in unum, quod solum & præ cæteris omnibus curæ esse debet, negligere?

Qui

DE V. B. MARIA, & BEATA MORTE. 551

Quid necesse est homini majora se quærere, cum ignoret, quid conducatur sibi in vita sua, numero dierum peregrinationis suæ, & tempore, quod velut umbra præterit?

O filii hominum usquequo gravi corde, ut quid diligitis vanitatem, & quæritis mendacium? Verumtamen in imagine pertransit homo: Sed & frustra conturbatur. Anni ejus sicut aranea meditabuntur. Sicut enim illa multo labore texit telam suam: sed eviscerat sese; & quid nisi viles muscas venatur? ita annos vitæ suæ consumunt homines; Sed quo tandem fructu?

HOMO. Ecce mensurabiles posuisti dies meos, & substantia mea tanquam nihilum ante te. Quoniam mille anni ante oculos tuos tanquam dies hesternæ quæ præteriit. Parce mihi Domine, nihil enim sunt dies mei. Memento, quoniam ego advena sum apud te, & peregrinus sicut omnes Patres mei.

CHRISTUS. Propterea hortor ego vos, tanquam advenas & peregrinos abstinere vos à carnalibus desideriis, & curis hujus sæculi, quæ militant adversus animam. Ecce peregrinus non hæret in via; non deflectit ab itinere, ut carpatur flores, & quærat delicias, ut nugetur & otietur: quin potius desiderio patriæ & suorum in itinere cœpto continuo pergit & properat. Si vero subinde quiescit, aut reficit corpus, id necessitatis potius est, quam voluntatis, ut denuò resumptis viribus alacrius pergat & ambulet.

Tu fac similiter; & redime tempus à rebus istis vanis ac transitoriis, in quibus nil nisi vanitas & afflictio spiritus: & ei super omnia seriæ ac necessariæ, id est, curæ bonæ Mortis, & beatæ Æternitatis illud impende. Nescis enim quam diu subsistas, & si post modicum tollat te factor tuus. Ergo, quodcumque potest manus tua, instanter operare, quia venit nox in qua nemo potest operari. Nec enim opus, nec sapientia, nec scientia erunt apud inferos, quo tu properas. Nunc age, quod actum esse voles, cum amplius agere non poteris; & non egisse, cum poteras, vehementer dolebis.

HOMO. O Domine qui dives es in misericordia; angustia

gustia mihi sunt undique, ne derelinquas me. Operi manuum tuarum porrige dexteram, & extrahe me de luto facis, ut non infingar. Nam ecce, de profundis clamo ad te: Vix tam quidem meam quotidie corrigere dispono; Semper autem de die in diem differo: & dum hoc in futuro facere propono, fit ut illud *futurum* semper sit futurum; imo fortissimum nunquam futurum. Domine Iesu, quam diu ponam consilia in anima mea? quæ utilitas in Sanguine meo, si descendero in corruptionem. Illumina oculos meos, ut nunquam eos à conspectu mortis avertam, ut instantia pericula videam, nec unquam obdormiam in mortem, ne quando dicat inimicus meus, prævalui adversus eum.

CHRISTUS. O si nosces, quantopere hominis jam morituri mentem cruciet memoria temporis olim tam inutiliter perditum! O si quoque damnatorum in suis tormentis angustias, querimonias & ejulatus, sed, heu, inanes, videre posses, quid putas consilii caperes? Ecce, hoc unum illi deplorant maxime, quod cum tam horrendos cruciatus brevi & facili labore redimere potuissent; attamen mortis immemores, hæserint in rebus inanibus, & interim tempus comparandi oleum in vasis suis, occasionem bonorum operum, & dies salutis neglexerint. Duxerunt illi quoque, velut multum hodie, in bonis dies suos; at quam breves, ac paucos! & in puncto ad inferos descenderunt, ubi jam miseri torquentur sine fine. O felicem te, si sapias damno alieno!

Adspice divitem Epulonem illic non jam amplius in delitiis splendide epulantem, sed misere in pœnis ejulantem. Qui vestrum sortem divitis olim non optasset potius quam pauperis Lazari; cum iste in delitiis, hic vero in fame & angustia viveret? Sed ecce, jam omnes Lazarum felicissimum prædicant, Epulonem miserrimum: Hic quidem, dum alter eorum recipit bona in vita sua; alter autem mala, discrimen non agnoscis; quin miraris etiam & conturbaris; secutace, donec intres in sanctuarium Dei, & intelligas in novissimis eorum.

HOMO. O quam bonus Israël Deus, his qui recto sunt corde! Sed & justus es Domine, & rectum iudicium tuum. Cur vero dissimulem? (scrutaris enim cor & renes meos.)

Sæpe

Sæpe moti sunt pedes mei, pœne effusi sunt gressus mei, dum zelavi super iniquos, pacem peccatorum videns; quia non est respectus morti eorum. Nunc vero misericordiam & iudicium cantabo tibi Domine, quia in tempore suo tu reddis unicuique secundum opera sua.

CHRISTUS. Sed quomodo, cum tam sit dispar amborum exitus, & tibi etiam nunc detur optio inter sortem utriusque, quomodo, inquam, qui cupis esse felix cum Lazaro, Vitam nunc eligis Epulonis? cur laute & molliter nutris carnem tuam; & sæpius viles bestias impensius curas, quam homines famelicos & inopes?

Sed heus, si ego misero isti, ex singulari gratia, reditum in vitam concederem, putas rediret ad solitas delicias? iterum indueretur purpura & bysso, aut epularetur quotidie splendide? Lazarum jacentem ad fores domus suæ negligeret? Vere dico tibi, in cinere & cilicio potius pœnitentiam ageret; nullum temporis punctum sine fruge & seria salutis cura elabi sineret; imo quidquid unquam in toto mundo cruciatuum & laborum excogitari posset, id omne solus subire mallet, ne rediret ad locum istum tormenrorum: ubi jam tot centenis annis æstuant linguae suæ vel unam aquæ guttulam optat, & per infinitas annorum myriades optabit, sed nunquam obtinebit.

Quis hominum hæc audiens non timeret, & timendo resipisceret? Quis poterit habitare de vobis cum illo igne devorante? quis habitabit ex vobis cum ardoribus sempiternis? Vere hoc stupendum super omnia stupenda, credere æterna ista supplicia peccatoribus parata, & nihilominus adeo secure vivere in peccatis; & tam audacter in eo statu morari, in quo mori non auderes: in morte totius æternitatis expectare sententiam, nec tamen maturius de bona morte sollicitum esse. Quis ita fascinavit oculos vestros, ne videant in finem? Nam quoruscunque vestrum talis modo esse curat, qualis inveniri in morte optat, cum citabitur ad supremum tribunal meum? & tamen nescis, an id cras, vel hodie, an hac ipsa hora futurum sit.

O quot parabolis, quot minis & monitis ego docui vos, vigilare, attendere, paratos esse! Quid vero tot exempla
ho-

hominum omnis ætatis, sexus, conditionis indies passim ante oculos vestros morientium? quid tot subiti casus, tot febres & morborum genera? quid clamant hæc omnia, nisi, *Vigila*. Esto paratus, Dispone domui tuæ, quia morieris? Memento accidere tibi posse, quod cuiquam potuit. Hodie, hodie si vocem Domini audieris, noli obdurare cor tuum. Derelinqua impius vias suas, & vir iniquus cogitationes suas, & revertatur ad me, & miserebor ejus: quia nunc tempus miserendi, non forte mox sit puniendi.

HOMO. Justus es Domine, sed parce mihi, si ut minus sapiens loquar ad Dominum meum, cum sim pulvis & cinis. Numquid voluntatis tuæ est mors impii? Nonne t dixisti: *Nolo mortem peccatoris.* & , *Impietas impii non nocet ei, in quacunque die conversus fuerit ab impietate sua.* Et iterum: *Omne quod venerit ad me, non ejiciam foras.* Quid si ergo vel sero, & sub vesperam, circa undecimam horam venero, an me rejicies? Quid si vel jamjam morituru pœnitentiam egero de peccatis meis, cor contritum & humiliatum an despicias?

CHRISTUS. Quid hoc audio? & tu quasi unus de impiis loqueris; & declinas cor tuum in verba malitiæ, ac excusandas dilationes in peccatis? Tune peccare vis, quam diu vivis, & pœnitere primum jam moriturus? Hocne es pœnitere, si desinas peccare, cum amplius non potes; cum peccandi vires deficiunt? cum te peccata potius deserunt quam tu illa? Quæ ista emendatio, vitam mutare velle in melius, cum jam vivere desinendum est? Ah nimium falleris. Ego quidem pœnitenti promisi veniam, sed differenti in crastinum vitam non promisi.

Ut autem probe scias & caveas tibi; hæc est vera Pœnitentia, quæ mei causa, seu ex amore mei deplorat, & deserit peccata; adeo quidem, ut è centum moribundis, qui eousque pœnitentiam differunt, vix unus aut alter vere pœniteat. Illa enim nascitur non ex amore mei, sed ex amore sui. Dolent quippe, non quod me offenderint, sed quod damnationem jam imminentem timeant; quam si una cum morte possent evadere, non timerent ad vomitum, & pristina peccata redire. Quomodo ergo dicetur vere in morte pœnitere, qui vult, nec timet, quam diu vivit, peccare?

Nolo

vis peccatorem desperare, quamdiu vivit. At ego te periculo admoneo, & volo te securiora eligere. Nam plurimi tunc perirent, paucissimi vere pœnitent. Et quomodo tu præsumere audes inter tam paucos te quoque futurum. O si videre posses, quam multa homini, præsertim peccatori, circa mortem occurrant, quæ difficilem reddunt veram pœnitentiam! Hinc enim ægrum vis morbi premit; illinc angit conscientia, & peccatorem enormitas, quam tunc primum longe manifestius, quam antea conspicit. Hinc temporis præteriti tam unquam antea conspicit. Hinc temporis præteriti tam inutiliter, in rebus inanibus consumpti recordatio pungit ac lacerat conscientiam: illinc tremor futuri, & jam instantis, quo de omnibus dictis, factis, cogitatis reddenda erit ratio, cruciat. Hinc diaboli peccata exaggerantis, & ad desperationem impellentis insidiæ, illinc metus Iudicis, & horror inferni, sic obruunt miserum, ut nil nisi sæva præsumat perturbata conscientia; nil nisi iudicia mea, cum desperatione veniæ cogitare valeat. Adspicit enim peccata sua, ubique respectu misericordiæ meæ, quam illi tunc quoque extenuare, aut prorsus abscondere nititur malignus spiritus.

Quid putas tunc spei, vel animi reliquum erit misero homini? Videt jam relinquenda omnia, quæ in vita suavia & cara fuerunt, nihil amplius solatii vel auxilii ab iis sperari posse. Peccatorum memoria terret; hora reddendæ rationis instat. Immutabilis sententiæ horror exanimat. Fugere seu latere impossibile; comparere nimis intolerabile. Si ad vitam præteritam reflectat oculos, totum ejus curriculum quasi momentum temporis apparet: Si ad futurum; id est, ad æternitatis infinitum spatium respicit, heu, quis dolor tam mortifico momento, & rebus tam inanibus, beatitudinis æternæ jam fecisse! Hæc omnia ita hominem perturbant, ut vix salutari alicui cogitationi locus sit reliquus. Unde fit, ut sæpe tiam præveniat iudicium meum, damnans seipsum, eo quod non cognoverit tempus visitationis lux, & sic desperans abeat in viam Cain, dicens: Major est iniquitas mea, quam ut veniam merear.

Homo. Anxius est Domine super me spiritus meus; me turbatum est cor meum, sed & conturbata sunt omnia

nia ossa mea, à turbine sermonis tui. O quam horrendum erit incidere in manus Dei viventis! Quis poterit sustinere vocem tonitruum tui magni in die illa tremenda? Nec enim cogitare licet, quod solum ad terrendum me verba componant inania. Quis vero statum morientis melius novit quam tu? O Bone Iesu da mihi, ut præoccupem faciem tuam in confessione, & diem extremum matura poenitentia præveniam, ut tribulatio & angustia illius horæ inveniat me.

CHRISTUS. Ideo jam hortor te ne differas. Quid dicis, *Nunc capi?* En audis hodie vocem meam, ne obdormias cor tuum, nec differas in crastinum; qui nescis an cras subsistas; multo minus differ in horam mortis: sed nec etiam tempus morbi: Nam illud nimis ineptum est, ut congruenter morti præpares. Tunc enim & animi & corporis vires languent: doloribus, & aliis, quas morbi pariunt, molestus animus ita sæpe obruitur, ut quæ ad bene moriendum pertinent, vix leviter cogitare, nedum serio ponderare sufficiat.

Quam sæpe vidisti ægros delirio correptos, & usu rationis prorsus destitutos, nihil potuisse disponere eorum quæ vel ad præsens sæculum, vel ad futurum spectarent? Experientia quæque teste scis, si quis dentium, oculorum, calculi, vel alio dolore acuto crucietur, etiamsi alias bonus & pius sit, quæ difficile tunc ei sit, animum rebus piis & cœlestibus intendere. Nimirum illuc rapitur tota intentio mentis ubi est vis doloris. Et quid putas in morte fiet?

Hæc fideliter, & amore tui prolixius inculco tibi, mi homo, ut non differas de die in diem negotium salutis tuæ; ne curam bonæ mortis, in horam mortis, rejicias. Cur periculum eligis ubi offertur securitas? Cur vis rei tam incertæ & dubiæ causam, qua nulla gravior & periculosior, id est animæ, & æternitatis tuæ committere, qui alias omnibus in rebus certiora quæque & magis secunda tam sollicitè perquiris? Ecce nunc offero tibi gratiam meam; si respicis, forte alia juste negabitur. Nonne hac animadversione merito percutitur peccator, ut moriens obliviscatur sui, qui vivens oblitus est mei? Nam quomodo audes me tibi in morte propitium polliceri, quem sic contempseris in vita?

Intelligite hæc insipientes in populo, & stulti aliquando sapite

pite. O si cognovisses & tu & quidem in hac die, quæ ad
 acem & salutem tibi! O si modo tempus misericordiæ &
 ratæ meæ non in vacuum reciperes! Aderit enim, & for-
 in die qua ignoras, & hora qua non speras, aderit, inquam,
 tempus justitiæ meæ; tunc quidem si bene egeris, recipies;
 autem male, mirum, si reddam tibi secundum opera tua?
 ed tunc frustra rogabis inducias usque mane, frustra clama-
 is cum illo scelesto ad Dominum, à quo misericordiam non es
 consequuturus. Nam quoties vocavi ego te, & renuisti? de-
 nexisti omne consilium meum, & increpationes meas neglexi-
 i? Nonne merito ego quoque in interitu tuo ridebo, &
 abfannabo, cum id quod timebas, advenerit? Cum ir-
 uerit repentina calamitas, & interitus, quasi tempestas
 agruerit, quando venerit super te tribulatio & angustia?
 In vita quidem servivisti mundo, carni, & voluptatibus;
 in die angustiae tum demum recurre ad me? Nonne impu-
 tentiae est, ad eum in necessitate confugere, quem in pro-
 peritate contempsisti? Quid si nunc dicatur tibi: ubi sunt jam
 litui, in quibus habebas fiduciam? surgant & opitulentur ti-
 i, & in necessitate te protegant. Nonne æger facilem, & officio-
 m in morbo medicum, experiri solet, quem sanus obse-
 quis, & muneribus sibi devincire studuit? at si contumeliis &
 injuriis eum affecerit, quid putas expectabit ab illo? An non
 rides quotidie, cum judicium expectatur de rebus etiam mi-
 nimis, litigantes quietem nullam capere; sed nunc Advocas
 adire, nunc Procuratores, nunc Iudices, nunc istorum co-
 gnatos, amicos, vel affines, & eorum emendicare opem & fa-
 vorem? Et homo, cujus causa gravissima, id est, de vita vel
 morte æterna pendet coram summo Iudice, quasi securus agit,
 & de præfidiis causæ suæ parum curat! Vide; quid fatuas il-
 las virgines excluderit Regno cœlorum; dormitarunt, tardâ-
 unt, oleum quærere neglexerunt; aut serius à prudentibus
 etierunt; & sic audiverunt: Nescio vos; at quæ maturius
 aratæ erant, intraverunt cum Sponso ad nuptias. Cur &
 a ô homo, non vigilas, cur non tempestive sollicitas pro
 atrocino apud Electos meos, qui & ipse sedebunt me-
 um judicantes 12 tribus Israël? Cur præcipue non concilias tibi
 illecebrissimam Matrem meam, quæ potens est apud me pa-

trocinio suo? (Non enim æquum est, ut quidquam denegem Matri meæ,) ut sic invenias gratiam in oculis meis? Intelligite hæc qui obliviscimini Deum, ne quando rapiat, & non sit qui eripiat. Qui habet aures audiendi, audiendi, audiat, nec projiciat hosce sermones meos retrosum, ne secundum duritiam suam & impœnitens cor thesaurizet sibi iram in die iræ, & iusti iudicii mei. Utinam homines sperent, & intelligerent, & novissima providerent!

HOMO. Heu cæcitas & duritia cordis mei, qui hæc frequenter audio, & tamen adhuc languide me gero in tam arduo & periculoso negotio. Utinam Domine, vivus servus tuus, & efficax, & penetrabilior omni gladio ancipiti, pertingat intima mea usque ad divisionem animæ & spiritus. Utinam operetur in me, sicut operatus est in Sanctis & Electis tuis quorum mors pretiosa fuit in conspectu tuo. Vnde inebriatur ab ubertate domus tuæ, & torrente voluptatis tuæ potest eos. O beati qui habitant in domo tua Domine: & in sæcula sæculorum laudabunt te. O beati mortui, qui in Domino moriuntur! Utinam moriatur anima mea morte iustorum, & fiant novissima mea horum similia!

Quæ hoc §. dicta sunt de periculo pœnitentie in finem vitæ dilatæ, si cui duriora videntur; is legat S. August. Hom. 4. inter 50. Item lib. de Pœnit. c. 17. & alios passim de iv Novissimis tractantes.

§. 4. *Bona vita, optima ad bonam Mortem via.*

CHRISTUS. Sed cur illi beati? nonne quia transierunt per ignem & aquam, & reducti sunt in refrigerium, ubi neque mors, neque clamor, aut ullus dolor erit ultra. Iam enim requiescunt à laboribus suis, & opera eorum, quæ egerunt in vita, sequuntur illos? Merito tu quidem sortem illorum optas. Sed quanto sanius erit votum tuum, si cure & tu vivere more iustorum, ut sic demum eorum mortem defungi possis? Si, inquam, & tu contendas intrare per angustam portam: Si & tu vim inferas regno cœlorum; nam ecce Violenti rapiunt illud.

Optabat nimirum & impius ille Propheta sibi extrema iustorum; Sed non ita & principia. Mortem spiritualium optant

perant sibi etiam carnales, quorum tamen vitam abhorrent, scientes pretiosam esse mortem Sanctorum in conspectu meo: cum è contra mors peccatorum pessima sit. Sed nonne stultum & ridiculum votum est, optare mortem Lazari, & vitam Epulonis? Velle bene mori, & male vivere? nunquid colligunt de spinis uvas aut de tribulis ficus? Non sic itur de deliciis ad delicias; ut hic ventrem, & illic mentem impleas. Vis autem bonam & felicem mortem? Ecce optima ad bonam mortem via est; ante mortem vitiis & cupiditatibus mori. Imo hæc erit sola & vera vita, carni ac mundo mori, & Deo vivere. Ita ergo nunc consuesce mori, quousque vivis; sic fiet, ut securius mortem, cum venerit exspectes.

Et hujus quidem mysticæ Mortis imaginem, seu formam aliquam, ab ipsa morte corporis accipere potes. Nam hæc, quamprimum invadit hominem, mox usum sensuum, & appetitum omnium voluptatum tollit, oculos claudit, aures obturat; ori perpetuum silentium indicit; à charis & notis separat, omnia desideria mundi hujus extinguit: Hæc vero & similia, tu ipse sponte tua facere potes, & multo quidem sublimius atque excellentius tibi que multo utilius, quam tantum juris & violentiæ in te morti relinquas.

HOMO. Sed quam mihi mortem loqueris Domine, dum me spontanee, & spiritualiter mori jubes?

CHRISTUS. Adhuc tu sine intellectu es; nec capis; quod si secundum carnem vixeris morieris; Si autem Spiritu facta carnis mortificaveris, vives? Castiga corpus tuum, & in servitutem redige; mortifica membra tua, quæ sunt super terram. Exue veterem hominem cum actibus suis & novum indue; prohibe linguam tuam à malo: averte oculos tuos, ne videant vanitatem, &c. Noli diligere mundum, neque ea quæ in mundo sunt; fuge amicos, & socios, si una cum illis me amicum habere non possis. Nimis enim noxia amicitia est, quæ me consortem non patitur: Dissimula injurias, contumeliis ne redde vicem: ad opprobria tace, tanquam non habens in ore tuo redargutiones. Sine te tractari arbitrio superioris, instar mortui, qui nemini repugnat. salutari more perde animam tuam in hoc mundo, & in vitam æternam custodies eam,

Si feceris hæc, æstimaberis tanquam mortuus super terram; sed vita tua abscondita tecum erit in *Deo*. Non apparebis magnus & gloriosus coram mundo, sed omnis gloria tua erit ab intus, id est, in testimonio conscientie tuæ. Incedas tanquam tristis, semper autem gaudens; possidebis tanquam non possidens; uteris hoc mundo, tanquam non utens. Hoc est mori, antequam moriaris. Vt paucis dicam:

Ante omnia fuge peccatum; & non erit cur malam mortem timeas; stimulus enim mortis peccatum: lædere aut punire non potest, ubi peccatum non est: mala certe mors putanda non est, ubi bona vita præcessit. Exerce ergo te ad pietatem & iustitiam, sic nunquam te mala nec improvise mori obruet, quia pia & inculpata vita, est continua præparatio mortis. Unde iustus si morte præoccupatus fuerit, in refrigerio erit.

Sed heu, quam crudelis est mors, in eos, qui vixerunt mundo, & concupiscentiis ejus! quam gravi eos tandem aculeo ferit, qui sapientes sunt, ut faciant mala; bene autem facere nescierunt! Qui nunc ducunt in bonis dies suos, tunc vident, quantus extrema gaudii luctus occupet: tunc enim vinum, quod ingrediebatur antea blande, mordet ut coluber & velut regulus venena diffundit.

HOMO. Quis mihi tribuat, ut mundo, & carni moriar, & vivam tibi, pro me mortuus es: & ita semper paratus sum mori: ut vivam ego; jam non ego; sed tu vivas in me ô *Iesu*. Agnosco enim, quia nemo securius & felicius mori poterit, quam qui melius & sanctius vixerit. Attamen nescio, quomodo nihilominus terrores mortis circumdederunt me, & horream, & fugiam, quod tamen scio me non posse effugere. Sed quid hoc mirum, quando sanctissimos etiam viros video non fuisse immunes à timore mortis.

Et quid dicam de te ipso, Domine? nonne mortem exhoruisse visus es, cum præ angustia cordis tui, in horto factus est sudor tuus tanquam guttæ sanguinis decurrentis in terram & cum diceres, Tristis est anima mea usque ad mortem; & calicem illum transferri à te rogares?

§. 5. *Antidota adversus fugam & horrorem mortis.*

CHRISTUS. Infirmities nempe vestras ego suscep-
ram in me, ut agnosceres, quanta paterer ego pro vo-
bis; & quam vere languores vestros ego portarem. Quam-
vis non tam mortem horruï, quam peccatum, quod morte
delendum, versabatur ante oculos meos. Eatenus tamen ad-
misi timorem mortis, ut tu jam minus timeres mori: utpote,
qui ex merito mortis meæ, mors est finis peccati, & introitus
ad vitam.

Sed nunc vide cur multi vestrûm mortem timeant: nam
variae solent esse causæ; si autem bene discutias, nulla ratio-
nabilis & idonea. Hoc potius agnosces, non mortem, quæ
nihil veri in se mali habet, sed potius malam vitam, super
omne malum timendam esse, eo quod hanc sequantur æter-
na mala. Quamvis diversum videre sit in filiis hujus sæculi,
qui in vitiis suis vivunt secure, & tamen mortem velut sum-
mum malum vehementer horrent. Hoc nimirum habent in-
cipientes, qui in tenebris ambulant, ut timeant, ubi non est
timor, & ubi est, quasi securi ambulent; ut, inquam, ina-
nia pericula timeant, vera contemnant. Quid enim est mors,
quam ita timent homines, nisi separatio animæ à corpore? At
mors, quam non timent, est separatio animæ à Deo; & ea qui-
dem tanto magis timenda, quo pejus est animam quam corpus
perire.

Sed dic, mi homo, quid est in morte, quod times aut fugis?
Nonne melior est dies mortis, die nativitatis? Crede mihi,
aut potius, expertus ipse fatère: Quia homo natus de muliere
brevis vivens tempore, repletur multis miseriis: qui quasi flos
egreditur & conteritur, & fugit velut umbra, & nunquam in
eodem statu permanet. Quam diu vivit in medio laqueorum
perambulât, in mundo, inquam, qui totus in maligno positus
est; ubi nihil nisi concupiscentia oculorum, concupiscentia
carnis, & superbia vitæ. Hinc sentit in membris suis aliam le-
gem repugnantem legi mentis suæ. O gravis & molesta lucta,
sed rara & difficilis victoria!

Hæc omnia certe adeo semper amicis meis gravis & molesta visa sunt, ut mors illis in desiderio, vita in patientia esset. Hinc isti eorum planctus & gemitus: Heu mihi, quia incolatus meus prolongatus est. Tædet animam meam vitæ meæ. Infelix ego homo! quis me liberabit de corpore mortis hujus? &c.

Deinde hominis vita nihil aliud est, quam via, carcer, exilium, & tamen in his moram optat, qui mortem fugit. Quis est hoc, lassari in via, & eam nolle finire? horrido & iniquo carcere concludi, & inde educi nolle? Quis peregre constitutus, maxime si inter hostes & multa pericula versetur, non optat citius in patriam regredi? quis se felicem non æstimat si mox ab exilio liberetur? Ejus est nolle mori, qui mavult esse miser, quam foelix, qui patriam præ exilio, qui lucem præ tenebris, coelum præ terra æstimare nescit.

HOMO. Vere Domine, vita nostra non est nisi militia seu tentatio & continua lucta super terram. Heu mihi! quia incolatus meus inter tot pericula, laqueos, & insidias mundi carnis & sanatae prolongatur. Quid homini est diu vivere, nisi diu vexari, vel sensu, vel metu malorum? nam foris pugnae, intus timores. Dies peregrinationis nostræ pauci & mali; & tamen, quæ cæcitas nostra est, optamus diu vivere. mortem horremus, & differri cupimus, quod evadere non possumus: cum tamen mors nobis sit, aut esse debeat finis miseriae, terminus culpæ, janua vitæ, aditus Patriæ, & amplexus tuæ præsentia.

Miseri sumus quam diu vivimus; sed eo miseres, quo crescente ætate vix, aut raro meliores finis; vel quod miseriam nostram non agnoscimus; imo etiam diligimus. Aperiri quæso oculos meos, ut videam ubi sim, nimirum in exilio, &c. & quo adspirem, nempe ad Patriam: nec ultra mori timeam; sed potius cupiam dissolvi, & tibi conjungi. Nunc quam enim mihi bene est, nec erit sine te. O quando educes me de carcere hoc? quando liberabor de corpore mortis hujus? &c.

CHRISTUS. Sed multi quoque mortem fugiunt, quia florent in sæculo opibus, honoribus, & voluptatibus affluunt, & beatum dicunt populum, cui hæc sunt. Heu! quam amara est mors homini habenti pacem in substantiis suis; cujus

vix

viæ directæ sunt in omnibus, & adhuc valenti accipere cibum! Sed ô stulti & tardi corde, ô modicæ fidei homines! terræ bona deferere durum est vobis, qui expectatis cælum & Summum Bonum, statumque omnium bonorum aggregatione perfectum? Ecce oculus non vidit, nec auris audivit, nec in cor hominis adscendit, quæ ego præparavi diligentibus me: imo ego ipse eorum honor & gloria, & hæreditas, & voluptas, & merces ero magna nimis.

HOMO. Credo videre bona Domini in terra viventium; ubi inebriabimur ab ubertate domus tuæ; & dies una melior erit super millia. Sed heu, cur ita languida est fides mea, ut præ frusto terræ non magis cælum ambiam? Cur non desiderat anima mea ad te Deus, sicut desiderat cervus ad fontes aquarum? aut sicut mercenarius præstolatur finem operis sui? Quando tu ipse Domine portio mea es in regione vivorum. Tu pars hæreditatis meæ, & calicis mei. Tu qui restitues hæreditatem meam mihi? Domine, adauge fidem, excita cor & desiderium meum.

CHRISTUS. Vide ergo, quia per mortem longe majora recipis, quam deferis. Certe fidelibus meis mors non est jactura, sed lucrum. Nam pro vita brevi ac caduca & undique plena miseriis, recipiunt beatam & immortalem, ubi nullus dolor erit amplius. Pro caducis mundi bonis, luçantur bona Domini in terra viventium. Pro vanis voluptatibus carnis, torrente voluptatis æternæ potantur.

Quid ergo te retinet in sæculo? An parentes, cognatos, amicos, & familiares deferere durum est? Sed vide, quo pergas moriens: Ad patriam utique cœlestem, ubi magnus te charorum numerus expectat Angelorum, Apostolorum, Martyrum, Virginum, & omnium Electorum meorum, quorum conversatio & adspectus longe jucundior tibi erit, quam ulla amicitia in terris unquam fuerit. Et ad eorum consortium non magis anhelas? Obliviscere ergo domum Patris tui; Egrede de terra & cognatione tua; quia portio tua in terra viventium: in terram melle & lacte manantem introduci non vis, & mecum esse in Paradiso?

Quid times exire? Electi mei lætati sunt, cum responsum mortis acciperent, & quod velox esset depositio tabernaculi

nauli eorum. Ecce Vas electionis, quomodo cupit dissolvi, & esse mecum, & mortem in lucro ponit.

HOMO. Quidni cuperet dissolvi Paulus? Bonum certamen certaverat; fidem servaverat; cursum consummaverat; dereliquo sciebat repositam sibi coronam justitiæ, quam tu redderes illi justus Iudex: Imo certus erat, quod nihil illum separet à te. Ego autem, quia peccator sum, dissolvi non cupio, sed formido; sciens quia mors peccatorum pessima. Quomodo non pessima, ubi non subvenit vita? Formido exire, & in ipso potius ingressu contremisco, dum vereor non prope assistere, qui excipiat exeuntem. Quomodo enim securus exibo, si non tu Domine custodias introitum & exitum meum? Heu ero ludibrio & prædæ Latronum intercipientium me, non assistente qui redimat, neque qui salvum faciat. Beati omnino mortui, qui moriuntur in Domino: Sed heu, Domine, nescit homo, amore an odio dignus sit, & quæ illum sors à morte maneat; & quomodo non timeat & fugiat mortem, cujus exitus tam incertus est?

CHRISTUS. Non ideo mori timeas, sed male vivere. Quorsum est fugere, quod effugere non potes, & ita vivere, unde grave periculum incurras? Atqui hoc ego volui, ut cum timore & tremore operareris salutem tuam, ut contenderes intrare per angustam portam, & ires per viam, arctam illam quidem, sed quæ ducit ad vitam. Nihil est quod magis minuat timorem mortis, quam vitam agere in continuo timore Dei, & præsentis vitæ gaudia spe futurorum spernere. Castiga ergo & tu cum Paulo corpus tuum, & in servitutem redige. Ecce mundus ipsi crucifixus erat, & ipse mundo: & quomodo non libens moreretur? Crede mihi, non invitus moritur, qui jam pridem vitiis, & mundo mortuus est. Nam quid illi adimere potest mors, qui nihil amat in mundo; sed thesaurum suum habet in cœlo?

Quin audi quod magis mireris, talibus ne quidem repentina & subita mors timenda est, quam alias ita horrent homines; & cur? an quia mala? minime, sed quia plerumque imparatos, & vitiis ac rebus terrenis nimis implicatos deprehendit; nam quos paratos invenit, his adeo non est mala;

ut

ut potius sit facilis & expeditus ex malis hujus vitæ ad æterna bona, & requiem perpetuam transitus.

O quam libenter & secure moritur, quem nullius rei affectus tenet in mundo! quam prompte ingreditur viam universæ carnis, qui carnis in se desideria calcare studuit? Tali homini mors non erit gravis, & ingrata, sed potius instar placidi somni, quo post labores & lassitudinem fessa membra recreantur. Unde & amici mei dicuntur mori in Domino, quia cum ego ipsis fuerim hæcenus scopus & finis vivendi, ad quem omniseorum actio & intentio tendebat, in morte demum finem suum & metam, id est, me ipsum attingunt, & ita in pace in idipsum dormiunt & requiescunt; ubi jam non non erit amplius luctus, neque clamor, nec ullus dolor, quoniam priora transierunt. Et hinc merito morseorum, pacis nomen habet.

Cum enim vita hominis sit militia super terram; & gravis vobis sit colluctatio adversus principes tenebrarum, utique Electi mei moriuntur in pace, quia in morte omnia eorum bella & certamina quiescunt, idque quia strenue militarunt sub vexillo meo, & sequentes me Ducem, qui mortem vestram moriendo destruxi, & vitam resurgendo reparavi; atque ideo pace & præmio victoriæ æternum potiuntur. At non sic impii, non sic, qui hæcenus habuerunt pacem in divitiis & vitiis suis, postea turbabuntur timore horribili, & cum æternis inferorum pœnis luctari debebunt.

HOMO. O si & mihi dicere liceat: Nunc dimittis servum tuum in pace, quia viderunt oculi mei; imo audierunt & aures meæ salutare verbum tuum. Nam cur mori deinceps timeam, qui sic ad Patrem meum vado? Cur non libens deferam luteam hanc ac ruinofam domum, cum sciam, quia, si terrestris domus nostra hujus habitationis dissolvatur, quod ædificationem ex Deo habemus, domum non manufactam, æternam in cœlis? O quando liberabor de corpore mortis hujus? O quando veniam & apparebo ante faciem Dei? &c.

§. 6. *Dispensatio Testamenti, & rerum temporalium
mature facienda.*

CH R I S T U S Sed ut tranquillius & securius mori possis, mature dispone domui tuæ, dum adhuc sana mens est in corpore sano. Huc spectat, ut tempestive testamentum condas; aliena restituas, liquidas rationes procures, &c. Periculose hæc in horam mortis differuntur, non sine gravi sæpius jactura, tum animæ, tum rei familiaris.

Circa mortem enim aut vis & molestiæ morbi, aut spes fallax vitæ longioris, aut subita privatio judicii & sensuum, aut alia incommoda minus te idoneum reddent. O quam multi hic errant (& quis dubitat, hoc Dæmonis stratagema esse?) qui velex negligentia, vel ex inani persuasione, (quasi aliquid funesti ominis habeat matura dispositio testamenti) rem hanc differunt in horam mortis; & tunc primum rebus terrenis disponendis animam apponunt, cum terra jam linquenda erat, & cœli salutisque potior cura esse debebat. Sic enim sollicitudo intempestiva mentem avocat à Deo: distrahit à cura salutis & animæ, & involvit curis sæculi; adeoque tempus vitæ residuum, sed breve, & nimis pretiosum, solique beatæ mortis studio tribuendum misere perdit.

Porro in condendo testamento, hoc potissimum cura, ut sit æquum, pium, & perspicuum, ut concordia sit, non litium seminarium. Et imprimis sic dispone de bonis tibi à me concessis, ut ostendas te dispensatorem eorum à me constitutum esse, non dominum. Sane, si negligas Me, à quo habes omnia, nimis iniquus & ingratus es. Si tibi ipsi nequam es, & parcus in animam tuam, cui bonus eris? optimum sic dispensare bona temporalia, ut non amittas, imo ut per ea lucreris æterna.

§. 7. *Eleëmofyna tempestiva ante mortem commendatio.*

HO M O. Nudus egressus sum de ventre matris meæ; & nudus revertar illuc, nihil intuli in hunc mundum, haud dubium, quod nec auferre quid possum. Quid ergo proderit mihi, in hora mortis possidere aurum & argentum,
aut

aut totum mundum, & animæ detrimentum facere? Utinam redemptio animæ meæ, sint divitiæ meæ. Sed tu Domine bonorum meorum non eges, quin tuum est argentum, tuum est aurum, tuæ est terra & plenitudo ejus; & quid homo dabit Deo, qui dat & habet omnia?

CHRISTUS. Ideo pauperes semper habetis vobiscum. Ego vero, quod uni ex minimis meis fecistis, mihi factum reputo. Manus pauperum meum est gazophylacium; quod illic recondis, invenies. Viri autem divitiarum dormient somnum suum & nihil invenient in manibus suis. Ante mortem itaque benefac amico tuo, & secundum vires tuas exporrigens da pauperi. Amicos autem tibi de Mammona iniquitatis fac pauperes, ut cum defeceris, recipiant te in æterna tabernacula.

Sed ô cæca & stulta avaritia mortalium! Thesaurizant, & ignorant cui congregent ea; habituri hæredem post se, quem ignorant, utrum sapiens, an stultus futurus sit; & ille dominabitur in laboribus eorum, quibus ipsi desudarunt; an est quidquam tam vanum? Et tamen laborare non cessant: nec satiantur oculi eorum divitiis: nec recogitant dicentes; Cui laboro, & fraudo animam meam bonis? Et ecce venit extraneus, & devorat quidquid avare congestum est, & negatum necessitatibus pauperum; idque justo judicio meo, ut avari isti, qui sic amarunt divitias, fructum non capiant ex eis, sed habeant tantum afflictionem & curam superfluum, ut addant, & congregent, & tandem relinquunt alienis divitias suas.

HOMO. Sed quid si tales largas disponant eleëmofynas post mortem, dotent Ecclesias; & illustria monumenta relinquunt?

CHRISTUS. Quid hoc est, nisi pleno stomacho, cum amplius ingerere non licet, superflua cum fastidio rejicere? Non est magnum, dare, quod tecum auferre, aut quo diutius frui non possis; quodque velis, nolis, relinquendum est. Gratam quidem habeo omnem eleëmofynam; eo tamen discrimine, ut unus sæpe nummus viventis & sani gratior mihi sit, quam centum morientis. Nec enim tam censum, quam affectum ego pondero; is vero quanto major in viventi-

viventibus, quam morientibus? quas fere relinquendi necessitas potius, quam pia voluntas liberales facit. Vide ergo, ne fallat aut seducat te vulgaris error hominum, quod malunt alienis quam propriis manibus dare.

O quam multos novi ego, qui pauperes, quos quotidie vident ante oculos suos, negligunt; imo duos & inhumanos se in eos ostendunt: & tamen Testamenta condunt, in quibus de alendis pauperibus post vitam suam, imo post plura sæcula futuris solliciti videri volunt. Sed an putas illos sincere intentione duci, & tangi cura pauperum? opera charitatis & misericordiæ illis ex amore mei cordi esse? Dico tibi; (novi enim quid sit in homine) qui ita avare bonis suis incubant, ut in vita sua immites & parci sint erga pauperes, sed in morte primum liberales, & benefici: ne tunc quidem darent, si ipsi diutius frui bonis suis possent. Sed ecce, quia alud secum tunc auferre nequeunt, qui inglorii & sordidi vixerunt in sæculo (quod avaris proprium est) saltem famæ & nomini sui à morte consultum cupiunt.

O miseri, quis ita fascinavit oculos vestros, ut non videant vanitatem hanc, qua major nequit inveniri sub sole? Oculis quidem hominum belle illuditis: sed an meos quoque fallitis, qui lucidiores sole contemplantur intima cordis vestri? Vos qui habetis substantiam huius mundi, si videritis fratres vestros necessitatem habere, & clauferitis viscera vestra ab iis, quomodo charitas Dei manet in vobis?

Si, inquam, non movent Vos pauperes, quorum miseriam, famem, nuditatem ipsi cernitis oculis vestris, quis vos credat moveri inopia pauperum, quos nunquam visuri estis? An non ipsa præsentia objecti efficacius movet sensus & oculos, quam sola imaginatio? An forte oculis & manibus alienis plus fiditis quam vestris? O quam bene consultum esset causæ pauperum, si dives quisque suæ potius ætatis pauperes, quam posteritatis pasceret!

HOMO. Sed nonne Domine monuisti nos alias, de eo quod superest, dare eleëmofynam? Quid si ergo profusior ego sim in pauperes in vita: & ipse demum egeam? Certe nec hoc prudentis fuerit. Dabo ergo tunc cum mihi sufficiet & supererit; hoc autem primum in morte constabit.

CHRI-

DE B. V. MARIA, & BEATA MORTE. 169

CHRISTUS. Qui pascit volatilia Cœli; & dat jumentis escam ipsorum, & pullis corvorum invocantibus eum, putas is deferet te, si amore ejus pascas me in membris meis. Modicæ fidei, quare dubitas? Nimirum hæc est prudentia carnis, & filiorum hujus sæculi; at pii qui norunt fidere Deo, liberales sunt erga pauperes, & nihilominus securi de sufficientia propria. Nonne dixi, *Date & dabitur vobis?* & *Qui dat pauperi, non indigebit. Fœneratur Domino, qui miseretur pauperis, & visitationem suam reddet ei. Qui parce seminat, parce & metet. Qui seminat in benedictionibus, de benedictionibus & metet. Qui autem administrat semen seminanti, & panem ad manducandum præstabit, & multiplicabit semen vestrum?* &c. Quid ergo trepidas, tales habens repromissiones? Si negotium tibi esset, cum Iudæo vel Publicano; & haberes chirographum ab eo, crederes ei: & ecce promissa mea confirmo tibi chirographo meo, id est, Scripturæ mea; & adhuc diffidis? Sed esto, licet suos cuique necessitates attendere in erogandis eleëmofynis. Non damno ego rationabilem providentiam: nec jubeo semel omnia profunderere. Quotusquisque vero est, qui regula rectæ rationis, & non potius instinctu carnis metitur necessaria status & vitæ? Hinc plurimi liberales, immo prodigi in seipsos, & res vanas, ac supervacuas; at parci in pauperes & inopes inveniuntur.

Tu vero, quomodo potueris, ita esto misericors, si multum tibi fuerit, abundanter tribue; si exiguum, & hoc libenter impartiri stude.

Quæcunque vero aliis pro te facienda committere vis, per te ipsum perficere stude. Nam si moriens in æternum iveris supplicium (*verba pii & religiosi viri Joan. Lanspergii*) testamenti tui apparatus, pompa funeralis, eleëmofynæ ac sacrificia post mortem quid conferent damnato? Hæc potius, dum vivis, mihi sacrifica; ut non solum à peccatis libereris, sed etiam in gratia mea crescendo ad damnationem non perverbias, sed à peccatis me præservante liber in bonis operibus ad finem usque perseveres.

Age ergo nunc, charissime, quidquid agere potes; noli confidere super amicos, & proximos, nec in futurum tuam diffe-

differas salutem, quia citius obliviscuntur tui homines quam æstimas. Melius est nunc tempestive providere, & aliquid boni præmittere, quam super aliorum auxilio sperare. Si non es pro te ipso sollicitus modo, quis erit pro te sollicitus in futuro? *Thomas de Kempis lib. I.*

Nunc itaque sanus etiamnum ac vegetus eleëmofynis redime peccata tua. Ambulanti in tenebris plus lucet fax una quæ præfertur, quam plures, quæ sequuntur. Da tua, dum tua sint; nam post mortem, tua alterius erunt, & alieni arbitrii, nec tam fideliter dispensabuntur, quam tu futurum putas.

Remanent in sæculo cuncta quæ sæculi sunt, sola misericordia defunctorum comes est. Si eam neglexeris modo, commitabuntur te forte peccata tua; & eo ducent te, unde sublequentes eleëmofynæ aut alia remedia te educere non poterunt. At eleëmofyna tempestiva ab omni peccato & à *Morte* liberat, & non patitur animam ire in tenebras; sed facit invenire misericordiam & vitam æternam. Vere beatus, qui intelligit super egenum & pauperem, in die mala liberabit eum Dominus. Unde confidenter, sed & vere agebat ille servus meus. Numquam legi mala morte obiisse, qui libenter operam misericordiæ exercuit. *Hieron.*

HOMO. Verissima sint omnia, quæ loquutus es Domine, nec habeo quod respondeam: quamvis avarus & conquisitor hujus sæculi, ægrè hæc audiat, & tristis abeat, dicens in corde suo; Durus est hic sermo, & quis potest eum capere? sicut dives ille, quem de via perfectionis interrogantem jussisti vendere, quæ habebat, & dare pauperibus, & sequi te.

CHRISTUS. Adeo difficile est divitem esse, & intrare in regnum coelorum. Væ divitibus, qui hic habent consolationem suam; sed duri in proximos suos. Vere nihil iniquius quam amare pecuniam. Hi enim & animam suam venalem habent. Beatus esse vis? noli abire post aurum, & opes; nec spera in thesauris pecuniæ. Rari tales sunt in terris. Sed tu esto unus inter paucos: Tu inquam, thesauriza tibi thesauros in cœlo, ubi securus sis à furibus & tineis. Esto, thesaurizent alii in terra; & vocent nomina sua in ter-

DE V. B. MARIA, & BEATA MORTE. 575

ris suis; tibi sat erit, si nomen tuum scriptum sit in coelis. Qui voluerunt ex bonis sibi concessis facere sibi nomen, juxta nomen magnorum, qui sunt in terra; & extollere carnem & sanguinem; periit memoria eorum cum sonitu. Non sic viri misericordiæ, quorum justitiæ oblivionem non acceperunt: eorum enim nomen in benedictione est: & eleëmofynas eorum narrabit omnis Ecclesia Sanctorum.

HOMO. Inclina cor meum Deus in testimonia tua, & non in avaritiam. Averte oculos meos, ne videant vanitatem. Imo da; ut videam & agnoscam vanitatem hanc quam nihil vanius: nempe, abundare ad modicum, & æternum egere: laudem quærere momentaneam, & confusionem lutari perpetuam.

Pro doctrina hujus Puncti, de Eleëmofynis tempestivis, vide Chrysoft. hom. 60. ad pop. & 18. in Ep. ad Rom. Sed imprimis Basil. hom. 2. in divites avaros. Item Comm. in Eccli. v. 13.

§. 8. *Reconciliatio cum inimicis ante mortem necessaria.*

CHRISTUS. Porro eximium opus misericordiæ est, & ad bonam mortem summe necessarium, non tantum liberaliter donare egenis; sed etiam libenter condonare inimicis. Si enim homo homini reservet iram, quomodo à Deo quæret medelam? Tune tam rigide illatam tibi à fratre injuriam appendes, qui infinities majorem sæpe intulisti mihi?

Quid si brevitavero te ad tribunal meum, ut scruter in lumenis actus tuos; quomodo sustinebis? an poteris unum respondere pro mille? Misericordiam itaque, quam tunc requireres à me, hanc nunc ostende proximo tuo, eadem enim mensura remetietur tibi. Quomodo vero audes clementem te sperare judicem, qui tam immitis & implacabilis es erga conservum tuum?

Expende diligenter utrumque debitum, & quo tu obnoxius mihi, & quo proximus tuus tibi.

O quantum hic discrimen! si hoc expenderis serio, utique facies illi, quod tibi velles à me fieri. Relinque ergo proxi-

mo nocenti te, & tunc deprecanti tibi solventur peccata tua. Iudicium autem sine misericordia ei, qui non facit misericordiam.

HOMO. Fateor Domine, in multis te indies offendimus omnes, sed parce mihi Domine, & non intres in iudicium cum servo tuo, quia non justificabitur in conspectu tuo omnis vivens. Si enim iniquitates observaveris Domine, qui sustinebit? Dimitte mihi debita mea; ego libens amore tuo ex animo dimitto omnibus debitoribus meis. Sic enim monuisti me tu ipse moriens in Cruce, quando pro inimicis & tortoribus tuis Patrem orasti, & pro nobis omnibus, cum adhuc inimici essemus, mori voluisti.

§. 9. *Repetita exhortatio ad curam bene moriendi.*

CHRISTVS. En habes, mi homo, doctrinam pie beatęque moriendi. Fac ergo apprehendas disciplinam istam in tempore; ne si quando irascatur Dominus, pereas de vita iusta. Nihil sic tua refert, quam ut scias bene mori; futurum scilicet ex hoc, vel miser, vel beatus in omnem æternitatem prout mori te contigerit. Ad hoc autem, ut bene mori possis, nihil æque necessarium, ac bene vivere: ad utrumque vero, ego vitam & mortem meam impendi tibi. Triginta enim tribus amplius annis, in terris visus & cum hominibus conversatus sum, exemplum tibi relinquens, ut sequari vestigia mea. Sanguinem ego sudavi præ timore & angustia mortis; ut non esset cur mortem timeres. Mortem denique ipsam sustinui, ut debito mortis æternæ, quo tu tenebaris, liber esses. Vide homo, quantum laboraverit pro te Deus tuus. Certe nec in omni mundi fabrica tantum fatigationis adsumpsit. Illa enim dixit, & facta sunt, mandavit & creata sunt, At vero hic & in dictis sustinui contradictores; & in factis observatores; & in tormentis illusores, & in morte exprobratores, & hæc omnia propter te. Ecce quomodo dilexi te. Vide ergo qualiter te vivere, quomodo mori oporteat, ut non pereat in te tantum pretium redemptionis tuæ, & frustrentur omnes labores mei.

HOMO.

HOMO. Dignus plane est morte, qui tibi Domine Iesu recusat vivere: Valde omnino mihi amanduses, per quem sum, & vivo, nunc & æternum. Quid retribuam Domino, pro omnibus quæ retribuisti mihi? Nonne si conferrentur in me omnes vitæ filiorum Adam: & omnes dies sæculi, & labores omnium hominum, qui fuerunt, sunt, aut erunt, nihil esset ad comparisonem eorum, quæ fecisti pro me. Si autem exaltantur cæli à terra, sic exaltata est vita tua à vita nostra; tamen illa posita est pro vita nostra. Cum ergo tibi Domine, non avaro quicquid sum, quicquid possum, nonne istud est sicut stella ad solem, gutta ad fluvium, lapis ad montem, granum ad acervum; sed quæ proportio finiti ad infinitum? Non habeo nisi minuta duo, Corpus & Animam; vel potius unum minutum, Voluntatem meam: & non dabo illam ad voluntatem illius, qui tantus tantillum tot tantisque beneficiis prævenit, qui toto se totum me compa-

avit?
Inclina ergo tibi Jesu, modicum id, quod me dignatus es esse, atque de mea misera vita, suscipe obsecro restitutum annorum meorum. Pro his vero, quos vivendo peridi, quia perdidisti vixi, cor contritum & humiliatum, ô Domine, non despicias. Dies mei sicut umbra delinaverunt, præterierunt sine fructu: impossibile est, ut revocem eos. Placeat ut recogitem tibi eos in amaritudine animæ meæ. Deum vero ad hoc tantum, precor, da mihi beate mori, ut misericordias Domini in æternum cantare valeam.

CHRISTVS. Ego calamum quassatum non contero, & cinis fumigans non extinguo. Tantum esto fidelis usque ad mortem. Non delector in perditione morientium. Revela Domino viam tuam, & spera in eum, & ipse faciet sine quo peccapillus de capite tuo peribit.

§. 10. *Resignatio sui omnimoda in Deum.*

HOMO. Conscius ego, Domine, tantæ charitatis tuæ, in pace in idipsum dormiam & requiescam, nec amore vitæ, nec timore mortis anxius. In manibus tuis sortes meæ.

Jaſto ſuper te, Domine, omnem curam meam, quoniam tu ſollicitus es mei; & omnes capilli capitis mei numerati ſunt coram te. Conſtituiſti mihi terminos, qui præteriri non poterunt.

Dominus es; quod bonum fuerit in oculis tuis, fac, & quis ſum ego, ut dicam tibi, cur ita facias? Nunquid lutum dicet figulo, quid facis? aut figmentum contradicet fictori ſuo? nunquid enim nos in manu tua, ſicut lutum in manu figuli? Itaque voluntas tua, mea erit. Si vis me vivere, paratum cor meum Deus, ſed auge gratiam, ut fidelius tibi ſerviam: Si jubes mori, paratum cor meum, fac tantum in pace recipi ſpiritum meum. Tu mihi ô Chriſte, Vivere es, & Mori lucrum. Si quidem vivere diutius dabitur, vivam tibi ſeu gloriæ & honori tuo. Si mori me volueris, Mors mihi in lucro erit: conſequar enim & comprehendam te, quem hætenus quærit & diligit anima mea. Itaque ſi ambulæm in medio umbræ mortis, non timebo mala, quoniam tu mecum es. Suscipe me ſecundum eloquium tuum, (dixiſti, enim, Nolo mortem peccatoris) & vivam; & non confundas me ab exſpectatione mea. Hanc unam vero gratiam peto & exſpecto à te Domine, ut quodocunque me mori vis, ſeu hodie, ſeu cras; in medio annorum, ſeu in ſenectute bona, des ſaltem in gratia tua mori. Illumina oculos meos, ne unquam obdormiam in morte; ne quando dicat inimicus meus, Prævalui adverſus eum. In manus tuas Domine commendo ſpiritum meum: redemiſti me Domine Deus veritatis. Tuus ſum Domine, ſeu vivens, ſeu moriens. Fiat in me voluntas tua: ſed ne permittas in æternum me ſeparari à te, ô Deus meus & omnia.

Ecce habes, pie Lector, Doctrinam bene moriendi: Senſus quaſi remotam Præparationem ad mortem; Sed cum primis neceſſariam ei, qui vult bene mori. Propinqua præparatio conſiſtit in actibus & exercitiis vivæ Fidei, Charitatis, &c. Et in pio uſu Sacramentorum, id eſt, Pœnitentiæ, Euchariſtiæ & Extremæ Vnctionis. De his vide Exercitium in Oratione Domini- ca, aliaque ſecunda parte hujus Sectionis.

C A P. II.

M E D I T A T I O.

In Orationem Dominicam,

*Accomodata ad Cultum & Venerationem Beatiss.**Virg. Deiparæ,**Pater noster qui es in cælis.*

O Iesu Verbum & Filius Unigenitus Æterni Patris, qui cum esses in forma Dei, & in sinu Patris, non rapinam arbitratus es te æqualem Deo, temetipsum exinanisti, de cœlo in terram veniens, & illibatæ Virginis uterum ingrediens, Filius hominis, & frater noster fieri dignatus es; immo servi formam accepisti, sicque in terris visus, cum hominibus conversatus, & salutem nostram operatus es in medio terræ. Et demum consummato Redemptionis opere, reversus es ad eum qui misit te; ut nos quoque in cœlum reciperes, hæredes quidem Dei, tuos autem cohæredes!

Itaque per Matrem tuam, ô Iesu, accessum habeamus ad te qui per ipsam datus es nobis. Excuset apud te, integritas ejus culpam nostræ corruptionis: & humilitas ejus culpam nostræ corruptionis: & humilitas ejus tibi tam grata nostræ veniam impetret vanitati; & superbix copiosa charitas ejus nostrorum cooperiat multitudinem peccatorum: & fecunditas ejus gloriosa fecunditatem nobis conferat meritorum. In primis vero rogamus per ipsam, ut

Sanctificetur nomen tuum.

Magnus enim es Domine, & laudabilis nimis: sed non est speciosa laus in ore peccatoris. Ergo succurrat inopiæ & indignitati nostræ Virgo Deipata, Mater, inquam, tua. Nam si à laudato laudari, ea demum vera laus est, quis hominum, immo quis Angelorum ad sanctificandum Nomen tuum tam erit idoneus, ac sanctissima Mater tua!

Et ecce, Magnificat anima ejus Dominum, quia fecisti

ei, & per eam nobis magna, qui potens es, & sanctum Nomen tuum; ut beatam modo dicant eam omnes generationes. Hæc laus & gloria Matris redundet in Filium, Et dum Matris tam admirabilis nomen & magnalia omnis celebrat Ecclesia; Nomini tuo, ô Iesu, detur gloria, ut flumina ad locum, unde exeunt, revertantur; & iterum fluant ubertius.

Adveniat regnum tuum.

O Iesu Fili David, qui natus es Rex Iudæorum de Mariæ Virgine, Cœli Regina, ut nos Regno extorres reduceres & Rex esses super nos, regnaturus in domo Iacob, cuius Regni non erit finis. Quando enim placuit regiæ clementiæ tuæ visitare plebem suam, à qua diu elongata fuerat; hæc sola Virgo digna inventa fuit, in cujus virginali aula, tu Rex Regum à Regalibus sedibus veniens, thronum tibi, & primam mansionem inter filios hominum eligeres. Illud itaque Regnum nobis adveniat, cuius ut nos cohæredes efficerer, ingressus es uterum Virginis, & exinanisti te ipsum formam servi accipiens; in qua contumelias, injurias, flagella, & mortem denique Crucis pati voluisti, & ita intrare in gloriam tuam. O Rex gloriæ, destrue regnum peccati & Sathanæ; & regna in nobis modo per gratiam; ut demum nos tecum regnemus in gloria.

Fiat voluntas tua.

Fac nos, ô Domine, prompte & alacriter tuæ obedire voluntati; idque exemplo Matris tuæ, quæ ad insolitum Angelis conspectum, & affatum turbata quidem est; mox tamen voluntati tuæ se promptissime submisit, dicens; *Eccce Ancilla Domini, fiat mihi secundum verbum tuum.* Immo & tuo ipsius exemplo, qui etsi verus Deus, tamen paruisti Matri, nec non Patri Nutritio tuo; *Et eras subditus illis.* Nonne Deo subjecta erit anima mea, imo etiam homini propter Deum, quando & Matri Dei, & ipsi Deo, nihil prius fuit quam parere.

Panem nostrum quotidianum.

Tum Corpori, tum Animæ necessaria de manibus tuis expectamus. Scis enim, ô Pater, quia his omnibus indigemus. Sed & Mater tua nostri sollicita pro filiis supplicat. Nam uti quondam in nuptiis inopia Sponsi & Sponsæ non dissimulat; ita & nostri quoque curam gerit, tibi que penuriam miserorum suggerit. Audi ô pie Iesu intercedentem pro nobis. Tune qui misertus super turbas, tot millia sæpius satiasti, nobis per Matrem rogantibus Panem negabis?

Sed ecce PANEM, quem imprimis disidero, illa ipsa Mater tua coxit in utero suo. Memento Domine, quia carnes de carne ejus, in Bethleem, id est, Domo Panis, genitus; & per eam in præsepio, velut pabulum ego sum ante te. Quis det mihi frequenter & competenter edere de fructu illo ventris, quem terra illa benedicta, quæ omnino inculta nec fossa, nec seminata, de solo rore cœli germinavit, Panem Angelorum, alimoniam vitæ æternæ. Pasce me pro necessitate corporis, sed imprimis animæ, qui das escam omni carni, & pullis corvorum invocantibus te. Aperis manum tuam, & imple omne animal benedictione.

Et dimitte nobis debita.

Nam grandi debito tibi nos obstrictos fatemur, & plusquam decem millia Talentorum tibi debemus. Heu bone Iesu, solvendo non sumus. Sed apud te Domine, misericordia. Et ecce Advocatam pro nobis apud te Matrem tuam. Nemo enim ad hoc tam idoneus, ut hæc Mater amantissima, Mediatrix nostra, per quam primum suscepimus misericordiam tuam Deus. Hæc est illa, in qua inæstimabile opus misericordiæ quod prædestinasti ô Deus, ante secula in redemptionem nostram, primum à te mundi Artifice fabricatum est. Hæc est illa, in cujus utero salus mundi iniuncta est. Ibi ruptus est paries inimicitiarum, quem inter Cœlum & terram Protoplastorum inobedientia construxerat. Ibi

confœderata sunt terrenis cœlestia, & obviaverunt sibi in osculo pacis Misericordia & Veritas, quando in unam eandemque personam concurrerunt divinitas & humanitas. Itaque qui mediante Matre tua dignatus es fieri particeps infirmitatis & miserix nostræ, ipsa quoque intercedente participes nos fac pietatis ac misericordiæ tuæ. Audi dulcissimam Matrem tuam ô Jesu, nec enim decet, ut confundas faciem ejus, aut quidquam deneges Matri tuæ. Audi & salva nos Jesu, pro quibus Virgo Mater te orat.

Et ne nos inducas in tentationem.

Timemus enim, ne sicut serpens Hevam seduxit astutia sua, ita corrumpantur sensus nostri. Verum id nos solatur, quod divina sapientia jam olim, id est, mox post infirmitatem plagam, saluti nostræ prospiciens, inter serpentem & semen mulieris inimicitias posuerit; ipsa vero caput serpentis per semen, seu fructum ventris tui contriverit. Nam ut culpam, quæ suggestionem serpentis irrepsit in mundum, de Virgine immaculata, in qua nihil suum malignus tentator inveniri nasci voluisti. Per hanc itaque rogamus, ô Jesu, contere Satanam sub pedibus nostris: Elide omnes tentationum vires & versutias, ne quando dominantur nobis inimici nostri. Illumina oculos meos, ne unquam obdormiam in morte peccati; ne quando dicat inimicus meus, Prævalui adversum eum.

Sea libera nos à malo.

Quodcunque tandem illud sit, quod animæ detrimentum vel saluti discrimen adferre possit. Nam ut à corporis malis & incommodis omnino vivamus immunes; vix id audemus petere, aut sperare: cum id ne quidem charissimæ pariter & innocentissimæ Matri tuæ concessum sit. Nimirum peracribus ille doloris gladius transfigere debuit animam ejus: Crucis tuæ & ipsa Mater tua consors esse debuit. Et quis nostrum hic esse volet eximius?

Ergo malum, quodcunque nobis evenire voles, fac ne noceat animæ. Sic potius nos & nostra rege, ut omnia nobis

cooperentur in bonum. Unde, sicut jam moriturus, Matris reffisti curam, eam dilecto commendans Discipulo; sic nos Matri, & per ipsam tibi commendatos fove, ac protege sub umbra alarum tuarum; ut non accedat ad nos *Malum*; & flagellum non appropinquet tabernaculo nostro. Amen.

M E D I T A T I O

In Salutationem Angelicam.

Post Orationem Dominicam, frequentior usus Salutationis Angelicæ jam passim inter pios fideles obtinuit; quam recte & merito, ostensum est sæpius: & res ipsa convincit. Esto, ringantur invidi; cavillentur Mariomastiges, & impii; nobis non potest non vehementer probari mos Virginem salutandi & orandi formula, quæ Cælo allata est per Dei Nuncium; immo, quæ Deum habet auctorem; nam instructum à Deo venisse Legatum hunc, quis dubitet?

Sic ergo etiam hodie merito rectèque honorabitur Virgo, quam Deus olim ita voluit honorare. Sed age, paucis monstremus usum & scopum Salut. Angel. Nam succincta verbis, sed prægnans Mysteriis, majorem sui, toties repetita, dabit gustum, si ruminetur paulo diligentius.

Nihil quidem tam dignum ac conveniens Homini Christiano, quam Redemptionis suæ pia ac frequens memoria; At cum primum & præcipuum illius Mysterium sit Incarnatio Filii Dei; hanc ipsam vero missa calitus ad Virginem legatione perficere statuerit Divina Sapientia; quis neget, decens esse, & gratum Deo pietatis officium, illa ipsa Verba, quibus tantum Mysterium, (per tot jam secula expectatum, tot tantisque suspiriis desideratum) ab Angelo nunciari voluit, crebro revolvere: adeoque Salutationem, quæ Legatus è Cælo missus, primum compellavit Virginem tanto destinatam Operi, in delitiis habere? præsertim cum id fiat, ut Salutando Virginem à Deo sic prædilectam, & electam ex omnibus in Matrem, beneficium præcipue Redemptionis nostræ, & Dominicæ Incarnationis opus grata mente recolamus.

Porro dum pie salutamus Virginem, quidni salutationis ab ea expectemus vicem? Nimirum salutantibus

¶ P. S.

viciſſim

viciſſim referet ſalutis optationem, aut potius opem. Quomodo enim Mater in devotos Clientes, Filii ſui futuros coheredes, tam benevola, materna ſuper eos continere poterit viſcera, præſertim quando gratam tanti Myſterii, in ipſa olim peracti, memoriam ingerimus? tunc, ſane, ad fructus & beneficia ejus in nobis promovenda ſupplici prece Filium compellare gaudebit.

Quid enim gratius clementiſſimæ Matri, quam ſi id nobis obtineat, propter quod facta eſt Dei Mater; ſeu, cujus cauſſa factus eſt in ipſa Deus homo? Fruſtra autem & ipſa Dei Mater, & Deus homo; ſi homo non fieret divina conſors natura, ſeu compos ſalutis. Hoc ut avertat Deus, rogemus per Matrem, ſalutantes eam ex animo.

Ave Maria.

S Alve & gaude ô beatiffima, puriffima, & digniffima Virgo Maria! ô præclara Stella Maris, quæ clarius ceteris fulges fideribus in tenebris hujus ſæculi: quæ tam honorifice ſalutaris ab Archangelo cœlitus ad te miſſo; & ab Elifabeth cognata tua, Spiritu inſtructa divino: & nunc quoque ab omni congregatione fidelium tui Amoris & Honoris deſiderio: Ecce laudo ac ſaluto te, & gratulor tibi, ô ſanctiffima Virgo & Mater: Et in te laudo Deum Patrem, qui Filium ſuum unicum, fecit & tuum; unaque noſtrum omnium Fratrem. Laudo Deum Filium, qui te ſibi elegit in Matrem, ut per te ſe nobis exhiberet Salvatorem. Laudo Deum Spiritum S. qui hoc opus ineffabile, in utero tuo, virtute ſua mirabili conſummavit.

Gratia plena.

I Ra & maledictio in omnes Filios Adæ. Tu autem invenisti gratiam apud Deum: imo gratia plena es; omni vacua vitio, & cunctis virtutibus, ac donis gratiæ referta. Quid mirum, ſi gratia plena, quando plenitudo divinitatis in te habitavit corporaliter? cum ipſe Fons gratiæ & ſalutis auctor, tibi ſoli ſeſe penitus infudit; & per te velut rivum ſeu canallem in omnes effundi voluit? Cæteris quidem Sanctis minore

men-

mensura data est gratia: tibi ipsa se infudit plenitudo gratiæ. Etenim nonnullos quoque plenos gratia legimus; sed tu *plena*, valde differenter & præcellenter ab illis. Nam ubi vasa majora & minora implentur; omnia quidem plena; Sed ibi tamen major abundantia liquoris, ubi major capacitas vasis. At quanta hæc fuerit in te, ut caperes Deum, quem totus non capit orbis? ut, inquam, esses Dei Mater, Cælorum Regina, Angelorum Domina, Hominum Mediatrix & Advocata?

Ad quid vero *plena*, nisi ut in nos quoque redundes? Utinam deriventur aquæ tuæ foras: fluant in nos aromata illa, charismata scilicet gratiarum, ut de plenitudine tanta nos omnes accipiamus.

Sit pietatis tuæ, ô Virgo beata, ipsam, qua plena es, gratiam diffundere, ut redundante benignitatis tuæ vena, accipiant rei veniam, medelam ægri, pusilli corderobur, afflictæ consolationem, periclitantes opem & liberationem: Utinam vel guttulam ego merear de plenitudine tanta, ad rigandum siccum & aridum cor meum.

Dominus tecum.

O Dives & beata possessio, cujus Dominus Deus ejus! Quid ibi non sit boni, ubi adest Dominus, fons ipse totius bonitatis? Utique cum Dei sint omnia; possidenti Deum nihil deesse potest. Vere tecum Dominus, qui cum justis omnibus: tecum vero multo excellentius, per specialem gratiam, & peculiarem providentiam; tecum in animo, tecum in utero. Virtus Altissimi (Dei Patris) obumbravit tibi. Spiritus S. supervenit in te. Verbum caro factum prodiit ex te. Dominus tecum; & in te, uti Rex in Solio, sponsus in Thalamo, Amicus intimus in amico; imo multo intimius, & arctius. Fac ô Domina, ut tecum sit Dominus, per gratiam, qui tecum fuit per arctissimam amoris unionem, & corporis præsentiam: Omnia haud dubie aderunt bona, quem penes erit Dominus, nec ulla timebo mala, si tecum fuerit Dominus.

Bene.

Benedicta tu in mulieribus.

UTique benedicta in mulieribus, quæ sola placuisti summo Regi ex tot millibus. Merito benedicta quæ tot votis & suspiriis expetita, tot seculis expectata, tot vaticiniis prænuntiata. Vere benedicta in mulieribus, quæ à communi maledictione, & conditione mulierum eximia; ita ut nec sterilis maneat, nec virginitatem perdas, nec cum dolore parturias.

Cæterum dura necessitas, & grave jugum super omnes alias filias Evæ; si fœcundæ, fœdantur & cruciantur. *Gen. 3.* si steriles, maledicuntur. *Exod. 23.* Tu simul & fœcunda, & munda; & cruciatus expers, maledictionem Evæ convertisti in benedictionem.

Maledicta olim terra in opere Prævaricatoris; quæ etiam excercitata spinas & tribulos germinat heredibus maledictionis. At nunc benedicta terra in opere Redemptoris, quæ remissionem peccatorum, fructumque vitæ partuit universis; & filiis Adæ sententiam originalis maledicti dissolvit.

O Benedicta, utpote Mater Filii, in quo benedicentur omnes Gentes; & hinc beatam te quoque dicunt omnes generationes, quia fecit tibi magna qui potens est. Concipis enim, sed sine concupiscentia: gravida es, sed non gravata Paris, sed sine tristitia. Nescis virum, & gignis Filium. Qualem Filium! Illius sis vera Mater, cujus Deus est verus Pater; Deum paris, & de Deo concipis; Virgo fœcunda, casta puerpera; Mater intacta: Quid ni ergo Benedicta tu in mulieribus?

Et benedictus fructus ventris tui Iesus.

Benedictus, inquam, quia auctor gratiæ, & fons omnis benedictionis, in quo benedictæ sunt omnes Gentes. Hunc in te benedicimus & laudamus; ô Virgo benedicta, quem etiam solum per omnia laudat & magnificat anima tua, quia magna & mirabilia hæc, quæ miramur & veneramur in te, fecit tibi, qui potens est super omnia, Benedictus Deus in secula.

DE B. V. MARIA, & BEATA MORTE. 583

Eva fructum mortis comedit; & nos quoque peremit: Tu fructum vitæ mundo protulisti, & ecce reviximus. O beatus venter, qui talem nobis fructum portavit & peperit.

Lætaris & epularis hodie, ô sancta Parens, sed in specie altera de fructu ventris tui. Eja Mater, saturare gloria Filii tui; sed dimitte reliquias tuas parvulis tuis. Tu jam ad mensam Domina; nos sub mensa catelli. Sicut oculi ancillæ in manus Dominae suæ, ita animæ nostræ famelicæ de te præstolantur alimoniam vitæ. Per te fructum vitæ communicavimus in mensa præsentium Mysteriorum; per te eundem Fructum vitæ communicemus in mensa perennium gaudiorum, Jesum benedictum Fructum ventris tui. Amen.

De usu & Elogiis *Salutationis Angelicæ*. Vide in VIATORE nostro *Christiano* suavissima verba *Thomæ de Kempis* Par. 2. pag. 154.

Hac nos paulo, quam ferebat institutum, prolixius, in gratiam eorum, quibus non sapit toties repetitum, AVE MARIA.

PAULUS V. Pontifex concessit recitantibus AVE MARIA ad horæ pulsus, centum dies indulgentiarum.

C A P. III.

L I T A N I Æ

De B. MARIA Virgine,

ex Scriptura Sacra;

Pleraque sensu allegor. & accommod.

YRIE ELEISON. Christe eleison.

Kyrie eleison.

Christe audi nos.

Deus, miserere nobis.

Redemptor mundi Deus, miserere nobis.

S. Deus, miserere nobis.

Trinitas unus Deus, miserere nobis.

S. Ma

S. Maria ,
 S. Dei Genitrix ,
 S. Virgo Virginum ,
 S. Maria Mater Viventium ,
 S. Maria ab æterno ordinata ,
 S. Maria gloria Jerusalem ,
 S. Maria Patribus promissa ,
 S. Maria mysticis miraculis præsignata ,
 S. Maria Oraculis prophetis prænunciata ,
 S. Maria caput Serpentis conterens ,
 S. Maria ex stirpe David progenita ,
 S. Maria stella Jacob ,
 S. Maria tabernaculum Dei cum homini-
 bus ,
 S. Maria Lilium inter Spinās ,
 S. Maria rubus ardens incombustus ,
 S. Maria vellus Gideonis ,
 S. Maria thronus Salomonis ,
 S. Maria mulier fortis ,
 S. Maria universas filias supergressa ,
 S. Maria speculum sine macula ,
 S. Maria stella matutina ,
 S. Maria Aurora confurgens ,
 S. Maria electa ut sol ,
 S. Maria Castrorum acies ordinata ,
 S. Maria Turriseburnea ,
 S. Maria favus distillans ,
 S. Maria Hortus conclusus ,
 S. Maria Fons signatus ,
 S. Maria puteus aquarum viventium ,
 S. Maria iusto Joseph desponsata ,
 S. Maria inviolabile virginitatis propositum
 amplexa ,
 S. Maria ancillam Domini, ad obediendum ei,
 te professa ,
 S. Maria ab Angelo honorifice salutata ,
 S. Maria gratia plena ,
 S. Maria inter mulieres benedicta ,

Gen. 3.
Prov. 8.
Judith. 15.
Isa. 7.
Exo. 3. &c.
Isa. 7.
Gen. 3.
Matt. 1.
Num. 24.

Apoc. 21.
Cant. 2.
Exod. 3.
Iud. 6.
2 Reg. 1.
Prov. 31.
Ibid.
Sap. 7.
Eccl. 5.
Eccl. 6.
Cant. 6.
Ibid.
Cant. 7.
Cant. 4.
Ibid.
Ibid.
Ibid.
Matt. 1.

Luc. 1.

Luc. 1.
Luc. 1.
Ibid.
Ibid.

S. Ma-

S. Maria à Spiritu S. obumbrata,
 S. Maria foemina circumdans virum,
 S. Maria Mater Domini;
 S. Maria Mater veri Salomonis,
 S. Maria mulier amicta sole,
 S. Maria Elisabeth cognatam visitans,
 S. Maria terra benedicta germinans Salvato-
 rem,
 S. Maria porta soli Principi pervia,
 S. Maria Virga Aaronis florida,
 S. Maria Mons, de quo sine manibus abscissus
 est lapis,
 S. Maria cum sponso Joseph in Bethleem pro-
 fecta,
 S. Maria Filium enixa, & in præsепio recl-
 nans,
 S. Maria puerpera, à Pastoribus & Magis vi-
 sitata,
 S. Maria Filium juxta legem circumcidi susti-
 nens,
 Maria legi Purificationis sponte te subji-
 ciens,
 S. Maria in Ægyptum cum Filio & Sponso
 profuga,
 S. Maria ex Ægypto in terram Israël reversa,
 S. Maria quæ Filium triduo dolens quæsvisti,
 S. Maria quæ Filium in Templo gaudens in-
 venisti,
 S. Maria nuptias præsēntia tua, una cum Filio
 honorans,
 S. Maria Filio defectum vini in Nuptiis insi-
 nuans,
 S. Maria quæ stabas juxta Crucem Filii,
 S. Maria dilecto Discipulo commendata,
 S. Maria doloris gladio transfixa,
 S. Maria Spiritu S. in die Pentecostes repleta,
 S. Maria, quæ cunctis generationibus beata
 prædicaris,

*Ibid.**Ier. 31.**Luc. 1.**Matt. 12.**Apoc. 12.**Luc. 1.**Isa. 45.**Ezech. 44.**Num. 17.**Dan. 2.**Luc. 2.**Ibid.**Ibid. &
Matt. 2.**Luc. 2.**Ibid.**Matt. 2.**Ibid.**Luc. 2.**Ibid.**Ioan. 2.**Luc. 2.**Ioan. 19.**Ioan. 19.**Luc. 2.**Act. 1.**Luc. 1.**Pet.*

Per æternam electionem tuam in Matrem Filii Dei,
 Per amorem Filii tui unigeniti,
 Per gaudium Angelorum in Nativitate Iesu Filii tui jubilantium,
 Per Sanguinem ejus tenellum, primum in Circumfusione fufum,
 Per dulcedinem amoris, quo fovisti Filium infantem, & virgineis uberibus lactasti,
 Per adorationem, & mystica munera Magorum,
 Per oblationem Filii tui in Templo,
 Per affectus amoris, gaudii, gratitudinis, admirationis, laudis, &c. quos visis tot Filii mirabilibus concepisti,
 Per omnes angustias, molestias, incommoda, quæ primum in Bethlehem, cum non esset tibi locus in diversorio, deinde fugiens in Ægyptum experta es,
 Per humillimam obedientiam Filii, qua tibi & Josepho subdituserat,
 Per dolorem materni cordis, quo abeuntem ad Passionem Filium profecuta es,
 Per gladium acerbissimi doloris, qui sub Cruce Filii pertransiit animam tuam,
 Per gaudium ex Resurrectione Filii perceptum,
 Per inæstimabilem exultationem cœlestis curiæ in Assumptione tua,
 Ut Filio tuo nos commendare & reconciliare digneris,
 Ut promptam Filio tuo in omnibus parendi voluntatem nobis obtineas,
 Ut in necessitatibus & angustis nostris Filii tui clementiam nobis exorare digneris,
 Ut in omni tribulatione vinum divinæ consolationis nobis impetres,
 Ut nos tanquam Mater filios tenellos continuo fovere, ac protegere digneris,
 Ut nobis in horis mortis adfistere, ac serpentem calcaneo nostro insidiantem reprimere digneris,
 Ut oculos tuos misericordes ad nos Advocata nostra convertas,
 Ut fructu ventris tui nos æternum frui facias,
 Agnus Dei qui tollis peccati mundi, &c.
 Pater Noster. Ave Maria.

1. Dignare me laudare te Virgo sacrata.
 2. Da mihi virtutem contra hostes tuos.
 3. Diffusa est gratia in labiis tuis.
 4. Propterea benedixit te Deus in æternum.
 5. Post partum Virgo inviolata permansisti.
 6. Dei Genitrix intercede pro nobis.
 7. Domine exaudi orationem meam.
 8. Et clamor meus ad te veniat.

Oremus.

Protege Domine famulos tuos subsidiis Pacis, & B. Mariæ semper Virginis patrociniiis confidentes, à cunctis hostibus & periculis redde securos.

Concede nos famulos tuos quæsumus Domine, perpetua mentis & corporis sanitate gaudere, & gloriosa B. Mariæ semper Virginis intercessione à præsentis liberari tristitia, & æternæ perfrui lætitiâ.

A cunctis nos quæsumus Domine mentis & corporis defende periculis, & intercedente B. & gloriosa semper Virgine, Dei Genitrice Maria, cum beatis Apostolis tuis Petro & Paulo, atque beato N. & omnibus Sanctis, salutem nobis tribue benignus & pacem, ut destructis adversitatibus, & erroribus, Ecclesia secura tibi serviat libertate. Per eundem Dominum nostrum.

C A P. IV.

ROSARIUM DE IPARÆ

VIRG. MARIAE.

Ex Vita & Elogiis ejusdem.

AD MONITIO de sequentis Rosarii
 scopo & usu.

Vitam Christi Salvatoris Rosario Rhythmico; & grata ad usum quotidianum methodo, digestam habes Sect. 6. Similem operam beatissimæ Redemptoris Mariæ, ejusque Cul-
 tribus non ingratam fore ratus, sequens Rosarium adornavi.

Qq

In

In utroque hoc potissimum spectari, ut Christi, & matris eius Mariæ vitam ac Elogia præcipua, velut uno fasce & intuitu tibi ponerem ob oculos; & devotis pariter meditationibus, & piis affectibus materiam suggererem.

Tu itaque alternis piæ mentis exercitiis Christum & Christi Matrem cole: Gratiior autem ipsis, aut utilior tibi cultus non erit, quam si imitari studeas, quos colis. Præclara utrobique omnium virtutum exempla fulgent; eaque passim Rosarium utrumque satis indicat.

De Christi vita ac virtutibus, tum meditandis, tum imitandis habes Sect. 6. Sed nunc quid potissimum in Christi Matre mireris, ac imiteris, id malo ut ex mellifluo Ambrosio discas. Sit vobis (inquit ille) tanquam imagine descripta Virginitas, Vitaque B. Mariæ, de qua velut speculo relucet species castitatis, & forma virtutis. Hinc sumatis licet exempla vivendi, ubi tanquam in exemplari magisteria expressa probitatis, quid corrigere, quid effugere, quid tenere debeatis, ostendunt. Virgo erat non solum corpore, sed etiam mente, corde humilis, verbis gravis, animo prudens, loquendi parcius, legendi studiosior, intenta operi, verecunda sermone, arbitrum mentis, solita non hominem, sed Deum quærere.

Nihil torvum in oculis, nihil in verbis procax, nihil in actu inverecondum. Et post multa subdit: Talis denique fuit Maria, ut ejus unius vita omnium disciplina sit. Si igitur auctor non displicet, opus probemus: ut quicumque ejus optat præmium, imitetur exemplum, &c. *Hæc Ambrosius lib. 2. de Virginibus.*

S. BERNARDUS Homil. 4 super Missus.

Ne avertas oculos tuos à fulgore hujus sideris (Mariæ) si non vis obrui procellis: si insurgunt venti temptationum, respice stellam, voca Mariam, &c. Ipsam sequens non devias: Ipsam rogans non desperas: Ipsam cogitans non erras. Ipsa tenente non corruis. Ipsa protegente non metuis. Ipsa duce non fatigaris. Ipsa propitia pervenis, & sic in temetipso experieris, quam merito dictum sit: Et nomen Virginis Maria.

DE C A S. I.

Salve *Mater* Pietatis,
Per æternum *Trinitatis*
condita consilium.

Immensum, Increatum
Verbum Patris, incarnatum
Mater gignas *Filium*.

Pater noster.
Gaude Cœlum, & mirare;

Plaudite terra, plaudite Mare;
Deum laudent omnia.

Jam *Creator* Potens jure,
Ex ovo fœtu Creaturæ.

Mundo parat gaudia.

Ave Maria.
Quam felix & præclara;

Deo grata nobis, cara
Virginis *Conceptio*!

Quæ parentes infecundos
Prole beat, nos immundos

Vita beneficio.

Ave Maria.
Quam præstans atq; pura,

Quæ transceudens carnis jura
Nescit improprium!

Quæ clausum plaudite Cœlum,
Recreatur en anhelum

Patrum desiderium.

Ave Maria.
Quam felix fulsit hora,

Quæ confurgens hæc *Aurora*
Mortis umbram dissipat!

Quæ natalem nacta purum,
Pulchra jam venturum

Mundo *Solem* nunciat.

Ave Maria.

O Beata, quæ futura
Dei Mater es Natura;

Nobis Mater Gratia.

Paradisus Voluptatis,

Et Asylum Libertatis;

Causa que lætitiæ.

Ave Maria.

Novum zeli mox exemplum

Das tenella, petens Tem-
plum

Præsentanda Domino.

Et ter qui nos trima scandis

Gradus, prima casto pandis

Vota libens animo.

Ave Maria.

Hinc devota famularis,

Manens templo, nec lassaris

Domini servitio.

Psallis, oras, & laboras;

Deum laudas, & honoras

Proximos officio.

Ave Maria.

Hinc accendunt omnem
sexum

Castitatis ad amplexum

Virginis vestigia.

Erat olim laus fœcundis,

Sed jam nova profert mundis

Virgo privilegia.

Ave Maria.

Ergo Matrem Salvatoris

Votum cordis, & vox oris

Celebret in jubilo.

Cujus Ortus Medicinam,

Cujus Vita vim divinam

Dat languenti sæculo

Ave Maria.

Terogamus vota pari,
Fac nos portu salutari
Dei sistat gratia.
Da Virtutem castæ mentis;
Ne, quem calcas tu, Serpen-
tis
Perdat nos versutia.

Ave Maria.

Pater summæ Majestatis,
Iesu Rex Clementia,
Spiritus Fons Sanctitatis,
Unius Potentiæ.
Per tot dona pietatis
Auctor indulgentiæ,
Confer opem desolatis,
Et augmenta gratiæ.

DE CAS. II.

Salve Virgo Salutata,
Et mox fructu fecundata,
Quo Salvantur sæcula.
Verbum Virgo concepisti,
Paranympho dum fuisti
Gabrieli credula.

Pater noster.

Regi Regum quam fuisti,
Digna sponsa! Quæ fulsisti
Ut in spinis lilium.

Sic confortem jam naturæ,
Sed mutato carnis jure,
Dei capis Filium.

Ave Maria.

Virgo Viro desponsaris;
Sed sis Mater expers maris,
Virgo gestas uterum.
Ioseph timet, sed securum
Reddit Angelus, & pur um

Promovet conjugium.

Ave Maria

Rubus olim ardebat;
Sed nil ignis depulcebat;
Quin illæsus viruit.
Sic virtute spiritali,
Salvo flore virginali
Virgo Deum genuit.

Ave Maria

O mirandam novitatem!
Matris ornat castitatem
Filii conceptio!
Eva mortis tulit ictum;
Ave delet maledictum,
Cedit jam deceptio.

Ave Maria

Prima Parens nobis luctum,
Sed Secunda vitæ fructum
Protulit cum gaudio.

Eva, jugo Servitutis,
Sed Maria nos Salutis
Afficit remedio.

Ave Maria

Tu naturæ contra ritum,
Arcto prægnans Infinitum
Ventre claudis parvula.
Homo Deum, Stella Solem,
Nata Patrem, Virgo Prolem,
Antiquum Iuvencula.

Ave Maria,

Vno finu capis Agnum,
Et Leonem, Parvum, Ma-
gnum,

Finem & Principium.
Et mortalem, Æternumque,
Et Cœlestem; Terrenumque,
Servum atque Domimum.

Ave Maria.

Hujus

Hujus nodum Sacramenti
Non subtilis arguenti
Pandet indagatio.
Nolle modum non est meum:
Scio tamen posse Deum,
Quod non capit Ratio.

Ave Maria.

Quis non laudet & lætetur?
Quis non gaudens admirètur
Opus tantæ gratiæ?
Et ascendat Homo reus.
Quo descendit potens Deus
Servi testus specie!

Ave Maria.

Et tu Virgo tam præclara,
In qua gesta tam sunt rara
Domini mysteria:
Per hæc, precor, nos pecca-

tis,

Et terrenæ pravitatis
Exime miseria.

Ave Maria.

Pater summa Majestatis,
Iesu Rex Clementiæ,
Spiritus Fons Sanctitatis,
Unius Potentie.
Per tot dona pietatis
Auctor indulgentiæ,
Confer opem desolatis,
Et augmenta gratiæ.

Paritura sine pare
Mox Ancilla Dominum.

Pater noster.

Pergens ergo post conce-
ptum

Per montana, mox effectum
Tantæ monstras Gratia.

Hinc cum Matre Visitata
Sensit proles nondum nata
Tuæ vim præsentia.

Ave Maria.

Dum se Matres amplexantur,
Mox utrinque revelantur

Prolium magnalia.

O quam pium fert Amorem,
Quantum præstat & Hono-
rem

Virginis præsentia?

Ave Maria.

Ecce manus Prophetarum
Mox percepit jubar clarum
Silutante Domina.

Et quis erit peccatorum,
Quem non dives meritum
Beet tanta Fœmina?

Ave Maria.

Quisquis ergo sis, memento,
Quantum nostri munimenta
Favor profer Virginis.

Cui Deus Majestatis
Magna tot, vi potestatis
Causa Fecit hominis.

Ave Maria.

DECAS IV.

Salve Virgo Christi Pa-
rens,
Virgo salve labe carens,
Salve Flos ô virginum.
Donum gestans singulare,

Caput Anguis Hæc contrivit,
Cujus formam concupivit
Rex Æternæ gloriæ.

Nihil ira trux Serpentis,
Nihil in hanc vis frementis

Qqz

Potus

Potuit invidiæ.

Ave Maria.

Hæc est *Virga* ferens Florem,

Felix *Terra*, Salvatorem

Germinans fidelibus.

In hac natum Cœli rore

Manna, grato dans sapore

Robur viatoribus.

Ave Maria.

Hæc est ille *Fons* signatus.

Hortus clausus, & rigatus,

Gratiæ fluminibus.

Hæc est *Vellus* trahens ro-
rem;

Ager plenus, dans odorem

Cunctis terræ finibus.

Ave Maria.

Hæc est *Thronus* Salomonis,

Cui nullus par est in donis,

Arte vel materia.

Ebur candens *Castitatis*,

Aurum fulgens *Charitatis*,

Denotat mysteria

Ave Maria.

Arca, *Turris* Hæc vocata,

Et Castrorum ordinata

Acies terribilis.

Lignum Vitæ, *Scala* Cœli,

Omnī patens *Urbs* Fideli,

Arx inexpugnabilis.

Ave Maria.

Porta Cœli, *Templum* Dei,

Maris *Portus*, ad quem rei

Currunt cum fiducia.

Nec auditum quod salutis

Implorata destitutis

Deneget auxilia.

Ave Maria.

Pater *summæ Majestatis*,

Iesu Rex *Clementiæ*,

Spiritus *Fons Sanctitatis*,

Vnius Potentiæ.

Per tot dona pietatis

Auctor indulgentiæ;

Confer opem desolatis,

Et augmenta gratiæ.

DECAS IV.

Salve Mater novi moris,

Expers paræ quæ dolori

Salvatorem Gentium

Nil hic scædum, nil probro
sum:

Talem Matrem tam formo-
sum

Decet Puerperium.

Pater noster

Gigas velox, Pugil fortis,

Princeps pacis, victor mortis

Rex immensus gloria.

Ad currendam venit viam,

Complens in se Prophetiam,

Legisque mysteria.

Ave Maria.

Sed ô vilis apparatus!

Cœli Rex ac Terræ natus

Pauper est obsequio.

Ecce Rector Angelorum,

Boum confors & Pastorum,

Jacet in præsepio.

Ave Maria.

Homo suum parit Deum,

Fovet, tractat, nutrit eum

Fert *Portantem* omnia.

Cibum *Pani*, potum *Fonti*.

Victum

DE B.V. MARIA, & BEATA MORTE. 593

Vidum *Vita*, cunas *monti*
Soli præbes lumina!

Ave Maria.

Dulce Mater Os lactavit,
Cujus manus nos formavit,
Et dat escas omnium.

Qui se *Nascens* in Confor-
tem,

Et in *Lytrum Passis* mortem,
Regnans dat in Præmium.

Ave Maria.

Sed cur mater summi Regis

Utro subis iussa legis,

Legi non obnoxia?

Pura Tota purgari?

Cur vis pauper æstimari

Vulgi portans munera?

Ave Maria.

Pulcra Trias ô Virtutum!

Quibus claret hic imbutum

Matris cor & *Filii*!

Obedire tam paratis,

O quis Amor *Puritatis*!

Quæ *Paupertas* animi!

Ave Maria.

Quos transgressor necat po-
mo,

Christus salvat, factus *Homo*,

Miro prorsus ordine.

Adam primus per Confor-
tem,

Perdit nos; secundus mor-
tem

Destruit in *Virgine*.

Ave Maria.

Num abhorres Peccatores,

Sine quibus nunquam fores

Tanto clara *Filie*?

Si non essent redimendi;

Nulla tibi pariendi

Redemptorem ratio.

Ave Maria.

Sed quam prompta sis Amo-
re,

Pro Materni cordis more

Dextram ferre miseris;

Monstras signi spe divini,

Dum pro Sponsis curam vini

Supplex Nato suggeris.

Ave Maria.

En ô Mater Pietatis,

Quantam nostris spem rogatis

Tua dent præsidia!

Per te *Deum* quærit reus,

Ad quem per te venit *Deus*,

Sis amborum media.

Ave Maria.

Pater *summa Majestatis*,

Iesu Rex Clementiæ,

Spititus *Fons Sanctitatis*,

Vnius Potentiæ.

Per tot dona pietatis,

Auctor indulgentiæ;

Confer opem desolatis,

Et augmenta gratiæ.

DE CAS V.

S Alve Mater quæ penden-
tem,

Et pro nobis morientem

Cruce cernis Filium!

Heu, quis dolor! perdis Na-
tum,

Cujus vice commendatum

Qq 4

Recit

Recipis Discipulum.

Pater noster.

Qui surrexit vincens mor-
tem,

Cœlo locat te consortem,
Patris sedens dextera.

Miro gaudes aucta dono,
Dum sublimi fulges Throno,
Cœli calcans sidera.

Ave Maria.

Sed nec Terra fas abscondi

Corpus, ex quo Sator mun-
di,

Et salvator prodiit.

Iure carnis vincit jura,

Quæ non unquam peritura

Verbum Carne vestiit.

Ave Maria.

Exaltatæ supra cœlos

O quo plausu dulce melos

Cœli canunt Agmina!

Quidni? Cœlo, Terra,
Mari,

Virgo debet celebrari,

Andequaque Domina.

Ave Maria.

Ego Virgo sic promota

Causa nostri, nostra vota

Promovenda suscipe.

Quod si reos sancta suernis,

Vt quid sis prælata ternis

Hierachiis, respice.

Ave Maria.

In hac valle lacrymarum

Nihil constans, nihil cla-
rum;

Suspecta sunt omnia.

Quid hic nobis erit tutum

Cum nec ipsa vel virtutum
Tuta sit victoria?

Ave Maria.

Caro menti reluctatur,

Mundus carni suffragatur,

Nobis in perniciem.

Satan instat nos intestans,

Nunc se palam manife-
stans,

Nunc occultans rabiem.

Ave Maria.

Tot ac tantis lacerasti,

Non valemus, heu, reniti,

Passi damna virium.

Hinc saggitis tot ferimur;

Hinc diversis irretimur

Laqueis venantium.

Ave Maria.

Sed Maria mater Dei

Tu post Natum fida *Spei*

Anchora Fidelium.

Tu Solatrix miserorum,

Tu Patrona peccatorum

Pressis fer anxilium.

Ave Maria.

Intendentes tuæ laudi

Nos attende, nos exaudi,

Nos à morte libera.

Quæ post Christum primæ

sedes,

Inter Nati Cōhæredes,

Clientes annumera.

Ave Maria.

Natus Patri cruentatum

Cor, & corpus vulneratum;

Sed tu monstras ubera,

Et quis possit non audiri,

Vbi constat tot uniri

Amor

Amoris insignia?	Vnius Potentia.
Ave Maria.	Per tot dona pietatis,
Pater summa Majestatis,	Auctor indulgentia;
Iesu Rex Clementia,	Confer opem desolatis,
Spiritus Fons Sanctitatis.	Et augmenta gratia.

C A P. V.

Varii Hymni Rhythmici ad B. Virginem

M A R I A M.

Pia Meditatio in Salutationem Angelicam.

Numero versuum xv, annum atatis indicans, quæ MARIA
Virgo ab Angelo salutata, & DEI Mater facta est.

A ve Virgo, Spes salutis;	Plane dulcis, nulli fellis
Eva tulit servitutis,	Subjacens contagio.
Tu tollis opprobrium.	In te nihil indecori,
O Maria desperatis	Hinc te laudant omnes
Dans solamen, & damnatis	Chori
Vitæ reddens præmium.	Supernorum Civium.
G ratia tu singularis,	Mulieribus honore
Maris stella Solem paris,	Præis Mater, at amore
Dei gignens Filium.	Corda trahis omnium.
P lena donis Vena fluis	Et quis tantæ puritatis;
Aquam Vitæ, malæ luis	Vt persolvat digne fa-
Adferens remedium.	tis
D ominus, qui cuncta regit,	Virginis præconium?
Sibi Sponsam te selegit;	Benedictus, qui fit Homo,
Dominamque Gentium.	Servans, quos damnavit
T ecum manens, te munivit,	pomo
Caput Anguis mox contri-	Adam primus hominum.
vit	Fructus mire delicatus;
N obile commercium.	Et in cibum nobis datus
B enedicta quæ præcellis	Robur fit languentium.
Et matronis, & puellis,	Ventris casti natus flore,
Major privilegio.	Verum satus Cæli rore
T u fons roris, favius mellis	Fructum pellit noxium.

Tui sumus, en, Clientes,
Tu sis Mater, & gemen-

tes
Duc ad Cœli gaudium.

H Y M N U S

Ad Beatam Virginem MARIAM.

Ave Virgo singularis,
Mater nostri *Salutaris*,
Cœli Decor, *Stella Maris*,
Arca mundi mystica
Nos in hujus Vitæ Mari
Ne permittas naufragari;
Sed favoris vela cari

Clemens in nos explica.
Sævit mare, furunt venti,
Fluctus surgunt turbulenti;
Navis currit; sed currenti
Heu, quot obstant no-

xia!
Hic Sirenes voluptatis,
Mundus, Caro, cum Pira-

tis
Mortem pæne desperatis
Hæc intentant omnia.
Post abyssos nunc ad Cœ-

lum,
Fluens unda fert phaselum,
Nutat malus, fluit velum;
Fallax fugit Anchora.

Heu tabescit in his malis
Homo noster animalis,
Sed tu *Mater* specialis
Ad succursum propera,
Tu perfusa Cœli rore,
Castitatis salvo flore,
Novum Fructum novo more
Protulisti sæculo,

Verbum Patri coæquale,
Corpus sumat ut mortale,
Claustrum subit Virginalè;
Latens hoc ergastulo.
Te prævidit & elegit,
Qui potenter cuncta regit,
Nec pudoris claustra fregit,
Sacra replens viscera.

Contra primæ Matris mo-

rem,
Nec pressuram, nec dolo-

rem,
Pariendo Salvatorem,
Sustinens puerpera.
Radix sancta, radix viva,
Flos & Vitis, & Oliva,
Nulla quamvis insitiva
Juvit, ut fructificet.

Lampas Soli, splendor Poli,
Quæ fulgore præis Soli,
Nos commenda tuæ Proli.
Mœstos fac lætificet.

O Maria pro tuorum
Dignitate meritum,
Supra Choros Angelorum
Sublimaris unice,

Sede fulgens jam superna,
Sorte gaude sempiterna,
Pierate sed materna,
Nos in imo respice.

In conspectu Summi Regis

Si

Sis devoti memor gregis,
 Qui transgressus iussa legis
 Supplicat pro gratia.
 En stat miser pœna dignus:
 Sed & Iudex en benignus
 Reis spei dedit pignus
 Crucis factus hostia.
 Iesu sacri Ventris Fructus,
 Nobis sis per mundi fluctus

Via, Lux, Dux, & Condu-
 ctus
 Salvus ad cœlestia:
 Tene clavum, rege navem,
 Tempestatem seda gravem,
 Nos in portum induc sua-
 vem
 Tua pro clementia,
 Amen.

De septem Gaudiis

B. M A R I Æ Virginis.

I. *Gaudium.*

G *Aude* Virgo Mater Christi,
 Quia Iesum concepisti
 Gabriele nuncio.
 Ergo Mater, fac salvemur,
 Nam quod *Matrem* te fate-
 mur,
 Nostra Salus ratio.

Magi stella prælucente
 Dona ferunt Filio.
 Fac donemur Pietate,
 Fide, Spe, cum Charitate,
 Pudorisque lilio.
Ave Maria.

Ave Maria.

II. *Gaudium.*

Gauae Mater Deo plena,
 Novo gignens sine pœna
 Fœtum puerperio.
 Eja Virgo peramœna,
 Casto natum mens serena,
 Stringat desiderio.

IV. *Gaudium.*
Gaude, quia dulcis Nati,
 Quem vidisti mortem pati,
 Fulget Resurrectio.
 Fac ab imo vitiorum
 Surgat mens, & supernorum
 Gustum spiret Actio.

Ave Maria.

III. *Gaudium.*

Gaude quod ab Oriente

V. *Gaudium.*
Gaude Cœlos Adscendente
 Nato, vides quem repente
 Ferri motu proprio.
 Via Vitæ restituta,

Quam

Quam post Natum tu secuta
Fac sequamur serio.

Ave Maria.

VI. *Gaudium.*

Gaude quia Paraletus
Missus Cœlo, novos fœtus
Igne format Entheo.
Igne sacri nos Amoris
Fac accendi, ne laboris
Capiamur tædio.

Ave Maria.

VII. *Gaudium.*

Gaude quæ post Christum
scandis
Astra Cœli, hisque grandis,
Filii consortio.
O fac Fructu Ventris tui
Per te nobis detur frui
In perenni gaudio.

Ave Maria.

H Y M N U S

De septem doloribus beatiss. V. MARIE.

Dolor I.

Ave dulcis Mater Christi,
Quæ cor tuum gladio
Transfigendum discis tristi
Senis vaticinio.
Tanti memor fac doloris,
Mihi sis præsidio:
Vt post vallem hanc mœro-
ris
Cœli reddar gaudio.

Ave Maria.

Dolor III.

Ave dulcis Mater Christi,
Natum lugens inclytum.
O quam tristis quærivisti
Triduo jam perditum!
Hujus memor ô doloris,
Christum fac inveniam,
Et inventum per Amoris
Nexum semper teneam.

Ave Maria.

Dolor II.

Ave dulcis Mater Christi,
Quæ præ Regis furia,
Sævientis cæde tristi,
Fugis exul Patria.
O Regina Beatorum;
Nostri Spes Exilii;
Fac infractus vi malorum
Fiam consors Filii.

Ave Maria.

Dolor IV.

Ave dulcis Mater Christi,
Quæ dilectum Filium
Capi, cædi, flens vidisti
Manibus crudelium.
O per poenas Patientis
Nobis sit impunitas:
Per amorem Condolentis
Matris, crescat charitas.

Ave Maria.

Ave

Ave dulcis Mater Christi,
Quæ sub Crucis arbore
Gemens, Natum morte tri-
sti

Vides, heu, succumbe-
re.

Operensem hunc Doloris,
Qui tunc scidit animam;
Fac me firmet Vis Amo-
ris

Mortis ad Victoriâ.

Ave Maria.

Dolor VI.

Ave dulcis Mater Chri-
sti,

Quæ de Cruce mortuum
Unis Natum suscepisti,
Madens unda fletuum.
Eja præstet vis doloris,
Mater plena gratiæ,
Ut supremis server horis
Gremio Clementiæ.

Ave Maria.

Stare nos viriliter.
Demum sorte Beatorum
Fac gaudere jugiter.

Ave Maria.

S. AUGUSTINUS.

*Omnes Maria patrocinia
omnia visu imploremus, ut
dum supplici obsequio eam
frequentamus in terris, ipsa
nos prece sedula commendare
dignetur in cælis.*

*Idem: Non est dubium,
eam qua meruit pro liberan-
dis proferre pretium posse
plus omnibus Sanctis, liber-
tatis impendere suffragium.
Te solam, ô Maria, pro san-
cta Ecclesia sollicitam præ
omnibus Sanctis scimus, qua
impetras inducias transgres-
soribus, ut renuncient suis
erroribus.*

Dolor VII.

Ave dulcis Mater Christi,
Quæ sepulchro conditum
Plangis Natum, heu quam
tristi

Mente volvens abitum!
In virtute tot dolorum,
Quos tulisti fortiter;
Omni contra vim malo-
rum

Adspiratio Horaria ad
B. Virginem.

*O Maria Mater gratiæ,
Mater misericordiæ,
Tu nos ab hoste protege,
Et in hora mortis suscipe.*

*Alius Hymnus ad Beatam
Virginem.*

S Alve Virgo stirps beata,
Fructu cujus instaurata
Viræ sunt primordia.
In Salutem præparata,
Desperatis spes optata,
Ægris dans remedia.
Iuga legis quos premebant,
Ad te vota suspendebant
Planctus & suspiria.
In tormentis post te flebant,
Te lamentis requirebant
Captivorum agmina.
Templum facta Majestatis,
Pulsos primæ dignitatis
Ducis ad palatia.
Paradisus voluptatis
Tu virore sanctitatis
Perfudisti sæcula.
Verbo foeta, partu læta,
Nobis datum profers Natum
Genitricum gloria.
Omni laude digna gaude,
Stella Maris, Sol quem pa-
ris,
Mundum replet gratia.
Stella fulgens, foelix ortus,
Cujus ductu vitæ portus
Patet pulsus Patria.
Mortis jam deletur pactum:
Cadit hostis jus confractum,
Ditis lugent atria.
Per te salvi te collaudent,
Per te detur, quod non au-
dent

Preces & mens conscia.
En nos culpæ moles premit,
Sed tu Nato, quos redemit,
Offer & concilia. Amen.

*Planctus beatæ Mariæ
Virginis.*

S Tabat mater dolorosa,
Juxta crucem lacrymosa
Dum pendebat Filius.
Cujus animam gementem,
Contristantem, & dolentem,
Pertransivit gladius.
O quam tristis & afflicta
Fuit illa benedicta
Mater Unigeniti!
Quæ mœrebat & dolebat
Et tremebat, cum videbat
Nati pœnas inclyti.
Quis est homo qui non fle-
ret,
Christi matrem si videret
In tanto supplicio?
Quis posset non contrista-
ri,
Piam matrem contemplari
Dolentem cum Filio?
Pro peccatis suæ gentis
Vidit Iesum in tormentis,
Et flagellis subditum.
Vidit suum dulcem na-
tum
Morientem desolatum,
Dum emisit spiritum.
Eja Mater fons amoris,
Me sentire vim doloris
Fac, ut tecum lugeam.

DE B. V. MARIA, & BEATA MORTE. 601

Fac ut ardeat cor meum ,	Fac ut portem Christi mor-
In amando Christum Deum ,	tem ,
Vt sibi complaceam.	Passionis ejus sortem ,
Sancta mater istud agas ,	Et plagas recolere.
Crucifixi fige plagas	Fac me plagis vulnerari ,
Cordi meo valide.	Cruce hac inebriari ,
Tui nati vulnerati ,	Ob amorem Filii.
Tam dignati pro me pati ,	Inflammatum & accensum ;
Poenas mecum divide.	Per te Virgo sim defensus
Fac me vere tecum flere ,	In die judicii.
Crucifixo condolare ,	Fac me Cruce custodiri ;
Donec ego vixero.	Morte Christi præmuniri ,
Iuxta crucem tecum stare ,	Confoveri gratia.
Te libenter sociare	Quando corpus morietur ;
In planctu desidero.	Fac ut animæ donetur
Virgo Virginum præclara ,	Paradisi gloria.
Mihi jam non sis amara ,	Amen.
Fac me tecum plangere.	

H Y M N U S

mire devotus ac elegans,

Honori Deiparæ Virginis M A R I Æ,

à S. CASIMIRO, *Filio Casimiri Jagelloni*
Regis Poloniæ, compositus, &
quotidie recitari solitus.

*Qui anno 1604, cum Sancti illius sepulchrum renovaretur,
capiti ipsius suppositus repertus est.*

DECASI.

O Mni die dic Mariæ
Mea laudes anima ,
Ejus festa, ejus gesta ,
Cole devotissima.
Contemplant & mirant
Ejus celsitudinem.

Dic felicem Genitricem ,
Dic Beatam Virginem.
Ipsam cole, ut de mole
Criminum te liberet.
Hanc appella, ne procella
Vitiorum superet.
Hæc persona nobis dona
Contulit Cœlestia.

Hæ

Hæc Regina nos divina
Collustravit gratia.

Lingua mea dic trophæa
Virginis puerperæ.
Quæ inflictuum maledictum
Miro transfert germine.

Sine fine dic Reginæ
Mundi, laudum cantica;
Eja bona semper sona,
Semper illa prædica.

Omnes mei sensus ei
Personate gloriam.
Frequentate tam beatæ
Virginis memoriam.
Nullus certe tam disertæ
Exstat eloquentiæ,
Qui condignos promat hym-
nos
Ejus excellentiæ.

Omnes laudent unde gau-
dent
Matrem Dei Virginem.
Nullus fingat quod attingat
Ejus celsitudinem.

Sed necesse, quod prodesse
Piis constat mentibus.
Vt intendam, quod impen-
dam
In ipsius laudibus.

Ave Maria.

DECAS II.

Quamvis sciam, quod Ma-
riam
Nemo digne prædicet,
Tamen vanus & insanus
Quisquis illam reticet,
Cujus vita erudita,

Disciplina Cœlica;
Argumenta & figmenta
Destruxit hæretica.

Cujus mores tanquam flores
Exornant Ecclesiam.
Actiones & Sermones
Miram præstant gratiam.

● Evæ crimen nobis limen
Paradisi clauserat.
Hæc dum credit & obedit,
Cœli claustra referat.

Propter Evam homo sævam
Accepit sententiam:
Per Mariam habet viam,
Quæ ducit ad Patriam.

Hæc amanda & laudanda
Cunctis specialiter;
Venerari, prædicari
Eam decet jugiter.

Ipse donet, ut quod moner
Natus ejus, faciam:
Vt finita carnis vita
Lætus hunc adspiciam.

O cunctarum sceminarum
Decus arque gloria.
Quam electam & electam
Scimus super omnia.

Clemens audi, tuæ laudi
Quos instantes conspicias.
Munda reos, & fac eos
Donis dignos cœlicis.

Virga Jesse, spes oppressæ
Mentis & refugium,
Decus mundi, lux profundi,
Domini sacrarium.

Ave Maria.

DECAS II.

Vitæ forma, morum nor-
ma,

ple-

Plenitudo gratiæ.
 Dei Templum, & Exemplum
 Totius Iustitiæ,
 Virgo salve, per quam val-

Cujus fructu nos à luctu
 Liberari credimus.

Ave Maria.

DE CAS IV.

Cœli patent miseris;
 Quam non flexit nec allexit
 Fraus Serpentis veteris.
 Generosa & formosa
 David Regis Filia.
 Quam elegit Rex, qui regit,
 Et creavit omnia.

Gemma decens, rosa recens
 Castitatis lilium,
 Castum chorum ad polorum
 Quæ perducis gaudium.
 Actionis & Sermonis
 Facultatem tribue.

Ut tuorum meritorum
 Laudes promam strenue.
 Opto nimis ut imprimis
 Des mihi memoriam,
 Ut decenter & frequenter
 Tuam cātem gloriam.

Quamvis muta & polluta
 Mea sciam labia,
 Præsumendum, nec silendum
 Est de tua gloria.

Virgo gaude, omni laude
 Digna & præconio.
 Quæ damnatis libertatis
 Facta es occasio.

Semper munda & fœcun-

da,
 Virgo tu puerpera.
 Mater alma velut palma
 Florens & fructifera.
 Ejus flore & odore

PUlchra tota sine nota
 Cujuscunque maculæ;
 Fac nos mundos & jucundos
 Te laudare sedule.

O Beata, per quam data
 Nova mundo gaudia!
 Et aperta fide certa
 Regna sunt Cœlestia.

Per te mundus lætabundus
 Novo fulget lumine,
 Antiquarum tenebrarum
 Exutus caligine.

Nunc potentes sunt egen-

tes,
 Sicut olim dixeras:
 Et egeni fiunt pleni,
 Ut tu prophetaveras.

Per Te morum corrupto-

rum
 Delinquantur devia,
 Doctrinarum perversarum
 Pulsa sunt præstigia.

Mundi luxus atq; fluxus
 Docuisti spernere:
 Deum quæri, carnem teri,
 Vitiis resistere.

Mentis cursum tendi sursum
 Pietatis studio,
 Corpus angi, motus frangi,
 Pro cœlesti præmio.

Tu portasti inter casti
 Ventris claustra Dominum
 Redemptorem, ad honorem

R r Nos

Nos reformans pristinum.

Mater facta sed intacta

Genuisti filium:

Regem Regum, atq; rerum

Creatorem omnium.

Benedicta, per quam victa

Mortis est sententia:

Destitutis spe salutis

Datur indulgentia.

Ave Maria.

DE C A S I.

Benedictus Rex Inviectus,

Cujus Mater crederis.

Nobis datus, ex Te natus,

Nostri salus generis.

Reparatrix, Consolatrix

Desperantis animæ,

A pressura quæ ventura

Malis est, nos redime.

Pro me pete, ut quiete

Sempiterna perfruar.

Ne tormentis comburentis

Stagni miser obruar.

Quod requiro, quod suspi-
ro

Mea sana vulnera;

Et da menti te poscenti

Gratiarum munera.

Ut sim castus & modestus,

Dulcis, blandus, sobrius,

Pius, rectus, circumspectus,

Simultatis nescius.

Erudicus & munitus

Divinus eloquiis,

Timoratus, & ornatus

Sacris exercitiis.

Constans, gravis & suavis,

Benignus, Amabilis,

Simplex, purus, & maturus

Patiens & humilis.

Corde prudens, ore studens

Veritatem dicere,

Malum nolens, Deum colens

Pio semper opere.

Esto tutrix & adjutrix

Christiani populi;

Pacem præsta, ne molesta

Nos perturbent seculi.

Salutaris stella maris

Summis digna laudibus,

Quæ præcellis cunctis stellis

Atque luminaribus,

Ave Maria.

P A R S VI.

Tua dulci prece fulci

Supplices, & refove.

Quicquid gravat, vel deprava

Mentes nostras, remove.

Virgo gaude, quod de frau-
de

Dæmonis nos liberas,

Dum in vera & sincera

Deum carne generas,

Illibata & dotata.

Cœlesti progenie.

Gravidata, nec privata,

Flore pudicitiae.

Nam quòd eras, perseveras,

Dum intacta generas,

Illum tractans atque lactans,

Per quam facta fueras.

Commendare me dignare

Christo tuo Filio:

Ut non cadam, sed evadam

De mundi naufragio.

Fac me mitem, pelle litem

Com-

'DE V. B. MARIA, & BEATA MORTE.' 605

Compeſce laſciviam.
Contra crimen damnum
Et mentis conſtantiam.
Non me liget, nec fatiget
ſeculi cupiditas:
Quæ indurat & obſcurat
Mentes ſibi ſubditas.
Nunquam ira, nunquam
dira
Me vincat elatio:
Quæ multorum fit malorum

Frequenter occaſio.
Ora Deum, ut cor meum
Sua ſervet gratia;
Nec antiquus inimicus
Sentinet zizania.
Da levamen & juvamen
Tuum illis jugiter,
Tua Feſta, ſive Geſta
Qui colunt alacriter.

Ave Maria:

C A P. II.

O R A T I O N E S V A R I Æ
ad Beatiff. Virginem Deiparam.

Oratio S. BERNARDI ad Deiparam Virginem

M A R I A M.

O Dulciſſima Virgo *Maria*, per te acceſſum habeamus ad
Filium, & per te nos ſuſcipiat, qui per te datus eſt no-
bis. Excuset apud ipſum integritas tua culpam noſtræ corru-
ptionis, & humilitas tua Deo tam grata noſtræ veniam impetret
unitati ac ſuperbiæ.

Copioſa charitas tuâ noſtrorum cooperiat multitudinem
peccatorum: Et fecunditas tua glorioſa fecunditatem nobis
conferat meritum.

O Domina noſtra, mediatrix noſtra, Advocata noſtra, tuo
Filio nos commenda, tuo Filio nos reconcilia, tuo Filio nos
repræſenta. Fac, ô benediſta, per gratiam quam meruiſti,
per miſericordiam, quam peperiſti, ut qui te mediante di-
gnatus eſt fieri particeps infirmitatis & miſeriæ noſtræ, te quo-
que intercedente participes nos faciat beatudinis & gloriæ
ſuæ, Ieſus Chriſtus Filius tuus Dominus noſter, qui eſt
ſuper omnia benediſtus in ſæcula. Amen.

R 2

Oratio

*Oratio ad Beatam Virginem MARIAM & simul ad
B. Ioannem Euangelistam.*

O Intemerata, & in æternum benedicta, singularis atque incomparabilis Virgo Dei genitrix *Maria*, gratissimum Dei templum, Spiritus sancti Sacrarium, Ianua Regni Cælorum, per quam post Deum totus vivit orbis terrarum. Inclina Mater misericordiæ aures tuæ bonitatis indignis supplicationibus meis, & esto mihi miserrimo peccatori pia & propitia in omnibus auxiliatrix.

O Ioannes beatissime Christi familiaris & amice, qui a eodem Domino nostro IESU Christo Virgo es electus, & inter cæteros magis dilectus, atque in Mysteriis cælestibus ultra omnes inbutus; Apostolus enim & Evangelista factus es præclarissimus: te etiam invoco cum Maria Matre ejusdem Domini nostri Iesu Christi Salvatoris, ut mihi opem tuam cum ipsa conferre digneris.

O duæ gemmæ Cœlestes, *Maria*, & *Ioannes*! O duo luminaria, divinitus ante Deum lucentia, vestris radiis scelerum meorum effugate nubila. Vos enim estis, Deus est testis, illi duo, in quibus unigenitus Dei Filius, ob sincerissimæ Virginitatis meritum, dilectionis suæ confirmavit privilegium in cruce pendens: uni vestram ita dicens; *Mulier, ecce Filius tuus*; deinde ad alium; *Ecce Mater tua*.

In hujus ergo tam sacratissimi amoris dulcedine, qua tum ore Dominico velut mater & filius ad invicem conjuncti estis, vobis duobus ego miserrimus peccator commendo hodie corpus & animam meam: ut in omnibus horis atque momentis interius atque exterius firmi custodes, & pii apud Deum intercessores mihi existere dignemini, quæso, corporis & animæ salutem.

Agite quæso, agite vestris gloriosis precibus, ut cor meum invadere & inhabitare dignetur Spiritus almus, gratiarum Largitor optimus, qui me à cunctis vitiorum sordibus expurget; Virtutibus sacris illustret, & exornet, in dilectione Dei & proximi mei perfecte stare & perseverare me faciat & post hujus vitæ cursum ad gaudia ducat Electorum suorum.

beni

benignissimus Paraclitus. Qui cum Deo Patre, & Filio vivit & regnat in sæcula sæculorum, Amen.

Commendatio ad B. V.

O Domina mea, sancta Maria, me in tuam benedictam fidem, ac singularem custodiam, & in sinum misericordiae tuae, hodie, & quotidie, & in hora exitus mei animam meam & corpus meum tibi commendo: omnem spem & consolationem meam, omnes angustias & miseriae meas, vitam & finem vitae meae tibi committo: ut per tuam sanctissimam intercessionem, & per tua merita, omnia mea dirigantur & disponantur opera, secundum tuam tuique Filii voluntatem.

Oratio ad beatam Virginem MARIAM pro felici Morte.

O Dulcissima Iesu Mater, Virgo Maria, Patrona mea, visceribus misericordiae plena, succurre mihi misero peccatori, antequam mors subitanea & improvisa superveniat: ne subito & imparatus de hoc mundo transeam.

Ora pro me Maria Virgo benedicta, ob unigeniti Filii tui Domini nostri Iesu Christi passionem ac mortem amarissimam, ut peccati detestatione, Diaboli & operum ejus abrenunciatione, vera contritione, pura & humili confessione, poenitentia & satisfactione, digna Dei acceptione, & proximi dilectione, Filio tuo reconciliatus de hoc mundo transeam.

Et fac mecum misericordiam tuam, o beata Virgo Maria, mater Dei, in illa tremenda hora, quando spiritus vitales deficient, mortua lingua se nequibit movere ad invocandum te; neque oculi mei lucem capere poterunt, auresque meae nulli voci patefcent: Memor esto tunc o Maria precum, quas nunc fundo ad aures tuae pietatis, & subveni mihi in ultima hora necessitatis meae, ut liberer à ministris Diaboli, & collocer cum Christi fidelibus, Filii tui servis & amicis, Amen.

O Bsecro te Domina sancta, *Maria* mater Dei, pietate plenissima, Summi Regis Filia. Mater gloriosissima Mater orphanorum, Consolatio desolatorum, Via errantium, Salus omnium in te sperantium, Virgo ante partum, Virgo in partu, & Virgo post partum, Fons misericordiae, Fons salutis & gratiae, Fons consolationis & indulgentiae, Fons pietatis & laetitiae, Fons vitae & veniae: per illam sanctam & ineffabilem laetitiam, qua exultavit Spiritus tuus in illa hora, in qua tibi per Gabrielem Archangelum annunciatum & conceptus Filius Dei fuit.

Et per illam sanctam & ineffabilem humilitatem, qua respondisti Archangelo Gabrieli: Ecce Ancilla Domini. *Fiat* mihi secundum verbum tuum: & per illud divinum mysterium, quod tunc operatus est in te Spiritus sanctus, & per ineffabilem gratiam, pietatem, misericordiam, amorem, & humilitatem, per quas Filius tuus Dominus noster *Jesus* Christus descendit accipere humanam carnem in venerabilissimo utero tuo: & per gloriosissima gaudia, quae habuisti de Filio tuo Domino nostro *Jesu* Christo.

Et per illam sanctam & maximam compassionem, & acerbissimum cordis dolorem quem habuisti, quando Filium tuum Dominum nostrum *Iesum* Christum ante Crucem nudatum, & in ipsa levatum, pendentem, crucifixum, vulneratum, sitientem, amarissimum potum, fel & acetum ori ejus apponi vidisti: Eli clamantem audisti, & morientem vidisti.

Et per quinque vulnera ejusdem Filii tui: & per contractionem viscerum tuorum pra nimio dolore vulnerum suorum: & per dolorem quem habuisti, quando vidisti eum vulnerari, & per fontes Sanguinis sui: & per omnem passionem ejus, & dolorem Cordis tui; & per fontes lacrymarum tuarum: ut cum omnibus Sanctis & Electis Dei venias, & festines in auxilium & consilium meum; in omnibus orationibus & petitionibus meis, in omnibus angustiis & necessitatibus meis, & in omnibus illis rebus, in quibus ego sum aliquid factururus, locuturus, aut cogitaturus, omnibus diebus ac noctibus, horis atque momentis vitae meae.

Et mihi famulo tuo impetres à dilecto Filio tuo Domino Iesu Christo virtutum omnium complementum, cum omni misericordia & consolatione, omni consilio & adiutorio, omni benedictione & sanctificatione, omni salvatione, pace & prosperitate, omni gaudio & alacritate: etiam abundantiam omnium bonorum spiritualium, & sufficientiam corporalium, & gratiam sancti Spiritus, qui me bene per omnia disponat, animam meam custodiat, corpus meum regat & protegat, mentem erigat, mores componat, actus progat, mentem erigat, mores componat, actus probet, cogitationes sanctas instituat, præterita mala indulgeat, præsentia emendet, & futura moderetur: vitam honestam & caram mihi tribuat: Fidem, Spem, & Charitatem mihi præstet: articulos fidei firmiter credere, & præcepta legis observare me faciat: sensus corporis mei regat & protegat, & à peccatis mortalibus me semper liberet & defendat usque in finem seculi.

Hanc orationem suppliciter exaudiat, & suscipiat, & vitam æternam mihi tribuat. Audi, & intercede pro me dulcissima Virgo Maria, mater Dei & misericordiæ, Amen.

C A P. VII.

D E R O S A R I O

B. V. Vulgari.

P I O L E C T O R I.

Nier cetera Pietatis Exercitia, frequens imprimis est usus Rosarii B. Virg. quod quidem integrum constat XV. Orationibus Domin. & 150. Salutat. Angelicis. Alias divisim recitari solet, distributum in Gaudiosum, Dolorosum, & Gloriosum: quorum unicuique Quinque tribuuntur Mysteria:

Gaudioso, 1, Incarnatio Christi. 2, Visitatio. 3, Nativitas. 4, Oblatio. 5, Inventio in templo.

Doloroso, 1, Oratio in Horto. 2, Flagellatio. 3, Coronatio. 4, Crucis Bajulatio. 5, Crucifixio.

Glorioso, 1, Resurrectio Domini. 2, Adscensio. 3, Spiritus S. Missio. 4, Adsumptio B. Virg. 5, Coronatio Eiusdem.

Notandumque itaque nimis sterilem, imperfectum, & omnis spiritualis gustus expertem orandi modum esse, ad globulos precatorios, (uti fere solet rude vulgus) sine ulla mentis reflexione ad prædicta Mysteria; Seu, nulla interposita meditatione, & Affectuum excitatione, Pater & Ave identidem, & indefinenter revolvere; & sic decurso Rosario, velut pensum absolvere. Nam quis fructus aut quis gustus talis orationis? V. quæ sup. cap. 2. annotavimus circa Salutationem Angelicam. Tu vere, Pie Lector, Si vis gratum Deo, ejusque Matri; & tibi ipsi utilem Rosarii usum; hoc vel simili modo procedes.

I. Oraturus Rosarium, certam & piam aliquam Intentionem, certumve scopum habe præ oculis; & huc pete gratiam à Deo per ejus Matrem; brevissimis saltem suspiriis.

II. Sub initium cujusque Decadis Mysterium in eadem recolendum paulisper expende; & congruentes pios affectus elicere stude: Hoc autem, ut facilius, & utilius fiat, proderit plurimum; XV. de Mysteriis Rosariis alias per otium, meditationem instituisse; adeoque exactius ponderasse singula, & reconditos in iis divina Potentiæ, Sapientiæ, Bonitatis, Iustitiæ, Misericordiæ, &c. thesauros penetrasse, affectus in iis latentes notasse, &c. Hac enim facile, cum res exiget, occurrant memoria. Formam & Praxin tradit P. Christ. Mayer in Indust. par. 1. cap. 13. Inde pete, si libet; Enchiridion molienti non licet omnia, quæ vellem, congerere. Hac tamen pauca præterire non possumus.

Martinus Navarrus, Doctissimus Vir, qui sexaginta amplius annos consuetudinem habuit quotidie recitandi Rosarium, nec unquam intermisit, quantumvis publico docendū munere, & pluribus uno die lectionibus occupatus. Is, inquam, ad faciliorem Mysteriorum considerationis hunc Modum suggerit, ut ad singulas decades, Mysterium ipsum, cui volumus intendere, Salutationibus Angelicis, breviter inseratur. Hoc modo:

IN I. ROSARIO Gaudiofo.

*Ad singulas Decades cuilibet Salutationi Angelica, post
nomen IESUS adjiciatur:*

Ad 1, Quem Virgo concepisti.

Ad 2, Quem visitans Elisabeth portasti.

Ad 3, Quem Virgo genuisti.

Ad 4, Quem in Templo præsentasti.

Ad 5, Quem in templo invenisti.

*In fine Decadis, vel post singula, S. Maria, Mater Dei, Ora
pro nobis, &c.*

IN II. ROSARIO Doloroso.

*Ad singulas Decades cuilibet Salutationi Angelica, post
nomen IESUS addatur.*

Ad 1, Qui pro nobis Sanguinem sudavit.

Ad 2, Qui pro nobis flagellatus est.

Ad 3, Qui pro nobis spinis coronatus est.

Ad 4, Qui pro nobis Crucem bajulavit.

Ad 5, Qui pro nobis Crucifixus est.

Et post singula, S. Maria Mater Dei, &c.

IN III. ROSARIO Glorioso.

Ad singulas Decades post nomen IESU addatur:

Ad 1, Qui Resurrexit à Mortuis.

Ad 2, Qui in Cœlum Adscendit.

Ad 3, Qui Spiritum sanctum misit.

Ad 4, Qui te in Cœlum assumpsit.

Ad 5, Qui te in Cœlis coronavit.

*Videri poterit citatus Navarrus Miscellaneo 24 de Rosa-
rio: Ubi alia invenies notatu digna.*

O R A T I O N E S

seu piæ Adspiraciones,

*Quibus condienda recitatio Rosarii, & omnis
Oratio vocalis.*

Ex P. Christ. Mayer.

I.

O Deus meus infinite laudabilis, & amabilis super omnia, quem laudat & adorat in gaudio tota Cœli curia; utinam vel nunc tandem & ego digne te laudare & glorificare merear, hoc quantulocunque orationis obsequio; quem heu, tam imperfecte hucusque laudavi, & glorificavi; immo, quem toties offendi, tot peccatis & negligentis meis; de quibus ex animo doleo propter te: ignosce & supple per tuam infinitam bonitatem; & per eandem suscipe hoc exiguum à Creatura tua, servitutis obsequium, in unione meritorum Domini N. Iesu Christi, B. Virginis Matris ejus, & omnium Sanctorum, ad supremam, æternamque gloriam tuam; amorem, & beneplacitum; in gratiarum actionem omnium beneficiorum mihi, omnibusque collatorum, in satisfactionem omnium peccatorum, pro his, N. vel pro hac necessitate N. & pro quibus maxime orare teneor, ad impetrandam Peccatoribus veniam, defunctis refrigerium, & requiem; mihi, vivisque omnibus gratiam, perseverantiam, gloriam. Perfice gratia tua, sine qua nihil possum, desiderium meum, secundum sanctissimum beneplacitum tuum,

II.

O Piissima Mater, supple hoc imperfectum obsequium meum, apud dilectum Filium tuum. Monstra te esse matrem. O piissime Iesu suscipe hoc idem de manu B. Matris tuæ; unitumque tuis, & Ejusdem omniumque Sanctorum meritis, offer æterno Patri, ad omnes pias, sanctas, & utiles intentiones. Pater respice in faciem dilecti Filii tui, & miserere

DE B.V. MARIA, & BEATA MORTE. 617

misere nobis, pro beneplacito tuo, ad maximam, æternamque gloriam tuam, Amen.

Post singulas Decades,

*Renova affectum glorificandi B. Virginem
Deum, his suspiriis.*

L Audent & benedicant te, ô gloriosa Dei mater & Virgo, omnes beati comprehensores, in omnibus donis naturæ, gratiæ & gloriæ tibi concessis, infinities supra omnes puras creaturas, perfectissime, æternum in Cœlis; omnesque viatores tecum te colant, ament imitarique in omni perfectione studeant, omni conatu, semper & insatiabiliter in terris; & tecum laudent & glorificent, & superexaltent omnes cum omnibus etiam possibilibus creaturis infinities benedictum Filium tuum, cum Patre & sancto Spiritu; in omnibus perfectionibus, operibus & beneficiis suis omni possibili pietatis affectu super omnia, gratis propter se, nunc, semper, æternum & ultra.

Vel his brevioribus.

Benedicaris infinities, gloriosa Mater Dei Virgo, ab omnibus, in omnibus, super omnes puras creaturas, pro divino beneplacito, perfectissime, singulis momentis temporis, & Æternitatis; Et glorificetur & superexaltetur benedictus Filius tuus; cum Patre & Spiritu sancto infinities ab omnibus, in omnibus, super omnia, infinite, omni possibili modo, gratis, propter se, nunc, semper, æternum & ultra.

Vel brevissime sic.

Vtinam, ô gloriosa Domina, lauderis, ameris, & glorificeris ab omnibus sicut in cœlo & in terra, & tecum benedicatur, ametur & glorificetur sanctissima Trinitas, propter te, omni possibili modo, super omnia, in æternum & ultra.

Vel

Vel demum Suspiriis post singulas Decades variatis.

Post primam Decadem.

L Audent, ament, & glorificent te, gloriosa Dei Mater, & Virgo, infinities, omnes Sancti, Angeli, & Archangeli, cum tota Curia triumphante, cum quibus aliquando speramus te videre, & glorificare æternum in cœlis; Et tecum laudent, ament, & glorificent infinities sanctissimam Trinitatem, infinite in omnibus, super omnia, omni possibili modo, in æternum, & ultra.

Post secundam Decadem:

L Audent, ament & glorificent te gloriosa Dei Mater & Virgo, omnes sancti Patriarchæ, Prophetæ, Apostoli & Discipuli Domini cum tota Curia triumphante, &c. *ut supra.*

Post tertiam Decadem.

L Audent, ament & glorificent te, &c. omnes sancti Martyres, cum tota Curia, &c.

Post quartam Decadem.

L Audent, &c. omnes sancti Confessores, cum tota Curia, &c.

Post quintam Decadem,

L Audent, &c. omnes SS. Virgines, & Viduæ, cum tota Curia, &c.

Item alia ORATIO post Rosarium;

Vel quamlibet Orationem.

O MARIA Mater gratiæ, mater misericordiæ; respice oculo pietatis hoc exiguum meæ servitutis obsequium, quod

DE B. V. MARIA, & BEATA MORTE. 615

quod mellifluo cordi tuo emendandum, perficiendum, & repræsentandum dilecto Filio tuo offero, ad maximam ejus gloriam, amorem, beneplacitum; in gratiarum actionem æternam, ad gratiam nobis impetrandam illi placendi perfectissime, in tempore, & æternitate, &c.

O Jesu Fili Dei & Mariæ Virginis, dignare de manu piissimæ Matris tuæ suscipere, & infinita pietate tua supplere, hoc tepidum, aridum, & distractum orationis obsequium; & unitum ardentissimis tuis Orationibus, Sacrificiis laudis, & infiniti meriti ac valoris obsequiis, repræsentare Æterno Patri, ad omnes Sanctas intentiones, &c.

Pater, respice in faciem Christi dilecti Filii tui, & miserere nobis gratiam largiens, te cum eodem dilecto Filio tuo, & Spiritu S. amandi & glorificandi, nunc perfecte in via, olim beate in patria, juxta tuum sanctissimum beneplacitum. Per eundem Dominum nostrum.

ORATIO ad B. V. MARIAM,
Pro subsidio in hora Mortis.

*Ex piissimi Viri Francisci Titelmanni Ord. S. Franc. de
observat. demum Capuccini, Contemplat.
fere desumpta.*

O Mater benignissima, quæ morientem in Cruce Filium coram vidisti, & verba novissima, heu, quam tristis audisti! Per omnem illum cordis tui dolorem & amaritudinem, qua tota velut absinthio inebriata fuisti. Per gladium illum, qui pertransiit animam tuam, rogo te, ut hoc durum ac lapideum cor meum, tuis apud Deum potentissimis precibus & meritis emollias, & convertas in carneum, ut patienti dilectissimo Filio tuo, Domino meo, uti par est, compati valeam. Idemque ille gladius, qui tam acerbe vulneravit animam tuam, penetret quoque viscera cordis mei.

O Mater dolorosa, per ultimum illud Filii morientis alloquium, quo te compellabat de Cruce, Discipulum tibi commendans, supplices oramus, ut nos in filios tuos suscipias.
Non

Non enim ad solum Ioannem, eo ipso tempore tecum Crucem adstantem putamus dirigi verba Filii, sed unico Discipulo communis monstrato, omnes fideles & dilectos per omnes sequuturas generationes sub unius exemplo & præsentia credimus designatos. Quomodo & illud vicissim dictum Discipulo; *Ecce Mater tua*, non ad illum unicum solumve Discipulum credimus pertinere, sed ad universos nos, quicumque ad Filium tuum per fidem pertinemus; tamen illi quoad corporale obsequium, peculiarem quandam tui curam commissam agnoscimus.

Cum itaque vi quasi ultimæ voluntatis suæ nos tibi in filios reliquerit moriens dilectissimus Filius tuus; ac vicissim te nobis dederit in Matrem, Testamento huic nequaquam te contravenire posse aut velle, persuasum habemus; utpote quod morte Testatoris mox sequuta confirmatum fuit.

Huic ergo Testamento, ô Mater piissima, pareamus utrique: Tu nos in filios suscipe: nos te omni cultu & obsequio complectemur ut Matrem. Tu nobis Matris impende curam, nostrum erit, filialem tibi rependere venerationem. Et quamquam nunc in Coelis longe supra nos exaltata gaudes & regnes cum Filio; materno tamen nos exules filios tuos affectu fovere non desinas: Sic enim est voluntas Filii, qui se ipsum nobis & Nascens per te donavit; & Moriens nos tibi unicæ Matri suæ commendavit.

Ipse quidem nobis Frater, imo Pater; Sacerdos quoque & hostia fieri dignatus est: & jam in Cœlo ad dexteram Patris residens, Advocatus noster esse non desinit. Tu pariter nobis te Matrem misericordiæ, & Patronam exhibere ne cessa; eo etiam magis quo propius assistis Filio (qui nihil Matri negare potest supplici;) ipsi, inquam, Fonti misericordiæ proxime conjuncta; quem olim miseris Adæ filiis de Cœlo produxisti.

Eja ergo Advocata nostra, illos tuos misericordes oculos ad nos converte, & Iesum benedictum fructum ventris tui, nobis modo propitium redde; & post hoc exilium ostende. O clemens, ô pia, ô dulcis Virgo Maria, Amen.

C O N C L U S I O

I. Partis, Sect. VII.

Ad Cultores Beatiss. Virginis Deiparæ.

*S*anctissimam itaque Christi Matrem, tu quisquis es, Christiane, Patronam ac Matrem habe; & singulari pietatis cultu indies venerare. Dei gratiam & misericordiam desideras? Ecce canalis divina misericordia, Dei Mater est, per quam primum in terris suscepimus misericordiam de manu Dei nostri. Ipsa enim gratia plena ipsum gratiæ Fontem suis clausit visceribus; & in mundum universum ad nos usque derivavit. Jam vero quid illa Mater Cæli terræque Regina non impetret? An quidquam Filius poterit denegare Matri suæ?

Ergo in periculis, in angustiis, in rebus dubiis Mariam cogita; Mariam invoca: Non recedat ab ore, non recedat à corde. Et ut impetres orationis ejus suffragium, non deseras conversationis exemplum. Ipsam sequens non devias: Ipsam rogans non desperas: Ipsam cogitans non erras. Ipsa tenens non corruis: Ipsa protegente non metuis. Ipsa duce non patigaris. Ipsa propitia pervenis. Ita Mellissus BERNARDUS Serm. 2. de laud. B. V. Cole ergo Dei Matrem in vita: & vere Matrem te coluisse senties in morte, & in omni aternitate. Gaudet utique se coli & haberi ut Matrem. Ad hoc enim Dei Mater facta est; ut Mater esset & Mediatrix peccatorum.

FINIS SECT. VII, PARTIS I.

PARS

PARS ALTERA SECTIONIS VII.

Continens Exercitia ad bene beateque
moriendum.

PIO LECTORI.

Posterior Pars hujus ultimæ Sect. exhibebit Orationes & Exercitia varia pro felici MORTE, Sanis, Ægris, Moribundis accommodata, & perutilia. Nemo itaque hæc fastidiat, aut negligat quasi aliena, & ad ægros solam, aut moribundos pertinentia.

Quin scito, tutissimum esse, ut quidquid tibi in morbo, & morte ipsa usui esse vis; in eo etiamnum sanus versari & exerceri incipias.

Quisquis enim sanus hujusmodi Exercitiis gaudet; infirmus & moribundus fructum ex iis majorem capiet. Vereor autem, ne gustum eorum perexiguum tempore mortis sentiant, qui talia sani & incolumes fastidiunt.

Itaque hæc ipsa frequentius lege ac meditare. Sed & morere subinde dum vivis: id est, Moribundi quodammodo personam assume, dum adhuc integræ sunt corpori animoque vires. Age ea quæ facies, aut facta voles, jam moriturus. Nimirum facile recurrunt morienti, quæ vivens amavit, & libens exercuit. At non facile in necessitate præsto sunt remedia, quorum in prosperitate, exigua fuit cura, vel memoria.

Ceterum prior Editio Paradisi habebat hoc loco piissima quædam Exercitia, tam sanis, quam ægris, ad minuendum vitæ præsentis amorem, ad acuendum futuræ desiderium aptissima ex suavissimis Soliloquiis Thomæ de Kempis excerpta. Sed hæc præsentī Editione visum omittere, eo quod nuper Opusculum illud, uti & alia Ejusdem selectissima, in VIATORE CHRISTIANO Notis illustrata ediderimus: Hunc, si libeat, pius LECTOR adeat.

ADMONITIO quid homini Christiano faciendum ingruente morbo.

Quam primum incideris in Morbum, memento eum non secus accipere, quam de manu Domini; & gratias age, quod te ut filium paternè visitet. Imo offer te ad graviora; & in manus divinæ providentiæ totum te confidenter projice: Neque fiduciam in Medico colloca: Id Asæ Regi perniciosum fuisse, Scriptura refert.

Adbibeatur tamen Medicus, sed Animi præcipue, id est Confessarius. Utriusque enim, & Corporis & Animi salus congruis curanda remediis; sed hujus utique tanto magis, quo pejus est Animam, quam Corpus perire.

Sed & qui Corporis salutem amat, Animæ cura nihil prius habeat. Animæ enim mala, id est, peccata sæpe redundant in Corpus: & in membris nostris non sine Dei providentia, morbis corripimur; quia pravis affectibus animi languemus. Hi ergo primum profligandi; sic facilius à Corpore morbos pellemus: ut, (quod non minus optabile) cum majore Animi fructu sustineamus.

Hanc curandi methodum Medicus supremus docuit qui curaturus infirmos, Animæ fere prius quam corporis rationem habebat.

Idem nos faciamus; & corpore saniescitamur, sed mente primum sana. Verum, ô stupenda res! Agitur de Æterna vita, & Momentanea: Pro hac omnia, serio & festinanter, pro illa vix quidquam, & non nisi serio & escitanter agimus. Si scapis, mi Christiane, correptus morbo, primum adi & consilia tibi Deum: Is adhibitam deinceps curam vel faciet salutem Corpori; vel certe morbum, imo & mortem, Animæ.

L I T A N I Æ.

Sanis, Ægris, Moribundis, commodatæ,

è *Sacra Scriptura.***K**YRIE ELEISON. Christe eleison.
Kyrie eleison.

Christe audi nos.

Christe exaudi nos.

Pater de cœlis DEUS, miserere nobis.

Fili Redemptor mundi Deus, miserere nobis.

Spiritus S. Deus, miserere nobis.

S. Trinitas unus Deus, miserere nobis.

Qui hominem ad imaginem & similitudinem
tuam formasti,*Gen. 1.*Qui spiraculum vitæ in faciem hominis inspi-
rasti,*Ibid.*Qui lignum vitæ adversus mortem corporis in
medio Paradisi produxisti,*Genes. 2.*Qui post contractum per primos Parentes rea-
tum mortis, veneno Serpentis Semen mu-
lieris opposuisti,*Ibid.*Qui genus humanum ob peccatum variis mise-
riis, morbis ac morti subiectum solatio ac
remedio non destituiti,*Miserere nobis. Genes. 3.
Iob. 14.*Qui omnibus primogenitis Ægypti una nocte
deletis Israëlitas illæsos servasti,*Exod. 12.*Qui Moysen & Aaron ob peccatum incredu-
litis extra terram promissam mori fe-
cisti,*Num. 20.*Qui populum ignitis serpentibus percussum
ænei Serpentis adspectu liberasti,*Num. 21.*Qui Bethsamitarum plusquam 50 millia ob
visam curiosius Arcam morte delevisti,*1 Reg. 6.*

Qui ex Israël 70 millia viorum ob numeratum

à Davide

DE B. V. MARIA, & BEATA MORTE 621

à Davide populum, triduaana pestilentia)
 sustulisti,
 Qui misertus super afflictione populi, Ange-
 lum percutientem ab internecione revo-
 casti,
 Qui Naaman Syrum per Elisæum à lepra sa-
 nasti,
 Qui precibus Eliæ prophetæ mortuum puerum
 ad vitam revocasti,
 Qui Regem Ochoziam idola super valetudine
 consulentem morte punivisti,
 Qui per Elisæum Prophetam Filium hospitz
 defunctum vitæ restituiſti,
 Qui per ossa Elisæi mortuum ad vitam revo-
 casti,
 Qui Asam Regem plus in Medicis, quam in
 Deo confidentem præmature mori fe-
 cisti,
 Qui Ezechiam in infirmitate cum lacrymis de-
 precantem à morte & morbo liberaſti,
 Qui Job à Satana tantisper affligi permissum
 insigni patientia roborasti,
 Qui increpas per dolorem in lectulo, & ossa
 hominis marcescere facis,
 Qui ad dandum posteris exemplum patientiæ,
 Tobiam plaga cæcitatſis probari volui-
 ſti,
 Qui medicos, & innumeras remediorum
 species propter necessitatem hominum crea-
 ſti,
 Qui mortem non fecisti; nec delectaris in per-
 ditione vivorum,
 Qui missus es mederi contritis corde, & præ-
 dicare captivis indulgentiam, & consolari
 omnes lugentes,
 Qui senem Simeonem, virum justum, viso
 Messia ex hoc seculo in pace dimi-
 ſisti,

2 Reg. 24.

Ibid.

3 Reg. 8.

3 Reg. 17.

4 Reg. 1.

4 Reg. 4.

4. Reg. 13.

2 Par. 16.

Isa. 38.

Iob. 1. & c.

Iob. 33.

Tob 2.

Eccl. 38.

Sapient. 1.

Isa. 61.

Luca. 2.

Qui

Qui filium Reguli in Capharnaum sanasti ,	<i>Ioan. 4.</i>
Qui hominem 38 annos in infirmitate habentem, verbo sanum fecisti ,	<i>Ioan. 5.</i>
Qui Socrum Petri magnis febribus detentam liberaſti ,	<i>Lucæ 4.</i>
Qui bene omnia feciſti, & ſurdos audire , & mutos loqui ,	<i>Marc. 7.</i>
Qui familiariter cum Publicanis & peccatoribus egisti dicens, Opus non eſſe valentibus medico, ſed malè habentibus ,	<i>Matth. 23.</i>
Qui Paralyticum jacentem in lecto, & per te-ctum ſubmiſſum curaſti ,	<i>Ibid.</i>
Qui mulierem 12 annis fluxu ſanguinis laborantem, & fruſtra à medicis multa paſſam ſanaſti ,	<i>Lucæ 5.</i>
Qui cæcos diverſos lucis beneficio donaſti ,	<i>Marc. 5.</i>
Qui leproſos complures ſolo nutu à lepra mundaſti ,	<i>Lucæ 8.</i>
Qui filiam Iairi Archiſynagogi deſunctam reſuſcitaſti ,	<i>Matt. 9.</i>
Qui mulierem ſpiritu infirmitatis annis 18 inclinatam, ad perfectam ſanitatē reduxiſti ,	<i>Ioan. 9.</i>
Qui Lunaticum miſere à Dæmone afflicto liberaviſti ,	<i>Eccl. 10.</i>
Qui ſervum Centurionis male habentem abſens curaſti ,	<i>Matt. 8.</i>
Qui deſunctum unicum filium Matri ſuæ viduæ vivum reddidiſti ,	<i>10. Eccl.</i>
Qui Chananææ filiam male vexatam à Dæmonio liberaſti ,	<i>Lucæ 8.</i>
Qui Lazarum quatrduanum de monumento reſuſcitaſti ,	<i>Matt. 9.</i>
Qui omnes malè habentes, Lunaticos, Paralyticos, hydropicos, variisſque languoribus & tormentis comprehenſos curaſti ,	<i>Lucæ 13.</i>

Miſere nobis.

Lucæ 13.

Matt. 17.

Matt. 8.

Lucæ 7.

Matt. 15.

Ioan. 11.

Marc. 4. 9.

Marc. 1.

Lucæ 4.

Qui

DE V. B. MARIA, & BEATA MORTE. 623

Qui in agonia, tristis usque ad mortem sanguinem sudasti,
 Qui Calicem passionis & mortis à te transferri rogans, voluntati Patris, tuam subjecisti,
 Qui Latroni tecum crucifixo consortium Regni promissisti,
 Qui factus es pro nobis obediens Deo Patri usque; ad mortem; mortem autem Crucis,
 Qui moriens in manus Æterni Patris spiritum commendasti,
 Qui inclinato capite, magna voce clamans spiritum tradidisti,
 Qui per mortem destruxisti eum qui habebat mortis imperium,
 Qui vulneratus es propter iniquitates nostras, & attritus propter scelera nostra,
 Qui infirmitates nostras accepisti, & agrotationes portasti,
 Qui pestilentiam & morbos ob peccata immittere consuevisti,
 Qui morbos, & adversa corporis sæpe etiam non causa peccati, sed ad gloriam Dei manifestandam immittis,
 Qui quos diligis, hos castigas & flagellas,
 Qui irreverentes erga sacra Mysteria sæpius infirmitate, ac immatura morte castigasti,
 Qui per umbram Petri multos ab infirmitate liberaisti,
 Qui per sudaria & semicinctia Pauli multos infirmos curasti,
 Qui per Apostolos tuos mortuis vitam, & infirmis varia sanitarum beneficia contulisti,
 Qui absterxisti omnem lacrymam ab oculis Electorum tuorum,

14. &c.

Luca 22.

Luca 22.

Luca 23.

Phil. 2.

Luca 23.

Ioan. 19.

Hebr. 2.

Miserere nobis.

Isa. 53.

Matt. 8.

ex Isa. 35.

Deut. 28.

Ezech. 28.

&c.

Ioan. 9. &c.

II.

Hebr. 12.

I Cor. 11.

Act. 5.

Act. 19.

Act. 9. &c.

Apoc. 7.

Do.

Dominus vitæ & mortis habens potestatem,	}	<i>Sap. 16.</i> <i>Psal. 26.</i>	
Dominus protector vitæ nostræ,			
Pater misericordiarum & Deus totius consolationis, qui consolaris nos in omni tribulatione nostra;	}	<i>2 Cor. 1.</i>	
Fidelis Deus, qui non patieris nos tentari supra id quod possumus, sed facis cum tentatione proventum ut possimus sustinere,			
Qui vulneras & mederis, percutis, & manus tuæ sanabunt,	}	<i>Miserere nobis.</i> <i>1 Cor. 10.</i> <i>Iob. 5.</i>	
Qui omnes homines vis salvos fieri, & ad agnitionem veritatis venire,			
Qui mortificas & vivificas: deducis ad inferos & reducis,	}	<i>1 Tim. 2.</i> <i>1 Reg. 2.</i>	
Qui venturus es judicare vivos & mortuos,			
<i>Propitius esto, Parce nobis Domine.</i>	}	<i>2 Tim. 4.</i>	
Ab omni languoris molestia,			
A subitanea, & improvisa, mala morte,	}	<i>Libera nos Domine.</i> <i>Luca 2.</i> <i>Luca 22.</i>	
Per dolorem & cruciatum circumcisionis tuæ,			
Per dolores mortis, qui te in horto, Passione instante, circumdederunt,	}	<i>Isa. 53.</i> <i>Matt. 27.</i>	
Per zelum amoris tui quo dolores nostros tulisti, & languores nostros tuo livore sanasti,			
Per angustias cordis tui in Cruce, cum te à Patre derelictum clamasti,	}	<i>Luca 2.</i>	
Per gladium doloris, quo cor dulcissimæ Matris tuæ in passione transfixum est,			
<i>Peccatores, Terogamus audi nos.</i>	}	<i>Teroga.</i> <i>Psal. 38.</i> <i>Hebr. 13.</i>	
Ut tanquam advenas & peregrinos æstimemus nos super terram,			
Ut non habentes hic manentem civitatem, futuram tanto ardentius inquiramus,	}		

Ut inter tot procellas & peicula vitæ, in re-
 quem illam quam speramus in Cœlis, in-
 gredi festinemus,
 Ut momentaneum & leve tribulationis no-
 stræ, æternum gloriæ pondus operetur in
 nobis,
 Ut non negligamus disciplinam Domini, ne-
 que fatigemur, dum ab eo arguimur,
 Ut omne quod applicitum nobis fuerit, acci-
 piamus; & in dolore patientiam habea-
 mus,
 Ut in quibuslibet morbis & afflictionibus ni-
 hil stultum contra Dominum loqua-
 mur,
 Ut sicut bona suscepimus de manu Domi-
 ni, ita & mala æquanimiter sustinea-
 mus,
 Ut secundum multitudinem dolorum in cor-
 de & corpore meo, consolationes tuæ læ-
 tificent animam meam,
 Ut sicut abundant passiones Christi in nobis,
 ita & per Christum abundet consolatio no-
 stra,
 Ut semper mortificationem Iesu Christi in
 corpore nostro circumferamus,
 Ut adspicientes in auctorem fidei & consum-
 matorem Iesum, qui proposito sibi gau-
 dio sustinuit Crucem, per patientiam
 ad propositum nobis bravium curra-
 mus,
 Ut magnificentur Christus in corpore nostro,
 sive per vitam, sive per mortem,
 Ut Christo pro nobis passo in carne, & nos
 eadem cogitatione armemur,
 Ut hoc tempus acceptabile, & dies salutis ne-
 quaquam otiose transigamus,
 Ut recogitemus tibi omnes annos nostros in
 amaritudine animæ nostræ,

*Hebr. 4.**2 Cor. 4.**Prov. 3.**Hebr. 12.**Eccli. 2.**Iob. 1.*

Te
 rogamus
 audi
 nos.

*Iob. 2.**Psal. 93.**2 Cor. 1.**Ibid.**Hebr. 12.**Phil. 1.**1 Petr. 4.**2 Cor. 6.**Isa. 38.**Ut*

Vt incerti de mortis & Iudicis adventu matu-
re domui nostræ disponamus,
Vt sine timore de manu inimicorum nostro-
rum liberati, serviamus tibi in sanctitate &
iustitia, omnibus diebus nostris,
Vt desiderium habeamus dissolvi & esse cum
Christo,
Vt universum stratum nostrum in infirmita-
te nostra versare & componere digne-
ris,
Vt diligentibus Deum, morbi, & mala corpo-
ris omnia cooperentur in bonum,
Vt sani ex morbo tua gratia facti, ne quid no-
bis contingat deterius, non amplius peccemus,
Vt accipientes armaturam Dei, possimus resi-
stere in die malo; & tela nequissimi ignea
extinguere,
Vt sicut in Adam omnes morimur, sic in te vi-
vificemur,
Vt siue vivimus, Domino vivamus; siue mo-
rimur, Domino moriamur,
Vt nec vita, nec mors, nec alia creatura, à Chri-
sto nos separare valeat,
Vt nobis vivere Christus sit, & mori lu-
crum,
Vt & si ambulem in medio umbræ mortis, non
timeam mala, quoniam tu mecum es,
Vt in ultimo jagone Leoni illi rugienti fortes
in fide resistamus,
Vt moriamur morte iustorum, & novissima
nostra fiant horum similia,
Vt illumines oculos meos, ne unquam obdor-
miam in morte, ne quando prævaleat ad-
versum me inimicus meus,
Vt nos liberes de corpore mortis huius,
Vt educa de custodia animam meam ad con-
fitendum nomini tuo,

Isai. 38.

Luca 1.

Phil. 1.

Psal. 40.

Rom. 8.

Ioan. 15.

Ephes. 6.

1 Cor. 15.

Rom. 14.

Rom. 8.

Phil. 1.

Psal. 22.

1 Petr. 5.

Num. 21.

Psal. 12.

Rom. 7.

Psal. 142.

Te rogamus audi nos.

V

Vt nos morientes cum bono Latrone, dulcissima promissione tua, & Regni expectatione lætifices,

Vt non intres in iudicium cum servo tuo, quia non iustificabitur in conspectu tuo omnis vivens,

Vt non secundum peccata nostra facias nobis; neque secundum iniquitates nostras retribuas nobis,

Vt inhabitem in domo Domini, omnibus diebus vitæ meæ,

Vt terrestri domo hujus habitationis dissoluta, domum non manufactam habeamus in Cœlis,

Agnus Dei qui tollis peccata, &c.

Lucæ 23.

Psalm. 142.

Psalm. 102.

Psalm. 26.

2 Cor. 8.

Terrogamus audi nos.

Oremus.

DEus, qui Unigeniti tui patientia antiqui hostis superbiam contrivisti, da nobis quæsumus, quæ idem pro nobis pertulit, digne recolere, sicque exemplo ejus cuncta nobis adversantia æquanimiter tolerare.

DEUS humani generis benignissime conditor, & misericordissime reformator, qui hominem invidia diaboli ab æterna felicitate dejectum, unigeniti Filii tui pretioso sanguine redemisti, vivifica nos famulos tuos gratiæ tuæ vigore, & jacentibus manum porrige salutarem: reple nos gaudio cordis & lætitia spiritus; expelle à nobis omnes hostiles insidias, & mitte nobis medicum salutis, Angelum pacis, qui nos in angustis positos consolationibus tuis attollat, quibus in præsentem consequamur auxilium, & in futuro præmia obtineamus æterna.

DEUS, sub cujus nutibus vitæ nostræ momenta decurrunt, suscipe preces humiliter ad te clamantium, ut te omni adversitate & ægritudine liberati, perpetua gratiarum actione laudemus. Per Dominum nostrum **I**ESUM **C**HRISTUM **F**ilium tuum, &c.

O R A T I O

*Ad hoc idem impetrandum, quod summe & unice
est necessarium.*

Domine IESU Christe, obsecro te per amorem, quo omnium hominum onera portasti, ut facias me onus tristitiæ meæ cum gratitudine suscipere de manu providentiæ tuæ, & de voluntate paterni cordis tui, & pro tui amore, quamdiu tibi placuerit, cum plenissima mei ipsius resignatione, longanimiter sustinere, ita dumtaxat, ut me tua gratia confirmes, ne unquam te vel in modico offendam, aut à sanctissima voluntate tua vel minimum recedam.

Atque utinam possem omnium & singulorum, qui pro te passi sunt, hominum pressuras solus sufferre, ut qualemcunque vicem redderem infinitæ charitati tuæ. Eja benignissime JESU, Ita quæso unias voluntatem meam, cum sanctissimo beneplacito tuo, ut aliud optare nequeam, quam quod tu vis.

C A P. IX.

VII. GRADUS ad Beatam Mortem,
sive **EXERCITIUM** quotidianum Oratio-
nis Dominicæ pro felici Morte.

Pater noster qui es in Cælis.

O Pater Æterne IESU CHRISTI Filii tui per naturam, noster per gratiam: Creasti enim nos ad imaginem tuam, & cum per peccatum facti essemus filii iræ; per Sanguinem Filii tui adoptasti nos in filios gratiæ, & hæredes vitæ æternæ. Et quamvis Cælum tibi Sedes sit majestatis & gloriæ tuæ; nos tamen in terris continuo respicis, & paterna cura, charitate ac providentia regis.

Ad te itaque levo oculos meos, ô clemens Pater, qui habitas in cælis, unde veniet auxilium mihi. Ad te desiderat anima mea sicut cervus ad fontes aquarum. Creasti enim nos
ad

ad te, & inquietum est cor nostrum; donec redeat, & requiescat in te. Nam ubi Pater meus est, ibi patria mea est; ibi spes, & hæreditas mea; & portio mea in terra viventium. Ad te suspirat cor meum; adhæsit anima mea post te. Utinam suscipiat me dextera tua: quoniam melior est misericordia tua super vitas. O quando liberabor de hoc exilio? quando educar de hoc carcere, in quem missus sum, furtim sublatuſ de patria? Quando introibo in domum Patris mei, ubi mansiones multæ sunt? quando consolaberis me? quando educes me de hoc lacu miseriæ, & de luto fecis? quando veniam & apparebo ante faciem Dei Patris mei? quando adimplebis me lætitia cum vultu tuo, ut videam non per speculum, in ænigmate, sed facie ad faciem. Beati qui habitant in domo tua Domine, in sæcula sæculorum laudabant te. Ecce Adscensionēs istuc in corde meo disposui, in hac valle lacrymarum, in loco quem posuit mihi prævaricatio primi Parentis. Tua benedictione adjutus, ibo de virtute in virtutem, donec videam te Deum deorum in Sion.

Gradus I. VIVA FIDES.

Sanctificetur nomen tuum.

Præmissis per vivam & veram *Fidem*; quia sine *Fide* impossibile est placere Deo: Accedentem enim ad te, ô Deus, oportet *credere*, quia es, & inquirentibus te remunerator es. Jam vero quid est vita nostra super terram, nisi accessus, seu progressus ad DEUM, per duos pedes *Fidei* & *Spei*? Nam quies & adhæsiō, seu complexus & fructio, quæ perfectæ charitatis est, reservatur Patriæ. Tunc enim amplecteris re-vertentem ad te è regione longinqua filium, & stola prima induēs eum.

Interim credo Domine te esse *Qui es*; id est, *Deum* summè Potentem, Sapientem, & Bonum super omnia: & quod diligentibus tu ipse futurus sis præmium, & merces magna nimis. Credo quod Redemptor meus vivit, & in novissimo die de terra surrecturus sum, & in carne mea videbo *Deum* Salvatorem meum. In hac fide vivere & mori cupio. Hac fide
nexus

nixus in omni cruce, tribulatione, pressura, morbo, ac ipsa morte peritabo securus; & tam in adversis, quam in prosperis sanctificabo & laudabo nomen tuum: nihil vel de divina tua potentia, vel de paterna benevolentia dubitans, qua & possis, & velis me servare.

O Domine confirma & adauge *Fidem* meam, pro gloria Nominis tui, quod tunc optimè sanctificatur à nobis, cum in factis potens, in dictis verax, in promissis minime fallax viva fide crederis. Unde Moyses & Aaron ingressu terræ promissæ à te prohibiti sunt, quia non *sanctificarunt* te coram populo, non credentes tibi in educenda aqua de petra. *Num. 20.*

At Abrahæ prompta fides ubique laudatur, qui in reprobmissione tua non hæsitavit diffidentia, sed confortatus est fide, dans *gloriam* Deo. Confestim enim exiit de terra & cognatione sua, & venit in terram, quam monstrabas illi, sciens, quia quæcunque promisit Deus, potest & facere. *Rom. 4.*

Credo & ego videre bona Domini in terra viventium, post egressum ab hoc seculo. Evoca me hinc, quandocunque volēs: sed da ut Fide duce, sequar alacriter, credens firmiter, quia potens & bonus es tu: & spiritus tuus bonus deducet me in terram rectam & propter nomen sanctum tuum Domine, vivificabis me in æquitate tua.

Gradus II. FIRMA SPES.

Adveniat regnum tuum.

Regnum, inquam, quod paratum est nobis ab origine mundi; Eripuisti enim nos de potestate tenebrarum, & transtulisti nos in Regnum Filii dilectionis tuæ; ut simus cohæredes ejus secundem spem vitæ æternæ. Nam si in hac vita tantum sperantes sumus, miserabiliores sumus omnibus hominibus. Dominus pars hæreditatis meæ & calicis mei, Tu es qui restitues hæreditatem meam mihi. O quando hoc erit? nam hic advenæ solum & peregrini sumus, non habentes manentem civitatem; sed futuram inquirimus.

Interim

DE B.V. MARIA, & BEATA MORTE. 631

Interim gloriamur in Spe gloriæ filiorum DEI: non solum autem, sed & gloriamur in tribulationibus, scientes quod tribulatio patientiam operatur: patientia autem probationem, probatio spem; spes autem non confundit. *Rom. 5.* Sic nimirum per multas tribulationes oportet nos introire in regnum DEI: Sed spes tantæ mercedis solatium est omnis laboris. Non enim sunt condignæ passionibus hujus temporis ad futuram gloriam, quæ revelabitur in nobis.

Providebo itaque te Domine in conspectu meo semper, quoniam à dextris es mihi, ne commovear. Propterea lætabitur cor meum, insuper & caro meo requiescet in spe. In pace in idipsum dormiam & requiescam. Quoniam tu Domine singulariter in spe constituisti me. Et quæ est expectatio mea, nonne Dominus? & substantia mea apud te est. Suscipe me secundum eloquium tuum, & vivam, & non confundas me ab expectatione mea.

In te Domine speravi, non confundar in æternum, in justitia tua libera me, &c.

Gradus III. SINCERA CHARITAS.

Fiat voluntas tua, sicut.

Quæ est autem voluntas tua, ô amantissime Pater, nisi ut amem te? Ecce jubes, ut diligam te ex toto corde meo, & ex tota mente mea, &c. Sed dā quod jubes, & jube quod vis. Vides enim quot remoras tuæ voluntatis; quot amoris obstacula patiamur; dum corpus hoc, quod corrumpitur, aggravat animam. Volo quidem & ego sic amare te, condelector legi tuæ secundum interiorem hominem, sed invenio aliam legem in membris meis, repugnantem legi mentis meæ, ut non, quod volo bonum faciam.

Heu, infelix ego homo, quis me liberabit de corpore mortis hujus? Gratia tua per JESUM CHRISTUM Dominum nostrum. Da ergo ne amando animam meam, perdam eam; sed salutare odio conservem in vitam æternam.

Sed & audio, quod si quis diligat mundum, vel ea, quæ in mundo sunt, Charitas DEI non sit in eo. Expellat ergo & hunc pravum amorem de corde meo fortis ut mors, imo fortior

fortior morte Dilectio : ut nihil sit, præsertim in egressu meo de hoc mundo, quod me possit separare à charitate, quæ est in Christo **JESU** Domino nostro.

Absorbeat me vis amoris tui, ut amore amoris tui mundo moriar, qui amore amoris mei dignatus es in cruce mori.

Gradus IV. PARTICIPATIO SACRAMENTORUM.

Panem nostrum quotidianum.

DEus, qui hætenus pascis me à juventute mea: ô si usque in senectam, & cum defecerit virtus mea, non derelinquas me. Nam peregrinantes per hoc desertum, ad terram promissionis, cibo opus habemus non minus animæ quam corporis; ne deficiamus in via. Non enim in solo pane vivit homo; sed de omni verbo quod procedit de ore tuo. Itaque cibus animæ est Verbum tuum; item Sacramenta tua, & præsertim Panis ille Angelorum, Manna de cælo verum, Corpus inquam, & Sanguis Domini nostri **JESU CHRISTI**, dicente ipso, Caro mea vere est cibus, & Sanguis meus vere est potus, ex quo si quis manducaverit, non morietur in æternum.

O da mihi, Domine, ut cum ingrediar viam universæ carnis, & ex deserto mundi hujus ad patriam promissionis æternæ proficiscar, Viatico non destituar: præsertim vero Panis ille divinus confirmet cor meum: Corpore, inquam, ac sanguine tuo refice animam meam, ut in fortitudine cibi illius ambulem usque ad montem excelsum gloriæ tuæ, ubi Electos tuos, quos hic ad tempus cibasti pane lacrymarum, cibabis ex adipe frumenti, & satiabis eos ab ubertate domus tuæ.

Gradus V. REMISSIO PECCATORUM.

Et dimitte nobis debita nostra.

SCio, Domine, quia nihil coinquinatum potest intrare in Regnum cœlorum: nec admittis quemquam nisi reconciliatum & tibi, & proximo suo. Et, heu! miser ego & inops, debitis infinitis tibi teneor obnoxius, nec unde solvam, aut satisfaciam, habeo. Quid faciam? Ecce, apud te Domine misericordia, & copiosa Filii tui Redemptio. Ille venit solvere delicta nostra; & peccatores salvos facere, quorum primus ego sum: Ne intres, quæso, in iudicium cum servo tuo, quia non justificabitur in conspectu tuo omnis vivens, sed respice in faciem Christi tui.

Doleo ex intimo corde, quod unquam offenderim te Deum & summum Bonum meum. Ideoque dimitto ex animo proximis meis omnes offensas; ne forte frustra à te Domino meo sperem misericordiam, si ego servus conservo meo reservem iram. Dimitte ergo mihi, juxta promissum Filii tui (Dimittite, ait, & dimittetur vobis,) præsertim in ultima illa hora, cum præsentabor coram te Iudice meo. Heu me, si tu iniquitates meas tunc observaveris! O si chirographum decreti contrarium nobis, & debitorum meorum deleat Sanguis JESU CHRISTI, qui pro nobis effusus est in Cruce in remissionem peccatorum.

Gradus VI. VICTORIA
TENTATIONUM.*Et ne nos inducas in tent.*

Quid enim est hæc vita nostra, nisi tentatio, & militia continua super terram? Inde gravis nobis colluctatio cum hostibus multis & potentibus, quibus resistere non sufficimus, nisi tu Dominus, potens in prælio pugnes pro nobis; & protegas nos.

O fidelis **D**EUS, ne patere me tentari supra id quod possum;

sum; sed fac cum tentatione exitum; præsertim circa horam exitus mei ex hoc mundo; tunc enim vehementius instare solet hostis, insidians calcaneo hostro.

Adesto mihi in illa ancipiti lucta, & ultimi agonis momento, à quo pendet tota æternitas mea, & fructus omnium laborum, quos pro me suscepit; & sanguinis quem pro me effudit Filius tuus. Heu me, si in me frustretur pretium ejus. Conforta me, ne tentationi succumbam. Illumina oculos meos ne unquam obdormiam in morte: ne quando dicat inimicus meus: Prævalui adversus eum. Da mihi ut accipiens armaturam Dei, possim resistere in die malo; & omnia tela nequissimi ignea extinguere: ne coronam justitiæ mihi repositam surripiat. Si tu pro nobis, quis contra nos? Si ambulem in medio umbræ mortis, non timebo mala, quoniam tu mecum es. Si consistant adversus me castra, non timebit cor meum, &c.

Gradus VII. LIBERATIO à MORTE ÆTERNA.

Sed libera nos à malo.

Multa quidem hic nos mala premunt, & ad te, ô Deus, ire compellunt, ut liberari petamus: Mundus, qui totus in maligno positus est: Satan quoque *malus* per excellentiam: aliaque poenæ *mala* innumera. Sed nil æque malum, ac Mors Animæ, infausa proles peccati. Nam peccatum, cum consummatum fuerit, generat mortem. Itaque *Mors peccatorum pessima*. Nimirum separari à summo BONO, Hoc est malum omnium malorum. O si in die mala ab hoc *malo* liberet me Dominus. Non enim mortui laudabunt te Domine, neque omnes qui descendunt in infernum. Vivens vivens ipse confitebitur tibi.

O Domine *libera* animam meam; misericors Dominus & justus. Eripe animam meam de *morte*; oculos meos à lacrymis, pedes meos à lapsu, ut cantem tibi canticum novum; & sacrificem tibi hostiam laudis.

Fortitudo & Laus mea Dominus, & factus est mihi in salutem.

Dex.

DE B.V. MARIA, & BEATA MORTE. 635

Dextera Domini fecit virtutem, Dextera Domini exalta-
vit me, &c.

Non moriar, sed vivam, & narrabo opera Domini.

Castigans castigavit me Dominus, & morti non tradidit
me.

Dirupisti vincula mea, absorpta est mors in victoria.

Anima mea sicut passer erepta est de laqueo venan-
tium:

Laqueus contritus est; & ego liberatus sum.

Confitebor Domino, quoniam bonus, quoniam in sæculum
misericordia ejus. Amen. Amen.

C A P. X.

E X E R C I T I A

pro infirmis tempore morbi.

O R A T I O N E S

Pro Patientia in morbis & afflictionibus corporis.

Oquar ad Dominum, cum sim pulvis & cinis; umbra
fugiens, aut vapor ad modicum parens. Memorare Do-
mine, quæ mea substantia. Memento quod sicut lutum feceris
me; & in pulverem reduces me. Ne ergo multa fortitudine
contendas mecum; quæ est enim fortitudo mea, ut susti-
neam; aut quis finis meus, ut patienter agam? neque enim
fortitudo lapidum fortitudo mea; neque caro mea æneæ est.
Vt quid ergo sagittæ Domini in me sunt, quarum acerbitas
debilitabit spiritum meum; & terrores Domini militant con-
tra me?

Sed quid, an in Cælum ponam os meum; aut contradicam
sermonibus Sancti? Quin dicam potius: Dominus dedit vi-
res, sanitatem, &c. Dominus abstulit. Sicut Domino placuit,
ita factum est. Sic Nomen Domini benedictum. Ita, dico,
Domine; ita sentio. Iustus es Domine & rectum iudicium
tuum; Et certe graviora ego merueram. Si iudex meriti mei
iple fieri cogerer, nihil possem huic, quam patior, poenæ demere.
Agnosco ergo manum Patris benigne castigantem; non

T t

dexteram

236 PARADISI SECT. VII.

dextram Iudicis in ira punientem. Sed hoc unum rogo te, Pater clementissime, agnosce figmentum tuum fragile, & pusillum; quid ferre valeat, ne succumbat; ex se quidem nihil penitus; ex te omnia, si gratia tua confortet.

Itaque da robur, ut pati & portare possim; *Patientiam*, inquam, desidero. Hæc mihi omnino necessaria est: Hanc da mihi Domine; & ecce paratum cor meum Deus, paratum cor meum, accipere quidquid mihi applicitum fuerit; ita ut etiam hæc mihi sit consolatio, ut affligens me dolore non parcas. O fac Domine, ut in patientia mea possideam animam meam: ideoque frequenter respiciam in faciem Christi Filii tui, ut ipso tanta ac tam dira in carne passo, eadem cogitatione amari studeam. Ille factus est tibi obediens usque ad mortem, & mortem Crucis. Ego necdum usque ad Sanguinem restiti. Sentio tamen, quantam vim patiar, dum aculei morbi, & dolores mortis irruunt in me.

Itaque fortitudinem meam ad te custodiam. Quoniam tu es fortitudo mea, & refugium meum. Tu es protector vitæ meæ. Proba me Domine, & tenta me; ure renes meos, & cor meum; ut inveniar aliquando dignus te; velut aurum, quod non sint condignæ passiones huius temporis ad futuram gloriam, quæ revelabitur in nobis: attamen novi quoque; quia sicut oportuit pati Christum, & ita intrare in gloriam suam ita & Christianus, si non conformetur suo capiti, & non transeat per ignem & aquam; haud educetur in refrigerium. Ecce Domine jam in igne sum; & quam diu? Hoc tuum sibi. Serva me interim qui tres pueros in fornace Babylonis servasti illæsos. Educ me quoque quando voles, incolumem; ut & ego benedicam tibi cum omnibus Creaturis tuis in omnia sæcula, dicens, Benedicite omnia opera Domini Domino, &c.

Aliud Exercitium pro Patientia habes supra Sectione 4. pagina 305.

ASPIRATIONES & Considerationes

Animæ piæ,

In morbis & adversis utiles.

1. **O Sapiencia** Aeterna, quæ attingis à fine usque ad finem fortiter, & disponis omnia suaviter: tangis me fortiter hoc morbo & malo corporis, sed dispone id ipsum suaviter ad gloriam tuam & salutem meam qui omnia in pondere, & mensura disponis.

2. **O Pater**, à quo omne datum optimum, & omne donum perfectum; sed & hæc infirmitas seu afflictio mea, nonne donum tuum est? An eam casui & fortunæ tribuam, nonne agnoscens tuam providentiam? Absit hoc à me; Scio enim, quia tu gubernas omnia: Sed & Domine custodis omnia ossa nostra, unum ex his sine te non conteretur. Quin & capilli capitis nostri omnes numerati sunt apud te. In manibus tuis sortes meæ. Tu percutis & sanas, vivificas & mortificas. Sive vivimus, sive morimur, tui sumus Domine. Fiat in omnibus voluntas tua. Si bona suscepimus de manu Domini, mala quare non sustineamus? quæ tamen mala non erunt, si ea suscipimus ex mente Domini, nos corripit ut filios, ad disciplinam. Nempe diligentibus Deum, hæc ipsa mala cooperantur in bonum.

3. **O Domine** ego servus tuus, & filius ancillæ tuæ; fac de me, quod placitum fuerit ante te; & quis sum ego, qui reugnem tibi? Quis enim restitit tibi, & pacem habuit? Ecce ego lutum, tu figulus. Finge, & excoque me, si ita visum tibi, in camino tribulationis; ut fiam vas in honorem.

4. **O Medice**, qui verbo curas omnes languores animæ, nec minus corporis, quando id animæ nostri expedire: Sana me Domine, & sanabor in anima; salvum me fac, & corpore quoque salvus ero. Confido in te; & non in medicis, aut ullis remediis. Illa quidem non respuo: Sed nisi tu restitueris domum ruinosam corporis mei, in vanum laborant omnes qui ædificant eam.

Remediis ergo, si quæ porriguntur, tu præsta vires, ut efficaciam

caciam suam habeant in me: Sin minus, Patientiam operare in anima mea: nam illa certissimum & præsentissimum est adversus omnes morbos & mala remedium.

Sed ecce jam agnosco te reipsa Medicum. Officium medici est noxium humorem ab ægris corporibus expellere, amara etiam potione, aut dero quovis remedio. Id tu facis nunc, ô coelestis medice, hac afflictione corporis mei. Durum quidem remedium, & ingratum, fateor, carni meæ; Sed intemperans & inobediens æger crudelem facit medicum.

Nimirum ego, cur negem? Sæpe indulsi carni meæ nutrivi eam in delitiis; multam noxiæ bilis, & pravi humoris colluviem contraxi. Itaque contraria forte contrariis curanda judicas. Fiat Domine; detur caro in interitum; modo Spiritus salvus fiat. Caro nos læta traxit in culpam, afflicta utinam reducat ad veniam. Vre, seca; modo parcas in æternum.

O R A T I O

Ad Christum orantem in Horto sub initium Passionis.

Pro gratia & solatio in hora mortis.

Tristis est anima mea usque ad mortem. Et progressus pusillum procidit in faciem suam, orans & dicens: Pater mi, si possibile est, transeat à me calix iste. Veruntatem non sicut ego volo, sed sicut tu. Et factus in agonia prolixius orabat. Et jactus est sudor ejus, sicut gutta sanguinis decurrentis in terram.

O Dominator Cœli & terræ, Jesu Christe, robur, fortitudo, & victoria Martyrum, qui per te iniulantur morti, & in morte victores exultant. Vnde ergo tibi metus iste? unde tam anxia supplicatio? unde sudor tam mirus & inauditus, id est, sanguineus? Nonne oblati es, quia ipse voluisti? nonne voluntarie omnino sacrificium istud Deo Patri obtulisti?

Quis non timeat ô Domine, si times tu, quem omnia timeant? Quis non concidat exanimis, si tu procidis in faciem, cui curvatur omne genu? Quis non exhorreat ad mortis adspectum,

ad spectum, si tu, qui victor mortis futurus es, morte appropinquante, sic formidas?

Sed benedictus sis in æternum, mi Jesu, quia ad consolationem infirmorum membrorum tuorum, hæc infirmitatis indicia assumere dignatus es; ne carnis infirmitas nobis desperationem ingerat, ubi ad passionem & mortem promptus est Spiritus.

Eja Domine recordare vehementis illius tristitiæ, illius pavoris, horroris, & terribilis angustiae, quæ velut inundantes aquæ intraverunt usque ad animam tuam, cum jam adesset initium acerbissimæ Passionis tuæ; adeoque pronus caderes in terram, & peteres à Patre transferri calicem istum abste.

Recordare durissimi illius agonis, & luctæ, heu, nimis acerbæ, qua tibi cum morte, in tristissima illa nocte confligendum fuit, quæ & sanguinem è toto corpore tuo sudorem heu quam violenter expressit!

Memento, inquam, Domine, quorsum hæc omnia? Vtique propter nos homines, & propter nostram salutem. Et quidem erit, cum & ego veniam in hanc horam; cum & ego in hunc hortum seu campum certaminis ingrediar; ut cum morte congrediar. Heu Domine, Quid tunc fiet de me? Si ne ope tua subsistere non potero; quin deficiam & succumbam, nisi tu mecum sis, & pugnes pro me; tu, qui laborantes & oneratos invitas ad te, ut eos reficias.

Calicem quidem tuum, & ego bibere paratus sum; quomodo enim ego peccator recusabo eum, cum tu Agnus innocens illum prior ebiberes? Itaque deprecari eum non audeo: attamen hoc enixe precor, Domine, ut temperes mihi calicem istum, & amaritudinem ejus, sic Gratia & consolatoris tuæ fonte diluas, ut non abhorream, nec subterfugiam, quo minus bibam illum: omnia enim potero per Gratiam tuam, si me confortes. Sed & calix Gloria tuæ inebrians quam præclarus est! O ubertas Domus Dei, quam inebriabuntur Electi tui! O torrens voluptatis, quo potabis amicos tuos! Quid ista spes & expectatio non leniat, condiat, aut dulcoret? certe omne durum ac grave tribulationis nostræ, æternum Gloriæ pondus alleviat.

Verum Domine in his non mea voluntas, sed tua fiat: Lenem & suavem mortem non peto; Sed qualem tu vis, & nosti fore ad maiorem gloriam tuam, & meam salutem. Totum hoc tuæ pietati, & voluntati committo. Si difficiliorem mihi luctam, & graviores mortis angustias divina providentia tua disposuit, fiat voluntas tua. Paratum cor meum Deus; sed conserva & adauge in me fidem, & spem præsentis, bonitatis, & misericordiæ tuæ; nec derelinques me Deus Salvator meus; sicut nec Pater tuus dereliquit te, mitte, inquam, & mihi Angelum sanctum tuum, qui in illis angustis me consolationibus suis erigiat, & confirmet, omnemque virtutem inimici propulset à me, donec peracto hoc agone, lætus triumphem, & merear à te coronam vitæ, quam promissisti diligentibus te, & perseverantibus usque in finem, Amen.

C A P. X.

Protestationes sæpius faciendæ, & maxime ante mortem, ab eo, qui Christiane vivere, & mori desiderat.

I.

IN primis protestor, me tota animi promptitudine à divina providentia acceptare hanc & quamcunque aliam crucem, morbum, imo & mortem ipsam, divinæ voluntati meam plenissime submittere; agnoscens me non solum hac afflictione, infirmitate, & morte, verum etiam omni alio graviore supplicio, ipso etiam inferno, propter innumerabilia peccata mea dignissimum.

Suscipio insuper hanc infirmitatem & mortem, ob reverentiam sacratissimæ Passionis Domini nostri Iesu Christi, dolores, molestias, & acerbitates, quas tolero cum molestiis, doloribus, & amarissimis pœnis, quas in vita, passione & in morte sua pertulit, uniens; suppliciterque eum rogans, ut dignetur eas acceptare pro pœnis innumerabilium peccatorum, quorum in Purgatorio debitorem me fateor, adeoque in remissionem culparum mearum, & maxime earum, quæ pluri-

plurimum conscientiam meam urgent, & quas majori cum diligentia confessas, & diligentiori satisfactione abolitas modo optarem.

II.

Protestor quod sicut hactenus in vera S. Catholica & Apostolica Ecclesiæ fide vixi, & credidi firmissime, quidquid illa credidit mihi que credendum proposuit, speciatim autem articulos Symboli Apostolici; etiam velim mori in eadem fide: & in hunc finem confitendo dico; Credo in Deum Patrem omnipotentem, &c. omnia eodem sensu intelligens, quo illa semper intellexit sancta Mater Ecclesia.

III.

Protestor me humillime petere remissionem omnium meorum peccatorum commissorum contra divinam Majestatem, proximum, & meipsum, cogitatione, verbo, opere & omissione in observantia mandatorum Dei, præceptorum Ecclesiæ (Regulæ & constitutionum quas professus sum) in operibus misericordiæ, tum spiritualibus, tum corporalibus; in abusu Sacramentorum, & negligenti custodia sensuum meorum, omnium, inquam, peccatorum meorum seu mortalium, seu venialium; occultorum & alienorum, veniam precor à Deo meo per infinitam bonitatem, & misericordiam ejus, per meritum vitæ, passionis & mortis Domini mei, & Filii ejus Iesu Christi, & per potentissimam intercessionem gloriosissimæ Virginis Mariæ matris Christi; per opem omnium Angelorum, Sanctorum, & Sanctarum Curia cælestis, & specialiter Patronorum meorum. Atque humillime à divina bonitate peto, ut dignetur ex hoc tam immenso thesauro omnes defectus meos in confessione Sacramentali commissos supplere; & vel nunc demum veram ac sinceram mihi largiri contritionem de omnibus peccatis meis.

IV.

Protestor quod ex animo ignoscam omnibus qui me unquam quocunque modo læserunt vel offenderunt, imo illis à divina Majestate omnia illa bona precor, quæ desidero animæ meæ, insuperque veniam peto, si eis occasionem me offendendi præbuerim. Deum autem omnipotentem rogo, ut profunde ac vivaciter hoc ipsum in corde meo sentiam, & vere ac sincere dicere valeam, Dimitte mihi debita mea, sicut & ego dimitto debitoribus meis.

V.

Protestor quod humillime ex toto corde veniam rogem ab omnibus illis, quos malo exemplo, factis, verbis, vel quocunque modo, scienter vel ignoranter offendi, ad omnem satisfactionem me paratissimum offerens; & Deum enixe rogans, ut si quem læsi, aut defraudavi, ejus mihi memoriam renovet, & refarciendæ omnis injuriæ sinceram voluntatem & plenam facultatem mihi ante mortem tribuat.

VI.

Protestor me cogitationibus, verbis & operibus imparem divinæ bonitati esse, nec infinitis beneficiis & gratiis, quæ tu Domine mi, mihi præstitisti, tam universalibus, quam particularibus, tam publicis, quam privatis, tam manifestis, quam occultis, ullo modo respondere posse; adeoque sanctissimis tuis pedibus advolutus, quas possum maximas, maximoque animi affectu gratias ago.

Appello itaque beatissimam Virginem Matrem tuam, Patronam meam, sanctos Angelos, & præcipue Custodem meum; omnes Sanctos & Sanctas curiæ cœlestis, specialiter autem meos Patronos & advocatos, ut suis gratiarum actionibus suppleant meum defectum, & singularem ingratitude, de qua doleo, ac te veniam rogo. Optarem autem mihi hoc casu tot linguas & corda, quot sunt creaturæ in mundo, quot stellæ in cœlo, quot folia in arboribus, quot arenæ in littore maris, ut aliquo modo pares gratias decantare tibi valeam, & ideo illud Propheticum assumo:

Bene-

DE B. V. MARIA, & BEATA MORTE. 643

Benedicite omnia opera Domini Domino, laudate & superexaltate eum in sæcula.

Laudate Dominum de cœlis : laudate eum in excelsis.

Benedic anima mea Domino, & omnia quæ intra me sunt, homini sancto ejus.

Benedic anima mea Domino : & noli oblivisci omnes retributiones ejus.

Benedicam Dominum in omni tempore : semper lause ejus in ore meo.

Similiter omnibus illis gratias ago, qui mihi ullum beneficium corporale aut spirituale præstiterunt : præcipue illis, qui me instruxerunt, corripuerunt, & admonuerunt ; aut ullam mihi occasionem de dulcissimo meo Iesu bene merendi ex charitate præbuerunt.

VII.

Protestor me velle vivere, & mori, munitum meritis Passionis, Mortis, & Sanguinis à Salvatore meo effusi ; item Patrocinio gloriosissimæ Virginis, & omnium Sanctorum Ecclesiæ, ac reliquorum, qui adhuc sunt, aut erunt usque ad finem mundi, quæ omnia Deo offero pro remissione omnium meorum peccatorum, & in gratiarum actionem pro omnibus beneficiis à divina Majestate receptis.

VIII.

EX nunc pro hora mortis meæ supplico beatissimæ Virginis, Angeli meo custodi, omnibus Sanctis, ut quoad vixero, & maxime in hora mortis meæ, efficacibus suis intercessionibus, & meritis impetrent mihi veram fidem, certam spem, ardentem charitatem, constantem fortitudinem, profundam humilitatem, invictam patientiam, omnesque alias virtutes, quæ mihi pro reliquo vitæ meæ, ac mortis articulo necessariæ sunt : ideoque ex nunc pro tunc dico :

Maria Mater gratiæ,

Mater Misericordiæ,

Tu nos ab hoste protege,

T t s

Et

Et hora mortis suscipe.

Omnes Sancti & Sancta Dei, interdicite pro me, ut dignus sim mori in gratia Christi.

IX.

Protestor quod si Deo permittente contingeret me vitæ aut mortis tempore ab hoste maligno, quacunque tentatione pulsari, me nolle illi consentire, neque tacite, neque expresse, neque signis, neque verbis, neque factis; adeoque ex nunc pro tunc revoco, irrito & detestor omnes & qualescunque cogitationes, quas demon mihi suggerere poterit: sollemni Deo Creatori meo, in finem usque adhærere, & fidelis esse volo: Abrenuncians & nunc denuo & totaliter Satanæ, & omnibus operibus ac suggestionibus ejus.

X.

Denique commendo animam meam Deo Creatori, qui eam ex nihilo creavit: Christo Salvatori, qui eam suo Sanguine & morte redemit: Spiritui S. qui eam in Baptismo sibi sanctificavit. In manus tuas Domine commendo spiritum meum. Deus propitius esto mihi peccatori.

Similiter protestor, quod ubi in agone constitutus, amplius lingua loqui non valero, saltem animo desiderem Deo meo uniri; & ex nunc pro tunc illi offero agoniam, labores, sudores, & passiones meas, uniendas agoniam, sudori sanguineo, doloribus & passionibus dulcissimi Salvatoris mei, Iesu Christi, in remissionem peccatorum meorum, & ad gloriam ejus æternam: omnesque ipsi assistentes Angelos toto corde deprecor, ut me in hoc mortis articulo fideli præsidio defendant.

C A P. XII.

E X E R C I T I U M seu Protestatio
Infirmi & Moribundi.

Quæ coram Ven. Sacramento, ab infirmo Viaticum sumptu-
ro, vel ab alio ejus nomine utiliter legetur.

*Utilis etiam alias in Communione, tam sanis,
quam infirmis.*

O Pater misericordiarum, & Deus totius consolationis,
Ecce ego creatura tua facta ad imaginem tuam, & re-
dempta Sanguine Unigeniti Filii tui, compareo coram te Crea-
tore meo; à quo, & ad quem creatus sum; cujus gratia vixi
hactenus, & cui deinceps quousque tibi visum fuerit, vivere
volo; propter quem, & in quo mori cupio; Adoro te sup-
plex ad quem desiderat, & millies suspirat anima mea: ad te
clamo, quem solum præ omnibus amo, ô quies mea, spes
mea, amor meus, desiderium meum, & omne bonum cordis
mei.

O Pater amantissime, quamvis sim minimus filiorum tuo-
rum, imo indignus vocari filius tuus, quia te non honoravi,
ut Patrem: venio tamen magna cum fiducia, & me projicio
in sinum & brachia suavissimæ charitatis, & misericordiæ tuæ:
dolens ex intimo corde meo, quod unquam dereliquerim te
Deum meum, fontem omnis boni, à te discefferim dulcissimo
Patre meo: tui oblitus fuerim: qui omni momento, quasi
omnium aliorum immemor, nunquam oblitus es mei.

O utinam nunquam offendissem te, ô Deus meus & omnia!
Suscipe saltem hoc ab intimo cordis mei ardens votum, ac de-
siderium meum; Dum tempus est miserendi, respice in me,
& miserere mei. Scis enim, Domine, quia amo te plusquam
me (aut certe sic amare desidero) & super omnia, quæ sunt,
& esse possunt amabilia. Scio cui credidi; & quia potens es
depositum meum servare: scio etiam quia cor contritum &
humiliatum ô Deus non despicias.

Spero

Spero quoque quod nunquam projicies me à facie tua, tu qui tam amanter invitas nos ad te, dicens: Venite ad me omnes qui laboratis & onerati estis; & ego reficiam vos. Ecce Domine venio; Tu, qui omne, quod ad te venerit, non ejicis foras, suscipe me secundum eloquium tuum, & vivam; & non confundas me ab expectatione mea. Educ de hoc carcere animam meam, ad confitendum nomini tuo.

O felix hora! quando liberabor de corpore mortis hujus? Quando veniam ad te? quando venies, & consolaberis me? quando non per speculum & in ænigmate, sed facie ad faciem videbo te? quando deposito hoc corpore, quod corrumpitur, & aggravat animam, sine remora laudabo te? quando servum tuum dimittes in pace, ut pure serviat tibi?

Priusquam autem abeam, & amplius non ero, saltem cupio divinæ Majestati tuæ in hac lacrymarum valle ex omnibus animi viribus incipere offerre sacrificium laudis; ut deinceps in sæcula sæculorum laudem te.

Gratias igitur ago tibi infinities, quod ab æterno dignatus fueris de me tam amanter cogitare; & in tempore creare me ad imaginem tuam: Et quando venit plenitudo temporis, redimere me sanguine Unigeniti Filii tui; toties mihi parcere peccanti, & de tenebris peccati toties me revocare in admirabile lumen tuum.

Quid vero tibi, ô Domine J E S U, pro laboriosa vita, & acerbissima morte tua; & quod toties me pascere dignatus es Corpore & Sanguine tuo; quid, inquam, tibi pro omnibus, quæ retribuisti mihi, retribuam, ô Sponse dilectæ animæ meæ?

Abyssus Nihili mei, & miseriæ mearum invocat abyssum bonitatis & immensæ charitatis tuæ, in voce quinque cataractarum, id est vulnerum tuorum; in his enim tota spes, & fiducia mea: propter hæc, & immensum Oceanum misericordiæ tuæ, ex iis manantem, securus venio ad te, etiam miser, nudus, & pauper, quia tu dives es in omnes, & bonorum meorum non eges. Calicem salutaris quem mihi propinas, quamvis amarum, libens accipiam de manu tua, & bibam

& bibam illum tecum, quia tu prior illum pro me ebibisti, cum ita vehementer sitires salutem meam. Sed & nomen Domini invocabo, & sacrificabo tibi hostiam laudis.

Quis mihi tribuat, ut ex omni affectu cœlestis curiæ, omnium Angelorum, & Sanctorum, & imprimis sanctissimæ Matris tuæ, te pro hoc arctissime complecti possim; ut omnium eorum, & omnium creaturarum vocibus & affectibus, te laudem atque glorificem?

Accipe Domine cor meum in holocaustum, quod jam totum tibi præbeo; Do & oculos meos, ut te solum videant, & in te omnia: aures meas, ut audiant verbum tuum; os, seu linguam, & labia mea, ut repleantur & cantent gloriam tuam, tota die magnitudinem tuam; Manus meas, ut extendam eas in cœlum ad orationem; vel ad proximum pro eleemosyna; & ad mandata tua: Pedes meos, ut dirigantur in viam pacis: omnia denique membra & ossa mea ut dicant: Domine, quis similis tibi?

Benedic anima mea Domino, & omnia quæ intra me sunt; nomini sancto ejus: Benedic anima mea Domino, & noli oblivisci omnes retributiones ejus. Abrenuncio jam omnibus terrenis his: quia in te uno omnia habeo; abnego me, quia tuus sum ego, & vivo ego, jam non ego, vivis autem in me Christe JESU; & diligo te ex corde meo, ex tota anima mea, ex tota mente mea, & ex totis viribus meis.

Pone ergo me juxta te, & cujusvis manus pugnet contra me: Et si forte contingeret deinceps ut vi morbi, aut hostis fallacia, aliena ab his cogitarem vel loquerer; ea nunc revoco & abrenuncio; & contestor coram te, Deus meus, & te, ô beatissima Mater mea, Virgo *Maria*, & te, mi Angele Custos, & vobis ô dilecti Patroni mei N. & N. quia in fide Catholicæ & Apostolicæ Ecclesiæ vivere & mori volo: & in solo Deo ac Domino meo *Jesu Christo*, ejusque meritis confido: Et amo illum super omnia, toto corde, tota anima mea, & usque ad extremum spiritum amare volo.

Quidquid contra hæc tam sancte, tamque seria voluntate decreta mihi vel hostis tentatio, vel carnis infirmitas; vel morbi

morbi vis aut corporis afflictio suggesserit, nullum cupio esse in tribunali tuo, ô Deus: idque omnino nunc abominor, & abjuro: hocque testamentum in die iudicii solum volo validum esse; quod paratus sum sanguine meo consignare; pro quo, & pro te, ô Deus meus, millies mori opto, ut tibi vivam, cui omnia vivunt; tibi moriar, dulcissime *Iesu*, qui amore mei dignatus es mori.

O R A T I O

Post sumptam in morbo SS. Eucharistiam.

Ad IESUM Christum Mundi Salvatorem.

Quæ etiam post Communionem erit usus.

GLoria tibi Christe, qui in dulcedine tua pauperem meam animam visitare & refocillare dignatus es. Nunc dimittis servum tuum Domine, secundum verbum tuum in pace.

Iam te teneo, dulcis amor, jam ultra non dimitto te, jam Mundo & omnibus, quæ mundi sunt, lubens valefacio, jam gaudens ad te venio, Deus meus.

Nihil amodo; nihil, ô bone IESU, me separabit à te; tibi enim Christe conjunctus sum, in te vivam, in te moriar, & in te, si volueris, in æternum permanebo. Vivo jam non ego, vivit vero in me Christus.

Tædet nunc animam meam vitæ meæ; cupio dissolvi & esse cum Christo: mihi enim vivere Christus est, & mori lucrum.

Iam non timebo mala ambulans in regione umbræ mortis, quoniam tu mecum es Domine, & sicut desiderat cervus ad fontes aquarum, ita desiderat anima mea ad te Deus; sitivit anima mea ad Deum fontem vivum, quando veniam & apparebo ante faciem Dei mei?

Benedic mihi, *Iesu* amantissime, & nunc in pace dimitte me, quoniam tuus sum ego; & in æternum ultra nunquam dimittam te.

O si felici tibi copula nunc socier in æternum, ô si totus

in

in te immergi, totus absorberi & sepeliri in te merear, ô si anima mea inter amplexus tuos suaviter requiescens, absorbeat te Deo amatore suo.

Quid mihi jam ultra cum Mundo, mi amantissime *Iesu*? Ecce nec in cœlis quidquam præter te volui.

In manus tuas Domine *Iesu*, commendo spiritum meum. Recipe me, dulcis amor, ut in æternum mihi bene sit in te, & in pace suaviter in te obdormiam & requiescam.

O R A T I O N E S

Pro felice morte, tam sanis quam infirmis plurimum utiles.

Quæ non minus apud moribundos, ab aliis, paucis mutatis, utilissime recitari possunt.

Oratio I.

Domine *Iesu* Christe, per agnitionem, & orationem tuam sanctissimam, quam orasti pro nobis in monte Oliveti, quando factus est sudor tuus sicut guttæ sanguinis decurrentis in terram; obsecro te, ut multitudinem sudoris tui sanguinei, quem præ timoris tui angustia copiosissime pro nobis effudisti, offerre & ostendere digneris Deo Patri omnipotenti, contra multitudinem omnium peccatorum [meorum (*hujus famuli tui N.*) & libera [me (*eum*) in (*hac*) hora mortis [meæ (*sua*) ab omnibus pœnis & angustis, quæ pro peccatis [meis me (*suis se*) meruisse [timeo (*timet.*) Quicum eodem Deo Patre & Spiritu S. &c.

Pater noster. Ave Maria.

Oratio II.

Domine *Iesu* Christe, qui pro nobis in Cruce mori dignatus es: obsecro te, ut omnes amaritudines passionum & pœnarum tuarum, quas pro nobis miseris peccatoribus sustinuisti in cruce, & maxime in illa hora, quando sanctissima anima tua egressa est de corpore tuo sanctissimo, offerre

ferre & ostendere digneris Deo Patri Omnipotenti, pro anima [mea (*hujus famuli tui N.*) & libera [me (*eum*) in hac hora mortis, ab omnibus pœnis & passionibus, quas pro peccatis [meis me meruisse timeo. (*suis se meruisse timet.*) Qui cum eodem Deo Patre, & Spiritu S.

Pater noster. Ave Maria.

Oratio III.

Domine *Jesu* Christe, qui per os Prophetæ dixisti; In charitate perpetua dilexi te, ideo attraxi te miserans tui: obsecro te, ut eandem charitatem tuam, quæ te de cœlo ad terram, ad tolerandas omnium passionum tuarum amaritudines traxit, offerre & ostendere digneris Deo Patri Omnipotenti pro anima [mea (*hujus famuli tui N.*) & libera [me (*eum*) ab omnibus passionibus & pœnis, quas pro peccatis [meis me timeo meruisse (*suis se meruisse timet*) & salva animam [meam (*eius*) in hac hora exitus [mei. (*sui.*) Aperi mihi (*ei*) Domine, janua[m] vitæ, & fac [me (*eum*) gaudere cum Sanctis tuis in gloria. Qui cum eodem Deo Patre & Spiritu S.

Pater noster. Ave Maria.

Domine Jesu Christe, qui redemisti nos pretioso sanguine tuo, scribe in anima [mea (*famuli tui N.*) tua pretiosissima vulnera sanguine tuo, ut [discam (*discat*) in eis legere tuum dolorem, contra omnes dolores & pœnas, quas pro peccatis [meis me meruisse timeo; (*suis se meruisse timet;*) amorem tuum, ut [uniar (*uniatur*) tibi amore invincibili, quod à te & omnibus Electis tuis, nunquam possim (*possit*) in perpetuum separari.

Fac [me (*eum*) Domine *Jesu* Christe, participem sacratissimæ Incarnationis, sanctissimæ Conuersationis, amarissimæ Passionis, gloriosissimæ Resurrectionis, & admirabilis Ascensionis tuæ.

Fac [me (*eum*) Domine participem sacratissimorum Mysteriorum, & Sacramentorum tuorum.

Fac [me (*eum*) Domine participem omnium orationum

tionum & sacrificiorum, quæ sunt in Ecclesia tua sancta.

Fac [me (*eum*)] denique participem omnium benedictionum, gratiarum, meritorum, gaudiorum, omnium Electorum tuorum, qui tibi placuerunt ab initio mundi, & concede mihi (*ei*) ut cum his omnibus in conspectu tuo gaudeamus in æternum. Amen.

COMENDATIO.

Animæ in manus Creatoris.

In manus tuas, Domine, commendo spiritum meum.

[Am] commendo sanus & valens, ut commendatum habeas; ô Christe, quando illum commendare non potero amplius, etsi suis vinculis nondum solutum. Timeo tempus illud, quo inter vivos ero, nec esse me sciam. Videmus in plerisque moribundis id fieri. Spirant, vivunt, & vivere se nesciunt. quis palpitantem tunc spiritum & migrare trepidantem, tandem tamen ex amico carcere migrantem recipiat, si tu excludas, ô Creator?

Christe patientissime recordare, etiam te in extremis illis angustiis lacrymarum, & deferi questum esse, spiritum Patri commendasse, exclamasse, exspirasse.

Ad te ego jam clamo, ut tu Salvator meus spiritum meum suscipias, quocunque morbo, tempore, loco, è corpore abeuntem.

Recordare, bone Iesu, in cruce te brachia expandisse, pectus aperuisse, caput inclinasse. Ecce, anima mea à rebus creatis omnibus deserta, refugium quærit: in illa tua brachia sese immittit, in tuum illud pectus sese ingerit: admitte, obsecro, miseram, & ne inde exturba, donec ira Dei transeat. hic secunda, hic ab inferorum satellitibus tuta lateat.

Ergo, in manus tuas, Domine, commendo spiritum meum, imo tuum, quia tu eum creasti & reparasti: Figmentum, tuum, ô Deus, ne dispice.

CAP. XIII.

De modo agendi apud infirmos, præsertim moribundos.

Amplum ac celebre est hoc argumentum; nec intra tam angustos, qui nobis restant, Paradisi limites arctandum. Ubi-rius istud persequetur PÆDAGOGUS Ægrotantium, & Agonizantium, quem, Deo propitio, videbit pius Lector. Nunc paucis quedam proponemus.

Cui itaque cura ac cordi est Christiana charitas, eam si unquam alias, tum præcipue apud Infirmos & Moribundos, ostendat; eo nempe temporis articulo, quo de summa rei decertandum est, & causa totius Æternitatis agenda. O res plena discriminis! Et quid; si Æger solus in arenam descendat, congruis auxiliis destitutus?

Faceffant ergo inde otiosi & curiosi spectatores: adsint vero pii homines, qui cum hortando, tum consolando, tum orando Moribundum in illa difficili lucta, fideliter adjuvent, & ad felicem exitum dirigant.

Potissima tamen sit circa Contritionem, Fidem, Spem, Charitatem, & Resignationem cura, id est, Moribundus seri-um de peccatis suis dolorem concipiat; ut vivos ac efficaces Actus Fidei, Spei, ac Amoris erga Deum Proximumque exerceat; ut sese totum resignet ac conformet divinæ voluntati: infinitæ Dei misericordiæ immobiliter inhæreat, &c.

Complura huc opportuna passim Paradisus suggeret; Nos com-modo pii Lectoris obiter quedam annotabimus.

Memento tamen hæc & similia apud infirmos (maxime qui- bus morbus infestior est, caput debile, ratio non perinde lucida) non temere & confertim, sed sensim, leniter, & per intervalla ingerenda: ut spatium iis etiam detur, audita nonnihil ruminan-di; & in usum suum vertendi. Nam & oleum copiosius, ac cum impetu effusum Lampadem non alit, sed extinguit: & præceps imber arva subvertit, aut defluit; at qui sensim decedit, terram subit, irrigat, & fecundat.

Videas multum apud Ægros hac in parte peccari, dum iis ni-
mum

DE V.B. MARIA, & BEATA MORTE. 653

in legendis, & alloquendo, sæpe etiam parerga, & quæ minus ad
rem, ingerendo caput obrunditur.

Si cui ergo libet uti Paradiso apud Infirmos & Agonizantes,
preier ea, quæ hac ipsa sect. 7. tradimus, usum habebunt se-
quentia.

Professio seu Actus Fidei sect. 1. pag. 71.

Actus Spei ibid. pag. 72.

Actus Charitatis ibid. pag. 74.

Modus excitandi Centurionem. Colloq. sect. 3. §. 9. pag.
174.

Quomodo animandus Peccator spe divinæ misericordiæ.
ibid. 176.

Litaniæ Pœnitentium ex S. Script. Pag. 184.

Oratio elegantissima S. Bern. pro remissione peccatorum.
pag. 198.

Oratio Dominica ad usum pœnitentium aptata. p. 200.

Actus compunctionis & odii contra peccata. pag. 276.

Exercitium Fidei, Spei, Charitatis. pag. 294. & seq.

Exercit. Resignationis. pag. 300.

Contemptus rerum terrenarum. pag. 302.

Patientiæ. pag. 305.

Exercit. Ingentis Meriti, &c. pag. 316. Sect. vi. de Pas-
sione Domini, plurima inveniet pius Lector huc idonea;
præsertim in Colloquio inter Christum & Hominem.

Item Litaniæ de Passione Domini.

Aspirationes Rhythmicæ ad membra Christi patientis. ca-
dem Sect.

Aliæque Orationes ibidem de Passione Domini.

Denique supra, hac ipsa Sect. ex Colloquio plurima peti
possunt, apud Ægros non inutilia, nec ingrata futura.

Oratio ad B. Virginem pro felici morte. cap. 7. in fine.

Litaniæ & Oratio Dominica Ægris & Moribundis accom-
modata, par. 2. hac Sect.

Item Protestationes, aliæque quæ sequuntur ibid.

His omnibus addendæ

Selectæ Quædam Formulæ, & Sententiæ sacræ;
Ad exercendas Virtutes Theolog. &c. quæ circa mortem præcipue
conveniunt.

Ad Exercitium FIDEI.

Credo in Deum Patrem, qui me creavit ad imaginem & similitudinem suam.

Et in Jesum Christum Salvatorem meum, qui me suo sanguine redemit.

Et in Spiritum S. qui me in Baptismo sanctificavit.

Credo Domine, adauge fidem meam.

Credo quod Redemptor meus vivit; & in novissimo die de terra surrecturus sum; & in carne mea videbo Deum Salvatorem meum.

Credo, quia apud Deum non est impossibile omne verbum.

Credo quidquid dixit Dei Filius, Nihil hoc verbo veritatis verius.

Credo Domine Jesu; quia tu es Christus Filius Dei vivi, qui in hunc mundum venisti, non perdere sed salvare nos.

Credo quidquid Sancta Catholica, & Apostolica Ecclesia à Christo & Apostolis hucusque credit, & mihi credendum proposuit, cujus Ecclesiæ petra & fundamentum est Christus Jesus, dicens, Tu es Petrus, & super hanc petram ædificabo Ecclesiam meam, & portæ inferi non prævalebunt adversus eam.

Hic recitetur Symbolum Apostolorum. Credo, cui subjungetur in hac fide natus & baptizatus sum; in hac vixi, per Dei gratiam in hac vivere, & mori volo: Adjuvet, & confortet me contra omnem tentationem charitas & gratia Iesu Christi Salvatoris mei, &c.

Actum Fidei. vide Sect. 1. Pag. 71.

Ad Exercitium SPEI.

Innumera sunt in Psalmis, Prophetis, Euangelis, hac pertinentia: Nos aliqua delibabimus, prout occurrent memorie: Nihil quidem tam necessarium Moribundo, quam ut firmissimam de divina misericordia Spem in animo retineat; Nam hostem eam præcipue convellere nititur.

Dominus

DE V. B. MARIA, & BEATA MORTE. 655

Dominus illuminatio mea & salus mea, quem timebo?

Dominus protector vitæ meæ, à quo trepidabo? *Ec.*

Psal. 26.

Si ambulavero in medio umbræ mortis, non timebo mala, quoniam tu mecum es, *Psal. 22.*

In te Domine speravi, non confundar in æternum, in iustitia tua libera me. *Psal. 30.*

Dominus pars hæreditatis meæ & calicis mei. Tu es qui retribues hæreditatem meam mihi.

Providebam Dominum in conspectu meo semper, quoniam à dextris est mihi, ne commovear.

Propter hæc lætatum est cor meum, & exultavit lingua mea, insuper & caro mea requiescet in spe, *Ec. Psal. 15.*

Exsurgat Deus & dissipentur inimici ejus, & fugiant qui oderunt eum, à facie ejus; sicut deficit fumus, deficiant; sicut fluit cera à facie ignis, sic pereant peccatores à facie Dei.

Psal. 67.

Iuxta est Dominus his qui tribulato sunt corde, & humiles spiritu salvabit. *Psal. 33.*

Quare tristis es anima mea, & quare conturbas me?

Spera in Deo, quoniam a thuc confitebor illi, salutare vulnus mei & Deus meus. *Psal. 41.*

Sic Deus dilexit mundum, ut Filium suum unigenitum daret, ut omnis qui credit in eum, non pereat, sed habeat vitam æternam. Non enim misit Deus Filium suum in mundum, ut judicet mundum, sed ut mundus salvetur per ipsum.

Joan. 3.

Sed & si quis peccaverit, Advocatum habemus apud Patrem, IESUM Christum justum: & ipse est propitiatio pro peccatis nostris: non pro nostris autem tantum, sed etiam totius mundi. *1 Joan. 2.*

Amen, amen dico vobis, quia qui verbum audit & credit ei qui misit me, habet vitam æternam, & in iudicium non venit, sed transiet à morte in vitam. *Joan. 5.*

Omne quod dat mihi Pater, ad me veniet, & eum qui venit ad me, non ejiciam foras. Amen, amen dico vobis, qui credit in me, habet vitam æternam. *Joan. 6.*

Ego sum Resurrectio & Vita, qui credit in me, etiam si

mortuus fuerit, vivet, & omnis qui vivit & credit in me, non morietur in æternum. *Ioan. 11.*

Si Deus pro nobis, quis contra nos? Qui etiam proprio Filio non pepercit, sed pro nobis omnibus tradidit illum; quomodo non etiam cum illo Omnia nobis donavit? Quis acculabit adversus electos Dei? Deus qui justificat. Quis est qui condemnet? Christus IESUS qui mortuus est, imo qui & resurrexit, qui est ad dexteram Dei, qui etiam interpellat pro nobis. *Rom. 8.*

Nemo nostrum sibi vivit, & nemo sibi moritur. Sive enim vivimus, Domino vivimus, sive morimur, Domini sumus. *Rom. 14.*

Scimus, quoniam si terrestris domus nostra hujus habitationis dissolvatur, quod ædificationem ex Deo habemus, domum non manu factam, æternam in cœlis. Nam & in hoc ingemiscimus, habitationem nostram, quæ de cœlo est, superindui cupientes, si tamen vestiti, non nudi inveniamur. *2 Cor. 5.*

Nunc magnificabitur Christus in corpore meo sive per vitam, sive per mortem. Mihi enim vivere Christus est, & mori lucrum. Esse cum Christo multo magis melius. *Phil. 1.*

Nostra conversatio in cœlis est, unde etiam Salvatorem expectamus, Dominum nostrum IESUM Christum, qui reformabit corpus humilitatis nostræ, configuratum corpori claritatis suæ. *Phil. 3.*

Fidelis sermo & omni acceptione dignus, quod Christus IESUS venit in hunc mundum, peccatores salvos facere, quorum primus ego sum. *1 Tim. 1.*

Qui perseveraverit usque in finem, salvus erit. *Matt. 24.*

Esto fidelis usque ad mortem, & dabo tibi coronam vitæ.

Apoc. 2.

Derelinquat impius viam suam: & vir iniquus cogitationes suas, & revertatur ad Dominum, & miserebitur ejus, & ad Deum nostrum, quoniam multus est ad ignoscendum. Non enim cogitationes meæ cogitationes vestræ, neque viæ vestræ, viæ meæ. Quia sicut exaltantur cœli à terra, sic exal-

altatæ sunt viæ meæ à viis vestris, & cogitationes meæ à cogitationibus vestris. *Isa. 55.*

Nunquid voluntatis meæ est mors impii, & non ut converteratur à viis suis, & vivat? Convertimini & agite pœnitentiam ab omnibus iniquitatibus vestris. Et non erit vobis in ruinam iniquitas; quia nolo mortem morientis, revertimini & vivite. *Ezech. 18.*

Vivo ego, dicit Dominus Deus: nolo mortem impii; sed ut convertatur impius à via sua, & vivat. Convertimini à viis vestris pessimis. Et quare moriemini Domus Israël? *Ezech. 33.*

Miserator & misericors Dominus, longanimus, & multum misericors.

Quomodo miseretur pater filiorum, misertus est Dominus timentibus se, quoniam ipse cognovit figmentum nostrum &c. *Psal. 102.*

Suavis Dominus universis, & miserationes ejus super omnia opera ejus.

Allevat Dominus omnes qui corruunt, & erigit omnes elisos. *Psal. 144.*

Pharisæi dicebant Discipulis Iesu, quare cum Publicanis & peccatoribus manducat Magister vester? At Iesus audiens ait, Non est opus valentibus medicus, sed male habentibus. Non enim veni vocare justos, sed peccatores, *Matth. 9.*

Venite ad me omnes, qui laboratis & onerati estis; & ego reficiam vos. Et invenietis requiem animabus vestris. *Matth. 11.*

Ego sum Pastor bonus: & cognosco oves meas; & cognoscunt me meæ. Sicut novit me Pater, & ego agnosco Patrem: & animam meam pono pro ovibus meis. *Joan. 10.*

Oves meæ vocem meam audiunt, & ego cognosco eas, & sequuntur me: & ego vitam æternam do eis; & non peribunt in æternum, & non rapiet eas quisquā de manu mea. *Joan. 10.*

Commendat charitatem suam Deus in nobis, quoniam cum adhuc peccatores essemus, Christus pro nobis mortuus est.

est. Multo igitur magis nunc iustificati in Sanguine ipsius, salvi erimus ab ira per ipsum. Si enim cum inimici essemus, reconciliati sumus Deo per mortem Filii eius, multo magis reconciliati salvi erimus in vita ipsius. *Rom. 5.*

Actum Spei vide sect. 1. pag. 72.

Ad Exercitium CHARITATIS.

Diligo te Domine fortitudo mea, Dominus firmamentum meum & refugium meum; & liberator meus. *Psal. 17.*

Mihi adhærere Deo bonum est, & ponere in Domino Deo spem meam.

Quid enim mihi est in Cœlo, & à te quid volui super terram?

Defecit caro mea, & cor meum: Deus cordis mei; & pars mea Deus in æternum. *Psal. 72.*

Quemadmodum desiderat cervus ad fontes aquarum, ita desiderat anima mea ad te Deus.

Sicivit anima mea ad Deum fortem vivum, quando veniam & apparebo ante faciem Dei mei? *Psal. 41.*

In manus tuas Domine commendo spiritum meum, redemisti me Domine Deus veritatis. *Psal. 30.*

Quis nos separabit à charitate Christi? tribulatio? an angustia? an fames? an nuditas? an periculum? an persecutio? an gladius? sed in his omnibus superamus, propter eum qui dilexit nos. Certus sum enim, quia neque mors, neque vita, neque Angeli, neque Principatus, neque Virtutes, neque instantia, neque futura, neque fortitudo, neque altitudo, neque profundum, neque creatura alia poterit nos separare à charitate Dei, quæ est in Christo Iesu Domino nostro. *Rom. 8.*

Actum Charitatis vide Sect. 1. pag. 74.

Actum Resignationis habes ibid. pag. 82.

Ad *Exercitium* CONTRITIONIS;

Ex Psalmis plurima suppetunt, E. G.

Miserere mei Domine, quoniam infirmus sum: sana me Domine, quoniam conturbata sunt ossa mea. *Psal. 6.*

Delicta quis intelligit? ab occultis meis munda me Domine, & ab alienis parce servo tuo. *Psal. 18.*

Delicta juventutis meæ, & ignorantias meas ne memineris. *Psal. 24.*

Propter nomen tuum Domine propitiaberis peccato meo: multum est enim. *ibid.*

Vide humilitatem & laborem meum: & dimitte universa delicta mea. *ibid.*

Domine ante te omne desiderium meum, & gemitus meus à te non est absconditus. *Psal. 37.*

Domine ne longe facias miserationes tuas à me, misericordie tua, & veritas tua semper susceperunt me. *Psal. 39.*

Quoniam circumdederunt me mala, quorum non est numerus, comprehenderunt me iniquitates meæ, & non potui ut viderem. *ibid.*

Miserere mei Deus secundum magnam misericordiam tuam. *Psal. 50. item plures sententie ejusdem Psalmi.*

Ne memineris Domine iniquitatum mearum antiquarum, cito anticipent me misericordie tuæ, quia pauper factus sum nimis. *Psal. 78.*

Adjuva me Deus salutaris meus, & propter gloriam nominis tui libera me, & propitius esto peccatis meis propter nomen tuum. *ibid.*

Ostende nobis Domine misericordiam tuam, & salutare tuum da nobis. *Psal. 84.*

Non intres in iudicium cum servo tuo, quia non justificabitur in conspectu tuo omnis vivens. *Psal. 142.*

De profundis clamavi ad te Domine. *Psal. 129.*

Si iniquitates observaveris Domine, Domine quis sustinebit? *ibid.*

Mitto alia, quia innumera. Hæc autem in specimen tantum allata sint.

C A P. XIV.

O R A T I O N E S

Et sententiæ quædam coram moribundis, vicina morte frequentandæ.

Moribundus vel alius ejus vice teneat Crucifixum, & recitentur interim sequentes orationes.

ADoro te, IESU Christe, & benedico tibi, quia per crucem tuam redemisti mundum: Salvator mundi salva me, qui per crucem & sanguinem tuum redemisti me. Trahe me ad te, ô bone Iesu, qui dixisti, cum exaltatus fuero à terra, omnia traham ad meipsum. Trahe me & tene fortiter, ne quisquam me rapiat de manu tua: ut nihil me separet à te in æternum.

O clementissime Iesu, te deprecor per pretiosum sanguinem tuum, quem pro peccatoribus effundere voluisti, ut abluas omnes iniquitates meas.

O Anima Christi sanctifica me: ô Sanguis Christi purifica me; Corpus Christi salva me; Aqua lateris Christi lava me; Passio Christi conforta me. O bone Iesu, exaudi me: intra vulnera tua absconde me; ne permittas, ô bone Iesu, me separari à te, in hora mortis meæ voca me; jube me venire ad te, ut cum Sanctis tuis laudem te in sæcula.

O Creator, & Redemptor meus, Iesu Christe, totum me tibi dedo, non me rejicias: Ad te venio, non me repellas.

Ne projicias me à facie tua, & Spiritum sanctum tuum ne auferas à me. Ne perdat me iniquitas mea, quem creavit omnipotens bonitas tua.

Respice in me oculis misericordiæ tuæ, Domine Iesu Christe, Rex æterne, Deus & homo, crucifixus propter hominem. Exaudi me sperantem in te: Miserere mei pleni miseriis & peccatis, tu qui fontem miserationis nunquam manare cessabis. Salve salutaris victima, pro me & omni humano genere in patibulo Crucis oblata.

Salve nobilis & pretiose sanguis, de vulneribus crucifixi Domini

Domini mei Iesu Christi profluens, & peccata totius mundi abluens. Recordare Domine creaturæ tuæ, quam tuo sanguine redemisti.

Mihi absit gloriari, nisi in cruce Domini nostri *Iesu* Christi, per quem mihi mundus crucifixus est, & ego mundo.

Ecce video te, mi dulcissime Salvator, pendentem in cruce, extensis brachiis & inclinato capite, quasi nos amplexari paratum, & blandissima voce nos omnes invitantem; Venite ad me omnes, qui laboratis, & onerati estis, & ego reficiam vos.

Ecce venio Domine; Fac mihi secundum verbum tuum: & refice me; venio enim lassus, & onustus pondere peccatorum meorum; Fac bonitatem cum servo tuo, qui languores & labores nostros in cruce portasti.

O R A T I O

Ad Iesum Christum mundi Salvatorem.

I*Iesu* Christe, fons misericordiæ, ostende mihi pauperculæ creaturæ tuæ misericordiam tuam: adjuva me hac extrema necessitate. Creator & Redemptor meus, *Iesu* Christe pone passionem, crucem & mortem tuam, inter iudicium tuum & animam meam.

Totum me tibi dedo, non me rejicias; ad te venio, non me repellas. Nunc Domine secundum voluntatem tuam fac mecum misericordiam, & præcipe in pace recipi spiritum meum, redemisti me Domine Deus veritatis; Sonet in mentis meæ auribus vox illa dulcis, Domine *Iesu*: Hodie mecum eris in paradiso.

Suscipe me, *Iesu* Crucifixe, inter amorosa tua brachia, quæ pro me in cruce extensa cerno & completo: Suscipe me inter desiderabiles amplexus tuos, & trahe ad te animam meam; suscipe me bone *Iesu*, in misericordia tua; suscipe in pace spiritum meum, Amen.

Illumina, ô bone *Iesu*, oculos meos, ne unquam obdormiam

miam in morte, ne quando dicat inimicus meus, prævalui adversus eum. *Psal. 12.*

Domine *Jesu* Christe, Fili Dei vivi, pone passionem, crucem & mortem tuam, inter judicium tuum & animam meam.

Ne memineris, bone *Jesu*, iniquitatum mearum, cito anticipent me misericordix tuæ, quia pauper factus sum nimis. *Psalms 78.*

Dulcissime Domine *Jesu* Christe, ob honorem & virtutem tuæ benedictæ passionis, jube me adscribi in numerum electorum tuorum.

Non intres in judicium cum servo tuo, misericordissime *Jesu*, quia non justificabitur in conspectu tuo omnis vivens. *Psalms 142.*

Vnam petii à Domino, hanc requiram, ut inhabitem in domo Domini omnibus diebus vitæ meæ.

Educ de custodia animam meam, ad confitendum Nomini tuo, me expectant justi donec retribuas mihi.

Suscipe me secundum eloquium tuum, & vivam; & non confundas me ab expectatione mea.

Piæ & nervosæ AD SPIRATIONES

Agonizantibus utilisima.

O Pater æterne; ego sum indignissimus servus ille, quem sic dilexisti, ut Filium tuum unigenitum dares pro eo. Fac in hora hac misericordiam cum servo tuo, ne pereat in me pretiosus sanguis ejus. Nam quæ utilitas mihi in sanguine Redemptoris, si ego descendero in corruptionem?

O *Jesu* Christe, Ego sum ovis illa perdita, quam tu relictiis 99, in deserto tam laboriose quæxivisti, & impositam humeris reduxisti. Tu es Pastor bonus, qui posuisti animam tuam pro ovibus tuis. Erravi sicut ovis quæ periit, Require servum tuum. Ne permittas, ut eam rapiat, qui circuit modo tanquam leo rugiens, & quærens quem devoret. De ore leonis libera me Domine, &c.

O *Jesu* ego sum miser ille, qui descendens de Jerusalem,

incidi

incidi in latrones, & acceptis multis plagis, semivivus relictus sum. Tu vero es medicus meus, & verus ille Samaritanus, qui misericordia motus super me, alligasti vulnera mea: imo qui ex sanguine & vulneribus tuis mihi medicinam parasti. Tu es qui languores nostros portasti, & cujus livore sanati sumus. Miserere Domine in hac ultima hora mea; Domine ad adjuvandum me festina; priusquam moriatur anima mea & pereat in æternum.

O *Jesu*, Ego sum infelix ille peccator, & reus multorum criminum. Tu vero es Advocatus meus apud Patrem, & propitiatio pro peccatis meis. Non enim vis mortem peccatoris, sed ut vitam habeat. Venisti in hunc mundum peccatores salvos facere. Fac ergo mecum misericordiam in hac extrema hora vitæ meæ. Esto Mediator & Advocatus meus apud Patrem. Obone *Jesu*, propitius esto mihi peccatori, &c. In manus tuas Domine commendo spiritum meum, &c.

C A P. XV.

O R A T I O N E S

Quædam, & verba memorabilia Sanctorum
in extremis.

BEATUS ELIGIUS Noviomensis Antistes *suos cum lacrymis complexus, iisque valere iussis, postquam vacite aliquamdiu orasset, demum in has voces erupit:*

Nunc dimittis, inquit, servum tuum Domine, secundum verbum tuum in pace. Memento quæso, quod sicut lutum feceris me, & non intres in iudicium cum servo tuo, quia non justificabitur in conspectu tuo omnis Vivens. Memento mei, qui solus sine peccato es, Christe mundi Redemptor, & educens me de morte corporis huius, transfer in regnum tuum. Scio me conspectum tuum non mereri: tu tamen scis, quia Spes mea semper fuit in misericordia tua.

Et nunc quoque in confessione sancti nominis tui moriens, extremum, Christe, anhelitum efflabo. Suscipe ergo me secundum magnam misericordiam tuam, & non confundas me ab expectatione mea. Aperi mihi properanti januam vitæ,
& prin-

& principes tenebrarum non occurrant mihi. Tua me manus inducat in locum refrigerii, & vel in ultimam mansionem ex his quas præparasti servis tuis timentibus te.

Sub his verbis efflavit animam.

De S. BERNANDO Abbate Clarevall. *qui in agritudine, qua extrema putabatur, gravissimis & aureis plane verbis Inimicum accusantem conjudit; ita habet Author vite, qui tunc præsens aderat.*

Cumque extremum jam trahere spiritum videretur in excessu mentis suæ, ante Tribunal Domini sibi visus est præsentari. Aduit autem & Satan ex aduerso, improbis eum accusationibus pulsans. Ubi vero omnia ille fuerat prosecutus: & Viro Dei esset pro sua parte dicendum, nil terrius aut turbatus, ait:

Fateor non sum dignus ego: nec propriis possum meritis regnum obtinere Cœlorum. Caterum duplici jure illud obtinens Dominus meus, hæreditate scilicet Patris, & merito Passionis; altero ipse contentus, alterum mihi donat; ex cujus dono jure illud mihi vendicans, non confundor. In hoc verbo confusus inimicus, &c. lib. 12. *O verba pulcra omnibus moribundis inculcanda.*

B. LAURENTIUS JUSTINIANUS,

Patriarcha Venetus,

Ita positus in Extremis orabat:

TU scis Domine, quod dum vitam meam considero, confusio sit mihi potius appellanda, quam vita. Sed in spiritu humilitatis, & in animo contrito, suscipe me, ô bone Iesu, vita & salus animæ meæ. Neque enim in justificationibus meis prosterno preces meas ante faciem tuam, sed in miserationibus tuis multis.

Illa ego ovis amissa ad te Pastorem meum redeo. Vocem tuam novi, non alienorum. Peto Domine, ut ad ovile tuum reducas me. Potesne vocem spernere balantis oviculæ & confugientis ad te? Nonne tu es ille qui dixisti; *Venite ad me*

me omnes, &c. & iterum, clamabit ad me, & ego exaudiam eum, cum ipso sum in tribulatione?

Ecce clamo plus corde quam ore Domine. Ecce tribulatio proxima est, & non est qui adjuvet; non est qui liberet & saluum faciat, nisi tu bone Jesu.

Sed neque beatorum Spirituum sedes affectare ausim, qui speciem intuentur S S. Trinitatis; portio tamen aliqua Creaturæ tuæ postulat micas suavissimæ mensæ tuæ. Utinam merear vel abiectus esse in domo Domini, magis quam habitare in tabernaculis peccatorum. *ita Laurent. Justin. in vita cap. 11.*

O R A T I O

*B. Hieronymi in agone mortis à moribundo dicenda,
aut moribundo. prælegenda.*

PTe Iesu, virtus mea, refugium meum, susceptor meus, liberator meus, in quem speravi, cui credidi, quem dilexi. Summa dulcedo, turris fortitudinis, & spes mea à juventute mea. Voca me dux vitæ meæ, & ego respondebo tibi. Operi manuum tuarum, quod de limo terræ Creator omnium formasti, quod ossibus & nervis compegisti, cui vitam moriens tribuisti, clementiæ tuæ porrige dexteram.

Tempus est, ut pulvis in pulverem revertatur, & spiritus redeat ad te Salvatorem, qui huc illum misisti. Aperi ei Domine janua vitæ, nam pro me in ligno crucis tanquam latro pependisti; suscipe me misericors Deus secundum multitudinem miserationum tuarum. Nam latronem ad te currentem in cruce moriens suscepisti. Ægrotus sum, infirmata est in paupertate vita mea, & ideo ad te Domine curro medicum.

Sana me, Domine, & sanabor: & quoniam in te confido, non erubescam. In te Domine speravi, non confundar in æternum.

At quis ego sum, piissime Deus, ut tam audacter loquar ad te? peccator sum, & in peccatis enutritus; cadaver putridum, vas foetidum, esca vermium. Parce mihi Domine. Quæ enim victoria est, si pugnando mecum, me viceris, qui minus sum
ante

ante te quam stipula ante faciem venti? Dimitte omnia peccata mea, & erige de stercore pauperem.

Exsurge & adjuva me Domine, exsurge & ne repellas in finem. Intret postulatio mea in conspectu tuo, Domine, & fiat manus tua ut saluum me faciat. Ecce hominem, qui descendens ab Hiericho, captus à latronibus & vulneratus, semivivus relictus sum. Tu pie Samaritane recipe me. Peccavi nimis in vita mea, & malum coram te feci; à planta pedis usque ad verticem capitis non est in me sanitas.

Certe nisi in ligno crucis moriens me adjuvisses, digna erat habitare in inferno anima mea. Ego pie *Iesu*, sum pars tanti pretii: pro me fudisti sanguinem tuum pretiosissimum, non me repellas à te. Ego sum ovis quæ erravi, require eam bone pastor, appone illam ovili tuo, ut iustificeris in sermonibus tuis; nam promissisti mihi, quod quacunque hora peccator ingemuerit, salvus erit. Dolens sum: iniquitates meas ego cognosco, & delicta mea coram me sunt.

Vere non sum dignus vocari filius tuus; quia peccavi in cælum & coram te. Sed auditui meo dabis gaudium & letitiam. Averte faciem tuam à peccatis meis, dele iniquitates meas secundum magnam misericordiam tuam. Ne projicias me à facie tua, neque secundum peccata mea facias mihi, neque secundum iniquitates meas retribuas mihi, sed adjuva me Deus salutaris meus, & propter honorem nominis tui libera me. Benigne fac in bona voluntate tua, ut inhabitem in domo tua omnibus diebus vitæ meæ, ut cum habitantibus in ea laudem te in æternum.

O R A T I O

A circumstantibus dicenda pro animam agentibus.

CHriste *Iesu* crucifixe, in unione ferventissimi amoris, qui te vitam omnium viventium in cruce mori coëgit, pulsamus ad medullam benignissimi cordis tui, & rogamus, ut animæ famuli tui fratris nostri N. peccata omnia dimittas, & tua sanctissima conversatione, & tuæ acerbissimæ passionis merito, omnia ejus suppleas, eumque superabundantissimam miserationum tuarum multitudinem facias experiri, nosque

nosque omnes, singulariter hunc fratrem nostrum N. quem proxime vocare disponis, placito tibi modo præpares, eique præstes, utcumque vera patientia, perfecta resignatione, plena peccatorum remissione, validissima fide, spe firma, & integra Charitate, in perfectissimo statu, in dulcissimum amplexum, & suavissimum osculum tuum, feliciter ad tuam æternam laudem exspiret.

Eja dulcissime Redemptor, Domine Jesu, per illas lacrymabiles voces, quas in cruce moriturus edidisti, & passionis doloribus consumens dixisti, Deus meus, Deus meus, ut quid me dereliquisti, ne quæso longe facias à famulo tuo fratre nostro N. tuæ miserationis auxilium, nam ille in hac hora & momento extremæ afflictionis, præ defectione animæ & consumptione spiritus te invocare non valet.

Per triumphum sanctæ Crucis & per mortis passionisque tuæ infinitum meritum cogita Domine, de eo cogitationes pacis & non afflictionis, sed misericordiæ & consolationis. Libera eum de omnibus angustiis, tuisque sanctissimis manibus, quas pro eo nobisque omnibus in cruce clavis affigi permisti, Iesu bone & amantissime Pater, erue eum à tormentis illi debit, & perduc illum in requiem æternam Amen.

*Huc spectant Orationes pro felici morte supra
cap. xi. in fine posita.*

PIO LECTORI.

Hic jam PARADISUM claudimus, pie LECTOR, quo te sic uti precor, & hortor, ut Alterum tibi sternat viam, & migraturus hinc, audire merearis & tu: Hodie mecum eris in Paradiso.

Sat multum rependes Authori; Si idem ipsi ex animo cum uno ad Deum suspirio apprecere.

S E Q U E N T I A.

Dies iræ, dies illa,
 Solvet sæculum in favilla:
 Teste David cum Sibylla
 Quantus tremor est futurus,
 Quando Iudex est venturus,
 Cuncta stricte discussurus!
 Tuba mirum spargens sonum
 Per sepulchra regionum,
 Coget omnes ante thronum.
 Mors stupebit, & natura,
 Cum resurget creatura,
 Iudicanti responsura.
 Liber scriptus proferetur,
 In quo totum continetur,
 Unde mundus judicetur.
 Iudex ergo cum sedebit,
 Quidquid latet, apparebit:
 Nil inultum remanebit.
 Quid sum miser tunc dicturus?
 Quem patronum rogaturus?
 Cum vix iustus sit securus.
 Rex tremendæ majestatis,
 Qui salvandos salvas gratis,
 Salva me fons pietatis.
 Recordare Jesu pie,
 Quod sum causa tuæ viæ,
 Ne me perdas illa die.
 Quærens me, sedisti lassus:
 Redemisti, crucem passus:
 Tantus labor non sit cassus.
 Iuste iudex ultionis,
 Donum fac remissionis
 Ante diem rationis.
 Ingemisco, tanquam reus:
 Culpâ rubet vultus meus:
 Supplicanti parce Deus.
 Qui Mariam absolvisti,
 Et latronem exaudisti,
 Mihi quoque spem dedisti.
 Preces meæ non sunt dignæ,
 Sed tu bonus fac benigne,
 Ne perenni cremer igne.
 Inter oves locum præsta,
 Et ab hædis me sequestra,
 Statuens in parte dextra.
 Confutatis maledictis,
 Flammis acribus addictis,
 Voca me cum benedictis.
 Oro supplex & acclinis,
 Cor contritum quasi cinis;
 Gere curam mei finis.
 Lacrymosa dies illa,
 Qua resurget ex favilla
 Iudicandus homo reus.
 Huic ergo parce Deus,
 Pie Jesu Domine,
 Dona eos requie. Amen.

EPITAPHIUM
HOMINIS CHRISTIANI,
VITÆ REGULAM EXPRI MENS.
D. O. M.

Siste gradum Viator;

HIC TERMINUS VIÆ, ET VITÆ TUÆ AC MEÆ.
ILLE EGO QUI NATUS PRIDEM
AC NOTUS ERAM SÆCULO;

En denatus hoc jam lateo
nudus nullusque Supulcro.

PULVIS, CINIS, ESCA VERMIUM;
VIXI ANNIS (N) PAUCIS,
SI SPECTETUR ÆTERNITAS;

Ad hanc tamen currendum mihi fuit
in stadio fugacis vitæ.

TEMPUS VIVENDI, ut BENE MÖRERER,
& VITAM MERERER IMMORTALEM,

Dedit mihi, & dat etiamnum tibi clemens DEUS:

ILLIUS, & OMNIUM QUOQUE MOMENTÖRUM
Stricta à me Iudici reddenda fuit ratio;

UTIQUE ERIT ET TIBI.
VIXI IN EO (N) STATU,
AC ID (N) MUNUS GESSI.

Qui mihi HONOS, idem ONUS fuit;
ô molestum & grave!

Miserum esse qui non CAPIANT;
Mirum, non deesse qui CUPIANT.

O QUAM ME IUSSIT RIGIDAM
 SUPREMU; PATERFAMILIAS
 REDDERE RATIONEM VILIFICATIONIS MEÆ!
 SI SAPIS, ET CREDIS AMICO
 SYNCERE MONENTI,

Huc tu quoque te para quotidie;

NAM ex meo periculo te cautum reddi,
 felicitis simul & sapientis erit.

POSSEDI DE TERRÆ BONIS
 MODICA

(Attamen satis ad Vsum Vitæ; satis ad Votum, quod
 NECESSITAS rexit, non Cupiditas.

Etiam horum, ad novissimum usque quadrantem
 reddenda fuit ratio.

Esse, Res ANGUSTA fuit mihi; sed
 (experto fas est credere).

Sicut utinus ad AUGUSTA pergitur.

O Viri DIVITIARUM thesaurizatis;
 & ignoratis, cui!

EGO NIHIL INTVLI IN HVNC
 MVNDVM, NIHIL EXTVLI.

Quod in Cœlum præmisi per manus PAUPERUM,
 Inveni; & hoc SOLVM:

Vos similiter cum dormieritis SOMNVM
 vestrum, aliud invenietis nihil.

O AMI;

O AMICI VIVITE LÆTI; AT
NON IMMEMORES LETHI;

En quondam lætus vobiscum, vos jam reliqui, & à
vobis relictus,

INIVI SOLUS ÆTERNITATIS ITER;
QUOD ESTIS, FUI; QUOD SUM, ERITIS:
QUIS SCIT AN CRAS, AN HODIE,
AN HAC IPSA FORSAN HORA.

Memores estote iudicii mei, sic enim erit & vestrum.

O HOMO BULLA, QUAM BREVIS HÆC VITA!
QUAM LONGA ÆTERNITAS!

VERE MOMENTUM UNDE
PENDET ÆTERNITAS!

Æternitas GLORIÆ & POENÆ,

Ad illam VIRTUS ducit;

Ad hanc VOLUPTAS.

ELIGE, SEMEL PERIISSE,
ÆTERNUM EST.

HOC POSTREMUM TE ALLOQUOR;

Desiderans te habere confortem mecum in Terra Vi-
ventium, unacum CHRISTO IESU,

In quo solo SALUS est & VITA Mortalium.

ILLI ÆVIATOR VIVE, ILLI MORERE,
ET ÆTERNUM VIVES.

Ante mortem MORI vitis, morsest optima;

Beati mortui, qui in Domino moriuntur.

LITANIÆ PIO LECTORI.

Litaniæ sequentes suo loco (id est fest. 2.) per incuriam omisse (uti & alia quedam, quæ emendabant posteriores curæ) hic in gratiam Lect. reponuntur. Porro in his Litanis, etsi quedam sententiæ videantur certis Sanctorum Ordinibus appropriari; nihil tamen vetat, quin aliis etiam SS. tribuantur.

LITANIÆ de omnibus SANCTIS,

Ex S. Scriptura collecta.

K YRIE ELEISON. Christe eleison.	
Kyrie eleison.	
Christe audi nos.	
Christe exaudi nos.	
Pater de cœlis Deus, miserere nobis.	
Fili Redemptor Mundi Deus, miserere nobis.	
Spiritus S. Deus, miserere nobis.	
S. Trinitas unus Deus, miserere nobis.	
S. Maria, quæ in DEI Matrem electa, benedicta inter mulieres, & beata diceris per omnes generationes, Ora pro nobis.	<i>Luce 1.</i>
Omnes SS. <i>Angeli</i> , qui semper coram DEO, ad ejus laudes & obsequia; & ad hominum ministerium parati statis,	<i>Isa. 6.</i>
Omnes SS. <i>Patriarchæ & Prophete</i> , qui Messiae adventum multis votis ac suspiriis desiderastis, variisque figuris, ac vaticiniis præsignastis,	<i>Hebr. 1.</i>
Omnes SS. <i>Apostoli, & Discipuli</i> Domini,	<i>Gen. 49.</i>
Qui reliquistis omnia, & Christum secuti estis,	<i>Isa. 7. & alibi sapiss.</i>
Qui nati pro Patribus, Patriarchis, & Prophetis Filii, principes super omnem terram constituti estis.	<i>Mat. 4.</i>
	<i>Psal. 44.</i>
	Qui

Qui in omnem terram sonum Euangelii diffu-
distis,
Qui missi estis ad oves, quæ perierunt, domus
Israël;
Qui fuistis odio hominibus propter nomen
Christi,
Qui gavisi estis dignos vos habitos pro nomine
JESU contumeliam pati,
Qui missi estis sicut oves in medio luporum,
Qui permansistis cum Christo in tentationibus
suis,
Qui actionum omnium Christi testes, & arca-
norum ejus consciï fuistis,
Qui infirmi & ignobiles secundum carnem,
electi à Christo, mundi potentiam & sapien-
tiam confudistis,
Qui induti virtute ex alto, & Spiritu S. confir-
mati, intrepide Christum confessi estis,
Qui obedistis Deo magis quam hominibus,
Qui virtute magna testimonium Resurrectionis
D. N. I. C. reddidistis,
Qui homines sine literis, & idiotæ, concilio
Judæorum stuporem incussistis,
Qui sedebitis super sedes 12, judicantes 12.
Tribus Israël,
Omnes SS. *Martyres*,
Qui pie viventes in hoc sæculo persecutionem
passi estis,
Qui in cruce Domini gloriati estis,
Qui in patientia vestra possedistis animas
vestras,
Qui odistis animas vestras in hoc mundo, & in
vitam æternam eas custodistis,
Qui per fidem vicistis regna, operati estis justi-
tiam, adepti repromissiones,
Qui ludibria & verbera experti, insuper vincula
& carceres, lapidati, secti, varieque tentati
estis,

Psal. 18.

Math. 10.

Ibid.

Act. 5.

Matt. 10.

Luca 22.

Act. 2.

1 Cor. 1.

Luca 24.

Act. 3.

Act. 4.

Ibid.

Math. 19.

2 Tim. 3.

Galat. 6.

Luca 21.

Joan. 12.

Hebr. 11.

Ibid.

Qui venistis de magna tribulatione, & in sanguine Agni stolas vestras lavistis,
 Qui persecutionem passi estis propter justitiam; & jam securi regnum cœlorum possidetis,
 Qui stabitis in magna constantia adversus eos, qui vos angustiauerunt,
 Qui à Charitate Christi nulla vi, nec fraude, nec ipsa morte separari potuistis,
 Omnes SS. *Confessores*,
 Qui custodes in vinea Domini positi fuistis,
 Qui non sumpstistis vobis honorem, sed vocati estis à Deo tanquam Aaron,
 Qui militantes Deo non implicuistis vos negotiis secularibus,
 Qui positi fuistis à Spiritu S. regere Ecclesiam Dei,
 Qui ut servi fideles & prudentes super familiam Domini constituti estis,
 Qui in vinea Domini pondus dici, & æstum portastis,
 Qui ut viri spirituales in spiritu lenitatis & mansuetudinis errantes corripuistis,
 Qui ut veri Pastores posuistis animas vestras pro ovibus vestris,
 Qui non vos metipsum, sed gregem Domini fideliter pavistis,
 Qui pervigilastis, pro ovibus, tanquam rationem pro iis reddituri,
 Qui modestia, sollicitudine, & vitæ sanctimonie honorificæ ministerium vestrum,
 Qui accepta à Deo talenta cum usura reddidistis,
 Qui omnibus omnia facti estis, ut omnes Deo lucrificaretis,
 Qui adicendistis ex adverso, & vos murum pro domo Dei opposuistis,
 Qui fideles ministri Christi, & dispensatores mysteriorum Dei fuistis,

*Apoc. 7.**Matt. 5.**Sap. 5.**Rom. 8.**Cant. 1.**Hebr. 5.**2 Tim. 2.**Act. 20.**Matt. 24.**Matt. 20.**Gal. 6.**Ioan. 10.**Ezech. 34.**Hebr. 13.**Rom. 11.**Matt. 25.**1 Cor. 9.**Ezech. 13.**1 Cor. 4.*

Qui

Orate pro nobis.

Qui docti fuistis, & ad justitiam erudiistis)
multos, & jam fulgetis ut splendor firma-
menti; & quasi stellæ in perpetuas æterni-
tates,

Dan. 12.

Omnes SS. *Monachi* & *Eremitæ*,

Qui jugum Domini suave, & onus ejus leve
alacriter portastis,

Matth. 11.

Qui tollentes crucem vestram Christum se-
cuti estis,

Matt. 16.

Qui crucis Christi mortificationem jugiter
portastis in corpore vestro,

2 Cor. 4.

Qui carnem vestram cum vitiis & concupi-
scentiis crucifixistis,

Gal. 5.

Qui mundo crucifixi fuistis,

Gal. 6.

Qui vos ipsos castrastis propter regnum Dei,

Matt. 19.

Qui missa semel ad aratrum manu, retro non
respexistis,

Luca 9.

Qui induti armaturam Dei fortiter stetistis
adversus insidias Diaboli,

Ephes. 6.

Qui abundare & penuriam pati, saturari &
esurire didicistis,

Phil. 4.

Qui digne ambulastis vocatione, qua vocati
estis,

Ephes. 4.

Qui solliciti fuistis servare unitatem spiritus
in vinculo pacis,

Ibid.

Qui tamquam mortui sæculo vitam abscondi-
tam cum Christo in Deo duxistis,

Colos. 3.

Omnes *Sancti* & *Sanctæ* Dei,

Qui non arbitrati vos comprehendisse, ad an-
teriora vos semper extendistis,

Phil. 3.

Qui omnia detrimentum fecistis, ut Christum
lucrificaretis,

Ibid.

Qui quæ sursum sunt sapuistis & quæsiuistis,
non quæ super terram,

Colos. 3.

Qui Christi bonus odor fuistis,

2 Cor. 2.

Qui gratiam Dei in vacuum non recepistis,

2 Cor. 6.

Qui humiliastis vos in hoc sæculo, & ideo in
coelis exaltati estis,

Luca 18.

Bene-

Benedicti Patris Æterni, qui regnum vobis
 ab origine mundi paratum possidetis,
 Qui castigastis corpora vestra, & in servitutem
 redegistis,
 Qui cum timore & tremore salutem vestram
 operati estis,
 Qui usi estis hoc mundo tanquam non
 utentes,
 Qui glorificastis, & portastis Deum in cor-
 pore vestro,
 Qui dilexistis inimicos vestros, & benefecistis
 his, qui oderunt vos,
 Qui potuistis omnia in eo, qui vos confortat,
 Qui vobis non in terra, sed in cœlo thesauri-
 zastis,
 Qui quæсивistis primum regnum Dei, & justiti-
 am ejus,
 Qui per angustam portam, & arctam viam, quæ
 ducit ad vitam, intrare contendistis,
 Qui mundi cordis amore ad Deum viden-
 dum provecti estis,
 Qui pacis amantes, filiorum Dei nomine &
 hæreditate gaudetis,
 Qui misericordes erga proximos, jam miseri-
 cordiam abunde consecuti estis,
 Qui non esuritis, neque sititis amplius; nec
 cadit super vos sol, aut ullus æstus,
 Qui perseverastis in finem, & ideo salvi facti
 estis,
 Qui sic cucurristis in stadio, ut jam potiamini
 bratio,
 Qui per multas tribulationes intraistis in
 regnum cœlorum,
 Qui transivistis per ignem & aquam, & re-
 ducti estis in refrigerium,
 Qui cœlum violenti rapuistis,
 Qui pauperes spiritu, regnum cœlorum possi-
 dere meruistis,

*Matt. 25.**1 Cor. 9.**Philip. 2.**1 Cor. 7.**1 Cor. 6.**Matt. 5.**Philip. 4.**Matt. 6.*Orate pro nobis. *Ibid.**Matt. 7.**Matt. 5.**Ibid.**Matt. 5.**Apoc. 7.**Matt. 10.**& 24.**1 Cor. 9.**Act. 14.**Psal. 65.**Matt. 11.**Matt. 5.*

Qui

Qui tristes & lugentes in hoc sæculo, jam
consolamini,

Matt. 5.

Qui mites & patientes adversus injurias, ter-
ram viventium possidetis,

Matt. 5.

Qui esuriistis & sitivistis justitiam, & nunc
cœli delitiis satiamini,

Ibid.

Qui inebriamini ab ubertate domus Dei, &
torrente voluptatis ejus potamini,

Psal. 35.

Qui ut palmæ floretis, & sicut cedri Libani
multiplicamini in domo Domini,

Psal. 91.

Qui lætaminī coram Domino, sicut qui lætan-
tur in messe, & sicut victores capta præda,
quando dividunt spolia,

Isai. 9.

Qui flentes misistis semina vestra, & nunc
cum exultatione metentes, portatis manipu-
los vestros,

Psal. 125.

Qui exultatis in gloria, & lætaminī in cubili-
bus vestris,

Psal. 149.

Qui habitatis in domo Domini, & in sæcula
sæculorum laudatis eum,

Psal. 83.

Propitius esto: Parce nobis Domine.

Ab omni malo,

Per omnes Sanctos & Electos tuos,

Per fideles servos tuos stantes in conspectu
tuo,

Per dilectos & amicos tuos tecum in cœlo
regnantes,

Per merita & intercessionem omnium Electo-
rum tuorum,

Per pretiosam in conspectu tuo mortem
Sanctorum tuorum,

Libera nos Domine.

Psal. 115.

Peccatores, Te rogamus audi nos.

Ut particeps nos facias omnium timentium
te, & custodientium mandata tua,

Te rog. audi nos.

Psal. 118.

Ut exemplo Sanctorum conversatio nostra sit
in cœlis,

Phil. 3.

Ut sicut Electi in cœlo, sic & nos in terra vo-
luntatem tuam prompte faciamus,

Matth. 6.

Ut

Ut impleamur agnitione voluntatis divinæ, in
 omni sapientia & intellectu spiritali,
 Ut simus prudentes sicut serpentes, & simpli-
 ces sicut columbæ,
 Ut semper in Domino gaudeamus, sed inte-
 rim modestiam ubique servemus,
 Ut omnia probemus, & quod bonum est,
 teneamus,
 Ut non speremus in incerto divitiarum, sed in
 Deo vivo,
 Ut nos sicut Electi tui viscera misericordiæ in-
 duamus,
 Ut Sanctorum intuentes conversationem, fi-
 dem quoque & patientiam imitemur,
 Ut te Dominum in sanctis tuis assidue laude-
 mus,
 Ut & nos cum Sanctis tuis per angustam por-
 tam intrare contendamus,
 Ut pax tua, quæ exsuperat omnem sensum, cu-
 stodiat corda & corpora nostra,
 Ut exhibeamus nosmetipsos, sicut Dei mini-
 stros, in multa patientia,
 Ut sub Regibus & Principibus iuste ac pie
 gubernantibus, Vitam quietam ac tranquil-
 lam in omni pietate & castitate agamus,
 Ut dignos nos facias in partem fortis Sancto-
 rum in lumine,
 Ut adeamus cum fiducia ad thronum gratiæ
 tuæ, & misericordiam in auxilio opportu-
 no consequamur,
 Ut Te in cœlis cum omnibus Beatis laude-
 mus & superexaltemus in sæcula,
 Agnus Dei qui, &c.

*Coloss. 1.**Matt. 10.**Phil. 4.**1 Thes. 5.**1 Tim. 6.**Coloss. 3.**Hebr. 13.**Psal. 150.**Luca 13.**Phil. 4.**2 Cor. 6.**1 Tim. 2.**Coloss. 1.**Hebr. 4.**Dan. 3.*

Te rogamus audire nos.

O R A -

O R A T I O

Ad omnes

S A N C T O S.

Exultabunt Sancti in gloria. latabuntur in cubilibus suis.

A Vete omnes Electi, & dilecti Dei, Angeli & Beati omnes, qui ab Æterno ad gloriam & suprema bona Domini in terra viventium prædestinati, in omni gratia confirmati, & nunc cœlestis gratiæ bravio donati estis.

Jam enim SS. Trinitatem facie ad faciem lætantes intuemini, eamque ineffabili gaudio sine fine laudatis.

Salve inprimis, ô sanctissima Domina mea, imo Mater Domini mei; Cœli Terræque Regina, Patrona & Advocata nostra Virgo MARIA.

Salve & tu, mi Angele custos, cujus curæ & tutelæ à divina bonitate commissus sum.

Salvete vos omnes dilectissimi Patroni mei, præsertim N. & N. quibus me nunc & semper humillime commendo.

Ego indignus laudo, honoro & imploro vos; & in augmentum gloriæ & exultationis vestræ offero vobis omnis salutis bonique fontem & thesaurum, nempe dulcissimum Cor Jesu Christi D. N.

Gratias ex corde ago Deo, qui vos elegit & justificavit per immensam gratiam suam; qui prævenit vos in benedictionibus dulcedinis suæ, quique vos conservavit in via per omnia salutis obstacula, & sic demum beatificavit in gloria. Gratias æternas ago Deo, pro omnibus donis & beneficiis, quæ in tempore dedit vobis: & in æternum daturus est.

Eja felices Amici Dei, obtinete mihi Clienti vestro plenam peccatorum veniam, & perfectam mei ipsius abnegationem, ut per viam angustam sequar vestigia vestra: Sed & pacem

280 ORATIO ad Omnes SANCTOS.

pacem Dei, quæ exsuperat omnem sensum, seu tranquillitatem animi; intimum & sincerum Dei amorem, quo vos succensi Mundum, Carnem, Dæmonemque & omnia vitæ præsentis adversa fortiter ac gloriose vicistis, per vos supplex exposco.

Orate quæso pro me, nunc, & in hora mortis, quando hinc migraturus, & ad summi Judicis horrendum Tribunal sistendus sum: ut non intret mecum in iudicium, sed secundum infinitam misericordiam suam me judicet; ut sic demum admitti possim in felicissimum vestrum consortium, in illa superna Jerusalem, ubi simul laudemus & superexaltemus Deum ac Dominum nostrum in sæcula. Amen.



INDEX

I N D E X

P A R A D I S I A N I M Æ.

SECTIO I.

De Cultu & Adoratione SS.

TRINITATIS.

C A P. I.

Colloquium Christi & Homini de modo recte & utiliter orandi. pag. 1.

II. Variæ Expositiones & exercitia in Orationem Dominicam. 13, & seqq.

III. Litania varia ad SS. Trinit. & singulas Personas. 29, & seqq.

IV. Rosarium, Oblationes, & Exercitia quotidiana ad SS. Trinit. 51, & seqq.

V. Modus adspirandi ad intimam cum Deo unionem per actus virtutum inter nos. 62, & seqq.

VI. Contemplatio piissima Attributorum Dei ad affectus & actus virtuosos eliciendos. 79, & seqq.

VII. Hymni & Rhythmi de SS. Trinit. 96

SECTIO II.

De Cultu & Veneratione SANCTORUM cum Christo regnantium in Cœlis.

C A P. I.

Colloquium inter Christum & Hominem,

quo traditur modus & praxis colendi Sanctos.

103

II. De Cultu & Veneratione SS. Angelorum, & præcipue Angeli Tutelaris, ubi Litania de Angelis ex SS. Script. 110

Litania de omnibus SS. cæ SS. Literis. 113

III. De Patronis è numero SS. seligendis, & indies peculiari devotione colendis. Ubi Exercitat. Quotid. Commendandi se Deo & SS. 119, & seqq.

IV. Modus recitandi Orationem Domin. ad memoriam & venerationem Sanctorum. 127

V. Litania SS. Rhythmica, & varii Hymni Rhythmici ad diversos SS. 132 & seqq.

SECTIO III.

De Pœnitentia seu conversione peccatoris & Exercitiis huc spectantibus.

C A P. I.

Colloquium Christi & Homini de modo agenda Pœnitentia, 149, & seqq. II. Li-

I N D E X.

II. *Litania Pœnitentium ex S. Scriptura.* 168

III. *Orationes & Exercitia varia Pœnitentium.* 175

IV. *Oratio Dominica varie adusum Pœnitentium accommodata.* 182, & seqq.

V. *Instructiones & Exercitia pro Confessione Sacramentali.* 192, & seqq.

SECTION IV.

De Exercitio virtutum & Christianæ Perfectionis.

Oratio præparatoria ad omnem piam Lectionem. 213

CAP. I.

Colloquium inter Christum & hominem, doctrinam pie vivendi tradens. 214, & seqq.

II. *Exercitia varia in Orat. Domin. ad praxin virtutum, &c.* 236, & seqq.

III. *Litaniæ Christianarum virtutum ex S. Script.* 245

IV. *Exercitia piissima, seu praxes variarum virtutum.* 250, & seqq.

V. *Alia exercitia præcipuarum virtutum.* 276, & seqq.

VI. *Exercitia Matutina, & Vespertina.* 284, & seqq.

SECTION V.

De modo pie Communicandi, Celebrandi, Audiendi Missam, pro Sacerdotibus & Laicis, &c.

CAP. I.

Colloquium inter Christum & Hominem de Communionem recte & utiliter instituenda. 299, & seqq.

II. *Litania Eucharistica cum sacrificantibus, tum Communicantibus accommodata.* 319

III. *Oratio Dominica variis Exercitiis & piis conceptibus ad praxin pie communicandi instructa.* 330, & seqq.

IV. *Methodus seu praxis expedita pie & utiliter tum communicandi, tum celebrandi Missam.* 340,

V. *Exercitium post Missam vel Communionem.* 353,

VI. *Alia Exercitia breviora pro Communicantibus & Celebrantibus.* 369, & seqq.

Exercitium peculiare pro Sacerdotibus ante Missam. 379

VII. *De modo pie audiendi Missam Admonitio.* 384
Modus

I N D L X

*Modus prior audiendi Missam
per Exercit. Domin. Pass.*

388

VIII. *Alter modus audiendi
Missam, magis vulgaris.* 398

S E C T I O VI.

De Vita ac Passione D. N.

I. Christi.

C A P I.

Colloquium inter Christum
& Hominem, de modo
Vitae ac Passionem Salva-
toris nostri pie tum meditati
tum imitandi. 427 & seqq.

II. Oratio Dominica diversi-
mode ad Christum, ejusque
Passionis Mysteriorum accom-
modata. 458, & seqq.

III. Litanie de Vita ac Passio-
ne Christi ex S. Script.
469, & seqq.

IV. Rosaria & Exercitia
varia Rhythmis comprehen-
sa de Vita ac Pass. Christi.

476

V. Orationes varie de Pass.
Domini, ubi & orationes S.
Birgittæ. 499, & seqq.

VI. Exercitia varia ad hono-
rem sacrorum v. Vulnerum,
& VII. effusionum Sangui-
nis D. N. C. 509

VII. De Cultu & honore SS.
Nom. Iesu, ubi & Iubilus
S. Bernardi, 524

S E C T I O VII.

De Cultu & Veneratione B.
Virg. MARIÆ. Item de
Cura & Præparatione bene
beatæque moriendi.

C A P I.

Colloquium inter Christum
& Hominem, de modo
feliciter moriendi. 544, &
seqq.

II. Meditatio in Orat. Dom. ad.
Cultum & venerationem B.
V. accommodata. 575. Item
in salut. Angelicam. 579

III. Litanie de B. Maria V.
ex S. Scriptura. 583

IV. Rosarium Rhythmicum
Virg. Deiparæ ex vita &
elogio ejus contextum. 587

V. Varii Hymni Rhythmici ad
B. Virginem, ubi & Hymnus
S. Casimiri filii Regis Polo-
niæ. 595

VI. Orationes Variæ ad B.
Virg. 665

VII. De Rosario vulgari B. V.
Instructio cum exercitiis.
609

P A R S A L T E R A, S E C T I O N I S VII,

Continens Exercitia ad bene
beateque moriendum.

C A P I. VIII.

Litanie Sanis, & Egris, Mæ-
ribundis accommodatæ
ex SS. Litteris. 628

Yy


IX. Sepa


I N D E X

- | | |
|--|--|
| <p>IX. <i>Septem Gradus ad beatam Mortem, & sive Exercitium quodiduanum Orationis Domin. pro felici morte.</i> 628</p> <p>X. <i>Exercitia pro infirmis tempore Mortis.</i> 635</p> <p>XI. <i>Protestationes saepius faciendae, & maxime ante mortem, ab eo. qui Christiane vivere, & mori desiderat.</i> 640</p> <p>XII. <i>Exercitium seu Protestatio infirmi & moribundi, u-</i></p> | <p><i>tilis etiam alias in Commu-
nione.</i> 642</p> <p>XIII. <i>De modo agendi apud infirmos & moribundos.</i> 645</p> <p>XIV. <i>Orationes & Sententiae quaedam coram moribundis, vicina jam morte frequentandae.</i> 660</p> <p>XV. <i>Orationes quaedam & verba memorabilia Sanctorum in extremis.</i> 663</p> |
|--|--|

F I N I S







Isaac Leonard Bagkin

